


---

This is a reproduction of a library book that was digitized by Google as part of an ongoing effort to preserve the information in books and make it universally accessible.

Google<sup>TM</sup> books

<https://books.google.com>




---

This is a reproduction of a library book that was digitized by Google as part of an ongoing effort to preserve the information in books and make it universally accessible.

Google<sup>TM</sup> books

<https://books.google.com>







Ex libris Bibliothecæ quam Illustrissimus  
Archiepiscopus & Prorex Lugdunensis  
Camillus de Neufville Collegio SS.  
Trinitatis Patrum Societatis J E S U  
Testamenti tabulis attribuit anno 1693.















VETERVM ALIQVOT SCRIPTORVM,


*Qui in Gallia Bibliothecis, maximè Benedictinorum latuerant,*

## SPICILEGIUM.

*Tomus tertius continet*

- |  |  |
|--|--|
| <ol style="list-style-type: none"> <li>1. TRACTATUM NICETII Episcopi<br/><i>De Vigilijs Seruorum Dei.</i></li> <li>2. EIVSDEM TRACTATUM de Bono<br/><i>Psalmodia.</i></li> <li>3. S. THEODORI STUDITÆ<br/><i>Sermonem de S. Bartholomæo Apost.</i></li> <li>4. S. ANSELMII Tractatum asceti-<br/><i>cum.</i></li> <li>5. PETRI CELLENSIS Tracta-<br/><i>tum de Disciplina Claustrali.</i></li> </ol> | <ol style="list-style-type: none"> <li>6. MISCELLANEA <i>Epistolarum.</i></li> <li>7. CHRONICON Fontinellense, <i>sive</i><br/><i>S. Vandregesili. O. B.</i></li> <li>8. APPENDICEM I. eiusdem.</li> <li>9. APPENDICEM alteram.</li> <li>10. CHRONICON Senoniense. O. B.<br/><i>Auctore Richerio Benedictino.</i></li> <li>11. HISTORIAM Vizeliacensis Mo-<br/><i>nast. O. B. Auctore Hugone Pictavino.</i></li> </ol> |
|--|--|

Prodeunt nunc primùm in lucem.

*Opera & studio DOMNI LVCE DACHERII è Congrega-  
tione S. Mauri Monachi Benedictini.*

PARISIIS,

Apud DIONYSIVM BECHET, & LVDOVICVM BILLAINE Bibliopos-  
las, sub insignia Circini aurei, & S. Augustini.

M. DC. LIX.

CVM PRIVILEGIO REGIS.





# LECTORI.



**T**ERTIVM Spicilegij Tomum editurus, paucis præfabor; ne forsan è spicilego ipse sator videri videar. Hæc igitur necessariò præmonenda, Lector, accipe.

**NICETII EPISCOPI** binos Tractatus, vnum **DE VIGILIIS SERVORVM DEI**, alterum **DE PSALMODIÆ BONO**, subministravit Sangermanensis codex MS. Cuius autem ciuitatis infulas gesserit ipse Nicetius eo in codice non reperi quidem, verùm vt Treuirensi adscribam, suadent aliquousque Epistolæ eius dux in Concilijs Galliarum ad annos 563. & 565. ab Sirmondo collocatæ; quippe cuius parem doctrinam atque animum redolent, stylumque genuinum (nam de Nicetio Lugdunensi, qui hac ipsa vixit tempestate, extat nihil quod ipsum eiusmodi Opusculorum auctorem exhibeat, innuatve.) Ad id etiam me adducunt Gregorij Turonensis elogia, queis sanctitatem Nicetij, eruditionem ac facundiam extollit, asseritque monasticis institutis à puero imbutum, atque Abbatis munere functum: proinde, opinor, tum hosce Tractatus, quò Fratres suos, quos Dei Seruos appellat, de Vigilijs, & psallendi modo

Nicetij  
Tractatus  
de Vigilijs  
Servorum  
Dei, & de  
bono Psal-  
modiæ.

â ij

institueret, protulisse. Sic autem eloquitur Gregorius Vit. Pat. cap. 17. *A studiosissimis enutritus parentibus, literis institutus, Abbati cuidam in Monasterio commendatur: in quo loco ita se deuotum exhibuit, ut migrante Abbate ipse succederet. Iam vero assumpto Abbatis officio tantum se talēque ad instructionem Fratrum exhibuit &c. Multa & alia exhortabatur Fratres, ut eos dignos Domino exhiberet ac mundos. Deinde lib. 10. hist. Franc. cap. 29. Erat tunc temporis (sc. Theodeberto Rege) apud Urbem Treuericam vir eximia sanctitatis Nicetius Episcopus non solum in predicatione admirabilis facundia, verum etiam in operibus bonis ac mirabilibus celeberrimus habebatur in plebe. Ac tandem de Glor. Confess. c. 94. Nicetius Episcopus elemosynæ, charitatis, sanctitatisque totius refulsit merito. De Nicetio Treuirensi agit quoque Fortunatus lib. 3. carm. 9. & 10. Sed Florianum præ cæteris, Nicetium his verbis alloquentem epistolā apud Duchesnium to. 1. Hist. Franc. audiamus. Benedicatur vna Trinitas Deus noster, qui vos Pontificalibus meritis Pontificali locauit in vertice, ut non beatitatem dignitas, sed beatitudo præcederet dignitatem. Nec immerito cum ab ineunte pueritia Dominicus militaueris in castris &c. Sic enim estis Deo præsule in statutis Cænobialibus eruditi, ut per mare seculi sine secularibus fluctibus inoffenso vestigio transiretis &c. Nicetium vocat Abbatem Lemouicensem Auctor historiæ Treuerorum MS. Tunc, ait, eligentes Sanctum Nicetium Episcopum statuerunt, Abbatem urbis Lemouicæ, &c.*

II.  
Sermo S.  
Theodori  
Studij de  
S. Bartho-  
lomæo A-  
postolo.

SERMONEM S. THEODORI STUDIJ de Bartholomæo Apostolo Latinum è Græco ab Anastasio Bibliothecario Aïoni Beneuentano Episcopo dictum, erui ex membranaceo quaternione Abbatiz S.

Theodorici prope Remos, præ se ferente, vt quidem conijcio, annos septingentos. Habesco in Sermone potissimum Reliquarum illius Apostoli Translationem, prius in Lypparam insulam, è Lyppara porro Beneuentum.

B. ANSELMO Cantuariensi Archiepiscopo Tractatum asceticum attribui potius coniecturâ quàm certa fide; nimirum in codicem MS. Cœnobij S. Ebrulsi varia eiusdem S. Doctoris Opuscula completentem cùm incidissem, insertus his ipsis Tractatus ille asceticus occurrit. Quod verò Opusculum istud Anselmi esse dubius ego asseram, cogit Edinerus in eius vita, cogit item Beccensis Chronologus, qui accuratè ac minutatim Anselmi scripta recensentes, Tractatus huius ascetici meminere haudquaquam. Deinde Anselmi stylum non spirat, nec genium. Sit verò Anselmi, necne, parum refert, quandoquidem eruditione ac pietate sit conditus, atque ad asceticæ vitæ institutionem aptissimus. Nec tamen dissimulandum esse puto, Tractatum illum maxima parte è Collationibus Patrû apud Cassianum fuisse ab ipsomet Anselmo, seu alio quolibet Scriptore mutuatum, collectumve: quamquam non inficior in Anselmo me nonnulla legisse quæ in hoc Tractatu reperiuntur, præcipuè cap. 2. molarum similitudinem eidem Patri familiarissimam.

Tractatum de Disciplina Claustrali Auctore Petro Cellensi, tunc S. Remigij Remensis Abbate, ac postmodum Carnotensi Præsule, mihi olim, anno videlicet 1642. edendum vltro concesserat (manu sua prius descriptum ex MS. Abbatiae Claraualensis) Nicolaus Camuzatius, cùm in viuis esset, Canonicus Ecclesiæ

III.  
S. Anselmi  
Tractatus  
asceticus.

IV.  
Tractatus  
Petri Cellensis de  
Disciplina  
Claustrali.

Trecensis. Elegantissimum sanè Opus atque eruditione refertum; non ijs tantummodò qui procul à seculi corruptela vitam agunt, sed omni viro Ecclesiastico, immo & cuilibet Christiano perutile atque ad veram pietatem plurimùm conducens, quisquis reuoluerit haud dubie iudicabit. Meminit huiusce Tractatus ipsemet Abbas R. Canonico scribens lib. 8. epist. 3. *De vase siquidem bono & optimo erexit stilus tuus verba bona, quæ me &c. prouocant, & de Claustrali Disciplina non solùm cogitare, sed & scribere exorant.* (Is est forsitan Ricardus cui suum de Disciplina Opus inscribit, aitque initio Præfationis alterius: *Amicus disciplinæ, Ricarde carissime, tanquam expertus sim illam, non semel inquietas senem elementarium, vt inde aliquo scripto tibi quod sentio decerpam.*) Epistola quoque sexta eius libri tota est de hoc Disciplinæ Tractatu: *Vnum quaternionem, inquit, iam impleueram de Disciplina Claustrali, & mittere per præsentium latorem plurimùm festinabam, sed dissuasum est ab amicis, ne Opus imperfectum amico mittere propter rapaces curiosorum manus & oculos &c.* Illa ætate apud Episcopos tantæ erat authoritatis Petrus Abbas, vt eius Sermones sæpiùs expeterent, quò sibi commissis populis cibum æternæ salutis porrigerent: atque inter alios Theobaldus Parisiensis; ad quem sic idem Petrus lib. 1. epist. 21. *Sermones de Aduentu Redemptoris vt componerem vobis in mandato acceperam, sed malitiæ sollicitudinis suæ etiam raritatem lucis adiunxit, &c.* Finem autem imponens epistolæ hæc effatur: *Tres Sermones de Aduentu Domini, & vnum de Natiuitate orditus sum vobis.*

V.  
Miscellanea  
Epistolaram.

IN MISCELLANEIS EPISTOLARVM non-nihil velim, Lector, aduertas. Numero Epistolæ cui-

que in margine affixo annum, quo vel floruere Auctores, vel maximè quo scripsere, à me scias indicatum.

Occurrit primo loco, FACUNDI HERMIANENSIS *Epistola fidei Catholica in defensione trium Capitulorum*, quam ex apographo, quod penes me est, eadere in lucem nunc primum edidi, ut segregum audaciam comprimerem, retunderem peruicaciam, & vanissimos plausus coërcerem. Simul enim atque publici iuris Opera Facundi fecisset Iacobus Sirmondus, homines illi tanquam Supremi Senatus decretum Catholicis obtruserunt obscura verba Libri 9. cap. vltimo sub med. quibus suadere tentarunt, panis ac vini substantiam in Christi corpus & sanguinem transmutari dum sacrum altaris mysterium peragitur, nusquam tenuisse Facundum:

Facundi  
Epistola.

Etenim si quod pugnacissimè tuentur heterodoxi senserit Facundus, ac proinde dogma Catholicum abiurarit, hoc ipso quasi mucrone lethaliter potius iugulant sese, quàm labem aliquam afferant Ecclesiæ aut detrimentum. Docet siquidem Hilarius initio Canonis 5. in Matth. agens de Tertuliano, explodendam prorsus schismatici, hæreticive auctoritatem: *Quantum*, infert, & *Tertuliani volumen hinc aptissimum scripsit* ( Librum scilicet de Oratione dum in Ecclesiæ unitate viueret compositum ) *sed consequens error hominis detraxit scriptis probabilibus auctoritatem*. Docet quoque Augustinus epist. 19. cap. 3. Hieronymo respondens, qui suam de mendacio officioso sententiam, & sensu Galat. 2. c. septem Auctorum testimonio firmauerat: *Cum sint sex, vel septem, horum quatuor Auctoritatem tu quoque infringis: nam & Laodiceum, cuius nomen taces, de Eccle-*

*sia dictu nuper egressum; Alexandrum autem veterem hæreticum: Origenem verò ac Dydimum reprehensos abste, lego in recentioribus Opusculis tuis. Docet postremò Vincen-  
tius Lirinensis in Commonitorio c. 39. Eorum duntaxat  
Patrum sententia conferenda sunt qui in fide & communione  
Catholica sanctè, sapienter, & constanter viuentes, docen-  
tes, & permanentes, vel mori in Christo fideliter, vel occidi  
pro Christo feliciter meruerunt &c.*

Facundum porrò à communione Catholicorum  
desciuisse, atque in schismate permansisse, occubuisse-  
que, ex illa quam publicamus epistola patet euidentissi-  
mè; vbi Pontifices Romanos, aliòsque, qui suum præ-  
buerant assensum abrogationi ac damnationi trium  
Capitulorum actæ in V. Synodo, suggillat ad hunc mo-  
dum infra pag. 107. sub med. *Sentiant se ab ea præcisos,  
cuius decreta, quantum in ipsis est conuellent, hæreticorum  
se cateruis fauendo eorum votis pertinaciter aggregarunt. Si-  
quidem ab Acephalis hæreticis, id est Semi-Eutychianis,  
exquisita & illicita Capitulorum damnatio; & Vigilij atque  
Pelagij Romanorum præuaricatorum, & Primasii Byzaceni  
præcipui doctoris Acephalorum edita contra Ecclesiam scri-  
pta protestantur. Quæ cum ita sint, quomodò iam & illud  
eis poterit constare, quod dicunt vnam se cum damnantibus  
fidem tenere? Cum nos in vno Domino IESU Christo Dei  
& hominis Filio, duarum naturarum proprietatem in vni-  
tate personæ consiteamur, quod Catholica semper custodit &  
docet Ecclesia. Isti autem parendo Acephalis, & in scripto  
dicentes: Anathematizamus impiam Epistolam Iba, quam  
ad Marim Persam scripsit, cum his qui vindicant eam, &  
rectam esse dicunt, vel partem eius; omnem proculdubio ana-  
thematizasse probantur Ecclesiam, quæ eam vindicauit &  
vindicat*



vindicat, rectamque esse dixit, & dicit. Post aliquanta  
 asserit eos qui damnationi trium Capitulorum assense-  
 runt, *Violasse pactum initum cum Deo, & fidem perdi-*  
*disse.* Item aduersatos fuisse falsò putat Symboli arti-  
 culo, *Inde venturus est iudicare viuos & mortuos.* En cer-  
 tè, inquit, in hoc nunc omnis consistit quæstio, de viuorum  
 mortuorumque iudicio, quod contra nullam aliquando hæ-  
 resim vt illud de equalitate Patris & filij contra Arium,  
 vel de omnipotentia Spiritus sancti in Constantinopolitano  
 contra Macedonium in Symbolo est additum, à nulla vn-  
 quam heresi, nisi ab hac nouissimis temporibus velut ex  
 compacta omnium hæreticorum fece exorta, violatum est,  
 per damnationem videlicet viuorum mortuorumque &c.  
 quæ breuitati consulens prætermitto. Deinde ait eos  
 Patrem Diabolum habere. Postea condemnationem  
 trium Capitulorum Sacrilegium appellat; ac multis in-  
 teriectis subiicit: *Quæ dementia corda eorum inuasit,*  
*aculosque eorum fumosa sua vanitas, velut densarum pal-*  
*pabiliūque tenebrarum opaca nox obcecavit, vt non vide-*  
*rent, nec perseveranter tenerent quod in Symbolo quando*  
*baptizati sunt, acceperunt?* sed pro libitu suo, modò munerib-  
 us corrupti, modò honoribus & ambitionibus inlecti, modò  
 etiam peregrina, siue potius serpentina versutia doctrina cir-  
 cumducti, ventoque superbie afflati & inflati contra Deum  
 superbie cristas crexerunt præripiendo iudicium eius, &c.  
 criminaturque eos tanquam superbiores & excellentiores  
 audaciâ Diabolo, Antichristo quoque deteriores; neque  
 proinde Christiano nomine censendos, immò appellandos  
 Antichristi ministros, modisque omnibus fugiendos. Hære-  
 ticos non semel pronunciat, hæreticos nouellos, quos  
 Nouatiano comparat. Ac tandem: *Quomodo ergo qui*



*hereticis communicant, hæresis crimine teneri negabuntur? Aut qua fronte Catholicæ communicare sibi videntur? &c. Damna te errorem quem induxisti, auferte damnationis malum quod intulisti, per quod & heretici facti, & hereticorum fautores extitisti.*

Sat superque, ni fallor, ex edita à me Epistola probatum est, Facundum, cum tam impudenter, atque ore maledico, tot calumnijs, totque iniurijs viros probatæ virtutis, fidei defensores, ac de Ecclesia optimè meritos appetierit, seipsum schismatis reum prodidisse, & in eo præfractum ad mortem usque persecuisse: atque adeo vides, Lector, cuius sit habendus nominis ac auctoritatis Facundus ipse; & quam petulanter eo duce A catholicis de augustissimo Eucharistiæ Sacramento dogmata à Christo ad nos usque per Apostolos ac Patres orthodoxos deducta pessundare, prorsusque subvertere incassum laborent.

Iusti Orgel-  
itani.

In duas Iusti Orgelitani epistolas reuoluendo codicem MS. Bibliothecæ Corbeiensis incidi; vnâ prelo subieci, alteram reperi quidem in Orthodoxographia, atque in priori Bibliothecæ Patrum editione, Commentario eiusdem Auctoris super Cantica Cantic præfixam, sed oscitanter in posterioribus omnibus prætermittam: quo velim, Lector, aduertat pluteos Bibliothecarum antiquis editionibus haud superflue aliquando & inaniter onerari.

Anselmi  
Cantuar.

Epistola B. Anselmi ad Lanfrancum, Menologio eius præponenda, ideò hîc à me inserta est, quòd characteres propè oblitterati interitum minarentur.

Theobaldi  
Stampensis.

Denique his, quas diuulgo, Epistolis Theobaldi Stampensis facile confutatur Pitseus, qui agens de Scriptoribus Angliæ Theobaldum & seculo XIII. in vi-



uisextitisse, & purpuram Cardinalitiam Romæ induisse perperam scribit : quippe Theobaldum ex epistola ad Roscelinum Anselmi Cantuar. & Iuonis Carnot. ætate floruisse certo certius est : Leges epistolas, Anselmi quidem lib. 2. 41. Iuonis autem 7. ubi Roscelinus hæreseos infimulatur. Innuat quoque Faricius Abdendon. Abbas ( Anselmo Cœlitibus adscripto ) à Rege exoptatus\*, Stampensem sibi æqualem fuisse. Porro de Cardinalitia illius dignitate sic nutabundus effatur Ciacconius in Nicolao I V. *Theobaldus Stampensis Anglus, de cuius Cardinalatu addubito, quicquid dicat Auctor* (Pitæus) *Catalogi Scriptorum Angliæ.*

\* *Henricus de Knyghtr inter Scriptorum hist. Ang.*

Triplex Chronicon, quod manu propria Andree Duchesne orbis Gallici olim syderis splendidissimi descriptum edo, V. C. Francisci eius filij eruditissimi beneficio singulari debeo, debebuntque quotquot illo usuri sunt viri literati.

Chronicon Fontinellensis, nunc S. Vandregesili, Abbatiae in Normania sitæ, diœcesis Rotomagensis, ad vestutissimum eiusdem Monasterij apographum ante annos sexcentos exaratum contuli ; At verò quod initio est procemij loco assutum, scilicet *Commemoratio Genealogia Arnulfi, &c.* Chronologi huius minimè esse arbitror ; sed eo iuniorem quempiam edidisse conjicio : quippe quæ ad annum Verbi incarnati DCCC. LXXXV. progreditur ; Chronici verò parens in Angigisi gestis definit, quem Ludouico Pio imperante Abbatiae pedum gestasse constat. Insuper, si utriusque vnus idemque conscriptor fuerit, ut quid amabo proximè post in ipso primi capitis limine S. Vandregesili genealogiæ seriem retexeret ? censendus foret memoriz

*Chronicon Fontinellense.*

labilis quammaximè. Atat Auctor ipse, opinor, non obscure suam prodit ætatem pag. 221. in Wandone Abbate qui obiit an. 756. his verbis: *Testantur plurimi qui illum viderunt, idèd non necesse estimo omnia de eo inferere, &c.* paginâ item 222. *Nam Bortgaudus Monachus, qui eum (Wandonem) sepultura tradidit, referre erat solitus, dum eum in sarcophago posuisset &c.* pag. 226. *Hæc de eo (Austrulpho Abbate) narrare erat solitus kōnæ recordationis Hardoinus Cellæ S. Saturnini Mart. Presbyter, qui sub eius tempore hoc in Canobio clericatus suscepit habitum &c.* pagina denique 233. *Interea defuncto Magno Carolo Imperatore Augusto diuæ memoriæ, Ludovicus eius filius in Imperium eleuatur.* Duo verba, *diuæ memoriæ*, subindicant Auctorem eâ scripsisse tempestate. In summa, arbitror illum, quàm Ansigisus ab humanis esset exemptus paulò post vita functum, hoc est, anno plùs minùs DCCCXXXIV. quo finem suo imposuit Operi: siquidem Appendicis primæ Scriptor non nihil actuum Fulconis Abbatis attingens, anno DCCCXXXV. regimen eum suscepisse Monasterij Fontanellæ asserit proximè post Iosephum Ansegisi successorem, qui Abbatia per menses tantummodò septem potitus est. Hactenus de Auctoris atate.

Præterea obseruandum moneo illo in Chronico prætermissa quorundam Abbatum gesta, vel quòd exciderint, vel quòd nihil dignum memoria ab his actū, seu alijs motus Auctor rationibus ea silentio premenda putauerit. Fragmentum equidem gestorum Lamberti Archimandriæ, post Lugdunensis Archiepiscopi sanctitate conspicui, in calce codicis præfati Fontinellensis reperi, sed mutilum, vt pote folium vnum aut alte-

rum è codice fuit auulsum, exesúmve à blattis. Pro-  
 cœmium illud, cuius titulus, *Commemoratio genealogiæ*  
*Arnulfi &c.* necnon, *Constitutionem Ansegisi Abbatis*  
 in fine Chronici subiectam haudquaquam complecti-  
 tur vetus MS. Fontinellæ, Chronicon duntaxat habet  
 vnà cum vitis Vandregesili, ac præcipuorū illius Asce-  
 terij Archimandritarum fide & moribus sanctissimo-  
 rum. Procœmij suppetias iuit Duchesnij apographum,  
 atque libellus manu antiqua exaratus Fontinellenfis  
 Cœnobij vitam continens B. Vandregesili, ac partem  
 Miraculorum S. Wlfranni. Forent & alia, fateor, ani-  
 maduertenda, verùm cùm nō nesciam è nostris quendā  
 elucidando, quo de agimus, Chronico, atque cruen-  
 dis Fontinellæ monumentis multùm diūque à sex-  
 ennio insudasse, vt adhæc vsque tempora eiusce Mo-  
 nasterij historiam perducatur concinnētque, ne mes-  
 sem in alienam inferre falcem videar, manum conti-  
 nere & calamum interim iudicaui. Verbo dicam, pa-  
 rachronismos, nœuósque si quando, Lector, offende-  
 ris, vbi præsertim Regum Francorum anni cum Repa-  
 ratæ Salutis comparantur, non ignobile Opus idèò  
 abiiciendum, immò verò tum ob antiquitatem, tum  
 etiam ob styli grauitatem, tum maximè præclaras ob  
 res posteritati conscriptas, plurimi abs te faciendum  
 censeo.

*Initium hu-  
 ius Procœmij  
 to 5. p. 2.  
 Antiq. leſſ.  
 inseruit  
 Henric. Ca-  
 nisius.*

Subiectam, quam vides, duplicem Appendicem  
 præstitit Fontinellæ MS. alteram perbreuem, sed eis-  
 dem quibus & Chronicon characteribus, atque à  
 synchrono vel suppari Monacho scriptam: prolixiorē  
 alteram: videlicet pericope est è libro excisa Miraculo-  
 rum in trāllatione corporis S. Wlfranni diuinitus patra-

torum ; quæ haud ineleganter retulit testis oculatus antequam Normanni Duce Guilelmo Insulas Britannicas armis quærerent , subiugarent , nempe annum circiter MXL. Vitam protraxisse ad annum M L I I I. ipsemet indigitat evidentissimè , dum pag. 268. Gradulfi Abbatis excessum è vita mortali edisserit : *Obijt autem, inquit , Anno ab Incarnatione Domini MXLVII. Huic successit frater illius pro carnis origine, nomine Robertus, anno fermè XII. Wilhelmi Comitis &c. atque nunc usque sub cælestis Regis imperio Monarchiam regni pro arbitrio potenter disponit, &c.*

Idcirco autem periscopen hanc erui, quòd Abbates aliquot Fontanellenses, & quæ patriam dilucidant historiam notatu digna recenscat.

Postremò, vt sincerè dicam quod sentio, Asceteriũ Fontanellense seminarium fuit sanctissimorum Episcoporum. Vidit sibi præsidentem, ac mira perpetrantem non semel Rotomagensis Ecclesia, Vidit Remensis, Senonensis, Lugdunensis, vidit Apostolum Frisia, vidit demum infulis suis redimitum diuersis in Ciuitatibus Gallicana Ecclesia Monachum Fontanellensem : notiora sunt quæ refero, quàm in illis sigillatim vt immorer recensendis : nihil etenim frequentius Martyrologia vti Fontanellæ nomen, nihil augustius commemorant.

Chronicon  
Senoniense.

CHRONICI SENONIENSIS fronti Auctor Richerius inscribitur, quod & videre est in Præfatione : *Ego Frater Richerius Monachus Senoniensis &c.* pagina 272. Quòd emendatiùs Chronicon in publicum prodiret, apographum annos præ se ferens sexaginta, cum archetypo studiosè collatum, perhumaniter ad me

transmisit R.P. Alexander de Lescale eiusdem Asce-  
terij Prior.

Stylo rudi quidem Chronicon texuit Auctor, ac dubia, non identidem sed rarò, pro certis, & quæ ex solo vulgi rumore didicerat, immiscuit; at quem seculi barbaries & simplicitas excusat. Quas verò per se tractauit, perspexit oculis, ijs rebus fidem adhibendam inficias, reor, ibit nemo. Quin & anterioris æui acta ipse referens, quam subinde religiosus extiterit, qui nonnulla mauult premere silentio, quàm incerta aut excogitata intexere, ingenuè profitetur in Præfatione: *Licet imperito stylo & inculto sermone ea quæ in quibusdam scriptis adnotatis de fundatione huius Senonensis Abbatia &c. reperire potui, licet perpauca sint, relatu digna, & ea quæ proprijs oculis vidi, & auditu audiuimus & circumiacentium Ecclesiarum fundationes, & Constructorum nomina & dignitates, quibusque Regibus vel Imperatoribus claruerint, huic membranae adnotare & inserere studui.* Initio libri 2. *Quia verò de B. Gundelberti successoribus, vel ipsorum actibus pauca vel nulla ad scribendum inuenire potui, exceptis tantum nominibus, nihil de meo addere præsumpsi, ne rumororum inciperem nouus auctor haberi.* Ibidem paucis interiectis: *De quo (Magneramno Abbate) quia nihil plus inueni, nihil scribere possum.* Lib. 4. c. 20. *De Henrico huius loci Abbate quia nostris temporibus oculata fide actus ipsius & vidimus & cognouimus huic paginae adnotare non pigebit.* Quâ porrò Richerius vixerit tempestate signat ipse his verbis in lib. 3. pag. 358. *Ego quidem tunc temporis (Friderico Alemannorum Rege, Theobaldo Duce Lotharingæ) ab Abbate Henrico Senoniensi ad ipsum Ducem Lotharingæ missus*

*sum, eo quòd Philippus Dominus de Gillibertiniillare &c.*  
 Et post pauca Synodum Lateranensem an. MCCXV.  
 celebratam Innocentio III. Pontifice Romano præ-  
 sidente describit. Ipsum tandem ad annum peruenisse  
 MCCL. & vltra, coniectare licet ex ijs quæ narrantur  
 in cap. 4. ac consequentibus libri quinti.

Historia  
 Vizeliacen-  
 sis.

Vide pag.  
 554.

Quadriennium iam effluxit quo refugiebat animus  
 Historiam Vizeliacensis Monasterij amplissimis hiati-  
 bus fœdata: publicum proferre: spes enim erat il-  
 lius integræ aliquando è ruderibus, antrîsve Monaste-  
 riorum, vbi fortean adhuc in puluere & situ cum tineis  
 deluctatur, eruendæ: Verùm crebris amicorum horta-  
 tionibus interpellatus, suasionibus impulsus, ne à  
 me repulsam paterentur, cessi tandem eorum votis  
 (viri enim sunt inter Literatos eruditione iuxta ac pie-  
 tate præcipui) atque historiam quamuis lacunis dehi-  
 scentem, vetustis tamen nobilitatam monumentis, do-  
 ctæque ac eleganter conscriptam, noluidiutiùs tenebris  
 obuolui, immò luci, vt pote vtilitati literariæ profutu-  
 ram libens exposui.

Historiam placuit auctori Hugoni Pictauino qua-  
 dripartitam proponere. In priori parte Conditorum  
 tabulas, Romanæ Urbis literas, diplomata Regum,  
 atque alia id genus rescripta, tanquam eorum quæ erat  
 in medium producturus fundamenta subiecit. De-  
 pingit in altera Episcopum Eduensensem quâ fas quâ ne-  
 fas libertates Ecclesiæ Vizeliacensis infringere, ac iura  
 soli Romano Pontifici competentia vsurpare conantē.  
 In tertia demum & quarta luctuosas prodit tragœdias  
 à Comitibus Niuernensium peractas, qui incurfio-  
 nibus ac direptione per se, perque suos non semel in  
 Mona-



Monasterium Vizeliacense, vniuersumque eius dominium, ut illud ditioni suæ adiungerent, grassati sunt, barbarorum more Monachos expulerunt, Oppidanos à legibus & subiectione Abbatis eorum Domini aperta vi subtraxerunt. Auctor ipse nihilominus victorias ab Abbate & Monachis, non tamen sine ingenti labore ac dispendio rei familiaris, tum de Episcopo, tum etiam de Niuernensibus, afflante diuino Spiritu, Pontificibus Romanis iuuantibus, fauente in primis Rege Ludouico septimo, reportatas describere non omittit. Interferit etiam insigniora sui temporis, quæ Ciuilem, Ecclesiasticamque historiam admodum illustrant.


Quonam anno cucullum Vizeliacenses vestibus Canonorum assumptis abdicauerint, videtis in Observationibus ad Guiberti de Nouigento Opera, pag. 6, 8.

Cæterum, labes quasdam & lapsus cur minimè absterferim, anxie forsitan sciscitabitur non nemo rei antiquæ non fat peritus. Næ id à me religiosè semper obseruatum pura atque integra veteris æui scripta vulgare, cum præsertim ea haud indoctis, at in illis apprimè versatis Lectoribus offerre mens fuerit, qui ex oppositis eiusmodi hallucinationibus ipsammet veritatem solerter aliquando expromere, vel sanè falsum à vero, certumque à dubio secernere, quidve expungendum, quid admittendum dijudicare norunt. Attamen quæ mihi videntur obscuriora, quæque Lectorem latere conijcio, annotatiunculis identidem marginalibus explico, aut certè quæ accuratiùs ac prolixius exploranda sunt, in Præfationibus dilucidare co-

nor. Si quid præterea erratum deprehenderis, Lector, ( quod futurum non inficio, diligentiam licet omnem adhibuerim ) haud incuriæ meæ, sed Typographorum inscitæ & oscitantæ velim ascribas, & condones.

Ad extremum nonnulla ex ijs, quæ hoc in spicilegio promo, W. CC. Henrico atque Hadriano Valesijs fratribus, quos scripta singulari ac recondita, quâ pol-  
lent, eruditione referta literarium per orbem longè la-  
téque diuulgarunt, houeris Lector, accepta me refer-  
re: aliorum verò, qui nonnihil contulere, nomina in  
Elencho infra posito cum laude indicare haud præ-  
termitto.





# E L E N C H V S

## C O N T E N T O R V M I N T O M O T E R T I O

### S P I C I L E G I I.

- T** Ractatus NICETII Episcopi (f. Treurenensis) de Vigilijs San-  
 uorum Dei. pag. 1  
 Idem De Bono Psalmidiz. 7
- Sermo S. THEODORI Studitz de S. Bartholomæo Apostolo, inter-  
 prete ANASTASIO Bibliothecario; vbi de translationibus corpo-  
 ris eiusdem Apostoli in Liparam insulam, atque è Lipara Be-  
 neuentum. 13
- S. ANSELMII Cantuariens. Archiepiscopi Tractatus asceticus. 24
- PETRI CELLENSIS Tractatus prolixus de Disciplina Clausurali. 42
- MISCELLANEA EPISTOLARVM. pag. 106
- SYLLABVS EPISTOLARVM.
- Annum Christi, quo vivebant Scriptores, prior numerus, alter Epistolarum  
 ordinem, paginam tertium designat.*
- DXLV. 1. Epistola Facundi Hermianensis Episcopi in defensione trium Capi-  
 tulum. 106  
*Ex MS. museoli nostri.*
- DXXXV. 2. Iusti Episcopi Orgelirani ad Sirgam Papam. 119  
*Ex MS. Corbeia antiqua. O. B.*
- MLXXX- 3. S. Anselmi ad Lanfrancum Cantuar. Archiep. 121  
 VIII. *Ex MS. Becensis Abbatia. O. B.*
- MXCIII. 4. Raimundi Gallæciæ & Henrici Portugalliæ Comitum, Hugoni Ab-  
 bati Cluniacensi. 122  
*Ex MS. Abbatia Cluniacensis.*
- MXCIY. 5. Urbani Papæ II. Priuilegium pro Attrebatensi Ecclesia, seu de re-  
 stituto ipsi Episcopo. 123  
*Ex MS. Corbeia. O. B.*
- MCI. 6. Paschalis Papæ II. Daymberto Archiep. Senonensi. 126  
*Ex MS. S. Florentij Salmurienfis. O. B.*
- MCII. 7. Eiusdem ad Lambertum Episcopum Attrebat. quâ restitutum Epif-  
 copum confirmat, munitque priuilegijs. 126  
*Ex MS. Corbeia. O. B.*
- MCIV. 8. Canonorum Ecclesiæ Parisiensis Paschali PP. II. 128  
*Ex MS. S. Florentij Salmurienfis.*
- MCIV. 9. Paschalis Papæ II. ad Archiepiscopos & Episcopos Prouinciarum  
 Remens. Senonensis, æ Turonens. vsq. Philippum Regem, & eius pel-  
 i ij

	licem à vinculo excommunicationis absoluant.	128
	<i>Ex MS. Corbeia. O. B.</i>	
	Iuramentum, seu Confessio Philippi Regis.	129
	<i>Ex eodem MS.</i>	
MCV.	10. Paschalis PP. II. Daymberto Archiepiscopo Senon.	130
	<i>Ex MS. S. Florentij Salmurienfis.</i>	
MCVII.	11. Eiusdem de Legatione S. A. data Girardo Engolism. Episcopo.	131
	<i>Ex MS. S. Albini Andegauensis.</i>	
MCX.	12. Eiusdem Guidoni Archiepiscopo Viennensi.	132
	<i>Ex MS. S. Florentij Salmur.</i>	
MCVIII.	13. Theobaldi Stampensis ad Episcopum Lincolniensem, de quibusdam in diuina paginatitubantibus.	132
	14. Eiusdem Faricio Habendonensi Abbati.	137
	15. Eiusdem ad Margaritam Reginam.	139
	16. Eiusdem ad Philippum amicum.	140
	17. Eiusdem ad Roscelinum Clericum Compendiensem, quem peruersè sentientem de Ecclesiasticis dogmatibus confutat.	142
	<i>Ex MS. Beccensis Abbatia. O. B.</i>	
MCXXI.	18. Callisti Papæ II. Ludouico VI. Francorum Regi.	146
	19. Ludouici VI. Regis Frac. Callisto Papæ 2. quâ cõqueritur de Archiep. Lugdunensi, qui usurpare tentabat Primatû Senonensis Ecclesiæ.	147
MCXXIV.	20. Calisti II. PP. Gaufrido Carnot Episc. Ioâni Aurel. Steph. Paris.	149
MCXXV.	21. Honorij Papæ I I. Canonici Ecclesiæ Turonens.	149
MCXXVII.	22. Eiusdem Ludouico VI. Franc. Regi.	150
MCXXX.	23. Ludouici VI. R. F. Legato Sedis Apostol.	151
	<i>Ex MS. S. Florentij Salmur.</i>	
MCXXX.	24. Cleri Rotomagens. ad Honorium I I. Summum Pontif. pro electione Hugonis in Archiep.	151
	<i>Ex MS. S. Germani Paris.</i>	
MCXXX.	25. Innocentij Papæ I I. Ludouico VI. R. F.	152
II.	26. Archembaldi Ecclesiæ Aurel. Subdecani Hérico Archiep. Senon.	153
	27. Gaufridi Episcopi Carnot. Henrico Archiep. Senon.	154
	28. Innocentij PP. I I. Gaufrido Carnot. & Stephano Paris.	154
	29. Eiusdem Stephano Episc. Paris.	155
	30. Stephani Episc. Paris. Henrico Archiep. Senon.	155
	31. Eiusdem Legato S. A.	157
	32. Henrici Archiep. Senon. Stephano Episc. Paris.	158
	33. Stephani Paris. ad Henricum Senonens.	159
	34. Gaufridi Episcopi Carnot. Stephano Episc. Paris.	160
	35. Abbatum, & Clericorum Parisiensium Innocentio pp. 2.	161
	36. Stephano Episc. Paris.	162
	37. Eidem.	163
	38. Gaufridi Episcopi Carnot. ad eundem Stephanum.	163
	39. Eiusdem Stephano Episc. Paris.	164
	40. Stephani Episc. Paris. de Mattheode Montemorenciaco.	165

*Ex MS. S. Florentij Salmur.*

41. S. Bernardi Goffrido Abbati S. Medardi Sueffion. 165  
 42. Eiusdem Rainaldo Abbati. 166  
 43. Eiusdem ad Papam Innocentium pro Arnulfo Lexouienſi Epifcopo electo. 167

*Ex MS. Corbeia. O. B.*

- MCCIV. 44. Fundatio Monasterij B. MARIA de Sylua-regali diœcef. Arelat. Ord. Cist. 168

*Ex MS. Vallis-magna. O. Cist.*

- MCCV. 45. Stephani Archiepifcopi Cantuar. Ioanni Anglorum Regi. 170  
 46. Ioannis Regis Angl. Stephano Cant. Archiep. 170

*Ex MS. Cisterciens. Abbatia ab erudito Iacobo de Lannoy eiusdem Cœnobij Monacho Presbytero descripta.*

- MCCXX 47. Gregorij Papæ IX. ad Archiepisc. Arelat. & Episc. Arausicanũ. 171  
 X. 48. Ad Petrum de Collemedio S. A. Legato. 172  
 49. Eidem Petro. 173  
 MCCXX. 50. Ad Comitem Tholosanum. 174  
 XII. 51. Ad eundem de Monacho Conchenſi crudeliter interfecto. 174  
 52. Abbatis ac Conuentus Conchenſis Raymundo Comiti Tolosano. 175  
 MCCXX. 53. Gregorij pp. IX. Epifcopo Tornacenſi. 176  
 XII. 54. Ad Ludouicum Regem Francorum. Rationes reddit cur Comitatum Venascenum detineat. 177  
 55. Ad Reginam Franc. 179  
 56. Ad Comitem Tolosanum. Ibidem.  
 57. Epifcopo Tornacenſi. 180  
 MCCXX. 58. Ad Comitem Tolosanum. Confirmat institutam ab Legato Apostolico Academiam Tolos. eiusque Statuta. 181  
 XIII. 59. Ad Archiep. & Epifcopos in Prouincia constitutos. 183  
 MCCXX. XIV. 60. Comiti Tolosano, cur terram Venascensem non restituerit. 183

*Ex MS. V. C. Antonij de Vion Domini d' Heronual.*

CHRONICON, seu Gesta Abbatum Monasterij Fontinellenſis, nunc S. Vandregesili, diœceſis Rotomagenſis. O. B. Auctoſ ſcribebat ante octingentos annos. 185

APPENDIX I. eiusdem Chronici Auctore ſuppari. 248

APPENDIX altera ab Auctore ſcripta priuſquam Guilelmus Norman- niæ Dux Angliam ſuit adeptus. 248

CHRONICON Senoniensis Abbatia in Voſago diœceſis Tullenſis, O. B. Auctore Richerio eiusdem Monasterij Monacho Benediſtino: ab ipſa fundacione ad annum circiter. 1250. 271

HISTORIA Vizeliacenſis Monasterij Ordinis S. Benediſti, iuri ſolius Romani Pontificis ſubditi: quam Hugo Piſtauinus, Guilelmi Abbatis Vizeliæ. Notarius, ſcribere aggreſſus eſt an. 1156. eaq; an. 1167. abſoluit.

Côtiner Teſtamentum Gerardi Comitis de Roſſilone, ſeu Tabulâ fundacionis, literas Pontificias, Regum Diplomata &c. necnon Fundatione Abbatiæ Pultariæ eodem Gerardo conditore. pag. 446. & ſeqq.

---

## SVMM A PRIVILEGII.

**L**UDOVICI XIV. Galliae & Navarræ Regis auctoritate sancitum est: ne quis in Regno suo, aliisque locis suæ ditioni subjectis, Librū cui titulus: *Veterum aliquot Scriptorum, qui in Gallia Bibliothecis, maximè Benedictinorum latuerant, SPICILEGIUM. Videlicet, NICETII Episcopi Tractatus duos de Vigilijs Servorum Dei, & de Bono Psalmodia: THEODORI STDITÆ Sermonem de S. Bartholomæo &c. PETRI CELLENSIS Tractatum de Disciplina Clausurali: MISCELLANEA Epistolarum: CHRONICA, Fontinellense, & Senonense: Historiam Vizeliacensem: & alia in Diplomate contenta, absque D. Lucæ Dacherij consensu, aut eorum quibus permiserit, intra viginti annos imprimat aut diuendat. Si quis secus fecerit, multa indicta, prout ampliùs in ipso Diplomate continetur. Lutetiæ Parisiorum 19. Iunij 1654.*

*Sic Signatum,*

De Mandato Regis.  
LE COQ.

*Concessio indulti Privilegij.*

**P**Ræfatus Lucas Dacherius concessit Dionysio Bechet, & Ludouico Billaine Bibliopolis Parisiensibus, vti indulto Privilegio. Parisijs in Abbatia S. Germani à Pratis die 1. Februarij 1658.

*Sic Signatum,*

F. LUCAS DACHERY.



# TRACTATUS NICETII EPISCOPI

*DE VIGILIIS SERVORVM DEI.*

## CAPVT I.

**B**ONA, & digna, & sancta res, & apta prorsus, Nox necessaria ad requiem. satisque conueniens de sanctis Vigilijs nunc dicere, & conferre sermonem, quando ipsa lubricatio geritur à sollicitis & religiosis: nox cœca est, & necessaria caligo corporibus, quæ non solum homines, sed etiam in somno detinet animantes, vt reparatis viribus per soporem, possint diurnos labores sustinere vigilantes. Bonus Deus, qui ita prospexit, ita constituit, vt homo exiturus ad opus suum, & ad operationem suam vsque ad vesperam, haberet vicarium tempus, in quo à laboribus duris, & multa fatigatione requiesceret. Ergo diem ad opus, noctem fecit ad requiem, & pro hoc, sicut pro omnibus, gratias debemus agere illi qui præstitit. Dies ad opus. Nouimus autem multos hominum, vt aut maioribus suis placeant, aut sibi aliquid peculiariter prosint, noctis particulam ad aliquod opusculum segregare, & id pro lucro ducere, quod furati de sopore suo operari potuerunt. Quod si in carnalibus instrumentis, id est, victui ac vestitui necessariis, qui vigilant non reprehenduntur, immò laudantur, quantò magis nos qui sacras Vigilijs, tam spirituali opere fructuosas,

A

orationibus scilicet, hymnis, lectionibus fecundas, obseruare, & amare debemus, vt à Domino Deo mercedem recipiamus?

## CAPVT II.

Contra Vi-  
giliarum  
vituperatores.

**E**QV IDEM sunt homines qui ista reprehendunt, sed à fide Catholica & Religione alieni sunt. Sed non est mirum. Quòmodò enim impiis & profanis religiosa placere possunt? Quibus si placerent, nostri essent, quod sumus vtique Christiani. Si verò nostri sunt quos Vigiliarum sanctarum salutifer actus offendit, vt nihil de his deterius suspicer, aut pigri sunt, aut somniculosi, aut senes sunt, aut infirmi. Si pigri sunt, erubescant; quia illis insonant Prouerbia Salomonis: *Vade ad formicam, ó piger; & amulare vias eius.* Si somniculosi sunt, expergiscantur Scriptura proclamante: *O piger quousque dormis? Quando autem de somno surgis? Modicum quidem dormis, modicum sedes, modicum autem dormitas, pusillum autem manibus amplecteris pectus.* Deinde, *superueniet tibi tanquam viator paupertas, inopia autem sicut bonus cursor:* Si autem senes sunt, quis eos compellit vt vigilent? quamquam & non compulsi vigilare debent pro ipsa ætate sua, & Dominum Deum instantius orare. Vigilare itaque debent sedentes, si stare non prævalent. Si verò infirmi sunt membris, quod ipsi facere non possunt, non reprehendant: Imò secundum Prophetam rigent lacrymis stratum suum, & dicant: *sic memor fui tui super stratum meum.* Commendent etiam vigilantibus, vt eos suis precibus adiuuent, quòd adiuti à Domino super lectum doloris sui canere quandòque mereantur, dicentes: *In matutinis meditabor in te, Domine, quia factus es adiutor meus.* Alioquin stultum, & satis extraneum est à religione, vt quia ipsi currere non valemus, bene currentibus derogemus; quia etsi non possumus, debemus non inuidere, sed congratulari potentibus. Sicut enim qui consentit maliciæ, particeps est poenæ, sic participatio gloriæ speranda est de consensione bonitatis: Alios enim coronat affectus, alios voluntas pia lætificat.

Nec sanè onerosum vel difficile videri debet etiam delicatis vel infirmis corporibus in septimana duarum noctium,



id est Sabbati, atque Dominicæ, portionem aliquam Dei ministerio deputare : ista enim quasi purificatio est dierum quinque vel noctium, quibus stupore carnali ingrauescimus, aut mundanis actibus obsessi lætamur. Nec erubescat aliquis in bono studio sanctitatis, quia non erubescunt improbi in perpetrando opere foeditatis. Merito ergo scriptura in Prouerbijs *Eccli. 4. 24.* dicit : *Est confusio qua adducit peccatum.* In bono enim opere confundi, peccatum est, sicut in malefaciendo non confundi pernicies est. Si sancti estis, amate vigilias, vt thesaurum vestrum vigilando custodientes ipsi in sanctitate seruemini. Si peccatores estis, magis currite, vt vigilantes, & Deum orantes, purgemini ; vt tundentes pectora frequentius clametis ad Dominum ex toto corde dicentes : *Ab occultis meis munda me Domine, & ab alienis parce sermo tuo.* Qui enim ab occultis desiderant iam purgari, nescio an eos delectet iisdem miseriis inquinari.

## CAPVT III.

**T**Empus exigit, Carissimi, vt de auctoritate Vigiliarum, de antiquitate, deque ipsa vtilitate pauca dicamus : Magis enim quilibet labor libenter suscipitur, si ante oculos proponatur ipsius laboris vtilitas. Antiqua est Vigiliarum deuotio, familiare bonum omnibus sanctis. Esaias denique Propheta clamat ad Dominum dicens : *De nocte vigilat spiritus meus ad te Deus, quia lux precepta tua sunt super terram.* Dauid & regio & prophetico spiritu sanctificatus vnguento, ita canit : *Domine Deus salus mea in die clamavi, & nocte coram te.* Item dicit : *Memoratus sum in nocte nominis tui Domine, & custodini legem tuam.* Accipe eiusdem Prophetæ aliam vocem, quæ & tempus & habitum deprecantis ostendat : *In noctibus,* inquit, *extollite manus vestras in sancta, & benedicite Dominum.* Et ne vespertinas tantum horas noctes æstimes appellatas, occurrit & dicit : *Media nocte surgebam ad confitendum tibi super iudicia iustitie tue.* Ecce habetis & tempus expressum, & exurgendi sollicitudinem quomodo confiteamini Deo ostensam.

Adhuc consideranti mihi intentionem Sanctorum, maius aliquid ac laboriosius occurrit, & vltra naturæ humanæ conditionem suggeritur, cum eundem Prophetam audio ita psal-

A ij

Vtilitas  
antiquitatis  
que vigiliarum.]

lentem : *Si ascendero in lectum strati mei : si dederò somnum oculis meis, & palpebris meis dormitationem : aut requiem temporibus meis, donec inueniam locum Domino, tabernaculum Deo Iacob.*

Quis non stupeat tantam in Dei amore animi deuotionem ; vt somnum sibi, sine quo vtique corpora humana deficiunt, penitus interdixerit, donec locum ac templum Domino fabricandum Rex & Propheta reperiret ? Quæ res nos debet fortiter ammonere, vt si ipsi locus Dei esse volumus, & tabernaculum eius ac templum cupimus haberi perpetuò, sicut Paulus Apostolus asserit, dicens : *Vos estis templum Dei : In quantum possumus exemplo Sanctorum vigilias diligamus, ne & de nobis dicatur : Dormierunt somnum, & nihil inuenerunt : quin potius gratulabundus vnusquisque vestrum iam dicat : In die tribulationis meæ Deum exquisiui manibus meis nocte coram eo, & non sum deceptus, Quia bonum est confiteri Domino, & psallere nomini tuo Altissime ; ad annuncian- dum mane misericordiam tuam, & veritatem tuam per noctem.* Hæc & eiusmodi tanta ac talia ideò sancti illi cecinerunt, & scripta reliquerunt, vt nos eorum posterius paribus eorum excitaremur exemplis, ad celebrandas etiam noctibus nostræ salutis excubias.

Sed à veteribus veniamus ad noua ; à ministris legis ad ministros Euangelij, vt de nouo etiam Testamento Vigiliarum gratia consignetur. Anna filia Phanuel vidua continuis orationibus, ac ieiunijs seruiens, non discessit de templo die ac nocte. In Euangelio legitur, Et Pastores illi sanctissimi dum super gregem suum nocturnas exercent vigilias & Angelos in splendore videre, & Christum natum in terris primi audire meruerunt. Iam verò institutio Saluatoris nonne omnes ad vigilandum auditores exsuscitat, siue in parabola boni feminatoris docendo : *Dum dormirent homines, venit malus, & super seminauit zizania inter triticum, & abiit. Qui si vigilassent, nec malus forsitan zizania seminare potuisset.* Siue cum dicit : *Sint lumbi vestri praecincti, & lucernæ ardentes, & vos similes expectantibus Dominum suum quando reuertatur à nuptiis.* Beati serui illi quos cum venerit Dominus inuenerit vigilantes : Et si vespertina, inquit, hora venerit, etsi media nocte, etsi galli cantu, & inueniat eos vigilantes, beati sunt. Itaque & vos estote pa-

rati, quia qua hora nescitis filius hominis venturus est. Nec verbis solummodò docuit vigilare, sed etiam exemplo confirmauit. Namque testatur Euangelium, quia erat IESVS pernoctans in oratione Dei: Pernoctabat non sibi, sed ut sciremus quid omnes facere debeamus. Et ipse increpat Petrum tempore Passionis dicens: *Non potuisti una hora vigilare mecum?* Et ad omnes iam dicit: *Vigilate, & orate, ne intretis in tentationem.* Hæc verba eiusmodi exemplo, oro vos, quem non de profundo etiam mortis simili modo valeant suscitare?

His instructi sermonibus, his confirmati documentis Beati quoque Apostoli & ipsi vigilauerunt, & Vigiliis imperauerunt. Petrus Apostolus in carcere noctu ab Angelo suscitatur, & ipsi referante portam ferream in domum Mariæ peruenit ubi erant multi congregati, non dormientes utique, sed orantes. Idem in Epistola sua ponit & dicit: *Sobrii estote, & vigilate, quia aduersarius vester Diabolus tanquam leo rugiens circuit querens quem transuoret.* Paulus, & Sileas in custodia publica circa medium noctis orantes, hymnum audientibus vinctis dixisse memorantur; ubi repente terræmotu facto, & concussis fundamentis carceris, & ianuæ apertæ, & omnium vincula sunt subito soluta. Item Beatus Apostolus Paulus super exercendis vigilis adhortatur Thessalonicenses, dicens: *Vigilate, & stete in fide, confortamini & viriliter agite.*

## CAPVT IV.

**H**Æc sufficiant de auctoritate & antiquitate sanctarum Vigiliarum. Superest ut secundum promissum, de earum vtilitate aliqua proferamus, quanquam sentiri magis potest per exercitium ipsa vtilitas, quam loquentis sermone narrari. Gustando enim videtur quia suavis est Dominus: Qui ergo gustauit, intelligit, & sentit quantum pectoris vigilando deponitur, quantus mentis stupor excutitur, quanta lux animam vigilantis & orantis illustrat, quæ gratia, quæ sancta visitatio membra vniuersa vigilantis lætificat: vigilando timor omnis excluditur, fiducia nascitur, caro maceratur, vitia tabescunt, castitas roboratur, cedit stultitia, accedit prudentia, mens acuitur, error obtunditur, criminum caput Diabo-

A iij

lus gladio spiritus vulneratur. Quid hâc vtilitate magis necessarium, quid istis lucris sanctis commodius, quid hac delectatione suauius, quid ista foelicitate beatius? Teste etiam Prophetâ, qui in principio Psalmorum suorum beatum virum describens, summam beatitudinis eius in hoc versiculo collocavit, dicens: *Si in Domini lege meditetur die ac nocte*. Bona est quidem diurna meditatio, bona oratio, sed multò gratior & efficacior est nocturna meditatio; quia per diem necessitates variæ obstrepunt, occupationes destruunt mentem, sensum multiplex cura dispergit: Nox autem secreta est, nox quieta est & oportuna orantibus, aptissima vigilantibus, dum carnalibus occupationibus expeditos, collecto sensu totum hominem diuinis conspectibus sistit. Itaque Deo placitas cognoscite esse Vigiliâs ad celebrandam benedictionem.

Quæ ad Vigiliâs præparatio, 77

Tantum, Carissimi, qui vigilat oculis, vigilet & corde, qui orat spiritu, oret & mente; quia nec satis vtile est oculis vigilare, & animo dormire, cum ex contrario ex persona Ecclesiæ scriptura dicat: *Ego dormio, & cor meum vigilat*. Curandum est etiam ante omnia ne nimietate cibi vel potus nostrorum vigilantium pectora onerentur, ne cruditatem ructantes & crapulam, non solum ipsi nobis insuaueffimus, sed etiam gratiæ Spiritus sancti indigni iudicemur. Dixit namque vir quidam inter Pastores eximius: Sicut fumus, inquit, fugat apes, sic indigesta ructatio auertit & abiicit Spiritus sancti charismata. Ergo tanquam diuinum celebraturi mysterium antè nos per abstinentiam parare debemus, vt integrati & expediti vigilare possimus: cogitatio quoque mala pellatur, ne malè vigilantium oratio fiat, sicut legitur, *in peccatum*. Sunt enim & ex malignis malè dictæ vigiliæ, vt in Prouerbijs legitur, *quia ablatu est somnus ab oculis eorum. Non enim dormiunt*, inquit, *nisi malè fecerint*. Sed absint, & longè absint ab hoc Conuentu tales vigiliæ, sed potiùs vigilantium pectus clausum Diabolo, sit apertum Christo, vt quæ labijs sonamus, corde teneamus. Tunc erunt acceptabiles apud Deum nostræ vigiliæ, tunc pernoctatio salutaris, si competente diligentia, & deuotione sincera, ministerium nostrum diuinis obtutibus offeratur.

Hæc de Vigiliarum auctoritate & antiquitate, nec non

etiam de earum sancta utilitate dicta sufficiant. De hymnorum autem Psalmodiarumque deuotione quàm grata sint & acceptabilia Deo, nunc quātulumcumque dixissem nisi ratio prolixior volumen aliud postularet, quod Domino largiente sequenti exhibebitur lectione.



# TRACTATUS NICETII EPISCOPI

DE PSALMODIÆ BONO.

## CAPVT I.



E Psalmodiæ bono dicamus quæ nobis Deus donare dignatur. Nos itaque, Carissimi, qui tam Prophetis, quàm Euangelicis & Apostolicis sumus omnes eruditi magisterijs, quorum nobis dicta & facta ante oculos proponamus, per quos sumus omne quod sumus: & quàm sint grata & accepta Deo spiritalia cantica, à primordio repetentes, iisdem auctoribus asseramus. Si autem quæramus quis omnium primus hoc genus inuenerit, non inuenimus alium nisi Moysen, qui canticum Deo insigne gestauit, quando percussa Ægypto decem plagis, & Pharaone demerso, populus per insueta maris itinera ad desertum gratulabundus egressus est, dicens: *Cantemus Domino; gloriosè enim honorificatus est.* Primus igitur Moyses dux Tribuum Israël choros instituit, & vtrumque sexum distinctis classibus, se ac sorore præeunte, cantare Domino canticum triumphale perdocuit. Postmodum Debbora nobilis foemina in libro Iudicum hoc ministe-

Qui Psalmodiæ Auctores.

rio functa reperitur. Ipse tamen Moyses è corpore recessurus terrificum carmen in Deuteronomio iterauit; quod scriptum testamenti vice populo dereliquit, vnde scirent quæ poena & quales eos contritiones sequerentur, si à Domino recessissent. Omnes miseri atque miserandi qui tali tamque euidenti denunciatione prætermissa noluerunt à peccatis & ab illicitis superstitionibus præcauere.

Iam verò postea multos inuenies non solum viros, sed etiam foeminas spiritu diuino completas, Dei cecinisse mysteria, etiam ante Dauid, qui à pueritia in hoc munus à Domino specialiter electus, & cantorum princeps, carminum thesaurus esse promeruit. Quid adhuc puer in cythara suauiter fortiterque canens, malignum spiritum, qui operabatur in Saule, compescuit: non quò cytharæ illius tanta virtus erat, sed quia figura crucis Christi, quæ in ligno & extensione nervorum mysticè gerebantur, iam tunc spiritum Dæmonis opprimebat.

Psalmorum  
Dauidis v-  
eritas ma-  
xima.

Quid in his Psalmis non inuenies quod faciat ad vtilitatem & ædificationem, ad consolationem humani generis, conditionis, sexus, ætatis? Habet in Psalmis infans quid lacteat, puer quid laudet, adolescens quid corrigat viam; iuuenis quid sequatur, senior quid precetur. Discit foemina pudicitiam, pupilli inueniunt Patrem, viduæ Iudicem, pauperes perspectorem, aduenæ custodem. Audiunt Reges iudicésque quid timeant: Psalmus tristes consolatur, lætos temperat, iratos mitigat, pauperes recreat, diuites vt se agnoscant, ammonet, & ne superbiant, increpat, omnibus omnino suscipientibus se aptam medicinam contribuit Psalmus, nec peccatores despicit, sed remedium eis per poenitentiam lacrymosam salubriter ingerit. Dominus itaque Deus noster per Dauid seruum suum confecit potionem, quæ dulcis esset gustu per cantationem, & efficax ad curanda vulnera peccatorum per suam virtutem: Suauiter enim Psalmus auditur dum canitur, penetrat animum cum delectat; facile Psalmi memoriâ retinentur, si frequenter psallantur; & quod legis austeritas ab humanis mentibus extorquere non poterat, hi per dulcedinem cantionis excludunt. Nam quicquid Prophetæ, quicquid Euangelia ipsa præcipiunt, in his carminibus suauiter meditantur

meditantium dulcedine continetur.

Deus ostenditur vt timeatur, simulacra ridentur, iustitia ingeritur, iniquitas prohibetur, misericordia laudatur, incredulitas abdicatur, veritas requiritur, mendacia damnantur, dolus accusatur, innocentia collaudatur, superbia deijcitur, humilitas sublimatur, poenitentia prædicatur, pax sequenda depromitur. Contra inimicos protectio postulatur, vindicta promittitur, spes certa nutritur, & quod his est omnibus excellentius, in psalmis Christi sacramenta cantantur. Nam & generatio eius exprimitur, & reiectio plebis impiæ, & Gentium hæreditas nominatur, virtutes Domini cantantur, Passio veneranda depingitur, Resurrectio gloriosa monstratur, sedes quoque ad dexteram mirabiliter depingitur. Deinde igneus Domini manifestatur aduentus, terribile de viuis & mortuis iudicium panditur. Quid plura? Etiam spiritus creantis emissio, & terræ renouatio reuelatur, post quæ erit in gloria Domini sempiternum iustorum regnum, peccatorum perenne supplicium.

## CAP V T II.

**H**Æc sunt cantica Dei quæ canit catholica Ecclesia Dei. Hæc sunt quæ hîc noster Conuentus sono etiam vocis exercet, hæc non solum Cantorem non resoluunt, sed potius stringunt. Hæc cantica placent Deo, vbi totum quod agitur spectat ad gloriam Creatoris. Meritò idem Propheta omnes & omnia ad laudem Dei cuncta gubernantis hortatur dicens : *Omnis spiritus laudet Dominum*. Seipsum quoque pollicens laudatorem dicebat : *Laudabo nomen Domini cum cantico, & magnificabo eum in laude*. Laudate Dominum in vita vestra, immolate Deo sacrificium laudis pro anima & vita vestra, & per ipsum ostenditur vobis in anima vestra, quâ ad eius perueniatis salutare.

Delectat Dominum nostrum de pura conscientia laus emissa, sicut idem hortatur Hymnigraphus, dicens : *Laudate Dominum quia bonus est psalmus; Deo nostro sit iocunda decoraque laudatio*. Hanc scientiam gerens, hoc officium Deo placitum sciens idem Psalmista testatur : *Septies in die laudem dixi tibi*.

B

Et adhuc ampliùs aliquid pollicetur : *Et lingua*, inquit, *mea meditabitur iustitiam tuam, tota die laudem tuam*. Sentiebat enim sine dubio de tali opere beneficium, sicut ipse commemorans dicit : *Landans invocabo Dominum, & ab inimicis meis saluus ero*. Tali tutamine & tali clypeo armatus & fortissimum illum Goliath gigantem strauerat, & sæpe de alienigenis victoriam reportarat.

## C A P V T. III.

Psalmodiæ  
usus anti-  
quus.

**L**ongum erit, Carissimi, singula quæ sanctorum historia continet dicere, præsertim cum res exigat de nouo Testamento aliqua ad veterem confirmationem & ad vestram instructionem debere proferri. Ergo inuenies primùm Zachariam patrem magni Ioannis post longum illud silentium in hymnivice prophetasse, nec Elisabeth, diu sterilis, edito de promissione filio Deum de ipsa anima magnificare cessauit; nato in terris Christo laudem sonuit exercitus Angelorum; *Gloria in excelsis Deo, & in terra pax hominibus bonæ voluntatis*. Annunciantes puerum in templo, *Osanna filio David clamauerunt*; nec Pharisæis liuore strepentibus Dominus ora Innocentium clausit, sed potius aperuit, dicens eis : *Non legis scriptum, ex ore infantium & lactentium perfecisti laudem* ? Et si isti tacuerint, lapides clamabunt. Ipse Dominus in verbis Doctor, in factis consummator, ut hymnorum ministerium gratissimum comprobaret, cum Discipulis hymno dicto exiuit in montem Oliueti. Quis iam tali documento de Psalmorum & hymnorum religione dubitabit ? quando ille qui à Coelestibus cunctis adoratur & psallitur, ipse cum discipulis hymnum cantasse perhibetur ?

Et Ioannes in Apocalypsi refert se spiritu reuelante vidisse, & audisse vocem aquarum multarum, & tonitruorum validorum, dicentium Alleluya, ex quo nullus debet ambigere hoc vigiliarum sanctarum ministerium, si digna fide & deuotione vera celebretur, Angelis esse coniunctum, quos constat sine somno, sine occupatione indefinenter laudare Deum in cœlis, & benedicere saluatorem. Quæ cum ita sint, Fratres, iam pleniore fiducia hymnorum mysterium fideliter im-



pleamus, magnam nos credentes à Deo gratiam consecutos, quibus concessum est cum tantis ac talibus sanctis, Prophetis dico atque Martyribus, Dei æterni miracula. Hic cum David Domino cōitemur quoniam bonus est; cum Moyse potentiam Domini magnis illis canticis personamus; cum Anna, quæ Ecclesiæ speciem gerit, olim sterilis, nunc fœcunda, in Dei laude corde confirmamur; cum Esaïa de nocte vigilantes psallimus; cum Abacuc, cum Hieremia, cum Iona sanctissimis vatibus orando cantamus: Cum tribus æquè pueris, quasi in fornace positi, conuocatâ omni creaturâ Creatori omnium benedicentes psallimus.

D: est hic.

Quid hac vtilitate commodius, quid hac delectatione iocundius, quia & psalmis delectamur, & orationibus irrigamur; & interpositis lectionibus pascimur? Et verè sicut boni conuiuæ ferculorum varietate delectantur, ita nostræ animæ multiplici lectione, & hymnorum exhibitione saginantur.

Tantum, Carissimi, intermittentes fabulas superfluas, intento sensu & vigilantī mente psallamus, & Deo non displiceamus. Sic enim nos hortatur psalmus dicens: *Quoniam Rex* Quam ac-  
tente psal-  
lendum est *omnis terra Deus, psallite sapienter;* id est, intelligenter, vt non solum spiritu, hoc est, sono vocis, sed & mente psallamus, & ipsum quod psallimus cogitemus, ne captiuata mens fabulis & extraneis cogitationibus laborem habeat infructuosum. Sonus etiam vel melodia consentiens sanctæ religioni psallatur, Modus  
psallendi non quæ tragicas difficultates exclamet, sed quæ in vobis veram Christianitatem demonstret; non quæ aliquid theatrale redoleat, sed compunctionem peccatorum faciat. Sed & vox omnium vestrum non dissona debet esse, sed consona. Non vnus insipienter protrahat, & alter contrahat, aut vnus humiliet, alter vocem extollat; sed innitatur humiliter vnusquisque vocem suam intra sonum chori concinentis includere, non extrinsecus extollentes, aut protrahentes quasi ad stultam ostentationem indecenter efferre, neque hominibus placere velle. Totum enim tanquam in conspectu Dei, non hominibus placendi studio celebrare debemus. Habemus enim & de hac vocis consonantia formam positam, vel exemplum, tres illos vtique beatissimos pueros, de quibus refert

Propheta Daniël : *Tunc, inquit, hi tres quasi ex vno ore hymnum dicebant, & glorificabant Deum in fornace, dicentes : Benedictus es Domine Deus patrum nostrorum.* Videtis quia pro magisterio ponitur quòd tres pueri pariter Deum ex vno ore humiliter sanctèque laudauerint. Et nos vtique omnes quasi ex vno ore eundem psalmodum sonum, eandemque vocis modulationem æqualiter proferamus : Qui autem æquare se non potest cæteris, melius est ei tacere, aut lenta voce psallere, quàm clamorosa voce omnibus perstrepere : Sic enim & ministerij implebit officium, & humiliter psallenti fraternitati non facit offendiculum. Si ergo & nostra omnium vox fuerit inoffensa, vel consona labiorum cymbalis bene sonantibus, & nos delectabit, & audientes ædificabit, & Deo nostro suauis erit tota laudatio, qui in domo sua, sicut legitur, vnanimes habitare facit : Quando enim psallitur, psallatur ab omnibus ; cùm oratur, oretur ab omnibus ; cùm lectio legitur, factò silentio æquè audiatur ab omnibus, vt legente lectore omnino clamoris vocibus nemo perstreat, & antequam legatur omnes conuenite. Si quis autem superuenerit cùm lectio celebratur, adoret tantum Deum, & præsignata fronte, aurem legi Dei sollicitè commodet.

f. \* oratio-  
nem.  
Ex lectione  
vberior ora-  
tionis fru-  
ctus.

Patet tempus orandi cùm omnes oramus, patet tempus cùm volueritis, & quoties volueritis priuatim orare, ne obtentu lectionis doleas te perdidisse \* lectionem, quia non semper eam quilibet paratam potest habere : nam grande tempus semper in promptu est : nec putetis paruam vobis nasci vtilitatem ex sacra lectionis auditu ; quia oratio ipsa fit pinguior, dum mens recenti lectione saginatur, & currit per imagines diuinarum rerum quas nuper audiuit. Nam & Maria soror Marthæ, quæ sedens ad pedes IESV sorore neglecta verbum Domini intentius audiebat, bonam partem sibi elegisse Domini voce firmatur. Ideò enim & Diaconus clara voce in domo Dei sancti præconij ammonet cunctos, vt siue orando, siue in flectendis genibus, siue in psallendo, siue in lectionibus sollicitè audiendis, vnitas seruetur ab omnibus ; quia vnanimes homines diligit Deus, & in sua Domo eos efficit habitare ; in qua domo qui habitant beati pronunciantur in psalmo, quia ipsi laudabunt Dominum in sæcula sæculorum, Amen.



## S E R M O

## S. THEODORI STDITÆ

DE S. BARTHOLOMÆO APOSTOLO.

*Interprete Anastasio Bibliothecario.*

Epistola eiusdem.



ANCTO ac venerabili Aroni Antistiti Beneuentino ANASTASIVS sanctæ sedis Apostolica Bibliothecarius in Domino salutem. Feruens sanctimonia tua circa Bartholomæum Apostolum multi amoris affectu me nuper hortata est, ut quia iam eius penes se celebris habebatur memoria, si quid in laude ipsius saltem Græcè inueniretur, quod vel Latine, vel Græcè sit interpretatum, sibi missem. Verum quamuis in laude ipsius multa inueniantur, quæ vel Latine, vel Græcè descripta sunt, vnus tamen sermo nuper editus est, qui vtrum Latine reperiatur nullo hætenus declaratur indicio. Hunc ergo interpretari, & Paternitati tuæ destinare decreui. Si autem quæris quis tanti Sermonis habeatur Expositor; libenter aperiam. Theodorus videlicet quidam Sacerdos apud Constantinopolitanam urbem temporibus fuit Adriani, & Leonis Romanorum Pontificum, vir valde mirabilis, qui non solum fidei constantia, verum etiam scientiæ gratia, & signorum polleret virtutibus; duorum Imperialium, insigniumque Cœnobiorum, Studij scilicet & Saccudiorum, constitutus est Abbas. Qui semper in Apostolicæ sedis Communione persistens hæreticorum nœnias, & Imperatorum vesaniam fidei constantiâ etiam tormentis affectus mentis virtute repressit; necnon & sancti Spiritus gratia plenus Opuscula nonnulla composuit, inter quæ & sermonem hunc de B. Bartholomæo satis vtilem, obscuris dictionibus (quem interpretari tibi voluisti) Græco edidit famine, qui Græco vocabulo *ἑρμηνεύς* dicitur, quod Latine præconium siue laus exprimitur. Qui

B iij

ad Latinitatis notitiam fideliter translatus, vt scrupulum omnem de nutantium pectoribus auferat, & improbas inuidorum ac detrahentium linguas comprimat, atque ignorantiam instruat infciorum, consequenter legendus est. Et reuera, quia Salomon ait: Memoria iustorum cum laudibus: Scio quosdam non scientes vtriusque idiomatica linguæ interpretationi meæ derogaturos, & me ea passurum quæ quondam ille cælestis Bibliothecæ cultor à suis æmulis pertulit. Verum quisquis ille fuit, eius salubribus monitis eruditus non se quis ad detrahendum velut improbus ingerat, sed ad corrigendum quasi probus accedat; nec post dorsum fratris carnes inuidentiæ dente decerpit, sed palam, si potest, quod à vero discrepat, affectu charitatis emendet. Non enim maiorem gratiam consecutum inuideo; sed grates auctori rependo, qui etsi non per me, per quoscunque tamen Latinos de die in diem donis replet, quibus se Græci ditatos esse magnopere gloriarentur. Tu tamen, obsecro, si hæc translatio parua placet eam legendam Ecclesiæ trade, & pro me Deo hanc legenti saltem semel Kyrie eleison dicere iube. Salue Præsul amate Deo sine margine, salue & memor esto fratris tui Anastasij.

## PRÆFATIVNCULA.

**B**EATI BARTHOLOMEI *Apostoli venerabile omniumque laudum solemni attollendum corpus praconio; qualiter de Armenia Indorum provincia post decessum Polimij Regis, atque Pontificis, aliquantis elabentibus annis per iniquorum atque infidelium perfidiam, immò diuina dispensationis nutum, Lippareas mirabiliter sit euectum in Insulam, unde hodierna solemnitas celebratur, cuiusdam Theodori Reuerentissimi Sacerdotis veridica est relatione referatum: habet enim sic huiusmodi narratio illius.*

## SERMO S. THEODORI.

**M**AXIMVS quidem labor, & vt addam, gloria est sanctorum laudes contexere, virtutes prædicare, sed maiori deuotione Martyr quisque debet attolli, in cuius beatificatione omnis sermo non sufficit. At verò & Apostolum

irreprehensibiliter collaudare, quantæ putas esse poterit etiam insignium magistrorum industriæ, scilicet quem spiritus ad contemplationem laudibus & modulatis vocibus extulit? Cuius enim sonus in omnem terram exiuit, ut verborum virtute fines ordinaret orbis, oportet utique ut & laus eius ex æquò intelligatur, & fideliter proferatur: & adhuc quis tam idoneus, quis sufficiens, quis robustus? Nunquidnam quia nec Petrus, nec Ioannes est Diuinus Bartholomeus; idcirco paucioribus est sermonibus prædicandus, & quasi non sit multi præconij, minus aliquid efferendus? Apostolum Christi audis ex toto, & non pertimescis eum qui misit illum? Testem veritatis sensu capis, & non miraris eum qui est dignè canendus, quin & si multorum vnus erat, nulli tamen famulorum Dei minori laude comparandus: An quia est diuini duodenarij numeri medius? Est enim & hic duodenarij in senario medietas, sicut in citharæ harmonia similis, æquum & ab utraque parte sonum diuinæ sermocinationis similem dans. At verò si volueris ut in Apostolico ordine, sicut in annuali circulo vniuscuiusque mensis, ex æquo utilis omnimodis conferatur numerus, & propria alter alterius quantitate & qualitate suam habeat differentiam, non planè nobis is qui laudatur exiguus, sed & nimis sublimis virtute spiritus apparebit, habens quid in ipsa supputatione mysticum Dei verborum typum secundum arithmeticam artem. Solus enim senarius numerus à primamonde perfectus partibus suis cōplens ex his ipsis medietatem quidem suam quæ est tria, tertiam verò partem suam perficiens ex duobus, sextam autem ex monade consummans. In quo verò numero hic Apostolus si secundum Euāgelicum dinumerauerimus catalogum sextus reperitur: Porro & si secundum Actuum Apostolorum catalogum numerauerimus, septimum ponemus Bartholomæum, eritque ipse iterum principium & vertex secundæ exados: Ita ut hinc possimus argumentari eum ad Petrum habere comparisonem, dum ex prima quidem exade principium reputatur in Petro, ex secunda verò, quia summitas est eorum qui post ipsum sunt, dinumerantur, principium taxatur in Bartholomeo. Nota, dilectissime, Petrus docet nationes; sed & Bartholomæus consequenter paria inuestigat.

S. Bartholomæus comparatur B. Petro.

Petri speciosi pedes bona Euangelizantis, sed & Bartholomæi æquè iocundi sublimia de Deo loquentis. Petrus operatur prodigia magna, sed & Bartholomæus facit miracula valida. Petrus deorsum capite crucifigitur, sed è diuerso Bartholomæus poenas pro Christo sustinens postquam viuens excoriatu est, capite plectitur. Quotquot igitur Petrus agit, totidem operatur & Bartholomæus. Ad quot valet Petrus mysteria capeffenda, ad tot Bartholomæus sufficit penetranda, æqualiter exequitur diuini verbi rationem, æqualiter fundat Ecclesiam, æqua lance habuit & cætera diuina charismata.

Veni ergo placatus, esto ferax verbi, ô Beate, refera linguam meam mutam, da mihi materiam præconia tuæ magnitudinis enarrandi, non vt ipse proficias aliquid habens intrinsecus beatitudinum plenitudinem, sed vt quoquomodo declararetur amor circa te diuinitus prædestinatus, vt & ego pauperrimus puer tuus paternis orationibus fruam in laude celebritatis tuæ. Non enim poterit sine participatione illuminationis permanere, qui ad splendorem radij solis accesserit, vel papillas erexerit.

Alius igitur Apostolorum hîc, alius verò alibi percepit partem orbis in prædicatione cognitionis Dei, & omnes vniuersitatem sibi dispertientes, prædicatores Regis Regum Christi constituti sunt; *Constitues enim eos principes super omnem terram* scriptura pronuntiauit. Ei autem qui nunc celebri fama laudatur fors & portio Armeniæ locus, qui est ab Euilath vsque Gabaoth, & in multis gentibus & ciuitatibus est distributus. Iste ergo cùm mitteretur mysticè verbum Dei annuntiare hæc diuinitus audiuit à Domino: Vade Discipule ad prædicandum, exi ad pugnam, capax esto periculorum: consule figmento meo, cuius misertus homo factus sum, & pro quo mortis dedecus elegi. Ego paternum opus consummaui; primus veritatis testis factus sum; vos quod necessarium est implete, & quæ post verba prædicationis meæ mundo desunt ad similitudinem meam supplete. Imitare Magistrum tuum, æmulare Dominum tuum, æqua passione sanguinem pro me pone, & carnem cruciatibus trade, patere quæque sustinui pro te passus. Ostende in teipso manifestas actiones characteris mei. Arma tibi sint benignitas in sudoribus,

*Psal. 44. 17.*  
In Armenia prædicat Euangelium.

Bartholomæum alloquitur Christus.

bus, mansuetudo inter maledicos, patientia in his qui te peremerint; Vt ouis in medio luporum efficere, virtutibus armatus ad bella acuere. Non resultauit Apostolus; non dixit, quomodo lupos nancisci poterit agnus, vnus decem millia? quomodo præcipiet peregrinus primis ciuium, exul ducibus, Regibus is qui vnā possidet tunicam: Sed vt famulus fidelis Dominico acquiescens præcepto, pergit gaudens, nihil deferens secum, nisi tantum Christi pretiosum nomen pro omni armatura.

Itaque aggrediens verbo prædicationis prouinciam forte perceptam, quanta illic gesserit, quanta subiens pertulerit, sequens sermo depinget; quorum quidem sunt quædam secundum traditionem antiquæ relationis acta, quædam verò secundum rationem Euangelicarum doctrinarum gesta consistunt. Si enim lux mundi est iuxta quod veritas Discipulis ait: *Vos estis lux mundi*; profecto ea quæ lucis sunt operatus est in his qui in tenebris & umbra mortis sedebant: Et si sal terræ est, manifestum est quia gentes irrationabiles veritatis ratione saliens emundauit: Et si operarius euangelicè nominatus est, consequenter & agriculturam spiritualem perfecit; quod enim à magistra veritate communiter omnibus dicitur, & per singulas personas rationabiliter accipiendum est. Itaque vide eum secundum allegoriam aliquando quidem non terram arare bobus trahentibus ferrum, sed linguæ aratro rationabilia rura sulcantem, iugo videlicet contemplationis & actionis, nec seminantem aliquid defluentium & corruptibilium, sed fidei verbum in profundum cordis recondentem: aliquando verò plantantem paradisos & vineas Domini, illos scilicet qui iam receptione verbi ad meliora incrementum fecerunt, & ab ineunte ætate per singula tempora fructus multiplices ediderunt: aliquando autem medicinaliter exhibita singulis passionum remedia conferentem.

Verum eundem nosse velis cacos oculos illuminantem: leprosos mundantem: febres expellentem: claudis vadere, surdis audire præbentem: atque reliquorum languorum multimodas expellendo species, duplici sanitate naturæ propriæ languidos restituentem, & certè pastorem morem suscipientem & semitas Deo perficiente, deducentem, reuocan-

Petri speciosi pedes bona Euangelizantis, sed & Bartholomæi æquè iocundi sublimia de Deo loquentis. Petrus operatur prodigia magna, sed & Bartholomæus facit miracula valida. Petrus deorsum capite crucifigitur, sed è diuerso Bartholomæus poenas pro Christo sustinens postquam viuens excoriatu est, capite plectitur. Quotquot igitur Petrus agit, totidem operatur & Bartholomæus. Ad quot valet Petrus mysteria capeffenda, ad tot Bartholomæus sufficit penetranda, æqualiter exequitur diuini verbi rationem, æqualiter fundat Ecclesiam, æqua lance habuit & cætera diuina charismata.

Veni ergo placatus, esto ferax verbi, ô Beate, reuera linguam meam mutam, da mihi materiam præconia tuæ magnitudinis enarrandi, non vt ipse proficias aliquid habens intrinsecus beatitudinum plenitudinem, sed vt quoquomodo declararetur amor circa te diuinitus prædestinatus, vt & ego pauperrimus puer tuus paternis orationibus fruor in laude celebritatis tuæ. Non enim poterit sine participatione illuminationis permanere, qui ad splendorem radij solis accesserit, vel papillas erexerit.

Alius igitur Apostolorum hîc, alius verò alibi percepit partem orbis in prædicatione cognitionis Dei, & omnes vniuersitatem sibi dispertientes, prædicatores Regis Regum Christi constituti sunt; *Constitues enim eos principes super omnem terram* scriptura pronuntiauit. Ei autem qui nunc celebri fama laudatur fors & portio Armeniæ locus, qui est ab Euilath vsque Gabaoth, & in multis gentibus & ciuitatibus est distributus. Iste ergo cùm mitteretur mysticè verbum Dei annuntiare hæc diuinitus audiuit à Domino: Vade Discipule ad prædicandum, exi ad pugnam, capax esto periculorum: consule figmento meo, cuius misertus homo factus sum, & pro quo mortis dedecus elegi. Ego paternum opus consummaui; primus veritatis testis factus sum; vos quod necessarium est implete, & quæ post verba prædicationis meæ mundo defunt ad similitudinem meam supplete. Imitare Magistrum tuum, æmulare Dominum tuum, æqua passione sanguinem pro me pone, & carnem cruciatibus trade, patere quæque sustinui pro te passus. Ostende in teipso manifestas actiones characteris mei. Arma tibi sint benignitas in sudoribus,

*Psalm. 44. 17.*  
In Armeniâ prædicat Euangelium.

Bartholomæum alioquitur Christus.



bus, mansuetudo inter maledicos, patientia in his qui te peremerint; Vt ouis in medio luporum efficere, virtutibus armatus ad bella acuere. Non resultauit Apostolus; non dixit, quomodò lupos nancisci poterit agnus, vnus decem millia? quomodò præcipiet peregrinus primis ciuium, exul ducibus, Regibus is qui vnā possidet tunicam: Sed vt famulus fidelis Dominico acquiescens præcepto, pergit gaudens, nihil deferens secum, nisi tantum Christi pretiosum nomen pro omni armatura.

Itaque aggrediens verbo prædicationis prouinciam forte perceptam, quanta illic gesserit, quanta subiens pertulerit, sequens sermo depinget; quorum quidem sunt quædam secundum traditionem antiquæ relationis acta, quædam verò secundum rationem Euangelicarum doctrinarum gesta consistunt. Si enim lux mundi est iuxta quod veritas Discipulis ait: *Vos estis lux mundi*; profectò ea quæ lucis sunt operatus est in his qui in tenebris & vmbra mortis sedebant: Et si sal terræ est, manifestum est quia gentes irrationabiles veritatis ratione saliens emundauit: Et si operarius euangelicè nominatus est, consequenter & agriculturam spiritualem perfecit; quod enim à magistra veritate communiter omnibus dicitur, & per singulas personas rationabiliter accipiendum est. Itaque vide eum secundum allegoriam aliquando quidem non terram arare bobus trahentibus ferrum, sed linguæ aratro rationabilia rura sulcantem, iugo videlicet contemplationis & actionis, nec seminantem aliquid defluentium & corruptibilium, sed fidei verbum in profundum cordis recondentem: aliquando verò plantantem paradisos & vineas Domini, illos scilicet qui iam receptione verbi ad meliora incrementum fecerunt, & ab ineunte ætate per singula tempora fructus multiplices ediderunt: aliquando autem medicinaliter exhibita singulis passionum remedia conferentem.

Verum eundem nosse velis cæcos oculos illuminantem: leprosos mundantem: febres expellentem: claudis vadere, surdis audire præbentem: atque reliquorum languorum multimodas expellendo species, duplici sanitate naturæ propriæ languidos restituentem, & certè pastorem morem suscipientem & semitas Deo perficiente, deducentem, reuocan-

rem, pugnantem, propellentem bestias hæreseos, dæmonumque phalanges: imperfecta rigare manu, educare crescentes in ætate Christi, spinas intelligibiles euellere, vel filuas impetas secare, sepes dogmaticas circumponere, & quicquid eorum de esse constiterit quæ opportunè sunt sequenda facile præuidere. Ipse autem ædificator & Architectus ædificij ac fabricationis non manufactæ, Templorum videlicet Domini, quæ per spiritum & veritatem construuntur, ac perficiuntur in populum acceptabilem, sectatorem bonorum operum. Intuere mecum, ô homo, ciuitates & habitacula, quæ olim populus seductus infidelitate possedit, nequiter turrimponens in Dei cognitione, & aduersariorum insidias facile dimissas, campos florentes, vineas condensitate pullulantes, hortos odorem dantes, ægrotantes omni langore; & omni infirmitate sanitati pristinae reformatos; quæ talia sunt, vt ita quis dicat, prima spolia & exuuiæ tanti agonis labores & in fame, & in siti, in frigore & nuditate, in contumelijs & opprobrijs, in carceribus & vinculis. in persecutionibus & adductionibus de loco in locum, de ciuitate in ciuitatem, de theatro in theatrum; in tormentis & verberibus; & ad extremum in occisione & gladio. Propter quæ namque oportuerat eos remunerare bonis Magistrum, Saluatorem & Medicum: pro his operantur atrocita, conuitiantur, detrahunt, percellunt, torquent, rodunt. Quid non discentes? quid non agentes? quid non excogitantes? quid non adiuuantes eorum quæ ad acriorem afflictionem, & tribulationis augmentum proficere crediderunt? Papæ, crudelitatem! O feralem insaniam! quales mercedes Creatori obtulerunt, qui visum, qui auditum receperant, pro honore inhonorantiam, pro benedictione maledictionem, pro requiescibili vita amarissimam mortem.

Albanie  
sue extra-  
cta crudele  
supplicium  
pallus est.

Legitur etiam in gestis eius antiquioribus & emendatioribus, quod Lycaoniae verbum vitæ prædicauit. Dehinc Indiæ euangelizans, ad vltimum in Armenia maiori, quæ eiusdem est prouinciæ, in Albano ipsius Armeniæ vrbe postquam multa & intolerabilia tormenta subiit, decoratus ab impijs in modum folliis, capite plexus est; sicque demum à fidelibus ibidem sepultus. Qui videlicet gloriosus fidelium patronus

etiam post obitum apparuit magnus Dei prædicator. Non enim vel postquam migravit ex hoc mundo neglexit occisores; sed ut pastor bonus quantum temporis erat, inuitabat miraculis perditos, & prodigijs admittebat auersos. Sed bestialem mentem, & inhumanum cor nil erat quod compesceret, nil quod retraheret vsquequo. in profunda malorum deciderent. Quid ergo de cætero faciunt? Insaniunt contra sacrum illud corpus; furunt contra diuersas iugiter præstantem sanitates sacri corporis arcam. Respuunt remedium ægroti; orbi manum ducentem, cæci lucis datorem, naufragi gubernatorem, morte affecti viuificantem. Et hoc quomodo? proijciunt in pelagus ipsam, quâ sacrum tegebatur corpus, lapideam arcam, ut in profundum penitus demersa ulterius non compareret tanquam eis tantus Apostolus nulla præstiterit beneficia. Inuidorum etenim vitium huiusmodi est, ut voluntaria perditione sua nec aliarum fieri salutem patiantur. Sed is qui per Dauid longè ante clamauit: *In mari via tua, & semita tua in aquis multis; & vestigia tua non cognoscuntur:* Et hic tumidum mare meabile & peruium lapideæ arcæ præbuit. Et Petrus magnus clamare ad eum Christo in mari ambulasse dignoscitur. Quod & diuinus Bartholomæus similiter arcæ corpus suum gestanti gradiens contra fluctus exhibuit. O miraculum diuinum! ô opus magnificum! Mota est enim impetu ipsa arca de regione Armeniæ, cum quatuor aliorum Martyrum arca, quæ similiter dum signa operarentur cum ea in mare fuerant projectæ & per tantum spatium maris quatuor his ambulantes & præcedentes, & obsequium Apostolo quadammodo facientibus, venerunt in vteriores partes Siciliae in Insulam, quæ vocatur Lypparis, facta reuelatione ad sanctissimum AGATHONEM qui illic erat Episcopus Hostensis. Quis audiuit tantum prodigium? quis didicit tam magnificum opus? O miraculum in miraculo! Lypparis autem, id est, pinguis, quodammodo Insula Lypparis ferens ipsa sibi pinguedinis futuræ nomen. Ipsa forsitan hæc ineffabilibus vocibus clamabat: Veni ad me pauperculam thesauri ditissime sancti Spiritus. Veni ad me, quæ sum inhonorabilis, pretiosissima margarita. Veni ad me supplicem, qui à perfidis abjectus es iniquissime; inhabita me, & multipliciter inhabita-

Projectum  
in mare  
corpus ad  
Lypparam  
Insulam ap-  
pulit.

bor. Salua me, & populosa ero : nomine fungar & vbique personabo. Si alij te magnum cœli luminare contempserunt, & repulerunt, sed ego splendorem tuum desidero hætenus tristis & moesta. Si alij mensa viuorum eloquiorum tuorum potiti sunt, sed ego reliquiarum tuarum vt catellus micas colligere gestio.

Quatuor  
Martyribus  
vna cum S.  
Bartholo-  
mæo Sicilia  
fuit ditata.

Post hæc quasi quosdam ministros suos, alium Martyrum hîc, alium verò illic relinquens Apostolus retrorsum, PAPINVM quidem dimisit in Ciuitate Siciliæ quæ dicitur Mylas; LYCIANVM verò destinauit Mesinam; reliquos autem duos in Calabritidem terram direxit: GREGORIVM quidem in ciuitatem quæ dicitur Columna; ACATIVM autem in ciuitatem quæ vocatur Cale; quatinus vnusquisque eorum in vnaquaque ciuitate protector esset habitatorum, qui etiam vsque hodie splendent suffragijs suis. Ipse præterea velut quis Rex domus propriæ requie potitus, profectus est ad ciuitatem ad quam cœlitus vocabatur, susceptus præclare cum multis luminaribus, odoribus, atque hymnis; cunctis etiam, qui illic aderant, ei obuiam in exultatione procedentibus.

De cætero duni peruentum esset ad urbem, non progrediebatur arca; quidam enim summopere trahebant; illa autem erat immobilis. Et cum esset populus in multa dementatione, resumpsit tandem gaudium tristitia, quia obtinuit quod petierat à Domino: *prope est enim Dominus inuocantibus eum.* Super duas itaque vitulas castas assumpta, reposita est vbi sacrum eius Templum protinus est locatum; facto etiam cum consummatione miraculo præcipuo. Denique cum mons, qui Vulcanus vocatur, penè contiguus esset Insulæ, nociuus erat his qui circumquaque morabantur. Tunc recessu inuisibili motus est quasi stadiis septem circa mare suspensus, ita vt vsque hodie appareat videntibus quasi figuratio tractus fugientis ignis. Porro quot & quanta deinceps mirabiliter operatus sit, aut mira faciens operetur hætenus circa eos qui à diuersis langoribus & infirmitatibus obstricti ad ipsum fide confugiunt, nec necessarium est dicere ob prolixitatem tractatus, nec incredibile audienti, cum pignus ex vno habeat aliorum exhibitiones mirè gestorum. Sed aue, ô Beate Beatorum, tæque quaterque Beate Bartholomæe, Aue qui es

Psalm. 144.  
18.

Dei amator & imitator, boni scilicet Magistri. Ave qui es diuinæ lucis, splendor sanctæ Ecclesiæ: Ave qui es bene sonans organum spiritualis melodiæ: Ave artificiose rhetor veræ sapientiæ. Ave qui es peritæ capturæ piscator rationabilium piscium: Ave qui es multi chori, & dulcis fructus palmes, Christi viuidæ & paternæ culturæ vitis: Ave digne meritis famule Domini vniuersorum: Ave merito desiderabilis amice cælestis sponsi: Ave qui es sapientiæ fluentis & multiplicis potationis ac lumen spiritualis paradisi: Ave qui es diuina virtute vulnerator Diaboli, mundum suo latrocinio vulnerantis: Ave qui multipliciter appares mundo Lucifer Dei cognitionis. Gaudeas diuinitus illustrata & ignea columna Orthodoxiæ: Gaudeas sol orbis terræ, qui cuncta illuminas: Gaudeas os Dei sapientiæ linguam habens ignitam: Gaudeas iugiter emanans fons sanitatum: Gaudeas Dæmonum terribilis infecutor: Gaudeas qui es multipliciter optabilis formositas Armeniæ. Gaudeas qui ab oriente ad occidentem per mare ambulasti gloriosè: Gaudeas qui es Lyppareos salutabilis, & multimodis adorabilis gloriatio: Gaudeas qui mare sanctificasti meabilibus gressibus: Gaudeas qui terram purpuream fecisti rubore sanctissimi sanguinis tui: Gaudeas qui aërem suauitatis odoribus replesti sacris spiraminibus diuinorum eloquiorum tuorum: Gaudeas qui ad cælos commeasti, & medius in choro diuinæ aciei tuæ refulges in gloriæ inaccessibilis splendore, in exultationis insatiabili iocunditate. Illinc nos, benignissime, intuearis; Illinc benedicaste beatificantes; Illinc glorifices te glorificantes; Illinc concordēs orbē terræ pacatum. Sacerdotes iustitiā in sanctitate induantur; Reges bonis operibus in Orthodoxia contra Barbaros armentur; Monasticam vitam tenentes conuersationem æqualem Angelorum ac sine dolo custodiant; Viri mulieribus, & rursus mulieres viris competentem legem conseruent; patres cum filiis; prælatos cum subditis, dominos cum seruis, mutuum dantes cum debitoribus, venundantes cum emptoribus; cæteraque omnia beneuolentiæ tuæ affectu ad vtilitatem Reipublicæ protege, & cuncta quæ secundum beneplacitum Dei dirigi debent, patrocínio tuo defende; & præcipuè alumnos decoratæ Lyppareos, Pastorem quoque ac gregem qui construxit sa-

crum Templum tuum, & eum qui te, licet breuiter, ex se laudare præsumit in Christo I E S V Domino nostro, quem decet omnis gloria, honor & adoratio, cum omnipotente Patre, ac sanctissimo & viuifico Spiritu, nunc & semper & in sæcula sæculorum, Amen.

Hæc de Bartholomæi laudibus, eiúsque mirabiliter aduecto in Lypparim corpore Theodorus fama sanctitatis ac sacerdotij dignitate conspicuus, fido relatu explicuit. Quã verò deinceps occasione, quove sit ordine de eadem Insula Lypparitana transuectum, cùm ibidem vsque ad annum octingentesimum octauum ab Incarnatione Domini nostri IESV Christi requiesceret corpus eiusdem Beati Apostoli, de reliquo dicendum est.

Quomodo  
è Lippara  
insula trās-  
latum sit  
corpus B.  
Bartholo-  
mæi Bene-  
uentum.  
An. 809.

Superuenientes itaque Sarraceni deprædati sunt & depopulauerunt prædictam Insulam, & rumpentes sepulchrum Apostoli disperferunt ossa eius per diuersa. Mox illis discedentibus per visionem apparens isdem Apostolus Dei cuidam Græco Monacho, qui fuerat Ecclesiæ ipsius custos, ait illi: Surge, collige ossa mea quæ dispersa sunt. Cui ille respondit: Quare ossa tua colligere, aut aliquem tibi honorem impendere debeamus, cum tu permiseris nos & populum istum à Paganis deleri, & nobis nequaquam auxiliatus es? At ille dixit: Per longa annorum curricula pro hoc populo Dominum deprecatus sum, ac meis cum precibus vnde nunc vsque securi constiterunt, concessit omnipotens Deus; sed quia multiplicata sunt mala illius, creuitque iniquitas nimis, non iam obtinere pro eo valui, vt amplius saluus persisteret, idcirco periit. Tu surge tantum & collige, vt dixi, ossa mea, eaque vt tibi præcepero diligenter reconde. Cui ille Monachus ait: Et quomodo ea inuenire potero, qui nescio vbi dispersa sunt? Dicit ei Apostolus. Nocte vade ad colligendum ea, & quæ videris resplendere vt ignem, hæc leua, quia verè ipsa sunt ossa mea. Qui statim surgens perrexit ad locum, & inuenit sicut Apostolus dixerat, & collegit ea indubitanter, & recondita in loculo diligenter abscondit, & abiit relicto ibi socio suo. Cùmque pro exquirendis Sarracenis illuc Longobardorum irent nauigia, nutu Dei inuentum ibi Monachum & sancti Apostoli corpus tulerunt, & abierunt. Superuenientes

autem Sarraceni circumdederunt nauim illam in qua sanctum Apostoli corpus ducebatur, ita ut spes euadendi nequaquam esset. Tunc subito factæ sunt densissimæ tenebræ ante Sarracenorum naues, ita ut nescirent quò pergerent. Sicque liberata est nauis illa. Quibus adhuc in mare commean-  
tibus, vnum ex nautis eiusdem nauis à graui valetudine ob-  
tentu ipsius Apostoli diuina saluauit clementia. Excuntes  
autem ad terram ingenti cum honore Beneuentum duxerunt  
sanctum corpus Apostoli, atque in altario recondiderunt,  
Anno ab Incarnatione Domini octingentesimo nono, vigesi-  
mo quinto videlicet die mensis Octobris. Cuius prior qui-  
dem ex Indorum parte transuectio in Lypparitanam Insulam  
celebratur decimatertia die mensis Iunij: dormitionis verò  
eius festiua celebritas colitur, ut præmissum est, Nono Ka-  
lendas Septembris; sicque ter in anno sacratissima dignè ce-  
lebratur solemnitatis ad laudem & gloriam Domini nostri IESV  
Christi, qui cum Patre & Spiritu-Sancto viuunt & regnat Deus  
per omnia sæcula sæculorum, Amen.





S. ANSELMI  
CANTVARIENSIS  
ARCHIEPISCOPI  
TRACTATUS ASCETICVS.

. C A P V T I.

*De Monachi destinatione vel fine.*

**O**MNES artes ac disciplinæ *Scopon* quem-  
dā, id est destinationem; & *Telos*, id est,  
finem proprium, habent: Ad quem respi-  
ciens vniuscuiusque artis industrius appeti-  
tor, cunctos labores & pericula atque dis-  
pendia æquanimiter libentérque sustentat.  
Nam & agricola nunc torridos solis radios,  
nunc pruinas & glaciem non declinans, indomitas agri glebas  
frequenti subigit vomere dum scopon seruat, vt eam cunctis  
sentibus expurgatam exercendo comminuât: Finem, id est,  
perceptionem copiosarum frugum inde adepturum se esse  
confidens. Referta etiam horrea frugibus libenter exhaurit,  
sulcisque commmendat, præsentem diminutionem futura-  
rum messium contemplatione non sentiens. Negotiatores  
non incertos pelagi casus, non vlla discrimina perhorrescunt:  
milites peregrinationum exilia ac bellorum pericula non sen-  
tiunt, dum illi ad finem quæstus, & isti ad propositum sibi ho-  
norem,



norem, spe præpeti prouocantur. Ita ergo & nostri propositi finis quidem secundum Apostolum *Vita æterna est*; ita eodem pronuntiante: *Habentes quidem fructum vestrum in sanctificationem, finem verò vitam æternam*. Scopos verò est puritas cordis, quam sanctificationem non immeritò nuncupauit, si nequa prædictus finis non poterit apprehendi. Ac si dixisset alijs verbis: *Habentes quidem scopon vestrum in puritate cordis, finem verò, id est, telos, vitam æternam*. Quicquid ergo nos ad hunc scopon, id est, puritatem cordis, potest dirigere, tota virtute sectandum est. Pro hac enim vniuersa agimus atque toleramus; pro hac parentes, patria, dignitates, diuitiæ, & voluptas vniuersa contemnitur, vt scilicet puritas cordis perpetua retentetur. Hac igitur nobis destinatione proposita, semper actus nostri & cogitationes ad eam obtinendam velut ad certam lineam rectissimè dirigantur. Quæ si præ oculis nostris iugiter statuta non fuerit, non solum cunctos labores nostros varios pariter atque instabiles reddens, incassum eos ac sine fructu compellet effundi: sed etiam cogitationes omnes diuersas sibi quæ contrarias suscitabit. Necessè est enim mentem quò recurat cū sue principaliter inhæreat non habentem, per singulas horas atque momenta pro incursum varietate mutari, atque ex his quæ extrinsecus accidunt, in illum statum continuò transformari, qui sibi primus occurrerit. Hinc namque est, quòd nonnullos mundi huius maximas facultates contemnentes, post hæc videmus pro graphio vel acu commoueri, pristinum scilicet affectum in rebus minimis retinentes. Qui si contemplationem mundi corde fixam tenerent, nunquam vtique pro paruis rebus admitterent, quod ne pro magnis incurrerent opibus, easdem penitus abijcere maluerunt.

Hic ergo nobis principalis debet esse conatus, vt diuinis rebus ac Deo mens semper inhæreat, fornicationem iudicans vel momentaneum à Christi contemplatione discessum. Totum namque in animæ consistit recessu; Vnde expulso diabolo, ac nequaquam in ea iam regnantibus vitiis, consequenter regnum Dei fundatur in nobis, dicente Euangelista: *Regnum Dei intra vos est*. Intra nos verò nihil aliud potest esse, quàm scientia aut ignoratio veritatis, & vel vitiorum

Quod Religiosorum  
studium.

Luci 17. 22.

D

amicitia vel virtutum, per quam aut diabolo aut Christo præparamus regnum in corde. Cuius etiam regni qualitatem describit Apostolus, ita dicens : *Non est enim regnum Dei esca & potus; sed iustitia, & pax, & gaudium in Spiritu Sancto.* De alio namque dicitur : *Mundus iste gaudebit.* Et *Va vobis qui ridetis, quia p'orabitis.* Itaque si regnum Dei intra nos est : & ipsum regnum Dei iustitia, & pax, & gaudium est; ergo qui in istis commoratur, sine dubio in regno Dei est. Et è contra, qui in iniustitia, discordia, & tristitia mortem operante versantur, in regno Diaboli, & in inferno, ac morte sunt constituti : In quo qui fuerit, nec laudare Deum potest

Rom. 14. 17. *secundum Prophetæ sententiam dicentis : Non mortui laudabunt te Domine, neque omnes qui descendunt in infernum, sine dubio peccati. Sed nos, inquit, qui vivimus, non vitiis scilicet, nec mundo huic, sed Deo, benedicimus Dominum ex hoc nunc & usque in sæculum. Non enim est in morte qui memor sit Dei. In inferno autem quis confitebitur Domino? id est nemo.*

Ibidem, Regnum Dei, & Diaboli qui differunt.

Psal. 113. 17. *Nullus enim tametsi millies semetipsum vel Christianum esse profiteatur vel Monachum, cum peccat, confitetur Deo; nec servum se veraciter illius profitetur, cuius præcepta contumaci temeritate contemnit. Regnum sanè coelorum tripliciter accipiendum est : Aut quòd regnaturi sint coeli, id est sancti, in aliis subditis secundum illud : Esto tu super quinque civitates, & tu super decem : Illudque quod dicitur ad Discipulos : Sedebitis super sedes duodecim, indicantes duodecim tribus Israël : Aut quòd ipsi coeli incipiant à Christo regnari, cum scilicet omnibus eis subiectis, coeperit esse omnia in omnibus Deus : vel certè quòd sancti in coelis sint cum Domino regnaturi.*

Luc. 19. 19. *Quamobrem in hoc corpore constitutus iam nouerit unusquisque illi se regioni vel ministerio deputandum, cuius in hac vita participem semetipsum cultoremque præbuerit; illiusque se etiam in illo perenni sæculo consortem futurum esse non ambigat, cui nunc ministrum se sociumque maluerit exhibere, secundum sententiam Domini dicentis : Si quis mihi ministrat, me sequatur; & ubi sum ego, illic & minister meus erit.*

Math. 19. 28.

Iuan. 12. 26.

## CAP V T II.

## De cogitatione.

**M**Entem quidem non interpellari cogitationibus, impossibile est; suscipere verò eas siue respuere, omni student per gratiam Dei possibile est. Quod exercitium cordis non incongruè molarum similitudini comparatur, quas meatus aquarum præceps impetu rotante prouoluit. Quæ nullatenus quidem cessare possunt ab opere suo aquarum impulsibus circumactæ. In eius verò qui præest situm est potestate, utrúmnam triticum malit an hordeum, loliúmve comminui. Illud quippe est commolendum, quod ingestum ab illo fuerit, cui operis illius cura commissa est. Ita igitur etiam mens per vitæ præsentis incurfus vndique ingruentibus tentationum torrentibus circumacta, vacua quidem cogitationum æstibus esse non poterit; quales verò vel admittere vel parare sibi debeat, studij sui providebit industria. Si enim ad sanctarum Scripturarum meditationem iugiter recurramus, ac memoriam nostram ad recordationem spiritualium rerum, & desiderium perfectionis, spémque futuræ beatitudinis erigamus: necesse est, ut ortæ cogitationes exinde spirituales in his quæ meditati sumus mentem faciant immorari. Sin verò desidia seu negligentia superati, vitiis & otiosis confabulationibus occupemur, seu curis mundanis & superfluis sollicitudinibus implicemur: consequenter exinde velut quædam zizaniorum species generata operationem quoque nostro cordi noxiam ministrabit, & secundum sententiam Domini saluatoris *Vbi fuerit thesaurus operum & intentionis nostræ, ibi & cor nostrum* necessario permanebit. Sacris Scripturis imbuendus est animus.

Illud sanè præ omnibus nosse debemus, tria cogitationum nostrarum esse principia, id est, ex Deo, ex diabolo, & ex nobis. Ex Deo quidem sunt, cum Spiritus sancti illustratio nos visitare dignatur, erigens nos ad sublimiorem profectum, & in quibus vel minus acquisiuimus vel desidiosè agentes superati sumus, saluberrima compunctione castigat: Vel cum referat nobis cœlestia sacramenta, & propositum nostrum ad

Tria cogitationum principia.

amicitia vel virtutum, per quam aut diabolo aut Christo præparamus regnum in corde. Cuius etiam regni qualitatem describit Apostolus, ita dicens: *Non est enim regnum Dei esca & potus; sed iustitia, & pax, & gaudium in Spiritu Sancto.* De alio namque dicitur: *Mundus iste gaudebit.* Et *Va vobis qui ridetis, quia plorabitis.* Itaque si regnum Dei intra nos est: & ipsum regnum Dei iustitia, & pax, & gaudium est; ergo qui in istis commoratur, sine dubio in regno Dei est. Et è contra, qui in iniustitia, discordia, & tristitia mortem operante versantur, in regno Diaboli, & in inferno, ac morte sunt constituti: In quo qui fuerit, nec laudare Deum potest

Rom. 14. 17. *secundum Prophetæ sententiam dicentis: Non mortui laudabunt te Domine, neque omnes qui descendunt in infernum, sine*  
 Ioan. 16. 20. *dubio peccati. Sed nos, inquit, qui vivimus, non vitiiis scilicet,*  
 Ibidem, *nec mundo huic, sed Deo, benedicimus Dominum ex hoc*  
 Regnum *nunc & usque in sæculum. Non enim est in morte qui memor sit*  
 Dei, & *Dei. In inferno autem quis confitebitur Domino? id est nemo.*  
 qui differunt. *Nullus enim tametsi millies semetipsum vel Christianum esse*  
*profiteatur vel Monachum, cum peccat, confitetur Deo; nec*  
*feruum se veraciter illius profitetur, cuius præcepta contumaci temeritate contemnit.* Regnum sanè coelorum tripliciter accipiendum est: Aut quòd regnaturi sint coeli, id est sancti, in aliis subditis secundum illud: *Esto tu super quinque civitates, & tu super decem:* Illudque quod dicitur ad Discipulos: *Sedebitis super sedes duodecim, indicantes duodecim tribus Israël:* Aut quòd ipsi coeli incipiant à Christo regnari, cum scilicet omnibus eis subiectis, coeperit esse omnia in omnibus Deus: vel certè quòd sancti in coelis sint cum Domino regnaturi. Quamobrem in hoc corpore constitutus iam nouerit vnusquisque illi se regioni vel ministerio deputandum, cuius in hac vita participem semetipsum cultorémque præbuerit; illiusque se etiam in illo perenni sæculo confortem futurum esse non ambigat, cui nunc ministrum se sociumque maluerit exhibere, secundum sententiam Domini dicentis: *Si quis mihi ministrat, me sequatur; & ubi sum ego, illis & minister meus erit.*

Luc. 19. 19. *Matth. 19. 23.*  
 Ioan. 12. 26.

## CAPVT II.

## De cogitatione.

**M**Entem quidem non interpellari cogitationibus, impossibile est; suscipere verò eas siue respuere, omni sturenti per gratiam Dei possibile est. Quod exercitium cordis non incongruè molarum similitudini comparatur, quas meatus aquarum præceps impetu rotante prouoluit. Quæ nullatenus quidem cessare possunt ab opere suo aquarum impulsibus circumactæ. In eius verò qui præest situm est potestate, utrúmnam triticum malit an hordeum, loliúmve comminui. Illud quippe est commolendum, quod ingestum ab illo fuerit, cui operis illius cura commissa est. Ita igitur etiam mens per vitæ præsentis incursum vndique ingruentibus tentationum torrentibus circumacta, vacua quidem cogitationum æstibus esse non poterit; quales verò vel admittere vel parare sibi debeat, studij sui prouidebit industria. Si enim ad sanctarum scripturarum meditationem iugiter recurramus, ac memoriam nostram ad recordationem spiritualium rerum, & desiderium perfectionis, spémque futuræ beatitudinis erigamus: necesse est, vt ortæ cogitationes exinde spirituales in his quæ meditati sumus mentem faciant immorari. Sin verò desidia seu negligentia superati, vitiis & otiosis confabulationibus occupemur, seu curis mundanis & superfluis sollicitudinibus implicemur: consequenter exinde velut quædam zizaniorum species generata operationem quoque nostro cordi noxiam ministrabit, & secundum sententiam Domini saluatoris *Vbi fuerit thesaurus operum & intentionis nostræ, ibi & cor nostrum* necessario permanebit. Sacris Scripturis imbuendus est animus.

Mat. 6. 21.

Illud sanè præ omnibus nosse debemus, tria cogitationum nostrarum esse principia, id est, ex Deo, ex diabolo, & ex nobis. Ex Deo quidem sunt, cum Spiritus sancti illustratio nos visitare dignatur, erigens nos ad sublimiorem profectum; & in quibus vel minus acquisiuimus vel desidiosè agentes superati sumus, saluberrima compunctione castigat: Vel cum reſerat nobis coelestia sacramenta, & propositum nostrum ad

Tria cogitationum principia.

D ij

meliores actus voluntatēque conuertit ; vt ibi, cū Rex Affuerus castigatus à Domino libros Annales instigatur inquirere, quibus Mardochei beneficia recordatur : summieum gradu honoris exaltat, ac protinus crudelissimam super nece Iudæe gentis sententiam reuocat. Ex diabolo verò cogitationum nascitur series, cū subuere nos tam vitiorum oblatione, quā etiam occultis conatur insidiis, subtilissima calliditate mala pro bonis fraudulenter ostentans, & transfigurans se in Angelum lucis. Vel cū Euangelista refert :

*Ioan. 13. 2. Et cænā factā cū diabolus iam misisset in corde Simonis Isca-*  
*Ibidem. cariothis vt traderet Dominum. Et iterum: Post buccellam, inquit,*

*tunc introiuit in illum Sathanas. Petrus quoque ad Ananiam.*

*Act. 5. 3. Quare, ait, Sathanas tentauit cor tuum mentiri te Spiritui-San-*

*Ecl. 10. 4. cto? Et Salomon: Si Spiritus potestatem \* habens ascenderit su-*  
*al. \* habet-*  
*tis. per te, locum tuum ne dimittas. Ex nobis autem oriuntur,*

*cū eorum quæ gerimus vel gessimus, vel audiuius, natu-*  
*Psal. 76. 6. raliter recordamur: de quibus beatus Dauid: Cogitavi, inquit,*  
*dies antiquos, & annos æternos in mente habui. Et meditatus*  
*sum nocte cū corde meo, & exercitabar & ventilabam spiritum*

*Psal. 93. 11. meum. Et iterum: Dominus scit cogitationes hominum, quoniam*

*Prou. 12. 15. vana sunt. Et, Cogitationes iustorum iudicia. Hanc ergo tri-*  
pertitam rationem oportet nos iugiter obseruare, & vniuersas cogitationes quæ emergunt in corde nostro sagaci discretionē discutere, origines earum vel causas auctoresque primitus indagantes, vt quales nos eis præbere debeamus, ex illorum merito qui eas suggerunt, considerare possimus ; ne qua fortē intellectualis ibidem bestia, vel leo, vel draco pertransiens, pernicioſa vestigia latenter impreſſerit, quibus accessus etiam cæteris in abdita pectoris nostri per cogitationum negligentiam præbeatur. Et ita per singulas horas atque momenta terram cordis nostri Euangelico aratro, hoc est, iugi Dominicæ crucis recordatione fulcantes, vel noxiarum ex nobis ferarum cubilia, vel virulentorum serpentium exterminare latibula poterimus. Huius ergo perfectæ mentis figura per illum Euangelicum Centurionem, pulcherrimè designatur. Cuius virtus atque constantia, quā non quibuscumque ingruentibus cogitationibus abducebatur: sed pro suo iudicio vel admittebat bonas, vel contrarias absque vlla difficultate

pellebat, hac tropica significatione descripta est : *Nam & ego* Matt. 2. 9.  
*homo sum sub potestate habens sub me milites, & dico huic vade;* Luc. 7. 8.  
*& vadit; & alio veni & venit; & seruo meo, fac hoc, & facit.*  
 Si igitur nos quoque viriliter aduersus perturbationes & vitia  
 dimicantes, potuerimus ea ditioni nostræ discretionique sub-  
 jicere, vel instabilem cogitationum nostrarum cohortem ra-  
 tionis imperio subiugare, ad spiritualis huius Centurionis or-  
 dinem prouehemur, quem in Exodo quoque per Moysen le-  
 gimus designatum : *Constitu tibi \* Chiliarchas, & Centurio-* al. \* tribu-  
*nes, & Quinquagenarios, & Decanos.* nos. Et ita nos quoque huius  
 dignitatis apice sublimati habebimus hanc imperandi pote-  
 statem, vt malis quidem suggestionibus præcipiamus, Abi-  
 te, & abibunt : bonis verò, Venite, & venient. Seruo quo-  
 que nostro, id est corpori, ea quæ castitatis vel continentię  
 sunt, similiter iniungemus, & sine vlla contradictione deser-  
 uiet, non iam suscitans nobis aduersos concupiscentię stimu-  
 los, sed omnem exhibens spiritui famulatum. Exod. 18. 21.

Huius Centurionis qualia arma sint, vel ad quæ præliorum  
 exercitia præparentur, audi Apostolum prædicantem : *Ar-* 2. Cor. 10. 4:  
*ma, inquit, potentia nostra non sunt carnalia, sed potentia Deo.*  
 Quibus nos quoque si volumus bella Domini præliari, & inter  
 Centuriones Euangelicos militare, accincti iugiter debemus  
 incedere : *Sumite, inquit, scutum fidei, in quo possitis omnia* Ephes. 6. 16.  
*tela nequissimi ignita extinguere:* Ergo fides est quæ excipiens  
 ardentissima libidinum tela metu futuri iudicij & cœlestis re-  
 gni credulitate mortificat : *Et lorica, inquit, \* caritatis:* Ibid. 14.  
 Ipsa nempe est quæ vitalia pectoris nostri circumdans atque com-  
 muniens, ad interiorem hominem nostrum iacula diaboli  
 penetrare non permittit. Omnia enim suffert, omnia patitur,  
 omnia sustinet. *Et Galeam spem salutis.* Ibid. 17. Galea capitis est mū-  
 nimen. Quia ergo caput nostrum Christus est, debemus  
 istud semper spe bonorum futurorum velut inexpugnabili  
 galea in cunctis tentationibus ac persecutionibus communi-  
 re, & principaliter fidem eius illāsam atque integram custodi-  
 re. Aliis enim membris truncatum quempiam licet debilem,  
 possibile tamen est vtcunque superesse : Sine capite verò ne-  
 mini vel brevis vitæ spatium prærogatur. *Et gladium Spiri-* Ibid.  
*tus, quod est verbum Dei.* Penetrabilius namque est omni gladio Heb. 4. 12:

*incipiti, & pertingens usque ad diuisionem animæ ac spiritus, compagum quoque ac medullarum, & discretor cogitationum & intentionum cordis; diuidens scilicet & abscindens quicquid in nobis carnale terrenumque repererit. Quibus armis quisque fuerit communitus, ab hostium semper telis ac populatione defensus, non ut captiuus ac subditus ad hostilem cogitationum terram, deprædantium constrictus vinculis abducatur, nec audiet per Prophetam: *Quare inueteratus es in terra aliena?* Sed tanquam triumphator in illa quâ voluerit cogitationum regione consistet. Vis etiam ipsum robur ac fortitudinem Centurionis huius, quibus hæc arma quæ prædiximus non carnalia sed potentia Deo gestet, agnoscere? Audi ipsum Regem viros fortes ad spiritualem militiam congregantem, quo eos delectos signet ac probet: *Infirmus*, inquit, *dicitur quia fortior sum ego*: Et qui patiens est, sit pugnator. Videtis ergo bella Domini præliari non posse nisi patientes infirmosque, illa proculdubio infirmitate, quâ fundatus ille noster Euangelicus Centurio cum fiducia loquebatur: *Cum enim infirmor, tunc fortior sum*. Et iterum: *Virtus in infirmitate perficitur*. De qua infirmitate vnus Prophetarum: *Et erit, inquit, qui infirmatur inter eos, sicut domus David*. Patiens etiam hæc bella præliabitur, nempe illâ patientiâ, de qua dicitur: *Patientia vobis necessaria est, ut voluntatem Dei facientes recipiatis remunerationem*.*

De maligna cogitatione illud nosse debemus, quia illicò ut per confessionem patefacta fuerit, marcescit; & antequâ discretionis iudicium proferatur, serpens teterrimus velut tenebrioso ac subterraneo specu virtute confessionis protractus ad lucem, & traductus quodammodo ac dehonestatus, abscedit. Tandiu nânque suggestiones eius noxiæ dominantur in nobis, quandiu celantur in corde. Quem sensum in Ecclesiaste quoque legimus figuratum: *Si momorderis*, inquit, *serpens non in \* sibilo, non est abundantia incantatori*; Tæiti serpentis morsum perniciosum esse designans. Id est, si per confessionem suggestio seu cogitatio diabolica incantatori cuiquâ (spirituali scilicet viro) qui carminibus scripturarum niederi proptinus vulneri, & extrahere de corde consuevit noxia venena

*Barac. 3. 11.*  
*Isa. 3. 10.*  
*2. Cor. 12. 10.*  
*Ibid. 9.*  
*Heb. 10. 36.*  
 Virtus confessionis.  
*Ecc. 10. 11.*  
*al. \* glensio nihil minus habet qui occulit detrahit:*



serpentis patefacta non fuerit, succurrere periclitanti periturove non poterit. Nam bonarum rerum non tantum suggestor, sed etiam fautor atque impulsor est Deus, ita ut nonnunquam nos etiam inuitos & ignorantes attrahat ad salutem. Constat ergo neminem posse à Diabolo decipi, nisi eum qui præbere ei maluerit suæ voluntatis assensum.

## C A P V T III.

*De concupiscentia Carnis ac Spiritus.*

**S**piritu ambulate, & desideria carnis non perficietis. Caro enim Galat 5.17 concupiscit aduersus spiritum, spiritus autem aduersus carnem. Hac autem inuicem aduersantur sibi; ut non quacumque vultis, illa faciatis. Tres res hoc loco ab Apostolo nominari videntur: concupiscentia carnis aduersus spiritum, & spiritus aduersus carnem. Quorum aduersus se inuicem pugna hanc videtur habere causam atque rationem, ut ea quæ volumus, inquit, facere nequeamus. Quarta igitur superest causa, ut illud scilicet quod nolumus, faciamus. Nunc ergo de singulis videamus. Carnem hoc loco non hominem, id est hominis substantiam, sed eius desideria pessima debemus accipere, sicut ne spiritum quidem aliquam rem substantialem, sed animæ desideria bona & spiritualia designari. Quæ cum utraque, Conflatus carnis & animæ. id est, desideria carnis & spiritus, in vno eodemque sint homine, intestinum quotidie intra nos geritur bellum: dum concupiscentia carnis, quæ præcipitanter fertur ad vitia, his quæ ad præsentem requiem pertinent deliciis gaudet, luxuriis delectatur: quibus è contra concupiscentia spiritus aduersata ita desiderat tota spiritualibus studiis inhærere, ut etiam necessarios carnis usus optet excludere. Illa satiari somno, repleti cibo, vniuersisque exuberare copiis concupiscit: hic vigiliis & ieiuniis saginatur, ac paupertate gloriatur. Lavaris illa nitescere, & quotidianis adulantium cuneis appetit constipari: hic squalore sordium congaudet, cunctorumque mortalium præsentiam perhorrescit. Honoribus illa & laudibus hominum confouetur: hic irrogatis sibi iniuriis ac

persecutionibus gloriatur.

Carnis concupiscentia.

Inter has igitur utrasque concupiscentias animæ voluntas in meditullio quodam vituperabiliore consistens, nec vitiorum flagitiis oblectatur, nec virtutum doloribus acquiescit; sic quærens à passionibus temperari carnalibus, ut nequaquam velit dolores necessarios sustinere, sine quibus desideria spiritus nequeunt possideri. Absque castigatione carnis castimoniam corporis, sine vigiliarum labore cordis desiderans acquirere puritatem, absque ullius exasperatione conuitij patientiæ gratiam possidere, humilitatem Christi sine honoris mundani exercere iactura, religionis simplicitatem cum sæculari ambitione sectari, Christo cum hominum laude ac favore seruire, districtiōnem veritatis sine cuiuspiam vel tenui offensione proferre. Postremò sic vult consequi futura bona, ut præsentia non amittat. Quæ voluntas nunquam nos ad perfectionem veram faceret peruenire; sed in tepore quodam terribissimo collocaret, talésque faceret quales sunt illi qui in

*Apoc. 3. 15. Apocalypsi increpatione Domini castigantur: Scio opera tua, quia neque frigidus es, neque calidus: utinam frigidus esses, aut calidus: nunc autem tepidus es, & incipiam te euomere ex ore meo; nisi hunc tepidissimum statum altrinsecus hæc insurgentia bella dirumperent. Nam cum famulantes huic voluntati nostræ ad hanc remissionem voluerimus nosmetipsos paulatim relaxare, confestim aculei carnis insurgunt, suisque nos vitiis & passionibus sauciantes, nequaquam in illa quâ delectamur puritatis qualitate stare permittunt, atque ad illam quam hõrremus frigidam voluptatum plenamque sentibus pertrahunt viam.*

Rursus si spiritus feruore succensi opera carnis volentes extinguere sine ullo respectu fragilitatis humanæ, totos nosmetipsos tentauerimus ad immoderata virtutum studia cordis elatione conferre: interpellans imbecillitas carnis, ab illa reprehensibili nimietate spiritus reuocat ac retardat. Et ita fit, ut utraque concupiscentia tali colluctatione alternâ sibi met repugnante, animæ voluntas, quæ nec totam se carnalibus desideriis dedere nec virtutum vult laboribus desudare, quodam iusto moderamine temperetur: dum hæc inter utraque contentio illam perniciosiorem excludens animæ voluntatem,

▲ Anima temperat carnis concupiscentiam.

ratem, vt quandam æquitatis libram in staterâ nōstri corporis collocat, quæ spiritus carnisque confinia iusto discernit examine: nec à dextris mentem spiritus ardore succensam, nec à læua carnem vitiorum aculeis præpoderare permittens. Dúmque hæc pugna quotidianis diebus vtiliter exagitur in nobis, ad illud quartum quod nolumus salubriter venire compellimur, vt puritatem cordis non ocio nec securitate, sed iugi sudore & contritione spiritus adquiramus, castitatémque carnis districtis ieiuniis, fame, siti ac vigiliantia retentemus. Essemus itaque penitus sine remedio tepidi, vtpote non habentes indicem negligentia nostræ vel in corpore nostro, vel in conscientia propriis indefinentem: nec studeremus ad perfectionis vnquam peruenire feruorem, sed ne frugalitatis quidem districtiōnem teneremus, nisi saltem nostitillatio carnis fluxusque increscens humiliaret atque retunderet, & aduersus spiritualium quoque vitiorum purgationem sollicitos redderet & intentos. Qui status, id est tepidus, à carnali qualitate descendens efficitur animalis, qui est deterior gradus. Ipse est enim qui de frigido ad tepidum transiens, detestabilior voce Domini signatur.

Tres namque sunt animarum status: Primus carnalis; Secundus animalis; Tertius spiritualis. Quos in Apostolo ita legimus designari: Nam de carnali ita dicitur: *Lac vobis potum dedi non escam. Necdum enim poteratis, sed nec adhuc quidem potestis. Adhuc enim carnales estis.* Et iterum: *\* Vbi enim est inter vos zelus & contentio, nonne carnales estis?* De animali quoque taliter commemoratur: *Animalis autem homo non percipit ea quæ sunt spiritus Dei: Stultitia enim est illi.* De spirituali verò: *Spiritualis autem examinat omnia: ipse autem à nemine iudicatur.* Et iterum: *Vos qui spirituales estis, instruite eos qui eiusmodi sunt, in spiritu lenitatis.* Itaque festinandum est nobis, vt cum renuntiantes desierimus esse carnales, id est, à sæcularium coeperimus conuersatione seiungi, & ab illa manifesta carnis pollutione cessare, spirituales statim protinus apprehendere nitamur, nequaquam existimantes quam supra diximus exterioris hominis conuersionem ad perfectionem nobis sufficere, si erga emundationem cæterarum passionum lentiores reddamur, ne fortè inuenti in illo tepido statu, qui

E

Tres animarum status.

1. Cor. 3. 2. Ibid.

al. \* cum

1. Cor. 2. 14.

Ibid.

Gal. 6. 2.

teterrimū iudicatur, euomendos nos ex ore Domini secundū eius sententiam nouerimus, ita dicentis: *Vtinam calidus esses, aut frigidus: Nunc autem quia tepidus es, incipiam te euomere ex ore meo.* Nec immeritō eos Dominus, quos iam in visceribus receperat caritatis, noxiē tepefactos cum quadam conuulsione pectoris sui euomendos esse pronuntiat, qui cū salutarem quodammodo eidem potuissent præbere substantiam, auelli ab illius visceribus maluerunt: tantō deteriores effecti illis qui nunquam ori Dominico illati sunt cibis, quantō id, quod nausea compellente proijcimus, odibilius destamur. Quicquid enim frigidum est, etiam ore nostro susceptum vertitur in calorem, & salutifera suauitate percipitur. Quod autem vitio semel perniciosi teporis obiectum est, non dicam labiis admouere, sed etiam eminūs intueri sine ingenti horrore non possumus. Rectissimē ergo pronuntiatur esse deterior: quia facilius ad salutarem conuersionem ac perfectionis fastigium carnalis quis, id est, sæcularis, vel gentilis accedit, quā is qui professus Monachum, nec tamen viam perfectionis arripiens secundum regulam disciplinæ, ab illo semel spiritualis feruoris igne discessit. Ille namque corporali- bus saltem vitiis humiliatus, & horrescens illum in quo est infidelitatis gelidissimum statum, spiritus ardore succensus ad perfectionem facilius conuolabit. Hic autem dicit in corde suo: *Quia diues sum & nullius egeo.* Cui illud quoque quod subsequitur consequenter aptabitur: *Tu autem es miser, & miserabilis, & pauper, & cæcus, & nudus.* In eo factus etiam sæculari deterior, quod nec miserum se nec cœcum aut nudum, aut emundatione dignum, vel agere monitis alicuius aut institutione cognoscit, non intelligens ipso Monachi nomine prægrauari ac deprimi opinione multorum. Quia dum creditur ab omnibus sanctus, & velut Dei famulus colitur, necesse est ut in futuro, vehementiori iudicio poenæque subdatur.

Ibid. 16.

Ibid. 17.

## CAPVT IV.

## De Castitate.

SEX sunt castimoniarum gradus. Primus gradus est, ne vigilans impugnatione carnali Monachus elidatur. Secundus, ne mens illius voluptariis cogitationibus immoretur. Tertius, ne foemineo vel tenuiter ad concupiscentiam moueatur aspectu. Quartus, ne vigilans vel simplicem carnis perferat motum. Quintus, ne cum memoriam generationis humanæ vel tractatus ratio vel necessitas lectionis ingesserit, subtilissimus mentem voluptariæ actionis præstringat assensus; sed velut opus quoddam simplex ac ministerium humano generi necessario contributum, tranquillo ac puro cordis contempletur intuitu, nihilque amplius de eius recordatione concipiat, quàm si operationem laterum, vel cuiuslibet alterius officinæ mente pertractet. Sextus castimoniarum gradus est, ne illecebrofis phantasmatibus foeminarum vel dormiens illudatur. Licet enim hanc ludificationem peccato esse obnoxiam non credamus, concupiscentiæ tamen adhuc medullitus latitantis indicium est; donec paulatim secundum mensuram castitatis ad quam vnusquisque contendit, in odium illius rei quam voluptariam antea sentiebat, mens etiam somno sopita vertatur, illudque ei quod fortibus viris pro summo laborum stipendio repromittitur per Prophetam, concedatur à Domino: *Arcum, gladium, & bellum conteram de terra vestra, & dormine vos faciam fiducialiter.* Et ita demum ad illum perueniet statum: vt talis inueniatur in nocte, qualis in die; talis in lecto, qualis in oratione; talis solus, qualis turbis hominum circumseptus. Postremo vt nunquam in eo tale aliquid ineuitabilis ille oculus deprehendat, quod ab humanis aspectibus velit esse celatum. Hoc autem fiet quando iam desinens caro aduersus spiritum concupiscere desiderijs, eius virtutisque consenserit, cæperintque sibi inuicem pace firmissima foederari, & secundum Psalmographi sententiam: *Habitauerint fratres in vnum*, illam repromissam à Domino beatitudinem possiden-

Castitatis  
gradus.

Osee 2. 18.

Psalm. 132. 2.

E ij

*Matt. 18. 19.* tes, de qua ait. *Si duo ex vobis consenserint super terram, de omni re quaecumque petierint, fiet illis à Patre meo qui in cælis est.*

Quisquis ergo intellectualis illius Iacob, id est supplantatoris, transcenderit gradum, ab illa cōtinentiæ colluctatione ac supplantatione vitiorum obstupefacto femoris nervo, ad Israël meritum perpetua cordis directione conscender. Quem ordinem etiam beatus Dauid ita Spiritus-Sancti vaticinatione distinxit, imprimis inquitens: *Notus in Iudæa Deus*, id est, in anima, quæ adhuc sub peccatorum confessione retinetur; Iudæa enim confessio interpretatur. In Israël autem, id est, in eo qui videns Deum, siue, vt quidam interpretatur, rectissimus Dei est, non solum notus, sed & magnum est nomen eius.

Deinde ad sublimiora nos prouocans, & volens etiam locum ipsum, quo Dominus delectatur, ostendere: *Et factus est*, inquit, *in pace locus eius*. Id est, non in conflictu certaminis & colluctatione vitiorum; sed in castimonie pace, & cordis tranquillitate perpetua. Hunc igitur pacis locum extinctione carnalium passionum, si quis meruerit obtinere: ex hoc quoque proficiens gradu, ac *Syon* spiritualis, id est specula Dei consequenter effectus, erit etiam *habitatio* eius. Non enim in conflictu continentie, sed iugi virtutum specula Dominus commoratur: vbi iam non retundit, non comprimit, sed in perpetuum confregit potentias arcuum; ex quibus videlicet aduersum nos libidinum quondam iacula dirigebantur ignita. Videtis ergo quia sicut non est in colluctatione continentie, sed in castitatis pace locus Domini: ita etiam habitatio eius in specula sit & contemplatione virtutum. Vnde non inmerito portæ Syon cunctis tabernaculis Iacob præferuntur: Diligit enim Dominus Syon super omnia tabernacula Iacob.

*Ibid.*

*Psal. 86. 1.*

*Psal. 86. 1.*

*Psal. 86. 1.*

*Psal. 86. 1.*

*Psal. 86. 1.*

*Psal. 86. 1.*

*Psal. 86. 1.*

sicut illorum trium iuuenum quibus ita rorente spiritu fornacis Chaldaicæ flamma discussa est, ut ne capillos eorum aut fimbrias odor ignis afflaret; ut illud quodammodo, quod sanctis repromittitur per Prophetam, incipiamus iam in hoc corpore possidere: *Cum ambulaveris per ignem non combureris, & flamma non ardebit in te.* De hac castimonie puritate quid beatus Apostolus senserit, diligentius inquiramus. *Mortificate*, inquit, *membra vestra que sunt super terram.* Non utique membra corporis nostri: sed corpus peccati, quod constat ex membris, quantocyus destrui zelo perfectæ desiderat sanctitatis. De quo corpore alibi: *Ut destruat, inquit, corpus peccati.* Et quæ sit eius destructio consequenter exponit: *Etiā, inquit, non serviamus peccato.* A quo etiam liberari cum eiulatu postulat, dicens: *Infelix ego homo, quis me liberabit de corpore mortis huius?* Hoc itaque peccati corpus multis vitiorum membris probatur extructum, & ad eius attingere portionem, quicquid vel facto, vel dicto, vel cogitatione peccatur: cuius membra super terram rectissime esse dicuntur. Non enim possunt ij qui eorum utuntur ministerio veridice profiteri, *Nostra autem conversatio in caelis est.* Huius igitur corporis in hoc loco Apostolus membra describens: *Mortificate*, inquit, *membra vestra quæ sunt super terram: fornicationem, immunditiam, libidinem, concupiscentiam malam, & avaritiam, quæ est simulachrum servitus.* Primo itaque loco fornicationem credidit inferendam, quæ carnali commixtione perficitur. Secundum etiam membrum *immunditiam* nuncupavit, quæ nonnunquam absque mulieris tactu vel dormientibus vel vigilantibus per incuriam incircumspectæ mentis obrepit. Et ideo notatur ac prohibetur in lege, quæ immundos quosque non solum sacrarum carniū participatione privavit, verum etiam ne contactu suo sancta polluerent, à castrorum iussit congregatione secer-ni, dicens: *Anima quæcumque comederit de carnibus sacrificij sa-lutaris quod est Domini, in qua est immunditia, peribit coram Do-mino. Et quicquid tetigerit immundus, immundum erit.* In Deu-teronomio quoque: *Si fuerit inter vos homo qui nocturno pollutus est somnio, egredietur extra castra; & non reuertetur priusquam ad vesperam lauetur aqua; & post solis occasum regredietur in castra.* Deinde tertium peccati membrum *libidinem* posuit, quæ in

Psal. 43. 2.

Rom. 6. 6.

Ibid.

Rom. 7. 24.

Philip. 3. 10.

Coloss. 3. 5.

Quæ casti-  
tatem labe-  
factant.

Leuit. 7. 21.

Ibid. 22. 3.

Deut. 23.

recessibus animæ coalescens, accidere cuiuspiam etiam sine passione corporis potest. Libidinem enim ab eo quod libeat dictam esse, non dubium est. Post hæc de maioribus peccatis ad minora descendens, quartum intulit membrum *concupiscentiam malam*, quæ non solum ad prædictam impudicitie passionem, verum etiam ad omnes noxias cupiditates generaliter referri potest quæ corruptæ tantummodò voluntatis est ægritudo, de qua Dominus in Euangelio: *Qui viderit mulierem ad concupiscendam eam, iam mæchatus est eam in corde suo*. Multò enim maius est etiam tunc mentis lubricæ desiderium continere, cum ei illecebrosi aspectus offertur occasio. Quibus manifestissimè comprobatur ad perfectionem puritatis castimoniam continentie corporalis solam non posse sufficere, nisi ei etiam mentis addatur integritas. Post quæ omnia nouissimum illius corporis membrum, & *avaritiam* inquit, proculdubio ostendens non solum ab appetitu rerum alienarum animum continendum, verum etiam propria magnanimiter contemnenda: hoc enim & in Actibus Apostolorum fecisse legitur credentium multitudo, de qua dicitur. *Multitudinis autem credentium erat cor vnum, & anima vna, & vsque dividebantur autem singulis prout cuique opus erat*. Et ne ad paucos pertinere videretur ista perfectio, avaritiam simulachrorum seruitutem esse testatus est. Nec immeritò: Quisquis enim non communicat necessitatibus egenorum, & pecunie suæ quam infideli tenacitate conseruat, Christi præcepta postponit, idolatriæ crimen incurrit, amorem scilicet materie mundialis diuinæ præferens caritati.

Matt. 5. 28.

Non sola  
corporalis  
sed potissi-  
mè mentis  
continentia  
requiritur,

Act. 4. 32.

Qui egenos  
non suble-  
nat idolola-  
triæ reus  
est.

*Qui viderit mulierem ad concupiscendam eam, iam mæchatus est eam in corde suo*. Multò enim maius est etiam tunc mentis lubricæ desiderium continere, cum ei illecebrosi aspectus offertur occasio. Quibus manifestissimè comprobatur ad perfectionem puritatis castimoniam continentie corporalis solam non posse sufficere, nisi ei etiam mentis addatur integritas. Post quæ omnia nouissimum illius corporis membrum, & *avaritiam* inquit, proculdubio ostendens non solum ab appetitu rerum alienarum animum continendum, verum etiam propria magnanimiter contemnenda: hoc enim & in Actibus Apostolorum fecisse legitur credentium multitudo, de qua dicitur. *Multitudinis autem credentium erat cor vnum, & anima vna, & vsque dividebantur autem singulis prout cuique opus erat*. Et ne ad paucos pertinere videretur ista perfectio, avaritiam simulachrorum seruitutem esse testatus est. Nec immeritò: Quisquis enim non communicat necessitatibus egenorum, & pecunie suæ quam infideli tenacitate conseruat, Christi præcepta postponit, idolatriæ crimen incurrit, amorem scilicet materie mundialis diuinæ præferens caritati.

In tantum autem Beatus Apostolus fornicationem siue immunditiam de nostris membris extirpari posse confidit, ut non solum mortificari ea, sed ne nominari quidem in nobis debere.

Ephes. 5. 3. 4.

*Fornicatio*, inquit, & *omnis immunditia*, aut *avaritia* nec nominetur in vobis, sicut decet sanctos: aut *turpitudine*, aut *stultiloquium*, aut *currilitas* quæ ad rem non pertinet. Quæ etiam pari modo perniciofa esse, & æquali nos à regno Dei exclusionem depellere edocet, dicens: *Illud autem scitote quòd omnis fornicator, aut immundus, aut avarus, quod est idolorum seruitus, non habet hereditatem in regno Christi & Dei*. Et iterum:

Ibid. 5:

1. Cor. 6. 9.

*Nolite errare; neque fornicarij, neque idolis seruientes, neque*



adulteri, neque molles, neque masculorum concubitores, neque fures, neque avari, neque ebriosi, neque maledici, neque rapaces regnum Dei possidebunt. Certos autem esse nos conuenit, quod licet omnem continentiae distictionem, famem scilicet ac sitim, vigilas quoque & operis iugitatem, atque incessabilis subeamus studium lectionis: perpetuam tamen castimoniae puritatem horum laborum merito contingere nequeamus, nisi in his iugiter defudantes, experientiae magisterio doceamur incorruptionem eius diuinæ gratiæ largitate concedi. Sciendum quoque quia quantum quis in lenitate ac patientia cordis, tantum in corporis puritate proficiet. Vnde Dominus: *Beati mites quoniam ipsi possidebunt terram.* Non ergo aliter nostram possidebimus terram, id est, non aliàs ditioni nostræ rebellis huius corporis terra subdetur, nisi mens nostra prius fuerit patientiæ lenitate fundata. *Mansueti enim possidebunt terram.* Et non solum possidebunt eam; sed etiam *delectabuntur in multitudine pacis*; quâ nemo in cuius carne adhuc bella concupiscentiæ suscitantur, stabiliter perfruetur. Necesse est enim infestari eum dirissimis dæmonum præliis, & ignitis luxuriæ iaculis sauciatus à terræ suæ possessione deuolui; donec Dominus *auferat bella usque ad fines terræ eius, arcum conserat, & confringat arma, & scuta comburat igni*: Illo scilicet quem Dominus venit mittere super terram. Et ita cum eum Dominus conterens bella ab omnium incentiuorum æstibus liberauerit, ad illum puritatis perueniet statum, ut deposita confusione, quâ semetipsum, id est, carnem suam, dum impugnaretur, horrebat, incipiet ea velut purissimo tabernaculo delectari: non enim accedent ad eum mala, & flagellum non appropinquabit tabernaculo eius. Hanc igitur pacem donec firmam atque perpetuam obtinere mereamur, multis necesse est nos impugnationibus attentari, frequentèrque nobis est versiculus iste cum gemitu lachrymisque repetendus: *Miser factus sum usquequaque. Tota die contristatus ingrediebar: Quoniam lumbi mei impleti sunt illusionibus, & non est sanitas in carne mea.* Hoc autem tandiu, quoad usque per Dei gratiam confirmatus in illâ quam appetit puritate, efficaciter dicere mereatur: *Expectans expectaui Dominum, & intendit mihi.*

Largitate  
gratiæ ca-  
stitas con-  
ceditur.

Matth. 5. 4.

Psal. 36. 11.

Psal. 45. 9.

Psal. 37. 8.

Psal. 39.

## CAPVT V.

## De spirituali scientia.

Quæ ad veram scientiam conducunt.

**I**mpossibile est animam, quæ mundanis vel tenuiter distentionibus occupatur, vel quæ proposito acquirendæ laudis humanæ studio lectionis insistit, donum veræ scientiæ promereri, vel generatricem spiritualium sensuum, aut tenacem sacrarum fieri lectionum. Aliud namque est facilitatem oris, & nitorem habere sermonis, & aliud venas ac medullas cælestium intrare dictorum; ac profunda & abscondita sacramenta purissimo cordis oculo contemplari. Quod nullatenus humana doctrina, nec eruditio sæcularis, sed sola puritas mentis per illuminationem Sancti-Spiritus obtinebit: *Beati*, ait *Matt. 5. 8.* Dominus, *mundo corde; quoniam ipsi Deum videbunt.* Festinandum igitur tibi est, quisquis ad veram scripturarum vis scientiam peruenire, vt humilitatem cordis immobilem primitus consequaris, quæ te non ad illam quæ inflat, sed ad eam quæ illuminat, scientiam caritatis consummatione perducatur. Deinde hoc tibi est omnimodo enitendum, vt expulsa omni solitudine & cogitatione terrena, assiduum te, ac potius iugem sacræ præbeas lectioni, donec continua meditatione imbuat mentem tuam, & quasi in similitudinem sui formet, arcam quodammodo ex ea faciens testamenti, habentem scilicet in se duas tabulas lapideas, id est, duplicis instrumenti perpetuam firmitatem. Vnam quoque auream, hoc est memoriam puram atque sinceram, quæ reconditum in se manna perpetua tenacitate conseruet, spiritualium scilicet sensuum, & Angelici illius panis perennem cælestemque dulcedinem. Nec non etiam virgam Aaron, id est summi verique Pontificis nostri IESU CHRISTI salutare vexillum immortalis memoriæ semper viriditate frondescens. Hæc namque est virga quæ postea quàm de Iesse radice succisa est, viuacius mortificata reuirescit. Hæc autem omnia duobus Cherubim, id est historica & spiritualis scientiæ plenitudine protegentur. Cherubim enim interpretatur scientiæ multitudo, quæ propitiatorium

rium Dei, id est placiditatem pectoris tui iugiter protegent, & à cunctis spiritualium nequitiarum incurfibus obumbrabunt. Et ita mens tua non solum in arcam diuini Testamenti, verum etiam in regnum sacerdotale prouecta, per indissolubilem puritatis affectum quodammodo absorpta, spiritualibus disciplinis illud implebit pontificale mandatum; quod à legiflatore ita præcipitur: *Et de sanctis non egredietur, ne polluat sanctuarium Dei*; id est cor suum, in quo iugiter habitaturum se Dominus repromittit, dicens: *Inhabitabo in eis, & inter illos ambulabo*. Impossibile quippe est immundam animam scientiam spiritualem adipisci. Nemo enim in vas foetidum, atque corruptum vnguentum aliquod nobile, aut mel optimum, aut pretiosi quicquam liquoris infundit. Facilius enim quamuis odoratissimam myrrham semel horrendis imbuta foetoribus testa contaminat, quam aliquid ex eo suauitatis gratiæ ipsa concipiat. Quia multò citius munda corrumpuntur, quam corrupta mundantur. Ita igitur & vas pectoris nostri, nisi prius fuerit ab omni foedissima vitiorum contagione purgatum, non merebitur suscipere illud benedictionis vnguentum, de quo dicitur per Prophetam: *Sicut vnguentum in capite quod descendit in barbam, barbam Aaron; quod descendit in oram vestimenti eius*; nec illam scientiam spiritualem, & eloquia scripturarum, quæ dulciora sunt super mel & fauum, impolluta seruabit. Quæ enim participatio iustitiæ cum iniquitate? Aut quæ societas luci cum tenebris? Quæ autem conuentio Christo ad Belial? In corde bono requiescit sapientia.

Leuit 21.12.

2. Cor. 6.  
16.

Psalm. 132.2.





PETRI ABBATIS S. REMIGII,  
 CELLENSIS VVLGO NVNCVPATI,  
**TRACTATUS**  
 DE DISCIPLINA CLAVSTRALI.

\* Henricus *Domino & amico suo* \* HENRICO viro illustri, Frater  
 1. Comes  
 Campanie. PETRVS humilis Abbas sancti Remigij  
*Salutem, & omnem prosperitatem.*



Claustralis  
 disciplinæ  
 effectus.

**L**IBERTAS animi nisi ex proprio arbitrio & adiuncto limosi corporis consortio infatuata fuisset, nequaquam poenali disciplina quæ plicat, planat, & ligat, indiguisset. Plicat erecta, planat aspera & ligat lasciua. Plicat indomita, planat inæqualia, ligat dissoluta. Plicat animum, corpus planat, vtrumque ligat. Plicat humilitate, planat æquitate, ligat religione. Plicat conuersione, planat confessione, ligat professione. Plicat palmitem in vite, planat tabulas cordis ad mandata vitæ, ligat pullum suum ad vineam, id est, animum ad gratiam. Plicat denique taurum de sæculo ceruicosum, planat camelum gibbosum, ligat bubalum siue onagram. Vtroque autem, animo scilicet & corpore, in genere suo naturali bonitate priuato, cœpit vias explere pietas Creatoris, quibus refarciret damna tantæ temeritatis. Et quia causa tanti morbi inuenta est priuilegium insitæ libertatis, salubri artificio, regulari disciplina colligauit pennas deprauatæ libertatis, & depressit colum temerariæ præsumptionis. Quod itaque generali censura in vniuerso genere humano Deus disposuit, hoc in me factum benignissima pietate expertus sum. Nam huc illucque

Quaream  
Et id ope  
ris contem  
nit.

postpositâ ordinis nostri maturitate vagabundus discurreram,  
& sæcularia negotia, atque terrenas occupationes tanquam  
fures & latrones penè omnē religionis suppellectilem à me as  
portare negligebam : sed ecce manus Dei filias pharetræ suæ  
misit in renibus meis, & gutta arctissima renes meos conge  
lauit, & domi consistere coëgit. Sentiens itaque disciplinam,  
de disciplina cœpi cogitare, cogitata describere. Quàm pa  
tienter verò passus sum disciplinam, tam libenter & diligen  
ter, & si non eleganter scripsi de disciplina. Scripsit sanctus  
Augustinus ut Augustinus & ut Episcopus de disciplina  
Christiana : scripsi ego Abbas & Monachus de Claustrali dis  
ciplina. Ille ut gigas literatissimus montes ceruorum & men  
tes humilium humeris suis gestat : Ego ut formica tenuissima  
grana non integra sed incisa traho ad tractatus nostri despe  
ctum tuguriolum, & præparo futuræ fami & hyemi quantu  
luncinque viaticum.

Opusculum itaque nostrum de CLAVSTRALI DISCIPLINA  
nec stylo nec titulo solemni irradiatum argumentosa Philoso  
phia non ingrediatur palatia, sed humili vultu formatur.  
igitur fronte, Princeps Nobilissime, quinimò & ingenij  
subtilitate viuacissime, tibi ad legendum transmittito tracta  
tum squallidum & pannosum? sed verbis oris mei illaquea  
tus malo argui de indocto, quàm de mendaci verbo. Legat  
itaque pius, & intelligens animus, attendens non formam  
verborum, sed virtutem sensuum : sicut enim plus est animi  
quam decor corporis, sic in scriptura potius spiritus requiren  
dus est qui viuificat, quàm litera quæ inflat : magis fructus  
placet in arbore, quàm folia : vtrumque tamen bonum est, si  
vtrumque adest, sed pulchra sine fructu folia potius sunt ocu  
lorum lenocinia, quàm stomachi subsidia. Apostolus repro  
bat speciem pietatis, vbi deest virtus caritatis. Dominus quo  
que veniens ad arborem fici quæ fructum non habebat, sed ta  
men folia, maledicit ei, & in æternum illam condemnat. Im  
ploro Nobilitatem vestram ne in lectione ista attendatis qua  
les sumus, sed quales esse debemus; nec lateat prudentiam  
vestram lucernam nostri ordinis in Israël prorsus esse extin  
ctam; sed Isaac oculos, quia senuit, caligasse. Conquerenti  
Helix aduersus Achab & Iesabel, ac dicenti : Domine aharid

1. Cor. 13.

3. R. g. 19.

F ij

*sua suffoderant, Prophetas tuos occiderunt, & relictus sum ego solus: Et quarunt animam meam.* Responsum est ei: *Reliqui mihi septem millia virorum qui non curuauerunt genua sua ante Bala.* Sic certè, sic Domine & amice Carissime, & si magna antiquorum Patrum virtus regularis nostris temporibus elanguit, non expirauit; etsi abiit, non obiit; etsi refriguit, non perit; qui quasi nihil sunt apud homines plerumque tanquam lucerna despecta pluris sunt apud Dominum, quàm qui aliquid esse videntur. Non excuso malos, sed prædico bonos. Præiudicium tollo, quia iudicium Dei expecto. Nostrum est honorare nomen Dei, non solum in sanctis; sed in peruersis. Nam quæcunque persona etiam vilissima, si sigillum vestrum portauerit, auctoritate nominis vestri suscipienda est & honoranda; non quia digna sit; sed quia digni sit. Sic plerumque dignus facit indignum, dignum indignum utique propriè, dignum impropriè; indignum ex se dignum ex officij perfuntione. Nolo vt mihi in aliquo parcatis, vbi excessi: rogo etiam vt non legatis cum fastidio, sed statim vt coeperit onerare mentem, de manu vestra projicite; & si placuerit, aliàs resumite; aut si disoluerit, reclusum perpetuis tenebris condemnate. Pauperes & gloriosi homines paupertatem veraciter sustinentes, & humiliter gloriam affectantes, ad contegendam paupertatem, & gloriam comparandam, solent oras clamydis suæ aut preciosis, aut speciosis pelliculis superuestire, non ad vtilitatem, sed ad curiositatem intuentium respondentes. Sic ego ipse, quia huic nostro operi præ inopia nostra deerat pretium sententiarum, & decus verborum: titulum nominis vestri anteponens, ingressum eius decentissimè adornauit; vt lector sperans non nisi optima vobis offerri, currat ad perlegendum, non ex sapore conditi poculi, sed in splendore tituli tanti Principis.

Non boni  
tantum, sed  
mali sunt  
honorandi.

Humilitas  
auctoris.

## PRÆFATIO.

**A** Ut periti est aut experti iudicare de re cognita; Imperiti vero & inexperti tractare de re incognita, potius est præsumere quàm diffinire. Me peritum in Claustrali Disciplina aut expertum si fateor, mentior: Non nego me vidisse regulares & religiosos homines quorum consortio etsi aliquando in-

terfui, virtutem non retinui. Quomodo ergo poscis à me au-  
dire de disciplina claustrali, cum iam fere à triginta annis vix  
summo labello illam degustauerim? Tamen quia caritas om-  
nia credit, & te scio ex deuotione non ex tentatione id quære-  
re, postposita negandi difficultate audeo scribere quæ nequeo  
tenere; nec multum erubesco, si me talem in hoc Opusculo  
recognoueris, qualem ab infantia tua didicisti: nisi fortè quia  
ætas nostra iam aduersperascens parum habet de meridie, plus  
de vespera.

Auctor à  
triginta an-  
nis vitam  
religiosam  
professus.  
1. Cor. 13.

Prolixum me fecit in hoc Tractatu de disciplina Claustrali  
& tua totiens repetita postulatio, & sciatica gutta quæ renes  
meos diutissimè sub aspera disciplina detinuit. In hoc Opus-  
culo tanquam confectione de consuetis & notis in hortis no-  
stris nascentibus herbis, non de pretiosis & remotarum regio-  
num speciebus comparato: plus de melle gregis, quàm de  
scammonia Hieronymi apposui, timens ne inuentum proijce-  
retur, si scammonia morderet, & operis vtilitas tam pro arti-  
ficio, quàm pro artifice sorderet. In huius autem laboris re-  
compensatione mercedem hanc peto à te, vt diligenter legas,  
& quicquid ei displicuerit, confidenter detrahas, & corrigenda  
corrigas.

Ischiade af-  
fectus  
cum id ope-  
ris est ag-  
gressus.

Reddo cum vsuris debitum non à me tibi promissum, sed à  
te frequenter postulatum; sufficit mihi ratio debendi vbi præ-  
cessit in amico voluntas postulandi: vsuras superaddo, quia  
in soluendo intercessit longa dilatio. Age gratias Deo qui de-  
dit opportunitatem, sine qua nondum me à debito illo absol-  
uissem. Quam? dolorem in renibus, qui me sub disciplina as-  
pera diu religauit, & vagandi huc illucque facultatem nega-  
uit. Congratulor itaque & ego infirmitati meæ, & dico: Pa-  
tiamur mala, vt faciamus bona: imò patiamur mala, ne  
faciamus mala. Hoc ad nostram claustralem pertinet discipli-  
nam: pati & non facere mala: sed potius pro malis reddere  
bona. Hanc docuit ille qui adinuenit omnem viam disciplinæ,  
& docuit eam Iacob puero suo, & Israël dilecto sibi. Passus  
est autem mala à malis & pro malis, sed retribuit bona pro  
malis, & fecit bonos de malis. Non mireris anice carissime,  
si stylum claudicantem deprehenderis, quia cum toto corpore  
suo simul & manus claudicat. Manus enim vacillans rectas

Matt. 18.

lineas non seruat; & quid mirum, si claudus claudum generat? Plus mirandum si curuus generet rectum. Tu tamen quia rectè sentis, & rectè incedis, excusa Isboseth debilem pedibus apud Dauid, & omnem sermonem claudicantem aut corrige, aut succide: *Melius enim est cum uno pede intrare in vitam, quam duos pedes habentem mitti in gehennam.* Est autem gehenna legentium inuidia: meritò autem succumbit inuidia, vbi succincta veritate, expedita constructione, armata ratione, labia mordentium euadit materia: vel vbi adeò extincta est hebetudine, despecta habitudine, macra verborum crassitudine, exanguis sensuum exilitate, quod dens inuidiæ non habeat vbi mordeat. Non reputo aspectu publico digna mea Opuscula, sed secretum meum mihi, secretum meum mihi, simplex deuotio, non phalerata eloquentia legat scripta mea, non ad plausum, sed ad planctum. Plangit enim columba mea in foraminibus suis; coruus crocit in cadaueribus & morticinis; clamat coruus cras, cras, vel appellans sibi quod crassum est: Sicut in passione Domini leguntur quidam dixisse: *Ecce Heliam vocat iste*, cum Dominus diceret; *hely, hely*: vel promittens sibi longos dies & annos, vel frustratoriam poenitentiam spondens cras, cras, id est nunquam; sicut dicitur, hodie cum pretio, cras sine pretio. Ego quoque pretium precum & orationum pro opere isto hodie & cras postulo.

## PRÆFATIO ALTERA.

**A**Micus disciplinae, RICARDE Carissime, tanquam expertus sim illam, non semel inquietas senem elementarium vt inde aliquo scripto, tibi quod sentio decerpam: & si non propter amicitiam, tamen propter improbitatem Euangelici amici non possum non surgere de lectulo, in quo clauso ostio cum pueris cæterorum sensuum decumbebam, & dare non quantum requirit affectus tuus, sed quantum capit pugillus meus. Timeo ne occurrat auarus, & non inueniens fructum, sed tantum folia in arbore fici, maledicat spei falsæ, siue promissioni. Rursû nauseans, qui singula curiosè carpit, & odiosè contemnit, si accesserit, potius spero vomitum quàm gustum. Sed quia *caritas omnia credit*, & nemo cogitur munus

1. Cor. 13.



habere meum, tibi ſoli qui pro multo amore medullæ etiam cortices noſtros inſipidos rodis, quod ex voluntate Dei occurrerit excipiam, & Matri Rebeccæ, vt inde eſcas præparet, tradam.

## CAPVT I.

## De auctoribus Diſciplinæ.

**I**gitur Auctores huius diſciplinæ in ſcriniis autheticæ ſcripturæ reuoluens, præcipuos & ſummos inuenio Moyſen in eremo, Ieſum in mundo, Paulum in delegato ſibi docendæ Gentis officio. Duo quoque riuuli ex his emanantes, Monachos & Canonicos Regulares incluſerunt in clauſtro tanquam ceruos & capreas in inclauſo, vt ita dicam, parco, Benedictus & Auguſtinus. In Exodo, in Leuitico, in Numeris, in Deuteronomio, populi Domini peculiaris clauſtralem diſciplinam lege, & nudo intellectu mores informantia mandata retine. Cerimonialia verò tanquam veſtita veſtibus Eſau valde bonis diſcinde, & intrinſecus latentem ſpiritualem nucleum comede. Certè diſciplina illa ſeueriſſima fuit; etſi noſtra illi comparetur, tolerabilior inuenitur. Adeò enim illa importabilis fuit, vt non ſolùm quilibet infirmus & plebeius legis mandata implere non poſſet, ſed nec etiam quilibet iuſtus & ſanctus. Vnde Petrus: *Quid nobis iugum imponere tentatis, quod neque nos, neque Patres noſtri portare potuerunt?* Noſtra verò diſciplina ſatis tolerabilis eſt, vt in Epiſtola Ioannis dicitur: *Caritas hæc eſt, vt mandata eius cuſtodiamus, & mandata eius graui non ſunt.* Quid eſt autem noſtra diſciplina, niſi viuere ſecundum mandata Dei? Ieſus verò Magiſter magnus & bonus, cuius cathedra eſt in cœlo, & Schola in mundo, in Euangelio quaſi in antidotario, quæ fecit & docuit, deſcripſit; & duodecim Apoſtolos clauſtrales ſuos cum ſeptuaginta duobus Diſcipulis clauſtralem diſciplinam docuit. Nec de clauſtro illo Euangelico exiuit, niſi is qui filius perditionis erat; vel illi qui dixerunt: *Durus eſt hic ſermo: & abierunt retro: & iam non cum illo ambulabant.*

Act. 15. 10.

1. Ioan. 5. 3.

Ioan. 6. 61.

## CAPVT II.

## De Apostolica Disciplina.

**N**Ota disciplinā Apostolicam vbique & in omnibus reuerendam, præcipuè vti Petrus innuit Ioanni, qui in cœna super pectus Domini recumbebat, vt interrogaret quis esset eum traditurus. Tanta enim erat ad Magistrum reuerentia, tanta obedientia, tanta subiectio, tanta ad inuicem fraterna dilectio, vt ne spiraculum susurri per eos transiret, nisi fortè quando facta est contentio inter eos, quis eorum videretur maior, vel cùm indignati sunt de duobus, qui quærebant sedere ad dextram & ad sinistram. Quicquid tamen humana fragilitas in vasis fictilibus, necdum igne Sancti-Spiritus sufficienter decoctis, committebat, manus figuli statim refarciendo solidabat. Modò siquidem arguebat, eis dicens:

Math. 8.

26.

Ioan. 16. 33.

Math. 27.

20.

*Modica fidei, quid turbati estis? Modò consolabatur; Confidite, inquiens, Ego vici mundum. Et, Ecce ego vobiscum sum usque ad consummationem sæculi.* Modò in parabolis, modò sine parabolis loquebatur; Modò subtrahebat se pernoctans in oratione; Modò celabat se ambulans super mare, & putabant phantasma esse; modò ad congregationem suam reuertebatur, & cum omni familiaritate conuersabatur. Modò præ nimia fame spicas post ipsum confringebant, & manducabant: Modò duodecim cophnos fragmentorum ex his quæ superauerant de quinque panibus colligebant. Nihil proprietatis habebant, qui dicebant: *Ecce nos reliquimus omnia, & secuti sumus te.* Ab eo nunquam separari volebant, cùm diceret: *Vado in Iudæam: Et Thomas ait ad condiscipulos, eamus & nos, & moriamur cum illo.*

Math. 19.

27.

Ioan. 11. 14.

*Quid dicam de Monachis istis, videlicet Apostolis? Angelicis spiritibus illos confere, nisi nondum expoliata mortalitate illi ministrabant qui modico minoratus est ab Angelis, Sed cum gloria & honore coronatus à Patre super omnem principatum & potestatem federit in sede maiestatis suæ, in sede magnitudinis, sedebunt & hi super sedes duodecim, iudicantes duode-*

Heb. 2. 9.

Math. 19.

*cini*

cim tribus Israël, fortè & Angelos; de quibus Apostolus: *Nonne & Angelos iudicabimus?* Spes ista in sinu Claustralium est reposita, quia res pro cōsimili disciplina est repromissa, non ab illo, sed ab eodem IESV CHRISTO. Successit Petrus in Apostolatum circumcisionis; & Paulus inter gentes: sicut idem Paulus ait: *Qui operatus est Petro in Apostolatum circumci-* Galat. 1. 8.  
*sionis, operatus est & mihi inter gentes.* Docet Apostolus in Regula, id est, in Epistola sua: *Qui utantur hoc mundo, tanquam* 1. Cor. 31.  
*non utantur.* Et, *Nihil habentes, & omnia possidentes.* Et, *Obe-* 2. Cor. 10.  
*dite prepositis vestris, & subiaceite eis.* Et, *Alter alterius onera* Heb. 13. 17.  
*portate.* Et, *Nemo quærat quod sibi vile est, sed quod alij.* Et, Galat. 6. 2.  
*Honore inuicem praueniētes.* Et, *Turpis sermo de ore vestro non* 1. Cor. 10.  
*procedat, & turpitudine, & stultiloquium nec nominetur in vobis.* 24.  
 Rom. 12. 10.  
 Ephes. 3. 4.  
 Huiusmodi floribus totus vernat codex Apostolicus, vastum & amplum regit claustrum, ab Hierusalem scilicet ad Illyricum habens virgam in manu, sicut quibusdam scribit: *Quid* 1. Cor. 21.  
*vultis? in virga veniam ad vos, an in spiritu mansuetudinis?* Tradit & quosdam Sathanæ, vt discant non blasphemare. Hic gaudet cum gaudentibus in Hospitio; hic flet cum flentibus in Oratorio; hic infirmatur cum infirmantibus in Infirmaria; hic vritur cum scandalifatis in Capitulo; hic in Cella Nouitiorum loquitur ad suos Nouitios: *Filii mei quos per Euange-* Galat. 4.  
*lium genui, & quos interim parturio donec formetur Christus in* 19.  
*vobis;* Hic in Refectorio *Castigat corpus suum; ne alius predicans* 1. Cor. 9. 27.  
*ipse reprobus efficiatur;* Hic denique semper & vbique, *In vigi-* 2. Cor. 6. 6.  
*liis inuenitur, & ieiuniis, in fame & siti, in frigore & nuditate;* & 11. 27. 6.  
*in plagis supra modum, in mortibus frequenter.* Hic hospitariis di- 5. 23.  
 cit, *Hospitales inuicem sine murmuratione,* His qui sunt in Ora- 1. Pet. 4. 9.  
 torio: *Psallem spiritu cum fratribus, psallam & mente; orabo &* 1. Cor. 14.  
*spiritu, orabo & mentes;* Infirmaryis: *Alter alterius onera portate.* 15.  
*Infirmum suscipite in fide;* Sediti verò in Capitulo: *Argue, ob-* Rom. 14. 1.  
*secra, increpa;* His qui in Refectorio: *Nolite inebriari vino, in quo* 2. Tim. 4. 2.  
*est luxuria;* Eleemosinariis autē: *Qui parcē seminat, parcē & metet;* Ephes. 5.  
*& qui seminat in benedictionibus, de benedictionibus & metet vitā* 18.  
*aternā.* Denique omnibus Claustralibus clamat: *Vigilate, state* 2. Cor. 9. 6.  
*in fide, viriliter agite, & cōfortamini.* Et in hunc modum quicquid 1. Cor. 16. 13.  
 regulare, quicquid honestatis & fidei informabile, quicquid de  
 vestigijs IESV est imitabile, non est alienum à Paulo: Vna ta-

Ibid.

SS. Aug. &  
Benedict.  
disciplinæ  
claustral.  
eruditores.

men clausula cōcludit vniuersam claustralem disciplinam: *Omnia, inquit, vestra in caritate fiant.*

Iam inſectamus ſtylum ad noſtros ſpeciales eruditores, Beatum Benedictum, & ſanctum Auguſtinum: Alter Abbas & Monachus; Alter Episcopus & Canonicus; Vterque ſanctus, vterque Dominici gregis Doctor, & ductor egregius. Conuenit in quibuſdam noſtra & veſtra clauſtralis diſciplina; differt in quibuſdam. Sunt enim quædam quaſi ſubſtantialia in Religione, quædam accidentalia. Subſtantiale eſt Religioni ſine quo Religio non eſt Religio: Accidentale quod adeſt & abeſt pro loco, pro tempore, pro cauſa, pro perſona, pro cæteris circumſtantijs præter Religionis corruptionem: Hæc in arbitrio Procuratoris eatenus relinquuntur, vt ſalua pace & vnitæte vel intendantur, vel remittantur. Non tamen nimis intendantur ne rumpatur fragilitas; neque nimis remittantur, ne lædatur regula. Sunt autem ſubſtantia Religio-  
*Jacob. 1. 19. nis, ſilentium, de quo dicitur: Sit omnis homo velox ad audien-*  
*1. Tit. 1. 13. dum, tardus verò ad loquendum, & tardus ad iram;* Item lectio,  
*Pſal. 117. 1. de qua dicitur: Dum venio attende lectioni:* Item peccati Con-  
*Pſal. 31. 1. feſſio, de qua dicitur: Conſitemini Domino quoniam bonus: &*  
*Ioan. 16. 23. omnia in confeſſione lauantur, vnde: Dixi confeſtor, & tu re-*  
*misſiſti impietatem peccati mei;* Item oratio, de qua dicitur: *Si*  
*quid petieritis Patrem in nomine meo, dabit vobis:* Item medita-  
*Eccl. 7. 40. tio mortis, de qua dicitur: Fili memorare noniſſima tua, & in æ-*  
*ternum non peccabis.* Sed de his infra largiùs tractabimus.

## CAPVT III.

*Comparatio inter Iudaicam & noſtram  
clauſtralem diſciplinam.*

**S**icut mandata legalia in duabus tabulis conſcripta Iudaï-  
*Pſal. 67. 14. Scam diſciplinam continent;* Sic omnis regulariſtam Mo-  
 nachus, quàm Canonicus, *Inter medtos cleros,* regulariſ vide-  
 licet institutionis, & tradita à ſenioribus bonæ conſuetudinis,  
 vinere debet. In altero admittitur diſpenſatio: In altero li-  
 gatur. Non enim Iudex iudicat legem, ſed ſecundum legem.  
 Conſuetudo autem & uſus, ſicut voluntate vtentium intro-

ducuntur, sic contraria volūtatē mutantur. In his si quid necessitate mutandum, corrigendum, supplendumque fuerit, non usquequaque interdicitur dispensationis alteratio. His ergo quasi fortissimis ligamentis vita claustralis ita constringitur, ut nec manus, nec pedes extra licita moueantur.

Professio itaque secundum regulam & loci consuetudinem coercens in compedibus suis vinctum, IESU CHRISTI iugum suauē & onus leue humeris imponens renuntiantis sæculo, ante præsepe, & ad cunabula Emanuelis ligans asinam & pulum, in quibus sedens IESVS horam sequitur glorificationis. Præcedunt tamen sicut in capite sic & in membris passiones, posteriores glorias. Ducitur IESVS, quia ligatus ante Præsidem stetit: & quia non est discipulus super Magistrum, voluntarius & libens appetat verus Religiosus, disciplina regulari tanquam fasciis ab appetitu carnis religari. Vincula autem Religionis, statuta sunt regularia: verbi gratia, silentium, ieiunium, reclusio claustralis, incessus in nullo notabilis, compassio & dilectio fraterna, paterna reuerentia, lectio & oratio assidua, recordatio præteritorum malorum; timor mortis, ignis purgatorij, ignis æterni. Vix tam vaga, tam petulans poterit esse cogitatio, quæ non coercetur tam forti & multiplici funiculo. Verbum otiosum, verbum superfluum, verbum inordinatum sepelitur silentium. Titillationes & incentiua succensa in spinis malorum desideriorum soporat continuum ieiunium. Discursus vagos & vanos per plateas & vias ciuitatis sanguinum, retardat reclusio claustralis: motus stimulant in malam suspensionem, aspectus intuentium elidit incessus tam modestus quam maturus: Inhumanitatem recludit compassio; discordiam dilectio: paterna reuerentia, contumaciam; lectio ignorantiam; oratio immunditiam & malitiam; meditatio torporem & somnolentiam; recordatio præteritorum affert malorum cautelam de futuris, dolorem de præteritis, & de futuris sollicitudinem; muscas morientes & vermes qui non moriuntur, comedentes miseram animam, timor mortis tanquam myrrha occidit; ignis purgatorius reuocat à venialibus; ignis æternus à criminalibus: Nulla obseruationum istarum sterilis in Israël, qui cum Angelo colluctans non Iacob sed Israël appellatur. *Omnis tamen gloria filia Regis,*

Quæ Religiosæ disciplinæ exercitia.

non in his quæ in facie sunt, sed *ab intus, in fimbrijs aureis*, quæ intra velum Sanctum Sanctorum versis vultibus cum Cherubim in propitiatorium tantum respiciunt. Cardinales virtutes fimbriæ aureæ sunt, quia *Domini sunt cardines orbis terra*. Sunt etiam columnæ argenteæ super bases aureas, salubres virtutes de corde puro & conscientia bona, & fide non ficta. De quibus dicitur: *Ego confirmavi columnas eius*. Hæ portant templum Salomonis, cum vera religio fundata in mente bona, regularibus disciplinis Euangelium Dei non erubescit, sed Euangelica mandata tanquam superpositam fabricam humeris voluntariæ obseruationis conseruat. Sicut MARIA *conseruabat omnia verba hæc*. Ad claustralem itaque disciplinam styllum teneamus, & velut in vno corpore speciosæ puellæ formam non denegare Amalech, sed de semine Abrahæ definiamus.

## C A P V T IV.

*De disciplina claustralis obseruantis.*

**C**laustralis disciplina spectaculum est Deo, & Angelis, & hominibus: Deo in medulla intentionis; Angelis in gemitibus & suspiriis; hominibus in factis & dictis: *Homo videt in facie, Deus in corde*; Angelus medios fines cogitationis & operis. Ad Deum respicit *caritas de corde puro, & conscientia bona, & fide non ficta*. Ad Angelos simplicitas sancta cum bona specie, de qua dicitur: *Specie tua, & pulchritudine tua, intende prosperè, procede, & regna*. (Grata est enim, vt ait Augustinus, sanctis Angelis sacrata & pia significatio. Vnde & Dominus in Exodo percutiens Ægyptios percussorem non sinit ingredi domos, in quarum superliminario, & vtroque poste viderit sanguinem agni) Ad homines dilectio sine simulatione, conuersatio sine querela. Circumamicta itaque disciplina claustralis huiusmodi ornamentis spiritualibus nequaquam ceruicem erigit, & ambulat extento collo; sed cum Rebecca operit ante conspectum Dei vultum suum pallio pudoris & humilitatis.

Cum ambulauerit dicit: *Per singulos gradus meos pronuntiabo Dominum*. Item: *Circuini, & immolani in tabernaculo eius hæ-*

Exod. 12.  
22. 23.

Iob. 32. 37.

*stiam inbilationis.* Non enim sicut impij in circuitu vanitatis & curiositatis ambulat, sed cum Angelis ascendit scalam Iacob excessu mentis; & descendit contemplatione suæ fragilitatis. Cum sederit, cogitat de sede maiestatis, de sede æternitatis quid dictura sit, vel actura à facie fortitudinis Dei, in die iræ & reuelationis iusti iudicij Dei. Si steterit, dicat, *Vini Domine in cuius conspectu sto.* Et, *Mane astabo tibi.* Et, *Stantes erant pedes nostri in atrijs tuis Ierusalem.* Et, *Locus in quo stas terra sancta est.* Si caput leuauerit, dicat: *Ad te leuaui oculos meos in montes qui habitas in calis.* Et, *Leuaui oculos meos in montes, vade veniet auxilium mihi.* Et, *Sicut oculi seruorum in manibus dominorum suorum: & sicut oculi ancille in manibus dominae suae.* Sios & labia aperiat, dicat: *Os meum loquetur sapientiam.* Et, *Pone Domine custodiam ori meo, & ostium circumstantia labijs meis.* Et, *Prohibe linguam tuam à malo, & labia tua ne loquantur dolum.* Et, *Omnis sermo malus de ore vestro non procedat.* Si aures præbuerit loquenti, non audiat sanguinem, *Non accipiat opprobrium aduersus proximos suos.* Si comedat, antequam comedat, cum Iob suspiret de necessitate pro pomo inflicta; & quia vocem exactoris stomachus importunè exaudit, mixturam faciens confusibilem & fallacem necessitatis & delectationis. Rarus namque est, qui semper interponat maceriam discretionis inter appetitum necessarium & superfluum. Si biberit vinum, non venenum sumat. Vnde Apostolus: *Nolite inebriari vino, in quo est luxuria:* Et, *Modico vino utere propter stomachum tuum, & frequentes infirmitates.* Si dormierit, dicat: *Ego dormio, & cor meum vigilat.* Et, *In pace in idipsum dormiam & requiescam;* Et, *Caro mea requiescet in spe.* Surgens itaque ad vigilias, si orauerit, oret spiritu & mente. Intret in cubiculum & clauso ostio oret patrem suum plus corde, quàm voce; plus fide, quàm modulatione. Si ad Confessionem venerit, Lagenam aquæ baiulans sub balteo contritionis paxillum portet redargutionis, quo operiat terram cordis, & deponat onera mentis. Delens reliquias Amalech, & in seipso interficiat omnes operantes iniquitatem: fundat sanguinem hostiæ confessionis iuxta basim altaris; quatenus puro sanguine de latere Christi sua expurget menstrua; & sub te-rebintho crucis abscondat idola peccatorum suorum. Non se

4. Reg. 3.

Ephes. 5. 18.

1. Tim. 65.

23.

palpet, non declinet ad dextram bona sua laudando, neque ad sinistram vera tacendo, aut quod non est, malum fingendo. Si fratris culpam accusauerit, caueat ne ferrum cadat de manubrio, plus iusto sauiens, ne mentum Amasæ Ioab tenens blandimento in inguine feriat seducendo.

f. \* Sed  
aduerso  
dorso te-  
xerunt.

Si de manifesto arguit, mansuetudinis verba agni mansueti teneat; *Iuda*, inquit Dominus, *osculo filium hominis tradis*? Si de occulto, vtatur correptione priuata, non proditione publica. Si potentem aut Prælatum, Nathan ad Dauid, & duos filios Noë videat. Ille cautè ex obliquo circumdans Leonem in agnum, vtique Regem potentissimum plus arte quàm seueritate suis iniecit vinculis. Hi verenda Patris licet nuda, videre noluerunt. Si aduerso dorso texerit: Si legerit, simplicitatem amicam legi diuinæ afferat, & botros in vinea comedens extrà non efferat, aliter interpretando, & sensus peruersos adiiciendo. Non desudet ad quæstiones quæ non sunt ad ædificationem, sed ad contentionem, & audientium subuersionem. Legat, vt intelligat; intelligat, vt mandata Dei faciat: compunctionem ibi quærat, non superfluam occupationem: Mandet medullam legis medullis cordis, quibus impinguatus holocausta medullata offerat cum incenso arietum, id est sincera veritate, & vera caritate Apostolorum & Prophetarum. Et, quia Calix in manu Domini, scriptura sancta; Et, Inclinat ex hoc in hoc. Aliquando legenda sunt mandata diuina, aliquando Sanctorum exempla; quia vnus est sermo Dei in passionibus Martyrum, & in sanctis conuersationibus Confessorum. Quod enim quasi mortuum iacet in pelli morticina deformatum in littera, vitâ viuít, cùm agitur quod legitur. Si ad publicum aliqua necessitate venerit, redeat cum festinatione tanquam de carcere, tanquam de laqueo, tanquam de camino, tanquam de inferno inferiori. Vidit Dauid iniquitatem in ciuitate. Vidit Dina mulieres regionis, & periit inde Hemor filius Sichem cum patre & populo suo. Sic venter, disciplinæ claustralis eburneus de castitate, distinctus est sapphiris hac pulcherrima varietate. Æstimo claustralem disciplinam ad hoc constitutam, vt sicut in Esther legitur, de vniuersis regnis eligerentur puellæ ad opus Regis, quæ sub custodia traderentur, summo studio imbuerentur, & vnge-

Esther c. 2. 2.



rentur oleo myrtino, & aliis pretiosissimis vnguentis; denique longa, & exactissima diligentia probatis, & vultu ornatissimo ornatis, quæ Regi placebat, cum Rege pernoctabat, ad nutum eius intrabat, & exibat. Sic Rex magnus, Rex Regum, Rex sæculorum, de cunctis gentibus, tribubus, linguis, populis, & ex omni natione quæ sub cœlo est, à solis ortu & occasu, ab aquilone & mari, prædestinatos suos vocat, & ad claustralem disciplinam congregat, & mores incompósitos lima regulari complanat, vitiorum foetorem vnguento piæ conuersionis exterminat, regiis amplexibus dignas mentes, & corpora præparat, & die constituta ab æterno, ad thorum & thalamum gloriæ, & beatæ vitæ vocat.

## CAPUT V.

*Quòd per disciplinam claustralem, prima reparatur transgressio.*

**N**atura humana, siue libertas arbitrij, in præuaricatione originali viribus, bonitate naturali, summopere debilitata, ex quo de ventre matris homo egreditur, indiget disciplina pedetentim tanquam remedialibus suffragiis reparari. Primi siquidem & noui mandati solidissimas confringens valuas principio dati liberi arbitrij nobilitatem compediuit, & robur corporalis sanitatis infirmauit. Occasio autem tanti mali fuit, quòd cœlestem disciplinam non seruauit; nec erat disciplina illa ad tenendum difficilior, quàm ad mandandum. Voluptas appetitum non trahebat, necessitas non vrgebat, fames non mordebat, sapor ligni vetiti concessis pomis non præiudicabat dulcedine, licet scriptum sit; *Quia vidit mulier* Gen. 3. 6. *lignum pulchrum ad videndum & ad gustandum suauē.* Nequaquam certè excludit hoc pulchrum, & hoc suauē, pulchritudinem & suauitatem omnium lighorum paradisi: sed suggestionē serpentis mens muliebris perforata demonstratur. Pulsata namque siue absorpta à tentatione anima, rem concupitam æstimatione non appendit, sed delectatione. Facillima igitur disciplina, & nullo onere pressa, Dei manu plasmata tota in circuitu natura humana potuit in sua suauitate seruari;

quæ malè fauciata nullis ad plenum remediis vsque ad sanguinem agni valuit liberari.

Quot prætentauit medicinarum adhibere magnus Medicus remedia humanis vulneribus, testis est Abraham in circumcissione; testis est Moyses in hostiarum immolatione, & aliarum specierum oblatione; testes omnes Prophetæ in increpatione, & assidua prædicatione: induruerat nimia veteratione, & insufficienti curatione morbus; nec curatio fraterna liberabat ægotantem, qui expectabat Dominum saluatorem, quatenus Dominus liberaret seruum, & saluator ægrum. Præmisit saluator iste disciplinam tanquam virgam Moyse, sed sibi retinuit virgam virtutis suæ in cruce, in qua fuso sanguine tela ignea nequissimi diaboli extinxit, & ab omni febre infirmum suum sanauit.

## C A P V T VI.

### *Quòd Claustrum sit Vicarium crucis.*

**V**icarium itaque suæ Crucis claustrum constituit, vt sicut disciplina pacis nostræ in corpore suo super lignum crucis fuit, sic nos extra secularia castra exeuntes ad claustrum improperium eius portemus, & tanquam filij iuxta sapientissimi Salomonis consilium, disciplinam eius apprehendamus: *Fili, inquit Salomon, apprehende disciplinam Patris, & ne dimittas legem matris tuæ.* Et Psalmista: *Apprehende disciplinam, nequando irascatur Dominus.* Et Apostolus: *Quòd si extra disciplinam estis; ergo adulteri, & non filij estis.* Et alibi: *Omnis disciplina in presenti quidem non videtur esse gaudij, sed mæroris; Postea vero per eam exercitatis fructum pacatisimū reddet iustitia.* Est autem Claustrum in confinio Angelicæ puritatis, & mundanæ colluuiōis. Si quas arenulas honestatis de mundo tanquam de Ægypto Hebræus transiliens à vicinis artibus, quæ appellantur liberales, mutuans, ad claustrum detulerit; vti eis remoto indicio furti poterit: *Omnis enim sapientia à Domino Deo est.* Propter sapientiam carnis, quæ inimica est Deo, hanc non amat disciplina claustralis: quia potius est ad subuersionem simplicitatis (quæ est vnica Deo, Claustri filia) quam

*Psal. 2.*

*Heb. 12. 18.*

*Ibid. 11*

*Ecc. 1. 1.*

quàm ad ædificationē. Rasis itaque supercilijs pomposę vanitatibus; vnde ait Apostolus: *Ne quis decipiat vos per Philosophiam, & inanem fallaciā*: & \* vnguibus auarę rapacitatis substractis, securè matrimoniū, cum omni doctrina, quę contra fidem non est, contrahat incola claustrī. Quicumque enim alterius saporis est extra claustrum, etiamsi oleaster, etiamsi ramus inserturus in bonam oliuam, pinguedine radicis dulcoratur, & gremio diuinę sapientię fatus ab immobilitate commutatur. Sic Grammatica, sic Dialectica, sic Geometria, sic Astronomia diuinę scripturę sapidissimè sale conditę, quę gustatę solebant afferre mortem: sicut filij Prophetarum clamant ad Eliseum Prophetam: *Mors in olla vir Dei*: admixtione farinę, id est, gratię, pręstant salubrem refectionem, & tanquam Gabaonitę comportant ligna & aquas ad disciplinam claustralem. Hęc iure belli Israëlitę ad claustrum suum deferunt à castris Philistinorum, cum edoctis sæcularibus literis diuinis studiosius legant, acutiùs intelligant, hæreticorum deceptiones cautiùs deprehendunt, fidei simplicitatem & veritatem fortiùs & firmiùs defendunt. His claustralis noster vacans non vacat; his intentus otiosa, vana, & superflua cordis phantasmata effugat; his consēpultus dormiens vigilat. Istę sunt vestes mutatorię, quas secum Naaman leprosus ad Regem Israël detulit.

Coloss. 2. 8.  
\* Alludit  
ad versum  
11. & 12.  
cap. 21.  
Deuteronomij.

Reg. 4. 14.  
40.

Quid iuuant Claustrales sciētię seculares.

Si autem de mundo tantas extrahimus mentes, quid de cœlo? quid à Deo, à quo *omne datum optimum, & omne donum perfectum est*? Qui igitur rigat montes de superioribus suis, & paradysum fluuiio qui egreditur de loco voluptatis, & inde diuiditur in quatuor capita, vt habeat quadriforme claustrum rigationes distinctas. Dicitur in Euangelio: *Qui biberit aquam quam ego dabo ei, fiet in eos fons aqua salientis in vitam æternam*. Hoc autem dicebat de spiritu, quem accepturi erant credentes in eum. Nota sunt quatuor flumina paradisi his qui cum Paulo Apostolo rapiuntur ad tertium cœlum, siue ad ipsum paradysum, & inebriantur abybertate domus Dei, & torrente voluptatis. Notę sunt & aquę de fontibus saluatoris, quę septiformi impetu lætificant ciuitatem Dei. De quibus dicitur. *Deriuentur fontes tui in plateis*: de quibus non bibit alienus. Iob vocat fontes istos riuos olei, dicens: *Quando petra funde-*

Iacob. 1. 17.

Ioh. 4. 14.  
& 7. 39.

Pron. 5. 16.

Isai. 29. 6.

H

*bat mihi riuos olei.* Isaias, qui vidit Dominum sedentem super folium excelsum & eleuatum, enumerat & nominat fontes Saluatoris, siue riuos olei : fontes; quia ipse Apostolis promissit, & misit septiformem spiritum: riuos olei; quia licet sit per omnia æqualis Patri & Filio, non est tamen à seipso, sed à Patre & Filio. Idcirco dona gratiæ dicuntur riuus olei. Secundum humanitatem suam, filius vnctus est oleo isto lætitiæ præ participibus suis. Vnde Isaias : *Requiescet super eum spiritus Domini, spiritus sapientiæ & intellectus, spiritus consilij & fortitudinis, spiritus scientiæ & pietatis; & replebit eum spiritus timoris Domini.* Lucerna Euangelica sic perfusa & infusa, non solum lucerna est, sed *lux vera qua illuminat omnem hominem venientem in hunc mundum.* Et nos de plenitudine eius accepimus, & in effusione illa quando latus eius miles aperuit, & exiuit sanguis & aqua; & oliua in torculari misit spiritum tanquam oleum.

Isai. II. 2.

Ioan. I. 1.

Claustralis  
Christum  
Cruci affi-  
xum imita-  
ri debet.

Sed quid hæc ad claustralem disciplinam? Planè tota forma claustralis disciplinæ emanauit de Cruce. Sic enim Christus exaltatus à terra, suspensus est in cruce, expoliatus vestimentis suis, & sic distensus, vt numerarentur omnia ossa eius; ligno sic affixus, vt nullum membrum eius moueret præter linguam, quam retinuèrat ad orandum, & matrem dilecto discipulo commendandam. Sic Claustralis, qui verè claustralis est, debet se totum crucifigere cum vitiis & concupiscentiis.

Isai. 58. 14. Debet se altera sustollere, sicut scriptum est : *Sustollam te super altitudines terræ.* Et, *Cibabo te hereditatem Iacob patris tui* : debet se expoliare sicut in Canticis dicitur : *Expoliam me tunica mea*, id est, carnis concupiscentiæ. Debet extendi ad anteriora, non simulatè, sed vsque ad disunctionem compagum & medullarum, vt anima liquefiat post dilectum : debet ligno affigi, vt hoc corpus mortale cum omnibus membris suis timore diuino sit impotens ad omne malum, potens verò ad omne bonum. Solam autem linguam retineat ad confitendum & orandum. Quid amplius? Surda aure irrisores & illutores cum Propheta tanquam surdus transeat. Suggestiones & tentationes, quæ de claustro exire tanquam de cruce descendere cornicantur, non audiat. Ad extremum reddat spiritum Deo, qui dedit illum, dicens : *In manus tuas commendo*

Psal. 30.

*Spiritus meum*; usque ad resurrectionem; ne tormentum malitiæ tangat illum; quia *Iustorum animæ in manu Dei sunt*, & *Sap. 3. i.* non tanget illos tormentum malitiæ.

## CAPUT VII.

*Qualiter Claustrum institutum sit.*

**E**X quo Lucifer, siue Sathan, sicut fulgur de cœlo cecidit, ad ipsum non rediit: quia claustralem disciplinam non tenuit: est enim disciplina claustralis: lugere sua, & aliorum peccata: Prælati suo subijci, obedire per omnia: cauere ab insidiis; nullis insidiari (Quia iuxta Hieronymum; Non multum distat in vitio decipere aut decipi posse) Primum & secundum legis mandatum de dilectione Dei & proximi adimplere, & innocentiam & sanctimoniam seruare: Deo semper adhærere, & ad supernam patriam totis desideriis inhiare. Rupto semel fœdere debitæ subiectionis, deorsum ruens diabolus; ex tunc fremens dentibus & frendens, disciplinam omnem potius subuerit, quàm tenuit; idèd misericordiam non est consecutus, quia nec veniam est securus, nec culpam confessus. Homo autem de limo plasmatus, propter culpam de claustro paradisi eiectus, ad orientalem plagam plangens plagas suas, & dicens Deo: *Amaue à me plagas tuas*: tempore accepto, & ab æterno prædestinato, in fine sæculorum propagata sanctorum viâ in IESV & cum IESV ad claustrum rediit, & regulari disciplinæ subiectus, non solùm veniam, sed & primam stolam, imò ampliorem gloriam recepit. Sequentes filij hominû & habentes oculos in capite, ex his quæ facta sunt didicerunt sapientiam, quâ vitarent irreparabilem diaboli casum, & cum antecessoribus suis regulariter viuendo, ex indulgentia misericordiæ Dei ad hæreditatem paternam haberent ingressum.

In quibus  
stat disci-  
plina Clau-  
stralis.

Quare dia-  
bolus mi-  
sericordiâ  
Dei non  
consecu-  
tus.

*Psal. 38. ii.*

Hanc principalem causam æstimo quare homines egrediantur de sæculo, & ingrediantur Claustrum. Qui enim sunt in diluuiio aquarum multarum, vitiorum & diuitiarum, nec ad claustrum, nec ad Dominum approximabunt, nisi imbre siccato. Qui in claustro est cum Noë, qui interpretatur requies-

Matt. 24.  
14.

cere in arca ; extra arcam verò est, qui extra disciplinam est. Pauca autem, id est octo animæ in arca saluantur, quia *Multi vocati, pauci electi* ; qui resurgent in octaua in resurrectione vitæ. In Claustro habitat Iacob cum Rebecca, quæ est patria. In Claustro est Beniamin cum patre suo, ne quid ei mali contingat in via peccatorum; vbi leo, vbi fera bestia luxuria, quæ deuorat Ioseph, sæpe infamiâ, aliquando re ipsa. In claustro Ionas in ventre ceti : *Sicut enim fuit Ionas in ventre ceti tribus diebus, & tribus noctibus : Et filius hominis in corde terra.* Sic Claustralis conscriptus Christo, cogitatione, & operatione moritur peccato, & viuit Deo. In Claustro Ieremias sanctificatus in vtero, qui sedet solitarius & tacet, & leuat se super se, non elatione sed contemplatione : qui tollit iugum suaue & onus leue, vt sit mitis corde : In claustro Ioannes Baptista qui

Paul. Diac. *Antra deserti teneris sub annis,  
Cinium turmas fugiens petiuit ;  
Ne leui saltem maculare vitam  
Famine posset.*

In Claustro MARIA cum ingressus Angelus ad eam dixit : *Aue gratia plena Dominus tecum* : In Claustro IESVS cum factus esset duodecim annorum in templo sedens, respondit matri dicenti : *Ego & pater tuus quarebamus te : Nesciebatis*, inquit, *quia in his qua Patris mei sunt, oportet me esse* ? In claustro Apostoli ; *Cum esset sero die illo vna Sabbatorum, & fores essent clausæ, vbi erant Discipuli congregati : venit IESVS ianuis clausis, & stetit in medio eorum, & dixit ; Pax Vobis.* Et, *Cum complerentur dies Pentecostes erant omnes Discipuli pariter in eodem loco &c.* Ecce quales præuios habet claustralis conuersatio. Quàm pium igitur, quàm bonum, quàm iucundum, & quàm tutum habitare in Claustro ! *Frater enim fratrem adinuans, ciuitas est munita*, de qua dicitur, *Quis deducet me in ciuitatem munitam* ? Claustrum ciuitas est ; quia ad benè viuendum Claustrales conueniunt : munita, quia sub protectione Dei coeli viuunt. Disciplina claustri porta ferrea est, quæ ducit ad ciuitatem ; cuius viam non inueniunt qui errant in solitudine, & semper errant corde. Disciplina Claustri, petra est scandali, & lapis offensionis, his qui non credunt verbo in quo & positi sunt.

Luc. 2. 48.

Ioan 20. 19.

Act. 2. 1.

Psal. 59. 11.

Disciplina claustrī petra est, quæ bis percussa renūtiatione sæculi, & professione Religionis, dat aquas vt bibant homines & iumenta; prudentes & simplices, quibus dicitur: *Estote prudentes sicut serpentes; & simplices sicut columba.* Disciplina claustralis est crux Christi; de qua non deponitur, nisi mortuus. Est enim obediens claustralis Patri vsque ad mortem, mortem autem crucis. Pedes pendentis sic defixi sunt, vt non moueantur vestigia eius de Claustro: manus tornatiles ad obedientiam, aureæ ad munditiam; plenæ hyacinthis ad eleemosynam; distillantes myrrham primam ad mortificandam carnem, & non accipiendam pecuniam.

Oculi ad patrem, ad discipulum, & matrem; id est, ad Deum semper, & ad MARIAM Virginem, & ad Ioannem Euangelistam. Deus possidet cœlum, Mater implorat filium, Ioannes tenet Euangelium. Bonum est ex his in his vultus demutare; & modò inuocare Dominum, modò exorare matrem Domini IESV; modo legere Euangelium Ioannis caput inclinatum: Nam *inclinato capite tradidit spiritum.* Semper habet Claustralis caput in terra defixum cū venerit in publicum; cū autem clauso ostio intrauerit cubiculum, tūc leuet oculos ad cœlum, & caput sursum; dorsum flagellis cæsum, siue pro peccata siue pro delicto, siue gratiarū actione, & passionis Christi recōpensatione: latus perforatum seu apertū, vnde proferat & offerat holocausta medullata cum incenso arietū, & vnde sanguis profluat ad basim altaris, Prælato confitendo peccata sua; & etiam aqua exeat compunctionis ad abluendas maculas criminis. Venter distentus non superflua cibi & potus refectione, sed continua ieiuniorum exinanitione, vt dicat: *Pelli mea consumptis carnibus adhaesit os meum.* Et, *Dimumerata sunt omnia ossa mea.* Sic etiam venter distinctus sapphis, vt non coccinea sanguine, sed hyacinthina appareat pellis in mortificatione: nec cōstruatur ibi horreum vermibus, sed sicut vter in pruina assiduis decoquatur afflictionibus. Hunc crucifixum deponat Ioseph & Nicodemus (Angelus & Prælatus) & condiant mixturam myrrhæ & aloës, quatinus non amauit corruptionem in claustro; sic non sentiant vermes, qui non moriuntur in inferno. Proculdubio hic habebit Angelos ad caput & ad pedes, qui custodiunt introitum eius & exitum, suscipientes animam

exeuntem de corpore, & perducentes ad requiem.

## C A P V T VIII.

### *Comparatio inter disciplinam Philosophi Iudæi, Christiani, & cuiuslibet Religiosi.*

**S**Cintilla naturalis boni, quæ remansit in homine extincto  
primordiali manus Dei seminario, decurrens per gratiam  
Dei in arundinetis omnium artium, multiplices adinuenit  
disciplinas, secundum quas viuendo, etsi non prorsus prima  
creatio reparatur, saltem usque ad cineres non deficiendo,  
non extingueretur. Vnaquæque igitur gens sub sole & regio  
pro capacitate rationis disciplinam sibi confinxit; ad quam  
stultorum enormitas, & prudentium æquitas regulariter vi-  
ueret. Philosophi itaque suam statuerunt disciplinam: Iudæi  
acceperunt suam: Christiani suam; ad vltimum Eremitæ &  
Claustrales suam. Diuersa intentio diuidit inter disciplinam  
& disciplinam. Intendit Philosophus gloriam humanam & fa-  
uorem sibi acquirere: Iudæus bona terræ: Christianus spem  
veniæ & gratiæ: Et Claustralis cumulum gratiæ & glo-  
riæ. Philosophus rimatur secreta naturæ: Iudæus crassitudi-  
nem terræ: Christianus promissionem vitæ quæ nunc est, &  
futuræ: Claustralis partim actiue fructum, partim contem-  
platiue. Philosophus abiicit impedimenta carnis, & onera  
sæculi: Iudæus hostiis & muneribus studet ad emundationem  
carnis: Christianus sacramentis Ecclesiasticis emundatur ab  
operibus mortuis: Claustralis non solum abstinet ab illicitis,  
sed etiam à licitis. Philosophus seminat in spiritu non Dei,  
sed suo & vano: Iudæus in carne: Christianus in fide, spe, &  
charitate: Claustralis in filiali adoptione. Præsumptio iuuat  
Philosophum: temporalitas Iudæum: fides releuat Christia-  
num: prægustatio futuræ spei confortat Claustralem religio-  
sum. Ingenium acuit Philosophus: quærit lucrum Iudæus:  
implorat bonum Christianus: coronam auream sperat Reli-  
giosus. Nouitate verborum & sententiarum gaudet Philoso-  
phus: litera & carnalitate Iudæus: spiritali intelligentia  
Christianus: austeritate vitæ Religiosus. Farinam comedit



de molendino ingenij Philosophus : insipidum corticem de lege Iudæus : similitudinem de Euangelio Christianus : medullam de bono proposito Religiosus. Spargit Philosophus : congregat Iudæus : erogat Christianus : renuntiat omnibus Religiosus. Docet in scholis Philosophus : in Synagoga Iudæus : in Ecclesia Christianus : in Claustro Religiosus. Plausum amat Philosophus : nummum Iudæus : Deum Christianus : planctum Religiosus. Vt ceruus in syluis Philosophus : Vt taurus in campis Iudæus : Vt columba in foraminibus petrae Christianus : Vt aquila in contemplatione Religiosus. Philosophus viuit arte : Iudæus carne : Christianus fide : Religiosus carnis mortificatione. Disputat Philosophus : somniat Iudæus : legit & intelligit Christianus : orat Religiosus. Caput cynipis Philosophus : muscas morientes Iudæus : aues Christianus : apes Religiosus. Telas aranearum orditur Philosophus : fouet oua sua Iudæus : rete Petri reficit Christianus : rationale & superhumeralis textit Religiosus.

Si fidei coagulum interuenisset claustralis & Philosophica disciplina, mutuis se se brachiis amplexarentur, & in remotione à turbis oscularentur. Impedit namque vires ingenij, & sensus animæ retardat sæcularis occupatio, & vana colloquutio. Vt itaque totum sensum sibi vendicaret, quæret loca, ubi extolleret animum, & sensu purgato proferret infermentatum fermento Euangelico fidelem sensum. Sed cum Iacob in virgis artium decorticatis, non vnus, sed diuersi coloris commentatum veri simile verum, sensus carnis transiens, & ad sensus animæ pertingens, si ad sensum Dei & fidei pertransisset, saluus esset : Sed qui offendit in vno factus est omnium reus. Utinam tanta seueritate & assiduitate cum fide & regulari obseruatione nostram carnem affligeremus, & paupertatem amaremus, quantâ plurimi Philosophorum vitia carnis à se extirpauerunt. Sed quia fides munda corda, & vera poenitentia per confessionem omnia exterminat peccata, si quid minus habet extrinseca politica, totum refarcit intrinseca nouæ creaturæ forma. *Omnis enim gloria filia Regis ab intus* : nec est remunerabilis religio, aut disciplina, quam non commendat gratia cum conscientia bona. Teneat itaque nostra disciplina fœcundum silentium ; cum

Iudæo iuge sacrificium; cum Christiano commune caritatis solatium; cum sua professione singulare diuinæ voluntatis obsequium. Excludat mundanarum sollicitudinum curam cum Philosopho; obseruet vnus Dei cultum cum Iudæo; gratiæ se commendet cum Christiano; seipsum superet interno ad Deum desiderio. Adimpleat quæ prima sunt in voto cum Philosopho; quæ media cum Iudæo; quæ extrema cum Christiano; quæ suprema ex gratia cum libero arbitrio. Metat quod viride est cum Philosopho; quod fœcundum cum Iudæo; quod maturum cum Christiano; quod fructuosum cum suo voto.

## C A P V T IX.

*De Angelica disciplina.*

**R**estat Angelica disciplina, quæ tota est voluntaria, & totum habet ex dilectione, & nihil ex difficultate siue labore. Cum Deo ministrat, reficitur: cum assistit, satiatur; cum mittitur, currit cum exultatione; cum reuertitur, excipitur cum iubilatione; semper infra Deum currit, nunquam extrâ. Nihil in disciplina illa cõfusum, nihil molestum, nihil exordinarium; omnes illos spiritus liquefactos in amorem Dei & sui ad inuicem coagulat; & vno spiritu conglobati, tanta ligantur compagine, quanta si vnus tantum spiritus esset in tota illa multitudine. In ordine illo sunt nouem ordines Angelorum; quibus adiungitur decimus hominum; vt Psalmista cantet in medio claustrî, in decachordo psalterio cum cantico, in cythara crucis & crucifixi. De qua consonantia loquitur Apostolus: *Si linguis hominũ loquar & Angelorum*, id est, indecachordo psalterio: *Caritatẽ autem non habeam*, id est, cytharam crucis & vnitatis; *nihil sum*. Est enim participatio eius in idipsum, donec formetur Christus in vobis, illa formatione quâ omnia membra suo capiti iuncta, diuinæ consortes efficiuntur fideles naturæ. In cella claustrali tanquam in vtero clausi, lineamenta contrahimus, quibus soluta mortalitate Angelis assimilabimur, *Cum similes Deo erimus*; vt ait Apostolus; *Quoniam videbimus eum sicuti est*. Quæ ergo sunt illa lineamenta?

Puritas

Puritas Angelica, munditia, castitas, caritas, pax & veritas, & omnes illæ virtutes, de quibus dicitur: *Benedicite Domino omnes virtutes eius*: Orandum est, ut qui illas creauit in cœlo, nobis informet in Claustro; ne vultus dissimiles separent mansiones. Si enim Angelus in te aspexerit vultum suum, diliget te tanquam seipsum.

## CAPVT X.

## De forma Claustralis disciplinæ.

**F**orma claustralis disciplinæ speciem retinet Angeli nuntiantis Dominicam resurrectionem: *Erat siquidem aspectus eius sicut fulgur, & vestimentum eius sicut nix*. Timida namque corda carnalium qui ad bella non procedunt, & venire ad nuptias contemnunt, primo religionis aspectu expauescunt; & consuetis tarere se non posse voluptatibus, phantasticis illusionibus confingunt. Occupantur enim in quinque iugis bouum Euangelicis; & in villa empta; & in vxore ducta; sumptus qui necessarij sunt, causantur non habere; patientiam, austeritatem cibi & potus, vilitatem indumentorum, iuge silentium, obedientiæ iugum, reclusionem continuam, continentiam perpetuam, & his similia: viros se nominant, sed inter effœminatos se moribus collocant. De huiusmodi ait Gregorius: Quid inter hæc barbati dicimus, qui ire per ferrum ad regnum puellas videmus? Non negamus asperitatem huius nostræ disciplinæ, sed cum Psalmista dicimus: *Propter verba labiorum tuorum* (id est, *Qui non odit patrem suum & matrem suam*. Et, *Qui non renuntiat omnibus quæ possidet, non potest esse meus discipulus*) ego custodiui vias duras. *Vas quoque figuli probat fornax*. Et, *Non coronabitur, nisi qui legitime certauerit*. Fugiant à sonitu folij nemine persequente: Tactus & gustus veriores sunt in iudicio, quàm solus aspectus. Tangenda esset & gustanda disciplina Claustri, & sic diiudicanda esset, vtrum bona esset, an mala. Vestimenta sunt ut nix; vestimenta claustralis disciplinæ, sunt regulares obseruantia. Quare nix? quia extinguunt desideria, & incentiua carnis; quia castigant afflictione, sed dealbant remuneratione. *Si fuerint*

inquit Isaias, *peccata vestra ut coccinum, quasi nix dealbabuntur.* Quando? dum discernet Deus Reges, niue dealbabuntur boni claustrales: quia erunt sicut Angeli Dei in coelo, relucen-tes ut sol in perpetuas æternitates. Non incongruè autem claustrum alijs reputatur stadium; alijs interius atrium; alijs gazophylacium; alijs sanctum seculare; alijs regale cubicu-lum; alijs patibulum; alijs forum venale.

## C A P V T XI.

*Clastrum esse stadium ostenditur.*

**S**Tadium dicitur à stando, quia qui in Claustro est, stare de-bet in virtute cum omni sollicitudine, non in vitiis cade-re; vnde Apostolus: *Qui stat, videat ne cadat.* Stadium autem est, in quo omnes currunt, sed vnus accipit brauium. Licet enim stadium à stando dicatur, tamen per stadium curritur, vbi ad brauium veniatur, & ibi cursus consummatur; sicut Apostolus ait: *Bonum certamen certavi; cursum consummaui, fi-dem seruaui &c.* Omnes ergo qui comam capitis propter Chri-stum deposuerunt, & habitum Religionis susceperunt, cur-runt dum ad finem tendunt; sed vnus accipit brauium, qui non mutatur ut luna, non recedit ab vnitæ fidei & professæ Religionis. *Hic accipiet benedictionem à Domino, & misericor-diam à Deo salutari suo.* Huius stadij lex est, ut ab omnibus ab-stineat qui ad brauium festinat. Mitius non ligat lex nostra, quæ pauca tollit, & plura concedit: Tollit fornicationem, adulterium, omnem immundiciam, ipsum quoque matrimo-nium: quia *Qui sine uxore est, sollicitus est quæ Domini sunt.* Tollit crapulam, tollit pecuniam, tollit superflua, concedit necessaria. Sic mandat Moyses Sehon Regi Amorrhæorum: *Via regia gradiemur, aquas tuas non bibemus, nec aliquid tui ac-cipiemus; sed pretio ememus necessaria.* Peregrinus & aduena, qui quotidie transit ex hoc mundo ad Patrem, de substantia Principis huius mundi vsque ad filium subtegmis non acci-pit, quatenus sua repetenti in exitu animæ confidenter dicat: *Nihil in me, funeste, reperies.* En iste est cursor leuis explicans *vias suas, currens velociter in odore vnguentorum sponsi.*

*Num. 21. 21.*  
Paulò ali-  
ter in Vul-  
gatis.

*S. Marti-*  
*anus in vita.*

De hoc stadio ait Dominus filius Israël: *Omnis locus quem calcaveris pes vester, vester erit; à deserto, & libano, & flumine magno Euphrate, usque ad mare occidentale \* ibunt termini vestri.* Qui deserit mundum & venit ad claustrum, iam incipit calcare sæculum & corpus suum. Et est hoc desertum, terra deserta, inuia & inaquosa: deserta propter asperitatem, inaquosa propter disciplinæ seueritatem, inuia propter viatorum raritatem. Sed hîc in sancto, ait Psalmista, apparui tibi Deus, vt videamus virtutem tuam, propter durum laborem, & gloriam tuam, perpetuam consolationem. Inchoandum ergo est à deserto renuntiationis sæculi, & currendum per libanum castitatis, & dealbationis, seu asperfusionis sanguinis IESV CHRISTI, vt dicatur; *Absit mihi gloriari nisi in cruce Domini nostri IESV CHRISTI.* Vbi sancti dealbauerunt stolas suas in sanguine Agni. Rursus enauigandum per magnum flumen Euphratem: primò per baptismum; secundò per assiduam compunctionem. Terminabitur autem cursus noster ad mare occidentale, ne deficiamus in via, donec per mortem finiatur vita. Omnem itaque locum quem calcauimus, possidemus; sicut ille qui ait: *Nihil habentes, & omnia possidentes.*

Dent. 11. 24.

al. \* erunt.

Galas. 6. 14

2. Cor. 6.  
10.

## CAPVT XII.

## De Claustri atrio interiori.

**A**trium mentis dicitur Claustrum, vbi pelles hostiarum detrahebantur, membra per frusta secabantur, cineres effundebantur, abluebantur intestina, & quæque laboriosa officia exercebantur. Sic ingrediens Claustrum, pellem pro pelle, & omnia quæ habet dat pro anima sua, dum exiit veterem hominem, & induit nouum, ambulans in nouitate vitæ, & in confessione detegens vitia prioris consuetudinis. Prius itaque immolando sacrificium Deo mortificat membra sua quæ sunt super terram, fornicationem, immunditiam, libidinem, & cætera alia. Deinde detracta pelle totius peruersitatis in confessione, artus in frusta concidit, nihil de omnibus peccati circumstantiis reticens, sed per singula titulos accusationis & conqueſtionis subiiciens, voret hæc omnia ignis con-

tritionis & poenitentiae quovisque ad cineres quos super caput  
*Psal. 50. 4.* aspergat, dicens: *Peccatum meum coram me est semper: Et, Putredini dixi: Pater meus es, mater & soror mea vermibus: Compunctio* his addatur, quæ sicut aqua de latere Christi emundat intestinorum conscientiam ab operibus mortuis. Iuxta sanctuarij introitum atrium interius collocatur, extra se habens atrium exterius, & intra primum tabernaculum quod dicitur sancta. Nouitius igitur ad Religionem veniens in confinio orationis & sensualitatis positus, iam quidem non est in carne, sed nec in spiritu. Audit interim inter terminos habitos sibilos gregum carnis inter se dissidentium, mente consentiens legi Dei, carne autem legi peccati. Audit sibilos gregum coelestium cantantium de canticis *Sion*, & ad somnos contemplationis prouocantes, & carnalium motuum molestias tranquillantes.

## CAPUT XIII.

*Clastrum Gazophylacium.*

**E**st & Gazophylacium Clastrum, vbi aurum, argentum, & lapides pretiosi reconduntur; & vbi thesaurum nostrum in vasis fictilibus, id est, conscientiam bonam in obseruantis regularibus habemus. In Claistro thesauri sunt sibi vitam æternam negotiantes Religiosi, quibus homo nobilis peregrè proficiscens tradidit bona sua: singuli psalmi, singulæ orationes, singulæ confessiones, singulæ lacrymæ, singula ieiunia, singulæ eleemosynæ, singulæ immemorabilem laborum afflictiones, nonne aceruum faciunt gratiarum, quæ est thesaurus desiderabilis in congregatione claustrali? Super gazas istas Eunuchus Candacis Reginæ constituitur. *Cando* ille qui se castrauit propter regna cœlorum, in officio prælationis præficitur: Siquidem pudicitiae & castitatis titulo insignitus, tanquam renibus accinctus custos sponsæ Christi non immeritò constituitur. Talis inuentus est Ioseph in domo Putipharis sacerdotis Heliopoleos: Talis Ioannes Euangelista, cui matrem suam in Cruce commendans commendauit: Talem eligit Apostolus: Talem describit Beatus Benedictus.

Zelotes Dominus qua ratione crederet sponsam, quam pretioso sanguine redemit, & matrimonio indissolubili sibi copulauit, nisi ut amicus siue vicarius ille sponsi fideliter seruiret, & castè commissam conseruaret?

## CAPVT XIV.

*Clastrum est sanctum seculare.*

**I**ngrediamur iam sanctuarium, quod dicitur sanctum seculare, vbi semper introibant Sacerdotes sacrificiorum officia consummantes. Peregrinans in terris iustitiæ grata sibi interim claustralem disciplinam determinat hospitia. Pulsat itaque ad ianuam claustrî, dicens: *Aperi mihi soror mea: caput meum plenum est rore*; quem superfundam in area claustrali, ut moretur ros in messione mea, & cincinnati mei guttis nocturnum, quas furatur in abscondito vultus Dei, & in secreto silentij pia conscientia. Currendum & occurrendum tam benignis pollicitationibus impigro pede sancti desiderij, & tollendum pessulum ostij, quod est difficultas & tarditas humanæ fragilitatis ad vota soluenda. Sanctum itaque seculare est velle, & vix bona facere. Sanctum verò cœleste, velle & perficere. Vnde Apostolus: *Deus est qui dat nobis velle & perficere pro bona voluntate*. De sancto seculari idem: *Velle adiacet mihi, perficere autem non inuenio*. Merito igitur Claustrum dicitur sanctum seculare, vbi nec quod volumus, facimus; nec quod facimus, perficimus.

Cant. 5. 2.

Philip. 2. 13.

Rom. 7. 18.

## CAPVT XV.

*Clastrum Regale cubiculum.*

**D**icitur etiam claustrum Regale cubiculum: Vnde in Canticis loquitur claustralis disciplina: *Dum esset in accubitu suo, nardus mea dedit odorem suum*. Accumbere est ad quiescendum se inclinare. In Isaïa loquitur Dominus: *Laboramus sustinens*. In Heremia: *Labora rogans*. Et in Euangelio: *Iesus fatigatus ex itinere sedebat super fontem*. Non solum scelera Iacob & peccata nostra vexant illum qui idem ipse est & cum tranquillitate omnia iudicat; sed etiam hostia pacifica & in-

Cant. 1. 11.

Isai. 1. 14.

Ierem. 15. 6.

Ioan. 4. 6.

censa, & cantica illorum Sacerdotum, quorum manus sanguine, avaritia, & luxuria plenæ sunt. Prophanis itaque & malis hominibus ad lassitudinem jaceffitus sabbathizare volens, loca silentij, pacis, vnitatis, & honestatis requirit, & ibi cubiculum statuit. *Hæc, inquit claustralis disciplina, requies mea; hic habitabo quoniam elegi eam.* Et, *Delicia mea esse cum filiis hominum.* Quorum conuersio non animalis, sed rationalis, & spiritalis est in coelis. Liquefacta quodam amore humili ceruorum, qui tranfilit super montes aromatum, loquitur ad ipsum: *Indica mihi, inquit, quem diligit anima mea ubi pascis, ubi cubas in meridie:* quando spiritus feruet, quando mens tota incandescit, quando ignis exæstuat in ossibus amantis, & ferre non sustinentis. Planè inter acervos nouarum frugum, in liliis, in campis syluæ, à mundanis artibus remotarum mentium pascit & cubat in meridie. Adolescentuli & adolescentulæ regale cubiculum obseruant tenentes gladios, qui deuorant carnes super femur mali desiderij, ambientes Regem Salomonem propter timores nocturnos, ne fortè vlulatus luporum, & gannitus vulpium rumpant medium noctis silentium, quando moriuntur primogenita Ægyptiorum.

## CAPVT XVI.

*Clastrum esse patibulum ostenditur.*

**P**atibulum dicitur Clastrum, vbi IESVS cum latronibus suspenditur; sed IESVS non quia meruit, sed quia voluit; illi non quia voluerunt, sed quia meruerunt. Vnde ait latro ad *latronem: Nos quidem digna factis recipimus; hic autem nihil mali gessit.* Quicumque autem Clastrum ingreditur cum IESV de voluntate, cum latronibus eligit suspendium pro malorum suorum merito & satisfactione. Triplici distinctione omnium Claustralium multitudo assignatur. Est in Claustro innocens & sine querela apud Deum & homines cum IESV. Est nocens, sed pœnitens cum dextro latrone: est nocens & impœnitens cum sinistro. Patitur innocens ad augmentum coronæ: patitur pœnitens ad meritum veniæ: patitur impœnitens ad cumulum pœnæ. IESVS in patibulo orat; Latronum



alter veniam postulat; alter IESV insultat: qui bonus sustinet patibulum, bona eius conscientia leuem facit poenam; & atrocem, qui malus sustinet: sed in flagello non murmurat, veniam meretur; qui malus flagellatur, & sicut ignis in spinis desperando crepitat, damnatur.

Notanda in patibulo triplex claustralis disciplinae distinctio: est namque filij disciplinae ibi, cui Pater vnigenito non pepercit, *sed pro nobis omnibus tradidit illum*: De quo Esaias: *Disciplina pacis nostra super illum*. Et, *Verè languores nostros ipse tulit, & dolores nostros ipse portauit*. Hunc vnicum & dilectissimum filium, in quo sibi benè complacuit, flagellis, imò durissimis scorpionibus absque vlla retractatione velut inimicum pro reconciliatione inimicorum misericors pater & Deus misericordiarum cecidit. Inde Filius: *Corpus meum de-* Disciplina  
filij siue  
Magistri.  
Rom. 8. 32.  
Isai. 53. 5.  
Isai. 53. 4.  
*di percutientibus, & genas meas vellentibus: faciem meam non auerti ab increpantibus & conspuentibus in me*. O dura, imò pia pietas! dura, quoad humanum iudicium; pia quoad diuinum secretum: dura quoad patientis meritum; pia quoad passionis causam & effectum. Vnus agit causam omnium; bonus malorum, iustus peccatorum, filius seruorum. Disciplina igitur pacis nostrae super eum, qui totum debitum nostrum soluit cum vsuris, non solum centesimis, sed & infinitis, vt plus appenderet statera crucis donum, quàm delictum; & superabundans gratia remissionis indulgeret culpas non solum originales, sed actuales. Grandis & grauis disciplina sub qua mitissimus Agnus voce blanda & mansueta suspirat dicens: *Mi Pater, si possibile est, transceas à me calix iste: & si non potest* Math. 26.  
39. 42.  
*transire nisi bibam illum, fiat voluntas tua*. Si filius es in Claustro, sic habeas cor pacatum & paratum ad patiendum, & etiam ad congratulandum, dicens: *Quoniam ego in flagella paratus* Psalm. 37. 18.  
*sum*. Lupus Iudas, vnanimis fortè tuus, si leuauerit contra te calcaneum \* tuum, nec pellem mansueti vultus detrahat, f. \* suum.  
nec carnem patientiae deglutiat, nec intestina intentionis mordeat. Si Sathan manifestus à planta pedis vsque ad verticem famam tuam exulcerare voluerit, sedens in sterquilinio humilitatis, testâ saniam rade imputando culpae tuae non alterius malitiae: sicut Dauid Semei maledictiones non imputabat, sed diuinæ ultioni ascribebat.

Disciplina  
discipuli  
& serui.

Luc. 23. 41.

Ibid. 42:

Ibid.

Psal. 15. 8.

Gen. 21. 10.

Item alia est disciplina discipuli, & alia serui. Discipulus audit doctrinam magistri; Seruus qui non manet in domo in æternum, & præstolatur finem operis sui, piger est ad audiendum, negligens ad operandum: ad oculum enim omnia facit, nec quærit gratiam, sed pecuniam. Discipulus sanctus est, qui à dextris Domini pendit latro; seruus qui à sinistris. Clamat discipulus: *Domine memento mei dum veneris in regnum tuum*. Patientiam & poenitentiam iam didicerat in tempore paruissimo, consummatúsque in breui expleuit tempora multa; placita enim erat Deo anima eius. Vnde; *Hodie mecum eris in paradiso*. Itaque & tu Claustralis, qui fortè ab oriente venisti, ab ineunte ætate peccatis inuolutus; vel ab occidente vsque ad senectutem in peccatis conuersatus, conuersus ad Religionem, spera in Domino & fac bonum. Dic: *Domine, memento mei dum veneris in regnum tuum*. Item: *Adhasit anima mea post te*, sequendo te & obediendo tibi: *Suscepit me dextera tua*; quia licet peccauerim, licet mortem meruerim, tamen spero de misericordia tua, quæ est dextera tua. Non est extra disciplinam qui sedet ad dexteram, vel etiam qui pendet: sed cum delectatione tenet disciplinam Claustri: Pendet, qui vitulos habet mugientes, sed reclusos appetitus seculi, & impetus carnis audiens, sed non vadens post concupiscentias suas. Mouetur carnalis suggestio, sed non egreditur consensus aut delectatio: concipit caro dolorem: sed non parit. Quare? quia non est extra disciplinam, nec extra dexteram. Semper enim dicit: *Dominus à dextris est mihi, ne commouear*. Discipulus non moritur. Seruus autem qui seruus est peccati, & poena peccati, quid? *Eijce ancillam, & filium eius: Non enim heres erit filius ancilla cum filio libera* MARIÆ. Hic est claustralis, qui quærit quæ sua sunt, non quæ IESV CHRISTI. Quærit obedientiam, non IESV CHRISTI, sed proprij arbitrij: quærit pecuniam; quærit voluntatem propriam, quærit duobus dominis seruire; Deo & Mamonnæ. Hic labiis Deum honorat, cor autem eius longè est ab eo. Hic in vestibus ouium venit, sed intus est lupo rapax, cuius Deus venter est. Hic habet speciem pietatis, sed virtutem eius abnegat. Hic non est ex nobis, licet inter multos sit nobiscum. Hic magis eligit porcos immundi desiderij pascere, quàm in paternis possessionibus sobriè viuendo remanere.

remanere. Descendamus iam ad forum & emamus nobis necessaria.

## CAPUT XVII.

*Forum venale Clastrum: quod & Tyro ciuitati  
moraliter assimilatur.*

**C**lastrum est venale forum, vbi exponuntur merces omnes ad vtilitatem animæ, siue quæ ad decorem, siue quæ ad necessitatem pertinent. Lege Tyrum in Ezechiele singulis rebus & speciebus à diuersis hominibus & regionibus iuxta singulorum possibilitates, & peregrinas merces, sufficienter constructam & ornatam. Mysticas horum significationes nec huius operis, nec nostræ facultatis est de sacculis historicis & marsupiiis euoluere & explanare. Humeris Hieronymi & Gregorij, atque aliis Expositoribus relinquimus, qui falces habent acutas ad metendum, vbi alij laborauerunt; ad nostram tamen disciplinam & Clastrum nostrum sumptu soluto exinde reporto. Quod sicut opulentissimam illam urbem vicinæ & remotæ prouinciæ repleuerunt; sic Clastrum Religionis illi qui ab initio mundi Deo placuerunt vsque ad hæc nostra tempora: omnia enim sua tam dicta quàm facta ad vsus nostros præparauerunt. Cedros imputribiles, si fortia castitatis quæris exempla, absque numero reperies. Si patientiæ, si constantiæ, si fidei, si veritatis, si mansuetudinis, si religionis, si obedientiæ, si iustitiæ, si fortitudinis, si prudentiæ, si temperantiæ, si omnium virtutum possessores quæsieris: occurrēt tibi innumerabiles super arenam maris, & stellas coeli. Vnde: *Mihi autem amici tui Deus honorabiles facti sunt: dinumerabo eos, & super arenam multiplicabuntur.* Emat itaque à bonis & legitimis Dei mercatoribus quod sicut placet quisque, & quod ad diem festum necesse est. Tunc enim in foro nihil inuenitur, cum clausa erit ianua, & fatuis virginibus dicetur: *Ite ad vendentes, & emite vobis.* Quod dicetur, non ad consultationem, sed ad subfannationem. *Subfannabo*, inquit sapientia, cum vobis quod timebatis aduenerit. Bene autem Tyrus, qui interpretatur angustia, claustralem disciplinam figurat; quia malum, malum est, dicit omnis emptor; sed cum venerit dō-

K

2. Cor. 4. 17. mum gaudet : *Id enim quod in presenti est momentaneum & leue tribulationis nostre, supra modum aeternum gloria pondus operatur in nobis.* Nec minor apparatus animarum in Claustro, quàm terrenarum opum in Tyro. Vix est colligere opes Tyri, vix est enumerare labores Claustri. Quidquid congregat ad perituram gloriam sæculi Tyrus; hoc pro acquirenda beata vita bonâ patientiâ suffert religiosus Conuentus.

Primò considerandum quod in corde maris est sita, vbi quidem maior est timor, durior est labor. Finitimi sunt Elias, Ioannes Baptista, Beatus Benedictus, & sanctus Augustinus; qui ædificauerunt verbo & exemplo claustralem Religionem, & impleuerunt illam sanctitate, & decore incomparabili, abietes & cedros animi puritate & incorruptione imputribiles, & contemplatione sublimes. *De Sanir*, idest via lucernæ, seu dentibus vigiliarum, vel etiam de libano exstruunt claustrum, cum tales perficiuntur, quorum vita via est aliis, & lucerna, siue redargutio errantium sollicita & mordacissima, atque dealbatio inuitantium candidissima. *Quercus* quoque *de Basan* recipit Claustrum, id est, ignominiosos peccatores, & facit remos, sicut Iosue Gabaonitas, aquarios in templo & lignarios. Vnde Apostolus : *Eos qui contemptibiles in Ecclesia sunt, constituisse ad iudicia. Transira*, quorum pedes portant pacem; & *prætoriola*, quorum anima adhæret pauimento. *De ebore Indico* propter mortificationem. Et de *Insulis Italia* siue Cethim, id est, percussa Dei timore dolent. *Byssus varia de Ægypto*, id est, sæculo, *textitur in velum*; quando de sæcularibus conuersi, difficultatibus & obiectionibus aduersariorum tanquam murus se opponunt pro domo Israël. Similiter *hyacinthos* de nobilitate; *purpura* de obscuro & ignobili genere, tamen valdè laborioso, fiunt operimentum in securitatem & absconsionem infirmorum à turbine, & à pluuia. *Habitatores Sidonis, & Aradij*, quondam venatores Rethorici, deponentes per potentiam, sicut Nabuchodonosor quos volebat exaltabat, & quos volebat humiliabat: modò sunt remiges nostri gubernantes nauem, & trahentes ad portum. *Sapientes tui, Tyre, sunt gubernatores tui*, à quibus cum respublica regitur, benè agitur. *Senes Giblij, & prudentes eius*, in ordine ab infantia nutriti, *habuerunt nautas ad ministerium variae supellectilis tue*;

quia consuetudo & vsus Claustrī ab his quærendus est. *Omnes naues maris, & nautæ earum, fuerunt in populo negotiationis tuæ:* quia Claustrales de labore sæcularium viuunt, secundum Apostolum: Qui spiritalia seminant, carnalia metant. Perfæ, id est tentati à concupiscentia sua abstracti & illecti, & generati à diabolo; Vnde, *A patre diabolo effis. Et Libyes*, quorum *Ibid. 10.* os maledictione plenum est, conuersi sunt in exercitu claustrali, vel perseuerando in malitia ad exercendum Abel, vel immutati ad seruiendum Deo viuenti, *Viri bellatores tui clipeum & galeam suspenderunt in ornatu tuo*, induentes se armaturam Dei tempore belli, & resistentes Diabolo, & vitiis carnis; & transactâ malitiâ, quæ est vita hominis super terram, fortia virtutum exempla sequacibus relinquentes; sicut Eleazarus, qui noluit simulasse carnem porcina[m] contra leges sanctas manducasse. *Filij Aradij cum exercitu tuo super muros tuos* *Ibid. 11.* & in circuitu tuo. Aradij deponentes veterem hominem cum actibus suis super muros sunt custodes tota die & tota nocte in perpetuo non tacentes; sed contra aëreas potestates debellantes. *Sed & Pigmei, qui erant in turribus pharetras suas suspenderunt in muris suis per gyrum: ipsi compleuerunt pulchritudinem tuam.* *Ibid.* Nota quòd Pigmei, qui sunt cubitales homines, dicuntur complere pulchritudinem nostram; Planè qui se humiliat sicut paruulus Euangelicus, hic in turribus pacis cum securitate complet cumulum Religionis. *Gracia, Thubal, & Mo-* *Ibid. 13.* *soch, ipsi institutores tui.* Ad summam dicendum de cunctis gentibus ad Religionem iam conuersos, & adhuc plures conuertendos, qui singuli de moribus, de regionibus, de consuetudinibus suis, multas mansiones in domo Dei faciunt; vt ex multis facierum personis corpus Christi, quod est Ecclesia magna ædificetur.

Fortè sub his integumentis parum tibi arridet modestissima claustralis disciplinæ facies. Nudam & superbiorum foliis expoliatam, succinctâque consuetudine seculari magis appetis: ne lector offendiculo obumbratæ locutionis tardarius, fastidio sensum amittat; Et in hoc quoque satisfacere *Claustralis disciplinæ varæ obseruationes.* possim, & tuæ voluntati & aliorum utilitati. Sunt itaque nerui & compagines claustralis disciplinæ silentij censura; verborum rara & rationabilis licentia; aspectus in terram defi-

xus; incessus neque multum tardus, neque multum festinus; sessio in clauastro assidua, in choro intercisa; statio quasi ante Deum tremula & timida; cibus & potus castra infra metas sufficientiæ ponens; somnus digestionis sufficiens; castitas vtriusque omnes fines hominis possidens; timor Dei fundamenta omnium actionum iaciens; amor Dei coelum superextendens; constantia & perseverantia in bono parietes fulciens; puritas & munditia Claustrum scopando omnia superflua proijciens; humilitas stramenta pedibus substernens; obedientia introitum & exitum custodiens; caritas conuentum totum per ordinem disponens; fides animans, spes recreans. Vbi disciplina ista tenetur, & ordo non dissipatur, crede mihi, stat Iesus in medio Discipulorum suorum; & dans pacem cum eis ingreditur, & egreditur; & est pax ingredienti disciplinam, & egredienti ad vitam æternam; in superliminaribus claustralium domorum, sanguine Agni scribantur hæc in generatione altera.

## CAPUT XVIII.

## De silentio.

**A**Dhuc repeto amplius commendare quæ religioni æstimo magis amabilia, vel etiam necessaria; ut sunt, silentium, lectio, confessio, & oratio. Silentium claustrale, nec mutum sit nec loquax: non mutum sit in auribus Domini sabaoth, sed semper dicat: *Auribus percipe vocem orationis meæ.* Et, *Voce mea ad Dominum clamaui.* Quia tacenti Moyfi dictum est: *Quid clamas ad me?* Illa enim vox penetrat viscera misericordiæ Dei nostri: quam solus & totus spiritus in imis visceribus ingemiscens iactu validissimo ad tertium emittit coelum. Unde Apostolus de Domino: *Qui in diebus carnis sue preces supplicationisque ad eum, qui possit illum saluum facere à morte, cum clamore valido & lacrymis offerens exaudivit pro sua reuerentiâ.* Tale silentium habet tintinnabula in extremitate sacerdotalis indumenti cum malis punicis; quia sollicitus de exitu vitæ huius orat refectionem & rotunditatem vitæ æternæ. Rursum non sit loquax; quia *In multiloquio non deerit peccatum.* Et lin-

Psal. 16: 2.

Psal. 141: 1.

Exod. 14: 15

Job. 5: 7.

Prov. 10: 19.

gua in vdo constituta, si mouetur sine sustentaculo timoris Dei; vix euadit lubricum, vix non incurrit lapsum. Non ergo valuas labiorum aperiat, nisi fortè in sabbato aut in calendis de requie futura, & gaudiis sanctorum commemorans. Sub tali silentio crescite & multiplicamini sancta desideria; pax cordis & tranquillitas cum vera munditia; quia ventosa & vana loquacitas mixta cum gelu & pruina verborum seminantium discordias, ficum, & vineam, & teneras arbores scandalizando, citò & frequenter exurit. Sigillum autem silentij si sub signaculi obumbratione sit, nutrit semen bonum, & ad prouentum facit venire. Inde est quod in Apocalypsi Liber, qui est in dextera sedentis super thronum, scriptus intus & foris, septem sigillis signatur. In manu Dei sumus & nos, & sermones nostri, clausi septem signaculis quousque aperiat os nostrum Agnus qui occisus est; & habet clauem quæ aperit, & nemo claudit: Vnde Paulus victus, *Sed verbum Dei Apoc. 10. 3. non est alligatum.* Claudit & nemo aperit; vnde in eadem Apocalypsi. *Signa quæ locuta sunt septem tonitrua noli ea scribere. Daniel. 12.* Et in Daniele, *clausi sunt sermones.* Liber iste scriptus est intus & foris, ne labiis tacitis iniquitatem mediteris in cubili tuo; id est, in cordis secreto: signatus est septem signaculis, ne egrediatur verbum otiosum, quia de omni verbo otioso reddituri sumus rationem. Ne vanum, sicut illi qui *Vana locuti sunt Psal. 11. 2. unusquisque ad proximum suum: ne dolo sum; quia fraudulentis vasa peccati sunt. Isai. 32. 7.* Ne mendax; quia *per des omnes qui loquuntur mendacium. Psal. 5. 7.* Ne malum: vnde, *Omnis sermo malus de ore vestro non procedat. Ephes. 4. 29* Ne schismaticum aut hæreticum aut murmurosum; quia Dathan & Abiron vitii absorpti sunt, & murmurantes perierunt ab exterminatore. Ad vltimum ne blasphemum, quod non remittetur nec in hoc seculo, neque in futuro.

Sunt quoque septem sigilla, quibus signatur liber silentij claustralis. Ratio tranquillitatis; ratio professionis; ratio tenendæ pacis; ratio componendi affectus & motus cordis; ratio subtrahendi à secularibus negotiis; ratio scrutandæ legis Dei; ratio contemplationis. Vbi enim silentij repagula infringuntur, turbatur tranquillitas; professio soluitur; pax confunditur; affectus & motus cordis tanquam mari moto vndis contunduntur. Qui secularibus implicatur, æternis &

coelestibus exiit, qui Sophisticis & Rhetoricis deceptionibus occupatur, legem Dei non meditatur; qui garrulitate & vana loquacitate detinetur, ad Deum mente non erigitur. Salua igitur sint signacula ista donec Agnus soluat, & labia nostra aperiat. His signaculis liber silentij clausus non soluitur, nisi Agnus soluerit qui occisus est; quod est vt vsque ad mortem  
*Apoc. 5. 12.* seruetur ista silentij censura. Soluetur autem ab Agno, *Qui dignus est accipere virtutem*, vt sit Rex virtutum; & *diuinitatem*, vt sit Patri consubstantialis secundum æternam generationem  
*Eccli. 24. 5.* & sapientiam, quæ loquitur: *Ego ex ore Altissimi prodini; Et fortitudinem*, vt sit fortis & potens in prælio; & *gloriam & honorem*; quia eum qui modicò ab Angelis minoratus est, gloria & honore coronauit Pater; & *benedictionem*, qui accepit benedictionem à Domino, & est super omnia benedictus Deus. Ad hæc Agnus aperit ora mutorum, & resoluit signacula, vt sapientiam in mysterio absconditam loquamur, vt dicamus de Christo: *Benè omnia fecit, & surdos fecit audire, & mutos loqui*. In libro itaque signato, id est, in silentio legamus, & quod sub sigillo clauditur, tanquam sub lapide ab ore putei ab Iacob, vel à Domini sepulchro ab Angelis, inspiciamus, & de aquis istis bibamus. Bonum est ergo claustrale silentium.

## C A P V T XIX.

## De lectione.

**H**Vic silentio concatenata est lectio, & quasi debent annuli infigi in ansulis cortinarum in templo Dei. Lectio autem est pascua vberissima, in qua animalia pusilla cum magnis assidue pascendo præparant holocausta Domino medullata, cum intra se ruminantes dulcissimos diuinæ scripturæ flores, nihil aliud corde & ore continent. Purgat siquidem interiora nostra ossibus mortuorum, & morticinis amputandarum cogitationum assidua & intenta cum deuotione lectio, etiamsi non sequeretur fructus intelligentiæ & scientiæ ex lectione, tamen ad hoc esset vtile semper legere, vt mens nostra occupata excusaretur à superueniente & contumaciter se ingerente vana & superflua cogitatione. *Dum venio*, ait Apo-

*1. Tim. 4. 13.*



stolus ad Timotheum, *attende lectioni*. Et, *Beatus vir qui meditatur in lege Domini die ac nocte*. Et *Semper sint vestes arcae in annulis*. Et semper inueniat te Diabolus occupatum: Non enim spiritus immundus intrat domum, nisi quam inuenerit vacantem. Ne verò lectio sit vana & garrula, sed quieta & sigillo meditationis impressa, dicitur in Apocalypsi: *Et cum aperuisset Agnus unum ex septem sigillis; audiui unum de quatuor animalibus tanquam vocem tonitruum dicens: Veni & vide*: id est lege Euangelium Matthei, qui est unum de quatuor animalibus; sic incipit: *Liber generationis IESU CHRISTI*. Quid est ergo sic inchoare Euangelium, nisi dicere, veni & vide in hoc libro mysterium à sæculis absconditum, per generationem Christi ostensum & reuelatum? Veni & vide verbum incarnatum, quod sub sigillo diuinitatis hætenus apud Patrem latuerat clausum. *Et ecce equus albus*, Christus de Spiritu Sancto conceptus, & sine peccato de Virgine natus. *Et qui sedebat super illum habebat arcum*, ex diuina & humana natura intentum contra diabolum. *Et data est ei corona*, vt sit Rex Angelorum qui fuerat Rex Iudæorum. *Et exiit in locum Caluariae, vincens per patientiam, vt viaceret per potentiam*. Huic incumbens lectioni efficitur equus albus, dum sicut columba volitat super riuos aquarum; & quasi grex tonfarum ascendit de lauacro, induens nouum hominem, qui secundum Deum creatus est in iustitia & sanctitate veritatis. Intellectus quoque qui sedet super equum album, & præest omnibus sensibus, habet arcum, sanctam scripturam, quæ modò intenditur, modò distenditur: intenditur dum minatur poenam, distenditur dum promittit veniam. *Et data est ei corona*. Iam rasam coronam gestamus in capite, sed gloriam & bonam conscientiam quæramus in mente: & corona est in capite assidua lectio cum intenta deuotione. Vnde Salomon: *Liga eam in corde tuo iugiter, & circumda eam gutturi tuo*. Et sit \* *torques collo tuo*. Qui meditatur in lege, coronam habet in capite. Qui loquitur de lege, *Exaltationes Dei in guttore*. Qui subiicitur legi, *torques in collo*.

Psal. 1.

Apo. 6. 1.

Ibid. 2.

Prou. 6. 21.

\* Prou. 1. 6.

Psal. 149. 6.

## CAPV'T XX.

## De Confessione.

Triples  
confessio.

Iob. 10. 2.  
Psal. 50.  
Luc. 15. 18.

Apo. 6. 3.

Psal. 17. 9.  
Apo. 6. 4.

**S**urgendum autem de lectione ad Confessionem, vbi te  
accuses de præuaricatione mandatorum Dei, vel de ne-  
gligentia, vel de ignorantia, vel de infirmitate: non autem  
debet esse crassa & supina Confessio claustralium sicut secula-  
rium hominum. Confessio est aqua non turbida, non virulen-  
ta, non bituminosa; sed clara, pura & munda, purificans tan-  
quam secundâ baptismatis regeneratione illos, qui non custo-  
dierunt vestimenta sua alba sicut nix, de lauacro sanctifica-  
tionis. Est itaque Confessio alia ante Iudicem, alia ad Domi-  
num, alia ad Patrem. Ante Iudicem reus; ad Dominum ser-  
uus; Ad Patrem filius. Reus quærat Aduocatum, seruus fla-  
gellum, filius amicum. Reus agat de reconciliatione, seruus  
de propitiatione, filius de pace. Munera offerat, reus, obse-  
quia seruus, seipsum filius. Reus macerationem, seruus  
correctionem, filius salutarem oblationem. Reus prosternat  
se ante ianuam, seruus ante ostium, filius intret cubiculum.  
Grandia & enormia scelera confiteatur reus, seruus peccata,  
filius delicta. Dicat reus; *Noli me condemnare*: dicat seruus;  
*Miserere mei Deus*: dicat filius; *Pater peccavi: sed parce mihi*.  
Qui recedendo de filio factus fuerat seruus, de seruo reus; fiat  
redeundo de reo seruus, & de seruo filius: vt quibus passibus  
abierat in regionem dissimilitudinis, eisdem reuertatur ad si-  
militudinem Patris. Et quia deformata peccando fuerat ima-  
go & similitudo Dei in anima, per Confessionem sigillum  
quærat reformationis; Vnde iam secundum sigillum aperiat  
Agnus in Confessione: *Audini secundum animal dicens: veni,*  
*et vide*. Secundum animal est Marcus, qui tanquam Leo ru-  
git in deserto; præcipuè agens de Domini prædicatione, &  
resurrectione. Et bene Confessio comparatur deserto, quia  
non solum à secularibus, sed etiam à regularibus potius dese-  
ritur quàm frequentetur. In hoc deserto rugiebat peccator il-  
le qui dicebat: *Rugiebam nimis à gemitu cordis mei. Et exiuit*  
*alius equus rufus*: Allegoricè Christus, qui albus est in natiui-  
tate,

tate, & rufus in passione. Moralter verò rubore confunditur quia sua enormia scelera confitetur, & efficitur rufus sanguinis conspersione, qui erubescit de sua corruptione. Vnde Apostolus: *Quem fructum habuistis*, inquit, *tunc in illis in quibus nunc erubescitis?* Equus rufus est qui portat suam confusionem, dicens: *Non sum dignus ego peccator, leuare oculos meos ad cælum.* Et, *Non sum dignus ut intres sub tectum meum.* Et, *Iram Domini portabo, quia merui.* Et, *Qui sedebat super illum* (scilicet timor Domini) *datum est illi ut sumeret pacem de terra;* Vnde Dominus: *Non veni pacem mittere, sed gladium.* Vnde & huic *datus est gladius magnus.* Gladius iste magnus deuorat carnes; & inebriatus est in cælo. Et, *Maledictus qui prohibet gladium suum à sanguine*, id est, qui non amputat per Confessionem peccata quæ fiunt ex carne & sanguine: de quibus dicitur: *Caro & sanguis regnum Dei possidere non possunt.*

Rom. 6. 21.

Luc. 18. 13.

Luc. 7: 6.

Mich. 7. 9.

Matt. 10. 13.

Apoc. 6. 4.

Jerem. 48. 10.

1. Cor. 15.

## CAPVT XXI.

## De Vera Confessione, &amp; eius efficacia.

**G**ladius confessionis: *Viuis est & efficax, & penetrabilior* *Hom. 4. 12.*  
*Omni gladio ancipiti, pertingens usque ad diuisionem animæ & spiritus, compagum quoque & medullarum; & discretor cogitationum & intensionum cordis.* Et quis vim Confessionis exprimere sic potuit? Quis naturam eius & formam sic depinxit? *Viuis*, inquit, *est sermo.* Vbi est morticinum Confessionis? Vbi simulachrum mortuum, quod os habet, & non loquitur, manus habet non Iacob, sed Esau, videlicet pilosas, sed & non planas? Pedes & non ambulat? Sicut homo mortuus non est homo, & fides mortua non est fides: sic Confessio simulata, non est Confessio. Viuis ergo sit Confessionis sermo, vt de corde vitali, & labiis veracibus procedat, non de sepulchro cadaueris mortui quod putet & foetet. Addit, *Et penetrabilior omni gladio ancipiti.* Grammatica, Dialectica, & Rethorica gladij sunt, quibus inter se pugnant Clerici, & satis sunt penetratiui in doctrinis & regulis suis, sed sermo Dei, & sermo Confessionis penetrabilior est omni gladio ancipiti, qui quærit vitare damnum, & acquirere lucrum, cum non solum

penetrat in interiora hominis, sed etiam perforat intestina suggestionum diaboli, & portas confringit inferni. Et quomodo? pertingens vsque ad finem animæ & spiritus; id est, sensualitatis, & rationis. Nihil namque omittit vera Confessio, quin accuset omnes excessus & sensualitatis, & superioris rationis. Nam aliud est peccare ex sensualitate, quam habemus communem cum peccato; aliud ex ratione, quam habemus specialem ex humanitate, & fortè communem cum Angelo ex diuina dispensatione. Peccata ex sensualitate sunt illa, quæ fiunt ex fragilitate & surreptione; quibus minor debetur poena & poenitentia: ex ratione, quæ fiunt ex deliberatione, vel ex ambitione, quibus acrior imminet vindicta. Subiungit: *Compagum quoque & medullarum*. Compago quædam est animæ & spiritus: illud confinium rationis & sensualitatis, in quo vix discernitur cuius sorti cedat, rationis, an sensualitatis: vnde Apostolus: *Non intelligo quod operor: quia in confinio illo caro concupiscit aduersus spiritum, & spiritus aduersus carnem*: id est aduersus sensualitatem. Hoc quoque confinium viuus sermo debet determinare, & vsque ad interiores medullas peccata insequi & explorare. Ad extremum subdit: *Discrator cogitationum & intentionum cordis*. Euoluendæ sunt cogitationes, & rimandæ intentiones in Confessione; vt nec minima peccati vngula euadat, quin in Dei sacrificium veniat. Fit enim in Confessione criminale, veniale. Sed paucorum est discernere noctem & noctem, id est, inter veniale & criminale; quia multa reputantur venialia quæ sunt criminalia, secundum intentionem peccatoris. Exprimenda est in Confessione, non solum actio, nec solum cogitatio, sed etiam ipsa intentio quæ totum opus facit lucidum aut tenebrosum. Et hic gladius magnus qui datus est sedenti super equum rufum, cuius etiam acies difsecat penitus, & discindit squamas antiqui Leuiathan; quarum vna vni sic iungitur, vt nec spiraculum incedat per eas.

Rom. 7. 15.  
Galat. 5. 17.

## CAPVT XXII.

## De oratione.

Serpentinis igitur exuuiis in Confessione exutus, & aquis Iordanis cum Naaman leproso lotus, & cum puero Dauid secundò vnctus in oratione ad Dominum manus & oculos leuet, vt præterita deleantur, & à futuris caueatur. His quasi duabus columnis fulcitur domus Orationis, si ira Dei deleatur, & gratia concedatur. Vtrumque facit oratio, & extinguit iram, & implorat gratiam. Est enim oratio alia laboriosa, alia deuota. Laboriosa extinguit iram; deuota prouocat gratiam. Neutra tamen sine altera veniat ad thronum gratiæ, sed Iacob vtramque ducat, & contubernio suo constringat Liam & Rachel, id est, laboriosam orationem & deuotam. Vna nocte cubat cum Lia, altera fortè cum Rachel. Ex vtraque nascitur soboles; proles ex Lia, cariores ex Rachel; & isti & illi reputantur in semine & numero Patriarcharum: quia secundum Liam qui plus laborat plus mercedis accipiet: & secundum Rachel, *Ei qui non operatur merces imputatur, non secundum meritum, vel debitum, sed secundum gratiam.* Cum itaque mercem præuenit gratia, grata & deuota dicitur oratio; & est imber matutinus. Laboriosa est, quando cor longè est ab homine, & Deus à corde. Longè verò cor ab homine, siue occupatum sit in curis superfluis, siue tepefactum à feruore Religionis, siue immersum carnalibus desideriis. Deus quoque longè est à corde, cum subtrahit gratiam, cum differt præsentiam, cum exercet postulantis patientiam. Laboriosa est de qua Petrus ait: *Præceptor per totam noctem laborauimus, & nihil cepimus.* Et de qua Iob: *Effodiunt sibi mortem quasi thesauros, & cum inuenerint, gaudent.* Et iterum Iob: *Clamo, & non exaudis me* Et sponsa in Canticis: *In lectulo meo quasi in pernoctem, quem diligit anima mea, &c.* Et in Psalmo: *Distulisti Christum tuum.* Deuota est cum citò occurrit gratia, cum mentem præoccupat, cum adest antequam inuocetur, cum præstat supra quàm petimus aut intelligimus. Cum autem homo pulsauerit ad ianuam gratiæ dicens: *Oratio mea præueniet te.* Et, *Psalm. 87. 14.*

Duplex oratio, laboriosa, & deuota.

Rom. 44. 5.

Laboriosa.

Luc. 5. 5.  
Iob. 3. 21. 22  
paulò aliter

Deuota.

- Psal.* 118. *Præuenerunt oculi mei ad te diluculo ; tunc appellatur laboriosa,*  
*148.* *& imber ferotinus : Faciam, inquit Dominus, descendere ad*  
*Joel.* 2. 23. *vos imbrem matutinum & serotinum, ut custodiam introitum, &*  
*exitum vestrum.* Aliquando cum oraret Iesus in passione, factus est sudor eius tanquam guttæ sanguinis: frequenter etiam  
*Joan.* 11. 28. *orauit cum omni tranquillitate, ut ibi : Pater clarifica filium*  
*tuum : & venit vox de celo dicens ; & clarificauit, & iterum clarifi-*  
*cabo.* Et Dominus ad turbam : *Non propter me vox hac venit,*  
*Ibid.* 30. *sed propter vos.* Et ad Patrem : *Ego enim sciebam ab initio quia*  
*Joan.* 11. 42. *semper me audis.* Quisquis huic Dominico se impresserit orationis sigillo eiusdem boni Magistri, sicut in aliis, sic etiam in hoc intuetur exemplum : Nam de eodem sic sequitur in Apocalypsi.  
*Apos.* 6. 5. *Et cum aperuisset sigillum tertium, audini tertium animal dicens:*  
*Veni & vide; & vidi.* Et ecce equus niger ; & qui sedebat super eum habebat stateram in manu sua. Tertiū animal est Lucas Medicus & Euangelista, qui conficit animæ potiones, ad sanandos omnes eius languores. Incipit autem ab oratione sic : *Fuit in*  
*diebus Herodis Regis Iuda, sacerdos quidam nomine Zacharias,*  
*&c.* Et quia in visione Ezechielis in figura vituli repræsentatur ; & vitulus Deo immolatur ; benè equus niger dicitur propter crucis mortificationem, quam voce prædicauit, & opere adimpleuit. Christus autem qui albus fuit in natiuitate, rufus in passione, niger est in morte. Sed stateram crucis habet in manu, quia potestatem habet ponere animam suam, & potestatem habet sumere eam. Et appensa in statera ista culpa humani generis cum poena Dominici corporis, pluris inuenta est poena sua, quam culpa nostra : vnde ipsa poena passionis Christi deleuit reatum præuaricationis primi parentis nostri, & totius mundi. Ipsa quoque passio, quid aliud fuit quàm eius oratio & nostra reconciliatio ? Equitat ergo Christus in equo nigro, nam exaltatus à terra suspenditur in crucis patibulo. Et nos Claustrales, siue sacerdotes, imitemur in cruce orantem, leuantes puras manus & oculos columbinos ad Deum, peccatorum nostrorum nigredinem confitentes, & pœnitendo mortem præuenientes. Vnde Psalmista : *Æthiopia præueniet manus eius Deo.* Æthiopissa decolorata à sole, & super carbones denigrata carnis afflictione, & membrorum suorum

mortificatione, orat dicens : *Auerte faciem tuam à peccatis meis.* Pſal. 50. 10.  
 Et, *Offa mea ſicut cremium aruerunt.* Et, *Percuſſus ſum ut ſaxum,* Pſal. 101. 4.  
*& aruit cor meum.* Animæ ſic oranti loquitur ſponſus in Canticis : *Equitatu meo in curribus Pharaonis aſſimilauit te, Amica mea.* Cant. 1. 8.  
 Quasi equitabat Deus ante filios Iſrael ſuper equum nigrum, columnam nubis per diem ; & equum ruſum, columnam ignis per noctem. Currus autem Pharaonis ſunt fallaces equi ad ſalutem, qui diſcunt per vniuerſum orbem ; ſuperbia, fallacia, gula, luxuria, ſuos equites deferentes in infernum. Sed equitatio IEſu ſalus, de quo dicitur : *Currus Dei* Pſal. 67. 18.  
*decem millibus multiplex.* Et quibus loquitur Pſalmiſta : *Affer te Domino filij Dei,* id eſt, Angeli, *Afferre Domino filios arietum,* id eſt Chriſtianos imitatores Apoſtolorum & Prophetarum. Qui ſedet ſuper equum nigrum habet ſtateram in manu ſua, in qua appendet quid debeat poſtulare de temporalibus, & quid de æternis ; quàm affiduè pro æternis, quàm moderatè pro tranſitoriis. Inde eſt quod ſequitur : *Et audivi tanquam* Apo. 6. 6.  
*voce in medio quatuor animalium decem : Bilibris tritici denario ; & tres bilibres hordei denario uno.* Triticum æterna deſignat ; hordeum temporalia : ſimplex & vna oratio, id eſt, bilibris tritici, pro vita æterna. Vnde : *Vnam petij à Domino :* Pſal. 26. 7.  
 multiplex & diuerſa, id eſt, tres bilibres hordei pro neceſſitatibus terreni ſubſidij. Vnde : *De neceſſitatibus eripe me Domine.* Pſal. 24. 17.  
*Vinum & oleum ne læſeris,* id eſt in Chriſto baptiſatos & ſancto Chriſmate perunctos, quod eſt oleum, & ſanguine Agni redemptos, quod eſt vinum, ne læſeris ad damnationem. Et ſi præcipio ne læſeris animam, ſicut de Iob dictum eſt : *Tu au-* Iob. 2. 6.  
*tem animam eius ſerua.* Tamen in preſſura torcularis nolo ut parcat calcator vuæ. In hac enim preſſura Deus non parcens parcat fidelibus ſuis. Hæc de oratione : dicendum eſt de meditatione mortis.

## CAPVT XXIII.

## De meditatione mortis.

**M**Orte nihil certius, nihil incertius, nihil bonis appetibilius, nihil malis odioſius. Certus occaſus eſt, incertus euentus. His qui non ſunt de mundo, conuerſationem

habentibus in cœlis gratus exitus de carcere ad regnum, de confusione ad gloriam. Morte namque interueniente nuda veritas manifestabit gloriam summæ & indiuiduæ Trinitatis, gloriam Beatæ Virginis, gloriam coelestium virtutum, gloriam denique omnium Sanctorum; in qua noua certa mensura, & mira & amabilia erunt omnia. Velum quoque sacramentorum præsentium, quod est de hyacintho secundum spem regni; de purpura propter sanguinem Agni; de cocco bis tincto propter caritatem Mediatoris Dei & hominum; de bysso retorta, propter sinceritatem Catholicæ fidei, & indissolubilem veritatem: tunc aut tolletur, aut scindetur. Tollitur iuxta illud: *Cum autem veneris quod perfectum est, euacuabitur quod ex parte est.* Scindetur sicut in passione Domini: *Velum templi scissum est à summo usque deorsum: Vt iudicium magni Dei sit sicut meridies, quando manifestabuntur consilia cordium.* Et, *Nihil operium quod non reuelabitur.* Non ergo expauescat soluere debitum mortis, qui expectat soluto debito dotes tantæ remunerationis. Debitum tamen est, quod omnibus & ab omnibus debetur & soluitur. Tempus autem solutionis, & hora, non in potestate & scientia est debitoris, sed in voluntate est Creatoris. *Constituit ille terminos, qui præscribi non poterunt.* De soluenda morte nec creditor & exactor potest diem anticipare & præripere; aut debitor differre & prolongare. Nemini autem hoc debitum seu vectigal indultum est à Deo, vt nec ipsi Filio Dei, quia filius hominis est, remissum sit; licet originaliter emancipato per immunitatem peccati: Nam *Domini Domini est exitus mortis.*

1. Cor. 13. 10.  
 Marc. 15. 38  
 Matt. 10. 26  
 Job. 14. 5.  
 Psal. 67. 21.

Cogitandum itaque, & semper excogitandum est, quatenus per mortem transeamus, non in morte remaneamus: sit mors hospitium viatoris, non mansio morientis: sit absolutio oneris, non depressio calamitatis: sit poenæ interruptio, non continuatio: sit via ad Patrem, non deuiatio ad hospitem: sit progressio ad patriam, non demersio ad gehennam: sit potio salutaris, non assumptio infernalis: sit denique finis non consumptionis, sed consummationis. Ante mortem culpa mortalis est cauenda, vel saltem confessione & poenitentia delenda: Citra mortem præparandum, vnde post mortem sit foeliciter viuendum. Mors non absorbet merita bona, repræsentet



autem mala etiam oblita : Mors coaceruat omnia præterita opera , resignat operata , designat mansionum æterna tabernacula , & collocat animas , non vbi voluerint , sed vbi meruerint. Vt certus sis de incertis , tene certa ne sequaris incerta : Currit enim Apostolus non in incerto , sed certus ; quia neque mors , neque vita poterit eum separare à caritate Dei , quæ est in Christo IESV. Certum te facient certa fides , certa spes , certa caritas , certa obedientia , certa humilitas , certa castitas , certa obseruatio Christianæ Religionis , & tuæ professionis. Depinge mortem ante oculos tuos , quàm horrenda facies eius , vultus quàm obscurus & toruus , singula singulorum membrorum eius officia quid operentur in singulis hominis membris. Deuorant namque & depascunt tanquam teneram herbam quicquid in homine est roboris & virtutis , tam in anima quàm in corpore damnatorum , vnde in Psalmo : *Mors depascet eos*. Vt ergo de ventre huius ceti Dominus nos extrahat , præoccupemus faciem eius in confessione , vt qui perforauit maxillam eius , armillâ liberet nos à morte æterna. Latens in carne IESV diuinitas molares noxas dentes in ore ipsius confregit , cum carnem Verbi morfu temerario momordit. Et si itaque nos mordeat vt coluber & vt cerasus , si crucis cornua præ manibus habemus , si sanguinem Agni super vtrumque postem & in superliminaribus gestamus ; tota illa Leuiathan horribilis armatura , quæ in Iob describitur , destruetur , & intestina eius hoc iaculo tenebrata rimabuntur. O puteus sulphureus ! ô foetor intolerabilis ! ô angustia ! ô tenebræ ! ô calor ! ô stridor dentium ! ô confusio ! ô dolor ! ô desperatio ! ô desolatio sine consolatione ! malum sine fine ; exitum sine reparatione ! Vtinam sub conspectu haberem compensationem quam mors malis delectationibus reponit. Longa præmeditatione & præparatione comparandum est quod minuat acerbitatem mortis , & faciat tolerabile , quod est ineuitabile

Sunt autem mortis mitigatoria remedia ; Confessio peccatorum , & poenitentia contra aëreas potestates ; propugnaculum sanctæ crucis ; viaticum Corporis & Sanguinis Domini ad solatium tanti & tam ignoti itineris. Oleum inunctionis ad fouendam lampadem conscientiæ , & remouendas condensas mortis tenebras ; patrocinium Dei ; auxilium omnium San-

Mortis remedia.

ctorum, & oratio Fratrum. His remediis aut succumbit mors secunda, aut cedit: & prima quidem more suo in hominem mortalem efferatur; sed eneruatur, nec retiaculis suis retinet animam, quam tantis vallatam copiis videt. Virtutem crucis expauescit; viatorem transeuntem cum viatico nequaquam posse deficere non ignorat; veram poenitentiam, & confessionem de vtero suo & ventre infernali animas infinitas fortiter extraxisse meminit, & se nunquam potuisse resistere voluntati Dei; nec corporibus humanis, nec animabus nocere se posse experimento nouit, si sanctorum auxilium subuenierit. Orationes fatrum tanquam sagittas igneas fugit. Ex his omnibus offas dirumpentes interiora diaboli, mortis & inferni conficiamus, & in ore draconis cum Daniële proijciamus. In clauistro præparetur hæc confectio ab his qui se cogitant semper morituros, & tanquam palma multiplicant dies suspicientes in excelsis, & in se vitia mortificantes. In his mors non habet potestatem, qui habent potestatem calcandi super serpentes, qui in eremo interficiebant filios Israel, & scorpiones qui insidiantur calcaneonostro. O anima soluta à corpore vbi habitas? an in coelo, an in paradiso, an in igne purgatorio, an in inferno? Si in coelo, beata cum Angelis; si in Paradiso, securà à miseriis istis; si in igne purgatorio; anxia de poenis, tamen expectas liberationem; si in inferno, desperans non expectas miseriam, sed veritatem & seueritatem. O anima sine corpore vbi est modo corpus tuum? vbi est Abel frater tuus? Ecce vermes, ecce tinea, ecce putredo quondam in ossibus tuis. Tu autem quid? Petis ne ab Abraham vt mittat Lazarum, & intingat extremum digiti sui in aqua, & refrigeret linguam tuam? habesne flammam supplicij in parte vel in toto? est ne spes euadendi? O anima si in inferno es, non reuertetur oculus tuus vt videat bona. Si in igne purgatorio, minus ardet fornax Babilonis, cuius flāma euaporabat cubitisquadraginta nouem. Æthiopes crudelissimi ligna, foenum, stipulam, nec non & picem, atque malleolos, quos de sylua malorum nostrorum collegerunt studiosè, & reposuerunt malitiosè, insistant in igne purgatorio subministrare, & donec vox de throno gratiæ veniat, miseram animam non cessant flagellare.

O anima

O anima siue beata siue misera, quàm vtile esset animæ peregrinanti adhuc in corpore te videre & audire, quæ & sortis nostræ non es oblita, & tuæ iam es experta. Ecce habes stateram in manu tua, appendens in ea quod in corpore meruisti, & quod extra corpus recepisti. Hîc, hîc mendaces sunt homines in iustitia non attendentes stateram paratam quæ rectâ lineâ librat pœnam & culpam non declinans neque ad dextram neque sinistram. In præsentī quidem mixta est misericordia cum iustitia, & iustitia cum misericordia: quando Deus inclinât de calice qui est in manu eius, ex hoc misericordiæ in hoc iustitiæ, & ex hoc iustitiæ in hoc misericordiæ. In futuro autem iudicio erit iustitia sine misericordia illi qui non fecit misericordiam: *Apo. 6. 6.* non enim tunc inuenietur oleum ad emendum. Nunc dicitur, *Vinum & oleum ne laferis*, quia correptio & compassio necessaria est ad curandum semiuivum à latronibus relictum. In iudicio sæva erit correptio; quia non erit tempus seniuandi, sed metendi. Vana etiam erit compassio vbi nulla quæ non præcesserit miseratio. Anima in corpore odorât ista, non gustat, sicut naues poma portantes, sed illa quæ ad portum applicuit, *Psal. 38. 4.* iam degustat cuius saporis sint futura sæcula. De mortis quoque meditatione dicitur. *In meditatione mea exardescet ignis.* *Isaia. 66. 24.* Ignis utique de quo dicitur: *Vermes eorum non morientur, & ignis non extinguetur.* Sed mirum quomodò mors exardescet meditata, quæ frigida omnem vitalem tollit & extinguit calorem. Quando tamen accenditur ignis nisi tempore hyemis? Ita enim cōtrarium cōtrario repellitur, & quæritur ignis dum viget torpor frigoris. Quid ergo facit exardescens ignis in meditatione mortis; Ligna, fœnum, stipulam, paleasque cōburit mundanas delectationes in cineres redigens? Mors nãmque mentem totam occupans temporalia omnia parui pendere facit. Quis enim aquis mersus aquas se mergentes diligit? Et nonne concupiscentia oculorum, concupiscentia carnis, superbia vitæ, in profundissimum infernum possessorem suum demergunt? In his aquis Leviathan natat & latet in insidiis: ut incautè sibi appropinquantes aut submergat, aut de naribus fumum proiciens sicut ollæ succensæ & feruentis exurât. Vnde Iob, *De naribus eius procedit fumus sicut olla succensa*

*& ferventis.* Halitus eius prunas ardere facit, & flamma de ore eius egreditur: fumus de quo dicitur, *Ascendet fumus in ira eius*, oculorum caliginem generat, sed caligo sub pedibus *Psal. 57. 9.* Dei. Flamma de ore draconis, est, de qua dicitur: *Supercecidit ignis & non viderunt solem*: concupiscentia videlicet mala, quæ prunas ardere facit, dum hîc animam seducit, vel in morte ad pœnam trahit. Aduersus hæc nasus sponsæ, sicut turris quæ respicit contra Damascum, meditatur de morte contra mortem, quia iacula quæ prævidentur, minus feriunt: & non est fera tam sæua, quæ magisterij assiduitate non castigetur & mitigetur. Sic mors nec incognita meditatione, nec improvîsa expectatione veniens, non superueniens: vahias nostras apertas penetrans, non perforans: intrans non irruens: excitans non feriens latus dormientis, satis modeste à nobis, non cum horrore excipitur. Venit enim vt bonus nuntius, *Psal. 31. 12.* non vt infestus aduersarius: mandatum refert, non infert supplicium; fines enim mandati non excedit: à se non potest facere quicquam. *In chamo & frano maxillas eorum confringet* Deus Iudex iustus, vt nucleus gloriæ quam abscondit Deus timentibus se, testâ cum cortice fractâ, Beatorum repleat viscera.

Gregorius  
homil. 27.  
in Euang.

## C A P V T XXIV.

*De meditatione Mortis Christi hominis, & diaboil.*

*Apoç. 6. 7.*

**E**T cùm aperuisset sigillum quartum, audini vocem quarti animalis dicentis: *Veni & vide, & vidi.* Et ecce equus pallidus. Nota in tribus superioribus, vnum animal, secundum animal, tertium animal dixisse: in quarto verò non quartum animal, sed vocem quarti animalis scribit se audisse. Ioannes enim Euangelista est vox Verbi, qui sic inchoat Euangelium suum: *In principio*, inquit, *erat Verbum*, &c. Equus autem pallidus est, qui ante passionem cœpit pauere & tædere, dicens. *Tristis est anima mea usque ad mortem. Et nomen illi mors*, qui nunc mortuus est propter delicta nostra: Et in Osee dicens: *Ero mors tua ô mors.* Et iuxta illos qui dicunt: *Nomen eius non morietur amplius.* Et inferiùs sequebatur eum, secundum illud: *Posuerunt me opinione in lacu inferiori, in tenebris, & in umbra mortis.* Ad meditationem itaque mortis pertinet

*Matt. 26.*

*28.*

*Osee. 13. 14.*

*Jerem. 11.*

*19.*

*Psal. 87. 7.*

mors Christi, mors diaboli, & mors hominis. Mors Christi occidit mortem in diabolo ne vltra viueret : in homine ne remaneret ; in diabolo vt periret : in homine ne periret ; in diabolo ne regnaret : in homine ne seruiret ; in diabolo ne sæuaret : in homine ne timeret ; in diabolo ne falleret : in homine ne illi crederet ; in diabolo vt de vita desperaret : in homine vt per mortem ad vitam aspiraret. Meditatio mortis Christi visitat ægrum, meditatio mortis diaboli confortat infirmum ; meditatio suæ mortis humiliat superbum : meditatio mortis Christi potio est salutaris ; meditatio mortis diaboli purgatio est inflationis : meditatio suæ mortis restitutio siue conseruatio sanitatis. Meditatio mortis Christi venena extinguit ; meditatio mortis diaboli apostema soluit ; meditatio suæ mortis emplastrum morbo apponit. Equus pallidus est, qui se mortificat in meditationibus istis vt morte mortem puniat, & interim collum suum morti subiiciat ; & in morte de subiugo venientis exiliat.

De meditatione mortis ait Dominus ad Iob : *Nunquid aperta sunt tibi porta mortis, & ostia senebrosa vidisti?* Iob. 38. 17. Deo, cui nuda sunt omnia & aperta, qui palmo metitur terram, & pugillo continet omnia à supremo cœli cardine vsque ad profundissimum inferni, nihil est clausum. Potestas eius æterna ingreditur & egreditur, nullo resistente, omnes regni sui prouincias : quia *Quacūque uult facit in cælo, & in terra, & in omnibus abyssis.* Psal. 134. 6. Illi proculdubio apertæ sunt portæ mortis, vt cum uellet, intraret, & exiret ; quem uellet introduceret, & quem uellet renocaret. Nulli autem Sanctorum nisi per IESVM apertæ sunt portæ mortis, vt inde exiret ; quæ tamen per peccatum apertæ sunt, vt de mundo exiens inuitabiliter omnis homo per eas ad futurum sæculum, ad pœnam vel gloriam intret. Sunt verò portæ mortis, sunt portæ inferni, sunt portæ sæculi, sunt portæ claustrii, sunt denique portæ cœli. De portis mortis dicitur in psalmo : *Qui exaltas me de portis mortis, ut annūtiem omnes laudationes tuas in portis filia Syon.* De portis inferni dicitur in Euangelio : *Tu es Petrus, & super hanc petram ædificabo Ecclesiam meam ; & porta inferi non praualebunt aduersus eam.* Et, *Vadam ad portas inferi.* Portæ sæculi sunt introitus ad vitam, & exitus de vita. Portæ claustrii sunt professio regularis cum obseruantia,

Portæ diuersæ per quas uel ad vitam uel ad pœnam.

Psal. 9. 15.

Matt. 16. 18.

Isaia. 38. 11.

f. \* remun-  
erationis.

& spe \* renuntiationis. Portæ coeli sunt sancti Angeli, & ministratorij spiritus, qui mittuntur propter eos qui hæreditatem capiunt salutis. Pœnales sunt portæ mortis; abominabiles portæ inferni; periculosæ portæ sæculi; religiosæ portæ claustrij; gloriosæ portæ coeli. Portas mortis pertransiuit Dominus; Portas inferni confregit; Portas sæculi sine pessulo intrauit & exiuit; Portas claustrij conuersatione sua in terris, & morte dolauit; Portas coeli in Ascensione sua aperuit. In cardine vexatorio voluitur porta mortis; in cardine punitorio porta inferni; in cardine mutatorio porta sæculi; in cardine meritorio porta claustrij; in cardine remuneratorio porta coeli. Angelus sanctus custodit portam coeli; bonus Prælatus portam claustrij; quotidianus defectus portam sæculi; diabolus damnatus portam inferni; princeps mundi portas mortis. Clauis coeli est gloria, clauis claustrij est regula, clauis sæculi est vanitas, clauis inferni est pœna perpetua, clauis mortis est diuina sententia. In porta coeli de fine laborum exultatio, in porta claustrij peccatorum purgatio, in porta sæculi anceps occupatio, in porta Inferni desperatio, in porta mortis trepidatio. Meridies ad portam coeli, aurora ad portam claustrij, crepusculum ad portam sæculi, vespera siue nox ad portam mortis, media nox ad portam inferni. In resurrectione mortuorum apertæ erunt portæ mortis, quia omnes resurgemus, sed non portæ inferni, quia non omnes immutabimur. In exitu aperiuntur portæ claustrij & portæ sæculi; post iudicium portæ coeli. Ait ergo: *Nunquid aperta tibi sunt porta mortis, & ostia tenebrosa vidisti?* quasi diceret; Est ne tibi iam pura conscientia, & de gratia mea tam secunda vita, vt intrepidus expectes mortem? & cum venerit tanquam absynthium, deglutias illam intrans portas eius sine labore, & exiens absque difficultate? An & ostia tenebrosa vidisti? Si habes oleum in lampade tua, ad tenebrosa ostia non offendes pedem tuum, quia gressus tuos diriges secundum eloquium Dei, in quo lux, & tenebræ nullæ sunt.

## CAPVT XXV.

## De communicatione corporis &amp; sanguinis Domini.

**I**N disciplina Claustri non est omittendum quod præcipuè est necessarium, altissimè quoque commendandum memoriæ. Eucharistia siquidem locum tenet in corpore Ecclesiæ, quem humanum cor in homine; integro & sano corde viuatur, & corrupto & vulnerato, homo moritur. Vnde Salomon: *Omni custodia serua cor tuum; quoniam ex ipso vita procedit.* Prov. 4. 23. Et Dominus de corpore suo in Euangelio: *Qui manducat me, & ipse uiuet propter me.* Ioan. 6. 58. Vita est Angeli in quem desiderant Angeli prospicere; vita est Christiani per quam possit proficere. Hanc vitam aliter \* accipere qui in carne & secundum carnem uiuit; aliter ille qui seminat in spiritu, ubi de spiritu metat vitam æternam; Aliter illi; *Quorum os maledictione & amaritudine plenum est;* Aliter illi; *Qui esuriunt & sitiunt iustitiam;* & quibus dicitur: *Vos in carne non estis, sed in spiritu: si tamen spiritus Dei habitat in uobis.* Psal. 13. 3. Matt. 5. 6. Rom. 8. 2. Gal. 2. 20. Et ille qui dicit: *Viuo autem, iam non ego; uiuit uerò in me Christus:* quem diligo ex toto corde, ex tota anima, ex tota virtute. Cor tale Deum solum cogitat, amat, & desiderat; anima singulis spiraculis Deum annuntiat, & semper ad Deum spirat & suspirat. Virtus omnia potest in eo qui se confortat, & nihil sine eo qui dicit: *Sine me nihil potestis facere.* Ioan. 15. 5. Qui sic Deo & à Deo occupatur horis matutinalibus fame sancta urgente, Dominici corporis & sanguinis communionem quotidie reficitur. Sed secundum Apostolum diiudicandum inter hunc spiritalem cibum, & corporalem quotidianum: Nam summa discretione attendendum, quando ad corpus Christifit accedendum, quando cedendum, & quando recedendum. Accedere ad Christum, accedere est ad Dominum, accedere ad Regem, accedere ad lucem, ad ignem, ad panem, ad vitem, imò ad vitam. Quæris libertatem? accede ad Dominum. Quæris securitatem? accede ad Regem. Quæris claritatem? accede ad lucem: Quæris calorem? accede ad ignem: Quæris refectionem? accede ad panem: Quæris potum? accede ad vitem: Quæris resurrectionem.

M iij

nem? accede ad vitam. Offendisti Dominum? cede: Fecisti contra Regem? cede: cæcus aut lippus es? cede à luce: Portas in lumbis aut in manibus tuis ignem alienum? cede ne exurat te ignis de altari. Esne plenus murmurio, & saturatus de contradictionibus? cede, & noli accedere ad panem Angelorum. Esne inebriatus de vinea Sodomorû & Gomorræ? cede, & noli accedere ad vinum de vinea Sorech. Esne mortuus criminalibus, & sepultus in inferno? cede. Distat autem plurimum inter cedere, & recedere: Nam cedere, reuerentiæ est; recedere, irreuerentiæ. Cedit qui dicit: *Domine non sum dignus, ut intres sub tectum meum*: recedit qui dicit: *Ecce ejcis me à facie tua*. Et, *Maiores iniquitas mea, quam ut veniam merear*. Ionas quoque fugiens & recedens à facie Domini, absorptus est in ventre ceti tribus diebus & tribus noctibus. Et psalmista: *Discedite à me omnes qui operamini iniquitatem*. Quis autem finis recedentibus à Deo? *Omnes qui elongant se à se peribunt*. Cedo itaque cum peccauero, non recedo si confessus errorem fuero, & emendauero.

Modus &  
tempus ac-  
cedendi ad  
Commun-  
ionem.

Sed adhuc diligentius aduertendum quando, quomodò, & quare ad Communionem sit accedendum: habet enim utilitas huius refectionis temporis discretionem, modi determinationem, causæ etiam rationem. In tempore considerantur tria, oportunitas, consuetudo, & solemnitas. In modo, purgatio, intentio, & deuotio. In causa institutio, utilitas, & necessitas. Breuiter replicanda sunt & explananda quæ hic enumerantur. Opportunitas fugit & fugat occupationem: Liberis enim mentibus hoc exequendum officium & Deo obsequendum. Consuetudo remouet laicam negligentiam & erga salutem suam nimium torporem. Sufficit enim Laïco semel in anno communicare; sed pia & sollicita Maria sedens ad pedes Domini cum nostris claustralibus, sic non satiatur oculus eius visu, nec auris auditu; sic panem Angelicum, scilicet Dominicum Sacramentum quotidie sumit, & quotidie nihilominus esurit iuxta illud: *Qui edunt me, adhuc esuriunt; & qui bibunt me, adhuc sitient*. Instans quoque solemnitas admonet nos accedere ad Communionem. Quæ enim solemnitas, ubi fames & egestas? ubi autem non est cibus qui non perit, sed qui permanet in vitam æternam, egestas est,

Ecclesi. 24.  
29.



& exitialis inopia. Solemnem itaque habeat, & adhibeat cibum solemnitas Sanctorum. Dictum est de tempore, videamus de modo qui habet purgationem, intentionem, & deuotionem. De quodam sancto dicitur: Quia Christus purgauit

Ecclesi. 47.

Heb. 1. 3.

*peccata ipsius. Et ad Hebræos de Christo ait Apostolus: Portans omnia verbo virtutis sue, purgationem peccatorum faciens, sedet ad dexteram maiestatis in excelsis.*

O cor meum, anima mea, os meum, labia mea, fauces meæ, lingua mea, stomachus meus! Quid est in altari? nonne corpus quod sumptum est de Virgine MARIA, corpus conceptum de Spiritu-Sancto, corpus passum in cruce, sepultum in monumento nouo; corpus quod tertia die resurrexit à mortuis; corpus quod ascendit super omnes cœlos; corpus quod sedet ad dexteram Patris in excelsis, in quo Iudex viuorum & mortuorum IESVS iudicaturus est viuos & mortuos & sæculum per ignem? Quid ergo vos omnia interiora & exteriora mea? Quomodo suscipietis tam castissimum, tam sanctissimum, tam mundissimum, quæ sordetis tam impuris menstrualibus immundiciis, tam damnabilibus, assiduis & inenarrabilibus culpis? Purgandæ itaque prius sunt sordes nostræ aqua compunctionis, igne fraternæ compassionis, hyssopo fidei & humillimæ confessionis, cinere saluberrimæ subiectionis & mortificationis. De hac purgatione Apostolus ad Hebræos: *Habentes, inquit, fiduciam in introitu sanctorum, in sanguine Agni immaculati IESV CHRISTI, quoniam initiavit nobis viam nouam, & viuentem per uolamen, id est, carnem suam, & sacerdotem magnum super domum Dei: Accedamus cum vero corde in plenitudine fidei, aspergi corda à conscientia mala, & abluti corpus aqua, teneamus spei nostræ indeclinabilem confessionem.*

In altari  
sumitur  
corpus na-  
tum de Ma-  
ria Virgi-  
ne, &c.

Heb. 10. 19.

Iacob. 1. 5.

Securus introeat ad altare Dei, certus accedat ad Communionem Dominici corporis, qui habet cor aspersum, id est mundatum à conscientia mala, & corpus ablutum tam sanctificatione baptismatis, quàm compunctione deuotionis; & qui tenet indeclinabilem spei confessionem. Nota indeclinabilem confessionem, ut sint pedes eius, pedes recti, se accusando de se, non de Creatore, vel diabolo conquerendo: *Deus enim insentator malorum est: & diabolus tentat, sed non sine licentia, nec ultra licentiam. Vnusquisque autem tentatur à concupiscentia sua abstractus & illectus.*

Intentio  
triplex.

Iam de intentione dicamus quæ triplex est. Alia enim bonâ, alia mala, alia pessima. Bona est, si corpus Christi cum fide vera, & pura ab omni crimine conscientia sumitur: ut sanguis Christi iustum iustificet amplius; hic accipit ut bonus fiat. Mala est enim cum in vase per odium arido, per luxuriam immundo, & per maliciam corrupto mittitur, non ut qui est malus fiat bonus, sed ut qui est malus appareat bonus: Hic est hypocrita. Pessima est, quando irreuerenter quasi canis rabidus corde pessimo accedit aliquis ad Sacramentum Dominicum, non ut fiat bonus, sed ut sub Christo lateat antichristus. Hic est lupo rapax, qui sub pelle ovina deuorat agnum, turpitudinem suam foliis ficus tegens, non ad remissionem, sicut ille cuius tecta sunt peccata & remissæ sunt iniquitates, sed sicut Adam & Eua in Paradiso consueverunt folia ficus non se accusando, sed excusando. Sit itaque intentio percipiendæ Eucharistiæ, ut sit bono ad sanctificationem, sit malo ad corruptionem, sit pessimo ad compunctionem. Mittit enim Deus crystallum castissimi corporis sui sicut buccellas, ut infirmus sanetur, famelicus satietur, sanus impinguetur & confortetur. Exprimatur intentio in oratione, ubi dicitur: *Non sit nobis reatus ad penam, sed intercessio salutaris ad veniam, sit ablutio scelerum, sit fortitudo fragilitatis, sit contra mundi pericula firmamentum, sit fidelium viuorum & mortuorum remissio omnium peccatorum.* Dicamus de deuotione.

Triplex  
quoque deuotio.

Causæ accedendi ad Communionem: Institutio.

Triplex sit deuotio: Alia compunctiua, alia suspiriosa, alia lacrymosa. Compunctiua est fons scaturiens, suspiriosa est fons saliens, lacrymosa fons superebulliens. Pungit compunctiua, elicit suspiriosa, fundit & pluit lacrymosa. Timor pungit, spes elicit, amor pluit. Venam stringit timor, spes aperit, amor humorem cum impetu spiritus educit. Sic minutus sanguine peccati, ligamento, ferro, & motu cordis voluntario; dicat Domino: *Voluntariè sacri ficabo tibi*, qui ante præsidem ligatus astitisti, qui clauis confixus in ligno pependisti, qui lancea percussus sanguinem & aquam dedisti; oblatu es quasi non coactus, quasi qui nolueris, sed deuotus & spontaneus, quia voluisti. Iam de causa dicendum est, in qua tria notauimus: Institutionem, Vtilitatem, & Necessitatem. Considerandum est ergo in institutione, quis, quibus, quando,

do, & quomodo hoc Sacramentum institutum sit. Quis? Christus: Quibus? Apostolis. Quando? In Coena vltima. *Matth. 26.* Quomodo? *Accipiens panem benedixit & fregit, & dedit Discipulis suis dicens: Accipite & manducate ex hoc omnes, Hoc est Corpus meum. Simili modo & calicem postquam cœnavit dicens: Accipite & bibite ex hoc omnes: Hic est calix Sanguinis mei, qui pro vobis & pro multis effundetur. Hoc facite in meam commemorationem.* *Marci 14. 22.* In actore agnosco bonitatem, scientiam, & potestatem. Bonitatem, quia voluit; scientiam, quia futuris morbis antidotum sufficiens, & quod de facili posset haberi, in recessu suo ad consolandam absentiam præparavit. Potestatem, quia potuit & potest facere quod vix homo potest credere, nullatenus verò definire. In Apostolis contemplor amicitiam, obedientiam, & reuerentiam: Amicitiam tunc quidem quasi in herba tenerem; sed post acceptum Spiritum tanquam ardorem solidissimam. Obedientiam vsque ad diuisionem animæ & spiritus, vsque ad mortem, vsque ad crucem, vsque ad decolationem. Reuerentiam tanquam Magistro, tanquam Domino, tanquam patri, immò tanquam Deo. Vnde: *Tu es Christus filius Dei viui.* In tempore firmissimum coagulum, fortissimum argumentum, excellentissimum donum quod hætenus reposuerat, & in corporali separatione dandum ab æterno amicis suis prædestinauerat, recogito. Coagulum est corpus Christi compingens sumptum Deum, & fumentem Christianum in vnum, iuxta Apostolum, qui ait: *Panis cui benedicimus nonne communicatio corporis Domini est? Et calix cui benedicimus, nonne communicatio sanguinis Domini est?* *2. Cor. 13. 16.* Argumentum quoque probabile & necessarium est diuinæ dilectionis, quia nunquam se nobis dedisset, si non specialiter dilexisset. IESV autem quid melius in coelo & in terra, quid carius, quid pretiosius? Hic enim est datum optimum & donum perfectum, de sursum descendens à patre luminum. Dederat quidem Pater IESVM filium suum incarnatum generi humano, sed ea conditione quòd reciperet illum in assumpta humanitate expleto legationis officio: Ad didit deinde gratiam gratiæ, vt sub alia specie in eadem veritate, eundem Filium suum IESVM non solum daret vt socium itineris, sed vt viaticum totius peregrinationis, vt qui

visibili passione semel nos redemerat, semper inuisibili refectione confortaret. Quomodo autem corpus suum Dominus Apostolis tradidit, Apostolus ad Corinthios docet, & Euangelistæ plenius ostendunt. Accepit enim panem qui creauerat ipsum panem, & eadem potentiâ, quâ prius creauerat ad corporalem hominum refectionem, gratiarum actione ad Patrem & benedictionem cum Patre conuertit in substantiam corporis sui, ad animarum & corporum redemptionem. Similiter & calicem.

Iam videamus de vtilitate. Reprobatio quidem præcedentis mandati fit propter inutilitatem & infirmitatem suam. Nihil enim ad perfectum adducit lex, & si prius illud culpa vacasset, non vtiq; secundi locus inquireretur. *Christus autem semel oblatus ad multorum exhaurienda peccata.* Et, *Vnam pro peccatis offerens hostiam sedet in dextera Dei.* Quærenda est virtus contra infirmitatem, vtilitas contra inutilitatem, succedit Euangelium legi tanquam virtus. Audi Apostolum: *Non, inquit, erubescio Euangelium; virtus enim Dei est in salutem omni credenti.* De corpore Christi quid? *Oblationes, inquit, & hostiam noluisti, corpus autem aptasti mihi.* An est virtus corpus Christi? Item Apostolus: Quod infirmum est Dei, vtiq; corpus assumptum, fortius est hominibus. Helias ad caput suum inuenit panem subcinericium, & ambulauit in fortitudine cibi illius quadraginta diebus. Et dubitas te in fortitudine panis, qui de cœlo descendit, posse ambulare non vsque ad montem Dei Oreb, sed vsque ad montem in quo beneplacitum Deo habitare in eo? Est itaque virtus & sanitas in corpore Christi. Itaque virtus Eucharistiæ sicut sanitas excludit infirmitatem. Vnde est illud: *Sanitas sub pennis eius.* Sub pennis itaque visibilium specierum panis & vini, quasi sub pannis fidei in præsepio altaris. Vnde Angelus ad pastores ait: *Inuenietis Infantem in vestris,* qui æternus est in suis, *pannis inuolutum:* videlicet secundum Adam in tunicis pelliceis. Sed quid latet sub his siue tunicis siue pellicibus, seu pennis, seu pannis? Virtus sine dubio: Nam *virtus Dei erat in illo.* Sic exclusa infirmitate per virtutem, excluditur inutilitas per vtilitatem. Stringe sensum Apostolicum: Ad æmulationem carnis aspergebatur sanguis vitulæ, ad per-

fectum nihil adducebat, ad dexteram Dei neminem colloca-  
 bat : Hæc autem omnia implet hostia viua, hostia sancta,  
 hostia immaculata, quæ suo triplici effectu præstat emunda-  
 tionem, sanctificationem, & societatem non solum Angeli-  
 cam, sed & diuinam. Communicatio enim Dominici cor-  
 poris, & aspersi sanguinis IESV CHRISTI, agni videlicet  
 immaculati, emundat nos delicto maximo, & ab omni pec-  
 cato. Vnde Ioannes Baptista : *Ecce agnus Dei, ecce qui tollis* Ioan. 1. 29.  
*peccata mundi.* Et in Apocalypsi Ioannes Euangelista : *Qui* Apoc. 1. 6.  
*lauit nos in sanguine suo.* De sanctificatione quoque dicit in  
 Euangelio : *Et pro eis sanctifico meipsum, ut & ipsi sancti sint.* Ioan. 17. 19.  
 Et Apostolus ad Hæbreos : *Qui sanctificat, & qui sanctifican-* Heb. 2. 11.  
*sur in ipso omnes :* Et de passione : *Ego vado immolari pro vobis.*  
 Emundat igitur conscientiam nostram ab operibus mortuis  
 Eucharistia, nihilominus & sanctificat in iustificationibus Do-  
 mini, ut qui *feder ad mensam dinitis, diligenter attendat quæ ap-* Prou. 23. 1.  
*ponuntur; sciens quia talia oportet preparare, ut casto castum ex-* iuxta lxx.  
 hibeat hospitium, pio pium, iusto iustum, mundo mundum,  
 sancto sanctum. Vnde Petrus Apostolus : *Christus passus est* 1. Pet. 2. 22.  
*pro vobis, vobis relinquens exemplum ut sequamini vestigia eius*  
 &c. Sic emundati, sic sanctificati, sic socij sumus sanctifica-  
 tionis, sic etiam glorificationis siue consolationis erimus.  
 Vnde Ioannes in Epistola sua : *Quod vidimus, & audimus,*  
*annuntiamus vobis, ut & vos societatem habeatis nobiscum; &* 1. Ioan. n.  
*societas vestra sit cum Patre & Filio eius IESV CHRISTO.* O so-  
 cietas non leonina quæ socium deuorat, non canina quæ intra  
 fauces stridet & murmurat, & in aperto latrat, & in animam  
 iusti captat, non coruina quæ semper mordet & erga cadauera  
 crocitatur; sed ouina quæ de velleribus suis foedum tegit, &  
 frigidum calefacit; sed agnina quæ se ipsam ut amicos pascit  
 in mortem tradit, sed columbina quæ simplici oculo omnia  
 conspicit & omnem amaritudinem, & iram, & indignatio-  
 nem tollit. O societas quæ mala nostra suffert vel aufert, &  
 sua bona confert, quæ nihil à nobis petit nisi quod dederit,  
 nihil accipit quod nostris vsibus seruauerit; quæ nunquam  
 circumuenit in negotio, sed semper subuenit æterno subsidio;  
 quæ exponit omnia sua & disponit omnia nostra.

Ecce de vtilitate Eucharistiæ, quæ emundat, quæ sancti-

Necessitas.

N ij



ficat, quæ societatem Dei donat, pauca diximus. Ad extremum de Necessitate videamus. Proinde & ipsa triplex est. Nam alia necessitas ex auctoritate decreti; alia ex obligatione promissi voti; alia ex impossibilitate vel difficultate rei, rationis, & facti. Ex auctoritate decreti; vt, *In quacumque die comederis, morte morieris*. Ex hoc decreto, est omnis homo mortal<sup>is</sup>. Item ex obligatione voti; in promissione baptismatis tenetur omnis Christianus; in professione Religionis Monachus & Canonicus; in consecratione sacri ordinis Sacerdos & omnis ordinatus. Ea itaque necessitate quâ homo moritur, quia vetitum gustauit, damnatur qui pactum voti sui præuaricatus fuerit. Vnde propheta: *Qui pactum soluit, nunquid effugiet?* Non effugiet: Et, *Melius non vovere, quàm vovere, & vota non reddere*. Rursus necessitas quædam est ex difficultate seu impossibilitate Dei; vt, quod est album necessariò non est nigrum, quia nullum album est simul & nigrum. Ex impossibilitate rationis; vt, Lapis non est homo, quia lapis est insensibilis, homo sensibilis. Ex impossibilitate facti; vt, Homo digito suo non tangit cælum. Sed ad propositum redeamus. Omni Christiano necesse est Eucharistiam sumere ex auctoritate decreti, quod est: *Nisi manducaueritis carnem filij hominis, & biberitis eius sanguinem, non habebitis vitam in vobis*. Ex obligatione voti tenemur diabolo & pompis eius renuntiare, & sic communicare. Quòd si votum frangimus & communicamus, quid ait Apostolus? *Qui, inquit, indignè sumit, iudicium sibi manducat & bibit*. Necessariò igitur debemus communicare, & dignè. Res verò sacramento visibili, virtute inuisibili; res aliud ostendit, aliud reponit. Sacramentum visibile exterius obicit, virtutem inuisibilem intrinsecus continet, mundis cordibus exhibet. Rem si totus accesseris, totam habebis, si dimidius, dimidiam: id est, sacramentum, non rem sacramenti; vt sis palmes in vite, qui non fert fructum, sed qui excidetur, & in ignem mittetur. Dignus itaque ad rem tam dignam dignè accede; & non deerit qui digno nulli vmquam deficit, & si cui defuit dignus non fuit. Dignè autem accedit, qui nulli peccato mortali succumbit, de venialibus humiliter quotidie satisfacit. Ratio deinde nostra in tanto solis radio aut minus

Gen. 2. 17.

Ezech. 17. 15.

Eccle. 5. 4.

Joan. 6. 54.

1. Cor. II. 29.

videt, aut cœca est. Minus videt propter lippitudinem ignorantiae naturalis; aut cœca est propter intolerabilem fulgorem diuini operis. Si suis & consuetis graditur vestigiis, non apprehendet sapientiam huius mysterij, quæ abscondita est ab oculis omnium viuentium. Si verò innixa fuerit super dilectum suum, qui illuminat tenebras eiusdem rationis vero lumine interim fidei, postea rei: satiata ab vberibus eius quæ sunt super omnia aromata, dicet: Teneo illum fide & dilectione, nec dimittam donec introducat me in domum matris suæ MARIE, & in cubiculum genitricis suæ gratiæ, de qua conceptus & natus est IESVS, Creator & Illustrator totius rationis. Veni ergo ratio ad altare, non superbo oculo, & extento collo, sed genu curuato, & vultu in terram demisso, adorans scabellum Eucharistiæ, non disputans aut iudicans quare aut quomodo id fiat. Ait enim Dominus Petro; Tu nescis modò, scies postea. An tu melior Petro? An tu Deo familiarior? Petrus nescit carissimus discipulus, cui Pater reuelauerat, quòd Christus esset filius Dei viui, nondum didicit, & tu disputando, discutiendo, deffiniendo vis exossare vsque ad cinerem ossa Regis, quæ occultantur vsque ad tempus & tempora? Orando expecta donec crescat Sela, qui interpretatur vmbra eius; donec oriatur lucifer in cordibus nostris, qui dicat nobis omnia quæ audiuit à Patre suo, & faciat omnes docibiles Dei.

Restat de facto. Factum hoc admirabile, factum delectabile: vnde psalmista: *Delectasti me Domine in factura tua.* Factum hoc apud homines impossibile vt Deus moreretur, vt Dominus gloriæ crucifigeretur, vt panis fieret caro Christi, & vinum sanguis; apud Deum autem omnia possibilia sunt, nullus in Deo labor grandia & grauiataque impossibilia facere; tam facile est ei omnia facere, quàm promptum velle; Omni quidem homini aliud est velle, aliud pati, aliud facere: nulla mora, nulla differentia inter Dei velle & Dei facere. Sed hoc de nostro, non de suo; nisi fortè dicas nostrum suum, quia ab eo assumptum, & quod nostrum tantum erat proprietate naturæ, iam suum factum est dignatione & assumptione. In illo ergo nostro suo aliquid voluit secundum nos, aliquid secundum se, sed subiecit quod secundum

Psal 91. 4.

dum nos voluit ei quod secundum se voluit, dicens Patri: *Non mea voluntas, sed tua fiat.* Fecit quoque aliquid secundum nos, fecit & secundum se: conceptus est, natus est, fatigatus est, passus est, mortuus est, secundum nos. Adoratus est, cœcos illuminavit, leprosos mundavit, mortuos suscitavit, & huiusmodi, secundum se. Tamen vnus idemque & secundum nos & secundum se Deus & homo, & homo Deus. Denique passus est non secundum se, sed secundum nos tantum, quia in nostro suo, non in suo suo. Quod itaque passus est in cruce, & quod facit in calice, si ad nos respicimus, impossibile videtur, si ad ipsum, facile & possibile. Factum hoc supra quàm dici possit nostræ redemptioni necessarium, supra quàm attingat vllum meritum, pium & sanctum. Et hæc de necessitate dicta sufficiant.

### EPILOGVS.

**G**Randis labor manum ad hæc fortia mittere, & cum Iosue bellum aduersus inimicos continuare; sed ad magna præmia non peruenitur, nisi per multos labores. De iure quidem æquis passibus ambulant meritum & præmium, sed de gratia supercrescit præmium. Nihil mirum includi antro claustrī breui tempore, & post infinita cœli spatia possidere cum æternitate; limosam carnem abstinentiâ exsiccare, & spiritale \* corporis absque vlla sarcina cum Angelis in resurrectione recipere, tumultus mundanos propter Angelicas modulationes commutare, consolationem pro desolatione, diuitias pro paupertate, gloriam pro subiectione. Deum Patrem pro patre, Deum Filium pro filiis, Deum Spiritum-sanctum pro omni cognatione & carnali affectione percipere. Nullus venditor sic vendidit, nullus emptor sic emit, nullus negotiator sic commutauit.

\* corpus.

*Ruc. 14. 26.* Tamen *sic oportuit pati Christum, & ita intrare in gloriam suam.* Sic commutans, & commutare docuit qui instaurauit & quæ in cœlis, & quæ in terris sunt: Ille, qui ex his quæ passus est, didicit obedientiam, id est obedientiæ virtutem & gloriam. Hæc spes in sinu Claustralium est reposita, nec hyemalibus frigoribus tepescit, nec æstiuis caloribus arefcit: non contemplatur quæ currunt temporaliter, sed quæ per-



manent æternaliter. Intelligit finem habere laboriosam disciplinam, & sequi perpetuam gloriam. Iam prægustata arthas, & dulcescit quæ sine spe amara esset patientia; tædium vertetur in desiderium, vexatio in delectationem, dilatio in appetibilem sustentationem, sicut Iacob pro amore Rachelis videbantur dies pauci. E diuerso qui in Claustro, qui murmurans stridet sicut rota plaustrum onusti fœno, qui dicit: *Durus est hic sermo*. Qui sicut Iordanis conuertitur retrorsum, qui murmurat pro carnibus, qui est in seditione Chore contra Moyse, id est, Abbatem, qui in exercitu Gedeonis poplite flexo bibit aquas, & non lambit sicut canis, naturæ non necessaria, sed desideria quærens, audiat: *Melius esset viam veritatis non agnouisse, quam post agnitionem retrorsum conuertere*. Arguendi sunt, corripiendi sunt, flendi sunt qui rumpunt rete Petri, & obscurant lunam, & ponunt dulce amarum, & amarum dulce; *Multipliati sunt tamen super numerum*. Ioan. 6. 61. Psal. 59. 6.

## T A B V L A C A P I T V L O R V M.

*Epistola dedicatoria.*

*Prefationes duæ.*

*De auctoribus disciplinarum. Cap. 1.*

*De Apostolica disciplina. Cap. 2.*

*Comparatio inter Iudaicam & nostram claustralem disciplinam. Cap. 3.*

*De obseruantia claustralis disciplina. Cap. 4.*

*Quod per disciplinam regularem prima reparatur transgressio. Cap. 5.*

*Quod claustrum sit vicarium Crucis. Cap. 6.*

*Item de claustro, qualiter institutum sit. Cap. 7.*

*Comparatio inter disciplinam Philosophi, Iudæi, Christiani, & cuiuslibet Religiosi. Cap. 8.*

*De Angelica disciplina. Cap. 9.*

*De forma claustralis disciplina. Cap. 10.*

*Claustrum Stadium esse ostenditur. Cap. 11.*

*De claustri atrio interiori. Cap. 12.*

*Claustrum, Gazophilacium. Cap. 13.*

*Est Sanctum seculare. Cap. 14.*

*Regale cubiculum. Cap. 15.*

*Patibulum. Cap. 16.*

*Forum venale claustrum ; quod & moraliter Tyro assimilatur.  
Cap. 17.*

*De Silentio. Cap. 18.*

*De lectione. Cap. 19.*

*De Confessione. Cap. 20.*

*De vera Confessione. Cap. 21.*

*De Oratione. Cap. 22.*

*De Meditatione mortis. Cap. 23.*

*De meditatione mortis Christi, hominis, & diaboli. Cap. 24.*

*Item de meditatione mortis. Cap. 25.*

*De Communicatione corporis & sanguinis Christi. 26.*

## ADHORTATIO AD CLAYSTRALES.

*Ephes. 6. 11.*


*Can. 6. 3.*

**I**Nduite vos armaturâ Dei, ut possitis resistere in die malo, & in omnibus perfecti stare. Vnde : pulchra es & decora, terribilis ut castrorum acies ordinata. Estote acies, estote terribiles. Omnis acies quæ ordinata non est, terribilis non est : & si terribilis non fuerit, acies Domini esse non poterit. Quæ enim à Deo sunt, ordinata sunt. Scitis qui de rebus militaribus agunt, funditores, sagittarios in suis locis disponunt, signiferos in sibi competentibus, robur belli in subsidiis, debiliores in locis tutioribus, quia impetum aduersantium ferre non valent ; & propter hoc ipsa acies ita ordinata, terribilis erit hostibus, quia ingrediendi ei aditum in se non relinquit. Sic acies castrorum Dei per plana & aspera huius mundi ordinata incedere debet, ne aditum hosti incursare cupienti nullatenus relinquat ; quem si relinquat, captiuâ victori manus præstabit. Hæc cura aciem instruendi ad Prælatos pertinet, qui omnium possibilitates cognoscere benignè paternæ affectionis instinctu, non superbæ dominationis obtentu, vnumquemque in suo competentis loco dispo- nere. Quos validos, & bona conuersatione probatos viderint, ad exteriora mittere debent, non rudes, non cupidos, non vagos, non iracundos ; sed mansuetos & humiles.

Debiles

Debiles quosque , & sæcularium æstu succensos, in sinu Clauſtri fouere. Si quis tentationum iaculo fauciatus fuerit, ſalutaribus monitis curare. Sic ordinata erit terribilis illi qui circuit quærens quem deuoret. Sed & vnusquisque noſtrum ordinare ſe debet, vt ipſe ſit pulcher in interiori, vt ſit gloria eius ab intus , decorus & ordinatus in moribus, pius , pudicus, patiens, humilis, affabilis, compatiens, & charitatiuus : quos enim diabolus charitate compactos & vnitos videt, vehementer abhorret, quâque carentes ſecurè inuadet. Vnde Gregorius : Quælibet bona in nobis fuerint, ſi charitas deſit per malum diſcordiæ, locus reperitur in acie, vbi hoſtis valeat intrare. Ipſe caſtitem ſine charitate non timet, quia ipſe carne non præſumitur ; abſtinentiam non timet, quia cibo non vtitur : diſtributionem rerum non timet , quia diuitiis non eget. Veram autem charitatis vnitatem ſi in nobis inuenerit, hanc timet, & nimis concordiæ inuidet ; quia hanc videt tenere in terra quam ipſe perdidit in cœlo. Benè ergo dicitur : *Terribilis ut caſtrorum acies ordinata* : quia numerum electorum ſpiritus nequam pertimeſcunt, quem concordia munitum aſpiciunt.





# MISCELLANEA

## EPISTOLARVM.


Rnn. Chr.  
39.

*FACVNDI HERMIANENSIS*  
*Episcopi.*

EPISTOLA FIDEI CATHOLICÆ.

*In defensione trium Capitulorum.*

I.



OVET quosdam, & requirunt quæ sit trium Capitulorum causa, pro qua vniuersa totum penè per orbem scandalizantur Christi membra; dicuntque, quid potest Catholicæ Ecclesiæ nocere damnatio quæ facta est capitulorum, siue personarum sit siue dictorum? Præsertim, inquirunt, cum & ipsi damnatores se profiteantur cum non damnantibus fidem tenere, vno Symbolo baptizare, vnoque ritu tam solemniam lectionum, quam etiam sacrificii ordinem celebrare. Quibus, quoniam compendiosa rationem sibi reddi flagitant, sic breuiter Domino largiente respondendum est, vt isti ipsi trium Capitulorum damnatores, qui negare non possunt causam eorum in Calchedonensi sancto Concilio ante centum & viginti ferè annos fuisse determinatam, dicere primitus cogantur, vtrum Catholicæ Ecclesiæ, in qua baptizati sunt antequam eorum damnatio impiè proueniret, nocuerint, an non nocuerint. Si nocuisse dixerint, notam erroris & criminis Catholicæ Ecclesiæ conuincuntur importare: vt aut hæretica, quod dici nefas est, fuerit, cum quos isti velut hæreticos damna-

uerunt, illa non solum non damnauit, sed insuper & laudauit, dictaque eorum ex decretis Calchedonenſis ſynodi orthodoxa pronuntiauit: aut certè ignorantie nubilo circumſepta ab omnibus hæreſibus denotanda, cum per tot annorum curricula neſciuit, neque intelligere potuit, quod iſti ante xv. aut xvi. annos, variis & peregrinis contra Apoſtolicum præceptum abducti doctrinis, & obſequendo iuſſionibus palatinis cognouerunt. Ac per hoc & ipſi hæretici ſunt, & ab hæreticis baptizati, neque adhuc ab aliquo reconciliati: quoniam ſicut dicunt ipſi, ſunt Catholici qui nuper Triſ Capitula damnauerunt, vel damnant, ipſiſque damnatoribus communicant: hæretici autem, qui nec damnauerunt, nec damnant, nec damnantibus communicant. Quæ cum ita ſint, aut illa vtique fuit, ſicut verè fuit, & eſt, eritque Catholica Eccleſia, quæ triſ Capitula nec damnauit, nec damnat, nec iſtis ſceleſtiſſimis damnatoribus, eorūque communicatoribus niſi ſub merita ſatiſfactione communicat: & iſti proculdubio hæretici, qui nouiter admiferunt, quod in Eccleſia quæ eos regenerauit non acceperunt: aut ſi illa, quod audire ſacrilegum eſt, non fuit catholica Eccleſia, iſti ſimili modo remotis ambagibus hæretici ſunt, quia, vt dictum eſt, ipſa eos Eccleſia baptizauit, quæ Capitula iſta numquam damnauit. Quas ob res vtrolibet obiecto respondeant, hæretici conuincantur neceſſe eſt. Si autem, quod verum eſt, nihil nocuiſſe eadem Capitula per centum & ampliùs, vt prædictum eſt, annos catholicæ Eccleſiæ dixerint; multò magis magiſque ſe reos intelligant inexcufabiliter: animaduertant quantum mali contra eius decreta commiſerint damnando quod illa non damnauit: cognoscant quid egerint, & ſentiant ſe ab ea præciſos, cuius decreta quantum in ipſis eſt conuellentes, hæreticorum ſe cateruis fauendo eorum votis pertinaciter aggregarunt. Siquidem ab Acephaliſ hæreticis, id eſt Semi-Eutychiſanis, exquiſita & elicita capitulorum damnatio: & Vigiliſ atque Pelagij Romanorum præuaricatorum, & Primaſij Byzaceni præcipui doctoris Acephalorum, edita contra Eccleſiam ſcripta proteſtantur. Quæ cum ita ſint, quomodò iam & illud eis poterit conſtare, quod dicunt vnā ſe cum non damnantibus fidem tenere? Cum

nos in vno Domino nostro IESV Christo Dei & hominis Filio, duarum naturarum proprietatem in vnitae personae confiteamur, quod Catholica semper custodit & docet Ecclesia. Isti autem parendo Acephalis, & in scripto dicentes: Anathematizamus impiam Epistolam Ibæ, quam ad,, Marini Persam scripsit, cum his qui vindicant eam, & re,, tam esse dicunt, vel partem eius: omnem procul dubio,, anathematizasse probantur Ecclesiam, quæ eam vindicauit & vindicat, rectamque esse dixit, & dicit: utpote quæ hoc de Incarnatione Christi, in qua salutis nostræ sacramentum consistit, confitetur quod eadem per omnia continet epistola. Verba quippe eiusdem epistolæ ubi sanitas Catholice confessionis, post alia sic se habent: Ecclesia autem sic dicit;,, Duæ naturæ, vna virtus, vna persona, quod est vnus Filius,, Dominus noster Iesus Christus. Quapropter si hæc duarum naturarum Domini nostri IESV Christi in vnitae personae confessio, ut isti dixerunt, impia est, & sine Deo, dicant ipsi nouiter quid sit pium rectæque Christianorum fidei conueniens. Profectò ergo, sicut veritas eos ex operibus & scriptis eorum redarguens fateri cogit, aut vnā in Christo naturam, sicut Eutychiani vel Acephali, quorum votis cefferunt, & ab Ecclesia recesserunt, dicunt, aut nullam: quod quā sit impium & blasphemum, atque à Catholica veritate alienum, quisquis sana est præditus mente, absque dubitatione cognoscet.

*Isaia. 7. 9.*  
*iuxta 70.*

Nunc deinde illud pertractemus, quod dicunt verbis, vno se symbolo baptizare, vtrum rebus & effectibus verum eis esse constet. Quod ut liquidò clareat, ipsius symboli primitus consideranda est atque pensanda vis magnitudóque veritatis: quoniam nisi præcesserit per quod creditur, virtus múnusque credulitatis; quod subsequitur nequaquam conceditur, sicut scriptum est: *Nisi credideritis, non intelligetis.* Symbolum itaque collatio siue pactum quod sit homini cum Deo, Patres nostri Catholici doctores interpretari docuerunt. Quoniam ergo pactum cum Deo fecimus, & sic in vno sanctæ Trinitatis nomine baptizati sumus: Si quis vnum iota, vel vnum apicem ex pacto quod cum Deo iniit dissoluerit, sine dubio fidem, quā Deo credidit, & ipsum Deum cui credi-

dit, perdidisse conuincitur. Qui autem sint qui hoc violaue-  
rint pactum mox videbimus, cum ipsius symboli verba, non  
quidem in ordinem prolixitatis vitandæ gratia; sed admo-  
dum delibando posuerimus. Principium itaque symboli hoc  
est. *Credimus in unum Deum Patrem omnipotentem; & in unum*  
*Dominum IESVM Christum filium eius natum ex Spiritu-sancto,*  
*& MARIA Virgine, qui sub Pontio Pilato crucifixus est & sepul-*  
*tus: tertia die surrexit à mortuis; ascendit in cælum, sedet ad dex-*  
*teram Patris, unde venturus est iudicare vivos & mortuos, & re-*  
*liqua.* En certè in hoc nunc omnis consistit quæstio, de viuo-  
rum mortuorumque iudicio: quod contra nullam aliquando  
hæresim, vt illud de æqualitate Patris & Filij in Nicæno  
Concilio contra Arrium, vel de omnipotentia Spiritus-sancti  
in Constantinopolitano contra Macedonium in Symbolo est  
additum, à nulla vnquam hæresi, nisi ab hac nouissimis tem-  
poribus velut ex compacta omnium hæreticorum face exorta,  
violatum est; per damnationem scilicet viuorum mortuo-  
rumque quam sic in scripto protulerunt, dicentes inter alia:  
Si quis defendit impium Theodorum & impia eius con-  
scripta, sed non anathematizat eum & impia eius conscri-  
pta, & omnes qui suscipiunt vel defendunt eum; & dicunt,  
orthodoxa eum exposuisse: & qui scripserunt pro eo; &  
eadem illi sapuerunt, vel scribunt pro eo, vel impijs eius  
conscriptis, & eos qui similia illi sapiunt, vel aliquando sa-  
puerunt, talis anathema sit. Si quis defendit impia Theo-  
doreti scripta, sed non anathematizat ea, & eos qui similia  
eius sapuerunt, vel sapiunt, talis anathema sit. Si quis de-  
fendit impiam Epistolam quam dicitur Ibas ad Marim Per-  
sam hæreticum scripsisse, sed non anathematizat eam & de-  
fensores eius, & eos qui dicunt eam rectam esse, vel par-  
tem eius, & eos qui scripserunt, vel qui scribunt pro ea, vel  
pro impietate quæ in ea continetur, & præsumunt eam de-  
fendere, talis anathema sit. Qua blasphema sententia & illos  
mortuos, quos in corpore constitutos nemo damnauit, nec  
hæreticam eorum doctrinam quisquam iudicauit, immò verò  
sicut euidentissimis documentis probari potest, orthodoxam  
Synodica Patrum pronuntiauit autoritas, & deuota hæte-  
nus conseruauit, conseruatque posteritas, & ipsos Patres qui

eos dictaque eorum laudauerunt, & nos viuentes pari cum  
 eis anathemate quantum in ipsis est, inuoluerunt. Vbi est er-  
 go quod Christiani videri volunt, aut dici, symbolique se cu-  
 stodire fidem inani multiloquio iactitant, qui iudicium sibi  
 quod soli Filio Pater dedit, superba satis nimiumque dolenda  
 temeritatis audacia vsurpauerunt, cum per huiusmodi præ-  
 sumptionem etiam diaboli supergredi probentur insaniam?  
 Si quidem ille superbissimo cordis appetitu dixit: *Ero similis*  
*Altissimo.* Hi autem præueniendo iudicium Dei, & opere  
 mortifero damnationem mortuorum viuorumque non sibi  
 consentientium perpetrando, non iam æquales aut similes  
 sicut ille adhuc de futuro dixit, *Ero*, sed superiores esse suo  
 Domino quantum ad eorum attinet intentionem, constitue-  
 runt. Et non erubescunt miseri ore sacrilego atque impu-  
 denti procacitate dicere, se vnā cum nōn damnantibus  
 fidem tenere? Quasi verò non & dæmōnes credant & con-  
 tremiscant, sed operationem non nisi erroris, quam & istæ  
 nouitiæ pestes exercent, habere noscuntur ipsi errantes, &  
 alios in errorem mittentes. Neque tantummodò verbis men-  
 dacibus in errorem traducentes, sed violentis insuper perfec-  
 tionibus ad consentiendum sibi vel communicandum quos  
 potuerint pertrahendo cogentes. Et non intendunt infelices  
 neque animaduertunt, quòd non eos iuuat, immò & satis  
 grauet, dictis polliceri nosse Deum, factis autem negare?  
 Quoniam reuera si veraciter confessi, siue alij pro eis cum  
 baptizarentur professi sunt, credere se in Deum Patrem om-  
 nipotentem, & in IESVM Christum Filium eius, & in Spiri-  
 tum-sanctum, quod symboli tenet authoritas, veraciter quo-  
 que credere debuerunt, & patienter expectare eundem Fi-  
 lium Dei & hominis IESVM Christum Dominum nostrum  
 tempore præfinito venturum de cælis ad iudicandum viuos  
 & mortuos, & non ipsi nunc impia vehementer atrocitate, &  
 viuentes nos, & mortuos olim Catholicos Pontifices non so-  
 lum iudicare, verum etiam quasi perpetuæ sententiæ ana-  
 themate condemnare: sed forsitan pro sua sanctitate & mira-  
 bilium operum efficacia, vtpote Iudices viuorum & mor-  
 tuorum, à semetipsis, quin immò à patre suo Diabolo con-  
 stituti hos ipsos mortuos, quos damnauerunt resuscitasse se



dicunt, & sic audita eorum causa sicut Dominus in Euangelio dicit : *Ego sicut audio iudico*, iudicij sententiam aduersus eos protulerunt. Quærimus ergo ab eis quando rediuiuos eorum cineres collegerint, eosque resuscitauerint, aut vbi ad iudicandum sederint. Nempe in valle Iosaphat iudicaturus est Dominus omnes gentes, quamuis & alium habeat intellectum. Numquid tamen Vallis Iosaphat Constantinopolis, vbi hoc inchoatum sacrilegium? Numquid Vallis Iosaphat cæteræ vrbes & ciuitates quæ nefandum in damnatione viuorum & mortuorum prolatum subscripsere suscepereque decretum? Dicant etiam & ostendant vbi damnatos suos constituerunt, vt à nullo non damnante, nisi tantum à damnatoribus sciatur, an ipsis solis aditus reſeratus est inferorum locus? Dicant deinde nobis viuentibus quos cum pridem mortuis damnauerunt, quando hos mori fecerint, protinusque resuscitauerint, sicut in illo, vel ante illud Domini iudicium erga hos quos in carne viuentes eius aduentus inuenerit, futurum Catholica confitetur Ecclesia. Quod si hæc & alia, quæ tempore soli Deo cognito ventura credimus, facere nequiverunt, quæ dementia corda eorum inuasit, oculisque eorum fumosa sua vanitas, velut densarum palpabiliumque tenebrarum opaca nox obcoecauit, vt non viderent, nec perseueranter tenerent, quod in symbolo quando baptizati sunt, acceperunt? Sed pro suo libitu, modò muneribus corrupti, modò honoribus & ambitionibus inlecti, modò etiam peregrinæ, siue potiùs serpentinæ versutiæ doctrina circumducti, ventoque superbiæ afflati & inflati contra Deum superbiæ cristas erexerunt, præripiendo iudicium eius, nouumque errorem per damnationem viuorum ac mortuorum condendo, & veterem restaurando, cum & Acephalorum fautores consortesque effecti sunt, & cæteris hæreticis dextras dederunt, vt liceat eis quoties libuerit, & quomodo libuerit, Orthodoxorum Pontificum decreta rescindere vel damnare. Neque enim, vt ignorantes quidam dicunt Trium Capitulorum geritur causa, sed omnium Pontificum, qui ab Apostolis, Apostolorumque successoribus vsque ad Synodum Calchedonenſem, in qua eadem capitula Orthodoxa sunt iudicata, ac deinceps ad nostra vsque tempora in vna

Ioan. 5. 30.

eademque defensione atque communione perdurantes, Catholici ex hac vita emigrarunt, perpetrata doletur damnatio. Quod euidentissimis documentis & veridicis rationibus paternarum traditionum hîc latius ostendere possemus, si castigata sineret breuitas.

Quibus diligenter consideratis atque libratîs iudicet quisquis iudicium Dei metuit, quisquis Dei Filium tempore opportuno in forma serui, quam pro nobis suscepit, venturum credit, & confitetur iudicem manifestum, quem credendo didicit in plenitudine temporis venisse occultum, si hi tales qui superbiores & excellentiores audacia diabolo, Antichristo quoque existunt deteriores, Christiano saltem nomine censendi, & non potius Antichristi ministri appellandi, modis-que omnibus sint fugiendi. Quæ cum ita sint, quomodo iam eis poterit constare quod credere se dicunt in Deum Patrem, & in Filium eius, quod præcedit in symbolo, cum non eis constet quod illic subsequitur de vno eodemque Christo specialiter dictum, *qui venturus est iudicare vivos & mortuos*. Quoniam isti, sicut superius dictum, ostensumque est, & in mortuis olim & in viuentibus nobis, damnationis suæ iacula vibrauerunt.

Sed his præmissis aliud adhuc videamus. Si enim mortuos quos damnauerunt prauè docuisse, & hæretico sensu libros conscripsisse dicunt, quærimus ab eis, vtrum cum viuerent admoniti sint iuxta morem Catholicæ obseruantia ac disciplinæ, vt sanum rectumque saperent, pertinaciter restiterint, conuictique de errore suo, vel in aliquo Concilio accersiti, vt Arius in Nicæno, Macedonius in Constantinopolitano, Nestorius in Ephesino primo, Eutichès atque Dioscorus in Calchedonensi, condemnati fuerint, necne. Si factum dixerint, mox ferri synodalia gesta flagitauerimus, sicut horum proferuntur, vbi condemnatus eorum error, vbi prolata aduersus eos sententia doceatur. Si ostenderint; rursus quærimus quomodo per centum & amplius annorum seriem vniuersam Catholicam latuerint Ecclesiam, cum & humanæ leges triginta annis humanas adimant quæstiones, & Dominus noster IESVS CHRISTVS Apostolis suis potestatem ligandi atque soluendi tantummodo quæ super  
terram

terram sunt, diuinam dederit legem. Aut ubi putamus eadem delituerint gesta, ut nuper ad damnantium solummodò, non etiam ad non damnantium notitiam peruenire potuissent? Si autem quod magis verum certumque est, proferre aliquid tale antiquitus gestum nequeunt, quia in veritate quod proferant non habent: Nos è contra proferimus Synodicas Epistolas Antiocheni Concilij in defensionem Theodori, dictorumque eius, qui ab istis nouo iam hæresis nomine criminèque cauteriatis, id est, Necrodioctis, siue Porcianistis damnatus est. Congregatæ deinde sanctæ Calchedonensis Synodi, cuius authoritati nullus nisi hæreticus contradicit, gesta demonstramus, ubi non solum Beati Theodori laudes susceptæ & recitatæ, & cum admirabili gloria prædicatæ sunt: verum etiam Epistola venerabilis Ibæ, quæ ab istis ut impia condemnata est, orthodoxa illic pronuntiata docetur atque laudata. Theodoretique doctrinam dudum, & à principio orthodoxæ fidei concinere in eadem synodo acclamatum, & digni utriusque, hoc est Theodoretus & Iba, Episcopatu iudicati sunt, & gubernare sicut pridem Ecclesias sibi creditas ordinati.

Quibus præostensis proponimus istis Capitulorum nostrisque damnatoribus, eorumque communicatoribus, quid de eodem magno Calchedonensi Concilio sentiant, utrum Catholicum eum dicant, an non? Si dixerint, Catholicum est, respondemus, Vos ergo proculdubio hæretici estis. Quoniam vel quod, vel quos illi Patres ibidem præfidentes laudauerunt, & Catholicæ fidei conuenire pronuntiauerunt, vos ut hæreticos & impios condemnastis: unde conficitur, velitis nolitis, sicut consequentia exigit rationis, ut illos quos damnauerunt hæreticos, id est Nestorium, Eutichen, atque Dioscorum, vos eos Orthodoxos etsi non verbis pro hominum forsitan timore, operibus certè & effrænatis persecutionibus, ex Catholicorum Pontificum depulsionibus, & hæreticorum subrogationibus, \* scriptoque in Catholicos prolatis, damnationibus pronuntiatis atque prædicatis. Denique in vna eademque Calchedonensi Synodo inter alia hæc quoque definita consistit causa, approbatio scilicet trium, & damnatio trium. Ecce enim adstant quodammodo ex vna.

\* scriptisque.

parte eiusdem Concilij Theodorus, quamuis iam defunctus, sed in Synodicis Epistolis eius laudes continentibus, ibidemque relictis & approbatis, viuens Theodoretus quoque & Iba laudati & orthodoxi pronuntiati. Et ex alia nihilominus parte Nestorius in Epheso quidem primo damnatus, sed iterata damnationis vinculo Calchedone illigatus. Eutyches etiam atque Dioscorus illic similiter vt hæretici condemnati. Quid dicitis? Nunquid non ita est? Nunquid quantolibet callo duritiæ frons vestra solitis mendacijs obducta sit, negare poteritis ita esse? Quod si & negare præ confusione vestra duplici volueritis, ecce adsunt gesta Calchedonensis Concilij, ecce adsunt sexcenti & triginta Pontifices illic congregati, vociferant nimirum per eam, & dicunt: Nos laudes Theodori in pace & communione Catholicæ Ecclesiæ defuncti relectas cæni nostro suscepimus, & approbauimus. Nos verò venerabiles Theodoretum & Ibam orthodoxos pronunciauimus, atque in definitionem Catholicæ fidei nobiscum subscripsisse veraciter nouimus. Epistolam quam venerabilis Iba Mari Persæ scripsit, relectam à nobis orthodoxam esse iudicauimus, & iudicium nostrum concorditer subscribendo firmauimus. Nos Nestorium ante quidem damnatum iterata damnatione cum Eutyches atque Dioscoro, sancto nobis Spiritu præsidente prostrauimus: qui iudicium nostrum violare nitetur, hæreticus est: qui decreta nostra in aliquo conuellere pertentat, alienus à Catholica fide, alienus à Christiano nomine est. Qui enim hos quos Catholicos pronuntiantes laudauimus, damnat illos; è contrario quos, vt hæreticos condemnauimus, \* laudet, & idèd hæreticus est. Quisquis bene à nobis definitis non acquiescit: quisquis legitimo & Catholico ordine determinatis superbus resultat. Hæc audientes quid rogamus dicturi estis tot præclaris Põtificibus vel vniuersæ per totum mundum diffusæ Catholicæ Ecclesiæ, quæ eorum statuta deuotè semper custodiuit, hætenusque in suis reliquijs vbique propagatis custodit; nisi fortè verum dicere volueritis: & quomodò futura erat hæresis Necrodioctarum siue Põrcianistarum? Si autem dixerint, hæreticum est Calchedonense Concilium, non est iam necessarium contra eos nouiter decertare, nisi vt habeantur ab vniuersis in veri-

\* laudat.

tate Catholicis, sicut ille qui à Domino in Evangelio interrogatus quod ei nomen esset, respondit: *Legio, quia multi sumus*. Quoniam reuera qui sanctæ & magnæ Calchedonenſis Synodi authoritati contradicere in aliquo præſumit, aut perſentat, & Arianus eſt, & Macedonianus, & Neſtorianus, & Eutichianus, & Acephalus, vel quicquid ex varijs impietatis hæreticæ germinibus deriuari, eiſque coaptari poterit, contra quas vtriuſque peſtes ipſius Synodi vigilauit intentio, vt & præteritos hæreticos iterata damnatione percelleret, & præſentes anathematizaret, & futuros præſago Dei Spiritu damnationis vinculis eum eorum ſequacibus, modoque quolibet participibus innecteret.

Iam porro de hoc quod dicunt eodem ritu lectionum ſolemnia, vel ſacrificij ordinem celebrare, poſſemus breuiter reſpondere, quoniam præciſis, ſicut docuimus, ab vnitæte Catholica nihil proſit diuini nominis verbis fictis facta inuocatio, nec uſurpata, & ab Eccleſia tracta celebratio, cum & Diabolus Dominum tentans ſcripturarum protulerit teſtimonia, ſed vnde deſtrueretur, non vnde muniretur: ipſæque ſanctæ ſcripturæ non in legendo, ſed in intelligendo conſiſtant, & diuerſi hæretici quod bene & ſalubriter in Catholica acceperant, præciſi iam peſticioſè & lethaliter retinuerunt. Poſſemus & illud de ſacrificio dicere quod initio mundi Dominus ad Cain dixit: *ſi rectè offeras, rectè autem non dimidus, peccaſti*. Sed & illud quod præuaricatoribus, pactumque Dei violantibus Sacerdotibus idem Dominus per Prophetam dicit: *Cum multiplicaueritis preces veſtras, auertam faciem meam à vobis. Et cum obtuleritis ſacrificium mihi, non ſuſcipiam illud de manibus veſtris, nec placabo vobis, quoniam iniqui ſunt cæus veſtri*. Multaque ſimilia quæ commemorare longum eſt. Sed opportunum iudicauimus etiam glorioſiſſimi Martyris & Episcopi Cypriani, vel vnum aut duo contra eos pro ſimili cauſa ſcripta proferre teſtimonia, quia diligenter cordis oculis conſiderata atque perſpecta animaduertet quiſquis corde intelligens eſt, ſi vltrà nouorum hæreticorum ſacrificia appetere debeat. Hic namque in Epistoſa pro ſancto Cornelio ſimiliter martyre & Episcopo vrbiſ Romæ, quem Nouatianus hæreticus expulerat, & ſe loco eiſ, ſicut & nunc à

„ nouellis hæreticis factum est , subrogauerat , ad Magnum  
 „ scripta post alia dicit : Si autem grex vnus est , quomodo  
 „ potest gregi adnumerari qui in numero gregis non est ?  
 „ Aut pastor haberi quomodo potest , qui manente vero pa-  
 „ store , & in Ecclesia Domini ordinatè succedente ac præ-  
 „ sidente , nemini ipse succedens & à seipso incipiens , alienus  
 „ fit & prophanus , Dominicæ pacis ac diuinæ vnitatis inimi-  
 „ cus , non habitans in domo Dei , id est in Ecclesia Dei , in  
 „ qua non nisi concordēs atque vnanimēs habitant ? Deni-  
 „ que quàm sit inseparabile vnitatis sacramentum , & quàm  
 „ sine spe sint , & perditionem sibi maximam de indignatio-  
 „ ne Dei adquirant qui schisma faciunt , & relicto Episcopo  
 „ alium sibi Pseudo-episcopum constituunt. Quod si aliquis  
 „ illud opponit , vt dicat eandem Nouatianum legem tene-  
 „ re , quam Catholica Ecclesia tenet , & eodem Symbolo  
 „ quo & nos baptizare , eundem nosse Deum Patrem , eum-  
 „ dem Filium Christum , eundem Spiritum-sanctum ; sciat  
 „ qui hoc opponendum putat , hoc adiuuare tales non posse.  
 „ Nam & Chore , & Dathan , & Abiron , cum Sacerdote  
 „ Aaron & Moyse eundem Deum nouerant , pari Lege &  
 „ Religione viuētes , vnum & verum Deum qui colendus at-  
 „ que inuocandus fuerat inuocabant : tamen quia loci sui mi-  
 „ nisterium transgressi contra Aaron Sacerdotem , qui Sacerdo-  
 „ tium legitimum dignatione Dei atque ordinatione percepe-  
 „ rat , sacrificandi sibi licentiam vindicauerunt , diuinitus per-  
 „ cussi pœnas statim pro illicitis conatibus rependerunt , nec  
 „ potuerunt rata esse & proficere sacrificia irreligiosè & illicitè  
 „ contra ius diuinæ dispositionis oblata. Quare qui Nouatia-  
 „ no , siue cæteris huiusmodi patrocinantur , frustrà conten-  
 „ dunt. Atque vt magis intelligi posset contra huiusmodi au-  
 „ daciam , quæ sit censura diuina , intenuimus in tali facinore  
 „ non solum duces & authores , sed & participes pœnis desti-  
 „ nari , nisi se à communione malorum separauerint , præci-  
 „ piente per Moysen Domino , & dicente : *Separamini à taber-  
 „ naculis hominum istorum durissimorum ; & nolite tangere ab om-  
 „ nibus quæ sunt eis , ne simul pereatis in peccatis eorum.* Et quod  
 „ comminatus per Moysen Dominus fuerat , impleuit : vt  
 „ quisquis se à Core , & Dathan , & Abiron non separasset ,

pœnas statim pro impia communione persolueret. Quo exemplo ostenditur & probatur, obnoxios omnes & culpæ & pœnæ qui se schismaticis contra Præpositos & Sacerdotes Dei irreligiosa temeritate miscuerint, sicut etiam per Oseam Prophetam Spiritus-sanctus contestatur, & dicit : *Sacrificia eorum tanquam panis luctus, omnes qui manducant ea, contaminantur* : docens scilicet & ostendens omnes omninò cum authoribus supplicio coniungi qui fuerint eorum peccato contaminati. Quid hoc testimonio evidentius? Quid lucidius? Quid dici veracius potest? Ecce enim omnes omninò pari reatu, parique pœna constrictos docet, quotquot fuerint malorum communione polluti. Quid ergo est, quod quidam quasi ex se curantes dicunt; ipse scit Episcopus meus si damnavit quempiam, talibus comminetur, dicens : *Tu autem odisti disciplinam, & abiecasti sermones meos retrò. Si videbas furem currebas ei, & cum adulteris portionem tuam ponebas.* Et infra manifestat & comprobatur Paulus Apostolus morte dignos esse, & ad pœnam venire non tantum illos qui malè faciunt, sed etiam eos qui talia agentibus consentiunt, qui cum malis & peccatoribus, & pœnitentiam non agentibus illicita communicatione miscentur, nocentium contactibus polluantur, & dum iunguntur in culpa, sic nec in pœna separantur.

At isti : sed non consentimus, inquit, damnationi mortuorum. O intolerabile malum ! O inauditum opprobrium, non consentire quasi verbis, damnationi dicunt, & consentiunt operibus, quod deterius est, execrabili communioni, cum magis cumulator maneat pœna eis qui & non ignorant veritatem, & tamen communicant veritatis inimicis. Si enim hæresim fecerunt, sicut docuimus, hi, quibus communicatis damnando viuos & mortuos, si ad hæreticos exierunt, faciendo quod Acephali voluerunt : hæretici profectò vtriusque admissis remanserunt. Quomodò ergo qui hæreticis communicant, hæresis crimine teneri negabuntur? aut qua fronte Catholicæ communicare sibi videntur? An quia manufactas Ecclesias palatino fulsi suffragio depulsis Catholicis peruaferunt? Ideò vos fidem Catholicam, pacemque Christianam in parietibus esse arbitramini. Si hoc opinamini, au-

dite quod etiam Sanctus Hilarius Episcopus Confessor &  
 Doctor egregius quibusdam Episcopis tempore Constantij  
 Imperatoris, quo sic Ariani sub nomine Pacis & Regis per-  
 uaserant vniuersas penè totius orbis locales Ecclesias, sicut  
 nunc Eutichiani siue Acephali, de hac re scribat, post alia  
 dicens: Oro vos Episcopi qui hoc esse vos creditis, quibus-  
 33 nam suffragijs ad prædicandum Euangelium Apostoli vfi  
 33 sunt? quibus adiuti potestatibus Christum prædicauerunt,  
 33 gentesque ferè omnes ex Idolis ~~et~~ Dominum transtulerunt?  
 33 Anne aliquam sibi assumebant è palatio dignitatem? Et in-  
 33 fra: Vnum moneo, inquit, caute Anti-christum; malè  
 33 enim vos parietum amor cepit, malè Ecclesiam Dei in tectis  
 33 ædificijsque veneramini; malè sub his pacis nomen ingeri-  
 33 tis. Anne ambiguum est in his Anti-christum esse sessurum?  
 33 montes mihi & syluæ, & lacus, & carceres, & voragines  
 33 sunt tutiores. In his enim Prophetæ erant manentes, & spi-  
 ritu Dei prophetabant. Hæc interim pro breuitate prolata  
 sufficiant testimonia: quoniam si amplius coaceruare, vel ra-  
 tiocinari vellemus, legentium forsitan memoriam onerare-  
 mus.

Nunc iam illud quoque breuiter commemorare debemus  
 quod ex Beati Augustini opusculis contra Donatistas scriptis  
 obijciunt, dicentes: dixit S. Augustinus; Bona est pax,  
 33 habete pacem: bona est vnitas, diligite vnitatem, non scin-  
 33 datur vnitas. Sed hæc & talia egregij Doctoris testimonia,  
 quantum eos supplodant, nos verò stabiliant, nequaquam  
 perspiciunt. Si enim isti qui hæc contra se potius opponunt  
 nolebant scindere vnitatem; si nolebant bellum inferre Ca-  
 tholicæ Ecclesiæ, per quod pax violaretur, quod in ea inue-  
 nerunt, hoc vtique seruare & viriliter custodire, sicut supra  
 ostensum est, debuerunt. Quod autem in illa, aut ab illa  
 non acceperunt, tanquam verè noxium & lethale fugere, ca-  
 uerèque debuerunt. Nam habenda est pax secundum Apo-  
 stolicam doctrinam cum omnibus si fieri potest hominibus,  
 non tamen cum omnibus tenenda. Si quidem longè aliud sit  
 habere aliquid, aliud tenere. Nō solum igitur cū Schismaticis  
 & Hæreticis, sed etiam cum Iudæis carnalibus, atque Paganis  
 habenda est pax. Sed illa profectò pax, per quam eos exopta-



mus & cupimus Deo acquirere, & veritati vnitatiq[ue] sociare Catholicæ: propter quod etiam vt conuertantur secundum mandatum Dei pro eis oramus: non sic tenenda vt ad illos nos exeamus, & quod illi sunt, hoc nos quoque efficiamur. Denique quod B. Augustinus dicebat, & suadebat Donatistis; habere pacem, diligere vnitatem, egregiè satis & salubriter dicebat. Ipsos enim cupiebat, quemadmodum & nos istos, damnato errore suo ad Catholicam redire, sicut in multis Opusculis contra eorum schisma scriptis luculentissimè edocet. Non vt ipse, aut quisquam Orthodoxorum relicta, quod absit, Catholicâ, errori eorum communione sacrilega misceretur. Hoc & nos istis cum magna pace dicimus: Damnite errorem quem induxistis, auferte damnationis malum quod intulistis, per quod & hæretici facti, & hæreticorum fautores extitistis, & nobiscum pacem habentes, & sicut pridem tenentes, vniuersos hæreticos confuditistis, & Catholicæ vos vnitati reddidistis. Quisquis itaque hæc legis, eloquium noli quærere, sed res, pondusque veritatis diligenter intuere. Et si præuicatorum communione pollutus non es, ora Deum, vt perseueres. Si verò aut ignoranter aut violenter lapsus es, reparare ad Catholicam veritatem recurrendo festina, communionem eius resumendo: omnibus si quidem poenitentibus promissa est venia: Nemo desperatione frangatur. Nullus serpentinis deceptionibus vltèrius irretiatur: quoniam sicut transgressoribus, & impoenitenti corde permanentibus sempiternum cum Diabolo præparatum est supplicium; sic à Domino Deo pactum eius conseruantibus, & fidei Catholicæ fundamenta custodientibus, nouitatèsq[ue] prophanas deuitantibus, æternum & sine fine reseruatum est præmium gloriosum.

---

*IUSTI Episcopi Orgelitani Ad SIRGAM Papam.*

Ann. Chr.

535.

II.

**D**omino meo verè piissimo, & præcipuè Dei gratia copioso, sempèrque in Christo Beato, Domino Syrgæ Papæ; IUSTVS Episcopus.

Sciens te tam solerti studio pro refrigerijs pauperum labo- Mittis cō-

mentarium  
in Cantica  
Canticorū  
à se editum.

rasse, vt illis temporariam consolationem, tibi que adquisieris æternam mercedem, & iam satis te dijudicans totum ad Dei eloquia, ex quibus nunquam fuisti vacuus, pro animæ cultura conuerteris; quoddam tibi in corporali specie spiritale exenium dirigere procuravi: quod si tibi Christus non ex nostro merito, sed ex suo munere fecerit esse gratissimum, forsitan proueniet, & in diebus ieiunij quodammodò refectus ad mensam venies, & antequam cibum accipias quiddam prægustasse persenties. Nec hoc dicens transmissionis huius meritum, priusquàm approbes, arroganter insinuare studeo; sed intercedente charitate, in qua te totum possideo, ita de tuo tanquam de meo animo præsumens, tibi acceptum fore absque vlla ambiguitate confido. Igitur in Christo Iesv germanum cordis mei esse non nesciens Libellum de tractatu Libri Canonici, qui *Cantici Canticorum* præscribitur, quem nuper Christo inluminante edidimus, tibi primùm censui offerendum. In quo non nostra potius, sed ea quæ tua sunt, quia sic diligitis, te suscepisse cognoscas: Quem precor vt cum ea sollicitudine, quâ in Christo viges, sæpe recenseas. Vt si quid illic corrigendum persenseris, integra libertate commoneas. Et sic cæteris in Christo fratribus relegendum, vel si fortasse placuerit offeras transcribendum. Itaque quia sic accidit, vt membranis desistentibus, minutoribus litteris eandem scripturam, in paribus quaternionibus susciperent, nec studiosè fabrefactis lateralibus ambiretur; Si memoratam rem alicuius meriti esse censueris, quia hoc ipsum, vt præfatus sum, donante Domino tuum est, vt diligentiori studio transcriptum vtiliùs coaptetur quantociùs studebis. Quod Opus si laude dignum processerit, te auctorem referam Christo; si verò reprehensioni patuerit, quia vtriusque est; statim assumam socium temetipsum, quia decori sic te condecet hæc quæ Deus contulit coaptari, vt non de negligentia vituperium, sed de industria charitatis suscipias fructum: Vt fratres nostri qui præcessorum patrum tractatibus epulantur, etiã his neotericis quæ eis ex charitate offerimus; non pro nostro merito, sed pro Dei dono, & sua beneuolentia vesci quodammodò delectentur: Aue nunc in Christo piissime, nostramque pusillitatem sanctis orationibus in Domino foue.

S. ANSELMUS

S. ANSELM.

Ad B. LANFRANCUM Cantuar. Archiepiscopum.

Ann. Chr.  
1099.

III. **R**euereudo & amando suo Domino, & Patri, & Doctori, Cantuariæ Archiepiscopo, Anglorum Primate, Matri Ecclesiæ Catholicæ, fidei vtilitatisque merito multum amplectendo LANFRANCO, frater ANSELMVS Beccensis, vitâ peccator, habitu Monachus.

Opus suum  
quod Monologium  
inscribitur  
corrigendū  
vel appro-  
batū mitti  
Lanfranco.

Quoniam agenda sunt omnia consilio, sed non omni consilio, sicut scriptum est: *Omnia fac cum consilio*; Et, *Consiliarius sit tibi unus de mille*: vnumquem scitis non de mille, sed de omnibus mortalibus elegi, quem præ omnibus haberem Consultorem in dubiis, Doctorem in ignoratis, in excessibus Correctorem, in rectè actis Approbatorem. Quo quamvis secundum votum vti non possim, decreui tamen vti quantum possum. Quamvis enim valde multi sint præter prudentiam vestram, de quorum multum proficere imperitus possum peritiâ, & quorum subiacere censuræ mea me cogat imperitiâ, nullum tamen eorum noui cuius me doctrinæ iudiciōe tam confidenter, tamque libenter, quàm vestro subiciam; & qui mihi tam paterno affectu se, si res indiget, exhibeat, aut, si res exigit, congaudeat. Quare quoniam quicquid de paterno vestro mihi pectore impenditur, & sapientiâ est exquisitum, & auctoritate roboratum, & dilectione conditum, cum aliquid inde haurio, id me sua & dulcedine delectat & securitate satiat. Sed quoniam hæc ipsa scienti loquor, his omissis, cur eorum meminerim expediam. Quidam fratres serui vestri, & conserui mei, me sæpe multumque rogantes tandem coegerunt, vt adquiescerem illis quædam scribere, sicut in eiusdem scripturæ præfatiuncula considerare poteritis. De quo Opusculo hoc præter spem euenit, vt non solum illi quibus instantibus editum est, sed & plures alij illud velint non solum legere, sed etiam transcribere. Dubitans igitur vtrum illud volentibus denegare debeam, aut concedere.

Q

re, ne me aut inuidum putantes oderint, aut stultum agnoscetes derideant, ad singularem meum recurro Consiliarium, & scripturam ipsam examinandam vestro mitto iudicio, ut eius auctoritate aut inepta à conspectu prohibeatur, aut correctæ volentibus præbeatur.

circa Ann.  
Chr. 1093.

**RAYMUNDI Gallacie & HENRICI Portugallie Comitum HVGONI Abbati Cluniacensi.**

Mittit textus  
plur. fœderis  
amicitiæ  
inter se ini-  
tæ, & pa-  
trorum de  
partianda  
successione  
soceris sui  
Alphonſi  
Castellæ ac  
Legionis  
Regis.

**IV. D**omino atque Reuerētissimo Cluniacēſi Abbati HVGONI, omnique Beati Petri Congregationi, RAYMUNDVS Comes eiſque filius, & HENRICVS Comes eius familiaris, cum dilectione salutem in Christo. Sciatis, Carissime Pater, quod postquam vestrum vidimus legatum pro Dei omnipotentis atque Beati Petri Apostoli timore vestraeque dignitatis reuerentia quod nobis mandastis in manu Domni Dalmatij Geret fecimus.

*In nomine Patris & Filij & Spiritus-sancti.* Pignus integræ dilectionis, quo coniuncti sunt in amore RAYMUNDVS Comes, Comēſque HENRICVS, & hoc iuramento.

Ego quidem HENRICVS absque vlla diuortij falsitate tibi Comiti RAYMUNDO membrorum tuorum sanitatem, tuæque vitæ integram dilectionem, tuique carceris inuitam mihi occurſionem iuro: Iuro etiam quod post obitum Regis ILDEPHONSI tibi omni modo contra omnem hominem atque mulierem hanc totam terram Régis ILDEPHONSI defendere fideliter ut Domino singulari atque adquirere præparatus occurrā. Iuro etiam si theſaurum Toleti prius te habuerō, duas partes tibi dabo, & tertiam mihi retinebo. Amen.

Et ego Comes RAYMUNDVS tibi Comiti HENRICO tuorum membrorum sanitatem, tuæque vitæ integram dilectionem, tuique carceris inuitam mihi occurſionem iuro. Iuro etiam quod post mortem Regis ILDEPHONSI me tibi datum Toletum terramque totam subiacentem ei, totamque terram, quam obtines modò à me concessam, habeas tali pacto; ut sis inde meus homo, & de me eam habeas Domino; & postquam illas tibi dederō, dimittas mihi omnes terras

de Leon, & de Castella; & si aliquis mihi vel tibi obfistere voluerit, & iniuriam nobis fecerit, guerram simul in eum vel vnusquisque per se ineamus, vsquequo terram illam mihi vel tibi pacifice dimittat, & postea tibi eam præbeam. Iuro etiam si thesaurum Toleti prius te habuero, tertiam partem tibi dabo, & duas remanentes mihi seruabo.

*Fiduciam quam Comes RAYMUNDVS facit in manum Domini DALMATII Geret.*

Si Ego Comes RAYMUNDVS non possum tibi Comiti HENRICO dare Toletum vt promisi, dabo tibi Gallæciam, tali pacto vt tu adiuues mihi acquirere totam terram de Leon, & de Castella; & postquam inde Dominus pacifice fuero, dabo tibi Gallæciam, vt postquam eam tibi dederò, dimittas mihi terras de Leon & de Castella. Igitur Deo iubente, sic quoque sancta Dei Ecclesia pijs orationibus interueniat, Amen.

### *VRBANI Papæ II.*

#### *Privilegium pro Atrebatensi Ecclesia.*

V. VRBANVS Episcopus seruus seruorum Dei, Dilecto in Christo Fratri LAMBERTO Atrebatensi Episcopo nostris manibus consecrato, eiusque successoribus canonicè substituendis in perpetuum.

Liquet sanctorum Canonum institutis integram esse provinciam & Metropolitanum proprium debere sortiri, quæ duodecim constat Episcopatibus. Secundam igitur Belgicam constat integritatem provinciam obtinere, quæ duodecim quondam scitur Episcopos habuisse, & Remensem Ecclesiam iure Metropolitanam haberi, quæ tot soleat Suffraganeis eminere. Cæterum peccatis exigentibus accolarum cum irruentibus barbaris vrbes quædam detritæ sunt, duodecimus ille numerus imminutus est; inter quas Atrebatum nobilis quondam & populosa ciuitas, quæ per beatum REMIGIVM Episcopum Vedastum obtinuit, post nonnullorum Antistitam obitum Episcopalis cathedræ perdidit dignitatem; & per nonnulla tempora Cameracensi Episcopo subdita obediuit. Porro no-

Restituen-  
dū decernit  
Episcopum  
Atrebatensem.

stris temporibus supernæ miserationis respectu prædicta ciuitas in eiusmodi statum reducta est, vt & populi frequentia & diuitiarum abundantia Cameracensem superet ciuitatem. Dignum igitur Spiritui-sancto, & auctoritati Apostolicæ visum est, vt Atrebatensi Ecclesiæ Cardinalis restitueretur Antistes. Sanctum enim Sardicense Concilium statuit non passim Episcopum ordinari, nisi aut in ciuitatibus quæ Episcopos habuerunt, aut quæ tam populosæ sunt, vt habere mereantur Episcopum. In secundo quoque Concilio Africano decernitur, vt illa diœcesis quæ aliquando habuit Episcopum, habeat proprium, & si accedente tempore, crescente fide, Dei populus multiplicatus desiderauerit habere proprium Rectorem, eius videlicet voluntate in cuius potestate est diœcesis constituta, habeat proprium Episcopum. Beatus quoque Gregorius in Sardinia apud Phaustianam oppidum secundum pristinum modum reordinari præcepit Antistitem.

Electus &  
approbatus  
Lambertus.

Cardinalis  
Episcopus  
Atrebatensis  
perpetuo  
statuitur.

Et nos ergo Atrebatensis Ecclesiæ restitutioni, & Remensis Metropolis redintegrationi, pro nostri officij debito imminentes, Te, Frater Carissime LAMBERTE, Cleri plebisque consensu electum vnanimi, beato Vedaſto, & sanctis qui in vrbe ipsa quondam præfederunt pontificibus constituimus successorem. Per præsentis itaque Priuilegij paginam legitimum perpetuum statuimus, vt Atrebatensis Ecclesia deinceps semper Cardinalem Episcopum sortiatur. Quicquid autem prædictæ Ecclesiæ Beatus Remigius contulit, quicquid antiquis temporibus dum Episcopali dignitate polleteret, eam possidere constiterit, saluis legalibus institutis, & Romanæ Ecclesiæ Priuilegijs, ratum tibi ac tuis successoribus sancimus permanere. In quibus nominatim Archidiaconias duas, quarum vna Atrebatensis; altera dicitur Obstreuandensis, præfatæ Ecclesiæ confirmamus, & illos omnino limites inter Atrebatensem & Cameracensem Ecclesias fore præcipimus, quos antiquitus fuisse vel scriptorum monumentis, vel territoriorum diremptione, vel certis aliquibus indiciis potuerit comprobari; vt annuente Deo Ecclesiarum pax nulla occasione turbetur, & quæ pro fidelium salute statuta sunt, perenni tempore inconuulsa stabilitate persistant. Sanè si quis in crastinum Archiepiscopus, aut Episcopus, Im-

perator, aut Rex, Princeps, aut Dux; Comes, aut Vicecomes, Iudex, aut persona quælibet magna vel parua, huius nostri paginam sciens Priuilegij, contra eam temerè venire præsumperit, secundò, tertioque commonitus, si non satisfactione congrua emendauerit, potestatis, honorisque sui dignitate careat, reumque se diuino iudicio existere de perpetrata iniquitate cognoscat, & à sacratissimo Corpore & Sanguine Dei ac Domini Redemptoris nostri IESV Christi alienus fiat, atque in extremo examine districtæ ultioni subiaceat. Cunctis eidem loco iusta seruantibus sit pax Domini nostri IESV Christi; quatinus & hîc bohæ actionis fructum percipiant, & apud districtum Iudicem præmia æternæ pacis inueniant.

Scriptum per manum BONI HOMINIS Scriniarij sacri Palatij. Datum Romæ per manum IOANNIS sanctæ Romanæ Ecclesiæ Cardinalis Diaconi, decimo Calendas Aprilis, Indictione secunda, Anno Dominicæ incarnationis millesimo nonagesimo tertio. Pontificatus autem Domini VRBANI secundi Papæ, septimo.

Recitatum autem est hoc Priuilegium, in Claromontensi Concilio ex præcepto Domini VRBANI Papæ secundi, cui ipse præfedit, & cum eo Cardinales Romani, Archiepiscopi xiii. Episcopi cc. & xxv. Abbates verò nonaginta & eo amplius, exceptis honestis & religiosis diuersarum Regionum & prouinciarum Clericis & laïcis, & intentè & sub magno silentio ab omni confesso Concilij auditum, collaudatum, & confirmatum est, iv. Calendas Decembris, Indictione quarta anno Dominicæ incarnationis M. xcv. Pontificatus autem Domini Vrbani secundi Papæ, octauo.

#### PROVINCIA II. BELGICA.

Ciuitas Remorum Metropolis.

Ciuitas Sueffionum. Ciuitas Cadelaunorum.

Ciuitas Viromanduorum. Ciuitas Atrebatensium.

Ciuitas Cameracensium. Ciuitas Tornacensium.

Ciuitas Siluanectum. Ciuitas Beluacensium.

Ciuitas Ambianensium. Ciuitas Morinum.

Ciuitas Bononensium.

Q. iij

Ann. Chr.  
cisc. 1101

## PASCHALIS II. Papa.

Daymberta Archiepiscopo Senonensi.

Scribit se  
consecrassse  
Episcopum  
Parisiensem  
absque præ-  
iudicio Ar-  
chiepiscopi  
Senonensis  
Is videtur  
fuisse Fulco.

VI. **P**ASCHALIS Episcopus servus servorum Dei venerabili Fratri Daymberto Senonensi Archiepiscopo salutē & Apostolicam benedictionem. Venit ad nos cum tuo seu Suffraganeorum tuorum testimonio Parisiensis Ecclesiæ Electus per nuncios & per literas eiusdem Ecclesiæ preces afferens ut à nobis Dei gratiā deberet in Episcopum consecrari. Nos personæ gravitatem videntes, morum maturitatem attendentes, infirmitati diutinæ compatiētes, Ecclesiæ preces duximus audiendas. Saluo igitur in omnibus Senonensis Ecclesiæ iure & personæ tuæ reuerentiā cum nostris tanquam B. Petri manibus largiente Domino consecrauimus. Ipsum itaque ad dilectionem tuam cum B. Petri gratia remittentes, literis præsentibus plurimum commendamus, omnipotentem Dominum rogantes ut eum ad vos reducat incolumem & Ecclesiæ suæ utiliore fore concedat.

## PASCHALIS Papa II.

Ad LAMBERTVM Episcopum Atrebatensem.

Ann. Chr.  
1102.  
15. April.

Restitutum  
Episcopum  
confirmat  
sumus Pōt.

Extat Vr-  
bani epistola  
apud Locriū  
in Chronico  
Belg. ad an.  
1095.

VII. **P**ASCHALIS Episcopus servus servorum Dei, Venerabili fratri LAMBERTO Atrebatensi Episcopo, eiusque successoribus canonicè substituendis in perpetuum. Quæ à Patribus constituta sunt, oportet profectò ut sub metu & inrefragabili auctoritate teneantur. Dignum enim est ut nullā desidiā negligentur, nulla dissensione violentur, nulla concertatione turbentur. Vnde & nos quod à piæ memoriæ prædecessore nostro VRBANO de restitutione Atrebatensis Ecclesiæ constitutum est, iustum omninò & sacris Canonibus congruum perpendentes, nostri quoque Decreti auctoritate sancimus, ut videlicet Ecclesia eadem, sicut antiquitus Episcopali dignitate claruit, ita etiam in posterum Cardinalem per Dei gratiam sortiatur Antistitem.



Diuinæ siquidem miserationis affectum, quem in Ecclesiarum suarum & populorum restitutionibus operatur, debemus & nos competentibus subsequi ac implere suffragijs. Te igitur Dilectissime, ac Reuerendissime Frater, quem in Atrebatensi Ecclesia prædecessor noster Domino restituente constituit, nos quoque cum diuini fauoris præsidio in Episcopalis dignitatis functione firmamus. Quicquid autem prædictæ Ecclesiæ Beatus REMIGIVS contulit; quicquid antiquis temporibus dum Episcopali dignitate polleret, eam possidere constiterit, saluis legalibus institutis, & Romanæ Ecclesiæ priuilegijs, tantum tibi ac successoribus tuis permanere censemus. In quibus nominatim Archidiaconias duas, quarum vna Atrebatensis, altera dicitur Obstreuandensis, præfate Ecclesiæ confirmamus, & illos omnino limites inter Atrebatensem et Cameratensem Ecclesias fore præcipimus, quos antiquitus fuisse vel scriptorum monumentis, vel territoriorum diremptione, vel certis aliquibus indicijs potuerit comprobari, vt annuente Deo Ecclesiarum pax nulla occasione turbetur & quæ pro fidelium salute statuta sunt, perenni tempore inconuulsâ stabilitate persistant. Si qua sanè Ecclesiastica secularisue persona, hanc nostræ Constitutionis paginam sciens contra eam temerè venire tentauerit, secundo, tertioque commonita, si non satisfactione congrua emendauerit, potestatis honorisque sui dignitate careat, reamque se diuino iudicio existere de perpetrata iniquitate cognoscat, & à sacratissimo Corpore ac sanguine Dei ac Domini nostri IESV Christi aliena fiat, atque in extremo examine districtæ ultioni subiaceat. Cunctis autem eidem loco iusta seruantibus sit pax Domini nostri IESV Christi, quatinus & hæc fructum bonæ actionis percipiant, & apud districtum Iudicem præmia æternæ pacis inueniant. Amen, Amen.

Scriptum per manum PETRI Notarij Regionarij & Scriuarij sacri Palatii.

PASCHALIS Catholicæ Ecclesiæ Episcopus.

Datum Laterani per manum IOANNIS sanctæ Romanæ Ecclesiæ Diaconi Cardinalis, xvii. Cal. Maij. Indictione nona: Incarnationis Dominicæ anno M. C. i. Pontificatus autem Domini Paschalis secundi Papæ secundo.

*Canonicorum Ecclesia Parisiensis , PASCHALI**II. Papa.*Ann. Chr.  
1104.

Gratias  
agunt de  
Episcopo  
sibi cōcesso  
à summo  
Pontifice.  
*Is videtur  
fuisse Vualo  
de Beluacensi  
sede ad Pa-  
riensim  
translatus.*

VIII. **P** Aternitati vestræ quantas possumus gratiarum actiones toto mentis affectu referimus, quoniam idoneam ac perutilem nobis personam in Episcopum concedendo, prouida dispensatione consuluitis, & Ecclesiam nostram inter aduersariorum procellas quasi sine capite diu vacillantem tanti Pastoris consolatione misericorditer respexistis: Qui nimirum iuxta legem forma gregis factus, suæ doctrinæ verbo nos in templum Dei ædificet, & religiosæ conuersationis exemplo informet. Ei itaque tum vestro super hoc mandato, tum pro honesto conuersationis merito diligenter seruire studemus, & tanquam Patri debitam in omnibus obedientiam impendimus. Apostolicam verò sollicitudinem latere non volumus quòd Comes de Dammartino terras nostras quibusdam iniustis exactionibus infestare non cesset, quas idem cum patre suo pro eadem re præcepto Urbani Papæ quondam excommunicato, & tandem satisfaciente & prædictas exactiones dimittente antea dimisit. Precamur igitur ut sicut prædictus antecessor vester patrem prædicti Comitæ à sua compescuit nequitia, & ita filium vestræ discretionis refrēnet prouidentia, & Episcopis Beluacensi & Meldensi, ut eum excommunicent & eius castella interdicannt donec nobis satisfaciat, iniungatis.

*PASCHALIS Papa II. Ad Archiepiscopos & Episcopos Prouinciarum Remensis, Senonensis ac Turonensis, ut Philippum Regem & eius pellicem à vinculo excommunicationis absoluant.*

Ann. Chr.  
1104.

IX. **P** ASCHALIS Episcopus seruus seruorum Dei, Venerabilibus fratribus, Archiepiscopis & Episcopis per Remensem, Senonensem, ac Turonensem prouincias, salutem & Apostolicam benedictionem.

Significatum

Significatum nobis est quorundam vestrum literis, quia filius noster Francorum Rex foeminam illam pro qua totiens commonitus, imò excommunicatus fuit, iuxta præceptum nostrum abiurare decreuerit. Ipsa etiam mulier Regem abiurare parata sit. Super quarum conuersione personarum non minimùm exultauimus, quia super vno peccatore poenitentiam agente gaudium esse Angelis Dei ipso Domino testante didicimus. Quam nimirum causam fratri nostro RICHARDO Albanensi Episcopo reminiscimini à nobis fuisse commissam. Si ergo idem frater Franciæ iam fines egressus est, nos eandem causam, aspirante Domino, vnà vobiscum peragendam Venerabili Fratri LAMBERTO Atrebatensi Episcopo committimus. Conuenientibus itaque vobis in vnum, si communis filius Francorum Rex, & illa eius lateralis, tactis Sacro-sanctis Euangelijs omnem carnalis copulæ consuetudinem abiurauerint, mutuū quoque colloquium & contubernium nisi sub testimonio personarum minimè suspectarum, nunquam videlicet ad idem flagitium redituri, sicut quorundam vestrum litteris significatum est, satisfactionem eorum vice nostra vobiscum Atrebatensis Episcopus suscipiat, & à vinculo excommunicationis absoluat, quatinus largiente Domino & filium Ecclesiæ, & Regem sibi Francia reconciliatum Episcopali ministerio gratuletur. Data Laterani per manum Ioannis III. Nonas Octobris.

## IURAMENTVM PHILIPPI REGIS FRANCORVM.

Audias, Tu LAMBERTE Atrebatensis Episcope, qui hîc Apostolica vice fungeris: Audiant Archiepiscopi, & præsentēs Episcopi, quòd Ego PHILIPPVS Rex Francorum peccatum & consuetudinem carnalis & illicitæ copulæ quam hætenus cum BERTRADA exercui, vlteriùs non exercebo, sed peccatum istud & flagitium penitus & sine omni retractione abjuro. Cum eadem quoque foemina mutuū colloquium & contubernium, nisi sub testimonio personarum minimè suspectarum, non habebō; hæc omnia sicut literæ Papæ dicunt, & vos intelligitis, sine omni malo ingenio obseruabo. Sic me Deus adiuuet, & hæc Sacro-sancta Iesv Christi

R

Euangelia. Similiter & BERTRADA cum excommunicationis vinculo solueretur, tactis Sacro-sanctis Euangelij in persona sua hoc idem iuravit sacramentum.

Actum Parisius in præsentia Domini Daimberti Senonensis, & Radulfi Turonensis Archiepiscoporum; Domini quoque Iuonis Carnotensis Episcopi, Humbaldi Autisiodorensis Episcopi, Ioannis Aurelianensis Episcopi, Gualonis Parisiensis Episcopi, Manasse Meldensis Episcopi, Baldrici Nouiomensis Episcopi, Lamberti Atrebatensis Episcopi, Huberti Siluaneæensis Episcopi: Abbatum quoque Adæ Parisiensis, Olrici similiter Parisiensis, Rainoldi de prato sancti Germani Parisiensis; Rainoldi nihilominus Stampensis: Archidiaconorum etiam quamplurium; & honorabilium Clericorum, & Laïcorum non parua multitudine inibi consistentium.

Taliter itaque ex Apostolicæ sedis auctoritate reincorporatus est Philippus Rex Francorum Sanctæ Catholicæ Ecclesiæ matri suæ iv. Nonas Decembris, Indictione XIII. Anno autem Dei Christi M. C. IV. Pontificante verò in sede Romana Domno Paschali Papa II. anno sexto.

### PASCHALIS II. Papa.

#### DAYMBERTO Archiepiscopo Senonensi.

Ann. Chr.  
circ. 1105.

Suadet vigilantiam  
pastoralē.

X. **P**ASCHALIS Episcopus seruus seruorum Dei Venerabili Fratri D. Ecclesiæ Senonensis Archiepiscopo, salutem & Apostolicam benedictionem. Quantò maior tibi animarum cura commissæ est, tantò sollicitiorem esse in omnibus te oportet. Inuigila igitur, frater carissime, sicut bonus pastor super gregem Domini, ut eum talem possis Domino assignare, qui & sibi placeat, & te dignum bona retributione ostendat. Finis tuus quotidie appropinquat; & licet hoc certum sit omnibus, extremus tamen dies incertus est. Esto itaque semper sollicitus; & si fortè negligenter te aliquando habuisti, nunc totum studeas per Dei gratiam emendare: ut cum Dominus venerit, te vigilantem inueniat & sic paratum, quatinus in æternæ vitæ suscipi gloria merearis.

De querimonia quam Virziliensis Abbas aduersus Floriacensem pro quadam gerit Ecclesia, iustitiam debitam facias. Non enim volumus priuilegiorum obtentu Ecclesia quolibet præiudicium patiatur. Datum apud Typhernum X. Kalendas Nouembris.

*PASCHALIS II. Papa.*

*De legatione S. A. datâ GIRARDO Engolismensi Episcopo.*

Circ. Ann.  
Chr. 1107.

XI. **P**ASCHALIS Episcopus seruus seruorum Dei Venerabilibus Fratribus Archiepiscopis, Episcopis, Abbatibus, atque Principibus per Bituricensem, Burdegalensem, Turonensem, atque Britannicam Prouincias constitutis, & cæteris tam Clericis quàm Laïcis: Salutem & Apostolicam benedictionem. Apostolicæ sedis auctoritate, cui Domino auctore præsidemus indigni, compellimur non solum proximis, sed procul etiam positis fidelibus, quæ ad salutem spectant animæ prouidere: quod quantum in nobis est, auxiliante Domino, implere satagimus. Proinde vobis omnibus, fratres & filii, Apostolorum Petri & Pauli benedictionem impendimus, & paternâ vos affectione cohortamur in Domino, quatenus vsque in finem, firmum iustitiæ propositum teneatis, laboris mercedem maximam in æterna gloria percepturi. Vt autem penes vos habeatis, apud quem querelas vestras & negotia, cum opportunum fuerit, referatis, cuiusque consilio & hortatu quæ ad salutem vestram attingunt, peragatis; Vices nostras fratri Carissimo GIRARDO Engolismensi Episcopo commisimus, in partes eum nostræ sollicitudinis asciscentes. Huic vice nostra, vt nostro Apostolorumque in partibus vestris Vicario, ad Dei honorem & ad salutem animarum vestrarum fideliter obedite, vt vobis per Dei gratiam collaborantibus, quæ extirpanda sunt extirpare, quæ corroboranda sunt corroborare præualeat. Nec sollicitudinem, fratres Carissimi, pigeat; cum necessitas Ecclesiasticæ vtilitatis exegerit, Synodales cum eo celebrare Conuentus, quoniam nimirum conuocandi vos vice nostra

R ij

potestatem indulgimus. Datum Laterani XIII. Calendas  
Maij.

Ann. Chr.  
circ. 1119.

*PASCHALIS Papa II.*

*Guidoni Archiepiscopo Viennensi.*

Scribit ut  
studeat ter-  
minandæ  
cōtrouersie  
inter Cano-  
nicos Ec-  
clesiarum  
S. Ioannis  
& S. Ste-  
phani Bi-  
suntinens.

XII. **P**ASCHALIS Episcopus seruus seruorum Dei; Ve-  
nerabili Fratri Guidoni Viennensi Archiepisco-  
po, Sedis Apostolicæ Legato, salutem & Apostolicam bene-  
dictionem: Super prudentia tua plurimum ammiramus quòd  
in negotio Ecclesiæ B. Stephani Clericorum ipsorum testi-  
monium acceptare nolueris: cùm B. Gregorius in huius-  
modi causis Ecclesiarum auctoribus probationem imponat.  
Diuersæ namque sunt in causarum auctoribus species, nec in  
omnibus causis crimina agitantur. In criminibus siquidem  
accusatorum testium illa districtio obseruanda est quæ cano-  
nibus continetur, ne qui ad probationem domestici assuman-  
tur. Cæterum in possessionum vel cæteris huiusmodi nego-  
tijs hi potissimum assumendi sunt qui eadem negotia tracta-  
uerunt, de quorum vsu & auditu hæsitatio esse non debeat.  
Si ergo iidem Clerici idonei sunt, ab assertione causæ illius  
nullatenus repellantur. Sed sicut alijs literis deliberatum  
est, inter S. Ioannis & S. Stephani Canonicos lis illa pleniùs  
decidatur. Cesset iam malitiæ zelus & dolositatis cauillatio,  
& prædictarum Ecclesiarum negotium iuxta literarum teno-  
rem omnimodis peragatur. Alioquin ad præsentiam nostram  
parati prorsus & instructi proximo quadragesimalis Concilij  
tempore reuertantur. Datum,..... VI. Kalendas Sep-  
tembris.

*THEOBALDI Stampensis*

Circa Ann.  
Chr. 1108.

*Ad Episcopum Lincolnensem.*

De quibusdam in diuina pagina titubantibus.

Quæ vera  
sit pœnitē-  
tia ostēdit.

XIII. **S**I quis prædicat & prædicando temerè deffiniat  
Saliquem non posse saluari quâcumque horâ ma-  
nus suas pœnitentiæ dederit, fallitur, sicut veritas testatur,

nec catholicè sentit. Ipsa enim inquit : *In quacumque die peccator conuersus fuerit, peccata eius non reputabuntur ei; sed vita uiuet, & non morietur.* Inde Augustinus contra Faustum : [ Pœnitentiâ cordis aboleri peccata, etiam in vltimo vitæ spiritu indubitanter credimus. Qui verò aliter sentit, non Christianus est, sed Nouacianus. ] Inde Gregorius super Ezechielem : [ Nunquam sera est pœnitentia à pœnitente, Propheta afferente : *Quicumque horâ peccator ingemueris, saluus eris.* Nec latro in cruce pendens veniam habuisset, si bona voluntas vnus horæ non subuenisset. ] Inde Hieronymus contra Iouinianum : [ Pœnitenti, & vero corde gementi, si statim moritur, bona voluntas quasi opera fecisset, reputabitur. Inde ad Damasum : ] Ne cui sera videatur esse pœnitentia, Christus in cruce pœnam homicidij fecit martyrium. Cui consonat Hilarius dicens : [ Pœnitudo mores immutat, & longa temporum crimina in ictu oculi pereunt, si bona cordis nata fuerit compunctio. ] Est autem compunctio humilitas cordis cum recordatione peccatorum & lachrymis. Inde Gregorius in Moralibus : Omnis strepitus prauæ actionis obmutescit vi bonæ compunctionis. Si enim cor verè dolet, vitia contra nos obmutescunt, & à mente tribulatione doloris attrita tanquam fumus euanescent. Iste est spiritus qui conterit naues Tharsis, id est vis compunctionis, quæ mentes mari, id est, mundo deditas, tribulationis gemitu salubriter afficit. Inde Ambrosius : [ Vera peccati pœnitentia est, ab eo quod pœnitendum intellexeris, desistere. ] Inde Calixtus Papa : In pœnitentia tantum valet longitudo temporis, vel confessio oris, quantum vera compunctio cordis : Si quis enim ore confitetur, & corde non credit, inter illos computatur, de quibus legitur : *Populus hic labiis me honorat, cor autem eorum longe est à me.* † Inde Alexander Papa : [ Nihil ita Dei misericordiam captat quemadmodum cor pœnitentis. ] Inde Presbyter Venerabilis : [ In Christianis non principium, sed finis quæritur; quia vnusquisque de fine suo iudicabitur. ] Cuius enim finis bonus est, ipsum quoque bonum est. Quid etiam ipse Deus mulieri in adulterio deprehensæ respondeat audiamus : *Vade, iam amplius noli peccare.* Petrus autem culpam trinæ negationis, foras egressus ama-

Ezech. 18.  
12. 28

Ro m. 10. 13

Matt. 15. 8.

Ioseph S. Hieronym.

Ioan. 8. ii.

rissimè fleuit, & mox ab ipso Domino indulgentiam habere meruit. Quem Papa Gregorius imitatur dicens : Lachrymis amarissimis conscientiam nostram baptizemus, quia post baptismum magnitudine peccatorum vitam inquinauimus. Nemo tamen de magnitudine peccatorum desperet, dicendo : Peccata mea multa sunt in quibus vsque ad senectutem perseueraui, & iam amplius veniam non potero promereri, maximè quia illa me dimiserunt, non ego illa. Absit vt talis de misericordia Dei desperet; magna namque & ineffabilis Dei pietas non vult alicui in aliquo tempore ponere metas, Quicumque enim nimio peccatorum fasce grauantur, si grauari ad Dominum conuertantur, illicò peccatorum nimio fasce alioquantur. Deus enim magis approbat in extremis vitæ puritatem mentis, quàm longam cordis munditiam in fine à bono deficientis. Verbi gratia : Latro per ante facta dignus erat inferno; sed puritate mentis coronatus adiit paradysum. Quidam verò Eremita Angelicam vitam ducens, dignus erat paradiso, sed semel lapsus in culpam, damnatus descendit ad infernum. Amplius, sicut sanctum Euangelium testatur, pater-familias vndecimâ horâ conducit operarios, & æqualem vitæ mercedem soluere dignatur. Vnde constat

Pœnitentia  
non tēpore,  
sed cordis  
amaritudi-  
ne pondera-  
tur.

Ioan. 11. 25.

Ioan. 14. 6.

Rom. 10. 10.

alid.

quòd pœnitentia non est in numero dierum, vel in longo tempore afflictionis; sed in amaritudine cordis. Qui enim in Christum credit, etiam si in multis moratur peccatis, fide sua viuunt in æternum, sicut ipse ait in Euangelio : *Ego sum resurrectio & vita; qui credit in me, etiam si mortuus fuerit, uiuet.* Et alibi : *Ego sum via, veritas, & vita; via sine errore quærentibus; veritas sine falsitate inuenientibus; vita sine morte manentibus.* Quod autem Apostolus ait : *Corde creditur ad iustitiam, ore autem confessio fit ad salutem;* Verum est, quia confessio pœnitentibus necessaria est. Quod enim de Christo credimus, non erubescere, sed confiteri coram omnibus debemus. Et si aliquis pro fidei confessione occiditur, licet quibusdam vitijs sit præpeditus, tamen in illa occisione ita mundatur, vt statim in æternam gloriam suscipiatur. Et hoc est, *Ore autem confessio fit ad salutem.* Cùm autem confessio oris fiat ad proximum, confessio cordis ad Deum, si aliquo euentu confessio oris impediatur, non tamen iccirco cordis con-



fectio infructuosa reprobatur. Augustinus enim de Sodomitis in lacu submersis tractans, dicit: Quoddam ex illis saluari sunt, per bonam compunctionem, & verum cordis gemitum, quia non solum superfluae cogitationes; sed etiam pravae actiones ante vim compunctionis fugiunt.

Si quis tamen importunus asserit neminem posse saluari, nisi possit ore confiteri, non bene discernit confessionem, nec eius talem cognouit diuisionem. Confessio alia cordis, alia oris, alia utroque modo. Bonum est quidem & laudabile confiteri corde & ore, Iacobo Apostolo attestante qui ait: *Confitemini alterutrum peccata vestra &c.* Qua auctoritate, sicut quidam putant, non laedimur; quia hoc tantum sanè de valentibus & confiteri nolentibus intelligitur. Quia nimirum si aliquis pro aliqua infirmitate, siue etiam ab ipsa natiuitate confiteri ore impotens efficiatur, cum bonam & discretam confitendi ore habeat voluntatem, si corde confiteatur, discretorum iudicio prorsus alienus à salute non iudicatur. Inde Propheta: *Desiderium pauperum exaudiuit Dominus*, id est, humilium non de se, sed gratiâ Dei confitentium. *Petitionem cordis eorum audiuit auris tua.* Et alibi: *Sacrificium Deo spiritus contribulatus, cor contritum & humilium.* Inde Salomon: *Omni custodia serua cor tuum, quia ex ipso vita procedit.* Quod autem aliquis loqui corde vel confiteri possit, ipse Deus apertè demonstrauit, cum Moyse tacenti responderet: *Quid clamas?* Tacebat enim quantum ad strepitum vocis, sed loquebatur deuotione cordis. Proinde si quis toto corde, tota anima, & tota mente Deum diligeret, & affectum tantæ dilectionis labiis explicare non valeret, quis præsumptuosus eum à misericordia Dei alienum iudicare præsumeret? Cum enim interioris hominis facies per bonam compunctionem ab omni vitio purgata renouatur, & renouata per verum gemitum mundiciam cordis consequitur, licet vocem perdiderit: non tamen est ab illo diuisus qui dicit: *Beati mundo corde, quoniam ipsi Deum videbunt*: videntes amabunt, amantes laudabunt. Sicut enim dicit Augustinus: Hoc erit officium diuinæ Maiestati astantium, scilicet, videre, amare, laudare. Videbimus enim & amabimus, amabimus & laudabimus; hæc tamen laudatio non fiet sonabili

Varia confessio.

Iacob. 5. 16.

Quando oris confessio non necessaria.

Psal. 10. 17

Ibid.  
Psal. 50. 12.  
Prou. 4. 23.

Exod. 14. 15.

Matt. 5. 8.

Quàm effi-  
cax bona  
voluntas.

verbo, sed potius ibi erit vox ipsa dilectio. Nam qui in se fremit bona Dei & mala quæ ipse reddidit computando, & in corde gemit seipsum de peccatis increpando, melius sine voce loquitur, quàm si voce sine istis loqueretur: Æternam etenim vitam si ore petimus & corde non desideramus, clamantes tacemus. Si verò desideramus ex corde, etiam si ore conticescimus, tacentes clamamus. Hinc Hieronymus: Quicquid vis & non potes, Deus factum computat. Sicut enim deliberatio cum molimine vitiorum damnatur, sic quoque bona voluntas, cum deest copia agendi, remuneratur: quia non secundum hoc quod quisque non potuit, vel non licuit, sed secundum hoc quod fuit & proposuit ex conscientia accusatur vel defenditur, cum Deus iudicabit occulta hominum. Ideoque nemo desperet, qui in fine corde poenitet, quia non est locus diabolo nisi ex nostro desiderio. Vnde Ambrosius super Lucam libro decimo: [ Petrus doluit & fleuit, quia erravit ut homo. Inuenio quod fleuerit, non inuenio quid dixerit. Lacrymæ eius lego, satisfactionem non lego. Lacrymæ enim confitentur; Lacrymæ culpam sine voce loquuntur; Lacrymæ veniam postulant, & meritum inueniuntur. Petrus tacuit, & bonus Petri fletus delictum abluuit. ] Quod autem Augustinus ait: [ Nisi quis longo tempore ante mortem confiteatur, non purgatorio igne purgabitur, sed æterno supplicio damnabitur; ] benè intelligenti nihil obest. Longum etenim tempus accipit omne illud tempus quod est sufficiens correptioni. Nam quicumque confitetur in tempore sufficiente ad correptionem, confitetur longo tempore ante mortem. Vnde Celestinus Papa: Vera ad Deum confessio hominum in extremis positorum, potius mente quàm tempore æstimanda est. In Decretis etiam Pontificum legitur: [ Quod si quis ore confiteri non possit, indicia exteriora faciat, & post ei sacratissimum Corpus est committendum, nec de eo desperandum. ] Non igitur secundum Decreta Pontificum sequitur, si non potest ore confiteri, non potest saluari. Quia sicut auctoritas clamat: Deus non de factis, sed de voluntate iudicat. Nihil enim bona voluntate foelicius, quia nihil est Deo bona voluntate pretiosius. Inde Cyprianus: Cum multa in lege iubeantur, quæ Apostolus impleri

pleri non posse testatur, hîc bona voluntas quæritur quæ in nostro arbitrio est, & quæ sola potest sufficere, & primum habere. Vnde rursus auctoritas : Nunquam manus est vacua à munere quotiens arca cordis repleta fuerit bona voluntate. Amplius, sicut præfatus Augustinus in libro Confessionum testatur : [ Nemo sine bona voluntate benè operatur, etsi iudicio hominum benè operari videatur. ] Sicut enim mala voluntas, quæ prima est mors animæ, dicitur damnare, nulum enim opus malum sine mala voluntate, testante Augustino & dicente, peccatum est voluntarium, quod ubi non est voluntas, non imputatur peccatum : sic quoque bona voluntas saluat, & saluatos perenniter coronat. Ad cuius bonæ voluntatis commendationem Angelus ait pastoribus : *Gloria in Excelsis Deo, & in terra pax hominibus*, non aliis, sed *bonæ voluntatis*. Patet ergo quod quicumque bonam voluntatem habebit in terris, pacem indubitanter & gloriam consequetur in cœlis. Amen. Si quis verò hanc Epistolam improbare voluerit, & hos præfatos Doctores Catholicos recipere noluerit, lapide percutiatur, percussus comminuetur, comminutus in puluere redigatur.

Luc. 2. 14.

EIVSDEM

PHARITIO \* Habendonensi Abbati.

scu \* Faricio.

XIV. PHARITIO Venerando Habendonensis Ecclesiæ Prælato, Domino suo, & indubitanter amico Theobaldus Magister Oxenefordiæ, sic suorum curam subditorum gerere, ne mors in olla dicatur esse. Quod mihi morum vestrorum honestatem, & filiorum non fictam caritatem prædicanti calumniam de saluatione puerorum non baptizatorum, ita ex abrupto, ita etiam digito discretionis remoto, sicut plures aiunt, nudiustertius imposuistis, vehementer admiror, cum prius ut homo discretus debuissetis esse cognitor quàm, ut ita dicam saluâ reuerentiâ vestrâ, fictæ criminationis accusator, & cum omnis Ecclesia sic de eorumdem perditione potius diffiniat, quod aliquem catholicè sentientem in ambiguum non relinquat. Omnes enim qui

Pueri sacramento Baptismi non regenerati eternam beatitudinem assequi nequeunt.

S

catholicè sentiunt, indubitanter asserunt, & asserendo non temerè definiunt, aliquem hoc tempore minimè membrum Christi posse fieri, nisi ex aqua visibili, & spiritu inuisibili regeneratum, vel quod alio tempore contingere potuit, aliquo alio genere baptismatis purificatum. Vnde à Beato Cypriano inter Martyres reputantur, qui sæuiente persecutione Christi sanguine suo baptizantur. Inde Augustinus de natura & origine animæ ad Victorem scribens, ait: Noli dicere, noli credere, noli docere sacrificium Christianorum pro eis qui non baptizati de corpore exierint offerendum, sicut sacrificium Iudæorum pro eis qui non circumcisi de corpore exierant, legimus nullatenus esse oblatum. Inde Hieronymus contra Iovinianum: Pueri si statim post baptismum moriuntur, per sacramentum poenitentiae & fidei saluari dicuntur. Sacramentum enim poenitentiae notatur ubi dicitur, *Abrenuntio*. Sacramentum verò fidei innuitur ubi respondetur, *Credo*. Manifestum est igitur quod consequens est, pueros hoc tempore non baptizatos proculdubio damnari; baptizatos verò si statim hominem exuant, indubitanter saluari. Si quis autem veritatis inimicus contra hanc sententiam catholicam vellet delatrare, paratus essem eum sacrilegum, & canem improbum, & scripto & viua voce confutare. De natiuitate verò sententiarum hoc solum vobis respondeo, quia multò magis gratulor imitari non errabunda priorum doctorum vigilantium vestigia, quàm modernorum dormitantium sequi falsas opiniones & somnia. Quòd enim vereres Doctores vix pertingere potuerunt vigilando, hoc quoque iuniores docere præsumunt dormitando. Vigilantes autem Doctores dicuntur, qui sanè referunt quod à sanctis Patribus rationabiliter audierunt. Doctores verò dormitantes appellantur, qui ex parte sua semper aliquid nouitatis asferre laborant. Vnde Hilarius Pictaviensis ait in libro, quem de Trinitate composuit: Optimus quidem lector est qui refert. Sciatis igitur me non de afferentibus, sed de referentibus esse: & quandiu vita comes fuerit, in hoc diligenter perseuerare. Hanc autem excusationem nolite iudicare inuectionem. Non enim iudicanda est inuectio, sed rationalis potius excusatio, & facta bono zelo. Nolo enim

facere mihi inimicum, quem vestra bona moralitas nuper peperit amicum; nec mihi nec vobis adscribitur illud proverbium; *Occasiones quaris, qui vult recedere ab amico.* Va- Prou. 18. 1. lete. Vestrum venerabilem Conuentum vice nostra salutate, principaliter autem vestrum bonum Priorem amicū nostrū interiorem.

*THEOBALDI Stampensis.**Ad MARGARITAM Reginam.*

XV. **M**MARGARITÆ præcellenti Reginæ, præcellentis Regis filiæ, THEOBALDVS Stampensis Se suæque obsequia Reginæ offert. Doctor Cadumensis, illud canticum fidelis animæ in facie cœlestis sponsi, vt solet, frequentare: Dirige gressus meos secundum eloquium tuum, vt non dominetur mei omnis iniustitia. Imprimis dilectioni vestræ non ignotum esse desidero, quatinus inæstimabiliter interior homo noster cum exteriori gratulatur, & gratulando immensas Deo gratias agere non grauatur, quoniam fama vestræ honestatis, munificentia, liberalitatis non solum per loca vobis affinia propagatur, verum etiam ferè per totum orbem dilatatur, & dilatando quasi de gradu in gradum promoueri quotidie comprobatur. Est namque munificentia in animo tam liberalissimo lapis pretiosus in purificato auro: sicut enim species illa aromatum speciosa, quæ pretiosius aliis redolet, odore suo ad se attrahit præsentēs; sic quoque liberalitas vestra bono suo odore latius redolente absentes aspergit, & aspergendo vobis allicere non desistit. Proinde si maris inconstantia non prohiberet, & præsentatio mea vobis fastidium non generaret, quod semper optaui, vestro aspectui me gauderem præsentare, quia animum meum vestræ visionis fame cruciatum nullatenus valeo refrænare. Veruntamen si maris inconstantia constans fieret, & aura languida tarditate sua cursum meum nō præpediret, mallem tamen naufragus vestræ visionis satiari præsentia, quàm ab ea ieiunus omni carentis aduersitate redire ad propria. Quod autem de laude vestra scribendo per pauca prælibaui, inertia vel rusticitati minimè debet imputari; quia nimirum si omnia membra mea in linguas

S ij

verterentur; non tamen per illa cuncta quæ circa vos sunt laudanda sufficienter explicarentur. Omnimoda igitur supplicatione vos exoro, quatenus in hoc mihi permittatis gloriari, ut in numero Clericorum vestrorum deinceps valeam computari. Angelus magni consilij & fortitudinis vobiscum sit, ut recta sapiatis, & recta facere non desistatis.

Eiusdem *Ad PHILIPPVM amicum.*

Solatur  
amicum in-  
iurijs lacer-  
atum.

XVI. **T**HEOBALDVS Magister Cadumenfis PHILIPPO amico suo desiderabili, à laqueo venantium & à verbo aspero liberari. Condolet tibi opprobria, nec non & iniustas calumnias non rectè iudicantium, nec ea quæ Dei sunt satis prouida ratione considerantium sustinenti. Ad quorum insanos siue belluinos latratus confutandos ex Prophetis, & Euangelicis, & Apostolicis scriptis exempla subueniant, quibus doceantur in seipsos descendere, nec aliorum facta temerario dente corrodere: hoc solùm illis respondere sufficiat quod Tullius Cicero testatur: Facile diuitias despicit qui habet: difficile viles æstimat qui non habet. Inde Seneca: Venter, inquit, satur facile disputat de ieiuniis. Quilibet enim facile disputat de eo quod ignorat. Similiter & illi cum sint omni foeditate sordidati, facile de abstinentia possunt disputare, qui huc vsque voluptatibus carnis inhiantes studuerunt deseruire. Quod enim non sunt, vide. i volunt & appetunt; in quo longè à quodam sapiente dissentiunt, qui inter cætera ait: Malo quidem infamis videri in conspectu hominum, leuius peccans coram & apertè, quàm videri iustus hominibus grauius peccans coram Deo & occultè. Vnde Hieronymus super Isaiam libro sexto: Leuius malum est apertè peccare, quàm simulare & fingere sanctitatem. Sunt tamen quidam qui timore hominum peccare non audent, intus tamen habent, & inuenta occasione non mali fiunt, sed quod erant produnt. Lupus & leō similiter cupiunt, sed non similiter nocent; æqua cupiditas, sed ille timeet canem, iste non timeret. Sunt item quidam qui multo vino nocte dièque madentes, & cuti curandæ curiosè studentes, mulierum vsum abhorrent & execrantur, quia vitam sibi placere pud-

cam contestantur, ignorantes quòd vitapudica modus appellatur, necattendentes Hieronymum dicentem, scelus esse fœdum & execrabile quòd caper appetat hocdum, cum non desit ei capsa. Sic enim Salomonis pagina testatur: illud malum bonum est & laudabile, quod expellit pessimum & abominabile. Cui consonat Augustinus dicens: Melius est cadere super lectum, quàm super gladium. Proinde mundus quod verum est non iudicat; sed tantum ad famam spectat, & bonam conscientiam nullatenus considerat, & cum culpam proprii magis accusare deberet operis, quàm fragilitatem fratris infirmantis, suas vires examinare negligit, nec quod vitijs famulatur ad mentem reducit; & cum inferius iaceat, quasi ex alto prospectans ceteros spernit.

Multi namque cum luxuriam detestantur & vituperant, avaritiam sub abstinentiæ nomine ne videatur, palliant; & quod Salomon scelestius auaro nihil esse dicat, non considerant; Sicque in avaritiæ voluptate deterius quàm in luxuria se commaculant. Quid de superbia, quid de invidia ceterisque vitiis? Quis tam sanctus qui in aliquo horum amicitiam non sit coniunctus? Quorum quidem amplexibus si non luxuriosus ligatur, avarus, invidus, contumeliosus & alij quàm plurimi retinentur. *Initium enim omnis peccati superbia*, & quasi generalis pestifer morbus corpus corrumpit, quæ etiam si esse virtus ostenditur, non per hoc Deo, sed soli vanæ gloriæ placere quærit. Hæc & alia multa vitia in se speciem rectitudinis ostendunt, sed ex prauitatis infirmitate prodeunt, & tanta arte se palliant, vt ante deceptæ mentis oculos culpas virtutes fingant, & vnde quisque expectat præmia, inde dignus est inuenire supplicia: quia cum culpam velut virtutem aspicit, tantò tardius deserit, quantò quod perpetrat non erubescit. Deinde multotiens Deus suos à corporalibus vitiis non custodit, sicut Dauid custodire non voluit. Multi enim per castitatis, vel alicuius virtutis domum in superbiam eadunt, & quod ceciderint non agnoscunt. Deus autem permittit eos in luxuriam cadere apertè, quod quandoque minus est quàm tacita cogitatione ex deliberatione peccare. Quia verò superbia minus turpis creditur, minus vitatur: Luxuriam cum magis erubescunt, quia turpem omnes no-

*Ecclesi. 10. 15.*

Pauci perpendunt  
quàm sit  
peccatum  
superbia.

uerunt, etiam citius hoc malum corrigunt, seque inter alios humiles & viliores recognoscunt, & elationis culpam quam prius intumescebant, virtute humilitatis sternunt; & quidem virtute se extulerant, per vitium ad humilitatem redeunt. Elati quippe castitate non corrigerentur, nisi tentarentur; nec sancti essent si de castitatis dono superbirent: & sic miro modo dum tentantur, humiliantur; & eius esse desinunt, cuius superbiendo serui fuerunt. Non laudo luxuriam; sed in vitij ei præfero superbiam. Est enim in luxuria quod ferre iubemur; in superbia verò nihil est quo excusamur. Apostolus enim unicuique suam propter fornicationem concedit habere. Sed & Beatus Hieronymus Angelicæ esse naturæ dicit non humanæ in carne præter carnem vivere. *Deus autem superbis resistit, humilibus verò dat gratiam.* Considerare ergo debemus, quia si non sumus aliis æquales in luxuria, fortassis sumus in superbia, ut tantò humili corde eos respiciamus, quantò nosmetipsos inter eos inuenimus.

*Iacob. 4. 6.*

### *THEOBALDI Stamp.*

#### *Ad ROSCELINVM Compendiensem Clericum.*

**XVII** **R**OSCELINO Compendioso Magistro THEOBALDVS Stampensis Magister Oxnefordiæ: Non plus sapere quàm oportet, sed sapere ad sobrietatem. Quoniam Sacerdotum filios, & alios ex lapsu carnis generatos, non satis prouida ratione calumniaris, & calumniando illos exleges esse nimis impudenter astruere conaris, quæ super iis à patribus sanctis rationabiliter audiuius, non quasi præsumendo, sed diligentiae subseruendo, ad memoriam reuocare curauimus. In Decretis namque Calixti Papæ legendo inuenimus, & inueniendo legimus: Si quis prædicat Sacerdotem post lapsum carnis per poenitentiam ad Sacerdotalem dignitatem redire non posse, fallitur, nec catholicè sentit: Si verò Sacerdotibus post lapsum carnis licet ad sacros ordines reuerti, multò magis innocentes illos qui ex lapsu carnis orti sunt sacris licet ordinibus insigniri. Errat enim, errat, & os impudens in blasphemiam acuit & armauit, qui eos appellat &

*Gratiæ arguit Roscelinū qui filios sacerdotum, ad sacros ordines non esse admittēdos asserbat. Roscelini errores notat S. Ansel. lib. 2. epist. 41. In suo Car. not. epist. 7.*



iudicat exleges, quos à seruitute legis in libertatē gloriæ filiorum Dei gratia liberauit; quia non est infoeliciter natus, qui ad vitam æternam foeliciter est renatus. Inde Paulus ait de renatis: *Vnum corpus sumus in Christo*. Et alibi: *Hæredes quidem Dei, cohæredes autem Christi*. Inde etiam Petrus. *In veritate comperi, quòd non est personarum acceptor Deus; sed in omni gente qui timet Deum, & facit iustitiam eius, acceptus est illi*. Et alibi de renatis: *Genus electum, regale Sacerdotium, gens sancta, populus acquisitionis*. Inde Hieronymus: Cum baptizatus quilibet de fonte ascenderit, sacro crismate vngitur in vertice, vt cognoscat se promotum esse in regium genus & sacerdotale, id est, à Christi consortio Christianus vocetur, & æterni regni cohæres fieri comprobetur. Tegitur etiam post sacram Vnctionem caput eius sacro velamine, vt intelligat se exornari regni diademate, & sacerdotali, sicut iam dictum est, dignitate. Et alibi. *Quicumque baptizati estis Christum induistis*. Sic ergo cuiuscumque generis sit ille nouus homo in vtero generatur Ecclesiæ, generatus vnitati corporis Christi indubitanter aggregatur. Ioannes quoque in Apocalypsi: *Qui lauit nos in sanguine suo, & fecit nos Deo regnum & Sacerdotes*. Qua igitur fronte quidam homunciones non palam, sed è latibulis loquentes, & totam Campaniam libidinosa peregrinatione polluentes, indignos sacerdotio iudicant, quos Petrus & Ioannes regali sacerdotio dignos esse confirmant? Christus quoque in Euangelio docens orare Discipulos, primùm, inquit, *Pater noster*: Vnde constat omnes renatos esse fratres. Et alibi: *Nolite vobis vocare patrem super terram, vnus est enim pater vester qui in cælis est*. Si ergo ex eodem patre, & ex eodem sanctæ matris Ecclesiæ vtero sumus omnes, nihil est quo alter alteri calumniam imponat, nihil ergo alter aduersus alterum superbire debeat. Et alibi Dominus inquit: *Vino equidem, non maneat hoc prouerbiū ampliùs in Israel, quia filius non portabit iniquitatem patris. Vt enim anima patris, ita & anima filij mea est*. Ideoque Deus nasci voluit de progenie peccatricis, vt discerent homines peccata parentum non obesse sibi. Vnde in genealogia Christi nulla sanctarum nominatur, sed Thamar & aliæ tres quas diuina pagina reprehendit, apponuntur; vt

1. Cor. 10.  
17.

Rom. 8. 17.  
Ab. 10. 34.

1. Pet. 2. 9.

Gal. 3. 27.

Apoc. 1. 5.

Omnes  
Christiani  
fratres sũt.  
Matt. 23. 9.

Exec. 18. 4.  
& 19.

qui pro peccatoribus veniebat, de peccatricibus nasci dignaretur. Inde Agnus ex Pascha immolandus, iussus est assumi ex capreis & ouibus; quia ex iustis & peccatoribus verus Agnus erat generandus. Plus itaque prodest bene vixisse, quam de iustis parentibus originem duxisse. Deus enim vitam hominis, non natiuitatem attendit.

Obiectiones  
confutatur.

Non diues  
pauperi,  
nec nobilis  
ignobili  
preferendus.

Quod autem ipsi obiiciunt, quia exleges legitimè Ecclesiæ præferendi non sunt; bona est quidem sententia & certa, sed indecenter assignata. Assignant etenim illam renatis illis quos mater Ecclesia in Curia Christi recepit, receptos lacte proprio nutriuit, nutritos pane suo solidauit; qui planè aduersantur Hieronymo dicenti: Absit Domine, vt in tabernaculo tuo sint diuites præ pauperibus, & nobiles præ ignobilibus. Inde Basilius contra Iudæum quemdam de lege sibi data gloriantem: Vera caritas in Christi corpore non præfert indigenam alienigenæ, non nobilem ignobili, non pauperem diuiti; sed potius omnes per adoptionem spiritus facit filios, per eundem spiritum clamantes: *Pater noster, dimitte nobis debita nostra.* Sic quoque in Christi corpore ille solus habetur sublimior, qui fuerit in Dei amore potentior. Vnde quidam sapiens contra quemdam de nobilitate sua præsumentem loquitur dicens: Si longè repetas longèque reuoluas, nomen ab infami ducis asilo.

Rursus quid illi opponunt: Quod quando homo baptizatur, non conditio mutatur, sed peccata abluuntur, verum est; sed nullus ambigit hoc esse dictum de mundanis conditionibus; quòd si quis seruus baptizatur, seruitus illa non mutatur. Vnde Apostolus: *Si seruus es, magis utere*: quia seruus illa non est contraria coronæ. Vnde alibi: *Seruus sis, generosus eris, si mens bona fiat.*

2. Cor. 7. 21.

*Sis liber, turpis mens tua, seruus eris.* Amplius: Quod prohibetur ne filij Sacerdotum ad Ordines promoueantur, sic est intelligendum secundum Augustinum, eos, qui hanc prohibitionem audiunt, ab huiusmodi concupiscentiis abstinere debere. Si enim filius Sacerdotis honestè viuit, ordinandus est. Si verò militis filius inhonestè viuit, repudiandus est: quia magis placet Deo viræ perfectio, & contra peccatum afflictio, quam superba de legitimis parentibus gloriatio.

gloriatio. Filij namque Sacerdotum non ideò quòd sint ex-  
leges refutantur, sicut imperiti homines arbitrantur, sed  
vt sacerdotes à concupiscentiis carnis refrænentur. Quia ni-  
mirum quemlibet sacro fonte renatum, vel plenariè diuina  
mundat gratia, vel sacri mundatio lauachri non est sufficiens  
nec plenaria; quod contradicit fides Catholica. Non enim  
sunt exleges iudicandi, quorum Deus ipse est pater, & quos  
peperit Christi gratia omnium regenerantium pijsissima mater;  
nec debemus illis delictum patris siue thorum matris im-  
properare, sed potiùs morum perfectionem diligenter atten-  
dere: Quoniam patris siue matris perpetratum crimen non  
potest filiis paradisi claudere limen. Vnde quidam sapiens:  
Quid meruere pati quocunque thoro generati? Quod autem  
filij Sacerdotum ab ordinibus reprobentur, ex rigore iustitiæ  
factum est: sed nullo modo iustum est, testante Augustino,  
quia non iustè pœnam portant, qui culpam non commiserunt.  
Sic itaque illi prolatores nouitatis noua præcepta dantes, &  
quodammodò virtutem baptismatis euacuantes, qui rationi-  
bus supra dictis oblatrant, dum de huiuscemodi scrupulosè  
& contentiosè disputant, quasi clauso ostio ad parietem pul-  
sant. Vt autem maior honor & gloria filiis Sacerdotum acce-  
dat, Ioannes Baptista quo nullus maior inter natos mulie-  
rum surrexit, filius fuit Zachariæ Sacerdotis; Maria etiam  
mater Domini & de Sacerdotali progenie descendit, cùm  
dicatur cognata Elisabeth quæ de Aaron originem duxit. Si  
autem vellem enumerare omnes de lapsu carnis procedentes  
qui principatum in sancta Ecclesia tenuerunt, priùs deficeret  
vita quàm exempla. Inde etiam Iacob omnes, quos de libe-  
ris & ancillis genuit, filios æquali honore hæredes constituit,  
nec apud illum præfertur, qui secundum carnem nobilior vi-  
debatur. Quicumque fidem Domini promeretur, nullis ma-  
culis carnalis natiuitatis obfuscatur. Hoc autem Iacob ic-  
circo fecisse legitur, vt ostenderet quòd non est discretio,  
Iudæus an Græcus, Barbarus an Scythæ, seruus an liber sit:  
quia per omnia & in omnibus Christus est. Propterea enim  
saluator noster & Dominus humanam figuram induit, & pro  
libero & seruo seruiuit, vt omnibus in se credentibus pari ho-  
nore & gloria cœlestia præmia largiretur. Salomon etiam qui

foeliciter, sapienter, subtiliter regnavit, docuit, propheta-  
uit, etsi de lapsu carnis ortus sit, Deus ipsi tamen templum  
suum ædificare concessit, quod David patri suo legitimo Iesse  
filio ne construeret, prohibuit; in quo nobis Deus patenter  
innuit, quòd magis approbat vitæ sanctitatem, morum ho-  
nestatem, quàm legitimæ natiuitatis generositatem. Non  
igitur sibi applaudat diues & nobilis, nec diffidat pauper &  
humilis, quia *excelsus Dominus humilia respicit, & alta à longè*  
Isal. 137. 6. *cognoscit*: humiles respicit, vt attollat, altos, id est super-  
bos, à longè cognoscit, vt deiiciat. Sicut enim Apostolus  
ait: *Nemo coronabitur nisi qui legitimè certaverit*; cùm dicit  
2. Tim. 2. 5. nemo, nullus excluditur, in quo superba huius mundi stul-  
titia confutatur, quæ eum exlegem appellat, & iudicat in  
terris, quem Deus ad dexteram suam collocat & coronat in  
cœlis.

*CALLISTI Pape II.*

Ann. Chr.  
circa 1121.

*LYDOVICO VII. FRANCORVM REGI.*

Commen-  
dat Lega-  
tum à late-  
re quem  
mittit.

XVIII. **C**ALISTVS Episcopus seruus seruorum Dei Carif-  
simo in Christo filio LYDOVICO Illustri & glo-  
rioso Francorum Regi salutem & Apostolicam benedictio-  
nem. Concessam tibi à Domino gratiam & regiam potesta-  
tem te recognoscere scimus & gaudemus. Siquidem Deum  
diligis, Ecclesias veneraris, & personis Ecclesiasticis debi-  
tam exhibes reuerentiam & honorem. Ea propter, fili caris-  
sime, benedictione Apostolica te duximus visitandum, hor-  
tantes ac monentes vt in hoc Dei glorioso proposito tanquàm  
religiosus & Catholicus Rex per eius gratiam perseueres:  
quatenus Regum Rex qui terrenum tibi regnum contulit,  
æterni etiam coronam & gloriam largiatur. Sanè Caris-  
simum filium nostrum P. Sedis nostræ Presbyterum Cardi-  
nalem nobilitati tuæ attentius commendamus; Nos enim à  
latere nostro eum secundum antiquam Apostolicæ sedis con-  
suetudinem ad terram potestatis tuæ pro corrigendo & con-  
firmando quæ corrigenda & confirmanda fuerint delegamus.  
Rogamus igitur excellentiam tuam & in Domino commone-  
mus vt eum tanquàm Vicarium nostrum reuerenter suscipias,

honestè habeas, & ita ei facultatis tuæ consilium & auxilium præbeas : quatinus sibi iniunctum possit ministerium adimplere. Vxorem tuam Dominam Reginam & filium PHILIPVVM, quos tanquam viscera nostra diligimus, per te salutamus & benedicimus, omnipotentis Dei misericordiam obsecrantes vt personam tuam & ipsos dexteræ suæ protectione per tempora longa seruet incolumes. STEPHANVM quoque Cancellarium & omnes fideles tuos salutamus & benedicimus. Datum Beneuenti pridie Kalendas Octobris.

*LVDOVICI VII. FRANCORVM REGIS**CALLISTO Papæ II.*

Ann. Chr.

1121.

XIX. **S**cripsit nobis Sublimitas vestra de captione illius Apostatæ Burdini, & de incolumitate status vestri : Vnde, Pater dulcissime, plurimum & præ cæteris vos amamus, honoremque vestrum studium nostrum in omnibus esse intelligimus. De sententia sanè in Metropolitani Senonensem pro nostro honore relaxata animum nostrum ex parte mitigastis ; sed quoniam ad tempus est relaxata, suspensum vehementer ac dubium reddidistis. Videtur enim aliquam adhuc spem habere Lugdunensis Archiepiscopus super illa quam quærit subiectione ; sed vt verum fatear sustinerem potius regni nostri totius incendium, capitis etiam nostri periculum, quàm bonis subiectionis & abiectionis opprobrium. Videtur enim ad nostrum respicere contemptum contra nos hoc modo fieri quod nunquam extiterit factum. Nouit autem experientia vestra Regnum Francorum in obsequiis promptum, in necessitatibus amicum vobis extitisse, nec à fidelitate Romanæ Ecclesiæ precibus aut promissionibus Imperatoris nos auelli vnquam potuisse ; & quanto animi seruiore, quanta mentis humilitate vobis obedierimus, vt si taceat vox vestra, clament opera nostra, monstrent obsequia mea : vt enim cætera dimittam, illud inter alia meminerit Paternitas vestra, quòd quamuis graui, vt scitis, laborarem infirmitate, molestia corporis vehementer urgente, Remensi tamen Concilio, cum labore quidem nostro, sed cum hono-

Scribit se  
nunquam  
toleratu-  
rum subie-  
ctionem  
quã ab Ar-  
chiepisco-  
po Senonensi  
exigebat  
Primas  
Lugdunen-  
sis.

re vestro, interesse studuimus, & plus vestræ voluntati, quàm nostræ facultati, plus honori vestro, quàm dominio nostro consuluimus. Hoc vobis, Dulcissime Pater, memorando scripsimus, non quia non placeat nobis hoc fecisse, sed quia volumus hoc à memoria vestra non recessisse. Siquid igitur valet, siquid potest apud vos amor noster, & obsequium nostrum, rogamus & petimus vt Senonensis Ecclesia, quæ ab ista de qua nunc pulsatur subiectione huc vsque aliena extitit & libera, per vos non fiat ancilla; sed antiqua eius libertas autoritate Apostolica roboretur, & Priuilegij firmitate muniat; in quo tamen nihil à vobis contra iustitiam exigitur. Si enim opponitur quòd veterum institutio Lugdunensi Ecclesiæ Primatum contulerit, responderetur ex opposito quòd antiquæ libertatis possessio Senonensem Ecclesiam ab eius subiectione defendit. Quod enim antiqua possessione acquiritur, nullo, vt fertur, iure adimitur, etiamsi de iure Romanæ Ecclesiæ fuisse cognoscitur. Hac igitur ratione Senonensis Ecclesiæ libertas remanere debet inconcussa & intacta, nec pulsari aut violari debet pro subiectione nouiter & imprudenter facta. Facta est enim, vt dicitur, latenter & quasi furtiuè subiectio ista, nesciente scilicet Clero Senonensi, inconsultis etiam Episcopis illius diocesis, ignorante etiam Rege: in quibus omnibus dignitas pendet Ecclesiæ; & subiectio taliter facta respicere potius videtur ad ignominiam malè accipientis, quàm ad commodum Ecclesiæ nescientis. Res enim communis communi tractanda est consilio, non latenti & priuato terminanda colloquio. Cum igitur dignitas sit Ecclesiæ non personæ, si Senonensis Archiepiscopus iste & quidem solus de non sua fecit quod non oportuit, si promisit quod non debuit; Ecclesia tamen Senonensis quod suum est non amisit, nec priuatam libertatem quam ex antiquitate habuit; nec cogenda est ad subiectionem quam nunquam exhibuit. His ita se habentibus videat, Dulcissime Pater, discretio vestra ne ciuitas Lugdunensis, quæ de alieno est regno, de nostro floreat detrimento, nec subiiciatur amicus amico; quia si decipitur pro amico amicus, iustè fiet de amico inimicus. Rex ergo Franciæ, qui proprius est Romanæ Ecclesiæ filius, si in facili causa, si in leui petitione contemnitur;

nulla spes in maiori relinquitur, nec ulterius in alijs patietur repulsam, si in istis sustinet repulsionis offensam. Melius est enim Regiæ honestati à precibus desistere, quàm de repulsa næuum ruboris contrahere. Quod minus in literis continetur præsentium lator Algrinus viua voce supplebit, cuius verba tanquam ex ore nostro suscipite & custodite.

*CALLISTI Pape II.*

Ann. Chr.  
1124.

XX. **C**ALIXTUS Episcopus seruus seruorum Dei, venerabilibus fratribus GAVERIDO Carnotensi, & IOANNI Aurelianensi, & STEPHANO Parisiensi Episcopis salutem & Apostolicam benedictionem: Sicut omne quod irreprehensibile est Catholica defendit Ecclesia, ita ea quæ contra scita Canonum inita sunt, secundum æquitatis & iustitiæ destruere nititur rationem. Causam siquidem matrimonij inter GVILLELMVM Filium Comitis ROBERTI & filiam Comitis Andegauensis contracti, cui parentelæ titulus opponitur, dilecto filio nostro I... Presbytero Cardinali commisimus finiendam. Qui post susceptam idoneorum testium de parentela probationem vbicunque GVILLELMVS filius ROBERTI Comitis fuerit, prohibuit officia celebrari, nisi utique ad datum à se terminum coniugium idem dissoluerit. Vnde fraternitati vestræ præcipimus, vt eandem sententiam à nobis firmatam per vestras faciatis parochias obseruari. Datum Laterani VII. Kalendas Septembris.

Mādat seruari interdictū ob nuptias Guillelmi Normani cū filia Comitis Andegauensis larum.

*HONORII Pape II.**Canonicis Ecclesiæ Turonensis.*

Ann. Chr.  
1125.

XXI. **H**ONORIUS Episcopus seruus seruorum Dei dilectis filijs Clericis Turonensibus matris Ecclesiæ S. Mauricij salutem & Apostolicam benedictionem. Sicut boni & humiles filij sunt paternæ dilectionis nexibus arctius astringendi; ita ingrati & inobedientes sunt rigore iustitiæ coercendi. Siquidem compertum habuimus quod FVLCO Andegauensis Comes diuortium illiciti matrimonij

Confirmat sententiā ex cōmunicationis prolatā in Fulconem Comitem Andegauensem.

filiae suae & GVILLELMI filij ROBERTI Comitis à dilecto filio nostro I. Cardinali Presbytero Apostolicæ sedis Legato, & ab alijs fratribus nostris Coëpiscopis, & sapientibus viris acceptā idoneorum probatione testium iudicatum seruare contempsit. Præterea, quòd grauius est vti accepimus, ad B. Petri & sanctæ atque Apostolicæ Romanæ Ecclesiæ iniuriam prædicti Legati Nuntios ad eum directos capiens, & in arcta custodia per duas septimanas retinens, barbas eorum & capillos flammis exurere, & literas in conspectu hominum sub dio cremare præsumpsit. Vnde Legatus idem in propriam Comitis terram interdictionis, & in personam eius excommunicationis sententiam promulgauit. Nos ergo habito Fratrum consilio eandem vsque ad condignam satisfactionem sententiam ratam habemus. Interdictum autem præcipimus obseruari. Datum Laterani pridie Idus Aprilis.

*HONORII Pape II.*

Ann. Chr.  
circ. 1127.

*LYDOVICO VI. Francorum Regi.*

Henricum  
Regis filiū  
Clericū in  
suam pro-  
tectionem  
suscipit.

XXII. **H**ONORIVS Episcopus seruus seruorum Deis  
Carissimo in Christo filio LYDOVICO Illustri  
& glorioso Francorum Regi, salutem & Apostolicam bene-  
dictionem. Internæ caritatis dilectio, quā personam tuam  
paternæ affectionis visceribus amplexamur, aures nostras ad  
admittendas tuas petitiones inclinat. Amor enim & piæ re-  
uerentia deuotionis, quam B. Petro & Sanctæ Romanæ Ec-  
clesiæ defers, vt ad tuam & regni vtilitatem intendamus,  
hortatur. Tuum itaque filium HENRICVM, quem diuinis  
mancipare vouisti seruitijs, & in B. Petri & in nostram pro-  
tectionem suscipimus. Ipsum igitur tanquam specialem se-  
dis Apostolicæ filium; & bona quæ vel regia tua liberalitate,  
vel alijs modis diuinā præstante gratiâ poterit adipisci, au-  
thoritatis nostræ robore communimus. Nullique hominum  
fas sit personam suam & bona eius temerè perturbare; sed  
omnia quæ ei & libera sub B. Petri & Romanæ Ecclesiæ  
patrocinio conferrentur. Si quis autem huius nostræ confir-  
mationis temerator extiterit, nisi congrua satisfactione cor-



reuerit, animaduersione sedis Apostolicæ feriatur. Datum  
Laterani pridie Kalendas Aprilis.

*LVDOVICI VI. Francorum Regis.*

*Legato Sedis Apostolicæ.*

Ann. Chr.  
circa 1136.

XXIII. **M**emoriæ discretionis vestræ infixum non am-  
bigimus, quàm diligenti reuerentia nos &  
Regnum nostrum vos honorare & vobis obedire huc vsque  
studuimus & studemus. Vnde & propensiori cura de statu di-  
gnitatis nostræ cogitare & ipsam in integritate sua præ cæteris  
conseruare debetis. Audiuimus siquidem in voluntate ve-  
stra non esse HENRICVM Abbatem Pontifarenſis Ecclesiæ  
præbendam, de qua in præſentia vestra actum est, alicui præ-  
bere: & Clerico qui eam canonicè non acceperat, ipsam pe-  
nitus abiudicasse. Salua igitur reuerentia vestra omnimodis  
precamur, vt, cùm hoc ad regni nostri detrimentum spe-  
ctare videatur, sententia vestra in melius mutetur. Roga-  
mus etiam & petimus vt Henrico literas vestras super hoc di-  
rigatis, in quibus ipsi præcipiatis & concedatis vt Præben-  
dam illam vtili & honestæ personæ cum sua consideratione  
præbeat, ita vt Clericus, cui iustè abiudicata est, illam sine  
omni spe recuperationis amittat. Sciatis autem HENRICVM  
quod inde fecit, nostro consilio fecisse, & nos ipsum decre-  
tum Domini Papæ super hoc datum ignorasse: Vade si illi  
aliquid damni idè inferatur, nobis, cùm hoc nostro fecerit  
consilio, imputabitur. Valete.

Petit, vt li-  
ceat filio  
suo Hénrico  
Præbendam  
Ecclesiæ  
Pontifarenſis  
conferre.

*CLERI ROTOMAGENSIS*

*Ad HONORIVM II. Summum Pontificem:*

Ann. Chr.  
1130.

XXIV. **D**omino Papæ Vniuersali HONORIO Rotoma-  
gensis Ecclesia omnem in Christo obedi-  
entiam. Elegimus electione communi filium nostrum Hugo-  
nem Abbatem Radingensem nobis in Pontificem: super hoc  
quaesiuimus assensum Domini nostri Henrici Regis Anglo-

De elec-  
tione  
Hugonis  
in Archep.  
Roto.

rum, & obtinuimus; ab Episcopo quidem Salesberienfi, sub cuius manu Abbatis officio fungebatur, nobis eum reddi liberum & absolutum quæsiuimus, & cum libertate suscepimus: Sed quia ipso reuelante percepimus, quòd sine auctoritatis vestræ assensu eum habere non poteramus, cum & hoc in literis vestris prædicto Regi Anglorum directis ita scriptum legimus: *Ipsam itaque sub primo iure absque dominio vestro tanquam specialem B. Petri & S. R. Ecclesiæ Clericum retinemus*: Ea propter donari eum nobis à sublimitate vestra requirimus: quem tantò cariorum habebimus, quantò à vestræ Celsitudinis Sede nobis donatum lætabimur. Quem humili supplicatione ita donari à vestra gratia quærimus, ut sub nullius vnquam iure vel potestate, nisi sub vestra tantummodò pia protectione eum persistere gaudeamus, Carissime Pater & Domine.

*INNOCENTII Papa II.*

Ann. Chr.  
1132.

*LVDOVICO VI. Francorum Regi.*

Scribit se  
ospitem  
Cluniacum  
peruenisse.

XXV. **I**NNOCENTIUS Episcopus seruus seruorum Dei Carissimo in Christo filio LVDOVICO Illustri & glorioso Francorum Regi salutem & Apostolicam benedictionem. Sani, Deo gratias, & incolumes Kalendis Februarij Cluniacum peruenimus, vbi cum Fratribus nostris, Episcopis, Abbatibus, & alijs sapientibus, & religiosis viris Purificationis B. MARIE festiuitatem solemniter & honorificè celebrantes à Fratribus nostris GVILLELMO Patriarcha Ierosolymitano, & A. Bethleemiticæ ciuitatis Episcopo literas obedientiæ & subiectionis suscepimus. Quia igitur causam Ecclesiæ cum omni constantia & fortitudine certis experimentis te nobiscum portare, & nostris prosperitatibus congruere iamdudum agnouimus, earundem literarum transcripta Terenitati tuæ duximus transmittenda: ut quos nimirum veræ caritatis synceritas sociabili foedere copulat, de prosperis quoque successibus nihilominus gratulentur. Nouerit sanè strenuitatis tuæ nobilitas quoniam A. de Monforte nec absolui nec absolui præcipimus. Dilectæ filiæ nostræ A. Reginae vxori tuæ pro xenijs nobis transmissis multimodas

multimodas gratias referimus, & tam ipsam quàm amantissimum filium nostrum **LVDOVICVM** Regem, & alios filios tuos per te in Domino salutamus. Datum Cluniaci IV. No-  
nas Februarij.

**ARCHENBALDI** *Ecclesiæ Aurelianensis*  
*Subdecani*

**HENRICO** *Archiepiscopo Senonensi.*

Ann. Chr.  
circa 1132.

**XXVI. HENRICO** Dei gratia venerabili Senonensi Archiepiscopo, Domino & Patri suo Reuerendissimo, Archenbaldus S. Crucis Subdecanus, salutem & deuotum dilectionis obsequium. Quot & quantos labores pro Ioannis Aurelianensis Archidiaconi intrusionione, & Ecclesiæ nostræ libertate pertulerimus, prudentiæ vestræ non ignotum esse credimus. Damna verò & dedecus quæ eiusdem Ecclesiæ Clerici & eorum familiæ nobis intulerunt, & quàm malè aduersum nos se habuerunt, vestræ dilectioni grauius conquerendo, vobis curauimus manifestare. Idem autem Ioannes Archidiaconus, & Bartholomeus Capicerius, & Zacharias, & Paganus Archidiaconus, & Iacobus sancti Aniani Subdecanus, & eorum familiæ tam Clerici quàm laici, violenta fraude & consilio Algrini vineas nostras & Clericorum qui nobiscum sunt & virgulta extirpauerunt, domos & graneas & torcularia combusserunt, prædas nostras rapuerunt, seruientes nostros de ciuitate expulerunt, & honoribus nostris, quos in sua protectione & custodia Domnus Papa Innocentius & antecessores eius susceperunt, nos expoliauerunt, & omnia bona nostra tam in vino quàm in annona & multis alijs, dum in reditu à Curia Domni Papæ essemus, publicauerunt. Super his autem omnibus per legatos nostros sæpe iustitiam requisiuimus, nec vllam habere potuimus. Vnde paternitatem vestram obnixè deprecamur, quatinus de malefactoribus nostris plenariam nobis iustitiam faciatis; & Ecclesiam quæ sanguinis effusione & sacrilegijs multis polluta est, cessare iubeatis: & hanc iniuriam quæ in Domnum Papam redundat vlcisci non differatis. Sciatis

Petit vt iudicium in Ioan. Archidiaconū proferat, ob damna sibi ab ipso illata, pessimèque agentē coercet. Eiusdē quoque factione necatus est paulò post idem Archenbaldus: vide. B. Bernard. ep. 161. & Pet. Vener. l. 1. ep. 17.

enim quodd ei manifestabimus. Similiter de Philippo Praecentore, & Radulfo Archidiacono, & Humberto conquerimur. Valete.

*GAVFREDI Episcopi Carnotensis.*

Ann. Chr.  
1132.

*HENRICO Archiepiscopo Senonensi.*

Orat pro  
Archembal-  
do Aurelia-  
nensi Sub-  
decano, in-  
iurijs &  
damnis af-  
fecto.

XXVII. **D**omino & Patri suo HENRICO Dei gratiâ Senonensi Archiepiscopo GAVFREDVS eadem gratiâ Carnotensis Ecclesiæ humilis Minister, salutem & devotum obsequium. Quot incommoda rerum suarum Aurelianensis Ecclesiæ Subdecanus nuper pertulerit, ipso indicante nobis plenè cognovimus; cuius anxietati quia aliud non potuimus conferre, ex fraternæ caritatis affectu non tamen debuimus non condolere. Vestra quidem interest qui Dominus & Magister super Ecclesiam Aurelianensem estis institutus, ut Clericos dissipatores & destructores rerum præfati Subdecani conveniatis, & tantæ turbationi sedulam vigilantiam adhibeatis, ne differendo vel non faciendo quod vestrum est, honorem vestrum alteri detis.

*INNOCENTII Papa II.*

Ann. Chr.  
1192.

*GAVFREDO Carnotensi, & STEPHANO  
Parisiensi Episcopis.*

Ut eidem  
Subdecano  
ac socijs  
honores &  
bona abla-  
ta restitui  
sarcant.

XXVIII. **I**NNOCENTIVS Episcopus servus servorum Dei venerabilibus fratribus GAVFRIDO Carnotensi Apostolicæ sedis Legato, & STEPHANO Parisiensi Episcopis, salutem & Apostolicam benedictionem. Prout novit vestra fraternitas, damna & iniurias dilectis filiis nostris Archembaldo Aurelianensi Subdecano, Magistro G. & eorum socijs irrogatas, & honores sibi ablatos restituendos in vestro arbitrio & æstimatione posuimus. Quod quia minime impletum esse accepimus, dilectioni vestræ mandamus atque præcipimus, ut quemadmodum benè inchoastis in nomine Domini procedatis, & eandem causam effectui mancipetis. Datum Placentiæ Nonis Nouembris.

**INNOCENTIO Papa II.**

**STEPHANO Episcopo Parisiensi.**

Ann. Chr.  
circa 1138

**XXIX.** **I**NNOCENTIVS Episcopus servus servorum Dei venerabili fratri nostro STEPHANO Parisiensi Episcopo salutem & Apostolicam benedictionem. Olim fraternitati tuæ scripsisse meminimus, quatinus Ecclesias sanctæ Genouefæ ab interdicto, quo eas alligasti, salutis iustitiâ Ecclesiæ Parisiensis absolueres. Quod profectò nondum esse impletum, tantò amplius ammiramur, quantò præfata Ecclesia sub B. Petri tutela & protectione consistit. Cuius rei gratiâ dilectioni tuæ per iterata scripta mandamus, ut Ecclesias ipsas ab eodem interdicto absoluas: postmodum verò, si quam te iustitiam habere confidis, congruo loco & tempore quod iustum fuerit consequeris. Rogamus præterea caritatem tuam quatinus si filius noster La. quem tibi procurandum commisimus, à te discessit, filio nostro Io. cognomine Piccuto in victualibus & alijs necessaria largiaris, eumque pro reuerentia B. Petri attentius habeas commendatum.

Vult ut interdictum Ecclesiæ S. Genouefæ inflictum submoueat.

**STEPHANI Episcopi Parisiensis**

**HENRICO Archiepiscopo Senoniensi.**

Ann. Chr.  
circa 1132.

**XXX.** **S**ignificauit nobis in literis vestris sublimitas vestra quod placuit: quibus obtemperare minimè contemnimus, sed terminos quos posuerunt Patres nostri antiquos transgredi formidamus. Nunquam enim reuerenda Patrum sanxit authoritas, nusquam hoc seruare consuevit antiquitas, ut aliarum Ecclesiarum causas alicui Metropolitano liceat terminare, vel sine consensu illius Episcopi, cui cura commissa est, iudicia iudicare. Vnde scribit Papa Calistus xv. à Petro, Benedicto fratri & Episcopo: *Nullus Metropolitani diocesis Ecclesiam vel parochiam aut aliquem de parochia præsumat excommunicare, aliquidue agere absque eius consilio vel iudicio: sed hoc obseruent quod ab Apostolo ac Patribus*

Probat non posse absque suo assensu Metropolitani Senonensem vocare ad tribunal suum causam cuiusdam Galonis Parisiensis Scholæ Magistri.

& Prædecessoribus nostris statutum & à nobis confirmatum est. Iterum : Si quis metropolitanus non quod ad suam solummodo propriam pertinet parochiam sine consilio & voluntate omnium Comprovincialium Episcoporum aliquid agere tentaverit ; gradus sui periculo subiacet , & quod egerit , irritum habeatur. Iterum : Nullus alterius parochiam disponat aut ordinet aut iudicet : quia sicut ordinatio , ita & ministratio & aliarum rerum dispositio prohibetur. Radulfo siquidem Bituricensi Archiepiscopo de re simili ita scribit Papa Nicolaus : Conquestus est Apostolatus nostro frater noster Sigebodus Narbonensis Archiepiscopus , quod Clericos suos eo inconsulto ad iudicium tuum venire compellas , & de rebus ad Ecclesiam suam pertinentibus eo inuito quasi iure Patriarchatus tui disponas ; cum hoc nec antiquitas , cui Patres sanxere reverentiam , habeat : & auctoritates sacrorum Canonum penitus non habeat. His igitur & alijs auctoritatibus muniti nolumus nec debemus ad præsens nostræ & Fratrum meorum Ecclesijs inauditam novitatem inducere , & earum iura antiquitus statuta permutare. Hoc dicentes non instruimus prudentiam vestram , quæ satis novit plura de paucis colligere , nec tollimus quin possint Metropolitani Episcopos comprouinciales conuocare & quæ præcipienda sunt præcipere , sed antiquum ius pro paruitate nostra volumus conservare. Vnde non satis mirari possumus quod verba G. fallacia & R. Nobis inobedientis suscipitis , cum causam istam à nobis ipsis & à religiosi viris veraciter audieritis , & manifestam eius culpam , si placet , plenius ipse cognoveritis. Pro illius itaque irratiōnabili & non canonica inuitatione ( quam nullius ponderis esse , quando & ubi oportuerit , manifestissime monstrabimus ) ante vestram , quam valde diligere & honorare volumus , præsentiam ad præsens ire visum fuit nobis non esse opus , cum per nos tam sibi quàm scholaribus suis plenariam iustitiam obtulerimus , & ad ultimum in præsentia Domni Papæ , ad quem huius causæ finis maxime spectat , inuitati fuerimus. Mandatum etenim sedis Apostolicæ habuimus , cuius auctoritate tam Algrinum quàm omnes res suas sibi retinet & munit. Insuper & Vobis & Nobis præcipitur ne super eo ab aliquo iudicetur , sed potius Apostolicæ sedis iudicio omnis eius causa decidatur. Cum igitur eius causa ad

Domni Papæ audientiam fuerit inuitata ; & à nobis, vt ante ipsius præsentiam monstrabimus, huc vsque rationabiliter sit tractata, quod iustè fecimus, saluâ reuerentiâ vestrâ, quia sine contemptu Domni Papæ facere nequimus, & eo inconsulto, relaxare non audemus. Redeat ergo ad se mansuetudo vestra, & ne in amicùm subito insurgat, indignationem suam erga nos compescat, qui sic parati sumus vestræ parere amicitiae vt honorificemus ministerium vestrum satisfaciendo iustitiæ. Valete in Domino Deo. Valete in Christo.

STEPHANI Episcopi Parisiensis.

Legato S. A.

Ann. Chr.  
circa 1132.

XXXI. **V**His literis vestris non minimùm doluimus, supra modum moti sumus suggeri vobis posse quod vos nolumus exaudire. Nouit siquidem Curia nostra, nouit Parisiensis Ecclesia, vtpote quod vidit & audiuit, quoniam literas vestras nobis missas in præsentia Galonis legi fecimus, & quod mandastis, si voluisset, fecissemus. Ipse autem non in causa sua sed in Archiepiscopi & Dapiferi filius potentia contempsit, & ad contemptum Dei & nostrum legit. Nos verò cum Rege & Episcopis habuimus consiliū quid super hoc esset agendum ; & quia iuxta eorum dictum in Clericos & Parochianos nostros sententiam dedimus ; & quia defuerunt auditores, Gualonem filere compulimus. Videat itaque dilectio, videat vestra discretio si inobedientes & idè mortuos & foetentes, quos iustè ligauimus, ante discussionem, ante satisfactionem soluere debeamus, maximè cum Domni Papæ præcepto & authoritate sententiam excommunicationis nos promulgasse constiterit. Ipse enim Dominum Algrinum suscepit in protectionem suam, & nobis iniungit vt de malefactoribus suis plenariam ei faciamus iustitiam ; & si qua fortè super eo causa emerferit, sibi emancipauit, & in Curia Romana finiendum statuit ; sicut in literis eius, quas vobis mittimus, videbitur, si diligenter inspiciantur. Et quia super Domni Papæ statuto & sententia nolumus auferre aut vnum apicem aut vnum iota, iuxta Gualonis inuitationem in festo sancti Andreæ Romam statuimus ire, si interim congrua satisfactione non deleuerit quod in nobis im-

Gualonem eiusque sectatores excommunicatos absolueri non posse ante satisfactionem contendit.

mo in Domino Papa contumaciter commisit. Quòd si vultis & si consulitis causam istam tractari in Curia vestra & vos terminare, non renuimus. Sciatis proculdubio quoniam nos temerè periculis non offerimus, immò, quantum in nobis est declinamus. Attamen & Alpium asperitatem & viæ longitudinem paruipendimus, vt primæ sedis & Romani Pontificis dignitas, quantum ad nos spectat, conseruetur; & ne in aliquo per nos Romana authoritas minuatur. Vnde Paternitatem vestram suppliciter exoramus vt quod iustè, quia Domni Papæ & Episcoporum consilio fecimus, interim stare permittatis, nec mutari præcipiatis donec in Romana aut in vestra discutiatur audientia, si consulitis, sicut diximus, & Gualo in sua pertinacia perseuerauerit, & Ecclesiæ Romanæ non satisfecerit. Scimus proculdubio & scitis pro certo quoniam Parisiensis Ecclesia & omnes personæ, vnâ exceptâ, tuebuntur eam causam si vestram peruenit ad audientiam. Et quoniam epistolari breuitate omnem negotij nostri qualitatem non possumus comprehendere, Legatos nostros, Canonicos videlicet Parisiensis Ecclesiæ dirigimus sanctitati vestræ, vt cum mora & perspicaci diligentia ius nostrum possitis ad plenum cognoscere.

*HENRICI Archiepiscopi Senonensis*

Ann. Chr.  
circa 1132.

*STEPHANO Episcopo Parisiensi.*

Monet vt  
veniat Pru-  
uinum ad  
examinandâ  
causâ Ste-  
phani Ar-  
chidiaconi  
Parisiensis.

XXXII. **D**ilectioni vestræ querimonia & clamore Domini Stephani Archidiaconi vestri compellimur scribere. Idem namque vester Archidiaconus super hoc conquerendo clamat, quòd licet Abbati S. Victoris Vicario vestro rectitudinem offerret, & per eum iustitiam exequi paratus esset: licet etiam seipsum cum omnibus suis sub protectione Domni Papæ prætenderet, idem Abbas super terram eius Interdicti sententiam posuit, vnde præfatus Archidiaconus se prægrauari dicit. Addit etiam in his se prægrauatum esse quòd à vobis iustitiam requisivit & habere non potuit de rebus Ecclesiæ Parisiensis & rebus hominum suorum violenter ablati, quamuis, sicut dictum est, sub de-



fensione Domni Papæ & custodia ipse Stephanus sit constitutus. Et quoniam in his se præ grauari sensit, ad nos clamorem fecit, & conuenientem diem & locum sibi & suis coadiutoribus tutum dari requirit. Vnde vobis & ipsi diem in Vigilia imminenti Ascensionis Domini, & Pruiinum, quia tutus locus est, locum constituimus, & vestræ dilectioni præcipimus, vt ad diem datam & locum constitutum, quantum res postulabit responsurus, veniatis; & tanquam carissimo consulimus vt Interdicti sententiam relaxetis, Valet.

STEPHANI *Episcopi Parisiensis*

HENRICO *Archiepiscopo Senonensi.*

Ann. Chr.  
circa 1131.

XXXIII. **A** Vdito clamore consanguinei vestri, Domini videlicet Stephani Parisiensis Archidiaconi aduersum nos iniuste apud vos conquerentis, diem nobis & locum tutum, videlicet Pruiinum in terra hostili statuistis, & me Suffraganeum vestrum neque viua voce neque literis prius commonitum ad executionem iustitiæ extra Metropolitanam Sedem venire præcepistis: quoniam vester consanguineus, vt dicit, à nobis iustitiam requisivit & habere non potuit. Hoc verò, si placeret vestræ Discretioni, & Metropolitanæ grauitati, etsi non potuissetis non audisse, non debuissetis credidisse, quia ei sine læsione fidei, cum homo meus sit, iustitiam denegare non potui. Et quoniam literis alternantibus ad inuicem locuti sumus, & ipsas adhuc penè omnes nos habemus, cum in commune venerit, & lætæ fuerint, aut nos, aut ipsum de mendacio arguent, & alterum erubescere cogent. Nos siquidem statim vt Parisius venimus super sacrilegio, incendijs, homicidijs, & alijs criminalibus capitalis Domini S. Archidiaconi in terra S. Germani iniuste à Clerico, iniustius à Diacono, iniustissime ab Archidiacono & Decano factis clamorem Abbatis audiui-mus; Dominum Stephanum submonuimus, diem dedimus, & quia propinquissimus ei videbatur, induciauimus, securum locum, securum conductum, Regis videlicet & Reginae, & Domni Radulphi Comititis, & nostrum ei obtulimus: & for-

Respondet  
se non po-  
tuisse à Me-  
tropolitano  
extra sedem  
Metropoli-  
tanā vocari  
ad examen  
causæ Ar-  
chidiaconi  
sui.

asse hoc modo cum eo agere est ei iustitiam denegare? Et quia in nullo, ut auditis, quantum ad hoc spectat excessimus, unde curiam nostram exire debeamus, si placet benignitati vestræ, submonitionem vestram & præceptum relaxate, quia contra honorem & dignitatem Parisiensis Ecclesiæ nec volumus nec debemus obedire. De interdicto autem, & de literis Domini Papæ sufficienter respondebitur, si Dominus Stephanus ubi iustum est causam suam tractari non dedignetur.

*GAVFRIDI Episcopi Carnotensis*

Ann. Chr.  
circa 1132.

*STEPHANO Episcopo Parisiensi.*

XXXIV. **D**E reformanda pace inter Vos & Stephanum de Garlanda dudum vobis ipso petente locuti fuimus: nunc autem quoniam audiuius quod omiſſis quibusdam quæ aduersum vos videbatur habere, pacem vestram desiderat: Sanctitatis vestræ discretionis consulumus (quem ex cordis affectu diligimus, & cui consulere nisi quod honori vestro seruiet non possumus) consulimus, inquam, & petimus ut diem ei competentem & terminum constituatis, in quo iuxta considerationem rationis pacem cum eo reformatis, quam offert vobis ad cognitionem & examinationem amicorum vestrorum, videlicet Abbatis de Claraualle. Non enim decet Paternitatem vestram oblatam pacem respuere, quam etiam non oblatam modis omnibus prouocare debetis. Nam iuxta Domini Saluatoris exemplum quem errantem debetis requirere, & ad pacis ouile vestris etiam humeris reportare. Si cum omnibus hominibus, sicut dicit Apostolus, pacem debemus habere, quanto magis cum his de quibus nos oportet Domino respondere? Unde, quod absit, si prædicti viri satisfactionem ex amicorum sententia non recipitis, certum est quod & apud Deum offensam incurritis, & amicis vestris ruborem incutitis. Valete.

Significat  
Stephanum  
Archid.  
ligere arbi-  
trum causæ  
suz Abbatis  
Clareual-  
lensem S.  
Bernardū.

Abbatum

## Abbatum, &amp; Clericorum Parisiensium

INNOCENTIO II. Summo Pontifici.

Ann. Chr.  
circa 1132.

XXXV. **D**ominus STEPHANVS Parisiensis Episcopus vocauit nos ad causam suam Parisius. Contendebat enim cum eo Theobaldus Notarius Archidiaconus suus ius Episcopi sui vsurpans sibi. Quidam Canonicus Parisiensis iter agens, in Archidiaconatu suo res suas amisit, quas ei quidam prædo rapuit, personam quidem Canonici neque læsâ neque capta. Archidiaconus vero die altera Archidiaconatum suum interdixit, & prædonem excommunicare coepit, Episcopo suo in eodem Archidiaconatu existente & inconsulto. Episcopus verò Archidiaconi sui ægrè ferens præsumptionem & contemptum, laxauit interdictum; soluit ligatum absque aliqua vocatione anathematis vinculo innodatum. Hoc forisfactum emendari sibi ab Episcopo voluit Archidiaconus, Abbatibus & Clericis, qui ad causam venerant, super hoc ammirantibus: cum potius Archidiaconi festinata interdicti præsumptio & iniusta excommunicatio puniri deberet ab Episcopo. Veruntamen audita eius pulsatione & Episcopi responsione; Nos Abbates & Clerici in partem iuimus & iniunctam sententiam Archidiaconi præsumptionem & Episcopi officium ostendente ad eam proferendam reuersi sumus. Cum verò sententia in communi audita à quodam Diacono B. MARIE Parisiensis Canonico proferri deberet, Theobaldus Romam Pontificis audientiam appellauit, in hoc dicens se grauari, quòd proferens sententiam à iudicibus iniunctam de mensa erat Episcopi. Vnde vestræ sanctitatis discretionem humiliter exoramus, quatenus sic in isto tantæ præsumptionis temeritatem compescatis vt cæteri Archidiaconi timeant, nec Episcopo præsentem & inconsulto totum Episcopatum eius interdicere, & ora omnium Sacerdotum claudere audeant, & cum iam multa præsumperint: hoc inauditum, hoc insolitum vsque ad tempora vestra facere ausi sunt. Valeat Sanctitas vestra.

Significant  
peruicaciâ  
Theobaldi  
Archidia-  
coni Pari-  
siensis erga  
Episcopum  
suum.

X

STEPHANO *Episcopo Parisiensi.*Ann. Chr.  
circa 1132.

Laudat E-  
piscopi cō-  
stantiam &  
perseueran-  
tiam ipsi sua.  
det.  
Vide S.  
Bernardi  
ep. 45.

XXXVI. **Q**uamuis Paternitatis vestræ constantiam nihil adhuc mutari nec debilitari persenserim, tamen pro vobis moræ amici sollicitus, vos moneo & remoneo ne à proposito vestro & à iustitiæ rigore declinetis, nec Ecclesiæ vestræ libertatem, quæ temporibus antecessorum vestrorum floruit, annihilari permittatis; illamque Domini-  
cam sententiam memoriter retineatis: Beati qui persecutio-  
nem patiuntur propter iustitiam: Sciatis autem me in omni-  
bus & per omnia vobiscum perseuerare, nec pro damnis, quæ mihi & hospitibus meis pro vobis contigerunt, à proposito meo pedem retrahere. Rex enim & Regina meis hospitibus XII. libras dederunt, & hoc totum pro redemptione suarum rerum abstulerunt: & mei parentes & amici Regi & Reginæ vineas meas extirpari iubentibus X. libras dederunt: & hoc totum Decani & Archidiaconorum instigatione, imo G. Succentoris nocturna susurrante peractum est. Deo vero vobis & mihi subueniente me omnia, quæcunque amiserim recuperaturum non vereor, nec vos sine me rerumque mearum recuperatione pacem recepturum arbitror. Præterea nisi vos consilio satis abundare sentirem, paruitas mea paternitati vestræ consuleret, ut Dominum Senonensem Archiepiscopum & Coëpiscopos vestros precibus vestris & amicorum vestrorum vobis alliciatis, & ad iustitiæ vestræ aggrauationem, ut in Episcopatibus suis à diuinis cessent modis omnibus impetrare non differatis, ut eiusdem iustitiæ participes vobis contra omnes subueniant, & si necesse fuerit, Romam nobiscum veniant. Valete.

STEPHANO *Episcopo Parisiensi.*Ann. Chr.  
circa 1132.

Monetur ut  
caueat sibi  
ab aduersa-  
rijs qui in  
illius necē  
cōspirant.

XXXVII. **Q**uoniam, sicut mihi testis est Deus, non ficto corde sed in veritate vos diligo, & salutem vestram non solum spiritualem sed etiam corporalem desidero: tribulationibus vestris cordis affectu condoleo, & si aliquis quod vobis nocere debeat mihi referatur, lætus au-

dire non valeo. Hac igitur erga vos caritate compulsus, quod de vobis recenter audiui, vobis insinuare non distuli. Audiui siquidem & procerto audiui quod quidam maligni & perfidi, non solum extranei sed etiam familiarissimi vestri insimul conspirauerunt, & mortem vestram iurauerunt, & vos aut impetitione aut armis interficere disposuerunt. Et ne hoc friuolum esse putetis & ideo negligatis, pro certo sciatis quia vnus eorum qui coniurationi interfuit, mihi hoc in confessione reuelauit, & vobis citò manifestare multis precibus obsecrauit. Cautè igitur de cætero vos custodite, & sicut scriptum est, à domesticis vestris caute: sed quid dico? Quid quæso valeat humana industria: si diuina non adsit custodia? ô ineffabilis pietas Dei! Ecce omnipotens Deus qui tanta vobis bona in hoc seculo contulit, qui mala vestra tandiu æquanimitè pertulit: modò in præsentì pro peccatis vestris subito & inopinatè vos percutere noluit; sed solà pietate præcedenti misericordiæ misericordiam misericorditer addidit, qui hoc quod perfidorum malitia in occulto disposuit, vobis occultum esse noluit. Quid igitur expectatis? ecce occultus Iudex arcum tetendit, sagittas parauit: & nisi citò vos conuerteritis ad ipsum, emittet sagittam & percutiet inimicum. Sed prius vos Deus sua protectione custodiat, oculos vestri cordis aperiat, cor ad poenitentiam compungat, & vos ad seipsum sine mora conuertat: qui non vult mortem peccatoris; sed ut magis conuertatur & viuat.

*Impetitus  
est hossem-  
pus à nepo-  
tibus Theo-  
baldis Arch.  
vide S.  
Bern.ep.  
158. & no-  
tas I. Pi-  
cardi.*

GAVERIDI Episcopi Carnotensis.

STEPHANO Episcopo Parisiensi.

An. Chr.  
circa 1132.

XXXVIII. **L** Iteras apud Bonam vallem accepimus die Veneris quas nobis misit vestra dilectio, in quibus nostrum colloquium die proxima Lunæ postulabatis. Quod nullomodo fieri vel grandium quæ in manibus nostris erat negotiorum multitudo vel ipsa temporis angustia patiebatur. Pontileuenses nanque monachi, quibus ut Abbatem prouideremus, Deo authore operam dabamus, grauem nobis & inauditam contumeliam irrogarunt; Abbatibus & Ar-

*Excusat se  
quod ad  
colloquiū  
non possit  
accedere.*

chidiaconis nostris, quos ad hoc ipsum illuc direxeramus, armatâ in eos manu rusticâ intentantes mortem & supplicia comminantes; & hæc interim cum aliis pluribus causa nos occupat. De eo autem vnde nos consulitis quod nobis ad præsens occurrit, vestræ fraternitati mandamus vt Curie inuitanti vos ad iustitiam, ex abundanti quidem, si saluum habueritis conductum, die competenti vestram exhibeatis personam, de his in quibus appellamini responsurus, si vobis prius facta fuerit iustitia, & expoliato restituatur inuestitura. Postea Fratrum vestrorum iudicio, si quid aduersum vos Dominus Rex habuerit, quantum res exigat, eo ordine quo debebitis, sicut pro Domino & per omnia facietis. Nos verò sicut vobis scripsimus, die proximâ Iouis apud Latiniacum vobis occurremus, & si aliquod consilium interim acceperitis, contramandate nobis.

GAUFREDI Episcopi Catalaunensis.

STEPHANO Episcopo Parisiensi.

Ann. Chr. .  
circa 1132.

Petit vt de-  
ligatè S.  
Victoris  
Cœnobio  
Canonicū  
qui insti-  
tuatur Ab-  
bas Vintu-  
æ.

XXXIX. **M**ultiplici seminario discordiæ ciuitas nostra longo iam tempore conquassata, etiam nunc in eo statu est: vt sine grandi discrimine absentiam nostram sustinere non possit. Ecce vinculum quo alligatus teneor: ecce necessitas quæ sancto Conuentui vestro non patitur nos interesse. Sed hæc hætenus. Frater & amicus noster Abbas Virtuenfis & Fratres eius loci vocauerunt nos, multo religionis desiderio, Deo gratias, accensi, vnanimiter postulantes, vt ad honorem Dei & salutem animarum suarum Pastorem eis vtilem sollicitudō nostra prouideret. Curam & administrationem Abbas ipse in manu nostra deposuit: vna fuit totius Capituli illius vox, vnanimis in præsentia nostra consensus & electio vt Pastor eis concederetur de monasterio sancti Victoris Parisiensis. Quia verò domus illius religiosas personas non cognouerunt ex nomine, nullam quæsierunt, sed sanctitatis vestræ religioni curam hanc & sollicitudinem commiserunt. Locus enim ille est vobis familiaris & religio personarum. Sanctitatis igitur vestræ prudentiæ, quā possu-

mus humilitate supplicamus vt iusto desiderio consilij & auxilij manum porrigatis. Suscipient enim cum gratiarum actione personam quam de prædicto B. Victoris monasterio electio vestra eis obtulerit.

STEPHANI Episcopi Parisiensis.

XL. **M**attheum de Montemorenciaco pro nouerca sua ad causam vocauimus, diem dedimus. Contigit autem vt ante & circa diem datum Dominus Rex esset Beluaci ducturus exercitum super Drogonem de Monciaco & Lancelinum. Videns verò Dominus Rex quòd milites, qui secum ierant, venire ad causam prænominatam disponebant ( multi enim erant ) eos retinuit, & vt causa induciaretur, nobis mandauit & rogauit. Hac igitur necessitate causâ induciatâ & die datâ, interim literis vestris nos monuistis vt Mattheum Remis Dominicâ *Gaudete in Domino* ad executionem iustitiæ ante vos submoneremus; quod & fecimus. Ipse autem dicit quòd ante vos extra prouinciam non veniet. Paratus enim & est & fuit ( quòd negare non possumus ) in præsentia vestra & vbi tutus ei sit locus in prouincia sua subire causam, & nouercæ suæ plenam exequi iustitiam. Nobis igitur, si placet, significate quid debemus facere. Parati enim sumus obedire.

S. BERNARDI *Abbati*

G O F F R I D O \* *Abbati.*

Qui postea  
Episco-  
pus Cata-  
laun. fuit.

XLI. **D**omno G O I F F R I D O Abbati sancti Medardi, frater BERNARDVS Ecclesiæ Clareuallis Ordinator incompositus, Salutem, & non in via. Primò precor vt præsentem literas Domno Abbati Aquicincti Monasterij dirigere non grauemini. Deinde vt ad id quod portant pro absente amico præsens satagatis cum venerit locus. Neque enim cuiuslibet, nedum tanti patris vel iustum vel iniustum aduersum me debet scandalum dissimulare. Quidquam non faciam, loquens potius quàm scribens ei forsitan aperire potuissem. Nam solet in talibus acceptior esse sermo viuus, quàm

Vt scandalum quod Abbas de Bernardo perperam sumpsit, amoueat.

scriptus, & efficacior lingua, quàm litera. Oculi quippe loquentis fidem faciunt dictis. Nec ita potest affectum exprimere digitus, quomodò vultus. Nunc autem quia absens per me non possum, per vos satisfacio quantum possum. Rogo ergo vos, & iterum rogo, vt de regno Dei, quod videlicet intra nos est, scandalum auferatis, dum salubriter potestis, ne si, quòd absit, vsque ad Angelos, qui vtique in fine sæculi in id ministerij deputandi sunt, perdurauerit rancor, necesse fit irreuocabiliter aut ambos aut alterum è nobis è medio tolli. Vnde autem ad me vos iam dudum scripsistis conquerendo super tribulationibus vestris, scitis quia iuxta est Dominus his qui tribulato sunt corde. De ipso confidite, quia ipse vicit mundum. Ipse scit inter quos habitatis, & in conspectu eius sunt omnes qui tribulant vos. Ipse exaudiet vos in abscondito tempestat, qui nunc probat ad aquas contradictionis. Valete.

*EIVSDEM**Rainaldo Abbati.*

Abbatem  
laudat de  
prudencia  
& benigni-  
tate.

XLII. **D**Omno Abbati RAINALDO Frater BERNARDVS, quicquid sibi cupit gratiæ spiritualis. Laudo prudentiam quâ Monachum propter nouicium tristere timuistis; sed magis approbo humilitatem quâ factam vobis iniuriam, & tam grandem iniuriam, tam patienter tulistis. Incomparabiliter autem præfero charitatem, quâ calamum quassatum non patiendo conteri, nostrum expetere consilium ei suadere curastis. O prudens humilitas, humilisque caritas, sic parcens Monacho iniurianti, vt non deesset nouicio fluctuanti. Quantum ergo potui confirmatum, & omnia quantum reor, de quibus notatus est, emendare paratum, ad vos eum remitto, tam probatæ vestræ benignitati consulens, etsi necesse est, supplicans, vt recipiatur, vt tamen prædictus frater, cui & literas proinde precatorias misi, à sua priori, si fieri potest, sententia flectat. Valete.



E I V S D E M

*Ad Dominum Papā INNOCENTIVM pro ARNVLPHO  
Lexouienſi Epifcopo electo.*

**XLIII.** **A** Mantiffimo Patri & Domino Dei gratia ſummo Pontifici INNOCENTIO, BERNARDVS Clareuallenfis vocatus Abbas, modicum id quod eſt. Benedictus Deus & Pater Domini noſtri Ieſu Chriſti, qui Eccleſiam ſuam, immaculatam ſponſam dilecti Filij ſui, in diebus noſtris liberam, & abſolutam à tribulationibus maiorum cuſtodiuit & dolore: ſchiſmata corruerunt, hærefes fluerunt, ſuperborum & ſublimium colla calcantur. Et quidem in ſchiſmate vidi impium ſuperexaltatum, & eleuatum ſicut cedros Libani, & tranſiui, & ecce non erat. In hæreſi multorum rediuiui pullulabant errores, ſed obſtructum eſt os loquentium iniqua. Tyrannus Siciliae extulerat in altum cor ſuum, ſed iam humiliatur ſub potenti manu Dei. Nullus gradus prætermiſſus eſt, de quo non acceperit victoriam per vos Eccleſia Dei, in manu potenti & in brachio excello. Super eſt tamen in tertio gradu Comes Andegauenſis malleus bonorum, oppreſſor pacis & libertatis Eccleſiae: perſequitur Eccleſiam Lexouienſem non vt introitum habeat paſtor Eccleſiae illius in ouile ouium niſi aliunde: Sed quod factum eſt non poteſt non fieri. Denique ſi res ipſa habeat diligentem inſpectorem, & prudenter examinetur ad commodum cauſae, & ad rei geſtæ confirmationem, omnia cooperantur in bonum, perſona, negotium, auctor operis, impugnator. Si enim ad perſonam reſpicias, hic eſt filius tuus dilectus in quo tibi complacuit. Si ad negotium, ordine integro, & canonica libertate conſummatum eſt. Si ad auctorem operis, vir religioſus eſt, & timens Deum. Si ad operis impugnatorem, ecce homo qui non poſuit Deum adiutorem ſuum, hoſtis Eccleſiae, inimicus crucis Chriſti. In omni ſiquidem negotio validiſſimum argumentum eſt ad faciendam rei dubiae fidem, id ſemper eſt melius quod placeat bonis, malis autem diſpliceat. Sed appellauit ſedem Apoſtolicam Comes

Andegauensis. Quare obsecro? quâ læsione? quo grauamine urgente? non quia opprimeretur, sed quia opprimeret; non vt iniuriam suam releuaret appellationis remedio, sed vt benedictionem istius obstaculo appellationis impediret. Cùm itaque & religio promouentis, & promoti dilectio, & causæ iustitia confluant in vnum, superfluum videtur & vanum rogare pro eo, vbi eius humilitas postularit. Loquar ergo ad Dominum meum cùm sim puluis & cinis. Loquar seruus sponsæ adamicum sponsi, iocundum sit ei eloquium meum. Tibi Domine commissæ est Ecclesia à solis ortu vsque ad occasum; tu ei debes esse murus & antemurale à facie inimici & persequentis, tu debes fouere filios eius sub vmbra alarum tuarum. Suscipe Lexouensem Episcopum vterinum filium Romanæ Ecclesiæ, & remitte eum in benedictionibus dulcedinis, nequando dicat inimicus eius: præualui aduersus eum. Accingere gladio tuo, Pater, ad exaltationem filij, ad depressionem inimici, ad conseruandam Ecclesiæ libertatem. Non enim sumus ancillæ filij, sed liberæ, quâ libertate liberauit nos Christus.

*Fundatio Monasterij B. MARIE de Sylua regali diac.  
Arelatensis, Ord. Cist.*

Ann. Chr.  
1194.

XLIV. **S**It notum cunctis præsentibus & futuris; quòd Sego ILDEFONSVS Dei gratia Rex Arragonum, Comes Barcenoniæ, & Marchio Prouinciæ, pietatis intuitu, & remedio animæ meæ & parentum meorum, per me, & per meos omnes successores in perpetuum dono, concedo, & præsentì scripto roboro, & auctorizando confirmo Domino Deo, & Monasterio Cisterciensi, & tibi STEPHANO Abbati, & PETRO Priori, cæterisque Monachis, totique Conuentui præsentì & futuro; totam syluam de Albarono ad ædificandum ibi Monasterium Monachale in honorem Beatæ MARIE semper Virginis, cum omnibus terris, & pertinentiis suis, cum omnibus directis & iuribus nostris, quæ ibi habeo vel habere debeo, taliter quòd vos dicti Monachi præsentès & futuri per infinita sæcula, dictam syluam francam, liberam, immunem, cum pascuis, aquis, venationibus, laborationibus,

borationibus, & omnibus arboribus diuersi generis, & cum omnibus illis quæcumque ad vsum & seruitium hominis vtuntur, vel vti possunt, tam in terra, quàm in mari; tam in aquis dulcibus, quàm in salis habeatis, teneatis, possideatis, & explecetis vos & omnes successores vestri in perpetuum & proprium alodium, & libertatem; ita tamen quod in generali Conuentu vestro singulis diebus in Sacro-sanctis mysteriis quæ celebraueritis propriam pro anima mea, & parentum meorum soluatis orationem in perpetuum, tam in vita, quàm in morte: audito autem decessu mei, vnusquisque Sacerdos per se triginta Missas celebret, & singulis annis in anniuersario meo singuli tres Missas; Et si in prædicta donatione naufragium euenerit, illud soluo & relaxo. Retineo autem in prædicta donatione mihi & successoribus meis quod si nobis fusta fuerit necessaria pro constituendis & ædificandis domibus, lignis seu ingeniis, seu pro aliis ingeniis nostris, habeamus inde fustam, & possimus eam inde extrahere, cum vobis sigillo nostro & proprio nuntio nostro significauerimus. Vt autem Donatio firma, stabilis, & quieta per me & successores meos vobis præsentibus, & futuris in perpetuum liberè permaneat, Ego ILDEFONSVS manu mea signo, confirmo, & cereo signo sigillo meo signari mando.

Ego autem STEPHANVS Dei gratia Abbas, & PETRVS Prior & totus Conuentus noster accipimus vos Dominum Ildefonsum Regem participem omnium beneficiorum nostrorum, & conuenimus vobis singulis diebus pro anima vestra tam in vita quàm in morte in perpetuum, & pro anima parentum vestrorum, propriam in Sacro-sanctis mysterijs soluere orationem: audito autem decessu vestro conuenimus vobis quod vnusquisque Sacerdos illa die pro salute animæ vestræ triginta celebret Missas, & vnoquoque anno in die anniuersarij vestri vnusquisque Sacerdos tres celebrabit Missas. Quod est actum prima die Martij anno Dominicæ Incarnationis Millesimo Centesimo Nonagesimo quarto, & in Ciuitate Arelateni scriptum.

Signum ILDEFONSI Regis Arragonum, Comitum Barcenoniæ, & Marchionis Prouinciæ. Testes huius donationis sunt BERENGARIVS de Porcella, Assalitus & G. Arbanes

Procuratores in Prouincia ; P. de Altalono ; Pontius de Brugeris Baiulus ; Ioannes de Arcazona Baiulus in Aquis ; B. Prior S. Sepulchri & Domini Regis Capellanus ; G. Bernardi de Aquis ; Frater B. Eleemosynarius ; Frater P. Isnardus Monachus ; Giraldu Conuersus.

*STEPHANI Cantuariensis Archiepiscopi,*

*Serenissimo Domino IOANNI Dei gratia Anglorum  
Regi, STEPHANVS Cantuariensis Archie-  
piscopus in Domino salutem, & pietatis  
visceribus abundare,*

Ann. Chr.  
1205.

Quodd Rex  
non permi-  
serit posses-  
sione inire  
Archiepisc-  
copatus, in-  
terdicto  
subiectum  
est Regni.

**XLV.** **R**egnū diu stare non poterit, cuius statum vera Regis clementia non communit. Largiente clementia Redemptoris, licet merita nostra non exigere viderentur, personam nostram fratrum electio generalis Cantuariensi Cathedræ subrogauit. Et licet consecrationis beneficium simus per Apostolicæ sanctitatis ministerium assecuti; fortè, peccatis nostris exigentibus electioni nostræ Regalis intuitus non consentit, & ad Ecclesiam, ad quam vocati sumus, accessum habere liberum non permisit. Propter repulsam à nobis factam in vniuersos fines Anglicæ regionis generale promulgauimus interdictum, quod in dispendium animarum quibus Iurisdictione regia præsidetis, & in vestræ Maiestatis ignominiam perdurauit. Et cum nos visceraliter doleamus super tanti continuatione dispendij, vos qui regere debetis in virga ferrea, deberetis super interdicto multò districtius perturbari. Cum igitur vestrum Regnum vallare deberet exuberantia pietatis, maiestatem vestram suppliciter exoramus, quatenus nobis tranquillum præbeat introitum: & nos ad Dei laudem, ad vestræ gloriæ maiestatis relaxabimus interdictum.

IOANNIS Regis, STEPHANO Cantuar. Archiep.

IOANNES Dei gratia Anglorum Rex STEPHANO dicto  
Cantuariensi Archiepiscopo salutem.

XLVI. **R**euocari debet in irritum omnis electio, quam pars maior & sanior consensus sui non roborat fulcimento. Cum ex generali consensu Capituli te promotum in Cantuariensem Archiepiscopum protesteris, & per manum summi Pontificis consecratum: nos promotioni tuæ, sicut proponis, duximus resistendum, ingressum tibi liberum prohibentes; & nunc pia sollicitudine flagitasti, quod tibi velimus consensum liberum impertiri, cum sis reuocaturus sententiam interdictionis. Tuis quidem propositionibus respondentes, te minus electum Canonicè protestamur; quia liquet & in Iuris corpore continetur, quod maiore vel saniore parte non consentiente, nulla censetur electio. Propter quod quicquid circa te factum est reputari debet penitus pro infecto. Cum igitur in terra nostrâ sententia videatur non legitimè promulgata, cum excommunicandi non habeas potestatem, tibi mandamus quatenus si quid Iuris habeas in electione quam asseris esse factam, cures attentius resignare; sciturus quod ad honorem Regiæ Maiestatis, & fortè non ad damnum tuum, Ecclesiæ Cantuariensi curabimus providere.

Nullâ Ste-  
phani ele-  
ctionē Rex  
declarat.

GREGORII Papæ IX.

Ad Archiepiscopum Arelat. & Episcop.  
Arauscanum.

Ann. Chr.  
1230.  
d. 22. Julij.

XLVII. **G**REGORIUS Episcopus seruus seruorum Dei, Venerabilibus fratribus Archiepiscopo Arelatenſi, & Episcopo Arausicensi, salutem & Apostolicam benedictionem. Ad audientiam nostram peruenit, quod nobilis vir R. Comes Tholosanus, & nobilis mulier S... vxor sua nequaquam cohabitant vt tenentur, neque sibi mutuò affectus exhibent coniugales. Quia verò ex hoc graue potest

Vt Comitē  
Tolos. &  
cuius vxorē  
in amicitia  
reducere  
conentur.

Y ij

scandalum suboriri, & vtrique imminere periculum animarum, fraternitati vestræ per Apostolica scripta mandamus, quatenus eos simul vt cohabitent, & sibi mutuò coniugales affectus exhibeant, moneatis prudenter, & efficaciter inducatis eos ad id si necesse fuerit per censuram Ecclesiasticam appellatione postposita compellendo. Quòd si alterutra partium ad hoc impedimentum obiecerit, vos audiat hinc inde proposita, & si de partium voluntate processerit, causam sine debito decidatis: alioqui quæ inueneritis nobis fideliter intimetis, vt procedamus exinde prout secundum Deum vtriusque salutis & honori videbimus expedire. Datum apud Cryptam ferratam XI. Cal. Aug. Pontificatus nostri anno quarto.

*E I V S D E M*

Ann. Chr.  
1230.  
d. 18. Sept.

*PETRO S. A. Legato.*

Mandat vt  
diligenter  
Legatus in-  
quirat an  
Comesante  
obitum in-  
dicia pœni-  
tentie exhi-  
buerit.

XLVIII. **G**REGORIUS Episcopus seruus seruorum Dei, dilecto filio Magistro PETRO de Collemedio Capellano nostro, Apostolicæ sedis Legato, Salutem & Apostolicam benedictionem. Exposuerunt nobis Nuntij Nobilis viri Comitis Tholosani, quòd licet in ipsius Patre, qui ante reconciliationem terræ decessit, indicia pœnitentiæ in mortis articulo apparuerint manifesta, nec per eum steterit quominus reconciliatus fuerit Ecclesiasticæ vnitati; corpus tamen eiusdem adhuc extitit inhumatum; vnde ex parte ipsius Comitis suppliciter petebant à nobis, vt cùm sacramentum non contemptus Religionis, sed articulus necessitatis exclusit; & Ecclesiæ iudicium, diuinum debeat imitari; mandaremus defunctum, qui propter hoc habendus est ab Ecclesia sicut apud Deum fuisse creditur absolutus, in Cimiterio Ecclesiastico sepeliri. Quocirca discretionis tuæ per Apostolica scripta mandamus, quatenus diligenter super hoc veritatem inquiras, eam nobis fideliter rescripturus. Datum Anagninæ XIV. Kal. Octobris, Pontificatus nostri anno quarto.

*In eundem modum scribit Episcopo Tolosano & Abbati Grandi-  
Synæ. Dat. Anagnia VII. Kal. Octobris Pontificatus anno IV.*

EIVSDEM

PETRO DE COLLEMEDIO.

Ann. Chr.  
1230.  
d. 9. Iulij.

XLIX. **G**REGORIUS Episcopus seruus seruorum Dei dilecto filio Magistro PETRO de Collemedio Capellano nostro Apostolicæ sedis Legato, Salutem & Apostolicam benedictionem. Venientes ad præsentiam nostram Nuntij nobilis viri Raimundi Comitis Tholosani, ex parte ipsius deuotè à Nobis & suppliciter petierunt, vt tam super passagio suo & suorum in subsidium terræ sanctæ, quàm super summa decem millium marcarum, in qua Ecclesiis prodamnorum restitutione tenetur, sibi inducias de solita benignitate sedis Apostolicæ concedere dignaremur; cùm de nouo reconciliatus sanctæ matri Ecclesiæ de terra sua, sicut oportet, disponere non potuerit; & de transitu suo, cùm non inisset modo passagium, prouenire nequiret vtilitas quæ spectatur; nec termino assignato, scilicet proximè venturo festo Resurrectionis Dominicæ illuc valeret, prout eum decet, accedere, cùm terra sua nimium exhausta facultatibus infra tam breue spatium non sufficeret ad expensas necessarias ministrandas. Volentes autem dicto Comiti iuxta feruorem deuotionis suæ, quam habere dicitur ad Deum & Ecclesiam, gratiam, quam cum Deo possumus exhibere, super solutione summæ præfatæ, vsque ad beneplacitum nostrum ei duximus terminum prorogandum; Discretionis tuæ per Apostolica scripta mandantes, quatenus inquisitâ super hac concedenda sibi dilatione passagij voluntate Illustrium Regis & Regina Francorum, & habito prælatorum ac Baronum, ac aliorum bonorum virorum, quos videris expedire consilio: consideratis quoque statu ipsius Comitis & terræ suæ, aliisque circumstantijs vniuersis, quas inueneris, nobis studeas transmissis singulorum consilijs fideliter intimare, vt per tuam relationem instructi, super hoc securiùs disponere valeamus. Datum Anagninæ vii. Id. Iulij. Pontificatus nostri anno quarto.

Vt Raymundo Comiti Tolosano terminus solutionis 10. mil. marcarum & itineris Ierosolymitani prorogetur.

Nempe S. Ludouici & Blanchæ matris eius.

*Isdem verbis & sensu scribis Archiepiscopo Senonensi, ac Parisensi & Carnotensi Episcopis. Dat. Anagnia X. Kal. Octob. Pontif. anno IV.*

*EIVSDEM*

Ann. Chr.

1231.

d. 2. Janu.

*Ad Comitem Tolosanum.*

Vt Ordini  
Cister. de-  
bitam pecu-  
niæ summā  
soluat.

L. **G**REGORIUS Episcopus servus servorum Dei Dilecto filio nobili viro Comiti Tholosano Salutem, & Apostolicam benedictionem. Significante dilecto filio Abbate Cisterciensi nos noueris accepisse, quod tu quandam summam pecuniæ, in qua Cistercio & quibusdam aliis Monasteriis ordinis Cisterciensis teneris, sicut in literis super compositione pacis inter te ex vna parte, & Ecclesiam ac carissimum in Christo filium nostrum Illustrem Regem Franciæ ex altera, per dilectum filium nostrum ROMANVM sancti Angeli Diaconum Cardinalem, tunc Legatum Apostolicæ sedis reformatam plenius dicitur contineri, detines pro tuæ arbitrio voluntatis & eis soluere contradicis. Quare à nobis humiliter postulabat, vt tibi super hoc preces nostras & literas dirigere dignaremur. Nos igitur eius deuotis precibus inclinati nobilitatem tuam rogamus, monemus attentius, & hortamur, per Apostolica scripta mandantes, quatenus iam dictam pecuniam monasterijs sine difficultate qualibet, vt teneris, restituas memoratis: alioquin noueris nos venerabili fratri nostro Episcopo Tornacensi, Apostolicæ sedis Legato nostris dedisse litteras in mandatis, vt te ad id, si necesse fuerit, per censuram Ecclesiasticam appellatione remota, cognita veritate compellat. Datum Laterani iv. Nonas Ianuarij, Pontificatus nostri anno quarto.

*EIVSDEM*

Ann. Chr.

1231.

d. 23. Oct.

*Ad Comitem Tolosanum.*

Monet Co-  
mitem vt  
penas infli-

LI. **G**REGORIUS Episcopus servus servorum Dei, Dilecto filio nobili viro Comiti Tholosæ Salutem, & Apostolicam benedictionem. Horrendum facinus quod



BERNARDVS Conuenarum, & quidam alij Vassalli tui in IESV Christi opprobrium attentarunt, ipsum Christum sine dubio prouocat, & prouocare debet homines contra eum; ipsum querere reddere vniuersis odibilem qui Deum timent, & homines reuerentur. Sicut enim dilecti filij Abbas & conuentus Conchensis graui nobis conqueſtione monſtrarunt, jidem vassalli quemdam eorum Monachum Subdiaconum iuxta altare constitutum, ausu sacrilego capientes; ac eum, Crucifixum & Eucharistiam amplectentem, lethaliter vulnerantes, & extrahentes ab Ecclesia violenter ipsum in IESV Christi, & totius Cleri contumeliam in patibulo suspenderunt. Et licet quidam Eremita semiuuium eundem de patibulo deposuisset eodem; ipsi tamen eum iterum suspendentes, in iis & aliis, eis graues & iniuriosi existunt. Quia igitur tantam Dei & Ecclesiae iniuriam non possumus, sicuti nec debemus, æquanimiter sustinere, Nobilitatem tuam rogamus, & monemus attentè, per Apostolica tibi scripta mandantes, quatenus cum iniuria huiusmodi Dei potius quàm hominis censeatur, pungat cor tuum tui contumelia Creatoris; & sic huiusmodi sacrilegos tradita tibi potestate castiges, ac facias eisdem Abbati & Conuentui de illatis iniurijs satisfactionem congruam exhiberi; quòd per hoc crescas & nomine apud homines, & merito apud Deum. Datum Reate x. Calendas Nouembris, Pontificatus nostri anno quinto.

gi euret ijs  
qui Monachum Conchensem morte crudeliter affecerunt.

*Abbas ac Conuentus Conchensis, RAIMVND*  
*Comiti Tolosano.*

LII. S Erenissimo Domino RAIMVND O Dei gratia Comiti Tholosano, VESIANVS Dei miseratione Sanctæ Fidis de Conchis Abbas, & eiusdem loci Capitulum, Salutem, & pro ipso preces effundere ad Dominum IESVM Christum. Excellentiae vestrae tenore praesentium innotescat, quòd nobilis vir BERNARDVS de Conuenis & vxor eius BLANCA nomine, super iniurijs quas nobis & nostro monasterio irrogauerant, tam super morte IOANNIS Monachi nostri, quàm super aliis clamoribus, quos de ipsis facere poteramus, ita nobis & monasterio nostro pro se, & suis compli-

Orant vt  
Comiti  
Bernardo,  
quippe qui  
pro damnis  
illatis satisfecerat,  
dominium  
restituatur.

cibus, auxiliatoribus, & fautoribus, qui interfuerunt morti Monachi supradicti, plenariè satisfecerunt, & quòd inde de ipsi pacati sumus meritò & contenti, quamdiu compositionem, quæ facta est inter nos & ipsum, & scripta per manum VV. Sancti Pauli publici Notarij Tholosæ, ipsi & successores eorum integrè obseruabunt; & inde Deo & vobis gratiarum referimus actiones. Cùm igitur ad cor redeuntibus sit parcendum, Dominationem vestram, quantum possumus, deprecamur, vobis humiliter supplicantes, quatenus intuitu misericordiæ & pietatis, & precum nostrarum obtentu agentes misericorditer cum eisdem, terram suam misericorditer eisdem restituere dignemini, ita quòd à Deo & hominibus possitis super hoc meritò commendari. Datum Conchis Sabbato ante Carnispruium.

*GREGORII Papa IX.*

*Episcopo Tornacensi.*

Ann Chr.

1232.

d. 18. Febr.

Vt benignè  
se in Comi-  
tem Tolos.  
gerat, effi-  
ciatque vt  
idipsum  
agant Epif-  
copi.

LIII. **G**REGORIUS Episcopus seruus seruorum Dei, Venerabili Fratri Episcopo Tornacensi, Apostolicæ sedis Legato, Salutem & Apostolicam benedictionem. De parte Dilecti Filij Comitis Tholosani nobis est oblata querela, quod cùm ipse in firmo proposito, & summo gerat desiderio inflexibiliter permanere in deuotione sedis Apostolicæ matris eius; super quo turbati plures tanquam non valentes, cùm in se mali sint, aliorum bonitatem in patientia sustinere, ipsum ab intentione sua laudabili retrahere moliuntur. Quidam terræ suæ Prælati hoc nolentes attendere, in proferendo in eum excommunicationis sententiam nimis faciles & præcipites se ostendunt: contra quos dictus Comes humiliter petijt per nostram sollicitudinem prouideri. Quia verò non modicum expedire dinoscitur, vt ad augmentandum in ipso pietatis affectum quasi noua plantula benignitatis foueatur irriguo, & dulci lacte Ecclesiæ recreetur: fraternitati tuæ per Apostolica scripta mandamus, quatenus in lenitate ac mansuetudine tractans eundem, & ad hoc ipsum prædictos Prælatos inducens, nihil ab eis per-  
mittas

mittas in eius grauamen aut contumeliam attentari. Datum Reate XII. Kal. Martij, Pontificatus nostri anno quinto.

*EIVSDEM*

*Ad LVDOVICVM Regem Franc.*

Ann. Chr.

1232.

d. 4. Martij

LIV. **G**REGORIUS Episcopus seruus seruorum Dei Carissimo in Christo filio LVDOVICO Regi Francorum illustri, Salutem & Apostolicam benedictionem. Litteras, quas pro dilecto filio nobili viro Comite Tholosano super terra, quam Romana Ecclesia citra Rodanum ad manus suas retinuit, Regalis nobis excellentia destinauit, solitæ benignitatis affectu recepimus; & quæ continebantur in eis intelleximus diligenter. Sanè illius testimonium inuocamus, qui testis est in cœlo fidelis, quòd licet Ecclesia Romana prædictam terram, in qua infinitis angustijs, & expensis innumeris multorum sanguine hætenus extitit laboratum, ad manus suas duxerit retinendam, ne reprobis repetentibus vel irruentibus in eandem fieret durior post prosperitatem aduersitas: non tamen intendimus terram illam propriis vñibus applicare; non in ea priuatum prosecuti fuimus interesse, nullam in retentione ipsius vtilitatem quæsiuimus temporalem, cum sit negotium pacis & fidei; & Dei sit causa quam agimus, & spirituale duntaxat in hoc commòdum attendamus. Sed cum illius terræ conuersio adeò sit adhuc recens & tenera, quòd ex mutatione subita facilè posset incurrere reoidium, & recidiui languores interdum esse soleant prioribus grauiore; accuratâ est sollicitudine præcauendum, ne morbus, qui tam grauiter Christi maculauit Ecclesiam, iterum postquam curatus est, in ipsius possit resuere corruptelam. Quantum claræ memoriæ L. Rex Francorum pater tuus in præmissis negotio laborauit, ad cuius prosecutionem de suis liberaliter contulit, & tandem se liberaliùs adiecit, vitæ vitam offerens, vt viueret in Christo post mortem? Quot inclyti in prosecutione ipsius negotij de regno Francorum ceciderunt? Quanto sudore laboratum est, & quanto labore sudatum, vt terra illa conuersa in falsuginem à malitia in-

Rationem reddit cur Ecclesia Romana detineat Comitatus Venasce-num.

Z

habitantium in ea, bellis attrita continuis, & hæreticæ prauitatis erroribus inuoluta & ab huiusmodi respiraret angustijs, & contagijs purgaretur? Quanta strages populi Christiani, quot animarum pericula, Ecclesiarum destructio, Religioforum locorum excidium, damna rerum, & expensarum dispendia, occasione præfati negotij, peccatis exigentibus sunt secuta? & utinam esset adhuc dictum negotium a deo solidatum, quod ex nulla parte status eius penitus fluctuaret. Nunquid non grandi cautela opus est, ne tot impensæ perdantur? Nunquid verò nobis siquid inde sinistri, quod absit, accideret, posset non immeritò imputari? Nunquid formidare non immeritò possumus præteritis futura pericula grauiora? Et ideo quantumcunque dictum Comitem, sicut specialem Apostolicæ sedis filium syncerâ diligamus in Domino caritate, & ad incrementum & exaltationem ipsius libenter, si per eum non steterit, aspiremus, paternæ circa eum sollicitudinis gerentes affectum; expedit tamen vt in tanto negotio non nisi circumspecta deliberatione præhabita procedatur.

Verum quia nobis quid super hoc magis expediat negotio memorato, fieri non potuit plena fides, Venerabili fratri nostro Episcopo Tornacensi, Apostolicæ sedis Legato, nostris damus literis in mandatis, vt vocatis Archiepiscopis, Episcopis, Abbatibus, & aliis Ecclesiarum Prælati, qui in sua legatione consistunt, & cum eis super præmissis & eorum circumstantijs vniuersis deliberatione habita diligenti, consilium quod super his datum fuerit, nobis studeat suis litteris fideliter intimare, vt procedamus exinde prout secundum Deum videbimus expedire melius. Ipsius itaque habita responsione Legati sic Deo propitio in præmisso negotio procedemus, nihil de contingentibus obmittendo, quod Deo pro posse satisfaciemus, & homini, ac tuæ Serenitati gratum esse poterit & acceptum. Datum Reate iv. Nonas Martij, Pontificatus nostri anno quinto.

## EIVSDEM

Ad Reginam Franc.

Ann. Chr.

1232.

d. 4. Mart.

LV. **G**REGORIUS Episcopus servus servorum Dei; Carissimæ in Christo filiæ Reginæ Francorum illustri Salutem & Apostolicam benedictionem. Literas quas pro dilecto filio nobili viro Comite Tholosano super terra, quam Romana Ecclesia citra Rodanum ad manus suas retinuit, Regalis nobis excellentia destinavit, solitæ benignitatis affectu recepimus, & quæ continebantur in eis intelleximus diligenter &c. *ut in proximè relata epistola.* Datum Reate IV. Non. Martij, Pontificatus nostri. an. V.

Reginæ  
scribit ad  
modū prioris  
Epistolæ.

## EIVSDEM

Ad Comitem Tolosanum.

Ann. Chr.

1232.

LVI. **G**REGORIUS Episcopus servus servorum Dei, Dilecto filio nobili viro Comiti Tholosæ Salutem & Apostolicam benedictionem. Non est de arbore dubitandum, cum de fructu constiterit; nec de illius intentione quærendum, qui nihil agit in tenebris, sed in luce ut eius sint opera manifesta; cum in actibus suis non dubiæ præsumptioni sit locus sed experientiæ certæ credatur. Sanè quam intentionem in facto tuo gesserimus hætenus & geramus, licet non pepercerimus virgæ ut filium lucraremur, operis exhibitio manifestat. Paternæ siquidem erga te sollicitudinis gerentes affectum, te sicut specialem Apostolicæ sedis filium sincera diligimus in Domino caritate, ad incrementum & exaltationem tuam si per te non steterit, aspirantes. Cæterum licet Ecclesia Romana terram citra Rodanum, pro qua tibi restituenda Carissimi in Christo filij nostri, FREDERICVS Romanorum Imperator semper Augustus, Ierusalem & Siciliæ Rex; ac Rex & Regina Francorum Illustres nobis humiliter supplicarunt, in qua infinitis angustiis & expensis innumeris, multorum sanguine hætenus extitit labo-

Eiusdem  
argumenti.

Z ij

raturum, ad manus suas duxerit retinendam, ne reprobis repentinis vel irruentibus in eandem fieret durior post prosperitatem aduersitas : Illius tamen testimonium inuocamus qui testis est in coelo fidelis, quod non intendimus terram illam proprijs iuribus vel vsibus applicare, non in ea priuatum profecuti fuimus interesse, nullam in retentione ipsius utilitatem quaesiuimus temporalem, cum sit negotium pacis & fidei, Dei sit causa quam agimus, & spirituale in hoc duntaxat commodum attendamus. Verum quia nobis quid super hoc magis expediat negotio memorato, fieri non potuit plena fides : Venerabili fratri nostro Episcopo Tornacensi, Apostolicæ sedis Legato damus nostris literis in mandatis ut vocatis Archiepiscopis, Episcopis, Abbatibus, & alijs Ecclesiarum Prælati, qui in sua legatione consistunt, & cum eis tam super præmissis, quam super prorogatione termini de transfretando in subsidium terræ sanctæ quam iidem Rex & Regina pro te à nobis fieri postularunt, & eorum circumstantijs vniuersis deliberatione habita diligenti, consilium quod super iis datum fuerit, nobis studeat suis litteris fideliter intimare, ut procedamus exinde prout secundum Deum videbimus melius expedire. Ipsius itaque habita responsione Legati sic Deo propitio in præmissis negotio procedemus, nihil de contingentibus obmittendo, quod Deo pro posse satisficiemus & homini, & tua deuotio poterit non irrationabiliter acceptare. Tu autem in nostra & Ecclesiæ Romanæ deuotione ac fidei puritate persistas, cum possis firmiter credere ac sperare quod tibi sit deuotionis & fidei tuæ synceritas responsura. Datum Reate iv. Nonas Martij, Pontificatus nostri anno quinto.

E I V S D E M

*Episcopo Tornacensi.*

Ann. Chr.  
1232.  
d. 12. Mar.

Hortatur  
Legatū ut  
beneuolē se  
gerat erga  
Comitem.

LVII. **G**REGORIUS Episcopus seruus seruorum Dei, Venerabili Fratri Episcopo Tornacensi, Apostolicæ sedis Legato, Salutem & Apostolicam benedictionem. Et verbera Patris & vbera matris Apostolica sedes habere dinoscitur, dum & patris rigorem obseruat & matris

non deserit lenitatem ; Sic vtrumque condiens ne crudelis sit rigor, nec lenitas dissoluta, & sic vicissim alterum altero recompensans, vt nec parcat virgæ dum diligit, nec dum corrigit in caritate frigescat, sed seruet in ira misericordiam, & in beneuolentia disciplinam. Licet igitur dilectus & Nobilis vir Comes Tholosanus aliquando elongatus à nobis in regionem dissimilitudinis aberrasset ; quia tamen illo faciente cum eo signum in bonum qui neminem à misericordia sua repellit, recurrens ad vbera sanctæ Ecclesiæ matris, quæ ipsum desiderat lacte dulci nutrirî ; Nos paternæ circa eum sollicitudinis gerentes affectum, & ipsum sicut specialem Apostolicæ sedis filium syncerâ diligentes in Domino caritate, ad incrementum & exaltationem suam, si per eum non steterit aspirando, fraternitati tuæ per Apostolica scripta mandamus, quatinus eundem Comitem habens pro nostra & Apostolicæ sedis reuerentia propensius commendatum, iura sua sic conferues illæsa, sicut Ecclesiastica vis illibata seruari. Datum Reate iv. Idus Martij ; Pontificatus nostri anno quinto.

E I V S D E M

*Ad Comitem Tolos.*

Ann. Chr.  
1233.  
d 30. April.

LVIII. **G**REGORIUS Episcopus seruus seruorum Dei, Dilecto filio & nobili viro Comiti Tholosano Salutem, & Apostolicam benedictionem. Olim operante illo qui vult omnes homines saluos fieri, & neminem vult perire, per ministerium dilecti filij nostri Romani Portuensis Electi, tunc in illis partibus Apostolicæ sedis Legati, inter Ecclesiam & te pace, diuinâ præeunte gratia, reformatâ ; dictus Legatus tam prouidè quàm prudenter attendens quòd fides Catholica, quæ penè penitus videbatur de illis partibus profligata, inibi resflorere valeret, si illic literarum studium crearetur, duxit prouidè statuendum, vt in Tholosana ciuitate cuiuslibet licitæ facultatis studia plantarentur ; quorum Magistris, vt liberiùs possint vacare studiis & doctrinis, à te fuit promissum certum salarium & statutum. Vnde nos quod super præmissis factum est gratum & ratum habentes ; vt eâ,

Confirmat  
institutam  
Tolosæ  
Academiã.

Z iij

quâ gaudent Parisienses scholares, perpetuò Magistri scholares Tholosæ, & omnes qui eis successerint in hac parte, gaudeant libertate ipsis duximus concedendum.

Statuta  
quædam.

Statuimus nihilominus, vt ciues Tholosani domos vacantes ad inhabitandum scholaribus pro|competenti pretio taxando à duobus Clericis & totidem laïcis, viris discretis, Catholicis, & iuratis, communiter electis ab ipsis locare cogantur.

Sancimus præterea quòd nulli Magistri, & scholares, vel Clerici ac seruientes eorum, si, quod absit, contigerit eos in quocunque maleficio deprehendi, ab aliquo laïco iudicentur, vel etiam puniantur, nisi forsitan iudicio Ecclesiæ condemnati, seculari curiæ relinquuntur; & vt laïci teneantur studentibus in . . . . coram Ecclesiastico iudice respondere secundum consuetudinem Ecclesiæ Gallicanæ.

Nec non & vt tu, Comes Tholosane, Balliui tui, & Barones terræ, securitatem & immunitatem sub iureiurando promittere compellamini personis & rebus scholarium, ac etiam nuntijs eorundem; & à vestris subditis illud idem fieri faciatis. Et si qui eos, vel eorum nuntios in terris vestris pecunia vel rebus alijs spoliauerint, vos vel emendari faciatis, vel etiam emendetis.

Ad hæc & tu cum in reformatione pacis te obligaueris præfato iuramento, vt certum salarium vsque ad certum tempus, certo numero Magistrorum exsoluas, statuimus vt illud sine qualibet diminutione persoluas vsque ad terminum constitutum, & plenariè satisfacias de subtractis. Quocirca nobilitatem tuam rogandam duximus attentius ac monendam, per Apostolica tibi Scripta mandantes, quatenus Magistris & scholaribus supradictis te fauorabilem exhibeas & benignum, statuta præfati Electi illibata conserues, & ab omnibus tuæ iurisdictionis subiectis facias firmiter obseruari. Datum Laterani pridie Calendas Maij, Pontificatus nostri anno septimo.



EIVSDEM

*Ad Archiepiscopos, & Episcopos in Prouincia  
constitutos.*

Ann. Chr.  
1234.  
d. 13. Ianu.

LIX. **G**REGORIUS Episcopus seruus seruorum Dei,  
Venerabilibus Fratribus Viennensi Archiepis-  
copo Apostolicæ sedis Legato & alijs Archiepiscopis, &  
Episcopis in Prouincia constitutis, Salutem & Apostolicam  
benedictionem. Cùm dilectus filius nobilis vir Comes Tho-  
losanus nuper redierit ad Apostolicæ sedis gratiam, ita quòd  
deuotionis alumnum se reputat, & Ecclesiæ Romanæ filium  
specialem; per vos eum exasperari non expedit, sed semper  
in Deum potiùs confoueri, vt idem sentiens affectum in  
membris, quem cognoscit in capite Ecclesiæ, in dulcedine  
delectatus ad deuotionis augmentum amplius inardescat.  
Quare Fraternitatem vestram monemus, per Apostolica  
scripta vobis mandantes, quatinus in benignitate prosequen-  
tes eundem, sibi vos exhibeatis, quantum cum Deo poterit-  
is, fauorabiles & benignos; neque sitis, sicut nec con-  
uenit, proni vel faciles ad ferendum in personam suam  
excommunicationis sententiam, vel ad supponendum in-  
terdicto Ecclesiastico terram eius; cùm inter alia Prælatos  
potissimùm deceat maturitatem & grauitatem in ferendis  
huiusmodi sententijs obseruare: mandatum nostrum tali-  
ter impleturi, quòd ipse mansuetudinem in vobis se gau-  
deat inuenisse, & nos debeamus vos exinde meritò com-  
mendare. Datum Laterani Idibus Ianuarij, Pontificatus  
nostri anno septimo.

Mandat vt  
benignita-  
tē Comiti  
exhibeant,  
nec facillè  
in eum ex-  
communic.  
ferant sen-  
tentiam.

GREGORI P. IX. *Comiti Tholosano.*

Ann. Chr.  
1234.  
d. 15. Ianu.

LX. **G**REGORIUS Episcopus seruus seruorum Dei,  
Dilecto filio nobili viro Comiti Tholosano, Sa-  
lutem & Apostolicam benedictionem. Reputantes Ecclesiæ  
Romanæ te specialem filium & deuotum, ac ad personam  
tuam patris gerentes affectionem, petitionibus tuis beni-

Causā ad-  
fert cur Co-  
miti terram  
Venascensē  
non resti-  
tuerit.

gnum assensum, quantum cum Deo possumus, impertimur. Vnde si quando preces tuas non admittimus, credere potes & debes rationabilem causam subesse, propter quam à pietate paterna quod filius postulat deuotè, non impletur. Cùm itaque in terra Venascensi, pro qua tibi restituenda nobis per literas & nuntios supplicasti, multi se ius habere proponant, & nos ex officij nostri debito teneamur cuilibet iustitiam suam conseruare, ad præsens super hoc deliberare nequiuimus, nec tibi certum aliquid respondere. Vnde ei, qui tibi contra prauitatem hæreticam fidei suæ feruorem inspirauit & zelum, laudes & gratias exhibentes, & tuæ commendantes sinceritatis affectum, nobilitatem tuam moneamus & hortamur attentè, ac tibi consulimus, quatinus id indefesso prosequaris studio pietatis pro exaltatione puritatis Catholicæ, & sis, sicut laudabiliter incoepisti, sollicitus in Romanæ Ecclesiæ dilectione immobiliter perseuerare. Nos enim, cùm deuotionis continuatio te ampliùs reddit fauorabilem & acceptum, eò magis in his quæ cum nostra possumus honestate, parati sumus fauorem tibi & beneuolentiam exhibere. Datum Laterani xviii. Kal. Feb. Pontificatus nostri anno septimo.

**CHRONICON**



# CHRONICON FONTANELLENSE.

## COMMEMORATIO

*Genealogia ARNVLPHI Episcopi, &  
VVANDREGESILI Nepotis eius.*



NSBERTVS, qui fuit ex genere Senatorum, vir nobilis, & multis diuitijs pollens, accepit filiam *Lotharij* Regis Francorum nomine *Blithild*, & habuit ex ea tres filios, & vnam filiam. Primogenitus eius *Arnoldus*, secundus *Feriolus*, tertius *Modericus*, quarta puella *Tarficia*. E quibus *Feriolus* Episcopus in *Vtcecia* ordinatus est, ibique martyrio coronatus quiescit in pace; vbi multa per eum miracula fiunt. *Modericus* frater eius similiter Episcopus in *Arisido* ordinatus est, atque ibi quiescit in pace. *Tharficia* virgo Dei in virginitate perseuerans, *Rodonis* quiescit: quæ etiam fertur mortua mortuum suscitasse. Porro *Arnoldus* genuit *Arnulfum* Episcopum: *Arnulfus* genuit *Flodulfum* *VValchisum*, & *Anchisum*, fratres eius: *VValchisus* quoque genuit *VVandregesilum* Confessorem Domini. *Flodulfus* genuit *Martinam*, quem interfecit *Ebroinus* *Ertcriaco* Palatio. *Anchisus* Dux genuit *Pipinum* Seniore & Ducem. *Pipinus* Senior & Dux genuit *Karolum* Seniore & Ducem. Iterum *Karolus* Senior & Dux genuit *Pipinum*, quem *Stephanus* Papa consecrauit & benedixit in Regem. *Pipinus* Rex genuit *Karolum* gloriosum Cæsarem, quem *Leo* Romanus Pontifex consecrauit & vnxit in Imperatorem in Ecclesia B. Petri Apostoli die Natalis Domini IESV Christi. *Karolus* Imperator genuit *Ludouicum* pijsimum Augustum: Iterum *Ludouicus* pijsimus Augustus genuit tres filios ex *Irme-*

*garda* Regina, id eſt *Lotharium*, *Pipinum*, & *Ludouicum*: ex *Iudiſh* verò Imperatrice genuit *Karolum* glorioſum Regem. Poſt mortem verò Ludouici piſſimi Imperatoris *Lotharius* ( ante obitum patris decem & octo annis vnctus ad Imperatorem ) contra fratres ſuos, id eſt Ludouicum Regem Baioariorum, & *Karolum*, exercitum duxit, adiuncto ſibi *Pipino* cum Aquitanorum populo, in pago Autiſiodorenſi, in loco qui vocatur Fontanetū. In quo Franci cum omnibus nationibus ſibi ſubiectis mutua ſe cæde proſternentes, ad vltimum Ludouicus & *Karolus* *Lothario* fugato triumphū adepti ſunt. Poſt cruentiſſimum verò prælium pace inter eos facta, diuiſerunt inter ſe Francorum Imperium. Et *Lotharius* quidem accepit regnum Romanorum, & totam Italiam, & partem Franciæ Orientalem, totamque Prouinciam. Ludouicus verò præter Noricam quam habebat, tenuit regna quæ pater ſuus illi dederat, id eſt Alemanniam, Thuringiam, Auſtraſiam, Saxoniam, & Auarorum, id eſt Hunorum, regnum. *Karolus* verò medietatem Franciæ ab occidente, & totam Neuſtriam, Britanniam, & maximam partem Burgundiæ, Gotiam, VVaſconiam, Aquitaniam, ſubmoto indè *Pipino* filio *Pipini*, & in Monasterio S. Medardi attonſo. Qui poſtea inde per fugam elapſus, Aquitaniam regreſſus, multo tempore fugiendo ibi latuit, iterumque à Ranulfo Præfecto per fidem deceptus comprehenſus eſt, & ad *Karolum* adductus apud Siluanectum perpetuo eſt exilio detrufus.

*Lotharius* verò ex *Irmegarda* filia Hugonis tres filios habuit, id eſt *Ludouicum*, cui regnum Romanorum & Italiam tradidit: alterum autem *Lotharium*, cui ſedem Imperialem reliquit: tertium verò *Karolum*, cui Prouinciam gubernandam dimiſit. Deceſſit quoque *Lotharius* anno Incarnationis Domini noſtri I E S V Chriſti octingenteſimo quinquageſimo quinto, Imperij ſue Regni ſui xxxiii. Poſt eius obitum *Karolus* filius eius, qui Prouinciam gubernabat, anno octauo moritur. Deinde Ludouicus Imperator Romanorum, & *Lotharius* fratres Regnum eius, hoc eſt Prouinciam, inter ſe diſpertunt. Ludouicus autem Rex Noricorum, id eſt Baioariorum, Ludouici Imperatoris filius, anno Incarnationis Domini I E S V DCCCLXV. poſt feſtiuitatem Paſchalem Regnum

suum inter filios diuisit. *Karolomanno* quidem dedit Noricam, id est Baioariam, & *Marcas* contra Sclauos, & Longobardos. *Ludouico* verò Turingiam, Austrasios, Francos, & Saxoniam dimisit. *Karolo* quoque Alemanniam & Curuallam, id est Comitatum Cornugalliæ reliquit. Ipse tamen Ludouicus super filios suos feliciter nunc principatum tenet anno Incarnationis Domini DCCCLXIX. Et post hæc obiit Ludouicus Rex anno Dominicæ Incarnationis DCCCLXXVI. cum regnasset annis LIV.

*Karolus* autem Rex Occidentalium Francorū anno XXXVI. regni in Italiam pergens, orandi causâ ad limina Apostolorum peruenit, ibique à cuncto populo Romano Imperator eligitur & à Ioanne Papa in Imperatorem consecratus VIII. Kal. Ianuar. anno Dominicæ Incarnationis DCCCLXXV. inde in Galliam prosperè reuersus est. Anno quoque Regni sui XXXVIII. & Imperii tertio inchoante, in Italiam iterum perrexit, & colloquio Ioannis Papæ vñs, in Galliam reuertens, transceso Ciniso monte, præsentis luminis caruit visu XII. Nonas Octobris, Indictione x. anno Domini nostri DCCCLXXVII. Cui successit in Regno filius eius *Ludouicus*. Deinde anno regni sui secundo necdum expleto, isdem Ludouicus obiit Compendio Palatio V. Idus Aprilis, Indictione XII. anno Domini DCCCLXXIX. Deinde filii eius *Ludouicus* & *Karolomannus* Regnum eius inter se dispertunt. Prædictus verò Rex Ludouicus in pago VVimniaco cum Normannis bellum gerens, triumphum adeptus est, & non multò post obiit pridie Nonas Augusti, anno Dominicæ Incarnationis DCCCLXXXI. Indictione xv. Regnavit annos duos, menses tres, dies xxiv. Cui successit in regno frater eius *Carolomannus*. Regnavit annis tribus, & diebus sex. Deinde in Evvelina saltu in Monte-Aërico à fera singulari percussus est. Obiit anno Dominicæ Incarnationis DCCCLXXXIV. Indictione secunda, VIII. Idus Decembris. Deinde *Karolus* Rex Suavorum, filius Ludouici Regis Noricorum, Monarchiam totius Imperii Francorum & Romanorum assumit anno Verbi incarnati DCCCLXXXV. Indictione III.

INCIPIUNT GESTA  
SANCTORVM PATRV  
FONTANELLENSIS COENOBII.

CAPVT I.

1. **I**gitur ab almiſicæ memoriæ Patre noſtro, ac omni hono-  
rificentiâ nominando, egregio Chriſti Domini Sacerdote  
*VVandregiſilo*, qui & *VVando*, priſcorumque Patrum titulis nō  
mediocriter cœquando, vt imperata poſtulant, initium ora-  
tionis incipiam, videlicet vt à quo exordium noſtri cœpit Cœ-  
nobii, ab ipſo etiam noſtræ orationis ſermo ſumat initiū: Omif-  
ſis videlicet cōuerſationum ac magnarum virtutum operibus,  
quæ in prolixioribus de eo geſtis olim memoriæ mādāta ſunt,  
nunc breui oratiuncula, ne legentium ſiant oculis oneroſa, ea  
tantum quæ de eiſdem clara origine, ſeu moribus honeſtis, ac  
cōuerſatione Angelica comperta habemus, aut qualiter hoc  
*Fontanellense* Cœnobium ædificauerit, quōtque in eo annis  
fuerit, quo etiam tempore, vel ſub quibus Principibus agone  
expleto gloriōſiſſimam victoriam potentiſſimo Chriſti ſub au-  
xilio reportarit, huic operi inferenda fore credimus.

2. Hic nempe vir Domini, vt breuiter nonnulla perſtringam;  
ex nobiliſſimis Francorū ac ditiffimis natalibus oriundus, terri-  
torio Vereduni caſtri, nobiliorem ſe ſplendidæ vitæ moribus,  
ac caſtæ cōuerſationis exemplis inſignem exhibuit. Huius  
genitor *VValchiſus* nūcupatus nomine, vt veracium didicimus  
traditione Seniorum, patruus gloriōſiſſimi *Pipini* Ducis Fran-  
corum filij *Anſchiſi* extitit. Denique idem vir Domini adoleſ-  
centiæ dum polleter ætatis in annis, atque in Aula gloriōſiſſi-  
mi Regis *Dagoberti* nobiliſſimè militaribus negociis, ac Aulicis  
diſciplinis educaretur, ab eodem Rege Comes Palatij conſti-  
tutus; ac deinde Ducatus officio mancipatur. Deinde paren-  
tum hortatu licet inuitus vxorem duxit. Quā poſt paululum  
vnanimi caſtitatis voto relictâ, comâque capitis depoſitâ Cle-  
ricus effectus, ſpretiſque omnibus, anguſtum ingreſſus eſt cal-  
lem breui tempore finiendum.

3. Igitur ad locum qui vocatur Mons falconis secedit, cuiusdam magnarum virtutum viro, cuius nomen modò memorie non occurrit, adhærens, plurimùmque temporis cum eo conuersatus, innocentis vitæ admirabilis cultor comprobatur. Indè à Rege præfato accersitus, atque ad Regiam domum properare iussus, pro habitus mutatione increpatus primò, sed pòst honorificè prosecutus : sicque cum Regia auctoritate reuersus, quodam in loco Cellulam suæ vocationi condignam ædificat, aliquantum temporis in ea degens. Ibi namque actibus, ac sacræ doctrinæ verbis exornatus ceu lampas refulgebat accensa. Exinde ob gratiam vitæ contemplatiuæ egrediens, ac visitatione locorum Sanctorum summum habens desiderium, veluti apes prudentissima flosculos diuersi generis carpere satagebat, vt dulcia pòst caperet mella. Denique Alpium iuga transcendens, lætusque peregrinationem aggressus, cum tribus pueris & asello Italiam ingreditur, atque ad Bobiense Cœnobium sicuti reuelatione didicerat accedit. Quod Beatus Pater *Columbanus* Scotici generis olim à Theodorico Rege Galliâ expulsus, atque ab Agilulpho Longobardorum Rege Italiâ honorificè susceptus, eius permisso ædificauerat.

4. Hoc ergo Cœnobium Beatus Pater *Vvandregisilus* audiens, quòd à discipulis præfati Patris Columbani incolebatur, causâ hospitalitatis ad vitæ arctioris explorandam semitam, aliquandiu ibidem commoratur. Ex eo loco exemplis innocentis vitæ instructus egrediens, Galliarum terras repetit, atque monasterium quoddam, cuius vocabulum est Romanis citra saltum Iurensem constructum adit, ibique sub institutione regulari multum temporis nobilissimè Domino militauit. Eodem loco deserto, cognitâ vitâ atque famâ magni Præsulis Audoeni, qui tum temporis sedem vrbs Rothomagensis adeptus, verbum immortalitatis suis ciuibus ministrabat, fideique Catholicæ fautor, paritèrque præceptor, barbaricas ac indomabiles eorum mentes nectare Euangelicæ doctrinæ debriabat, atque gnaram bene credere gentem docebat, sedulisque exhortationibus Christum Dominum Deum esse colendum monstrabat : ipsum adiit, summiæque cum reuerentia à præfato venerabili Antistite susce-

Cōdit Cœ-  
nobiū Fon-  
tanellense.

ptus est, secūmque aliquandiu in vrbe tenuit. At verò ipse egregius Domini cultor districtiorem desiderans vitam eremi secretis ducere, mundanósque fugiens semper honores, vñ cum Rege Christo cælestes possit habere gazas, licet renuens, ab antefato Euangelico Episcopo Presbyteratus est ordine consecratus. Deinde hortatu præfati Præfulis, ac possessionem terræ largiente *Erchinovaldo* Præfecto domus Regiæ *Clodovei* iunioris Regis filij *Dagoberti* gloriosissimæ memoriæ, hoc *Fontanellense* Cœnobium, vnà cum venerando nepote suo *Godone* nouo opere construit.

\* Balhilde

\* Bothmar-  
riacas.

5. Erat autem præfatus *Erchinoaldus* Maior domus Regiæ, insignis bonitate, ac eleemosynarum largi-  
\* Balhilde  
\* Bothmar-  
riacas.  
aus : qui post transitum bonæ recordationis scilicet præfati *Dagoberti* Regis, præfecturæ ordinem, ac curam maximam Regni Francorum etiam cum filio suo *Clodoueo* & *Batilo* \* Regina nobiliter administravit. Sub huius *Clodovei* Regis tempore præfatus Patricius possessionem, quæ vocatur *Botmarias* \*, quam nuper à quodam homine nomine *Rotmaro* per venditionis titulum emerat, locumque ad construendum Cœnobium situm prope ciuitatem Rothomagensem quindecim millia, in valle amœnissima, saltu, cuius vocabulum est *Gemmeticus*, vndique circumdatum ( in ipso saltu ædificatum est Cœnobium à B. Philiberto, quod vocatur *Gemmeticum* ) per venditionis titulum *Godoni* contradidit. Quo etiam tempore fundamenta eiusdem exordium ædificationis sumpsisse probantur. Sed quia ista de exordio illius prælibauimus, nunc de situ ipsius pauca videamus.

Descriptio  
loci vbi  
Cœnobium  
constructū  
est.

6. Situs quippe eiusdem Cœnobij huiusmodi fertur esse. A tribus enim plagis, id est à Septentrionali, Occidua, atque Australi, montibus arduis ac frugiferis, Bacchique fertilissimis, siluisque est oblitum condensis. Ab Oriente item habet fontem vberimum, qui ab ortu suæ emanationis per millia spacia passuum plus minúsue mille trecentorum manat : sicque cursu suo expleto, in alueum Sequanam influit ad meridianam eiusdem Cœnobij plagam. Ab Occidente item ibi fluuius est mirabilis in Aquilonari eiusdem Cœnobij plaga ab imo progrediens, atque in meridiana Geon prædictæ aluci profunda se demergens. Inter hæc duo mirabilia flumina



prata eiſdem Cœnobij ſunt amœna atque irrigua. Quia admirabilis *VVandregiſſi* atque venerandi Patroni noſtri ſolertia inutilia quæque ablata vireta, militumque Chriſti eiſdem Fontinellenſis Cœnobij degentium ſudore ſolo coæquata, eorundem neceſſitatibus aptiſſima ſunt reddita. Ab auctro item maximus fluuiorum Geon, qui & Sequana, commercijs nauium glorioſus, abundantia piſcium præſantiſſimus, diſtans ab eodem Cœnobio paſſus octingentos. In quo ſcilicet fluuius ex infinito Oceano ſiue mari Britannico bini æſtus diurno nocturnoque tempore ſibimet inuicem compugnantes occurrunt: vt verſa vice alueus potiùs retrorſum conuerti quàm ad ima videatur fluere. Taliſque cum impetu tempore Malinee accedunt, vt ſuper millia quinque aut eò ampliùs & ſonitus murmuris, cuius humanas reſpercutiat aures, & aſpectibus intuentium ceu farus altiſſimè lympham eiſdem penetret aluei. Taliſque impetu per meatus prædictorum duorum fluminum, pèrque prata illis contigua ceu Nilus Ægyptiacus per ſpatia paſſuum plus minùſue octingentorum ad murum eiſdem accedunt Cœnobij, ſinitoque conſiſta in Oceanum infuſi \* vnde venerant reuertuntur. Locus autem ipſius Cœnobij tam fertilis tamque iucundus exiſtit, vt cum quis illic aduenerit, inter pomorum nemora & hortorum amœnitate virentia, in hæc protinus ei liceat prorumpere verba: *Quàm pulchra tabernacula tua Iacob, & tentoria tua Iſraël!* Vt valles nemoroſæ, vt horti iuxta fluuios irrigui, vt tabernacula quæ fixit Dominus quaſi cedri prope aquas. Erat namque iſdem locus, in quo ipſum Fontinellenſe Cœnobium noſcitur ædificatum, veprium aſperitate, ac ſpinarum denſitate, viretorumque inutilium ac paludum immenſitate inacceſſibilis. In quo magis latibula latronum ac luſtra fœrarum, quàm habitatio videbatur hominum. Hunc locum pretioſiſſimus *VVandregiſſus*, ac ante factus ipſius nepos Venerabilis Godo, à prædicto Patricio ſibi indultum ſtatuert cum alijs nonnullis militibus Chriſti primò precibus orationibùſque à priſtina flagitiorum ſorde purgare, ac inutilia quæque euellendo proijcere, demumque fundamenta Cœnobij iacere, vt iuxta prophetiam Eſaiæ; *In cubilibus, in quibus priùs habitabant dracones, oriretur viror calami ac iunci*: id eſt, fructus bo-

\* reſuſi.

Cœnobiū  
Fontanel.  
fundarum  
an. 645.

norum operum ibi nascerentur, vbi prius vel bestia commorari, vel homines bestialiter viuere consueuerant. Cœptum est autem hoc opus ab anno Dominicæ Incarnationis sexcentesimo quadragesimo quinto, sub die Calend. Martiarum, Indictione III. qui erat annus *Clodouci* iuuenuli præfati Regis vndenus, Pontificante sedem Romanæ Ecclesiæ anno VII. Summo Præsule Beatissimo Papa Martino III. porro Constantino tertio Romani Imperij apicem gubernante anno IV. Quod tam solerti studio summæque industriâ perfectum est, vt penè illo in tempore Galliæ Belgicæ seu Neustriæ terris singulare esset.

7. *Ædificauit ergo præfatus admirabilis in eodem loco Basilicam in nomine Beatissimi Principis Apostolorum Petri, quadrifido opere ducentos nonaginta pedes habentem in longitudine, porro in latitudine triginta septem. Alteram denique in honore Doctoris Gentium Beatissimi Vasis electionis Pauli mirandi operis. Tertiam verò in veneratione clari Martyris Christi Laurentij. Misit autem isdem venerandus Pater, dum huic operi insisteret, ante fatum carissimum nepotem suum Godonem ad urbem Romuleam propter pignora Beatissimorum Apostolorum & Martyrum Christi, vt ædificatas Basilicas in promptu haberet reliquias quas imponeret. Qui votis pij Patris libentissimè parens, Alpium iugis transcensis Romam adiit, Vitaliano Papa eodem tempore pontificante sedem eiusdem Ecclesiæ: atque acceptam maximam reliquiarum copiam Apostolorum ac Martyrum Christi, quas etiam dinumerare laboriosum est, rediens secum detulit, necnon & volumina sacrarum scripturarum diuersa veteris ac noui Testamenti, maximèque ingenij Beatissimi atque Apostolici gloriosissimi Papæ Gregorij. Quæ omnia isdem venerandus, ac cum omni honorificentia nominandus Beatissimus Pater ac Christi famulus *VVandregisilus* venerabiliter suscepit, accersito etiam magno Præsule Rothomagensis Ecclesiæ *Dadone*, præfatas Ecclesias quas ædificauerat vt consecraret, simulque pignora, quæ antefatus *Godon* cum eius auctoritate Romæ petierat, Christi imponeret aris, supplex exorat. Quod ita à præfato Præsule vt petierat impletum est. Diligebat enim illum isdem Pontifex dilectionis feruore*

feruore eminentiſſimo, ita vt frequenter ab vrbe egrediens eum inuiſeret, ac dulcia colloquia cum eo haberet, dignaque Deo conſulta vterque ſuſciperet: Pontifex videlicet clarus ab egregio Presbytero ac agonista perſpicuo, iſdemque Chriſti miles à glorioſiſſimo Præſule: monſtrantur vſque hodie lecta eorundem Chriſti militum, ac precioſi Philiberti Gemmeticensis Cœnobij Patris, in deſtina quadam iuxta Baſilicam almi Confessoris Chriſti Amantij, Ruthenæ quondam ciuitatis Præſulis, in quibus ſancta membra poſt almiſſimam collocationem \*, quieti dare conſueuerant; necnon & humillimæ ſellæ, quibus conſedere inter ſacra collocutionis verba ſoliti erant. Quorum denique oratio non alia erat, quàm de regno Dei, de Paradifi delicijs, & de gehennæ ſupplicijs, de iuſtitia quoque, fide, & caritate, ac patriæ ſalute, ſimulque pace omnibus prædicanda; mundique illecebris reſpuendis. Eſt autem hæc ſacra ædícula haud procul à præfato Fontinellæ Cœnobio ſita, mille circiter ſexcentorum paſſuum ad plagam diſtans meridianam. Hanc iſdem clariffimus Pater quodam Diacono ſuo atque Monacho nomine Sindardo pignora præfati Confessoris Chriſti Amantij de Ruthenâ vrbe, in qua ipſe venerabiliter quieſcit humatus, perferente, ædificauit.

\* collocutionem.

8. Sed quia de ſitu loci, & aduentu viri ſancti aliqua tetigimus, opportunum videtur, vt qualis fuerit antiquitus locus, cuiuſue ante acceſſum illic ſeruorum Chriſti poſſeſſio, plenius intimemus. Erat nempe poſſeſſio cuiuſdam hominis nomine *Rothmari*, quæ largitione clari Regis Dagoberti ſibi indulta fuerat. Cuius auctoritas largitionis adhuc in ſcrinijs Priuilegiorum noſtri Cœnobij conſeruata tenetur. Acta fuerat anno decimo quinto prædicti Principis, iv. Non. Martiarum die, Compendio Palatio Regio. In ipſa namque largitione continetur, quod præfatus Rothmarus locum Botmariacensem, ſaltum præſcindendo, indultu Regis habitabilem reddiderit. Molendinum quoque ſuper fluuio Fontinella priſcorum accolarum neglectu in ruina poſitum, nouo opere reædificauerit. Deſuncto autem Dagoberto Rege poſt annos decem & nouem idem Rothmarus Clodoueum iuuen-culum Regem filium ſupradicti Principis adiit, vt ſuam iuberet patrari, & patris ſui confirmaret auctoritatem de locis

Quis loci Fontanel. antiquitus poſſeſſor fuerit.

prædictis sibi concessis : quod ita vt petierat impletum fuisse constat. Statim denique à *Radone* Scriptore Regalium Privilegiorum, Gerulôque annuli Regij, edita est iussu eiusdem Regis & matris suæ *Nanthilde*, quæ cum eo Regnum tenebat, auctoritas confirmationis ; vt veluti patris sui tempore, ita in postmodum ex sua indulgentia perenniter valeret possidere. Editâ est hæc confirmatio pridie Nonas Februarias anno primo præfati Regis, Nantoilo Palatio, & directâ *Tentigisso* Domestico & Custodi saltrum villarumque Regalium, necnon & *Radolpho* Comiti Rothomagensi, vt licitum foret ipsi Rothomaro easdem res quieto ordine possidere : nam & ipsa auctoritas in hoc Cœnobio adhuc servatur. Acta est prima largitio à Dagoberto Rege ipsi Rothomaro anno circiter trigésimo ante aduentum Beati Patris *Vvandregisli* in hanc regionem. Defuncto autem Rothomaro, remansit filius eius Amantius \* in pueritiæ vel adolescentiæ annis. Quo tempore *Erchinoaldus* Maior domus Regiæ à prædicto Airanno commutavit supradicta locella, data eidem in territorio Veliocasino alia pro ipsis, vnde pater eius Rothmarus carnis originem duxerat, quorum nunc nomina memoriæ non occurrunt. Sequenti quoque tempore *B. Vvandregisli*, & nepos eius venerabilis vir *Godo*, prædicto Patricio sub titulo pretij eadem eis locella largiente, & Domino cooperante, adepti sunt, sub anno vndecimo prædicti Regis, die Calendarum Martiarum, Indictione ... Acta erat in Compendio Palatio. Dehinc anno subsequenti & petita & acta est confirmatio præfati Regis super eisdem locellis, porrectaque à *Radone* Scriptore auctoritatum Regiarum, Gerulôque annuli Regij, prædictis patribus strenuis. Editâ fuit anno duodecimo præfati Regis Compendio Palatio Regio, Kalendarum Martiarum die, congregatis Francorum populis in Campo Martij, vbi omnibus annis convenire soliti erant, veluti omnibus notum est.

\* Airanus.

*Gesta BAINI Episcopi Taruancensis, & Rectoris  
Fontanellensis Cœnobij.*

CAPVT II.

1. **B**AINVS Episcopus de ciuitate Tyroanda quintus ab Balmifico ac cum omni honorificentia nominando protectore nostro clarissimo Sacerdote *Vvandreghislo* regimen assumit Cœnobij, ab anno videlicet septimo *Hiliberti* \* gentis Francorum Regis, & *xiii. Sergij* Papæ vsque ad decimum quintum eiusdem Regis annum, & *Ioannis* Apostolici secundum, qui fuit octogesimus octauus à Petro Apostolo, Exarchatus autem *Pipini* filij *Ansegisili* *xxi.* Dominicæ autem Incarnationis *dccvi.* Indictione *iv.* per annos nouem. Sub huius denique tempore præfatus *Pipinus* gloriosissimus Dux *Floriacum* Cœnobium vnà cum nobili coniuge sua *Plectrude* ædificat, quod situm est in pago *Velioassino* \*, anno nono \* *Hilberti*, qui erat Exarchatus sui annus vigesimus tertius, *Domini* \* *Velocassino* *lino.* Dominicæ autem Incarnationis septingentesimus octauus. Ipsumque Bainum rectorem ibi præfecit, plurimamque turbam Monachorum adunauit. Ipsum autem Monasterium huic Cœnobio contradidit. Occasioni autem ædificationis præfato Cœnobio idcirco fuit, quoniam isdem Princeps per inuidorum consulta admirabilem *Ansbertum* de sede *rothomagensis* Ecclesiæ expulerat, atque ad exilium direxerat, in quo isdem agonista diuinus ad æternam migrauerat requiem. Cùmque præfatus Princeps multas sanitatum virtutes audiret ab eo fieri, reminiscens culparum suarum, ob eiusdem militis Christi amorem ac reuerentiam, simulque vt indulgentiam mereretur accipere, hoc Cœnobium ædificauit, vnàque cum omnibus rebus suis huic Cœnobio *Fontinellæ* perpetualiter tradidit possidendum. Sed de hoc Monasteriolo qualiter in potestatem ipsius gloriosissimi Ducis *Pipini* relictum fuerit, declarabo.

2. Hic namque locus possessio fuerat antea cuiusdam illustris viri, cui nomen erat *Fraericus*, qui ipsum *Floriacum* M.

Bb ij

\* Maria

\* Gamapiu

cet modico opere in suo proprio à fundamentis construxit in honorem S. Annæ \*, S. Petri, & S. Aniani, & Xenodochium decem pauperum ibi constituit, vbi largitus est duas partes de ipso Floriaco ; Similiter de villa alia quæ dicitur Salcidus, & Garnapium \* qui dicitur Fuscinocurte ; Et de Fontanido tertiam partem, necnon & alia prædia. Quod actum esse constat sub anno quinto regnante Theoderico Rege. Sequenti quoque tempore dum Pipinus Princeps singularem Francorum Principatum obtinuisset, superato Theoderico Rege, & Berthario Maiore domus, sæpeditus Fraericus prædictum Floriacum eidem contradidit, ea videlicet ratione, vt in maiori elegantia ipsum locum sublimaret, ac Monachorum Congregationem ibidem constitueret : quod ita & factum est. Denique euocatum ipsum venerabilem Patrem idem Princeps hoc Cœnobium ædificare iussit, Rectoremque constituit, sicut in largitione quam de ipso locello huic monasterio edidit, scriptum fore constat. Sic enim inter cætera insertum illic reperitur : *Vbi constituimus virum strenuum & Dei cultorem Dominum Bainum ipsum Rectorem Monasterij Fontinellensis, ea videlicet conditione, vt ex præfato Monasterio Fontinella post recessum eiusdem Bains, ipsi Monachi in ipso Floriaco Cœnobio consistentes omni tempore Rectores & Gubernatores habeant, & sub eorum ditione nostris & futuris temporibus permaneant, & sub nostra ac heredum nostrorum defensione ipsa loca perenniter tuenda consistant.*

\* Hilderico

*Actum est anno duodecimo, regnante Hildeberto \* Rege. In quo Conuentu interfuit idem gloriosissimus Princeps, & nobilis coniunx eius Plestrudis, filiique eorum Drogo, & Grimoldus, Grippo, & alij plurimi nobiles viri. Largitus est autem anno Hildeberti Regis nono ibidem villam, cuius est vocabulum Taricinus, quæ sita est in pago Belloacensi, ipso die tertio Nonarum Martij, Indictione secunda.*

Anno verò vndecimo præfati Regis, Vvalmonem villam, quæ sita est in pago Belloacensi, & Luciniacum in territorio Vilcasinensi, eidem delegauit Cœnobio sub die decimo Kalendarum Nouembrium.

Anno decimo tertio præfati Regis contulit ipsi Cœnobio idem inclytus Dux villam cuius est vocabulum Mala, sitam in pago Madriacensi, die xv. Kalend. Augusti, feriâ quintâ, Indictione sexta.

Eodem anno præfatus glorioſiſſimus Dux Gamapium villam, quæ ſita eſt in pago Vilcaſino, contradidit ipſo die Idus Aprilis, feriâ quintâ, Indictione ſexta.

Anno vndecimo iam ſupra ſcripto præfatus Exarchus dedit eidem Monafterio villam, cuius vocabulum eſt Eccleſiola, ſitam in pago Ebroicino, Kalend. Martiarum die, Indictione iv. feriâ quartâ. Bannagam inſulam anno decimo regni ſui idem Hildebertus Rex præfato Præſuli Baino, & eidem Cœnobio contradidit.

Anno duodecimo eiſdem Regis præfatus Princeps Pipinus Fontanidum villam ipſi Cœnobio largitus eſt. Huic admirabili Præſuli largitus eſt præfatus Hildebertus Rex villam quæ vocatur Adpiecum \*, quæ ſita eſt in pago Pincia-  
cenſi ſuper alueum Sequanam, vnâ cum adiacentijs ſuis, No-  
uitianus, Curbania, Albachahan, Nido, Terræido \*, cum  
illis præſtarijs \* quinque, anno decimo regni ſui, qui erat Do-  
minicæ Incarnationis ſeptingentefimus & quartus, Indictione ſecunda, decimo tertio Kal. Nouembris, feriâ ſecundâ.

\* Alpiccl.

\* Terrenli-

do.

\* forſta-

rijs

Anno ſexto eiſdem Regis quidam homo Leuthrandus portionem aliquam de villa, quæ vocatur Panſas, largitus eſt in pago Ebroicino.

Anno ſeptimo Erchenulphus ſimiliter de villa quæ dicitur Vlmofus.

Anno duodecimo præfati Regis Greſſus villam in pago Tellau Iordanis contulit.

Anno vndecimo Sicbaldus Taunacum villam in Tellau. Obijt idem Episcopopus *Bainus* duodecimo Kalend. Iulij.

Hic namque *Bainus* Episcopopus inter innumera bonitatis ſuæ opera quæ geſſit, etiam corpora Sanctorum *Vvandregiſili*, *Anſberti*, atque *Vvlfiranni* in Eccleſiam Beati Principis Apoſtolorum Petri de Baſilica S. Pauli Apoſtoli tranſtulit. Et poſuit quidem Beati patris *Vvandregiſili* in medium, magni verò Præſulis *Anſberti* ad læuam, & glorioſi Pontificis *Vvlfiranni* ad dexteram partem in abſida eiſdem Baſilicæ ad Orientalem plagam. Facta eſt autem hæc ſancta tranſlatio anno Dominicæ Incarnationis ſeptingentefimo quarto, Indictione ſecunda, pridie Kalend. Aprilis, feriâ ſecundâ. Nam ſolennitas ſancti Paſchæ tertio Kalend. Aprilis tunc

Tranſlatio,  
corporū ſs.  
*Vvandregiſili*, *Anſberti*, &  
*Vvlfiranni*  
704.

exitit, qui erat annus decimus gloriosi Regis Hildeberti: porro Ioannis Papæ, qui octogesimus à Beato Petro Romanam rexit Ecclesiam, annus primus; *Baini* denique Patris prædicti annus quintus, ex quo regiminis assumpserat curam istius Cœnobij. Eodem verò in loco, quo B. Vvandregisilus in prædicta S. Pauli Apostoli requieuerat Basilica, B. Erenbertum Episcopum posuit, qui antea in inferiori loco eiusdem Ecclesiæ subter arcubus tumulatus, annis plus minúsue triginta tribus requieuerat, die trigesimo primo post translationem prædictam, condiditque super eum repam argento decoratam. Requieuit igitur B. Vvandregisilus in eadem S. Pauli Basilica annis circiter quadraginta: inclytus autem Præsul Ansbertus annis nouem; Sanctus verò Archiepiscopus Vvlfraunus annis vndecim. Qui ita inuenti sunt cum vestibis suis à corruptione illæsi, quasi eadem die fuissent sepulturæ traditi. Nam sicuti ministrare sanctis altaribus consueuerant, ita etiam tumulati fuerant.

---

*Gesta BENIGNI Diaconi, Abbatis Fontanellensis  
& Flauicensis.*

CAPVT III.

**B**ENIGNVS Diaconus & Monachus à patre nomine Matrino editus, matrêque Inga, ordinatione diuina assumit Cœnobij curam ab anno decimo sexto Hildeberti regis, qui erat annus tertius Ioannis Papæ suprâ iam taxati, Dominicæ verò Incarnationis septingentesimus septimus; Indictione quinta. Tenuit huius Monasterij curam pastorem per quatuordecim curricula annorum. Anno autem ab Incarnatione Domini nostri IESV Christi septingentesimo & decimo sexto iussu Ragenfredi Maioris-domus, siue potius, quod verius est, Tyranni, de regimine Monasterij proijcitur, & *Vvando* Monachus filius Baldrici eius in loco subrogatur per annos tres.

Eodem denique anno venit Radbodus Dux Frisonum naturali ordine vsque Coloniam urbem. Contra quem Carolus



fagaciffimus Exarchus bellum instauravit. Sequenti quoque anno, id est, Dominicæ Incarnationis septingentesimo decimo septimo, Indictione decima quinta, actum est bellum plus quam ciuile inter Carolum Exarchum & Ragenfridum in Tartam \* in die Dominico in loco nuncupante \* Vincia-  
co, duodecimo Kal. Aprilis, dies xv. ante solennitatem  
sancti Paschæ, qui erat primus annus Gregorij secundi Papæ, qui nonagesimus primus à B. Petro Apostolatum eiusdem tenuit vrbis. Nam in præfato prælio *Vvando* cum Ragenfrido & Hilperico Rege interfuit. Benignus verò Diaconus partibus Caroli fauebat. Cùmque post actam cædem Ragenfridus cum Hilperico fugam arripuisset, tandem post multiplicem fugæ lapsum ad Nouiomum huius nostræ Ecclesiæ villam perueniens, Vvandonis equum, quem ibi in pasto constitutum reperit, extemplo assumpsit, atque cursu rapido ad portum, qui vocatur Deuenna, penetrauit. Illic namque transmissa Sequana ad Andegauis urbem aufugit: insequabatur enim à Caroli Sarellitibus. Cùm verò comperisset Carolus à sibi dicentibus, quòd scilicet Raganfridus per equum Vvandonis aufugisset, iussit eum illicò de Cœnobij huius regiminæ proijci, & in Traiecto \* castro exilio trudi quod anti-  
quo gentium illarum vocabulo Viltaburg \*, id est oppidum  
Vviltorum vocabatur, nunc verò lingua Gallicâ Traiectum  
nuncupatur. BENIGNVS denique rursus regiminis huius  
Cœnobij fortitur gradum per annos quatuor, id est, vsque ad annum Theodorici iunioris Regis tertium, qui erat Dominicæ Incarnationis septingentesimus vigesimustertius. Huius BENIGNI Abbatis propinquus S. Gennardus Vicedominus Ecclesiæ rothomagensis, & Abbas Cœnobij Flauiacensis exitit. Qui post recessum ipsius Gennardi Flauiacensis Cœnobij factus est Rector.

\* Tartas  
\* nūcupato

\* Traiecto  
\* verbo  
Vviltaburg.

## De MILONE Recluſo.

## CAPVT IV.

\* Brotmū-  
dus.  
\* ac filius  
ſuus nomi-  
ne Milo.

\* Logenſis.

SVB huius denique adminiſtratione quidam paterfamilias  
nomine Rothmundus \* ob gratiam vitæ contemplatiuæ  
mundani fugiens culmen honoris ad conuerſionem venit cum  
filio ſuo nomine Milonis \* : ambôque comam capitis ſibi  
deponentes, effecti ſunt milites Chriſti. Sed poſteâ Milo li-  
centiam expetiit à prædicto Patre Benigno, vt licitum ſibi fo-  
ret Anachoritarum more ſolitariam vitam ducere. Deindè  
verò ad locum accedens, qui hodièque Milonis cripta per  
metonymiam dicitur, in rupe altiffima ſuper ripam aluei Se-  
quanæ, rupem eandem excidens, manſiunculam ſui voſi  
condignam ſibi conſtituit, quæ viginti homines ferè capere  
videretur : ibique aëreas dæmonum turmas fortiffimo Chriſti  
vmbone repellens, infatigabiliterque agonizans, feliciter  
Domino militauit. Mater verò eius nomine Vviſſa, Mater  
Longenſis \* Cœnobij in ſancto propoſito effecta, quæ præci-  
pua fuerant in eodem Monafterio ornamenta ipſa tribuit,  
necnon & prædia plurima acquiſiuit. Præfatus verò roth-  
mundus, ac religioſus famulus Chriſti Milo tempore con-  
uerſionis ſuæ largiti ſunt huic Cœnobio patrimonia duo, id eſt  
Offiniacas & Bettonis-curtem, ſita in pago Tellau, anno vi-  
delicet tertio Dagoberti iunioris Regis, qui erat Pipini ſe-  
nioris Ducis vigefimus ſextus, Incarnationis autem Domini  
Saluatoris noſtri Ieſu Chriſti ſeptingentefimus tertius deci-  
mus. Erat autem præfatus miles Domini Milo Presbyteratus  
ordine, quem bonis clarifque actibus adornabat, decoratus.  
Habebat namque ſub rupe Eccleſiolum conſtructam, in qua  
hoſtiam victimæ ſalutaris Domino immolabat. Uſque hodie  
verò cernuntur veſtigia eiufdem ædificij, in quo Baſilica illa  
conſtructa fuit. Monſtrantur nunc uſque arbuſta in latere  
montis eiufdem rupis, ac vitiferæ arbores, quas ipſe propria  
manu terræ inferuit, necnon & plantæ ſeu vites vineæ, quam  
ipſe etiam plantauit, ac dum ibi philoſopharet excoluit. Se-  
cundum

cundum dictum namque Psalmistæ, laboribus manuum suarum viuere satagebat, ut ei benè esset, ac finito mundi cursu videret bona in Hierusalem. Idcirco autem de eo ista tentavi memoriæ mandare, quoniam de eo multiplex opinio bonæ vitæ per plurimos ad me perlata est. Audiui \* nempe narrantem quendam venerabilem Senem, qui ab eo didicit, qui ipsum Milonem multo tempore vidit, quod fuisset staturâ procerus, vultuque Angelicus, caluitiem habens capitis venerandam. In ipsa namque crypta bonis operibus insistens, ac retruso ordine vitam irreprehensibilem ducens, mentem ad cælestia desideria semper intendens, pauperie valde gaudens, ibidemque præsentis vitæ debitum complens, spiritum Deo reddidit felicitati perenni coniungendum. Cuius corpus in Ecclesia B. Apostoli Pauli aduectum, sicque sepulturæ est traditum. Ferunt namque nonnulli, quod ante portam Logensis Cœnobij se iussisset tumulari, atque ibidem humatus teneatur: sed ut ego à veracibus senioribus didici, commodius fore arbitror, ut ubi Monachus extitit, illic etiam sepultus teneatur. Credo tamen, quod ubicumque ossa teneantur sepulta, anima fruatur gaudijs sempiternis. Hæc quidem veluti auditu didici, ac in scrinijs Priuilegiorum nostri Cœnobij reperi: de Milone Recluso seu Anachorita dicta sufficiant.

\* *Ætas An-  
choris in-  
nuitur.*

---

*De BAGGA Monacho ac Presbytero.*

C A P V T V.

**O**pportunum præterea videtur, ut hoc in loco quæ à pluribus venerabilibus viris de bonæ recordationis BAGGA huius Cœnobij Monacho ac Presbytero didici, quoniam sub huius Patris\* regimine ad Dominum migravit, inferere non omittam. Hic etenim sanctæ conuersationis vir ex Britannia Oceani insula Saxoniæ ex genere ortus, hoc aduenit Cœnobium, ad plurimum temporis regulari ordine vitam irreprehensibilem gessit. Ita namque in omnibus mandatis diuinis se exercere satagit, ut cunctis Christi famulis

\* *nempe  
Benigai*

Cc

hoc in Cœnobio consistentibus imitandus appareret. Hic itaque explicitis dierum suorum curriculis, quo iam in aula cœlesti dignus reciperetur hæres, parua correptus ægritudine decubuit; nec multò post corpore solutâ animâ perenni particeps factus est felicitati. Contigerat denique, vt in ea horâ, quâ ipse Christi famulus rebus excessit humanis, prædictum egregium Patrem Benignû in Ecclesia minister repererit: cûmque diutiùs in precibus persisteret, isdem niniſter propiùs accessit, extemplôque prædictus Pater indicare sibi aliquid velle perſenſit. Surgensque ab oratione ſciſcitatur quid quæreretur: At ille: frater, inquit, Bagga confortijs ſubtrahitur humanis. At venerabilis Pater longa ex imo pectoris trahens ſuſpiria, talia inſit: O ſignifer fortiffime Chriſti militiæ Bagga, nunc mercedem laborum lætus accipis tuorum: deprecare ipſum benignum Dominum, vt vnâ tecum mereamur gaudere confortijs iuſtorum per æuum. Vnde haud dubium eſt eidem Patri diuinitus cûm in oratione conſiſteret reuelatum fuiſſe, vt & ſpiritum illius cœlos penetrantem aliqua ex parte mereretur aſpicere, qui ita auxilium ipſius ſagitabat in prece. Denique more mortuorum compoſitus digno in loco ſepulturæ mancipatus eſt, magna enim copia in huius Patris adminiſtratione nobilium virorum hoc in Cœnobio exitit.

---

\* Arlauno

*De Horto Launo \* Sylua.*

C A P V T V I.

**H**Vic Benigno Abbati largitus eſt Dagobertus Rex iunior quartam partem de Arlauno foreſte, anno quinto regni ſui, ſuggerente Theobaldo Maiori domus Regiæ, per loca deſignata, id eſt per Quincionem montem, deinde per Petroſam vallem, & exinde per profundam vallem, necnon etiam per Mortuam-vaccam. Aliæ verò terminationis fines ſunt, à termino Iccinſe de Valle Tabellis per illum locum qui vadit ad locum, qui nuncupatur Caput-caballinum, inde ad illam Salſoſam cifternam quæ dicitur Sarconos, indeque ad Tenebricam valliculam ad dexteram manum per verticem.

montis vsque ad profundam vallem , quæ dicitur Mortuavacca. Deinde per Casalís vsque ad fines Bouaricenses in dextera per summum illius pigatum exsartum vsque ad fines Glaccolinfes. Deinde per illum mansionilem qui vocatur Pomaritus infra ipsam forestem Arlaunum , & est per loca designata , hoc est de vno latere Bracus , siue vallis quæ dicitur Dirginis , vsque ad eum locum qui dicitur Petrasficta \* , & ipsum mansionilem ad pratum faciendum. Deinde ad Petrasfictam secus primam viam publicam quæ dicitur ad Vospontes , & ad Bracum , quæ dicitur Bricilone. Deinde etiam secus illum Bracum qui dicitur Ad Castellum Luporum , qui est super illum bracum anteriorem Dirginis. Hæc quidem largitio licet ab isto Rege sit firmior edita , ab antecessore tamen suo glorioso Rege Hildeberto maxima pars concessa iam fuerat decessori istius Benigni Abbatis almæ recordationis Bains Episcopo. Editæ est autem hæc Donatio siue Confirmatio à præfato Rege Dagoberto anno Incarnationis Dominicæ septingentesimo quinto decimo, Indictione decima tertia , quinto. Iduum Iuniarum die Dominica. Eodem anno ipse Dagobertus Rex mortuus est. Quo tempore terra Hattuariorum à Saxonibus depopulata est : Sed ipsi non multò post dignas suæ perfidiæ poenas à Francorum populis perpessi sunt , eorundemque terra vsque Vviseram fluvium incendijs , rapinis , interfectionibus attrita est.

\* Petrasficta

---

*De muneribus ac rebus BENIGNI Abbatis.*

C A P V T VII,

**H**ic dimisit in Ecclesia B. Petri calicem aureum, qui pensavit libras quinque , & patenam eius pensantem libram vnam. De rebus verò Coenobij nil minuit , immò augmentare studuit. Denique ex propria hereditate contradidit huic Coenobio Sennan , & Maronis cisternam , possessiones sitas in pago Calentinse \* . Similiter Bisagum , qui est in pago Rothomagensi. Siuagum etiam & Limitium , quæ sunt in pago Velocafino maris , & Vvaldeberti vvilare : patrimonia

\* terra Calentinfi.

C c ij

\* Amboriam.  
gum.

quæ sunt sita in pago Aurelianensi, Onadonem & Caraciam prædia posita in territorio Andegauo. Condatum etiam patrimonium, quod est in pago Oximo. Crisciacum, Salaciagum, Sauiniacum, Captialonnum, & Magalonnum, quæ sunt in pago Sanctonico. Agannagum, Bonelum, Andia-gum, Vodertam, Aguintum, Ambariago \*, Riueram, prædia quæ sunt sita in pago Engolismensi. Sunt possessiones viginti duæ, pagi septem. De quibus tertiam partem largitus est, id est de vnaquaque. Edita est hæc Largitio à prædicto Benigno, quarto anno regnante Hildeberto Rege, die decima tertia Kalend. Februar.

Hic Benignus Abbas euindicauit contra Bertharium Comitem villam quæ vocatur Montecellus, quæ est sita in pago Oximensi, coram Carolo Maiore domus, mediante Aduocato suo nomine Roberto. In quo Conuentu interfuerunt hi Episcopi; Ebbo, Baldoinus, & Milo, seu alij illustres viri & Comites, Teudericus, Rotgarius, Anginulfus, & Haregarius. Celebrata est hæc euindicatio anno tertio, regnante Theoderico iuniore Rege, xiv. Kal. Augusti, Tulpiaco castro.

\* Seduno,  
& Aredcarium.

Anno quinto regnante Dagoberto iuniore Rege, quidam Presbyter, nomine Leutbertus, vir valde diues, contradidit eidem venerabili Patri prædium, quod vocatur Bodardi villa, situm in pago Vvimnau, in quo ipse Leutbertus Ecclesias ædificauit; necnon & locella alia, id est, Taunaco, Luneraco, Frolinas, seu Gressus etiam & Duno \*, & Arecharium villam in pago Velocassino. Vnde statim Priuilegium confirmationis à prædicto Rege editum accipere curauit, quod adhuc in Scrinijs nostri Cœnobij reconditum retinetur.

Eodem anno quidam homines nominibus hijs, Gunthardus, Almedius, Aiga femina, largiti sunt possessiones has in pago Ebroicino, Agmaro, & Horma, & Maceriolas, & Spanga, & Haretone, cum omnibus adjacentijs suis, sitas super fluuium Ittonem: huic Benigno Abbati largitus est Benignus item Monachus Senior frater Gennardi mansum in Magaciaco villa, quæ est in pago Velocassino, cum vineis & mancipijs, quem ei dederat Ragenfridus Maior domus quondam. Item quidam homo nomine Gislehardus Montecellus

villam cum adiacentijs suis Meriliaco, Neruimaco, Ciri-  
liaco, sitam in pago Oximenſi in centena Nouiacenſe, anno  
ſecundo Dagoberti Regis. \*

Anno decimo ſexto Hildeberti Regis quidam paterfamilias  
Litor nomine Primiaco decimo die menſis Iulij in pago Ma-  
driacenſi largitus eſt. Eodem anno Ermingus Clericus par-  
tem contulit de Brinniaco octauo Kal. Iulij. In quo Con-  
uentu interfuit vir Deo dilectus Bagga Presbyter Saxonici ge-  
neris.

Anno decimo ſeptimo eiufdem Regis Ebrinus partem de  
Gentiaco ac Fontanas contradidit. Nam & fratrem \* ſuum \* filium  
nomine Eodonem inſtinc Clericum habebat.

Anno primo Dagoberti iuuenſculi Regis Ermoaldus Summa-  
cianna \*, decimo Kal. Martij. Anno ſecundo Erinnulfus \* Summa  
Rocolinilutum, ſiue Betlinicurtem, & Mancicum. Anno Cramna.

tertio Gaugia femina Saciacum ſiue Dignum ſuper fluuio Au-  
dura: item Landas. Anno quarto partem de Tertiaco \* & Tiriaco  
& Arbrandovillari Erinfridus. Item Monticellus in centena  
Nantſanninſe Erchemfridus. Anno quinto Aganulfus par-  
tem in Franſarijs vicinijs Greſſus, & quidam Vvaddo in Col-  
nicio. Deceſſit decimo tertio Kalend. Aprilis.

*Geſta HVGONIS Archiepiſcopi, & Reſtoris Cœnobio-  
rum Fontanellensis, & Gemeticensis.*

### CAPVT VIII.

**H**VGO filius Drogonis vir venerabilis à matre nomine  
Adaltrude primogenitus \*, nepos Karoli ſagaciſſimi \* progeni-  
tius. Principis, Archiepiſcopus Rothomagenſis Eccleſiæ, poſt  
præſatum BENIGNVM regimen huius Cœnobij ſuſcepit ab  
anno Dominicæ Incarnationis ſeptingenteſimo vigefimo ter-  
tio, Indictione VI. qui erat annus Principatus Karoli nonus,  
Gregorij verò ſecundi Papæ, qui loco nonageſimo à S. Petro  
Romanæ præſuit Eccleſiæ, annus ſeptimus inſtabat. Rex it-  
que iſtud Cœnobium per annos nouem, menſes duos, & dies  
tredecim, id eſt uſque ad annum decimum ſextum Principa-

tus antefati Caroli ; Gregorij verò præfati Papæ decimum septimum , Dominicæ quoque Incarnationis septingentesimo & trigesimo , Indictione decima tertia. Hic etiam Præfulatum Ecclesiæ Parisiæ , simulque Bajocassinæ , cum Rothomagensi tenuit , factione scilicet patris sui Caroli Principis , extra Decreta tamen Canonum. Cœnobium verò nobiliora , Fontinellam , & Gemmeticum : Prædia verò Regia , quæ eius infederunt animo : non enim causa peruersæ cupiditatis , aut aliquo seculari fastu à patre suo Carolo Principe , siue à Regibus Francorum , qui eius tempore Sceptra Regni huius tenuerunt , id est Hildeberto , Dagoberto , Hilperico , Clotario , necnon & Theoderico ea impetrabat , sed ut statim Ecclesijs Christi contradideret. Sciens scriptum , quòd ea hereditas bene reconditur , quæ Deo custode seruetur. Mater denique eius Adeltrudis , ut prædiximus , nomine , filia fuerat Vvarattonis nobilissimi Maioris domus Regiæ , atque Ansledis , coniugis eius , qui plurima huic Monasterio largiti sunt prædia. Denique prædicta religiosa & strenua matrona Ansledis auia sua derelicta Vvarattonis ad nutriendum suscepit ipsum Hugonem , Patrem demum gloriosissimum.

Hæc igitur prudentiæ & prouidæ industriæ spiritu plena , animum pueri fertur quotidianis admonitionibus corroborasse , ut sese cum omnibus quæ habebat Dei seruitio manciparet. Vnde factum est ut sacrarum literarum studio imbutus , coruorum suos sapientiâ & religione anteiret : secundumque sanctam suggestionem præclaræ nutricis ac auæ suæ Ansledis cœpit terrena cuncta despiciere , & ad regna cœlestia viriliter anhelare , simulque patrimonia plurima Ecclesijs Christi contradere. Quæ cuncta si qui plenius scire cupiunt , scrinia ciuitatum Rothomagensis , Parisiæ , & Bajocassinæ , & huius Cœnobij Fontinellensis , simulque Gemmeticensis reuoluant ; illicque inuenient quantam sollicitudinem ac perugilem curam de constructione , propagatione , & administratione , ac exaltatione Ecclesiarum habuerit. Huius pater Drogo filius prædicti Pipini Ducis Francorum , frater Grimoaldi & Caroli nobilissimorum Principum , defunctus est anno ab Incarnatione Domini septingentesimo septimo , Indictione quinta , tempore Veris. Succedit ei isdem vir ve-



nerabilis Hugo in sede Rathumagensi vigesimus à Mellone primo Pontifice eiusdem vrbs : Rector quoque siue Procurator vrbs Parisiacæ trigessimus quintus à B. Dionysio constituitur ; porro in regimine huius Cœnobij Fontanellensis à B. Vvandregisilo septimo in loco : similiter à S. Philiberto in regimine Cœnobij Gemmeticensis. Hic namque vir venerandus Hugo dum adhuc laicus foret , largitus est Benigno Abbati Vierlaicum Villam , quæ sita est in pago Tellau , super fluuio Eora , quæ ipsi de iure prædictorum parentum suorum legitimè obuenerat. Facta est hæc largitio ab anno Dominicæ Incarnationis septingentesimo decimo tertio, Indictione duodecima , qui fuerat annus Dagoberti iunioris Regis III. Pipini autem Ducis XXVI. vndecimo Kalendarum Iuliarum die , feria IV. Inter reliqua autem prædia ab eo contradita, etiam Vvitflanam villam largitus est Vvandoni Abbati anno primo Clotharii Regis, quem Carolus post fugam Hilperici ac Ragenfridi Regem sibi statuerat , & possessa est ab hoc Cœnobio vsque ad regimen Vvitlaici Abbatis per annos quadraginta tres. Huic glorioso Præsuli largitus est quidam illustris nomine Bertus portionem aliquam de villa Digmaniaco , quæ sita est in pago Osismensi , in centena Alancionensi, & illam rem quæ vocatur Vanda in centena Saginse. Similiter in territorio Cenomannico rem illam quæ dicitur Veringo , seu Metiago , quæ appellatur Auancurte. Edita est hæc largitio anno vndecimo Theoderici Regis patris Hilderici demum Regis nouissimi ex genere Merouingorum. De patrimonijs enim à prædicto glorioso Præsule huic loco largitis , siue à fidelibus Christianis impetratis ac susceptis , qui nosse cupit , Testamenta ab ipso edita reuoluat , & tunc probabit nihil me de eo sinistrum aut dixisse, aut scripsisse. Menfatas ad vnumquemque mensem sufficientes \* præberent alimoniam , idcirco memoria illius in benedictione manet. Expletis namque laudabilis cursus sui annis migravit ad Dominum sexto Idus Aprilis , qui erat annus Dominicæ Incarnationis septingentesimus trigessimus , Indictione decima tertia. Corpus eius Gemmetico Cœnobio , quo etiam vitæ decessit , in Ecclesia Sanctæ matris ac perpetuæ Virginis Mariæ venerabiliter sepultura est traditum. Conditaque est à Fratribus

\* sufficientem

Obijt an.  
730.

illinc habitantibus supra tumbam illius repa diuersis metallis decorata ; ob amorem videlicet, sanctitatem, ac reuerentiam illius. Nullus enim ante eum eiusdem Cœnobij Rector, nec post eum, tot prædia ac possessiones in iure ipsius venerabilis loci contulit ac impetrauit, sicut ipse facere curauit, veluti Testamenta ipsius Cœnobij cunctis legentibus liquidò patet. Hic dimisit in hoc Cœnobio Fontinellensi calicem aureum & patenam auream pensantes libras quatuor, vncias duas. Turriculam auream pensantem libras sex. Capsam auro & gemmis decoratam continentem pignora diuersorum Sanctorum. Plurima enim bonitatis gessit opera, quæ dinumerare laboriosissimum est. Nobilis enim extitit genere, sed non inferior Religione. Hæc quidem de venerando Patre ac Dominò Hugone dicta sufficiant.

---

*Gesta LANDONIS Archiepiscopi Remensis, & Rectoris  
Cœnobij Fontanellensis.*

CAPVT IX.

**L**ANDO Episcopus de vrbe Remensi successit Hugoni Præsuli in regimine Cœnobij huius ab anno duodecimo Regis Theoderici nouissimi, qui erat Exarchatus Caroli annus septimus decimus, Incarnationis autem Dominicæ septingentesimustrigesimus primus, Indictione decima quarta. Qui etiam Cellam S. Sidonij, quæ est in Vvaxinna, simul cum ista iure beneficij aliquandiu tenuit. Anno namque regiminis istius primo Gregorius iunior Papa migravit ad Dominum. Cui successit alius Gregorius miræ sanctitatis vir, qui clauēs ex confessione S. Petri Apostolorum Principis accipiens, Carolo Principi direxit, vt Romanam Rempublicam ab oppressione Longobardorum liberaret. Eodem anno Carolus perrexit Vualconiam contra Eudonem Principem qui tyrannidem assumpserat : & Ragenfridus in Tarta post annos tyrannidis quatuordecim mortuus est. Venerabilis Presbyter Beda Historiam Ecclesiasticam, quam de gente sua, id est Anglorum, composuerat, vsque in hunc annum mirabili opere

opere perduxit, & non multò pòst ad cœlestia regna perrexit,  
VII. Kal. Iunij

Hic Lando impetrauit à præfato Carolo Principe Priuilegium immunitatis perennis, in quo continetur, quòd Cœnobium istud sub sua defensione ac tuitione idem Princeps specialiùs receptum haberet, & hoc ipsum Francorum populo, siue Episcopis, seu Cœnobiorum Patribus, necnon Comitibus, omnibùsque exactoribus Reipublicæ gentis Francorum notum esse voluit, quatenus res istius Cœnobij, vniuersaque sua salua esse valerent, nec à quoquam diripi, aut contaminari, vel in aliquo lædi quocunque possent ingenio. Editum est hoc Priuilegium in isto Cœnobio, suggerente eodem Episcopo, ac fratribus omnibus intercedentibus.

Huius anno secundo, id est Dominicæ Incarnationis septingentesimo trigesimo secundo, Eudo Dux Aquitanorum cernens se superatum, & ad defendendam patriam suam contra Carolum se viribus esse destitutum, gentem perfidam Sarracenorum ad auxiliandum sibi inuitat : qui cum Rege suo Abdirama nomine Garomnam fluuium transeunt, Burdegalim urbem peruenerunt, ibique Ecclesijs Dei igne concrematis, pluribùsque Christianis interfectis, vsque ad Pictauem urbem, Basilicamque S. Hilarij igne concremarunt, & ad beatissimi Materni \* Ecclesiam subuertendam \* Marini, summo conamine proficisci contendunt. Contra quos Carolus Princeps iuxta urbem Pictauem aciem construxit, & super eos inuocato Christi auxilio întrepidus irruit, & eos cum Rege eorum vsque ad internecionem deleuit. Acceptisque spolijs eorum, nomen Domini glorificans, totâ iam Aquitaniâ subactâ, cum triumpho ad propria reuertitur. Rexit autem Cœnobium istud idem Episcopus Lando per annos tres, lapsisque cursus sui annis, ingressus est viam patrum : sicque sepulturæ traditus in Ecclesia B. Petri Apostolorum Principis, in Ecclesia Cœnobij Fontinellensis. Obijt XVII. Calend. Februarias.

*Gesta TEUTSINDI Abbatis Cœnobij S. Martini  
Turonensis, & Fontanellensis.*

CAPVT IX.

**T**EVTSINDVS Pater Cœnobij S. Martini Turonensis Ecclesiæ fortitur locum regiminis anno Dominicæ Incarnationis septingentesimo & trigesimo quarto, Indictione secunda : qui erat annus præfati Regis Theoderici decimus quintus. Hic quidem Teutsindus quàm fuerit amator Dei ac Sanctorum, Ecclesiarumque eius fautor ac defensor, opera quæ gessit hoc in Cœnobio, vel qualiter in diebus eius res istius monasterij augmentum vel detrimentum sumpserint, testimonium perhibent. In diebus namque tyrannidis, non regiminis eius, hoc nobilissimum Cœnobium ignobile est redditum. Ab isto enim tempore, quo lugendus iste regiminis suscepit locum, status vitæ innocentis, quem in eodem Cœnobio secundum eximij Patris BENEDICTI normam excolendum fore Beatus Pater Vvandregisilus instituerat, ob inopias plurimas fluctuare cœpit, nec vsque ad hanc diem in pristinum statum reuocari valuit. Denique tempore B. Lamberti Archiepiscopi, Sancti etiam Ansberti summi Pontificis, Hiltberti quoque venerabilis Presbyteri, Baini denique gloriosi Præsulis, Benigni preciosi Patris, Hugonis namque magni Præsulis, felicia atque lætissima isti Cœnobio fuere tempora. Quippe dum prædijs plurimisque possessionibus à Regibus magnis ac sinceris Christianæ Religionis cultoribus istinc largitis, omni egestate exclusa, multitudinis Domino militantium erat cor vnum & anima vna, erantque eis omnia communia, nihilque proprium aut suum quisque dicebat; sed iuxta exemplum primitivæ Ecclesiæ feliciter ac securè Domino militabant : Omnia namque necessaria à Patre Monasterij accipienda fore nouerant. In diebus prædictorum Patrum trecenti semper fuere numero istinc habitantes serui Dei. Adepto namque isto loco regiminis, & non regiminis, sed potius tyrannidis, mox rebus ablatis in maximam

paupertatem hoc quondam gloriosum Cœnobium redegit. Nam penè tertiam facultatum partem abstulit, suisque propinquis, ac Regijs hominibus ad possidendum contradidit, quæ usque nunc de isto Cœnobio permanent ablata, sicuti omnibus Priuilegia ac largitiones, quæ in scrinijs nostri Cœnobij retinentur, reuoluentibus in promptu est: quæ nimis longum est narrare per singula. Sed vnum è plurimis ad medium deducam precarium, quod cuidam Comiti nomine Rothario edidit: ob memoriam æternam qualiter ipsæ res de hoc Cœnobio sint ablata, per ordinem describere ratum duxi. Eidem namque Rathario Comiti contradidit Ulmirus & Vvarinnam cum adiacentijs eorum, id est, Crisiaco, Seda, Magneroto, & item Magneroto, necnon & Toscarias, simulque terram super litus maris, & areas salinarum piscationumque quæ ibidem institutæ erant. Vineas etiam in Vvarnaco super fluuio Sequanæ sitas in pago Velioassino, quæ impetrauerat sanctissimæ recordationis Lantbertus Abbas à Rege glorioso Hilderico, suadente Regina sua Bilhilde, necnon & alijs illustribus viris, quorum hæc sunt nomina: Leodegarij Episcopi demumque Martyris egregij, Vinonis, & Ernomij, Fulcoaldi, Amalrici, Vulfoaldi Maioris Domus Regiæ, Baunonis, Vuaningi, Adalberti, Geurini, sicut in gestis præfati Patris Lantberti eximij fore scriptum constat. Similiter alia patrimonia in eisdem pagis sita, id est, Somardum pontem, Malcham, Hofdinium, Balliolum in pago Vimnau, cum adiacentijs eorum, ad se pertinentes; Necnon & medietatem de Edreman, qui fuit Gesonis, Moriacum, ac Braciacum, quæ sunt super fluuio Sedanna; Balciduum in pago Vimnau, quæ fuerat Ambremari & Berioaldi, & Bociliacas, Ruboridum, Rosbacium, Gammapium villam pulcherrimam item super fluuio Sedanna; Vistriacum super fluuio Duno sita in monte Aionecorte, Gammapiolum, Rumguarias, Muriacum qui dicitur vallis Cuniculi al.... in pago Vimnau Bettonecorte super fluuio Eura: sunt villæ viginti nouem \*, exceptis adiacentijs aliquarum, quæ ponuntur in duobus pagis, Tellau scilicet & Vimnau. Hæc namque patrimonia idem Comes Ratharius à prædicto Teutfindo iure precarij accepit; vnde censum leuauit omni anno ad festiuitatem sancti Patris nostri Vvandre.

Lant berti  
Abbatis ge-  
sta desunt.

\* octo

Dd ij

\* Principatus.

giffili in luminaribus Ecclesiæ solidorum sexaginta persoluentum. Factum est hoc precarium in isto Cœnobio hoc anno, qui est ab Incarnatione Domini nostri IESV CHRISTI septingentesimus trigessimus quartus, Indictione II. sub die tertio Nonarum Maiarum, quod euenit feriâ quartâ, qui erat annus Caroli Principis \* vigesimus. Censum autem quem idem Comes professus est transsoluere, vsque ad Vitlaici Abbatis tempora omni anno Patribus istius Cœnobij absque vlla retractatione persoluebatur; de Ulmiro videlicet ac Vvarinna, quo S. Ricbertus corpore quiescit.

\* valet.

Hinc perpendant Rectores ac Prælati Cœnobiorum quàm nequiter ac infeliciter contra salutem animæ suæ agant, qui prædia ac res à bonis ac Deum timentibus hominibus Cœnobij suis collata iure Ecclesiarum ac Cœnobiorum ablato contradunt dominationi potentium ac dominicorum hominum, qui de proprio nil quidem tribuunt, sed hæc ipsa quæ largita à iustis fuerant, gratum sibi ac temporalem acquirentes honorem, gregem sibi commissum in præcipitium mittunt: pro quorum casibus districtam in die nouissimo exoluent poenam: nempe melius esset ea die, quando præfata res de isto Cœnobio fuerunt sublata, vt ignis ibi accenderetur, qui vniuersa ædificia funditus consumpsisset, quoniam decies antea quiuisset reædificari, quàm tales res acquirere. Nam vnde milites Christi alimoniam consequebantur, inde nunc pastus exhibetur canibus; & vnde lumen ante aram Christi in Ecclesia lucere solebat, inde armillæ, balthei, & calbæres fabricantur, necnon sellæ equinæ auro argentoque decorantur. In die enim vna iste infelix operatus est malum hoc; sed in tot annorum curricula emendationem non recepit. Qualiter enim de suo eleemosynam videtur \* facere, qui alienas res tollit, cùm Zachæus ille staturâ pusillus dicat ad Dominum: *Domine, ecce dimidium bonorum meorum do pauperibus, & si aliquid iniuste alicui abstuli, reddo quadruplum.* Et si de hominibus qui res aliorum tollunt, aut pecuniam hominum inuadunt, vt in quadruplum reddant iuxta exemplum ipsius Zachæi, Euangelium pronunciat, & tunc eleemosynam proximis impendant: quid dicendum est de his qui res Ecclesiarum & ipsius Dei æterni auferunt, & iterum sæculo contradunt? Veniet enim illis quod

Dominus per Prophetam impijs comminatur, dicens : *Vistabo super vos mala, & quiescere faciam superbiam impiorum, & arrogantiam fortium humiliabo.* Nec enim poterit eos aurum aut argentum liberare, neque diuitiæ, quas nunc in angulis abscondunt, & ex quibus arrogantes effecti salutem suam obliuiscuntur. Tales quippe Rectores nequiores sunt paganis, quoniam si pagani locum igne cremauerint, terram tamen secum non tollunt.

Huius anno quarto, qui est Incarnationis DCCXXXVII. nuntiatus est inuictō CAROLO Principi, quod sœua gens Sarracenorum, obteñta Septimania & Gocia, in partes iam Prouinciæ irruissent, castrumque munitissimum Auinionem per fraudem quorundam Prouincialium-comitatum primum\* \* illum obtinuissent. Quapropter exercitum congregans illuc iter dirigebat, præmissisque quibusdam exercitus sui Principibus, qui castrum obsiderent, ipse profectus est, prædictamque urbem obsidione circumdat, machinisque compositis urbem munitissimam diruit, ipsamque cum habitatoribus suis igne & gladio consumit. Rodanum dehinc fluuium transijt, Gottorum fines penetrauit, Narbonam urbem celeberrimam castris circumcinxit, Regem Sarracenorum nomine Acluma\* \* Aduma cum Satellitibus suis ibidem reclusit. Hæc audientes Maiores natu Sarracenorum, qui morabantur in regione Hispaniæ, collecto exercitu cum alio Rege nomine Amormacha aduersus Carolum arma corripunt. Contra quos inuictus Princeps Carolus ciuitate Narbona sub custodia derelicta, in loco qui vocatur Birra, septimo ab urbe milliario occurrit intrepidus, ubi diuina misericordia succurrente pugna acerrima commissa est. Carolus Princeps victor exitit, Regem præfatum Sarracenorum interemit, exercitumque eius penitus vsque ad interuersionem deleuit : spolijs innumerabilibus ditatus, cunctâ depopulatâ Gothiâ, diruptisque ciuitatibus, & deuictis vniuersis hostibus, præter eos quos in Narbona incluserat, urbe eadem sub custodia derelicta, cum magno triumpho remeauit in Franciam.

Sub huius denique tempore Erinhardus Præpositus eius ædificauit Basilicam Beatissimi Archangeli Michaëlis, licet modico, pulcherrimo tamen opere, allatis videlicet petris po-

\* Caletum

litis de Iuliobona castro quondam nobilissimo ac firmissimo, ad construendos arcus seu frontispicium eiusdem Templi. Hæc namque ciuitas fertur ædificata fuisse à Gaio Iulio Imperatore Romanorum ante aduentum Domini, dum Gallias vastando circumiret. Ipsum namque castrum, *Caletus* \* antea vocabatur, quod destructum, & in maiori elegantia reparatum ex suo nomine Iuliobona vocare placuit. Denique constructâ idem Præpositus hac Basilicâ campanam in turricula eiusdem collocandam, vt moris est Ecclesiarum, opifici in hac arte erudito facere præcepit: qui dum iniunctum sibi opus perficere contenderet, suadente inimico humani generis, deficiente metallo, vnde patrandum erat signum, copiâ eiusdem imminuta, partim abstulit, partim in cacabo liquefiendum composuit. Proiectâque eadem copiâ metalli in forma qua futurum sperabatur signum, ex parte aliqua deforme deficiente copiâ metalli, quæ antequam liquefacta foret sublata fuerat, minúsque est redditum, sic tamen turriculæ impositum. Denique quacunque hora diei pulsatum sonitum dabat, prædictus artifex, qui illud metallum furto sustulerat, in amentiam vertebatur, verbâque inepta ac latratus canum more dabat. Erat namque idem Erinharius, secundum carnis originem de Apuliaco villa, fautor tamen & amator Regulæ, castæque Religionis. Dicere verò solitus erat præfatus Teutindus Fratribus Turonicæ Ecclesiæ: Nisi vestram correxeritis vitam ac mores, Erinharium meum Præpositum ex Fontinella huc adducam, qui aratra vestra rectum doceat sulcare. Expletis autem idem Erinharius circulis dierum suorum, defunctus, ac in Basilica S. Petri Apostolorum Principis in introitu eiusdem Basilicæ ante ostium Aquilonare terræ conditus est, sub nobili videlicet eiusdem Ecclesiæ pauimento; scriptumque est in coopertorio sepulcri sui ita: *Hic requiescit Erinharius Præpositus.*



*Gesta VVIDONIS Abbatis Cœnobiorum S. Vedasti,  
& Fontinellensis.*

C A P V T X.

**V**VIDO fortitur locum regiminis ab anno Dominicæ Incarnationis DCCXXXVIII. qui erat annus primus Hilderici nouissimi Regis, CAROLI autem Principis vigesimus sextus, per annum vnum. Hic namque propinquus Caroli Principis fuit; qui etiam Monasterium S. Vedasti, quod est in Atrebatensi ciuitate, iure regiminis tenuit aîno vno, sicut & istud. Erat autem de secularibus Clericis, gladiôque quem semispiacium vocant semper accinctus, sagâque pro cappa utebatur, parûmque Ecclesiasticæ disciplinæ imperijs parebat. Nam copiam canum multiplicem semper habebat, cum qua venationi quotidie insistebat, sagittatorque præcipuus in arcubus ligneis ad aues feriendas, hisque operibus magis quàm Ecclesiasticæ disciplinæ studijs se exercebat. Accusatus verò apud Priacipem Carolum, quòd conspiracyonem aduersus ipsum cum alijs meditatus esset, iussu eiusdem Exarchi ad Regiam domum compellitur migrare. Qui dum pergeret cum Satellitibus regijs, venientes in territorium Viromandiæ, capitis præcisione damnatur, ibidémque digno in loco sepulturæ est traditus. Hæc ex relatione cuiusdam Patris, qui ipsum videre potuerat, didici, quòd ita vitâ decesserit. Qui etiam Vvido Cœnobium S. Vedasti, quod est situm in Atrebatensi territorio, vt supra declaratum est, vnà cum isto annum ferè vnum post Gogislenum iure Rectoris dicitur tenuisse. Cui successit Romanus in ipso Cœnobio per annos tres. Huic Vvidoni largitus est quidam paterfamilias nomine Raginfridus portionem aliquam de villa quæ dicitur Laxtra, anno primo eiusdem Regis Hilderici, quæ sita est in pago Constantini,

*Gesta RAGINFRIDI Archiepiscopi Rothomagensis, &  
Reſtoris Cœnobij Fontanellensis.*

CAPVT XL

**R**AGINFRIDVS Præſul Eccleſiæ Rothomagensis accepit regendi locum ſub anno Dominicæ Incarnationis DCC. XXXIX. qui erat annus Exarchatus Caroli XXVII. Hilderici vèrò Regis Merouingi annus II. Gregorij Apoſtolici annus IX. Eodem anno Carolus commoto exercitu vniuerſali partibus Prouinciæ iter dirigit, Auinionemque iterum cepit; totaque Prouinciâ vſque ad litus maris peragrata, ad Maſſiliam peruenit; fugatôque Duce Moronto, qui quondam Sarracenos in ſuæ perfidiæ præſidium aſciuerat, nullo iam relicto aduerſario totam illam regionem Francorum imperio ſubiugauit, & cunctis ſtrenuè diſpoſitis ad proprias ſedes reuerſus eſt. Hic Ragemfridus de nob ili Francorum proſapia oriundus extitit, licet opera nefanda generoſitatem foedarent illius. Compater etiam ſpiritualis regenerationis Pipini Magni Regis, qui de ſeculari quidem habitu commutatus Grimoni Archiepiſcopo ſuccedens, Præſul efficitur Eccleſiæ Rothomagensis, Reſtorque huius Cœnobij Fontanellensis, parûmque dignè hoc adminiſtrauit: Erat namque ignarus literarum, ſicuti prædeceſſores ſui Grimo & Vvido, ideôque minùs dignum ſe exhibebat tantæ rei negocio. Qui cùm regiminis huius Cœnobij poſt præſatum Vvidonem ſuſcepisset curam, nihil ad conſulta Fratrum agere volebat, immò alimenta corporis ac tegûmenta eis ſubtrahens, proprijs vſibus retorquebat. Vndè commota omnis caterua Monachorum ne ſtatus almæ Regulæ vacillando fluctuaret, quæ agenda ſint deliberant, IESVM benignum adeunt, clementiam illius implorant, vt ipſe virtutum Dominus conuerſus reſpiceret de cœlo vineam ſuam, ne periret quod plantauerat fortiffimâ dexterâ ſua. Poſt celebratam denique obſecrationem, ijdem milites Chriſti ſanæ mentis conſilio inito tres ex ſemetipſis Fratres eligunt, qui Pipino Principi ſuggererent, vt memor propinqui

propinqui sui B. Vvandregesili, ac genitoris sui inuidi Caroli, qui locum hunc Privilegijs suæ auctoritatis decorauerat, ac defensione fortissima roborauerat, à dominatu tanti prædonis ac tyranni misericorditer eos liberaret. Nec mora, quæ petierant adipiscuntur. Exemplò namque auctoritate Regia idem Raginfridus de ordine regiminis huius Cœnobij depositus est, reseruato sibi Episcopatu Ecclesiæ Rothomagensis. Nomina autem Fratrum illorum, qui Regem pro eadem re adierunt, hæc sunt: Vvildebertus de Meldico pago ortus, Laurentius ex Beneuento Campaniæ carnis originem trahens, Austrulphus quondam Præpositus, demumque huius Monasterij Pater. Cùmque à præfato Rege, quem sibi Rectorem præficere vellent, percontati fuissent, VVANDONEM sibi præesse velle responderunt. Erat autem in exilio adhuc idem Vvando in Traiecto castro, in Monasterio videlicet B. Seruatij Confessoris Christi. Quem accersitum Dominus Pipinus curam illi Cœnobij istius commisit. Sicque iidem Fratres vnà cum Regijs Satellitibus ad istud Cœnobium Fontanellense cum lætitiâ & exultatione cordis perducunt. Facta est verò illi obuia omnis turba Monachorum cum crucibus & vexillis, laudes Deo resonans, vocésque ad sydera dantis clarissimas. Quorum alij flebant præ gaudio, alij harmoniæ dulces sonos promebant in excelsis. Introducentes denique eum in Ecclesiam Beatissimi Principis Apostolorum Petri, immensam Christi clementiam consona voce collaudarunt, qui talem eis præstiterat opem contra crudelissimum tyrannum; ita vt cum Psalmista possent dicere: *Nos autem populus tuus, & oves pascuæ tuæ, confitebimur tibi in sæcula.* Deposito autem prædicto Ragenfrido de regimine, & substituto eodem Vvandone, in summa pace ac tranquillitate hoc Monasterium exitit.

Huius Raginfridi annò tertio regiminis necdum expleto, Carolus legationem B. Papæ Gregorij bis eodem anno suscepit, virósque religiosos, Grimonem videlicet Corbiensis Monasterij Patrem, & Sigebertum Reclausum Basilicæ S. Dionysij Martyris, ad limina Beatissimi Principis Apostolorum Petri cum magnis muneribus direxit. Eodem anno dum ægrotare se cerneret, filijs suis Principatum suum aqua lance diuisit: primogenito suo Carolomanno Austrasiam, Ale-

Ee

maniam, Turingiamque subiecit : Filio verò iuniori Pipino Neustriam, Burgundiam, Prouinciãque concessit. Corruptus autem febre in Carisiaca villa, quæ est super fluuio Isëra, in pace obiit. Rexit autem populum Francorum annis xxv. & mensibus vi. Transijt autem xi. Kal. Nouembris, sepultusque est haud longè à Parisiaca ciuitate in Basilica S. Dionysij Martyris. Prænominatus autem Raginfridus pro insolentia morum ac prauitatibus suis, etiam à Clericis Rothomagensibus apud Pipinum Regem accusatur, anno videlicet xiii. postquam regimen istius Cœnobij Fontanellensis amiserat. Quo eiecto de Episcopatu eiusdem Ecclesiæ, datus est Remigio fratri eiusdem gloriosi Regis Pipini hoc anno, qui est ab Incarnatione Domini nostri IESU CHRISTI septingentesimus quinquagesimus quintus. Cui tamen Ragenfrido causâ misericordiæ aliquæ villæ de eodem Rothomagensi Episcopio attributæ fuerunt, De quibus vna erat Clouialus super alueo Sequanz constituta, in qua etiam post aliquod tempus electionis suæ morbo correptus vitam finiuit. Cuius corpus Rothomagum delatum est, sepulturæque traditum. Tenuit autem nomen Præsulis eiusdem ciuitatis annis xv. huius verò Cœnobij regimen annis duobus & dimidio.

---

*Gesta VVANDONIS Abbatis Cœnobij Fontanellensis.*

CAPVT XII.

**V**VANDO Presbyter à patre Baldrico nomine progenitus, territorio Tellau ortus, regimen assumpsit Cœnobij ab anno Dominicæ Incarnationis dccxlii. qui est annus primus Principatus Carolomanni & Pipini, præsidente Romanæ Ecclesiæ anno primo Zacharia Apostolico. Igitur idem vir religiosus Vvando, dum de Traiecto castro, vbi ad exilium ductus fuerat, cum permisso ac iussione gloriosissimi Principis Pipini reuerteretur, pignora reliquiarum B. Seruatij Confessoris assumens secum detulit: veniensque in hunc locum ædificauit Basilicam in honore ipsius Confessoris Christi iuxta Ecclesiam B. Principis Apostolorum Petri ad meridianam.

eiusdem Ecclesiæ plagam. In qua solarium condidit, ita ut per gradus sursum ascenderetur : collocauitque ibi altare vnum, in quo de reliquijs prædicti Confessoris posuit. Quo in loco ob meritum eiusdem almiſſici Confessoris Christi plurimæ à Domino patratae constant fore virtutes. Nam ut è plurimis vnum proferam, lampas quæ coram ara huius Basilicæ dependebat, postquam in ea semel positum fuit, sponte liquorem olei in vsu lucernæ nullo quippiam adijciente per plurimos mansit annos, donec quidam latomus, sicut relatione cuiusdam venerabilis senis didici, qui tunc temporis in hoc debebat Monasterio, furtim inde abstulit, sicque deinceps ob piaculi huius facinus manare desijt.

Aliud quoque memorabile miraculum huic Operi inferere commodum duxi. Quodam denique tempore, id est anno Dominicæ Incarnationis DCCLVI. qui erat Pipini Regis annus quintus, Ecclesia B. Petri per culpam incuriæ, igne cremata est : hæc autem B. Seruatij Confessoris Basilica contigua erat illi : cùmque furentium flammarum globi alta peterent, aliqui ex Fratribus ad ipsum virum religiosum Vvandonem, qui in eadem sanctissimi Seruatij Basilica residebat, accedunt, monebantque ut egrederetur, metuentes, quia adhærebat ei quæ incendium patiebatur, ne similiter igne concremaretur. Tunc idem vir Domini respondisse fertur : Si potuerit me quidem S. Seruati ac Basilicam istam, quam deuoto pectore edificauit, ab his ignibus defendi, faciat ; sin verò, spontè cum ipsa temporale subire non recuso incendium. In eadem denique Basilica, sicuti dixerat, orationi insistens remansit ; exustaque S. Petri Basilicâ, hæc illa se permansit obtentu B. Seruatij Præsulis. Erat nanque idem Vvando amator Ecclesiarum, semperque de lege Domini meditationem agere volebat.

Anno igitur Hildeberti Regis secundo ad conuersionem veniens sub Hildeberto Abbate ex propria hereditate cõtulit iure possidendi huic Cœnobio in pago Vimnau, super fluuiò Vimina in loco qui vocatur quatuor Molas, tertiâ partē de Cora, de Haifmedis villa tertiam similiter partē, de Buxido nihilominus tertiam partem : de Pyrò similiter, de Baliolo in pago Tellau tertiam similiter partem ; necpò & de illis vineis quæ sunt in pago.

E c ij

Tellau super fluuio Visrona, huic venerabili Patri dedit Ragē-  
 \* Vvulana fridus in Tarta fiscum qui vocatur Vvintlana \* anno secundo  
 Hilperici Regis, qui erat Dominicæ Incarnationis DCCXVII.  
 Indictione XV. sub die quinto Kalend. Octobrūm feriā se-  
 cundā. Plurimæ nanque res Ecclesiæ nostræ in huius admi-  
 nistratione accreuerunt. Dimisit autem in Ecclesia S. Petri  
 Offertorium argenteum cum patena, capsam auro decoratam,  
 & alia ornamenta diuersa: Codicum etiam copiam non mi-  
 nimam, quod dinumerare oneri esse videtur. Sed aliquos ob  
 memoriam illius inferere placuit; id est, Codicem vnum Ro-  
 manā literā scriptum, in quo continetur expositio brevis trium  
 Euangelistarum, idest, Ioannis, Matthæi & Lucæ: Arnobij  
 \* Arnolini \* Episcopi & Rhetoris sermo de Adam qui perierat. Rufini  
 ex Historia Ecclesiastica, de Spiridione Episcopo: eiusdem de  
 muliere captiua, ex eadem Chronica ab eodem translatus,  
 quæ Hiberorum gentem ad Christi fidem conuertit. Fides Ni-  
 cæni Concilij. Exhortatio S. Macharij ad Monachos. Item  
 Rufini sermo de Ieiunio & Oratione. Vita & Passio S. Felicis  
 Nolanæ vrbis Episcopi. Epistola S. Leonis Episcopi Nolen-  
 sis ad Marcellum Presbyterum eiusdem Ecclesiæ. Regula san-  
 ctorum Patrum Serapionis & Macharij, & alterius Macharij,  
 & Pafnutij. Regula S. Augustini Episcopi. Epistola B. Au-  
 gustini ad Felicem & Hilarium. Epistola S. Hieronymi de Ca-  
 stitate. Item Epistola B. Hieronymi ad Nepotianum. Item  
 Epistola eiusdem ad Euangelium Presbyterum, de Melchise-  
 dech. Item idem ad Rusticum. Epistola S. Clementis Papæ  
 ad B. Iacobum Apostolum. Item codicem B. Augustini, in  
 quo continetur de Poenitentia. Item Historiam Apolloni  
 Regis Tyri in codice vno. Historiam Iordani Episcopi Ra-  
 uennatis Ecclesiæ, de origine Gottharum \*. Item Codicem,  
 \* Gerarum in quo continetur Regula S. Benedicti & S. Columbani, &  
 Martyrologium. Item codicem, in quo continentur Capitula  
 nonaginta nouem de Euangelij Matthæi & Lucæ exposita ab  
 Aurelio Augustino. Item sermo eiusdem de Incarnatione  
 Domini. Item in eodem Libro differentiarum spiritualium  
 & carnalium Isidori iunioris Hispalensis Episcopi, in quo sunt  
 Capitula quadraginta duo. Item in eodem definitio Dogma-  
 rum Ecclesiasticorum Gennadij Presbyteri Massiliensis. Ictna

in eodem expositio fidei Catholicæ S. Hieronymi Presbyteri. Item S. Athanasij Alexandrinæ vrbis Episcopi de eadem re. Item in eodem libri quatuor Euangeliorum expositionem continentes editam à Sedulio viro Scholasticissimo ad Macedonium Presbyterum. Item in eodem Capitula tredecim ex libro sententiarum Isidori. Item in ipso Homiliæ tres B. Papæ Gregorij super Ezechielem Prophetam. Item in eodem Epistola S. Leonis Papæ ad Flavianum Constantinopolitanæ vrbis Episcopum aduersus hæresim Eutychetis Presbyteri.

Laborabat autem idem egregius Pater frequenter podagrico dolore : in infirmitate tamen positus, sicut & semper facere consueuerat, Dominum attentissimè collaudabat, sciens scriptum esse : *Flagellat Dominus omnem filium quem recipit.* Et illud : *Quem amat Dominus castigat.* Transactis autem septem circiter post suscepti regiminis curam annis, luminibus oculorum præ nimio ætatis senio priuatur. Tunc vnà cum consensu ac generali Fratrum voluntate eligit pro se venerabilem virum nomine *Austrulphum* ; qui erat Præpositus huius Cœnobij, regiminis loco subrogandum. Quo factò, missa petitione ad Pipinum Principem, obsecrat vti suam & Fratrum electionem comprobans, sua ex auctoritate idem Austrulphus Cœnobio huic præficeretur. Quod ita & factum est. Ipse verò venerabilis Pater Vvando bonis operibus insistens, in Ecclesia B. Petri sedulò residens, agonem suum triumphatori Christo, ieiunando, orando, vigilando commendabat. Quantum verò feruens in præceptis Domini adimplendis extiterit, quòtque virtutum speciebus adornatus fuerit, imbecillitati meæ prosequi ponderosum foret. Testantur plurimi qui illum viderunt, idèd non necesse æstimo vniuersa de eo inferere, ne legentibus nauseam fecisse videar. Victimam quoque hostiæ salutaris, quandiu capitis habuit lumina, immolabat quotidie.

Anno denique Hildeberti Regis secundo, vt suprà taxauimus, ad conuersionis gratiam venit, fecitque in Monachico voto annos fermè sexaginta ; quibus expletis, decrepitæ iam ætatis senio confectus, præsentis vitæ debitum complens ad æternam migravit requiem anno ab Incarnatione Dominica circiter DCCLVI. qui erat Pipini Regis annus quintus, Vvodonis laici verò Abbatis annus primus. Sepultusque est in Eccle-

fra B. Petri iuxta Beatos Christi Confessores, in absida eiusdem Basilicæ ad meridianam plagam. Nam Bertgaudus Monachus, qui eum sepulturæ tradidit, referre erat solitus, quoniam dum eum posuisset in sarcophago more mortuorum, subito conuersum fuisse, seque dextero in latere collocauisse, sicuti moris est viuorum in stratu agere, viuentisque effinxisse speciem. Rexit istud Cœnobium primò annis quinque; secundò, id est post reditum suum de exilio, annis fermè septem: Transijt xv. Kalend. Maij.

*Gesta AVSTRVLPHI Abbatis Cœnobij Fontanellensis.*

CAPVT XIII.

**A**VSTRVLPHVS vir venerabilis à Patre Sindulpho matrêque Vvilberta vocabulo, ortus territorio Curtriacensi, Abbas constituitur, sicut supra annotatum est, unâ cum consensu ac electione Fratrum, annuente ordinationi eorum pio Principe Pipino. Quod factum esse constat sub anno Dominicæ Incarnationis DCCXLVII. Hic egregius Pater amator huius Cœnobij ac fortissimus Rector extitit, curamque maximam de statu Regulæ, & obseruatione legis Dei habuit. Denique tempore prædicti Patris Vvandonis Præposituræ ordinem cum magna gessit moderatione ac cautela, Fratribusque suis sufficientem alimoniam semper implere studuit, verbique diuini pabulum sedulè ministravit, suisque in actibus imitandus omnibus apparuit: Vndè factum est vt pro huiusmodi meritis sinceræque conuersationis exemplis Abbatis promeritus sit honorem: quo in culmine constitutus ita se omnibus exhibuit irreprehensibilem, vt castos huius actus omnes imitari vellent: nam quicumque illum docentem videbat, aliter operantem non redargebat.

Sub huius ergo tempore, vt videri potest, magnum miraculum Conditor mundi omnipotens Deus ac preciosum thesaurum populis illis in pago Coriouallensi residentibus ostendere dignatus est. Nam Comitatum eiusdem pagi tenente Rihvvino \* Comite, vas quoddam ad instar parui fari in me-

\* Riugino



dio maris iuxta locum qui vocatur Portus Ballij, super aquam ferri visum est, sicque paulatim appropinquando in ipso emporio constitit. Quod cernentes vicini, more vulgi mirari coeperunt, quidnam hoc fore vellet. Deinde ad Comitem accedunt, rem nouam pandunt; sicque vnà cum Comite Religiosos quosque viros, ac Sacerdotij dignitate fulgentes, ad hoc inauditum spectaculum inuitât. Qui propius accedentes cum grandi pauore, fide tamen maiori inspiciunt in latere eiusdem turriculæ ostiolum cerâ firmatum. Quod reseratum introspectientes, reppererunt Codicem pulcherrimum quatuor Euangelia continentem Romanâ literâ optimè scriptum, membranis mundissimis honestâque formâ confectum. Iuxta quem inueniunt & capsam, quam aperientes reppererunt partem ex preciosissima maxilla B. Georgij Martyris, cum alijs plurimis pignoribus diuersorum Sanctorum, insuper & salutiferi ligni Crucis Dominicæ, quod in eadem capsâ literis sigillatim declaratum erat. Deinde indicto ieiunio quid agendum sit deliberant. Expleto nanque ipso ieiunio plaustrum præparant, cui prædictum farum imponent, vt quò Domini decreuisset voluntas perferretur. Duabus quoque vaccis eidem plastro applicitis, summi arbitri præstolabantur nutum. Nec mora; eadem vaccæ concito gradu cum ipso plastro populis expectantibus atque prosequentibus, sine ductore, ac vilius bubulci administratione, ad eum locum qui vsque nunc Brucius vocatur, peruenerunt. Erat autem possessio cuiusdam illustis viri. Ibi nanque, vt Ecclesia construeretur in honore B. Georgij Martyris, omnibus placuit: Comes tamen prædictus primus in hoc negotio erat, qui vnà cum populis sibi subditis, condidit in eodem loco Basilicam in honore B. Georgij Martyris: duæque aliæ Ecclesiæ, idest, vna in honore Beatissimæ matris ac perpetuæ virginis Mariæ, altera in Sanctæ Crucis est fabricata honore; vbi diuina præstante clementiâ, obtentu Sanctorum, quorum pignora sacratissima cum particula preciosi capitis S. Georgij Martyris Christi seruantur, tanta fiunt vsque ad præsens miracula, vt nisi à fidelibus qui nouerunt Dominum plurimas in Sanctis suis operari virtutes, fidem excedant. Est autem idem vicus in ardui montis planicie situs, cui ab Australi plaga fluuius adiacet, qui vocatur Vndua, distans

ab eo loco plus minus millia duo. Turriculæ autem illius formam, in qua eadem reliquiæ conditæ erant, quia vidi, etiam descripsi. Est autem formæ quadratæ, ex quatuor videlicet angulis ab imo assurgens, & ita opus omne paulatim minuendo in latitudine, in summo angustum redditur, ut pyramidem in altitudine reddat, vniusque mali parui conclusionem solidetur. Habet quoque in medio sui solariolum, in quo Codex ille Evangelicus cum capsâ illa setuabatur, cui desuper aptum est laquear. Eminent in altitudine pedum circiter octo, in latitudine plus minusque trium. De qua verò parte aut loco, aut qualiter in ipsum pagum peruenerit, ab vniuersis incolis eiusdem loci vsque ad præsens habetur incertum.

Inuenitur autem in gestis B. Zachariæ Papæ, qui nonagesimus tertius à B. Petro Apostolo Romanam rexit Ecclesiâ, ita per ordinem scriptum: Huius temporibus magnum thesaurum Dominus Deus noster in hac Romana vrbe per eundem almficum Pontificem propalare dignatus est. In venerabili itaque Patriarchio Sacratissimum B. Georgij Martyris isdem sanctissimus papa reconditum in capsâ reperit caput. In qua & petacium pariter inuenit literis exaratum Græcis, ipsum esse significatibus. Qui sanctissimus papa omnino satisfactus, illic aggregato huius Romanæ vrbis populo, cum hymnis & canticis spiritualibus in venerabili Diaconia eius nomine sita in hac Romana ciuitate, regione secunda ad Velum aureum, illic deduci fecit. Vbi immensa miracula & beneficia omnipotens Deus ad laudem nominis sui per eundem sacratissimum martyrem operari dignatur. Vnde remur aliquos venerabiles viros, aut de Brittannia, id est gente Anglorum, qui maximè familiares Apostolicæ Sedi semper existunt, aut de Germania, vel de quacunque prouincia, ad quam intrandam mare transeundum est, tunc temporis in Romana affuisse vrbe, præfatâque reliquias ab ipso Pontifice acceptas, dum domum redire vellent, in mari correptos naufragio, aut qualicunque discrimine, sicque ipsa pignora amisisse; nutûque Dei in ipsum territorium aduecta fore: vbi vsque nunc à fidelibus populis summa excoluntur veneratione. Consequenti quoque tempore quidam paterfamilias nomine Bernehardus, quia possessio eius erat, in qua ipsa Basilica prædicta

prædicti Martyris sita videtur, huic Cœnobio eam contradidit, sicque in ditionem huius loci peruenit. Hæc de aduectione reliquiarum B. Georgij Martyris, prout auditu didici, vel in scriptis eiusdem Pontificis inueni, aut etiam ipse vidi; quia tempora conuenientia inueni, memoriæ mandare curavi. Nam eodem quo aduectæ sunt tempore, & Zacharias Apostolicus, & Pipinus Princeps, & Richvvinus Comes extiterat, ideo nulla de hoc est dubitatio. Nam & Codicem illam Evangelicum, vt scriptura eiusdem insinuat, in Romulea vrbe scriptum constat.

Huic egregio Patri Austrulpho edidit gloriosus Rex Pipinus Privilegium quoddam sacræ suæ auctoritatis, in quo præcepit vt nullus Iudex neque exactor Reipublicæ gentis Francorum ad causas audiendas, ac freda exigenda, nec fideiussores accipiendos, nec ad villam exacturam gerendam, potestatem huius Cœnobij ingredi audeat, sed sub perenni suæ defensione ac protectione secura in æternum ab omni querimonia valeret permanere. Quod Privilegium in scrinijs huius nostri Cœnobij pro munere sacro adhuc conseruatur. Editum est anno Dominicæ Incarnationis DCCL. die VIII. Iduum Iuniarum, Vermeria Palatio Regio. Quo anno idem gloriosus Princeps Pipinus ex consultu B. Zachariæ Papæ vrbis Romæ à Bonifacio Archiepiscopo vnctus, Rex constituitur Francorum, ablati principis nomine. Vnde rumor potentiæ eius & timor virtutis in vniuersas transijt terras. Et Hildericus Rex Merovingorum ex genere ortus depositus, tonsusque, ac in Monasterio S. Audomari, quod dicitur Sithiu trusus est. Cuius filius nomine Theodericus in hoc Monasterio anno sequenti Clericus effectus collocatus est. Hic namque venerabilis Pater post suscepti regiminis annum sextum, accensus igne diuini amoris, partibus Romulæ vrbis ad limina Beatorum Apostolorum Petri & Pauli iter disposuit. Conuocatisque Fratribus, deuotionem quam animo conceperat liquidò promittit. Tunc omnes vnius vocis clamore hæc contradicunt, dicentes se nunquam eum deserturos. E contra ille causâ suâ salutis & illorū, corpore humi prostratus, profecturum se velle proclamabat, Quid multa? videns vniuersa cetera Fratrum & bilibus eius precibus se obuiare non posse, conticuit, pij-

que patris petitionibus cessit. Demum benedictione percepta, omnibus Fratribus pacis osculum dedit, sicque iter suum direxit, deducantibus eum plurimis lacrymarum imbre perfusis. Perueniens autem Romanæ vrbis ad arces tempore Stephani papæ, vota sua omnipotenti Deo ac Beatis Apostolis eius reddidit: ac sic à moenijs eiusdem vrbis iter conuertens, patriam ac locum suæ natiuitatis repetere satagebat. Perueniens autem ad Monasterium S. Mauricij Martyris & sociorum eius in Agaunum, ibidem à febre quam diu protraxerat ingrauat, consortijs humanis subtractus obiit in Christo xviii. Kalend. Octobrium; ibique digno in loco honorabiliter sepulturæ traditus est. Hæc de eo narrare erat solitus bonæ recordationis Hardoinus Cellæ Sancti Martyris Saturnini Presbyter, qui sub eius tempore hoc in Cœnobio Clericatus suscepit habitum. Tenuit autem huius Cœnobij regimen annis ferè sex.

---

*Gesta VVIDONIS Abbatis Fontanellensis Cœnobij.*

CAPVT XIV.

**V**VIDOLAICVS ex pago Oximensi, patre Irmîno nomine, matre Vvirbolda, Camerarius Teutfindi quondam Abbatis, eiûsque sub cura educatus est. Hic matriculam B. Martini Turonensis in beneficij iure, Teutfindo hæc eadem largiente, aliquandiu post obitum illius tenuit. Defuncto verò Austrulpho patre Monasterij Fontanellensis, statim iste ad Palatium ire delibetavit, plurima donaria auri argentique secum deferens, quæ Pipino Regi ac suis Satellitibus collata, ut optauerat, Abbas constituitur; anno secundo postquam idem Pipinus Regale adeptus fuerat fastigium, qui est annus Domini DCCLIII. Indictione vi. Hoc anno Papa Stephanus venit ab vrbe Roma in Franciam, & Carlomannus Frater pipini post illum, & filij prædicti Carlomanni attonsi sunt, & Grippo Frater pipini occisus est. Sub huius tempore, id est anno quarto regiminis sui, & Pipini Regis quinto, Ecclesia B. Petri igne succensa est, quam ipse cum adiutorio Regali in

maiori elegantia reparauit, sublimiorique fabrica decorauit.

Sub huius etiam temporibus plurimæ res Ecclesiæ perierunt, quas ipse Regijs hominibus ad possidendum contradidit miserabile sibi faciès memoriale : quæ vsque hodie de eiusdem Cœnobij ditionibus permanent ablatae. Pro qua etiam occasione status sanctæ Regulæ periclitari cœpit, ob inopiam videlicet compescendarum indigentiarum, quas Beatus Pater Benedictus in eadem lege Monachis porrigendas præcepit. Hic etiam ditionibus Ecclesiæ dimisit capsam Euangeliorum paratam, quam ipse fabricari iusserat, cum auro, argento, ac gemmis, id est, calicem argenteum deauratum vnum : Vreos Alexandrinos cum aquamanilibus duos : Cornu fabricatum vnum : Puluillos sericos sub Euangelium ponendos tres : Pallas corporalium quinque : Thuribula argentea duo : Hannapos argenteos deauratos duos : Dalmaticam vnā : Casulas sericas quinque : Tabulas fabricatas ante altaria octo : Pallia tria : Antiphonarium Turonense vnum : Libellum de miraculis B. Andreæ Apostoli vnum. Erat quippe ferè gnarus litterarum : Qui depositus est Petreo-ponte villa publica sub anno Domini dcc. lxxxvii. Indictione x. decimo octauo Kalend. Octobr. qui est annus vicesimus gloriosissimi Caroli Regis Francorum, & decimus quintus Adriani Apostolici. Sepultus est autem in Ecclesia Beati Apostoli Petri subter arcum introitus absidæ. Rexit ipsum Monasterium \* *\* ipsam Ecclesiam* annis triginta quinque, & mensibus octo, diebus tredecim.

Hæc verò est summa de rebus eiusdem Cœnobij, quæ præcepto inuictissimi Caroli Regis annumerata est à Landrico Abbate Gemmetiro, ac à Richardo Comite, anno vigesimo regni sui, qui est obitus prædicti patris. Primitus etenim de his, quæ ad vsus proprios Fratrumque stipendia pertinere videntur, sunt mansi integri reperti numero mcccxxvi. medij ccxxxviii. manoperarij. xviii. qui sunt simul mdlxix. Absi clviii. molendina xxxix. In beneficijs verò relaxati sunt mansi integri numero mmcxx. medij xl. manoperarij ccxxxv. qui simul iuncti sunt mmccxcv. Absi clvi. habent ipsi molendina xxix. Summa nanque vniuersitatis præsentium rerum inter integros, medios, atque manoperarios, re-

perti sunt mansi MMM. CC. LXIV. Exceptis villis quas Vvidoni laicus aut Regijs hominibus contradidit, aut etiam sub usufructuario alijs concessit, quod omnimodè facere non debuerat. Duos etiam annos accepit regimen Coenobij Vvidolaicus, antequam Remigius Cathedram Episcopalem Rathumagensis vrbs subiret. Erant nanque ipse Præsul atque præfatus Pater amicitiae iure coniuncti. Huius denique administratione Coenobij, dum gloriosissimus Riplinus Rex ad sepulcrum almifici patris nostri Vvandregisili accessisset orationis gratiâ, illam inanem postulationem Fratres nostri eidem suggererunt, quæ omnibus est notissima. Quanquam ipse prædium quoddam eis largiri dispositum haberet.

---

*Gesta GERVOLDI Abbatis Coenobij Fontanellensis.*

CAPVT XV.

\* Vrada

**G**ERVOLDVS ex patre Vvalgario, matre verò nomine Vvalda \*, rexit ipsum Coenobium annis ferè XVIII. Hic ex nobilibus parentibus ortus, dein Clericus effectus, atque ad palatium perductus, Bertrada Regina Capellanus efficitur. Cuius obtentu Ebroicinae ciuitatis sedes, defuncto eiusdem vrbs præfule, à Domno Rege Carolo eidem attributa est. Sed & rebus humanis exempto præfato Vvidone laico, idè Geruoldus suggestione sua à Domno ac inuictissimo Rege Carolo præfatum Coenobium Episcopatu deserto impetrauit, anno videlicet iam tertio postquam Bertrada Regina obierat. Sæpèfato nanque Vvidoni laico erat nepos, id est, sororis suæ filius nomine Vvitboldus gloriosissimi Regis Caroli tunc Capellanus, cui præfatum Monasterium post auunculi sui decessum ad regèdum promissum fuerat: Sed dū is ad Constantinum Imperatorem Græcorum ac Hyrenem à Domno Rege Carolo cum alio Legatario nomine Ioanne causâ legationis directus fuisset, ac per annum & sex mensium spacia in redeundo moram faceret, prædicto Geruoldo sæpèfatum Coenobium collatum est. Causa autem Legationis erat super Ruatrude filia Magni Caroli, quam Isdem Imperator Con-

stantinus ad coniugium petebat : Sed illo hæc legatione præ qua directus fuerat strenuè functo ac reuerso, Monasterium S. Sergij, quod in territorio Andegauæ vrbis situm est, à domno ac inuictissimo Rege eidem noscitur attributum, quod postea per plurimos feliciter rexit annos. Geruoldus verò, vt præfati sumus, huius Fontanellensis Cœnobij constituitur Rector, anno Dominicæ Incarnationis DCCLXXXVII. qui erat annus vigesimus primus Caroli Regis.

Eodem anno inuictissimus Rex Carolus Conuentu celebrato in Ingelheim, partibus Baioariæ properare cum immenso exercitu disponit. Ipsòque tempore sine bello ac vlla exercitus sui molestia tradidit fortis præliator Deus regnum Baioariæ in manus inuictissimi Regis Caroli : & TASSILO Dux gentis eiusdem tonsus est, atque in Gemmetico Cœnobio trusus. Hic nempe Geruoldus super regni negocia Procurator constituitur per multos annos, per diuersos portus ac ciuitates exigens tributa atque vectigalia, maximè in Quintavich. Vnde OFFÆ Regi Anglorum siue Merciorum potentissimo in amicitijs valde cognoscitur adiunctus. Extant adhuc Epistolæ ab eo ad illum, id est Geruoldum, directæ, quibus se amicum ac familiarem illius carissimum fore pronunciat. Nam multis vicibus ipse per se iussione inuictissimi Regis Caroli ad præfatum Regem Offam Legationibus functus est. Nouissimè verò propter filiam eiusdem Regis, quam in coniugium exposulabat Carolus iunior : sed illo hoc non acquiescente, nisi BERTA filia CAROLI MAGNI eius filio nuptui traderetur, aliquantulum Rex potentissimus commotus præcepit vt nemo de Brittannia Insula ac gente Anglorum mercimonij causâ litus Oceani maris attingeret in Gallia. Sed hoc ne fieret, admonitione ac supplicatione venerandi prædicti Patris Geruoldi inhibita est. Hic nempe de rebus Ecclesiæ nostræ iniuste ablati, aut etiam spontanea Patrum Cœnobij voluntate Regijs hominibus contraditi, suggestionem suam magno Imperatori Carolo patefecit, eiusque ex sacra auctoritate Priuilegium accepit : vt quicquid iniuste ablatum erat, in iure ac potestate eiusdem Ecclesiæ reciperet. Hic dedit in Ecclesia B. Petri cruciculam auream vnam, inaures sex, fibulam vnam, annulum aureum vnum, bisinonem vnum, cruciculam cum

auro & argento vnam, Calices argenteos tres cum patenis eorum: Offertoria duo cum patenis eorum: Thuribulum argenteum vnum: Buticulam argenteam vnam: Fialas argenteas duas, Coalearia argentea duo: Situlam de zurichalco vnam: Planetas casulas quatuordecim: Dalmaticas maiores duas, Minorem vnam: Pallia diuersa duodecim: Sagiam vnam: Fanones duos: Albas viginti octo, amictus viginti: Linthea quadraginta: Villosa duodecim: De libris verò Pentathecum Moyfi codicem vnum: Minorum Prophetarum Codicem vnum: Expositio B. Augustini in Euangelium Ioannis Codices duos: Librum Enchiridion S. Augustini Codicem vnum: Homiliare diuersorum Auctorum volumen vnū. De ædificijs verò, Basilicam S. Apostoli Petri plumbo cooperuit: Similiter S. Michaelis Archangeli: Caminatam fratrum à fundamentis ædificauit: Domum etiam infirmantium Fratrum emendare studuit: Coquinam Fratrum iam penè dirutam in maiori elegantia reparauit: Sacrarium Ecclesiæ à fundamentis ædificauit. Scholam in eodem Coenobio esse instituit, quoniam omnes penè ignaros literarum inuenit: ac de diuersis locis plurimum Christi gregem aggregauit, optimisque cantilenæ sonis, quantum temporis ordo sinebat, edocuit. Erat enim præfatus Geruoldus quanquam aliarum literarum non nimium gnarus, cantilenæ tamen artis peritus, vocisque suauitate ac excellentiâ non egenus.

Sub huius tempore bonæ recordationis Presbyter egregius nomine HARDVINVS florebat, qui in Cella clari Martyris Saturnini, quam B. Vvandregisilus ædificauerat, ob gratiam vitæ contemplatiuæ remotior degens, quæ sita in latere montis plagæ Aquilonaris præfatum Coenobium spectat, plurimos Arithmeticæ artis disciplinâ alumnos imbuuit, ac arte scriptoria erudiuit: erat enim in hac arte non mediocriter doctus. Vnde plurima Ecclesiæ nostræ proprio sudore conscripta reliquit Volumina: id est, Volumen quatuor Euangeliorum Romanâ literâ scriptum: Epistolarum B. Pauli Apostoli Volumen vnum. Sacramentaria Volumina tria: Læctionarium Volumen vnum: Item læctionum Euangelij volumen vnum: Homiliarum quadraginta Gregorij Papæ Volumen vnum: Librum de Arithmetica cum Epistolis de ratione Paschali Vo-



**L**umen vnum : Librum B. Augustini de Ciuitate Dei ab vndecimo vsque ad decimum octauum, Volumen vnum. Librum venerabilis Bedæ de naturis rerum ac temporibus Volumen vnum : Psalterium cum Canticis ac Hymnis Ambrosianis, & terminis Paschalibus, Volumen vnum : Librum vitarum Sanctorum Vvandregifili, Ansberti, & Vvlfiranni Confessorum Christi, Volumen vnum : Quæstionum S. Ansberti ad Sívvinum Reclausum Volumen vnum : Antiphonarium Romanæ Ecclesiæ Volumen vnum. Dedit etiam calicem argenteum cum patena, Thuribulum argenteum vnum in ministerio Ecclesiæ, quæ ipse ad sacrificium Deo offerendum secum habuit, quamdiu remotiorem vitam duxit. Hic etiam religiosus vir Romam, præfidente in sede eiusdem Ecclesiæ ADRIANO Apostolico, ad limina Apostolorum orationis ac visitationis gratiâ, locorum etiam Sanctorum, profectus est : prosperèque Domino comitante reuersus. Qui depositus est senex & plenus dierum sub anno Imperij Magni Imperatoris Caroli vndecimo, Regni autem eius, quod per quadraginta septem annos tenuit, quadregesimo quarto, qui erat Dominicæ Incarnationis octingentesimus vndecimus, Indictione quarta, tenente regiminis locum in Fontinella Cœnobio anno quinto Trasaro Abbate.

Hic GERVOLDVS Abbas in ægritudine positus, de qua & vitam finiuit, contulit huic Cœnobio res proprietatis suæ quas acquisierat in pago Ebroicino : hoc est illam Ecclesiam S. Paterni cum omnibus adiacentijs suis super fluuio Ittone : similiter in Villarcello & Maigoldiualle, atq; in curte Anelatina, & in Framfarias, & in rumbaudecurte. Edita est hæc largitio Petreoponte villa huius nostri Cœnobij VII. Idus Ianuarij. Et post septem dies idem Geruoldus vitæ terminum dedit XVII. Kalend. Iulij anno Incarnationis Domini IESV CHRISTI DCCCVI. qui erat annus regni Magni caroli XXXVIII. Imperij verò sextus. Rexit istud Cœnobitum annis octodecim, menses quinque, dies tredecim.

*Geſta ANSIGISI Abbatis Fontanellenſis Cœnobij.*

## CAPVT XVI.

**A**NSIGISVS vir glorioſus ac tranquilluſ, omnique ſcientiâ diuinæ ſcilicet atque humanæ Philoſophiæ ſufficienter inſtructuſ, à patre Anaſtaſio nomine, matrêque vocabulo Himilrada procreatuſ, diuina ordinante clementiâ, Regimen accepit loci huiuſ anno Dominicæ Incarnationiſ DCCCXXXIII, qui erat annuſ LVDOVICI glorioſiſſimi Auguſti decimuſ, porro PASCHALIS Apoſtolici circiter ſeptimuſ, ſub die quarto Nonarum Aprilium, Indictione I. De cuiuſ clara origine, vitâ, conuerſatione, moribuſ, & actibuſ, placet præſenti operi earantùm inſerere quæ Lectoriſ animuſ non offendant. Nam iuxta ſeculi huiuſ dignitatem ex nobili Francorum proſapiâ claram duxit originem, quam nobiliorem operum ſplendidiorem reddidit exempliſ. Duæ verò clariſſimæ virtuteſ in eo maximè refulgebant: quarum prima illi fuit, benè viuere; ſecunda, rectè docere. Denique tenente locuſ regiminiſ huiuſ cœnobij Girovaldo Abbate propinquo ſuo, hoc acceſſit Monafteriuſ, conſuramque capitiſ ab eo ſuſcepit. Deinde non multò poſt ad Palaciũ eũ perducenſ, in manuſ glorioſiſſimi Regiſ Caroli commendare ſtudiuit. Deſuncto verò Geroaldo, TRASARIUſ hoc adeptuſ eſt cœnobiuſ, ac non poſt multũ temporis præſatuſ domnuſ ANSIGIſVſ Flauiacũ Monafteriuſ quod Sanctuſ Geremaruſ fundauit, ac corpore requieſcit, quod eſt ſituſ in pago Bellouacenſi, à domnò rege Carolo in precariũ accepit, anno videlicet Incarnationiſ Domini IESV CHRISTI DCCCVII. qui erat annuſ Magni Caroli, ex quo rex Francorum cõſtitutuſ eſt, XXXVIII. ex quo verò Imperator & Auguſtuſ appellatuſ eſt, annuſ VII. Quod ferè ædificiũ deſtitutuſ, ac in egeſtate redactũ atque relictũ inuenit: Sed intra pauciſ temporis ſpaciũ nobili ſua induſtria recuperare ſtudiuit. Omnia nanque ædificia & publica & priuata ipſe ibidem, eliminatiſ atque proiectiſ iſ quæ vetuſtate conſumpta fuerant, à fundamentiſ conſtrui, atque in  
maiori

maiori elegantiâ reſtaurari fecit, veluti cunctis illò aduenientibus palam eſt. Nam in præceptis rei ruſticæ ſagaciſſimus erat: vnde factum eſt vt diuerſarum frugum maxima illi copia nunquam deceſſet, quam ſemper larga manu cunctis indigentibus erogare nouerat. Erat nanque eleemoſynarius valde pauperumque reſector, profluus ditator ac deſenſor Eccleſiarum, clericorum nutritor, monachorum veriſſimus Pater, peregrinorum lætiſſimus ſuſceptor, viduarum ac pupillorum maximus adiutor. Denique ante Flauiacenſe cœnobium duo alia ad regendum abinuiſtiſſimo Rege Carolo ei commiſſa fuerant cœnobia; vnum quod eſt ſitum prope muros vrbiſ Remenſis, & in honore S. Sixti primi eiufdem vrbiſ Præſulis conſtructum, & eſt in ditione eiufdem ciuitatis: alterum in territorio Catalaunici caſtri, quo ſanctus Epiſcopus memmius corpore quieſcit humatus. Quibus deſertis Flauiacenſis Reſtor conſtituitur anno ſupra ſcripto. Præterea dum prædictum Flauiacenſe cœnobium iure precarij ac beneficij teneret, etiam Exactor operum Regalium in Auiſgrani Palatio Regio ſub HEINHARDO Abbate viro vndecunque doctiſſimo à Domino Rege conſtitutus eſt. Quod nobiliſſimè adminiſtrauit, atque in cunctis operibus ſuis prudenter ſe agebat. Plurimis verò eiufdem Regis iuſſu legationibus ſtrenuiſſimè functuſ eſt.

Interea deſuncto Magno Carolo Imperatore Auguſto diuæ memoriæ, LVDOVICVS eiufdem filius in Imperium eleuatur. A quo idem Domnus Anſiſiſ magnificè honorari meruit. Anno denique imperij ſui iv. Luxouium famoſum Gallijs Cœnobium ad regendum beneficij iure eidem contulit: Quo anno Stephanus Papa tertio menſe, poſtquàm Romam remeauerat reuerſus de Francis, viii. Calendas Febr. vita deceſſit: in cuius ſede Paſchalis ſucceſſor efficitur. Luna eclipſim paſſa eſt Non. Febr. die horâ noctis ſecundâ. Abdiraman Rex Sarracenorum Legatos pro pace Compendium ad Imperatorem miſit, qui Compendio auditi, & Auiſgrani iterum perrexerunt, trêſque menſes detenti, Regi ſuo remiſſi ſunt. Hoc etiâ anno BERNARDVS Rex Italiæ in deditionem apud Cauillonem Imperatori ſe tradidit. Sed his omiſſis ad cœpta reuertamur. Anno igitur Imperij Domni Ludouici Auguſti tertio

TRASARVS Rector huius Cœnobij cum licentiâ eiusdem Imperatoris ad locum suæ natiuitatis repedauit, ac Beneuentum in Campania regrediens à SIGONE Duce, quem ex lauacro sanctæ regenerationis susceperat, honorificè susceptus est. Post quē Einhardus hoc Cœnobium per septem fermè tenuit annos. Quod demum vltro derelictum, diuina vt credi fas est iussione, ac gloriosissimi Imperatoris Ludouici largitione domnus Ansegisus ad gubernandum suscepit anno iam suprâ taxato. Quod tam solerti studio summâque industriâ nobilitauit, vt nouus Vvandregisilus credi posset, aut etiam magnus Præsul Ansbertus rediuuiam ad lucem regressus fore putaretur. Verùm sicut illi in exordio sui ædificijs nobilitauerunt, Clerum auxerunt, disciplinis Ecclesiasticis imbuerunt, ita iste diruta emendare studuit, ac vetustate consumpta in maiori elegantia reparauit: Clerum nobilissimè auxit, ac regulari ordine secundum egregij Patris Benedicti normam vt vitam degerent multipliciter decertauit. Nam ex desidia priorum Patrum, qui gregis sibi commissi curam minùs deuotè gesserunt, status almæ Regulæ prædicti Patris Benedicti iam quasi casurus videbatur, licet illi qui Domino militabant Canonico ordine irreprehensibiliter conuersarentur. Contigerat enim ob incuriam, vt iam dixi, Prælatorum, qui ea quæ Regulæ auctoritas sacræ dare mandabat, paruipendendo impertiri distulerant: sed prædictus reuerendissimus Pater Ansegisus hoc modis omnibus sategit vt in pristinum statum ac legem recuperaret, iuxta quod voluntatem Domni Imperatoris super hoc nouerat, & quæ Regulæ auctoritas dare mandabat, largiri modis omnibus non negligeret. Denique ex Luxurio Cœnobio, quo in Galliarum terris in Religione ac regulari disciplina non inferius vsque ad præsens videtur, Monachos Deum timentes, virósque Religiosos secum huc adduxit, qui & legem istinc Monachorum docerent, & exempla salubria ostenderent: licet olim à viro iusto Benedicto Fossacensis Cœnobij Abbate eruditè in hac Philosophia fore viderentur: qui plurimis diebus in hoc Monasterio conuersantes, nonnulla exempla doctrinæ & bonitatis suæ istic reliquerunt. Nam, vt verè fatear, non inferius Franciæ seu Galliæ monasterijs istud in omni Religione com-

parabatur cœnobium. Nec mirum, si tempore Ducis optimi milites Christi per viam Regiâ incederent, licet nunc Christi caritas non sit refrigerata, cum vtrique signifer sanctissimæ disciplinæ idem existeret, qui omnibus imitandus apparebat. Quicumque enim illum audiebat præcipientem, non redarguebat aliter operantem. Testimonium veritati, non amicitiz reddebat. Sermones eius vtilēs magis quàm facerī esse nouerant: à verbis quoque turpibus omnimodis abstinēbat, sciens quia licentia eorum impudentiam nutrit. Quatuor quoque virtutes, quibus omnis homo præcipuè inniti debet, in eo refulgebant: prudentia videlicet, fortitudo, temperantia, atque iustitia: sermo nempe eius nusquam inanis extitit, immò subditis sibi alijsque aut suasit bona agere, aut monuit docere recta, aut consolatus est dolentes, aut præcepit fidem Deo æterno & immortalī, Regique terreno inuiolatam seruare, quæ etiam in suis actibus primus adimplere curauit. Quicumque verò ex rebus transitorijs possedit, nihil magni æstimauit, sed potius caducum esse credidit: ideo gazas suas monasterijs ac egenis distribuere satagebat, thesaurizans sibi thesauros in cœlo, quò fur non appropriaret, neque tinea deuoreret. Vitiōrum per omnia fugax extitit: Aliōrum verò neque acerbus reprehensor, neque curiosus scrutator. Cunctis denique benignus, in aduersis firmus, in prosperis cautus & humilis. Iustitiæ postremò virtutem quàm magnificè tenuerit, testantur legationes, quibus iussu Augustorum frequenter functus est: maximè ea quæ tempore Domni Ludouici magni Imperatoris, iussu eiusdem partibus maris Hispanicæ celebrata est aduersus Gautselinum custodem limitis illius. Erat enim in sermone verissimus, in fide firmissimus, in bonis operibus promptus, in iudicio iustus, in consilio prouidus, in bonitate conspicuus, in caritate præclarus, fide catholicus, elemosynis diues, vigil ingenio, promptus eloquio, flagrans studio. Vtile nempe vas in domo Domini, Deo sedulè seruiens, errantes corrigens, correctos fouens, obstinatos spernens, humiles semper diligens, Regi terreno subiectus, Christo dominatori omnium deuotus.

Quantum verò in Ecclesiasticis curis intentus fuerit, testantur innumera in cœnobijs eius curæ subditis ab ipso collata,

G g ij

In Luxouienſi nanque cœnobio hæc dona obtulit : crucem auream mirificè factam , gemmis preciſiſſimis decoratam , habentem baculum argento coopertum , quem ſecum ſolitus erat in itinere baiulare : Offertorium aureum cum patena ſua aurea opere mirabili : calices argenteos tres deauratos anaglyfico opere patratos : Hanappum argenteum optimo opere factum , habentem limaces aureos quatuor in fundo exterioribus ſibi annexos : Aquamanile & Vrceum argenteum mirabili opere : Altare in honore perpetuæ Virginis MARIÆ decorauit tabulâ lignèâ , quam imaginibus argenteis diuerſis cooperuit.

\* dirodinũ De veſtimentis verò , Rodinum \* optimum vnum , Planetas caſulas quinque : cindados duodecim coloris diuerſi. Dalmaticas tres : Pallia fundata ſex : Tapeta optima octo. Eccleſiam S. Petri altiore in fabrica ſua , muros exaltans , reddidit , ac cum clauis ferreis eam cooperuit. Porticum præterea , quæ vadit de Eccleſia B. Petri ad S. Martinum de nouo fecit , & eam cooperiens ſcindulas eius ferreis clauis affixit.

In hoc igitur Fontinellensi cœnobio hæc munera contulit : Portionem magnam ligni ſalutiferæ crucis Dominicæ incluſam auro , quod rotundo ſcemate formatum erat , cuiusque in medio cryſtallum poſitum , ita vt figura ligni ſanctæ crucis intuentibus intus appareret. Quod poſtea præpedientibus peccatis , ſiue alio quolibet caſu de frontiſpicio lecti proteſtoris noſtri B. Vandregesili fures ſuſtulerunt perforatâ mactariâ Baſilicæ S. Petri ; quod factum eſt pridie Nonas Decembris , Dominicâ , expletis poſt obitum eiſdem glorioſi Patris menſibus tribus , & diebus ſexdecim. Calicem aureum mirificè factum duas hinc inde habentem anſulas gemmis preciſiſſimis decoratum , qui penſat libram : Alterum argenteum anaglyfico opere factum operis mirandi cum patena ſua argentea : Offertorium argenteum eiſdem Calicis habens effigiem mirifici operis : Alia Offertoria argentea cum patenis argenteis earundem : Coronam maiorem argenteam cum lampadâ ſua argentea optimam vnam. Item lampadam argenteam vnam : Thuribulum argenteum optimum vnum : Candelabra argentea tria habentia ſolidos nonaginta ; id eſt , vnumquodque triginta : Sigilla aurea mirifica cum preciſis lapidibus numero duo : Vrceum argenteum cum aquamanili optimum

vnum : Cuppas vitreas auro ornatas duas , eburneam vnam mirificè factam. Pixidas eburneas duas : Hanapum vitreum optimum vnum : Quatuor Euangelia in membrano purpureo ex auro scribere iussit Romanâ literâ ; ex quibus Matthæi, Ioannis, & Lucæ compleuit, sed interueniente morte eiusdem reliquum imperfectum remansit : Lctionarium etiam in membrano purpureo similiter scribere iussit, decoratum tabulis eburneis : Antiphonarium similiter in membrano purpureo argenteis scriptum literis, ornatumque tabulis eburneis. De vestimentis verò Ecclesiasticis largitus est pallia, quæ dicuntur fundata, tria : Stauracia duo ; Stragulum Hispanicum vnum : Tapetia quatuor : Dalmaticas ministrorum ministerio aptas sex : Roccum subdiaconalem vnum : Coccum vnum : Tunicam Sacerdotalem Indici coloris cum vestimento integro vnam : Planetas Casulas quatuor : Casulas item ex cindato Indici coloris tres, viridis coloris ex cindato item tres : Item rubei siue sanguinei coloris ex cindato vnum : Blatteam item Casulam vnam : Cappas Romanas duas, vnam videlicet ex rubeo cindato & fimbrijs viridibus in circuitu ornatam. Alteram ex cane pontico, quem vulgus Beurum nuncupat, similiter fimbrijs sui coloris decoratam in orbe : Linteum optimum vnum : facistergium optimum vnum : Fanones optimos duos, vnum auro decoratum, alterum stauratio item de cindato duos : puluinaria serica Euangelicis officijs apta ; maiora, duo ; minus, vnum : Cingula Romano opere facta auro decorata duo : Mappulas duas, stolas duas.

De libris autem hanc dedit copiam, Bibliothecam \* optimam, continentem vetus & nouum Testamentum cum Præfationibus ac initijs Librorum aureis literis decoratis ; Libros Expositionum Diui Augustini in Genesim ad litteram volumen vnum. Item Enchiridion eiusdem, volumen vnum : Eiusdem Explanationum in omnes Psalmos Volumina tria : Eiusdem contra Iulianum hæreticum Volumen vnum : Item Librum Epistolarum eiusdem ad diuersos, Volumen vnum : Item eiusdem Librum qui dicitur, Vnde malum, Volumen vnum. Item Librum eiusdem qui prætitulatur, de Doctrina Christiana, Volumen vnum : Librum decem Chordarum

Gg iij

\* id est, Biblia

eiufdem : Eiufdem ſuper Epistolam Ioannis : Item aduerſus Epistolam Fundamenti Volumen vnum : Homiliare eiufdem, Volumen vnum : Expositionem B. Ambroſij in Lucæ Euangelium, Volumen vnum : Epistolarum eiufdem ad diuerſos, Volumen vnum ; Item eiufdem librum qui dicitur de bono mortis, Volumen vnum : Item eiufdem de Ioseph ac duodecim Patriarchis vol. 1. Epistolarum B Hieronymi Volumen vnum. Epistolarum S. Sixti Episcopi Volumen vnum. Historiarum Iosephi Volumen vnum. Tagij Sententiarum, Volumen vnum. Excerptionum Paterij de veteri ac nouo Testamento ex Opusculis B. Gregorij Papæ vol. 1. Euipii ex Opusculis B. Augustini ſimiliter vol. 1. Gregorij in parte media Iob vol. 1. Librum Fulgentij Episcopi Carthaginenſis vol. 1. Librum Ferandi Diaconi Ecclesiæ Carthaginenſis vol. 1. Bedæ in Genesim expositio vol. 1. Eiufdem de computo ac ratione temporum, vol. 1. Collectaneos duos super anni circulo, Pauli Diaconi Volumina duo. Libros Glossarum duos. Librum Canonum diuerſorum Conciliorum, Volumen vnum.

Ædificia autem publica ac priuata ab ipſo cœpta & consummata hæc sunt : In primis Dormitorium Fratrum nobilissimum construi fecit, longitudinis pedum ducentorum octo, latitudinis verò viginti septem : porro omnis eius fabrica porrigitur in altitudine pedum sexaginta quatuor ; cuius muri de calce fortissima ac viscosa, arenæque rufa & fossili, lapidéque toſoso ac probato constructi sunt. Habet quoque solarium in medio sui pauimento optimo decoratum, cui desuper est laquear nobilissimis picturis ornatum. Continentur in ipsa domo desuper fenestræ vitreæ, cunctæque eius fabrica, exceptâ maceriâ, de materia quercuum durabilium condita est : regulæque ipsius vniuersæ clauis ferreis desuper affixæ ; habet sursum trabes & deorsum. Post quod ædificauit aliam domum quæ vocatur Refectorium, quam ita per medium maceriâ ad hoc constructâ diuidere fecit, vt vna pars Refectorij, altera foret Cellarij : de eadem videlicet materia similisque mensura sicut & Dormitorium, quam varijs picturis decorari in maceria & in laqueari fecit à Madalulfo egregio Pictore Cameracensis Ecclesiæ. Tertiâ nempe fe-



cir domum egregiam construi, quam maiorem vocant, quæ ad Orientem versa ab vna fronte contingit Dormitorium, ab altera adhæret Refectorio: vbi cameram & caminatam, necnon & alia plurima ædificari mandauit; sed adueniente morte eiusdem, hoc opus ex parte imperfectum remansit. Hæc tria egregia testæ ita constituta sunt: Dormitorium videlicet ab vna fronte versum est plagæ Septentrionali, ab altera Australi, & adhæret ab ea Basilicæ S. Petri. Refectorium similiter versum est eisdem plagis: & est ferè contiguum à parte Meridiana absidæ Basilicæ S. Petri. Porro illa maior domus, sicut suprâ diximus, constituta est. Ecclesia autem S. Petri à parte Meridiana sita est, versa tamen ad Orientem. Ipsa etiam à parte Occidentali triginta pedum in longitudine, ac totidem in latitudine accreuit, constructo desuper Cœnaculo, quam in honore Domini Dei Saluatoris nostri IESU CHRISTI dedicandam fore præoptabat. Sed & ipsum opus propter mortem eius tam citam imperfectum remansit. In eadem autem Basilica S. Petri pyramidem quadrangulam altitudinis triginta quinque pedû de ligno tornatili cõpositam, in culmine turris eiusdem Ecclesiæ collocari iussit; quam plumbo, stanno, ac cupro deaurato cooperiri iussit, triâque ibidem signa posuit: nam antea nimis humile hoc opus erat. Ipsam nanque turrim, simulque absidam tegulis plumbeis à nouo cooperiri iussit. Iussit præterea aliam condere domum iuxta absidam Basilicæ S. Petri ad plagam Septentrionalem, quam Conuentus, siue Curia, quæ Græcè Beleuterion dicitur, appellari placuit; propter quod consilium in ea de qualibet re perquirentes conuenire Fratres soliti sint. Ibi nanque in pulpito lectio quotidie diuina recitatur, ibi quicquid regularis auctoritas agendum suadet deliberatur. In qua etiam monumentum nominis sui collocari iussit, vt dum vitæ præsentis terminum daret, illuc à suis deponeretur. Item ante Dormitorium, Refectorium, & domum illam quam maiorem nominauimus, porticus honestas cum diuersis pogijs ædificari iussit, quibus trabes imposuit, ac iuxta mensuram eorundem tectorum in longum extendit. In medio autem porticus, quæ ante Dormitorium sita videtur, Domum Carrarum constituit. Domum verò, qua Librorum copia conseruaretur, quæ

Græcè Pyrgiſcos dicitur, ante Reſectorium collocauit; cuius tegulas clauis ferreis conſigifici.

In Flauiacenſi quoque Cœnobio quæ obtulerit dona, hoc in loco declarandum cenſuimus. Ibi nanque gratuita benignitate largitus eſt Calices argenteos diuerſos decem: Aquamanile argenteum cum vrceo ſuo argenteo: Candelabra argentea numero ſeptem: Pallia diuerſa plùs minùſue quadraginta: Caſulas planetas, ac cindatos diuerſos triginta, quarum colores oneri videtur deſcribere: Fanones ac Lintea non occurrunt memoriæ quot fuerint numero. In honore verò Sanctæ Trinitatis Baſilicam ædificauit, ante cuius aram Tabulam argenteis imaginibus decoratam collocauit, ipſique aræ crucem argenteam impoſuit, vniuerſamque Baſilicam varijs picturis decorari iuſſit. Nomina autem Librorum, quos ipſi contulit loco, hæc ſunt: Pandeſtem à B. Hieronymo ex Hebræo vel Græco eloquio tranſlatum: Eiſdem expoſitionem in duodecim Prophetas, & ſunt Tomi viginti in Volumine vno: Eiſdem in Iſaia Propheta Libri octodecim, Volumē vnū: Eiſdē Librū Epistoliarum, Volumina duo: In Proverbijs Salomonis eiſdem Volumen vnū: In Danielē Prophetam eiſdem: In Euangelio Matthæi eiſdē, continens in eodem decreta Gelafij Papæ de Libris recipiendis & non recipiendis: & excerptio aliqua de Libris Exameron S. Ambroſij Epifcopi, codex vnus. Libros S. Auguſtini, qui prætitulantur, De Ciuitate Dei, numero triginta duo in codice vno: Eiſdem expoſitionem in Euangelio S. Ioannis, Volumen vnum: Homiliare eiſdem continens Sermones cXLVII. Volumen vnum: Libroſ eiſdem xv. de S. Trinitate, Volumen vnum: Concordiam Euangeliorum eiſdem, Codicem vnum: Eiſdem de Doctrina Chriſtiana, Cod. vnum. Expoſitionem Symboli eiſdem Cod. vnum: Quæſtiones eiſdem octoginta, Cod. vnum: De Baptiſmo paruulorum eiſdem ad Marcellum Lib. tres: De ſermone Domini in monte Lib. duos: De prouidentia Dei Serm. 1. De Natali proprio Serm. 1. Ad Flaſtianum Epistol. Vol. 1. Eiſdem Academicorum Lib. tres: Soliloquiorum Lib. duos: De immortalitate Librum vnum: De quantitate animæ Lib. vnum: De Magiſtro Librum vnum: De ordine Lib. 11. De videndo Deo Librum

Librum 1. vol. 1. Libros Confes. eiusdē cod. vnum : Librum qui dicitur Enchiridion, cod. vnum : In Psalms expositionem eiusdem, codicem vnum. Expositionem S. Ambrosij in Epistolas Pauli, vol. vnum. Hifychij Presbyteri in Leuiticum lib. 7. cod. 1. Expositionem S. Ioannis Constantinopolitani Episcopi in Matheum. Apocalypsim S. Ioannis, continentem etiam librum S. Isidori Differentiarum, cod. vnum. S. Hilarij Episcopi contra hæreticos cod. 1. Homiliarum B. Gregorij Papæ in nouissima parte Ezechielis Prophetæ in cod. vno : Epistolarum eiusdem cod. vnum. Expositionem Bedæ Presbyteri in actibus Apostolorum, cod. vnum. In septem Epistolas Canonicas & Apocalypsim Ioannis cod. vnum : Eiusdem in Marci Euangelium cod. vnum. Eiusdem in Lucam Euangelistam cod. 1. Librum Testimoniorum Isidori de Christo & Ecclesia cod. vnum : Eiusdem Etymologiarum cod. vnum : Eiusdem Rotarum ad Sisebutum Regem, cod. 1. Prosperi de vita actiua & contemplatiua in cod. 1. Prognosticon futuri sæculi cod. 1. Disputationem fidei inter Arium hæreticum ac Athanasium Catholicum in cod. 1. Epistolarum S. Cypriani Martyris cod. 1. Alcuini de Trinitate Librum in cod. 1. Regulam B. Basilij Episcopi. Regulam B. Benedicti in cod. 1. Historiam Ecclesiasticam Eusebij Cæsariensis Episcopi in cod. vno : Chronicam eiusdem in cod. vno. Historiam item Ecclesiasticam trium virorum, idest, Zozomeni, Theodoriti, & Socrati in cod. vno. Canones diuersorum Patrum in Codice vno. Sacramentoria volumina duo. Cassiodori de Arithmetica, vol. vnum : Eiusdem in Psalms expositionem vol. vnum. Homiliarum Origenis in veteri Testamento volumina duo : Eiusdem in Psalms expositionem, volumina duo. Vitas Beatorum Confessorum Hieronymi, Augustini, Gregorij, Item passionem B. Columbæ Virginis in cod. vno. Institutio ac collectio cuiusdam de vita Canonica, vol. 1. Gesta Francorum in cod. vno. Et alios plurimos, quorum nunc nomina non occurrunt memoriæ.

In eleemosynarum verò largitionibus quantum sollicitus extiterit, ipsa eius opera testimonium perhibent. Nam quodam tempore, idest, anno regiminis sui decimo octauo, in passionem incidit illam, quam Medici Paralyfim vocant:

Hh

moxque vocatis domesticis ac fidelibus seu intimis suis, hanc rerum suarum distributionem gratuito animo facere curauit. Quæ elargitio seu distributio, ipsius iussu ac supplicatione edita est à venerabili viro Hildemanno Bellouacensis vrbis Episcopo, adjuncto Berteningo & Gerlone laïcis simulque Landone Monacho. Cuius textus talis est: In hoc Fontanellensi Cœnobio largitus est Fratribus libras nonaginta; nam omnibus annis triginta in censu dare consueuerat: famulis laïcis libras decem: senibus in illo Xenodochio, & ceteris mansionibus pauperum solidos decem. Vniuersæ familiæ huius Cœnobij libras quadraginta. Cæterorum Monasteriorum nomina, ad quæ eadem largitio eleemosynæ perueniret, sigillatim exprimam. Ad Gemmeticum Cœnobium libras v. direxit: Ad Logium libram vnā: Ad Fiscannum Librā vnā: Ad Villare librā vnā: Ad Longogilum libram vnā: Ad sanctum Vvalericum libram vnā: Ad B. Richarium libras duas & semis: Ad sanctum Audomarum libras duas & semis: Ad S. Audoënum in Rothomago libras quinque: Ad sanctam Mariam in domo eiusdem Ecclesiæ libras duas: Ad S. Martinum in eadem vrbe, & cæteris Cellis, solidos viginti quinque: Ragnoardo eiusdem vrbis Archiepiscopo libras decem; videlicet vt quinque Presbyteris, & aliis quinque pauperibus erogaret. Ad Penthale Monasterium solidos quindecim: Ad Penante solidos quindecim: Ad Pratellos similiter: Ad Ebroïcas ciuitatem libram vnā: Ad illam Crucem S. Audoënj libras duas: Ad Lixouium urbem libram vnā: Ad Fontanas Cœnobium solidos duodecim: Ad Bajocas ciuitatem libras duas. Ad duorum Gemellorum Monasterium libras duas: Ad S. Martinum Turonensem libras quinque, illis Canonicis in domo libram vnā: Ad S. Anianum Aurelianensem libram vnā, illis Canonicis in domo libram vnā. Ad S. Benedictum in Floriaco libram vnā: Ad Ferrarias libras duas: Ad S. Carilesum libram vnā & semis: Ad Curbionem Monasterium libram vnā: Ad sanctam Columbam in Senonis, illis Monachis libras duas; illis Canonicis in eadem ciuitate libras duas. Item ad S. Petrum illis Monachis in eadem vrbe libram vnā: In Autifiodoro vrbe illis Canonicis libram vnā: Ad S. Remi-

gium illis Monachis similiter : Ad S. Heracleum in eadem vrbe similiter : Item in Autisiodoro ad S. Germanum illis Monachis libram vnam. In Trecas illis Monachis ad S. Petrum libram vnam : Ad sanctam Crucem Meldis illis Monachis similiter : Ad Fossatos Monasterium illis Monachis libras duas : Ad S. Genouesam Parisius libras duas : Ad S. Germanum Parisius libras tres : In eadem vrbe illis Canonicis libram vnam : Ad S. Dionysium libras quinque : Ad Calam Monasterium libras duas : Ad S. Lucianum illis Monachis libras duas : Belloaci illis Canonicis libram vnam : Ad Flauiacum illis Canonicis libras quindecim : Ad opus famulorum eorum libras decem : Hildemanno Episcopo ad Presbyteros & pauperes libras decem. Ad Oratorium Monasterium solidos quindecim : Ad Fontanidum Monasterium solidos decem : Ad Insulam Monasterium solidos decem : Ad Andelagum Monasterium solidos duodecim : Ad Malardum-vallem solidos decem : Ad Resbace Monasterium libram vnam & semis : Ad S. Saluim in Brago solidos decem : Ad Malam Monasterium libram vnam : Ad S. Vedastum in Atrebatu libras duas : Ad Cameracum libras duas : Ad S. Gaugericum libram vnam : Ad Corbeiam libras quinque : Ad sanctum Eligium in Nouiomo ciuitate libram vnam ; item ad eandem urbem Canonicis libram vnam : Item ad Sueffionis ciuitatem Canonicis libram vnam : Ad S. Crispinum solidos quindecim : Ad S. Medardum Monachis libram vnam : Illis Sanctimonialibus libras tres : ad Remis illis Canonicis libram vnam : Ad S. Remigium in eadem vrbe Monachis libram vnam : Ad S. Memmium in Catalauno libram vnam : Ad eandem urbem solidos 15. Ad Altum montem Monasterium quo S. Ansbertus quondam exilio fuit intrusus atque consortijs inde ereptus humanis, solidos quindecim : Ad Malbodium Coenobium libram vnam : Ad Castrilocus \* Monasterium similiter : Ad Laubias Monasterium libram vnam : Ad Indam Coenobium libras duas. Ad Lingonas illis Canonicis libram vnam : Ad Luxouium libras vigintiquinque, idest, in ipso Monasterio libras decem : Ad Fontanas Cellam eiusdem Coenobij libram vnam & semis : Ad Cusantiam similiter : ad Anagrates lib. 11. Ad Romarici montem libram vnam : Ad

\* Castrilocus.  
gum.

Hh ij

\* Meldunas

Balmam ſimiliter libram vnā & ſemis. Ad Morbach Cœnobium libram vnā : Ad S. Gregorium libram vnā : ad Monasterium Maurj libram vnā : Ad Melundas \* libram vnā : Ad S. Reginbertum, vbi primò elementa didicerat literarum, per manus quoque matris ſuæ in vſus egenorum viginti libras expendit : Similimodo per manus Berteningi libras viginti ; ſibi verò in domo ſua famulantibus libras quadraginta largiri fecit. Tribus vicibus omnes opes ſuas egenis ac pauperibus erogari fecit, nil ſibi reſeruans ; quæ qualiter geſta ſint, ne nauſeam aut ſaſtidium ingeſſiſſe videar, transcendendo omittam. Eleemoſynis enim ſibi viam præparauit, quoniam nouerat externum omnem hominem eſſe ſiue ad pœnam ſiue ad gloriam : ideò eleemoſynis ac orationibus ſeruorum Dei ſe roborabat, vt & curſum huius vitæ pacificè tranſigeret, atque feliciter in perpetuum viueret. Rexit autem hoc Cœnobium idem glorioſus vir per annos decem, menſes quinque, dies xviii. Ipſo tempore reſeſſit Domnus Anſigifus Dominica illuſcente, die xiii. Kal. Auguſti; eodem die cum ſletu maximo tumultuſ extra Baſilicam S. Petri ad aquilonalem plagam, in porticu in qua Fratres conuentum celebrare ſoliti ſunt, ac conſultis Deo dignis aures accommodare : & ceſſauit regiminis locus triginta & octo diebus.

### *Conſtitutio ANSEGISI Abbatis.*

**C**ONSTITUTIONEM verò, quam ſeruis Dei iſto in Cœnobio degentibus de victu at veſtitu inſtituit, commodum arbitratuſ ſum huic Operi inſerere. Cuius talis eſt textus.

*Memoratorium qualiter domnus ac venerabilis ANSEGISVS Abba diſpoſuit veſtimenta & calciamenta, atque alimoniam Fratribus in Monasterio Fontanella morantibus, vnà cum conſenſu eorum ordinabiliter : vt abſque ullius occaſionis querela, omni egeſtate excluſa, vota ſua Deo reddere, atque ſponſionis ſuæ negotium ad effectum omni tempore perducere poſſent.*

De pago nanque Bononenſi & Taruanenſi veſtitus integros

*Lx.* censuit porrigendos. Drappos albos *xx.* de quibus camisia *xx.* fieri possent. Coria boum ad soleas *v.* composita. Fabarum modios *xx.* Caleor pensas *xxi.* per libras *Lxxv.* Oua mille. Cera ad illam Ecclesiam libras *cc.* Ad opus fratrum *c.* Seuo lib. *cc.* De Corialinse calcibus *xxiiii.* Bragal. *Lx.* Ad saccos autē faciendos drappos albos *ii.* de quibus fieri possint Stamineæ *x.* Toaculas *ii.* Coria bouina cōposita *v.* fabar. modios *x.* Pisor. modios *xx.* Caseor. pensas *xv.* per libras *Lxxii.* Salis modios *xxv.* In mense Septembrio oua mille. De illa gregaria pagens. *Lx.* De Irzio & Idzio mapp. *iii.* longitudinis vlnarum *x.* latitudinis *ii.* De Apuliaco mappa vna eiusdem mensuræ. Lintea ad manus tergendas vellofa *iii.* vnum quodque de vlnis quinque in longitudine, in latitudine *iii.* De Gera camfiles *iii.* ad mappulas faciendas longitudinis vlnarum *xiii.* latitudinis trium. De Clariaco mappam vnā habentem in longitudine vlnas *x.* in latitudine *iii.* Item de Hirtio camfilem de vlnis *xii* *iii.* latitudinis ad pedes tergendum. De Campomis toaculam *i.* De Rosontio similiter. De Floriaco similiter. De prædicta gregaria caseor. pensas *xxx.* per libras *Lxxii.* Filtra ad foccos faciendum *xii.* Ad lecta quantum necessitas poposcit. Porcos saginatos ad adipem & lardum cum vinctis *Lx.* & insuper quantum necesse fuerit. De ministerio Rosontione fabar. modios tres, Pisor. modios *v.* Ad Natiuitatem Domini aucipastas tres, pullipastas *xx.* pullos *Lx.* Oua *ccl.* Et in Pascha similiter. Cera lib. *iii.* mellis sextarios tres. Et in mense Nouembrio oua *d.* ligna carra *Lx.* Inter illam Crucē Paldriaco & Bladriciagas fabar. *iii.* pisor. mod. *v.* Ad Natiuitatem Domini aucipastas *iv.* pullipastas *xix.* pullos *Lx.* Oua *cel.* Et in Pascha similiter cera lib. *3.* mellis sextarios *iii.* In mense Decembrio oua *d.* ligna carra *Lx.* De Campanis fabar. mod. *iii.* pisor. modios *viii.* Ad Natiuitatē Domini aucipastas *iv.* pullipastas *vii.* pullos *Lxx.* oua *ccl.* Et in Pascha similiter, mellis sextarium vnum, cera lib. *i.* In mense Ianuario oua *d.* ligna carra *Lx.* De Sadanma & bubulo captiua fabar. mod. *ii.* pisor. modios. *iv.* Ad Natiuitatē Domini aucipastas *ii.* pullipastas *x.* pullos *xxx.* oua *c.* Et in Pascha similiter, mellis sextarios *ii.* Cera lib. *2.* In mense Februario oua *d.* ligna carra *xii.* De Gariciagas, Duno, & Gera, fabar.

Hh iij

mod. iij. piforum mod. iv. Ad Natiuitatem Domini aucipastas tres, pullipastas xii. pullos xi. oua ccl. Et in Pascha similiter mellis sextarium i. Ceræ libram i. Et in mense Martio oua l. ligna carra xii. De Petreoponte & Vvirlaico toaculas ii. fabar. mod. v. salis mod. xv. Ad Natiuitatem Domini aucipastas ii. pullipastas xxvi. pullos cv. oua d. Et in Pascha similiter mellis sextarios ii. Et in mense Aprili oua d. De Idcio fabar. mod. i. pisor. mod. i. Ad Natiuitatē Domini aucipastam vnam, pullipastas iv. pullos xxv. oua l. Et in Pascha similiter mellis sextarium i. ceræ lib. i. Et in mense Majo oua l. ligna carra xv. De Irtio fabar. mod. i. pisor. mod. ii. Ad Natiuitatem Domini aucipastam vnam, pullipastas iv. pullos xxv. oua l. Et in Pascha similiter mellis sextarium i. ceræ lib. i. Et in mense Iunio oua d. Item de Rosontione in mense Augusto oua clxvi. De illa Cruce & Campanis oua clxviii. De Reuereis curte vini modios xlviij. oua ccl. vinum de Alpiaco mod. cccl. De Riparenfi curte mod. cl. De Abriaco mod. l. De Burgundia mod. l. sunt modij dc. Adumaticum mod. xxxii. Sicera Humolone quantum necessitas exposcit. Ceræ ad illam Ecclesiam libras cc. olei libras cxxx. Adipem mod. vii. Ad opus Fratrum ceræ lib. c. olei lib. c. Ad pelles hircinas sexaginta compositas lib. 3. Ad cordebisfos xl. comparandum lib. 3. Ad coria bouina xx. lib. i. Capellos nigras vii. de solid. xxxii. Alios quatuor, vnumquemque de solidis ii. qui fiunt solidi ii. Tres qui remanent de solidis septem, qui fiunt simul lib. 2. & semis. Ad Stamineas xxx. optimas comparandum lib. 3. ad femoralia paria xxx. lib. i. Ad infirmorum curam mel & pigmenta lib. i. Ad saccos quindecim comparandum griseos ficciscos, vnde cappæ fiant, lib. x. id est talis ordo, vnumquodque de solidis x. Et duos optimos capellos de solidis xxx. quinque qui supersunt de solidis xxxvi. nouem verò de solidis lxiij. id est vnumquodque de solidis sex. Ad roccos faciendum, qui sunt rocci xviii. colligunt super totum libras x. Ad sagos 15. in lecta mittendum lib. 2. & semis. Ad pelles berbicanas, vnde pellicea fiant, solid. x. Ad vbantos lib. i. ad fasciolas lib. i. Sunt in summa lib. 31. Ad infirmorum curam mansionilem qui dicitur Bothmeregus, & quantumcunque decet sauram, id est, de por-



eis, mutones, berbices, pullos, oua, omnem decimam nostram ad ipsam domum infirmorum concessimus. De nutrimentis nostris & de vasallis nostris ad portam Monasterij dedimus villam Nouiomum, & illos mansioniles qui dicuntur Gismacas, Strotella, sanctum Stephanum, Luuiccinas, Bantina, Cisternas, Lenticulosa ad illorum infirmitates & necessitates ex caritate, & caseos, & butyrum, nec non ad illorum famulos nutriendum, &c. quæ necessaria sunt concessimus.





## APPENDIX. I.

*Ad Chronicon Fontanellense.*



VLCO Venerabilis Presbyter succedit ab anno Incarnationis Dominicæ DCCCXXXV. qui est annus bonæ memoriæ HLVDOVICI Imperatoris vicesimus primus: nam antea IOSEPH Episcopus in diuortio illud tenuerat menses VII. dies XII. idest, à sexto Kal. Septembris vsque ad quarto Idus Martij. Septimo decimo Kal. Aprilis fuit tunc datum Domino Fulconi prædictum Cœnobium, & tenuit annis vndecim & menses v. dies xxvii. id est à Septimo Kal. Aprilis vsque sexto Idus Octobris.

HERIMBERTVS Diaconus annis iv. & menses vndecim, idest, à quinto Idus Octobris, quando regimen sumpsit, vsque III. Idus Septembris quando ad Dominum migravit.

---

## APPENDIX ALTERA.

### PROLOGVS

*In miraculis S. Vvlfiranni Pontificis, cuius corpus sacratissimum in magna gloria apud Deum & homines Fontanellæ requiescit.*

**Q**Via Deo omnipotenti placuit temporibus nostris gloriosa Sancti sui Vvlfiranni quæ hætenus latuerant merita mundo declarare, ac multis ea recentium miraculorum insignijs declarare; Fratrum me piè ad ea scribendum adhortantium desiderijs humiliter deliberaui satisfacere; & quæ vidimus diuinæ virtutis opera ad futurorum notitiam literarum apicibus transmittere; quatinus expensâ fideliter tanti Patris interiori virtute per exhibita exterius miracula, erga ipsius venera-

venerationem propensioris queant & ipsi deuotionis incrementa concipere. Nemo autem in his pretiosorum requirat verborum suppellectilem, quin potius Dei in Sancto suo gloriam miretur & honorem, suæque salutis captet ædificationem: neque enim steriles sententiolas floribus proposui rhetoricis, horum experts, adumbrare; sed rerum diuinitus gestarum veritatem simpliciter & oportuna breuitate aliquid prælibare; ne videlicet succedentium obliuione temporum penitus obliteretur, & pereat quod sub oculis nostris diatim diuina dignatur operari clementia: quia nimirum vehementer indignum & incompetens approbatur, si tot miraculorum gloria inertis silentio supprimatur: quo circa malui, fateor, imperitæ rusticitatis, quàm infructuosi silentij redargui, ac per hoc quorundam fastidio displicere, quàm plurimum deuotioni seu vtilitati non inferuire. Verùm quia iam quæ proposuimus libet adoriri, paulò altiori principio, vt res gratior fiat, ratum videtur ea exordiri.

---

*De Inuentione & miraculis eius.*

C A P V T I.

**E**ST itaque antiquissima in Gallijs ciuitas Senones nuncupata, cuius potentiam ipsa postmodum orbis terrarum caput Roma quondam in suo excidio grauiter est experta: adeò nanque inualuit vt eam obsidione cingeret, manu armisque fatigatam caperet, & nisi arcis, quam Capitolium auspicatò dici placuit, munimen obstitisset, penitus subrutam deleuisset. In hac igitur S. Vulfraunus meritorum prærogatiuâ Præsulatus apicem fauente Deo promeruit; verbo, virtutibusque satis dignè aliquantisper amministravit, sed acceptâ postmodum diuinâ iussione ad prædicandum vitæ verbum Fresionum genti animum intendit: quapropter insignem ac magnificæ sanctitatis virum nomine Ansbertum, Abbatem videlicet Fontinellensis Coenobij, qui meritorum gratiâ atque ordine sancto iam succefferat Audoëno Præsuli in Pontificium vrbis Rotomagensis, festinus adiit, diuinum quod acceperat

S. Vulfraunus  
Fresiam  
petit, ac  
Verbū Dei  
disseminat  
clarèque  
miraculis.

Obijt Fon-  
tinellæ.

Corpus eius  
in Ecclesiâ  
S. Petri  
transfertur  
vnâ cum  
SS. Vvan-  
dregefilii &  
Ansberti.

oraculum atque suâ super hoc voluntatē illi patēter innotuit; auxilium in quibus res ea flagitabat poposcit, & sufficienter accepit: sicque demum Sequanam ingressus prospero Fresiam nauigio petijt: illi populo in tenebris ignorantiae eatenus sedēti lumen diuinæ cognitionis, ac mysterium Dominicæ Incarnationis instanter euangelizauit. Cūque Apostolicis signis suam prædicationem efficaciter astrueret, morum tranquillitate coruscaret & sanctitate vitæ, quosque rebelles & incredulos perdomuit, atque ad percipiendam baptismi gratiam conuolare fecit. Interea imminente beatæ remunerationis hora, quàm diuina reuelatione didicerat, post innumerabilem ad Christum conuersorum salutem, post multorum mirabilem exhibitionem, tandem Fontinellam vbi monachicum pridem fecerat votum, redijt, nec multò post dignus præmijs cælestibus decessit. Sepultus verò secus Sancti Patris Vvandregefilii tumulum per nouem annorum curricula requieuit, vnde postmodum à S. Bains Taruennæ vrbis Præsule, eiusdem Cœnobij Rectore, quinto videlicet sui regiminis anno, translatus est in Basilicam S. Petri Apostolorum Principis cum pretiosis SS. Vvandregefilii atque Ansberti corporibus, quorum prior quidem quadraginta, alter verò annis vndecim in Ecclesia S. Pauli jacuerat.

## CAPVT II.

Normanni  
Galliam in-  
trant, va-  
stāntque.

**E** Voluto autem non paruo tempore, sub xxiv. videlicet eiusdem Cœnobij Rectoribus, per annos fermè ducentos octoginta vnum sibi succedentibus, cū permittente Deo, & flagitijs humanæ peruersitatis exigentibus, Danica gens suis emota sedibus per vniuersum maris Oceani littus piratica crudelitate desæuaret, ferro ac flammis cuncta vastaret, maximèque regiones & loca flumini magno Sequanæ vltra citràque adjacentia infestaret, misera clade exterminaret, urbem vndecunque foecundissimam quæ à conditore Isio Parisius dicitur, incendio & rapinis tandem occupauit: celeberrimam etiam Metropolim, quam antiquitas Rotomagum vocari instituit, perempto Præsule, prostrato populo & mi-

lite, ſuccenſis mœnibus, muris ſolotenus euerſis, funeſta crudelitate cepit: Gemmeticum verò flammis voracibus Cœnobium combuſſit.

Cùmque nulli mortalium latibulum, vel tutus iam effugij locus vſpiciam pateret, Monachi qui ſub ingenti metu ac maxima tribulatione in præſato Fontinellæ Monaſterio ea adhuc tempeſtate in ambiguo potiùs pendere quàm vitam videbantur agere; nam ſecundò dato Paganis pretio ſe locùmque redemerant; at verò deficiente iam pecunia, & inualeſcente perſecutionis immanitate fugæ præſidium deliberarunt ad poſtremum arripere: proinde effoſſis SS. Vvandregẽſili atque Anſbertitumulis, ſacratiffima eorum duntaxat oſſa anno Dominicæ Incarnationis circiter octingenteſimo ſexageſimo ſecundo cum ingenti reuerentia & honore extulerunt, geſtatoriſque condita loculis cum omni ſuppellectili quæ ſibi reſtiterat, celeri fuga, ne repentino hoſtium occuparentur aduentu, inde diſceſſerunt, atque ſacratiffimum B. Vvlfiranni corpus, vt poſteà repertum eſt, intactum ibidem reliquerunt: Vnde liquidò prudentibus conijci datur, quia diſpenſatione diuina procurante aut incorruptum vt in priorũ translatione eum reperiẽtes veriti ſunt remouere, aut ſanè aliquid humanius cogitantes atque in futurum proſpicientes, ſublatis alijs hunc quaſi ad ſolacium locine penitus deſtitueretur, ad futurorum patrociniũ decreuerunt relinquere.

Aufugiunt  
Monachi  
Fontellen-  
ſes ac ſecum  
aſportant  
corpora SS.  
Vvandregẽ-  
ſili & An-  
ſberti.

Nec multò poſt truculentus barbarorum exercitus aquis egreſſus hunc ad locum acceſſit, vacuũque hominibus & omnibus nudatum rebus deprehendens, injecto igne cuncta illius ædificia, cum ipſo Sanctuario concremauit, ſubuertit, & receſſit. Deinde vniuerſam longè latèque regionem per- uagans occupauit, rapinis & incendio cuncta deuſtauit: di- ruuntur vrbes, caſtra ſubuertuntur, Eccleſiæ, ac nobilia Cœ- nobia quibus illa pulcherrima ac frequens regio præ vniuerſis regnis vt Ægyptus quondam florebat, ſolo coæquantur: fit intereà promiſcua cædes hominum, ſtragèsque diuerſi gene- ris animalium, electi iuuenes ludibrijs aguntur, virgines & puellæ paganorum libidini prostituuntur, cæteræque vulgi manus imbellis in extera regna diſtrahenda Ethnicis captiua abducitur. Cùmque tanta lues per continuos fere decem &

Deſtruan-  
tur Eccleſiæ  
ac Mona-  
ſteria.

octo annos crebris inruptionibus sub varijs tamen Ducibus nullatenus desisteret, Occidentalis Galliarum plaga largiori sinu maris Britannici recepta, in desertum est atque solitudinem tandem redacta.

## CAPVT III.

Rollo Nor-  
manniz  
Dux Chri-  
sto nomen  
dedit.

Guillelmus  
Gemmetic.  
Cœnobium  
instituit.

Richardus  
feliciter gu-  
bernat.

**I**Nterea *Rollo* nouissimus quidem Nortmannorum Dux, sed cæteris potentior militari manu, æquitate modestior, prudentior consilijs, patrijs laribus pulsus littori Sequanæ appulit, singula loca & ciuitates quas solitudo tenebat inuasit, paucisque quos inuenerat inde fugatis, aut iugo potentiz suæ subactis auspicio sortium inter comites & commilitones suos distribuit. Is primus marchas inter se & finitimas nationes certis pro arbitrio limitibus præscripsit: optima denique iura, legesque æquissimas domi militizque prudenter instituit, quibus omnis generis diuersarumque artium homines breui tempore sibi conciliauit, atque vnum ex diuersis gentibus populum effecit; qui ita confestim coaluit, ut numerosior fortiorque vicinis fieret nationibus & regnis. Cùmque succedenti tempore lauacrum Christi salutare suscepisset, regno optimè disposito obiit; filiumque successorem *Guillelmum* nomine, iuuenili florentem indole dereliquit. Huius tempore fides Christiana passim florere coepit, Ecclesiæ ac Monasteria olim destructa reædificari; inter quæ Gemmeticense Cœnobium, quod in honore S. Petri Apostolorum Principis, paruo quidem sed miro opere construxit, ubi & monachicum habitum spreto seculi naufragio assumere deliberabat, nisi mors eita eius obstitisset votis. Sed hoc citius fraude cuiusdam Herluini exempto *Richardus* puer & admodum tener in regno successit, atque inter multa discriminum aduersa adoleuit, inualuit, regnum paternum, quod auus eius armis & virtute sibi parauerat, diuino per cuncta fretus præsidio potenter retinuit, probis institutionibus decorauit, diuitijs & gloria Romano quondam Imperio penè exarquauit.

- Huius itaque cùm iam fama potentiz longè latèque peruolaret, Nortmannorumque tellus alta pace exultaret, Ganden-

sis Coenobij Abbas *Girardus* nomine sumpto S. Vvandregisili pretioso corpore vsque in pagum Beluacensem venire maturauit, atque in villam quæ Reueriscors dicitur ad hospitandum diuertit, quod Theodorico nobili & valde potenti per eiusdem prædij Majorem mandare curauit; quia, licet iniuste, illius possessionis dominabatur tunc temporis, quæ prius fuerat de ditione Fontanellensis Coenobij. Quod ubi superbus ille & arrogans comperit, Legatum baculo quem forte tenebat percussit & cum ingenti iniuria è conspectu suo exire coëgit. Redijt ergo ille qui nuntiauerat, Abbati *Girardo* cum graui dolore intimauit quæ pertulerat: quibus auditis fit ingens omnium gemitus, confestimque coram lectica Sancti prosternuntur, atque inter fluentes lacrymas, & amara cordis suspiria aduersus Sanctum prædictus Abbas multa probrosè inculcando flebiliter conqueritur. Sed inter hæc decedente sole noctis silentium aduenit, Theodoricus verò dormiturus se in lectulo composuit; cui derepente terribilis persona sub habitu monachili apparuit, eumque pro contumelia quam sibi hesterno intulerat vehementer redarguens, pastoralis baculo quem ferebat grauitè percussit; qui statim somno interrupto experrectus grauitè ingemuit, seque à quodam cano Abbate cæsum altis & perturbatis vocibus inclamauit: deinde subita internorum correptus tortura secessum naturæ petijt, ubi foeda egestione omnia profundens viscera vitam miserabiliter abruptit, vt viuentibus liquidò daretur animaduerti cuius meriti apud Deum Sanctus Pater Vvandregisilus fuerit, qui sic viuentem inimicum, & atrocis iniuriæ reum mortis supplicio condemnare potuerit. Res ergo hæc in regione illa omnibus statim innotuit, Abbatem *Girardum* cum comitibus suis non mediocriter exhilarauit. Qui deinde participato cum suis consilio omnem cum sanctis pigneribus comitatum ad custodiam dereliquit; sicque ascensis equis Rotomagum ad urbem cum paucis properauit, admissusque *Richardo* Comiti causas aduentus sui diligenter & oportunè intimauit, seque in promptu S. Vvandregisili corpus habere retulit, quod suo restitueret loco si terræ sibi redderentur, quas chartarum posset approbare Priuilegijs: at ille suorum vsus consilio Principum, chartas exhiberi præcepit, &

*Girardus*  
Abbas *Gan-*  
*dauensis*  
offert *Rich-*  
*ardo* se  
redditurum  
corpus S.  
*Vvandre-*  
*gisili*.

Repulsam  
passus re-  
fert illud.

coram omnibus recitatas exponi. Quo facto murmur & contraditio fieri coepit ab omnibus, qui se dicebant nequaquam posse carere proprijs honoribus, quos sibi armis & sanguine prædecessorum suorum pepererat bellicosa virtus, siue quos sibi ipsi diuturno adquisierant seruitio multisque sudoribus. Sic igitur facta difficultate rei quam prædictus Abbas quærebat Girardus, nulla deinceps potuit pollicitatione retineri, sed ad suos illicò per emensum iter remeavit, atque S. Vvandregisilum consumpto nequicquam tanto labore, ad locum vnde eum extulerat, festinus reuexit, vbi apud Deum & homines in magna gloria & honore nunc vsque requiescit.

### De Mainardo Abbate.

#### C A P V T IV.

Torstingus  
ceruum ve-  
nando inse-  
quens diui-  
nitus remo-  
zatur.

**V**eruntamen cùm de his quæ acta fuerant postea crebrius Gandenses Fratres vicissim loquerentur, eorum quidam nomine *Mainardus* alto parentum sanguine oriundus, diuina, vt credendum est, inspiratione in amore & desiderio Fontinellensis Coenobij accensus, de cuius magnificentia ac dignitate literis, quas antiquorum industria procurauerat, erat edoctus, expetitâ licentiâ & obtentâ Richardum Marchionem celeriter adiit, præfatumque locum sibi ad reedificandû dari petijt & impetrauit, qui iam diuinis demonstratus erat indi- cijs: quod quia veterum relatione nobis est compertum, ad posterorum notitiam literis censuimus transmittendum. Quidam nanque vir nobilis & potens nomine *Torstingus*, qui ob magnificentiam amplissimi honoris diues dicebatur, in saltum Gemmericensem præcessit de more venaturus, & motum subito ceruum perniciter insequi coepit cum rapidis canibus: at verò ceruus ille ocyùs fugiens, & crebris anfractibus mortem imminentem differens post multa diuerticulâ in vallem descendit Fontinellensem; sicque Angelico ductu ad locum in quo illud quondam nobile steterat templum accessit, intraque maceriarum ruinas quantocyùs se immerfit; deinde ad sacrum altare quod tantum cortice tegebatur, adproximauit,



illic reflexo ad tergum capite quaſi iam ſecurus ſubſtitit; canes quoq; veſtigia fugientis partim noto odore, partim viſu ſubſecuti in eaſdem quidem parietinas ſubintrarunt, ſed facta diuinitus difficultate vlteriùs progrediendi, in ſuis repente veſtigijs hæſerunt, beſtiamque, quam cernebant nec valebant cōtingere, latratibus territabāt. Interea adeſtques Torſtingus perſtrepens altis vocibus, qui inde ſine cunctatione cum equo quo vectabatur locum ingreſſus tum ſecuritatem cerui, tum ſuorum immutabilitatem canum attentius mirabatur: erat nanque mirum videre ſpectaculum; volebant canes ad ceruum accedere, vt ex ipſis eorum nutibus prodebat, nec poterant, quos inuiſibilis virtus velut obice quodam retentabat. Quod vbi acer venator diuinitus actitari non inrationabiliter expendit, equo protinus deſiluit, & ad terram in oratione humiliter ſe proſtrauit; vt verò ſatis oratum eſt ſurrexit, canes foras ſecum ceterius eduxit, ſicque ceruo relicto plenus facti ammiratione, & ſatis expenſa loci illius ſanctitate reſceſſit, qui nimirum cum Iacob exclamare potuit: Quam terribilis eſt locus iſte; non eſt hic aliud niſi domus Dei & porta cæli. Inuenta poſt hæc Torſtingus opportunitate prædicto Principi & Proceribus eius hoc idem ſtudiit intimare.

Qua de cauſa actum eſt quatinus eundem locum, vt diximus, ſupra memoratus Mainardus facile impetraret. Ad quem cum acceſſiſſet, ac dumis & vepribus occupari cuncta vidiffet, adhibito diligenti ſtudio, factioque repurgio ædificare eum cœpit. Sicque diuino fretus iuuamine templum vt quondam Zorobabel in monte Sion in paruo tempore nobiliter conſummauit; ſed & dormitorium & reſectōrium ex lapidibus & cæmento non paruo ſumptu conſtruxit. Quibus pro tempore ſatis ſtrenuè expletis, illic Monachos prout res patiebatur in Dei ſeruitio conſtituit; libros quoque & cartas, & quædam ornamenta, ſed & phylacteria cum pretioſis Sanctorum pigneribus ab Abbate ſuo & Fratribus ſibi indulta illuc conuexit. Sicque exinde cœpit ſacer locus ille paulatim diuerſis rerum ſpeciebus ſuccreſcere; terris ac vineis in diuerſis regionibus & pagis augmentando proficere.

Idèd dirum Fontanell. Cœnobriū tribuit Mainardo, quod & ipſe reſtaurat.

## CAPVT V.

Corpora  
SS. Maxi-  
mi & Ve-  
nerandi ex  
reuelatione  
inuenta, re-  
tinentur in  
Monasterio  
Fontinel,

**E**A denique tempestate vir quidam ex transmarinis parti-  
bus frequenti commonitus visione in Gallias venit & ad  
locum qui super Auturā fluuium Acineja dicitur intempesta  
noctis silentio accessit, Sanctorūque corpora *Maximi &*  
*Venerandi* Martyrum, quæ vt ex reuelatione didicerat, inue-  
nit, secūmque secretiūs tulit, & ad portum Logiensem festi-  
nus descendit, vbi dato naulo cuidam viro nomine Amalber-  
to nauculam ingredi voluit; at diuina retentus virtute velut  
ebrius labare cœpit, iterque quod disposuerat explere nulla-  
tenus valebat: quod cū nauta ille cerneret, & nouitate rei  
attonitus paulò diutiūs aspectaret, tandem hominem percun-  
ctatus quid sub inuolucro ferret, ad Fontinellæ Monasterium  
quod iuxta erat secum venire compulit, Abbatique & Fratri-  
bus illum offerens quod actum fuerat expediuit: at ille depre-  
hensum se intuens, spēmque oneris deferendi penitus non  
habens, sancta ossa diligenter inuoluta retexit, nomina & vi-  
sionem cunctis palam exposuit; sicque amisso quem per tot  
pericula quæsierat, cœlesti thesauro, tristis mœstusque vehe-  
menter recessit. Quæ res cū Principi Nortmannorum inno-  
tuisset, & Fratres humiliter illi suggererent, vt quid inde age-  
re deberent decerneret; vigilanter hoc decreuit, vt quo diui-  
no imperio & suā Sancti peruenerant electione, ibidem de-  
inceps permanerent sua quoque auctoritate: vnde hætenus  
apud nos iidem Sancti Martyres cum debita habentur reue-  
rentia.

## CAPVT VI.

Mainardus  
Canonicis  
eliminatis  
apud S. Mi-  
chaëlem  
Abbas Mo-  
nachis præ-  
ficitur.

**C**Vm verò præcipua, vt dictum est, Abbatis Mainardi in-  
dustria in omnibus claresceret, Nortmannorum Duci &  
Primatibus eius satis comperta placuisset, inde eum abstra-  
here, & maiori decreuerunt honore sublimare: denique ad  
Montem S. Michaëlis Archangeli compulerunt migrare;  
quatinus Canonicis eliminatis Monachos quibus præesset in  
regulari

regulari diſciplina deberet vndecunque aggregare. Verùm hic illius honor & amplitudinis incrementum lamentabilis fuit Fontinellæ deſectio, & irreparabile detrimentum: nam poſt eius reſeſſum ſub tribus Reſtoribus, de quibus ſilere decreuimus, per aliquot annos nullo rerum genere creuit, quia potius in multis detrimenta ſua indoluit: ſed quia Dei omnipotentis iudicia nemo valet comprehendere, ſæpe dictus Fontinellæ locus, qui ex cineribus ſuis aliquo modo cœperat, vt de Ieruſalem in Propheta legitur, excutere, & in breui tempore velut ex infirmitate videbatur aliquantulum conualuiſſe, miſerâ poſtmodum deſidiâ ſuorum procuratorum velut æger recidiuo languore in deterius cœpit proruere, vſque ad illud videlicet tempus, quo proteſtas Secundi Richardi velut aurora diluculi in toto Latinitatis orbe ſerena reluxit. Qui cùm patri deſuncto ſucceſſiſſet, poſtque nonnulla pericula in auram liberæ poteſtatis Deo iuuante emerſiſſet, Deum valde cœpit diligere, Sanctôſque eius donis & muneribus maximis honorare, atque religioſas vtriuſque ordinis perſonas benignè ſuſcipere, & honeſtè tractare: quãmobrem factum eſt vt ad eum vndique cateruatim conſuerent Pontifices & Clerici, Abbates & Monachi, quos mirâ ſemper liberalitate ſtudebat munerari. Huius rei teſtes idonei Græci ſunt atque Armeni, quos eo tempore fama tanti viri ſuis à ſedibus eduxit, quôſque ſola illius liberalitas relictis ſuis Græcis ad intuendum patriam Nortmannorum inuitauit: nam & à Monte Syna Legatos frequenter habuit, per quos Sanctis cœleſtem illic degentibus vitam plurima in auro & argento munera direxit.

Huius ſororem *Immam* nomine Anglorum Rex *Adhelreſ* in coniugio ſortitus, duos genuit filios, quos patriâ linguâ Eguuarth & Aluret placuit nuncupari: quorum Eguuardus, qui prior natus erat, tener admodum & in puerilibus adhuc annis conſtitutus Rex iubente patre & fauente populo terræ vnctus eſt & conſecratus: nec multò poſt præſato genitore ſuo à præſentibus exempto *Canutus* Danorum Rex, filius videlicet *Sueni* Regis, Anglorum regnum nauali exercitu fretus violenter inuaſit, & quoad vixit potenti virtute pro arbitrio ſuo diſpoſuit. Vnde factum eſt vt præſati infantuli tran-

Imma Ri-  
chardi filia  
Adelredo  
Regi An-  
glorum  
nupſit.

Quo mor-  
tuo iterum  
Canuto,  
qui Regnū  
inuascat.

sito mare ad patrum confugerent Richardum; à quo gratif-  
simè excepti, & liberaliter ac si filij educati sunt, & dum vixit  
in terra Nortmannorum cum maximo honore retenti. Interea  
Canutus Rex acer ingenio, & armis strenuus, in Regno quod  
arripuerat confortatus, Reginam Immam prædicti Regis A-  
delredi relictam fratre Richardo consulto fauente legaliter  
in vxorem accepit, ex qua filium *Hardecanutum*, filiam quo-  
que *Grumith* nomine genuit, quæ posteaquàm ad nobiles  
annos peruenit Romanorum atque Saxonum Imperatori  
*Henrico* nobiliter, vt sobolem Regiam decuit, & in magna  
seculi gloria nupsit, cui filiam solummodò, quia in breui de-  
functa est, edidit, quæ vt adoleuit carnale commercium  
Sponsi coelestis amore respuit, sumptoque sacro velamine  
virginitatem suam Regi omnium Deo dicauit.

Sine Eduar-  
do regnum  
paternum  
tandem est  
adeptus.

Exacto verò non modico tempore sub tribus Regibus Ca-  
nuto videlicet & Haroldo filio eius quem de concubina A-  
lueuia, sed & Hardecanuto naturali eius filio, Eguuardus \*  
gloriosi Principis Richardi nepos in regnum paternum adni-  
tentibus sibi Nortmannis rediit, & in solio Regiæ dignitatis  
post multa, quæ inferere longum est, demum resedit. Vxo-  
rem quoque filiam hotuini magni illius terræ Principis, qui  
fratrem suum Alureth iam pridem cum multis crudeliter  
atque dolo peremerat, accepit; eosque quos secum de Nort-  
mannis duxerat vtriusque ordinis amplis honoribus extulit,  
auro & argento ditauit. Sed his omiſſis ad rem redeamus.

### De Gerardo Abbate.

### CAPVT VII.

Gerardus  
probatiss  
moribus ex  
Monacho  
Latiniacensi  
I. Abbas.  
Crescien.

**E**Rat tunc temporis, florente Nortmannorum patria &  
multis affluente diuitijs sub præfato Marchione Richar-  
do, quidam Monachus de Cœnobio Latiniacensi; cui præ-  
erat vir industrius, & in omni diuina atque humana philoso-  
phia inter Francos nulli inferior, nomine *Herbertus*; cui præ-  
dictus Monachus nomine Gerardus in regulari se subdiderat  
disciplina deuotus: qui cum processu temporis vitæ merito

diatim succresceret, posteriora oblitus ad ea quæ ante sunt se ingenti desiderio extenderet, Monastica vitæ tenorem neque ad dexteram neque ad læuam declinando enixius sequens cæteris præstaret, in castro Crespeio sub Comite Vvalterio Abbatis meruit ordinatione sublimari, primusque eundem locum fundauit, & regulari institutione excellenter excoluit. Hic itaque comperta tanti Principis bonitate ad eundem ut cæteri accedere curauit, qui eum satis honorificè suscepit, necessaria dapsiliter indulxit, ac post multa, quæ enarrare perlongum est, superius memoratum Fontinellæ Cœnobium tandem ut dignaretur suscipere poposcit, in cuius reedificatione multa se largiturum repromisit. Quid multa? quia res à Deo præordinata erat, Gerardus Abbas petenti grater affensit, & ad regendum sanctum illum locum suscipere tandem non distulit. Vnde admodum gauisus Princeps inclytus, illico virum strenuum ex officio Cubiculariorum nomine Roscelinum destinauit, ut Fontinellæ Monasterium illius dederet potestati. Quo ita suscepto Gerardus Abbas non multo post eum quem prius tenuerat locum quibusdam ex causis sibi displicentibus, sed magis ut post patuit, nutu & dispensatione Dei deseruit: veruntamen ex Monachis & famulis quos educauerat probiores quosque, quique ultro secuti sunt eum, secum adduxit, & in suscepto nuper loco constituit. Sed ne proluxa oratio fastidium legentibus ingerat, prætermisiss multis quæ de tanti viri bonitate & prudentia, studio & constantia, districtione in regulari disciplina, sagacitate in rerum temporalium procuracione prouidentissima, castitate corporis & operis munditia, ieiuniorum, orationum, lacrymarum, & in pauperes eleemosynarum, cæterarumque virtutum quibus sedulo vacabat, gratia diei poterant, ad ea quæ proposuimus, quia res ita exigit, accedendum videtur narratione succincta.

Deinde  
Fontanellens.

Cum igitur idem Pater de elegantiori reparatione loci quem susceperat cum Fratribus sæpe tractaret, placuit tandem & res eis digna visa est, ut infra ambitum templi S. Petri quod eatenus humile valde erat, statutis columnis fornicibusque per eas orditis, cryptæ deberent erigi. Sed cum adhibitis operarijs molirentur opus dispositum, & paulò altius quia

Effossis  
tribus sepulchris,  
in vno corpus S. Vulf-  
franni re-  
peritur, in  
alijs cineres  
SS. Vvand.  
& Ansberti.

res ita poſcebat effoderent humum, ix. Sepulchra ſeriatim diſpoſita ex optimo lapide patrata repererunt : quibus ſingillatim apertis, in duobus quidem quæ in medio cæterorum altrinſecus poſitorum locata erant, & ex nominibus S. Vvandregiſili atque Anſberti videbantur titulata, nihil præter pauculas puluerum reliquias, in quibus reſoluta Sanctorum corporum caro defluxerat, inuenerunt. Cùm verò tertium quod ad dexteram S. Vvandregili ſitum erat, & S. Vvlfiranni eſſe tam poſitione ipſa quæ in geſtis eius deſcribitur, quàm apertiffima tituli deſignatione luce clariùs conſtabat, admotis manibus reſignarent, integerrimum corpus repererunt : ex cuius etiã ſacerdotali veſte, cum quavt legitur ſepultus fuerat, auri ſeſcunciam collegerunt, quod poſtmodum in opificio argenteæ tabulæ in uſum ſacri altaris paratæ probatur expenſum. Vnde nimirum deſipere, immò inſanire credendi ſunt quicunque ſe S. Vvlfiranni corpus contendunt habere, vel alibi arbitrantur jacere ; cùm nulla nixi auctoritate valeant quæ opinentur approbatum ire. Accedant ergo quicunque ſunt illi, & inſpiciant ſepulchrum Sancti, audiântque ſcriptum quod ad dexteram S. Patris Vvandregiſili poſitum fuerit, mirentur quoque & dicant cuiuſnam oſſa alterius in eo inuenta ſint. Certè poſt delationem & fugam Sanctorum, ſi aliquis eum qui relictus erat quæſitus latenter & cum diligenti cautela propter timorem paganorum, qui cuncta latè tenebant, ad locum ſepulturæ eius acceſſit, & eum egeſta humo & reſerato buſto ſubripuit, quiſnã, quæſo, alium in loco eius depoſuit ? vel ubi quem ibi poſiturus erat quæſiuit ? aut quare eo ſublato reſtituere alium tam ſollicitè curauit ? nunquidnam verebatur, quod falſum eſt, ſi locus ille deſertus erat, ſepulchro vacuo reperto reus teneri ? ſi verò inhabitatus, vt quid tantas quæ furibus contrariæ ſunt moras alium effodiendo, & ibidem reponendo innexuit ? Sed indulgendum planè eſt talium deuotioni, non tamen acquieſcendum vndecunque exorto errori ; quia reuera ſi non habent corporalem illius præſentiam, poſſunt tamen, ſi fides adſit, deuota mereri interceſſionum ſuffragia : nos autem, quibus à Deo indultus atque reſeruatus eſt talis tantuſque theſaurus, peruigiles excubias, & competens dignæ ſeruitutis obſequium dependamus, diui-

nis eum laudibus & sincera cordium deuotione prosequamur, quatinus de cuius præsentia non immerito gratulamur, præsidium eius opportuno tempore experiri mereamur : mutemus mores, vitam corrigamus, sancti habitus reuerentiam teneamus; sicque diuinum altare congruis votorum donarijs cumulemus, vt & ipsi sanctuarium Dei, ara, odoratumque sacrificium ipso Sancto opitulante & pro nobis orante mereamur inueniri. Iam verò quod sublati Sanctorum Vvandregisili atque Ansberti corporibus Gentilium metu is relictus sit, liquidò constat, neque vlla valet ratione refelli. Nam & in illa historia, antiquorum diligentia, literis procurata, in qua Sanctorum nomina & miracula, scilicet Vvandregisili & Ansberti continentur scripta, huius Sancti nomen vel mentio nusquam reperitur vel semel inserta, quod proculdubio nullatenus posset fieri, nisi sacratissima illius ossa translatore aliorum se ibidem meminissent reliquisse gratia certæ rationis. Sed quia quorundam temeritas eo vanitatis processit, vt libellum de translatione & miraculis Sanctorum infalsare præsumperint, non mirum videtur tale quid hos perpetrasse, cum diuinæ auctoritatis libros corrupisse quosdam nouerimus; legant qui velint gloriosum illud miraculum, quod in libello de virtutibus Sanctæ Berthæ continetur, quomodo curatus sit quidam longo tempore mutus per merita sanctorum Vvandregisili atque Ansberti cum apud Blanziacum vbi eadem sancta Berta requiescit, exularent eadem tempestate, imponentibus videlicet singulis, idest, Sancto Vvandregisilo, Ansberto, & sancta Berta, manus singulas super singula infirmitatis illius loca; vbi profectò de hoc Sancto & glorioso Præsule Vvlfranno omnimodis reticetur, vt pote qui in illa translatione paganorum metu perpetrata illic non interfuit: neque enim à loco suo, quo sepultus fuerat, cum cæteris translatus erat alibi, sed vt dictum est, & manifestis approbatur indiciis, Fontinellæ fouebat solum pretiosis cinerum suorum patrociniis.

Inuentum igitur, vt præmissum est, Sancti Præsulis Vvlffranni pretiosum corpus, & in ligneo locello pro tempore aptato, quia nimirum tanta erat adhuc loci pauperies, vt vnde decentius fieri deberet, pretiosi metalli species deesset, cum

reuerentia & honore reconditum, super sacrum altare repositum est, & deinceps digna veneratione celebratum, vbi vsque hodie, si fides petentium exigit, maxima pollet gloria virtutum, multaque præstat petentibus se beneficia sanitarum; ex quibus ea duntaxat, quæ nostris inspeximus oculis, hinc narrare aggrediemur, paucis tamen prius explicitis quæ series historiæ præterire nos dehortatur. Non multò post nanque ortâ, die quadam, repentina tempestate, collectoque in nubibus aëre subitus increpuit tonitrus, & inundantis pluuiæ imber erupit vehementissimus, coruscationesque resplenderunt crebris luminibus: & ecce fulmen per aëra deuolutum cum fragore terribili impegit Fontanellensis Ecclesiæ inclangorium, \* cuius tantum crucem violenter, ac si gladio truncatam, ad terram dejecit, turriculamque, cui superiminebat, vsque in inferiorem arcum ac si vetus indumentum scidit, quæ postmodum eo casu contrita ex ea parte cecidit. Quapropter Gerardus Abbas tres quæ restiterant partes euertere c, & aliam ambitu latiori turrem cum suis absidis in crucis modum dextrâ laeuâque fundari præcepit; in cuius ædificio, quoad vixit, ingenti studio insudauit, & per viginti ferme annos (tamen in vita sua) ad effectum perduxit.

f. \* Capani-  
se, seu tur-  
ris in qua  
sunt campa-  
na.

Miraculum  
per merita  
S. Vulfra-  
ni patra-  
rum.

Interea erat quædam matrona nobilis opibus magnis & diuitijs pollens, nomine Herleuis, quæ difficultate partus aliquando cœpit vehementer periclitari. Cùmque diebus octo eo dolore satageret, atque ita, vt morti proxima videretur, deperiret, nulloque remediorum genere, neque votis ad multorum nomina Sanctorum promissis quicquam proficeret, tandem prosperiori vfa consilio, Sancto Patri Vulfranno, de cuius meritis plenius edocta fuerat, decem libras denariorum deferri præcepit; & maiora, si se de præsentis liberaret interiorum torturâ, munera repromisit. Nec mora, eunte qui missus fuerat cum votis & munere, illa puellam enixa est, talique extemplo exempta periculo, mortis imminentis euasit discrimen: Vnde actum est vt ex illa die Sanctum Vulffranum vt ereptorem suum nimio cordis affectu coleret; locum hunc, quem antea vehementer auersabatur, in multis honoraret: & circumpositorum saltuum largiorem nobis nostrisque hominibus copiam tam in pascuis pecorum, quam in cæ-



teris lignorum uſibus indulgeret. Nam & dormitorium ad æternam ſui memoriam proprijs expenſis, quale nunc cernitur, ædificari fecit; ubi expleto vitæ præſentis curſu & ſepulturam promeruit.

Eadem quoque tempeſtate alia quædam illuſtris foemina nomine Imma, quæ mutato habitu ad hunc acceſſerat locum, & prædia ſua, id eſt, Cruciolam & Tetgis villam; ſed & Broilum ex integro contulerat; poſt alia innumera beneficia, reſectorium illi dormitorio à plaga orientali contiguum proprio ſumptu conſtrui fecit. Verum enim verò prædicta matrona ut ſuum amorem, quem erga Sanctum habebat Vvlfirannum operibus approbaret, reconditorium illi argenteum, quod antea ligneum erat, componi iuſſit; in opificio probati argenti medium talentum cum auri pondo expendit. Factumque eſt tale opus, quale nuſquam eo tempore in tota Nortmannorum patria poterat reperiri. Sed cum conſtituta dies, quæ in illo debebat loculo reponi, adueniſſet; Abbas Gerardus corpus Sancti ad Eccleſiolam Sanctæ Dei Genitricis *Maria* præcedentis veſperâ diei fecit deferri. Mane verò facto adhibitis ſectum duobus Fratribus illuc perrexit, cum quibus ſacratiffima eiſſa optimo vino lota primò in ſindone noua, deinde pretioſiſſimo ex purpura inuoluta pallio, quod nobiliſſimus Rotomagenſium Archiepiſcopus *Roſbertus* ad hoc direxerat, honorificè contexit, ſicq; in præparato iamdudû ſcriniolo depoſuit, quod accito Aurifice diligenter claudi clauisque fortiter, ne deinceps aperiri poſſet, conſigi coram ſe fecit. Sanctorum nihilominus Confefſorum *Heremberti* Tolofani Pontificis, & Eremitæ *Condedi* corpora in vno pariter loculo, Beatorum quoque Martyrum *Maximi* & *Venerandi* decenter repoſuit in alio. Interea Gradulſus tunc Decanus, cæteriſque Fratres eò euocati decentérque ornatî, cum crucibus ac cereis vnâ proceſſerunt, quos prædicta matrona cum plurima ſuorum cohorte ac populo ad hoc vndique congregato ſubſecuta eſt. Cùmque illuc ventum eſſet cum maxima omnium lætitia Sancti corpus in humeris leuatum, inde effertur. Sicque pſallendo uſque ad Baſilicam S. Vvandregiſili delatum, ſuper ſacrum altare deponitur, & idcirco dies illa cum tripudio ſpiritualis gaudiij & epularum apparatu largiori exacta, de-

Imma fe-  
mina muta-  
to habitu  
Fontinellæ  
manſit.

Corpus S.  
Vvlfiran. in  
capſa argē-  
tea reponi-  
tur.

Richardus  
3. Dux  
Norman.

cætero feſtiua per annos ſingulos ibidem recolitur. Facta eſt autem hæc translatio anno Dominicæ incarnationis milleſimo vigefimo ſeptimo, Cal. Iuni; Henrico Rege Francorum regnum præter matris ſuæ voluntatem inuaſum tenente; Principatum verò Normanniæ tertio *Richardo* legali modèſtia diſponente: namis defuncto patri *Richardo* ſecundo, de quo ſupra me minimus, in regno ſucceſſerat.

Fratreſcius

Huic autem tres tantummodò fratres erant, *Villelmus* videlicet qui poſtea Arcas caſtrum in pago Tellau primus ſta-  
tuit; atque *Malgerius* qui poſtmodum in vrbe Rotomagenſi paucis annis Archiepiſcopatum tenuit. Hos autem *Papia* matrimonio *Richard*i potita ſecundi edidit, cuius fratres *Anſfredus* & *Osbernus* iſtic Monachum profeſſi ſunt. Robertus verò ex alia matre ſcilicet *Iuditha* oriundus, ei vt pote major natu in breui defuncto ſucceſſit, nam neque annum in principatu immaturâ præuentus morte peregit. Hic autem Rotbertus acer animo & prudens priores ſuos virtute quidem & potentia exæquauit, ſed prauorum conſultui, vt pote in primæuo iuuentutis flore conſtitutus, æquo ampliùs attendens, Regnum quod florens ſuſceperat in multis debilitauit. Verùm non multò poſt cœleſti reſpectus gratia, & bonâ, quæ inerat illi, naturâ & conſilio intus reſipuit: & eos quorum prauitate à recto deuiauerat, à ſuo conſilio atque familiaritate ſequeſtrauit, ſuæque iugo potentia verſa vice fortiter oppreſſit, ac ſic in libertatem, quæ ſe decebat, vendicauit; atque ita propter præteritorum ignorantiam proſectus Ieroſolymam profundè pœnituit; ſed in redeundo malignorum perpeſſus inſidias, qui eius æquum, quod iam experti erant, verebantur imperium, veneficio, vt didicimus, apud urbem Niceam occubuit, ibique intra ſanctam ciuitatis illius Baſilicam, quod nulli alij mortalium conſeſſum eſt, honorificâ donari ſepulturâ promeruit. Verùm vir tantus non prauorum tantum malignitate, quàm diuino, vt credi fas eſt, iudicio deceſſit, qui iam vnus eorum effectus erat, quibus, vt Apoſtolus conqueritur, dignus non erat mundus. Idcirco enim nobis eſt ablatuſ, quia iam placens Deo pœnitudine, factuſque dilectus virtutis amore, eo dignus noſter non erat mundus, reſertus dolo & iniquitate; ſed ille mons Dei ſanctus in quo habitabit  
quiſquis

quisquis iustitiam operatur, ac per hoc hinc raptus, vbi iam refrigerante caritate abundat iniquitas, translatus est quò iustitia suos mittit thesauros, vbi æterna est caritas. Sed de tanto Principe multa memoriæ digna poterant dici quæ præterire necesse est gratiâ suscepti negotij.

Sub huius itaque tempore Gerardus Abbas ætate maturus, regularis ordinis obseruantia præcipuus, anno videlicet du-  
caminis illius quarto, nocte subsequenti sabbati in suo lecto  
peremptus, martyrio, vt credimus, coronatus est, quia pro  
veritate occubuit. Nam quidam non Monachus, sed potius  
dæmoniacus, & antea in seculo homicida cruentus, quiescen-  
tibus cæteris Fratribus atque graui sopore sepultis, latenter  
surrexit, & prædictum Patrem post laborem dici, quem in  
ieiunio & orationibus ex more suo expenderat, tandem qui-  
escentem inuadere præsumpsit, atque securim, quam peren-  
die propterea inuoluerat, in dextrû illius tempus toto annisu  
librauit, sicque celerius fuga lapsus inter noctis tenebras, &  
ingētis pluuiæ vndas quæ solito densiores influebant delituit,  
spiritumque malignum quem in huiusmodi scelere habuit sua-  
forem, in fugiendo secutus est detestandi itineris ductorem.  
Reuerâ enim qui in ipso mundi recentis exordio truculen-  
tum Cain in necem iusti fratris Abel armauit, Iudæque per-  
fido in fine seculi traditionis audaciam aduersus pium Magi-  
strum inspirauit, ille idem procul dubio huic etiam misero  
paria nequitiae arma ministrauit, & execrandæ præsumptionis  
temeritatem suggessit; quatenus innocentem virum, caritate  
fratrem, magistrum officio, crudelis fratricida, & funestus  
parricida addiceret supplicio mortis. Facta sunt autem hæc  
anno incarnationis Dominicæ millesimo trigesimo primo;  
tertio Calendas Decembris. Exitit autem religiosus idem  
pater origine carnis ingenuus ex pago Medantissæ, & patri-  
monio Ielia oriundus, cuius pater Fulbertus, mater verò  
Ailendis dicti sunt. Carnoti tempore Fulberti Præfulis vnde-  
cunque doctissimi literas adolescens didicit, vbi Herbertus  
ex Iudæis ortus, sed à puero Christianus in omni litterarum  
peritia tunc temporis, & cantandi arte vocisque excellentia  
inter cæteros maximè florebat. Erat enim Regis Francorum  
Rotberti & prædicti Fulberti condiscipulus, auditor verò

Gerardus  
Abbas occi-  
ditur.

Gerardus  
Abbas au-  
ditor fuit  
Fulberti  
Carnot.

Herbertus  
doctiss. ex  
Iudæo Mo-  
nachus ord.  
S. Bened.

Girberti Philosophi, qui postmodum ex Monacho, vrbis Remensis tenuit Pontificatum, vnde per inuidiam quorundam ejectus, ad apicem dignitatis Apostolicæ merito incomparabilis scientiæ demum in vrbe Romulea est prouectus. Huius, vt præmissum est, Herbertus doctrinis liberaliter institutus, non multò post S. Benedicti disciplinis in Monasterio Latinjacensi se submisit regularibus: quem præfatus juvenis Girardus ad bonum æmulatus, animo & corpore illuc pariter est subsecutus, atque ad summum religionis Monasticæ celestis præuentus gratia tenorem peruenire promeruit. Cui celestis favor in ipso etiam vultu & habitu non deerat: nam decoram illius faciem canities gratificabat honesta, statura procerus, ore suavis erat & facundus, nihil indecens in eo vel incompositum deprehendebatur.

### De Gradulfo Abbate.

#### CAPVT VIII.

Maiorem  
Ecclesiam  
solèni ritu  
dedicat Ro-  
bertus. Ar-  
chiep. Ro-  
tom.

**H**Vic tam egregio Patri Gradulfus ab eodem in disciplina regulari pridem educatus, sub ipso autem tunc Decanus, sed in monte S. Trinitatis ad ædificandum eum constitutus, exigentibus bonæ vitæ meritis, quibus abundè pollebat, multisque benè innotuerat, in regimine successit iussu Rotberti Principis, cuius supra nos meminisse non excidit; atque per annos sexdecim, quibus superuixit, sagaciter susceptū Officiū modestè disposuit, locumque sibi commissum in omnibus augmentare curauit. Hic etiam anno suæ ordinationis secundo Ecclesiam principalem, quam Pater Girardus ædificauerat, dedicari in magna gloria & honore ingenti fecit, in honore scilicet S. Petri, & omnium Apostolorum, Sanctique Vvandregisilj, & omnium sanctorum à magnifico viro Secundi Richardi fratre *Rotberto* nomine, Rothomagensis videlicet vrbis Pontifice, sed & *Herberto* Lisiaensis ciuitatis doctissimo Præsule, nec non & *Rotberto* nobilissimo Antistite Constantiæ vrbis. Interfuerunt quoque nobiles nonnulli sapientiæque pollentes Clerici, sed & Abbates vicinorum Cœ-

nobiorum cum pluribus Monachis, populorum etiam multitudo innumerabilis. In ipsa autem die inter sacra Missarum solemnia vir optimus, & in omni liberalium disciplinarum experientia probatissimus Isembertus Abbatis est benedictionem consecutus, cuius postmodum vrbs Rotomagensis scientia ac bonitate frui meruit, sed pauciori tempore quam expedierat sibi. Porro ea dies in diuinis laudibus reuerenter expensa, annuo recurſu facta est de cætero celebris, & populo terræ pia deuotione II. Idus Septembris sollemnis.

Per idem fere tempus quidam vir quantum ad sæculi gloriam genere spectabilis, opibus diues, & amplissimo pollens honore *Hunfredus* nomine Cœnobium in proprio fundo qui Pratellis nuncupatur ædificare disposuit, quem & antiquitatis auctoritas, & situs loci tali negotio opportunus commendabat. Qui accersito Gradulfo Abbate, nam ei valde familiaris erat, eius consilio qualiter Monasterium, vbi officina adificarentur Monachorum, præcepit metiri, & omnia ut prædictus Pater dictauerat, ordiri fecit, atque in paruo tempore (ut pote cui cuncta suppeditabant, quæ huiusmodi operis flagitabat expensa) ad effectum perduxit; sicque demum eundem locum ad regendum illi contradidit, vbi ille accepta potestate Monachos ex suis cõstituit; ac post multa quæ narrationis breuitas refugit, Abbatem *Ansfredum* nomine secundum S. Benedicti regulam sibi professum ordinari fecit: sub quo prædictus vir non multo post sanctæ religionis habitum, abruptis mundi impedimentis, humiliter suscipiens, vitam honestam laudabili fine conclusit.

Hunfredus  
Monasteriū  
Pratellense ædificauit.

Abbas Ans-  
fredus.

Hunfredus  
Monachum  
induit.

Sed cum Fontanelle locus diatim sub tanto Rectore proficeret, atque illius fama bonitatis multis spectabilis foret, Episcopalis autem honor sanctæ sedis Rotomagensis paululum multis ex causis declinaret, visum est Pontifici Malgerio præfatæ Metropolis (quod & omni clero plebique non mediocriter placuit) ut eundem Gradulfum Abbatem sibi substitueret, & Vicarium sub se benedictione Episcopali insigniret, ut res quibus se minus sufficere perpendebat, ille sua vice suppleret. Cum autem dies desiderata instaret ut super hoc negotio Principi suggestio fieri deberet, ipse ad Monasterium (nam Rotomagi erat) de hoc apud se deliberaturus reuersus

Malgerius  
Episcopum  
proponit  
Gradulfum  
constituere  
ut Vicarij  
vices age-  
ret.

est. Tertia verò die corporis subito tactus infirmitate, ad extrema peruenit, acceptaque corporis Dominici & sanguinis communione decessit, Fratresque, quos sua destituebat præsencia desiderabili, nimio confectos dolore reliquit. Obiit autem anno ab incarnatione Domini Millesimo quadragesimo septimo II. nonas Martij.

Robertus  
Dux Nor-  
man.

Huic successit frater illius pro carnis origine nomine *Robertus* anno fermè XII. Principatus Vvillelmi Comitis, quem genuerat Robertus Comes inclytus, de quo superius satis pauca diximus. Hic autem à patre valde tener & paruulus in regno relictus, multa incommoda & aduersa pertulit, sed iuuante se gratiâ diuinâ cum ipsa pueritia omnia discrimina quibus opprimebatur exiit, suorumque vltor acerrimus inimicorum, qui sibi fideliter obsecuti fuerant honoribus extulit, potentia sublimauit, finésque sui regni crebris munitionibus aduersus finitimas gentes, ne earum paterent incursumbus vehementer firmatas cinxit, atque nunc vsque sub coelestis Regis imperio Monarchiam regni pro arbitrio potenter disponit, cunctis per circuitum regnis, & nationibus aut foederatis sibi oportunus, aut infensis formidolosus.

## C A P V T IX.

Causa reli-  
quiarum S.  
Vulfranni  
exponenda-  
rum.

**S**Vb huius statim initio regni grauissima fames in vniuersa terra facta est, qualem nemo mortalium se vidisse vel audisse meminit, quæ per septem annos continuos orbem oppressit, frequentes vrbes & castra multâ populorum constipatione pridem referta, siue villas & burgos ita depopulata est, vt ædificijs passim dirutis rarus incola inueniretur. Fuerunt etiam nonnulli quos victualium egestas ad vescendum humanas carnes, quod dictu quoque graue est, contra fas impulit, & homicidio miseram vitam crudeliter exigere instigauit. Præterea clades & pestilentia coelitus super mortalium genus tot talésque extiterunt, quales nullus retro actorum temporum relator ante hac extitisse literarum indiculo dereliquit. Nam & ignis iræ coelestis vltor, & humanorum vindex scelerum humana corpora ita depastus est, rôtque erant greges

ex peste pereuntes, vt terrori esset & maximo horrore, viæque & compita foetore complerentur ingenti, & maxime cimiteria sacrorum locorum peribola, ad quas miserorum turbæ causâ consequendæ medelæ per Sanctorum patrocinia instantissime confluebant. Eo tempore periit cithara & lyra, & omne genus musicorum interiit: sublatum est enim gaudium, vox lætitiæ nusquam audiebatur; nemo de ludis & voluptatibus, de secundorum successu nullus disputabat: vbique tristitia, dolor, & metus malorum ingens erat, luctus & vastitas cuncta latè tenebat. Præterea discordia Principum inter se conflictantium propter prædicti Principis pueritiam, Normannorum patriam vehementer atterebat; ferro, rapinis, & flammis vrentibus cuncta longè latèque incurfabat, & in ultimam vastitatem optima quæque & electa vberrimi & speciosi quondam regni loca redigebat. At verò Pater misericordiarum & Deus totius consolationis vbi populum suum dignanter ab alto respexit, & parumper respirare à tot tantisque indignationis suæ flagellis, pia miseratione voluit; elementorum suorum temperiem serena dignatione, non nostri merito, in melius ordinavit, influentes amplius quàm expediebat pluuias coercuit, imminentes supernè pestes suspendit, benignitatem suam propitiis indulxit, & terra nostra fructum suum solito vberius protulit. Pacis aliquantulam requiem iam adulto Principe seque sibi in libertatem vendicante miseratus concessit; seditiones, incendia, & rapinas domesticas inhibuit, non tamen manum vendicem usquequaque sustinuit, sed reliquias scelerum populi sui clementius paterno flagello corrigere non destitit. Procurato etiam cœlesti remedio, & in lucem conspicuæ cognitionis prolato dignanter medicare ea disposuit: nam gloriosa Sanctissimi Patris Vvlfiranni merita tali dignatus est occasione mortalibus declarare, & ad patrociniū fidelium cunctis reuelare, quæ paucis eatenus ad notitiam noscuntur peruenisse, adeò vt crebra miracula, quæ apud eius sacratissima ossa fieri videbantur, ne illi quidem imputarentur.

Anno siquidem Incarnationis Dominicæ Millesimo quinquagesimo tertio, diuturna siccitate tellus exaruit; mortalitatis lucis eis Sequanam grauer defauens, Caletensem pa-

Ann. 1053.  
Roto magū  
defertur  
corpus S.  
Vvlfiranni.

gum occupauit, ita vt viri & mulieres diuersæ ætatis pariter occumberent, villæ siue domus, tota simul obeunte familia vacuæ remanerent. Quo terrore vniuersus populus, ad implorandum pietatem diuinam toto corde conuersus letanias & processiones cœpit frequenter agere, ieiunia certis diebus obseruare, atque de vicinis locis & villis ad sacratiora quæque loca vel vrbes ad impetrandum Sanctorum suffragia deuotè conuolare. Vnde factum est vt & ipsi nos idem agere statueremus, & ad urbem Rotomagensem cum pretiosis sanctorum reliquiis populo vndecunque ad hoc conuocato vnâ pergere deliberaremus; non tamen ea qua alij necessitate, quippe cùm nullus apud nos siue in toto circa nos miliario (Deo nos suorum meritis Sanctorum protegente) mortalitati succumberet: sed potius vt nostro plebs incitata exemplo promptius incepto supplicandi officio persisteret, & impendentem diuinæ animaduersionis gladium precibus auertere instaret. Constituta ergo die videlicet, octauo Kal. Iunij vndique coacto populo, pretiosum S. Vvlfiranni corpus electi quindecim Fratres præcipiente Abbate suscipientes dispositum iter tandem arripuimus, & mansionem in villa quæ Escetor vocatur in Ecclesia S. Petri nocte illa fecimus. Cùmque die sequenti imminente aurora inde processissemus, & syluam quæ interjacet festinanter transissemus, tamque pretiosum thesaurum comitante turba ingenti alacres gestaremus, præmissis Legatis nos aduentare ciuitatis Archidiacono, sanctoque Clero innotescere curauimus. At illi comperto tali nuntio confestim se præparauerunt, plebèmq; fidelem noto signo ad occurrendum nobis excitare studuerunt. Deinde sumpto sancti Romani Pontificis glorioso corpore, occurrentibûque sibi vndique ciuitatis Canonicis cum suorum quoque Sanctorum corporibus & Ecclesiastico apparatu, obuiam nobis in multa gloria processerunt, atque in ipso suburbij introitu cum ingenti nos lætitia & honore præcipuo exceperunt. Sicque elatis in altum vocibus, diuinæque laudes nobis atque illis alternatim concinentibus, ciues qui conuenerant Rotomagenses Sancti Patris Vvlfiranni loculum suis reuerenter humeris susceperunt, & vsque in sanctam Dei genitricis *Maria* Ecclesiam nobis comitantibus ouantes detulerunt,





# ABBATIÆ SENONIENSIS

IN VOSAGO DIOECESIS TVLLENSIS,

# HISTORIA

AVCTORE RICHERIO EIVSDEM

*Monasterij Monacho Benedictino.*

## P R Æ F A T I O.

**C**VM ea quæ de mundi huius creatione, humani generis propagatione per S. Moysem, nec non & Iesu Naue describuntur; per virum famosissimum Eusebium Cæsariensem Episcopum initium rudis Ecclesiæ, eiusque incrementum, sanguine Martyrum, doctrinâ Confessorum, aliorumque Virorum illustrium operum exercitatione fundatæ, declarantur; & secundum Paulum Orosium bella Punica & civilia, dissensiones, fames, pestilentia, signa, portenta, euentus rerum mundanarum describuntur: quid aliud intelligendum, nisi secundum Apostolum: *Quæcunque scripta sunt, ad nostram doctrinam scripta sunt*: Vt alia nos ad iudicii Dei timorem, alia verò ad spem vitæ æternæ informare & sollicitare videantur. Quis enim legat Caïn fratrem ob invidiam interfecisse, vniuersam mundi creaturam pro commissis per diluuium omnino interijisse, non formidet incidere in manus illius districti Iudicis, scilicet Dei summi? Quis verò audiat tot millia Martyrum, non tantum virorum, sed etiam illius sexus fragilis Virgines, matronas, senes, & iuuenes in agone certaminis viriliter desudasse; etiamsi videatur habere cor

lapideum, ſtatim ad mollitiem compaſſionis & deuotionis non conuertatur? Si quis verò conſideret ſecundum prædicti Pauli Oroſij ſcripta miſerias hominum, tot cædes, tantam humani ſanguinis effuſionem, tanta parricidia, tot ſpoliorum innocentum direptiones, tantas clades occulto Dei iudicio mundo illatas; quis, inquam, non abhorret ipſum Dei iudicium proprio delicto poſſe incurrere, præſertim cum tunc temporis mundus floruerit, & etiam aurea, ( vt in Daniele legitur ) tunc ſecula extitiſſe; nunc verò non tantum plumbea vel ferrea, immò certè lutea eſſe comprobantur; in quibus homines potiùs ad malum quàm ad bonum videntur eſſe promptiores? Si verò illi per tot annorū curricula poſteris ſuis facta priorum, alia abhorrenda, alia verò admiranda conſcripſerunt; nos in quos fines ſeculorum deuenerunt, quia plus ſolito abundat iniquitas, & noſtris temporibus actus priorum, immò enormiora innouari videantur, ipſos rerum euentus ad poſteros deſtinare debemus, vt & ipſâ, ſicut & nos relationibus Majorum aut maliterreantur, aut certè bonis ad meliora prouocentur. Huius rei gratiâ ego Frater RICHERIVS Monachus Senoniensis, licet omnium abjectior, nolens ſucceſſoribus noſtrorum temporum euentus occultare, licet imperito ſtylo & inculto ſermone ea quæ in quibusdam ſcriptis verſibus adnotatis de fundatione huius Senoniensis Abbatia vel Eccleſiæ, vel eius Fundatore, & ſucceſſentibus Abbatibus reperire potui, licet perpauca ſint, relatu digna, & ea quæ proprijs oculis vidi, & auditu audiui, & circumadiacentium Eccleſiarum fundacione, & Conſtructorum nomina & dignitates, vel etiam ipſorum miracula, quibùſque Regibus vel Imperatoribus claruerint, more balbutientis infantis huic membranæ adnotare & inferere ſtudiui, tutius arbitrans ipſius narrationis ſeriem ruſticando elucidare, quàm philoſophando obnubilare: Lectores vel auditores per Dominum obteſtans, vt ſi qua in præſenti Tractatu minus aptè conſcripta repererint, non præſumptioni, vel audaciæ aſcribant, ſed deuotionis & bonæ intentionis gratiâ hoc feciſſe arbitrentur.

## CAPVT I.

*De aduentu S. Gundelberti ad Vosagum.*

CAPVT I.

**I**gitur tempore illo, cū ab Incarnato Dei Verbo dccxx. Gundelbertus An. 720 floruit.  
 ageretur annus, fuit vir quidam ex nobilibus Gallia par-  
 tibus oriundus *Gundelbertus* nomine, qui sicuti postea ex sui  
 conuersatione claruit, Deo dignus & hominibus habebatur.  
 Fuit igitur tantæ bonitatis & excellentiæ, vt ciuitati in Bur-  
 gundiæ confinijs sitæ nomine *Senonas*, quæ vna de nobilibus  
 illius prouinciæ nobilis habebatur, voto & voluntate omnium  
 subrogaretur Episcopus: qui talentum sibi à Domino credi-  
 tum ita in administratione officij pastoralis augmentauit, vt si  
 iam fas fuisset ipsum ab hac vita discedere; statim illud  
 Euangelicum, *Euge serue bone*, audire mereretur. Sed quia  
 Dominus dilectum suum iam non dicendum seruum, sed  
 anicum ampliore remuneratione dignum fieri decreuerat, vt  
 talentum sibi creditum cum fructu multiplicato ad gazophy-  
 lacium Domini sui reportaret, & ipsum Dominus tanquam  
 aurum in fornace probatum in thesauris cælestis Ierusalem  
 collocaret: hunc, inquam, talem ac tantum virum ad cuius-  
 dam eremi partes, vt post pauca referemus, Domini destina-  
 re voluit benignitas.

*Descriptio & situs terræ & eremi Vosagi.*

CAPVT II.

**F**uit igitur idem seruus Christi & eius cohæres tempori-  
 bus Illustrissimi Regis Francorum *Childerici* nomine, qui  
 cum progenitoribus eo tempore vsque ad fluuij Rheni vada  
 Francia regni terminos ampliauerat (sicut Venerab. Beda f. \* Anglo-  
rum.  
 Presbyter in libro Regum \* Francorum plenius insinuat)  
 quos Imperium Romanum vsque adhuc obtinere com-  
 probatur; licet Lotharingum Regnum, quod ab ipso depen-  
 M m

det Imperio, infra supradictas sit metas constitutum. Hic itaque Deo & hominibus honorabilis Gundelbertus Archiepiscopus Senonensis, cum videret sibi ad culmen perfectionis, ut optauerat, conuersationem secularium haud satis sufficere, disposuit se omnibus quæ possidebat abrenuntiaturum; & crucem Christi bajulans secutus est suum Redemptorem. Itaque dimissis Archiepiscopatus diuitijs & honoribus, solo sibi Episcopi officio reseruato, quo in tanta & tam vasta solitudine ad Ecclesias consecrandas vel personas ad officia diuina idoneas promouendas uti potuisset, vale dicens Fratribus ac ciuibus suis, secreta deserti, paucis secum accersitis, petere decreuit. Transmeatis itaque terrarum spatijs peruenit ad quandam Vosagi vallem, quam idem Dei famulus ita incoluit, uti hætenus cernitur, & Deo adiutorium nobis commodante loco suo plenius exponemus. Sed quia pluribus terra illa incognita habetur, licet à multis ipsius nomen terræ frequentetur, ipsius tamen situm & metas lucidius exponere conabor.

Est autem terra ista excelsis montibus occupata, rupibus immanissimis veluti quædam castra in ipsorum montium cacuminibus naturaliter positis, ipsos montes faciunt suo aspectu horribiliores. Inter ipsos arduos, ut diximus, montes quædam valles profundissimæ cernuntur, quæ nemoribus abietinis ita consitæ sunt, ut sua nigredine etiam horrorem plurimum incutere videantur: prætenduntur enim dicti montes in longum per quatuor dietarum spatium, in latitudine verò vix sex milliaribus vel septem dirimuntur. Habent prædicti montes ab Oriente Alsatiam, quæ pars est Alemanniæ, cum suo fluuio Rethno nomine: ab Occasu Lotharingiam & Burgundiam: extenduntur siquidem à Meridie in Septentrionem. Ista, inquam, vasta solitudo non tam hominum quàm ferarum sæuarum habitatio habebatur, & quasi labyrinthus ab hominibus tunc temporis vitabatur. Hanc, quam descripsimus, terram antiqui Vosagum, moderni Vogiam dixerunt. In huius igitur eremi vasta solitudine noster agonista *Gundelbertus* Archiepiscopus primus subintravit; qui Vallem, quam nos modò incolimus, sine nomine reperit, eam dulcedine natalis patriæ, quæ cunctos,

*Ducit, & immemores non sinit esse sui;*

Immò ciuitatis, in qua Archiepiscopatus functus erat officio, quæ Senonas vocatur, quasi nomine copulatio *Senoniae* vocauit: vnde vsque ad præsens tempus ipse locus, vbi ipse Domini seruus habitauit, Senonias, vallis quoque Senoniensis appellatur. In hac igitur valle, quam super nominauimus, quam iste Venerabilis Pater Gundelbertus subintrauit, quidam locus erat inhabitabilis, & à frequentatione hominum remotus: qui soli Deo vacare volens ad habitandum receptacula quam parua inchoauit; sed ne alieni iuris peruasor esse videretur; cum comperisset quòd dicta Vosagus in regno supradicti Regis Childerici consisteret, ipsum ad impetrandam licentiam ibidem commanendi adire disposuit. Igitur datâ opportunitate Regem, quem quondam familiarem habuerat, adiit, interpellat. Rex postulata, vt erat animo placidus, concedit, regijs sceptris data confirmat, metas terræ sibi traditæ localiter assignat, & ita distinguit: à Rupe, quæ Alta petra dicitur, per cacumen montis vsque ad villam quæ Cella dicta est, per ripam fluuioli per eandem villam decurrentis vsque locum qui Mare dicitur: inde ad grandem Fontanam, inde per riuulum qui Vvaconos dicitur vsque ad fluuium Bruscam, & per ripam Brusca vsque ad cacumen montis iuxta S. Stephanum, & inde ad fontem Donnous; inde per transuersum monticulorum vsque ad riuulum, qui Petrosus riuulus nuncupatur, qui fluit per' claustrum Mediani monasterij. Sed pars terræ adjacentis dicto Monasterio postea fertur data esse viro Sanctissimo Hydulpho eiusdem loci Fundatori, sicut postmodum plenius loco suo describemus. Ita noster Patronus donis regijs locupletatus ad locum diu desideratum cum gaudio remeauit. Igitur antequam noster iste Patronus ad hanc eremi solitudinem deuenisset, quædam ad occidentalem plagam super Mortam fluuium ædificata habebatur Ecclesia, Stiugium nuncupata. Quis eius fuerit Fundator, vel quo tempore inceperit, non reperiunt enim in dicta Ecclesia Ordinis S. Benedicti Monachos primò extitisse, deinde Sanctimoniales, postea verò iterum dictum locum Monachos inhabitasse, exin Canonicos seculares, ac deinde Ordinis Præmonstratensis Canonicos, sicut

Mm ij

hactenus ibidem permanent, fuisse institutos. Sed hæc de ipsâ Ecclesiâ dicta sufficiant. Sed quia idem S. Gundelbertus nihil penitus nisi ad nutum Dei agere decreuerat, quippe qui sibi proprij animi voluntatem non retinuerat, quia necdum aliquam in loco alieno, modo suo, adhuc Ecclesiam vel Monasterium inchoauerat, credidit diuinam voluntatem super hoc vigilijs, jeunijs, & orationibus fore requirendam. Dubitanti enim eo super dispositione officinarum Monasterij quomodo vel quibus Numinibus ipsa dedicare deberet: ei in ipsa postulatione persistenti Dei misericordia quid, vel quomodo, vel quibus Sanctis ipsa loca consecrari vellet, per visum innotuit. Qui denique reuelatione & auctoritate Regia, vt supra dictum est, animatus, in honore Sanctæ & perpetuæ Virginis *Maria* primam construxit Ecclesiam, quam solemniter dedicauit, & penes illam Monasterium cum officinis suis ædificauit, in quo B. Petrum Apostolorum Principem cum suis Coapostolis duxit venerandum. Omnibus itaque Dei nutu dispositis & ordinatis, aliquantisque ibidem Fratribus congregatis, sub B. Benedicti Regula ipsos militare decreuit, sicut hactenus immutabiliter vsque ad tempora nostra Deo regente videntur subsistere: quos ipse Episcopus & Abbas cum Ecclesia sibi credita strenuè rexit & religiosè.

---

*De obitu S. Gundelberti Archiep. & I. Abbatis Senon.*

### C A P V T III.

**P**OST immensos denique & innumerabiles in hac nostrâ Vosago pro Christo toleratos labores, cum iam suum emeritum militem pro suæ militiæ meritis Deus remunerare decreuisset, ab hac ærumnosa peregrinatione, non tamen in hoc nostro loco Senoniensi nescio quo occulto suo iudicio, substrahere voluit. Sed quia de eius sepultura nihil fide dignum inuenire potui, melius tacere, quàm aliquod dubium de ipso scribere dignum duxi: licet aliqui apud Medium-vicum cum aliquibus Sanctis, Sancto scilicet Pientio & alijs

focijs suis, eum quiescere contendant. Enimverò de Cellis circumquaque positis, quas Sancti Viri huius nostri Fundatoris Gundelberti eo tempore construxerant, mentionem me facturum memini promisisse : ne indigneris, quæso Lector, si à materia digredi aliquantulum videar, quia non parum utilitatis consequeris, cum tantorum virorum ad hanc Vosagum aduentum ipsorumque sanctam conuersionem, & Ecclesiarum foundationes, & Fundatorum nomina perlegeris.

---

*Vita & actus S. Deodati Neuernens. Episcopi.*

## CAPVT IV.

**F**Vit igitur eodem tempore cum noster Fundator Gundelbertus ad has Vosagi deuenisset partes, ut supra memorauimus, in Aluerniæ partibus in ciuitate Neuernensi vir egregius nomine & operibus *Deodatus*, eiusdem ciuitatis Episcopus sanctissimus. Hic cum audisset quia hæc Vosagi eremus à tot & tantis Sanctis viris inhabitaretur, zelo querentium Dominum ductus, Episcopatus sui honoribus simul cum cathedra relictis, paucis cum laboratoribus sibi iunctis, viam quæ ducit ad vitam aggreditur tendendo ad solitudinem, ut in deujs montium, in cauernis petrarum Deum diu quæsitum inueniat. Veniens igitur ad quoddam castellum, quod Romont vocatur, itinere lassus cum suis ad pausandum modicum resedit. Quo in loco quemdam reperit infantulum ferramenta carpentariorum prædentium seruantem : sciscitatus est ab eo quæ ibi agerentur, cuiusue domus esset. Cognitioque ex ordine facta, puer ei de quadam trabe quæ præ sui deformitate vel fortitudine ab ædificatoribus in fastigio ipsius domus adaptari nequibat, innotuit : propter quod dominus domus eisdem carpentarijs suis non modicum irascebatur, præsertim cum siluam & ligna in promptu haberentur, quibus ipsam trabem longiorem vel grossiorem, aut certe rectiorem commutare poterant si voluissent. Quo vir Sanctus comperto, ut erat pietatis gratia præditus, laborantium periculo condolens, conuocatis discipulis suis, inuocato Domini

M m iij

Saluatoris nomine, ipsam magnæ molis trabem ipsius domus in excelfo nulla tortitudine obstantē, vbi poni debuerat, collocavit. Cūque idem Sanctus perpetrato dictæ trabis miraculo iter cœptū carpere vellet, ecce dominus domūs cum operarijs suis ad locum operis reuertitur, inuentūque Sacerdotē Dei Deodatū cum suis sodalibus, in quisiuit qui essent. Audito verò quā causā insignes viri iter tam laboriosum & difficile aggressi essent, visūque miraculo trabis, nobilis ille labori Sanctorum condolens, se & sua eis liberaliter exposuit, dicens se ibidem requiei Sancti locum præbiturum si vellet, & necessaria vitæ se donaturum promisit. Sanctus quoque cum gratiarum actione humiliter promissa recusans, quia sui desiderij cursum nondū viderat expeditū, licentiam abeundi quæsiuit. Videns denique Nobilis viri Dei constantiam, ne tanti patroni orationum fraudaretur iuuamine, domum eandem de Romont quam ædificabat, subtitulo quinque siclorum argenti eidem Sancto annuatim persoluendorum in memoriam trabis fertur contulisse: quos solidos vsque ad tempora nostra Ecclesiæ S. Deodati, quæ nunc est, à domino de Romont persolutos esse cognouimus. Beatus igitur Deodatus suo datori vale dicens cum suis sodalibus cœptum iter arripuit, per devia quæque Christum quærendo gradiens infatigabiliter laborabat. Sed antequam ad optatum sibi locum perueniret, plurima discrimina viæ, importunas rusticorum irritationes, tædiosa famis inedia, improbam malorum expulsionem pluribus in locis miserabiliter est perpeffus.

---

*De aduentu S. Deodati in Alsatiā.*

C A P V T V.

**H**IS itaque tot & tantis, vt prædiximus, viæ & vitæ impedimentis B. Deodatus ad quemdam locum peruenit, qui Theutonico idiomate Helygeuorft, Latine Sancta Sylua vocitur, iuxta oppidum quod Hagenovvia dicitur, in Alsatiæ finibus situm, vbi se sui voti requiem reperisse credens, aliquanto tempore ibidem delituit: sed inde inuidorum



iniurijs propulsus ad Claustrū quod Abresennisten vocatur, in eisdem Alsatiæ partibus situm veniens, ipsi loco & Fratribus ibidem Deo seruientibus non multo tempore fertur præfuisse: vbi cognitionem & familiaritatem memorandi viri *Arbogasti*, qui de Scotia oriundus, non multò antè tempore veniens, Argentinæ de nouo Episcopus factus, miraculis fulgens erat, adeptus est: ac deinde *B. Florentij* eiusdem Arbogasti successoris, qui à dicta Insula Scotiæ, sicut & prædecessor ipsius, venerat, qui & apud Hascla in introitu Bruscæ vallis, quam primus Eremita incoluerat, in corpore requiescit, S. Deodato contemporaneus amoris vinculo astrictus fuit. Cernens itaque vir B. Deodatus tumultum populi, quem in Episcopatu reliquerat, se iterum incurrisse, decreuit ad secretiora loca transmeare. Veniens igitur ad quandam villam, linguâ Alemannicâ *Vvilra* dictam iuxta villam quæ *Amalrici* villare dicitur, in parua quadam valle resedit, & habitacula humano vsui apta ibidem erigere cœpit. Incolæ igitur dictæ villæ cum viderent Sancto plura prædia à fidelibus, & aliquantas conferri possessiones, crediderunt Sanctum illum sibi suas vsurpare velle, eum ab ipso loco vbi habitare volebat inhumaniter expulerunt: quod factum diuina ultio statim est subsecuta: nam quotquot in supra dicta villa nati sunt infantes, omnes strumoso gutture nati apparuerunt; quod matronæ parituræ considerantes, tempore partus insistente riuulum, qui eandem villam præterfuit, transeuntes, pueros enixæ illius strumositatis vindictam declinabant.

---

*De S. Deodato, & Hunone compatre eius.*

## CAPVT VI.

**I**gitur B. Deodatus inde progrediens ad quandam villam, quæ sui possessoris nomine *Hunonis*-villa vocabatur, aduenit: possessor enim dictæ villæ *Hunno* nomen habebat, cum æquiuoca vxore suâ *Hunna*, ex nobilibus orti, Deum verbo & opere, quantum humana fragilitas permittebat, excolebant. Credidit igitur Nobilis ille Beatissimum sibi Deodatum à Deo fore destinatum, Christum in ipso honorans, gra-

tanter ipsum cum sódalibus suis, vt erat pius hospitalitatis amator, benignissimè suscepit, & eum aliquandiu licet inuitum detinuit. In ipso itaque tempore quo vir Dei apud dictum Nobilem moraretur, contigit dictam Hunam vxorem ipsius Nobilis, quem de ipso conceperat filium peperisse: quem Beatus ille & baptisauit, & de sacro fonte leuauit. Reminiscens igitur Beatissimus Deiseruus Deodatus se non opum secularium gratiâ, sed solius Dei intuitu suum cum Episcopatu & dulci patria reliquisse, decreuit ad eremi deserta, quod priùs desiderauerat, properare: qui hospitibus suis vale dicens, datis inter se mutuis amplexibus, cum magno eiulatu ab inuicem discesserunt. Aggrediens verò vir Dei coeptum iter per ardua montium, per concaua vallium, per defossa terrarum incessanter laborans, tandem nutu Dei ad quandam peruenit vallem speciosam & spatiosam, nemoribus vndique consitâ, aquis irriguis & piscosis copiam: quam cum vir Dei diligenter conspiciendo perlustrasset, tandem in quodam loco iuxta montem qui Cumberch dicitur, resedit, & ibidem Oratorium in honore B. Martini, quod vsque hodie perdurat, erexit & consecrauit. Transiens igitur fluuium Mortam nomine ad Septentrionalem plagam, quia locus decentior ibi ad Ecclesias construendas habebatur, in cliuo monticuli Ecclesiam in nomine SS. Martyrum Mauricij & Sociorum eius exstruxit. Deinde iuxta illam in honore Matris Christi Ecclesiam ædificauit, & circa illam Claustrum cum officinis ad vsus Monachorum exstruens, Fratres sub Regula S. Benedicti ibidem militaturos collocauit: qui vsque ad tempora cuiusdam tyranni Ducis Lotharingæ, sicut postea explicabimus, quæta pace permanserunt.

---

*Dedonis S. Deodato collatis.*

## CAPVT VII.

**C**VM igitur circumadiacentium locorum viri fideles & deuoti cognouissent quòd Sanctus ille Episcopus vallem supradictam incoleret, ad ipsum confluxerunt, videntesque eius

eius admirabilem conuersionem prædia sua, possessiones, redditus, & alia bona ei largissimè contulerunt. Cum igitur vir B. Deodatus in illa vasta eremo laborans agonem suum Domino cōmendaret, & necessaria victui ei operanti non satis suppetere; iam eo cum cohabitatoribus suis inediā & fame deficiente, Omnipotens Deus, qui sibi seruientibus semper præsto est, non permisit Sanctum suum tantæ paupertatis mole diutiùs coartari: apparuit siquidem in visu noctis illi nobili viro supradicto Hunoni Dominus, dicens: En inquit, famulus meus Adeodatus in illa eremi solitudine magnis detinetur languoribus, & inopiā laborat; & tamen meis non desinit quotidie inhærere seruitijs; tu verò hîc bonis tibi à me collatis, quibus abundas, sine misericordia delectar s. Cui ille vt erat vir prouidus & discretus: Domine, inquit, nec locum scio, neque viam noui; nec vbi vir Dei lateat scire valeo, & quomodò sui possum misereri? At ille, onera saumarios & alios portitores tuos, & mane facto sine duce permittas abire, & quò fors ipsos deduxerit à longè subsequi facias; & vbi eos exonerari contigerit, ibi scias dilectum meum esse Deodatum. Qui mane consurgens, & visionis suæ mysterium considerans fecit secundum quod ei præceptum fuerat: onerati quippe portitores diuersorum alimentorum & aliarum rerum opulentiā, eadem viā, licet nondum esset à quoquam frequentata, quā Sanctus Domini Deodatus eremum penetrauerat sagaciter gradientes, ad locum vbi vir Dei commanebat recto itinere perueniunt. Quos vt vidit Dei famulus, cognouit illum sui curam gerere qui quinque millia hominum quinq; panibus satiauit in deserto. Iam vix famuli Sancti portitores exonerauerant, cum viri subsequentes eos apparuerunt, qui de inuentione viri Deo gratias exhibentes, cum licentia Sancti Episcopi ad dominum suum cum lætitia reuersi sunt. Ex tunc quidem fama illius S. Eremitæ circumquaque ita innotuit, vt à multis sua eidem largientibus hōnorabiliter frequentaretur. Et quia idem Sanctus pluribus declarabatur miraculis & virum sanctū eum credebant, & apud Deum multi plura eum posse confidebant, vallem illam, quam ille inhabitabat, incolere maturarunt: & quia vallis spatiosa erat & lata ad colendum, decem & octo Eccle-

fratres & mansuunculas in quibus habitarent construxerunt. Et ne actuum ipsius Sancti prolixitas Lectorem onerare videatur, ad finem sui cursus styli dare curauimus.

*De obitu S. Deodati.*

C A P V T VIII.

**P**eractis igitur, ut prædiximus, ipsius loci ædificijs, ordinatisque ibidem ad seruiendum Deo Fratribus idoneis, dispositisque vtriusque vitæ præsentis & æternæ subsidijs, leui febre correptus, Angelorum cœtibus sociandus, lætus Deo spiritum reddidit. Sed quia Monasterium illud (quod tunc pro conjunctione duorum riuulorum, scilicet Robach & Mortæ, ille Beatus Iuncturas appellauerat, qui modò S. Deodatus vocatur) sine Rectore remanserat, B. Deodatus viro sanctissimo & Deo & sibi amantissimo Hydulpho (de quo postea scribere curabimus) in somnijs apparuit, & ei ut curam loci sui & Fratrum quos reliquerat, prout videret expedire excresceret. Quam admonitionem B. Hydulphus gratanter suscipiens viginti & octo annis, quibus post obitum B. Deodati superfuit, suam & ipsius Deodati apud Iuncturas strenuè & religiose adiuuante Deo rexit Ecclesias.

*De miraculo vini & muscarum.*

C A P V T IX.

**E**Nimverò, ne quis hunc Beatissimum Deodatum credat apud Deum magni non esse meriti, inusitatum vnum de multis huic paginæ non pigebit inserere. Erat igitur vir quidam satis locuples in Alsatia partibus, in villa quæ Theutonicè Sigoltesem vocitatur, qui fama Sancti Episcopi excitatus partem prædiorum suorum Beato contulit Deodato: in qua parte quidam ager vineæ donatus est, qui illi donatori quia peroptimum vinum gignebat incomparabiliter carus erat. Cùmque Monachi Monasterij B. Deodati aliquanto tempore possedissent eam, ipsius vineæ donator considerans.

se in omnibus vineis sibi relictis tam pretiosum vinum nusquam habere, animi cupiditate cæcatus ipsam vineam quam prius deuotus Deo donauerat, iam suæ largitatis inuasor effectus, in proprios vsus iterum resumere præsumpsit; quam coluit, vindemiauit, & vinum sollicitè in quodam vase collocauit, & sibi cautè conseruari præcepit. Denique cum quadam die ad manducandum cum quibusdam amicis lætus recumberet, vocato ad se pincerna suo, de illo optimo vino suo sibi iubet apportari: qui concito cursu ad cellarium, vbi vas cum vino habebatur, accepto vase vinario, quod cantrum vocatur, accessit. Cùmque paxillum de fundo ipsius vasis ad emittendū vinum retraxisset, & vinū se crederet habiturū, mirares! pro vino tanta multitudo muscarū per foramen ebulliuit, vt putares te, si vidisses, in Ægypto esse, vbi plaga muscarum Ægyptios iussu diuino punisse narratur. Videns igitur is qui ad hauriendum vinum venerat hoc mirabile factum, obstupuit, & paxillū cum cantro quod manu tenebat in terram projecit; cursūque rapidissimo ad dominum suum narraturus quæ facta fuerant, aduenit: statimque examen muscarum cum illo veniens dominum aggreditur, & tanto nisu dominum moribus & aculeis crudeliter adtrectauit, vt isdem dominus punctus & fundum reddere & de cōmisso veniam petere eogeretur. Restituto siquidem monachis fundo, & veniā obtentā, illa muscarum multitudo à viri vexatione cessauit: & ita vinea illa vsque ad hoc tempus à Deodatensibus possideri dignoscitur. Et ne Lectorem fastidire videamur, ad alia stylum reducamus.

---

*Quòd Bodo Episcop. Tullensis Bodonis-Monasterium construxit, quod & S. Saluatoris dicitur.*

CAPVT X.

1011

**E**lapso etenim modico tempore postquam vir Beatissimus ille Deodatus in hanc subintrauit Vosagum, erat vir æquè Sanctissimus, *Bodo* nomine, Tullensis Episcopus qui Dei ductus zelo in quodam prædio suo, quod eius nomine Bodo-

N n ij

nis-Monasterium appellatur, adunato non modico conuentu Sanctimonialium claustrum ibidem statuit, & eidem monasterio pluribus collatis redditibus Ordo Sanctimonialium multo tempore ibidem perdurauit. Sed postmodum à quodam successore suo Berthodo Tullensi Episcopo idem Monasterium deletum est, & in superiori loco, qui modò S. Saluatoris dicitur, pro illo ipse Episcopus à fundamentis ædificauit, & ibidem Monachos sub norma B. Benedicti Abbatis instituit: qui postea inde expulsi, Ordinis S. Augustini Canonici, sicut vsque nunc ibidem permanent, sunt inthronizati. Enimverò, quia antequàm ad propositum redeam, cuiusdam adhuc Sancti & admirandi viri mentionem, quia in hoc vicino nostro olim resedit, huic Libello nostro specialiter adnotare desidero: huius inspectores Operis, ne ob hoc irascantur, postulo: quia & eius vita & actus tantò sunt ad legendum delectabiliora, quantò sunt & mirabiliora.

---

*Vita S. Hydulphi Archiepiscopi Treuirenſis.*

C A P V T XI.

**I**N Bavvariorum igitur territorio, in ciuitate quæ Renesporch dicitur, duo viri fratres exiterunt, ex nobilibus illius terræ genitoribus procreati; quorum vnus *Erardus*, alter verò *Hydulphus* vocabatur. Hi etenim fratres literis liberalibus traditi se ita Clericali ministerio manciparunt, vt meritis proprijs exigentibus, vnus eorum, Dominus scilicet Erardus supradictæ ciuitatis Renesporch sublimaretur Episcopus: Hydulphus verò ad Archiepiscopatum Treuironum potius est tractus quàm electus. Et ita vtrique fratres ad eò sibi sunt vinculo carnis & gregibus sibi commissis caritate astricti, vt non mercenarios, sed veros sibi Catholica Ecclesia gauderet acquisiuisse Pastores. Enimverò cùm vir Deo dignus Hydulphus aliquandiu Archiepiscopatu Treuironum feliciter deseruisset, audiens quòd tot & tanti viri de tam remotis partibus ad hanc nostram Vosagum ad seruiendum Deo deuenissent, non sui tardus prouisor effectus, ne suorum

Comprehensorum merito in ipsa commorantium fraudaretur, relictis omnibus voluit cum beatis pauperibus pro terrenis cælestia commutare. Inito itaque cuiusdam viri Venerabilis, Iacob nomine, Suffraganei sui Tullensis Episcopi consilio, quo in loco ad seruendum Deo requiem reperire quiret, tandem ad has Vosagi nostræ partes Beatus ille venire decreuit. Volens igitur inter hos sanctos Patres, qui in hac eremo de nouo conuenerant, habitare, quia eorum familiaritatem diu desiderauerat, ad locum, vbi postea Monasterium quod Medianum-Monasterium dicitur crexit, applicuit. Sed quia ibidem habitandi spatium non inuenit, quia confinia nostræ huius Senoniensis Ecclesiæ, & Monasterij Stiua-giensis ibidem iungebatur, impetratâ ab vtraque Ecclesiâ aliquantâ terræ portione ibidem habitare decreuit. Et quia de nomine loci, qui antea nomen non habebat, anxius erat: considerata loci positione, quia ab Oriente Senoniense Monasterium, ab Occidente Stiua-gium, à Meridie Iuncturas, quæ nunc S. Deodatus vocatur, à Septentrione autem Bodonis-Monasterium habebat, illum suæ habitationis locum Medianum-Monasterium appellauit, quod nomen vsque hodie perdurat. Videns igitur B. Hydulphus ob religionis gratiam multos ad se confluere, Monasterium & officinas Monachis habiles in ipso loco ædificare studuit. Multitudine equidem magna tam Clericorum quam laïcorum ad se adunata, quia tot in tam arcto loco simul habitare nequibant, statuit in circumadiacentibus locellis cellulas cõstruere in quibus habitare deberent. Destinauit siquidẽ apud Septẽ-Abietes quosdam, alios ad S. Ioannẽ, & alios apud Orbacum, alios autem apud S. Præjectum, alios apud Visuallem, quosdam verò ad Altram petram, quæ Monasterio præeminet; alios enim ad quemdam locum in summitate montis, qui Roberti-fons dicitur, degere decreuit.

---

*De Begonis-Cella & 300. Monachis, & de obitu S. Spinuli.*

C A P V T . X I I .

**D**Enique ad locum qui Begonis-Cella, nunc verò S. Blasius dicitur, B. *Spinulum* adhibitis secum quibusdam

N. n. iij

Fratribus conuersari præcepit. Locum verò illum cum nemoribus & montem, qui Fulconis-rupis appellatur, cum multo terræ spatio adiacente Beggo vir nobilis & locuples Beato viro Hydulpho ad Monasterium suum ampliandum paulò antè contulerat. Fratres quoque qui in prædictis locis habitabant, tunc æstimabantur numero quasi trecenti sub regimine S. Hydulphi Archiepiscopi & Abbatis constituti. Deuoluto igitur non multo tempore B. Spinulus, cuius superius meminimus, militiæ suæ donatium recepturus cælo spiritum reddidit: quòd cum seruus Dei Hydulphus Angelo annunciante comperisset, ad cellam vbi vir Dei jacebat, properauit. Composito igitur Sancti viri corpore in feretro, crucibus præuijs, & cereis ardentibus, cum hymnis & canticis spiritualibus glebam Sancti ad Monasterium reportare parabant: aggredientibus verò illis iter, subito tanta pluuiæ inundatio & ventorum immensitas exorta est & tempestas, vt non solum minutas arbores, sed etiam grandes quercus, & excelsas abjctas radicitus euellendo terræ prosterneret: & cum tantus sæuiens esset turbo, & tribulatio abhorrenda: nec portitores Sancti sunt læsi, nec luminaria cereorum sunt extincta; sed vsque ad Monasterium corpus Sancti ita miraculosè detulerunt. Sed vt Omnipotens Deus omnibus innotesceret, qualem idem Sanctus Pater, & quàm religiosè instructum famulum ad cælos destinasset, ista miranda voluit Sancto demonstrare: cuius exequias ritè peragentes in Oratorio B. Gregorij, quod ipse Beatus vir Hydulphus cum cimiterio suo ædificauerat & consecrauerat, in tumulo lapideo illa sancta membra collocauerunt. Et vt diuina Majestas dilecti sui Spinuli merita lucidiùs declararet, tanta ad ipsius tumultum mirabilia ostendere dignata est, vt nulli credenti ad ipsius auxilium reportandum venienti munus-sanitatis foret denegatum.

---

*De miraculis S. Spinuli, & aqua salsa inuenta.*

C A P V T XIII.

**H**Is itaque se habentibus, ad augmentum gloriæ Sancti tres salinarii fontes in horto penes Monasterium sunt



inuenti. Fama igitur miraculorum & salinarum longè latèque divulgata tantam populi multitudinem ad ipsum locum deduxit, vt locus affluentiam gentium minimè capere potuisset: vnde vir ille S. Hydolphus suæ inquietationis molestiam, quam ab aduenientibus sustinebat, ferre non valebat, licet Monasterio suo pro virtutibus Sancti & salinarum quæstu, aliquid emolumentum conferri ab illa gente videretur. Vir igitur Beatissimus Hydolphus qui pro diuitijs mundi acquirendis paupertatis onus sibi non assumpserat, videns se & suos à proposito suo non modicum affluentiam populi deuiare, auxilium diuinum super hoc duxit requirendum. Ecclesiam tandem B. Gregorij baculo artus sustentante, vt iam erat vigilijs, & orationibus, & ieiunijs satis attenuatus, lento gradu peruenit, dolorèque se prementium populorum corde concipiens, cum ad sepulchrum dilecti sui Spinuli peruenisset, orationi iacubuit, & quasi viuo loqueretur, sic ait: Gratias agimus Deo Saluatori, ô Frater Spinule, quod miraculis fidem facientibus te diuinæ Majestati adstare certissimè credimus, & iam naufragia præsentis seculi euasisse te, ac cælesti gloria potiri gaudemus: sed si frequentiam populorum, quam Deus per te huc confluere fecit, aliquandiu pressi fuerimus, non modicum à via regia quæ ducit ad vitam nos declinare videbis: vnde te in illa obediètia quâ dum viueres nobis intædiabiliter exhibere solebas, ammonemus & exhortamur in Domino, vt affluentem & omnium bonorum largitorem Deum pro nobis interpelles, vt repressa inquietudine gentium, & præsentis vitæ fluctuationibus amotis, cursum cælestis vitæ expedito gressu nobis liceat peragrarè. Videres mortuum quasi viueret Magistro iubenti obedire, cessantibus signis miraculorum, aquis falsis in dulcedinem redeuntibus, affluentiam repressam populorum, vir Sanctus & Fratres sui sine tumultus molestia Deo deinde seruierunt. Videns verò Deus famulum suum sibi toto corde & non mundo inhærere, quia paruum & instabilem quæstum tam leuiter abjecerat, maiora pro minoribus statim ei restituere dignatus est: nam prædia multa in Alsatiæ partibus, nec non in Lotharingia à potentibus & primatibus terræ, & alia quamplurima à diuersis fidelibus Deo operante sunt collata; quæ omnibus supradictis trecentis Fratribus ad vi-

etum sufficere possent : Sed postmodum, vt postea referemus, pars maxima de mensa Monachorum peccatis exigentibus, per quemdam Nobilem extitit excisa.

*De aduentu S. Erardi Episcopi, & de S. Odilia.*

#### C A P V T XIV.

**C**um igitur B. Hydolphus in hac erumnosa peregrinatione debilem duceret vitam, & fama suæ conuersationis longè lateque diffunderetur, cognouit vir sanctus *Erardus* Episcopus eius germanus ipsum in hac Vosagi solitudine peregrinari : qui quantocyus iter arripiens ad partes istas, vt fratrem quem videre desiderabat, inueniret, accessit : quem diu quæsitum in Monasterio, quod iam ædificauerat, inuenit ; qui eum ingenti gaudio suscipiens, vitam pluribus diebus duxere cælestem. Cum verò hæc ita se haberent, contigit cuiusdam Nobilis filiam cæcam natam ad Monasterium dictum deportari, quam pater eius Ethico nomine, quia cæca nata fuerat, necari præceperat : quod cum mater puellæ comperisset, per quandam amiculam, quæ eidem matri familiaris erat, eam exulari maluit potius quam occidi. Comperto verò quod taliam parentum proles erat, nec adhuc Baptismate regenerata erat, illi duo Sancti fratres & Episcopi Hydolphus & Erardus, eam in nomine Trinitatis baptizantes, mente & corpore illuminatam de sacro fonte leuauerunt, & eam *Odiliam* appellauerunt : quæ cum ad annos peruenisset discretionis, frater eius, qui cum patre remanserat, audiens quod soror eius, quæ nata cæca fuerat, foret illuminata, gaudius est valdè ; & nuncijs accersitis sororem Odiliam ad se venire mandauit. Quod cum pater comperisset, filium ad se venire iussit & interrogato eo quis tantam præsumpisset audaciam perpetrare, vt cæcam illam repatriare fecisset : cum filius eius se fecisse spe paternæ benignitatis respondisset, pater iratus baculo, quem fortè tunc manu tenebat, iuuenem percutiens, & filium trucidauit, & hæreditatis suæ successorem amisit.

amisit. Videns autem idem vir nobilis se suo orbatum hærede, admodum ipse indoluit, ac deinde filiam suam Odiliam, quam antè spreuerat, intimo dilexit amore; ita vt postmodum in castro patris, quod Hoemborch appellatur, Claustrum Sanctimonialium Ordinis S. Benedicti ipsa B. Odilia auxilio & voluntate patris instrueret, & proprio ditaret patrimonio. Beata igitur Odilia cùm ad se videret populorum turbas aduentare in subdita valle castro domum hospitalem ad superuenientes recipiendos construxit. Sed ipsa Hospitalis domus ita est augmentata vt opulentissimum Claustrum fieret Monialium, nec superiori Claustro in vilo haberetur subiectum. Sed hæc de B. Odilia dicta sufficiant, & ad nostrum Hydulphum reuertamur.

---

*De morte SS. Episcoporum Deodati & Hydulphi.*

C A P V T   X V .

**B**Eatus igitur Hydulphus cùm adhuc Deo donante se sibi-que commissos strenuè gubernaret, contigit B. Deodatum ab hac vita migrare ad Dominum: qui ab ipso S. Deodato per visum, vt sui Monasterij curam gereret, est ammonitus: quod B. Hydulphus viginti octo annis strenuè gubernauit, & multis redditibus ampliauit. His denique ita feliciter peractis, Dominus carum suum Hydulphum pro suorum meritorum exercitatione remunerare volens, noluit eum diutius huius corporis sarcina detineri, ipsum febre quadam examinatum ad se transiit. Cuius sacra membra Fratres in supradicto Oratorio à tergo altaris S. Gregorij in tumba lapidea cum summo honore sepelierunt: vnde postea sunt relictæ reliquiæ ipsius & translatae in Monasterio suo, quod ipse de nouo construxerat, sicut adhuc ibidem referuantur, in scrinio argenteo reconditæ.

*Quod Medianum - Monasterium Imperiale erat.*

## CAPVT XVI.

**E**Nimverò defuncto, vt supra dictum est, gloriosissimo Hydulpho Archiepiscopo, alij atque alij ad illius Ecclesiæ regimen successerunt; qui prout potuerunt, Deo adiutorium præstante, ipsum Monasterium gubernauerunt. Sed quia idem Monasterium sicut & alia circumiacentia Imperio Romano subiacebant, & in expeditione Imperatoris armatorum cuneos de iure mittere solebant, prælijs crebrius innoquantibus Ecclesiæ miserabiliter opprimebantur; vnde contigit Abbatem istius Monasterij Claustri Mediani-monasterij constangiis dictorum armatorum ita attritum, vt ab Imperatore ammonitus armatos in rhædam Principis mittere nequireret. Quidam verò Dux, qui tunc in Lotharingijs præerat, ad ipsum Imperatorem in armis venerat, qui ab ipso Imperatore requisitus, cur Abbas Mediani-Monasterij armatos non transmiserat, & Dux se nescire responderet; Imperator interrogauit Ducem, si vellet Abbatis vices agere: quo respondente, quia vellet; Princeps eius iurisdictioni Monasterium Medianense, quod ante Imperiale erat, tradere non distulit: quod factum illi Monasterio magnæ desolationis extitit occasio: nam Duce ipso ad patriam reuertente; dominio Ducis, quod ante non fuerat, Monasterium illud submittitur, res Monasterij dissipantur, & Fratres molestantur, tandem à mensa Monachorum mille quingenti & vndecim mansi dirimuntur, & Ducis Lotharingiæ ditioni subduntur. Quid fieret de Monachis qui fame & inedia laborant? Dimittunt cellas, alias victum quæritando vagantur: ita vt deni vel duodeni in loco principali vix sustentari queant: quapropter ipsa Abbatia vsque nunc & diuino officio, & sustentatione Fratrum irremediabiliter est fraudata, sicut hodie ipsius status inueniri potest.

*De diffidio Monachorum Ecclesie Medij-Monasterij, & dissolutione Monachorum.*

C A P V T XVII.

**F**Ratribus igitur Cellarum ita à locis suis eliminatis, ijs quoque qui in Abbazia remanserant suis redditibus destitutis, coeperunt à semita recta retrahere pedem; Abbates verò segiores effecti, de grege Domini non curantes, secundum Prophetam quod crassum erat assumebant, & quod macrum erat abijciebant: Monachos nempe qui sibi non Christo vivere volebant, diligebant, alios spernebant. Videntes igitur Monachi cuncta sibi pro voluntate sua licere, licet non expedirent, ad præcipitia potius quæque quàm ad bona coeperunt esse proniores.

*De Visione Monachi Senoniensis.*

C A P V T XVIII.

**C**Vm igitur Monasterium illud talibus deturparetur possessoribus, qui vilioribus insistebant actionibus, Dominus qui est conspector seculorum, volens eos ab errore viæ suæ misericorditer auertere, satis miti & salubri ammonitione sub hac forma submonuit. Quidam enim Monachus huius nostræ Ecclesiæ Senoniensis vidit se in somnis ante fores Monasterij Medianensis, quæ ducunt ad Claustrum, stare; & ex Monasterio ipso quendam virum facie decorum, canitie decoratum, infula Episcopali redimitum, virgam pastorem manu portantem, atque vniuersas officinas cum suspirijs ingentibus & dolore cordis circumeuntem; & ex omnibus exeundo vberrimas plangendo emittebat lacrymas. Tandem ad Cameram Abbatis veniens manibus complois, pectus tundendo, plus solito vberiores effundens lacrymas talia in verba prorupit: *Deus meus pone illos ut rotam, & sicut*

*stipulam ante faciem veni: & ista sæpe repetendo, nusquam comparuit. Quod cum ab ipso Monacho, cui hæc reuelata fuerant, Abbas ille & Monachi loci comperissent; visioni falsæ ascripserunt, sed postea exitus rei factum approbavit. Imprecatio namque Sancti tam celeriter est subsecuta, ut vnus post alium mori inciperent, incipientes à senioribus vsque ad iuniores, ut nullus ex ipsa multitudine, sicut de Ægyptiis legitur in mari rubro meris, excepto Abbate solo superesse videretur. Quod Abbas videns, non Dei iudicio, sed casu hoc aduenisse arbitratus est. Circuiens verò ciuitates, quosunque inuenire potuit qui volebant monachari, secum adduxit; & eos tonsoratos non corde, sed habitu tantum monachauit: & talibus pyratibus locus ille redimitus non diu est gauisus: Nam sicut alij vnus post alium vitam finientes, omnes in modico tempore sunt decucullati; & ita malè adunati, malè dispersi sunt. Abbas verò fugâ lapsus ad Alfariam, vnde natus fuerat, repedauit, & ita Monasterium istud Abbate & Monachis diu caruit: nec aliquando diuina ibi agebantur, excepto quod ibidem Presbyter villæ adjacentis aliquando Missam gratis celebrabat, donec à quibusdam Monachis, Gorziensibus ut credo, ad hoc à Deo missis, ordo Monachorum, & officia diuina ibi sunt restituta.*

---

*De obfesso à peritissimo Demone & sanato in Mediano Monasterio.*

### C A P V T XIX.

**E** Nimverò quia de miserabilibus eiusdem loci habitatoribus, miserabilique conuersatione aliqua explicauimus, ne mihi ad odium imputent, cum sciant me ipsum locum sicut meipsum dilexisse; volentibus audire, de aliis tacendo, miracula quæ ibi per merita semper reminiscendi Hydulphi omnipotens Deus dignatus est operari, pauca de multis recitaturus aggrediar. Beatissimo igitur Patrono nostro Hydulpho adhuc vitam præsentem agente, ut erat corpore prudens & spiritu, nec quæ sua erant quærens, sed quæ Iesu Christi, cuncta quæ

intra Claustum erant discretè moderans, & quæ exterius cum moderatione disponens, vt Deum offendere timeret, & à fratribus sibi commissis plus amari quàm timeri affectaret. Ordinans siquidem interiùs Claustrum cuncta religiosè, decreuit domum hospitem, ne Fratres à superuenientibus molestarentur, ad portam Monasterij ædificare, & iuxta illam capellam, in qua hospites ad diuina audienda conuenirent, in honore B. Ioannis Baptistæ erexit, quam & nomini eius consecrauit. Ad gloriam igitur & honorem Omnipotentis, & dilectorum suorum magni sui Vatis Ioannis, & B. Hydulphi Archipræsulis, vt opinor, tot & tantis miraculis mirandis Deus Deorum dignatus est illustrare Ecclesiam, vt quotquot energumeni, quotquot dæmoniacci ad ipsum Oratorium delati fuissent, statim à quocunque spiritu vexabantur, liberarentur. Habebatur quippè in ipso Oratorio dolium aquam exorcizatam plenum, vt energumeni & alij à Dæmoniis obsessi, in ipsomersi sanarentur, quod & ita fiebat. Cum ergo hæc ita agerentur, contigit quemdam Rusticum à Valle S. Deodati illuc aduentasse, qui à tam potentissimo Dæmone obsessus erat, vt vix catenis ferreis astrictus teneri posset; qui etiam tantæ erat scientiæ, vt se omnium linguarum jactaret habere notitiam: artium quoque liberalium omnium eruditus erat \* prudentiâ, omniumque actuum præteritorum; & cogitationes simultatesque omnium ad se venientium eruditissimè referebat. Officio Missæ & aliarum horarum intererat, & cum cantantibus cantabat, & cum psallentibus psallebat, nec crucem, nec crucifixum vitabat. Hic talis ad dictum Oratorium adductus, in dolio ipsomersus, quia & circumstantibus insultabat, Monachus quidam, qui ad officium energumenorum deputatus erat, audiens quod Dæmon secretos actus hominum reuelaret, timuit ad illum venire; sed adiens quendam seniore omnium quæcunque fecerat illi confessus est, & ad Dæmoniacum reuersus ita eum alloquitur: O tu mendacissime hominum deceptor, qui tuis mendacissimis assertionibus te dicis scire hominum cogitationes & actus, dic ea quæ de me cognoscis. At ille attonitus, demisso vultu in terram, cogitat quid diceret; tandem in hæc verba prorupit: Nudiustertius rem grandem fecisti, quæ modo

al.\*doctri-  
na.

Oo iij

lapſa eſt à memoria mea. Quare cùm ipſe reſponſa Dæmonis audiviſſet, animatus pro confeſſione, cœpit ſuper caput illius ſanctum Euangelium Ioannis recitare. Cui ille indignans dixit: Idiota tace, nonne ſcis me melius ſcire hoc Euangelium? ſcias illud planè me ſcire, & eius myſterium, nec per ipſum ab iſto hoſpitio me expellere poteris: Vade, & quære tibi aliud quod tibi melius placuerit. Quo audito Monachus ad Eccleſiam quantocyùs properavit, & ibi accepto ſcrinio in quo Sanctorum plurimorum reliquiæ erant reconditæ, ad Dæmoniacum quantocyùs cum ſcrinio ipſo repedavit: Appropinquante verò illo cum reliquijs Dæmon cœpit clamare: Tolle, tolle inimicos meos. Qui accedens ſcrinium cum reliquijs poſuit ſuper caput eius. At ille clamans dixit: O me inſœlicem! Quantum lapidum aceruum ſuper caput meum adunaſti! tolle à me quaſo iſta, quia valdè crucior. Quod cùm Monachus audiret, gaudiſus eſt valdè, & tunc cœpit arctius adiurare. At ille acriùs clamabat: Tolle, tolle, tolle inimicos meos. Ille verò interrogans eum qui eſſent inimici ſui, ait: Stephanus & Laurentius: Vnum lapidavi, Alterum aſſaui: & iam meritis ipſorum oportet me hinc exire. Et hæc dicendo proſiliit ex ore ipſius quaſi ſcarabeus, & cecidit in terram, & lento grefſu videntibus cunctis peruenit ad oſtium Eccleſiæ, & ita volatu ſe eleuans, miſcuit ſe ventis: cùmque ille interrogatus utrùm aliquid ſciret, an non? aſſeruit ſe nihil penitus ſcire, niſi maternam linguam, quam à pueritia didicerat. Ego verò in ipſo ſcrinio vidi cum pluribus alijs, ipſorum Martyrum reliquias, de ſaxo quo lapidatus eſt S. Stephanus, & carbones ſanguineos S. Laurentij Leuitæ, & Dalmaticam S. Leodegarij. Plures etiam vtriuſque ſexus ſenes, & iuvenes, alij canabinis funibus ligati, alij vinclis ferreis aſtriſti, ad locum ipſum ab amicis & vicinis adducebantur, qui ſtatim in dicto dolio merſi curabantur. Et ita Dominus merita ſervorum ſuorum declarando, nos ad ipſius timorem & amorem quotidie inuitat.



*De Miraculis tempestatis à S. Hydulpho quater in die  
repulsæ*

C A P V T XX.

**A**Dhuc S. Patris nostri Hydulphi facta me scribere de-  
lectat, vt ea lecta vel recitata hominibus, glorificent  
Deum Patrem qui in cœlis est, qui dedit potestatem talem  
hominibus. Vnâ dierum cùm anno reuoluto solemnitas B.  
Hydulphi euenisset, & Fratres Mediani-Monasterij solito  
celebrius, vt decebat, festiuitati inhærerent, contigit quasi  
horâ tertiâ magnam imminere tempestatem. Adunatâ igitur  
à quatuor ventis crassitudine nubium, coruscationum, & to-  
nitruum horribilitatem gestantium, ita ad ima se detrude-  
bat, vt putares cœlum cum nubibus super locum illum &  
totis adjacentibus locis velle fulminare cadendo; apparebat  
enim tanta in nubibus horribilis cum turbinum apparatu ni-  
grodo, vt aspicientibus multum mouerent timorem: Cùm-  
que tale ac tantum immineret exitium, Fratres perterriti ad  
altare cucurrerunt, alij cruces, alij reliquias Sanctorum,  
alij corporalia sancta efferebant, alij campanas sonabant,  
atque alij Deum inuocabant. Et quantò plus Fratres hinc in-  
stabant, tantò plus illa nubium adunatio cladem minabatur.  
Quare cùm Monachi viderent contra hanc molestiam præcum  
instantiam nihil proficere, ad solitū patroni sui refugium con-  
fugerunt. Composito quidem feretro, in quo sanctum eius  
corpus habebatur, akisonis vocibus ipsum inclamantes ex-  
pectauerunt. Videres verò in exportatione Sanctorum ar-  
tuum totam illam comminantem nubium molestiam quasi  
intelligibilem creaturam sui Creatoris famulo cedere impe-  
ranti. Solutis nempe illis horribilium nubium adunationi-  
bus, tota illa massa se se in quatuor dedit partes; & ita retro-  
cedens, quod factura erat ad tempus repressit, & aëris sereni-  
tate reddita, Fratres cum ingenti gaudio, quasi prælij trium-  
phatores reliquias Patris Hydulphi venerandi ad locum  
suum reportauerunt; & ita cum summa deuotione Missam in-  
choauerunt maiorem: Necdum ipsam finierant cùm subitò

quasi insidiatores ab insidijs erumpentes Viatores depredari desiderāt: Ita illa, vt prædiximus, vastationis oppressio à locis in quibus se prius in exportatione Sancti occultauerat, exiliens cum ineuitabilibus ventorum collisionibus, fulgurum coruscationibus, & magnorum tonitruum mugitibus, reuertendo super faciem illius loci multò truculentius quàm antea accumulauit, & ad solum omnia æquaturum minabatur. Accurrunt, periculum Fratres vident, mirantur, expauescunt, ad securum sibi auxilium recurrunt. Glebam Sancti cum crucibus & thuribulis contra aeris tempestates pugnaturam exportant. Quid plura? Aduentus famuli Dei sicut prius, sancta eius animâ in cœlis Deum rogante, illam periculosam in quatuor iterum partes diuisit, nec mora redditur serenitas. Monachi, & tota plebs, quæ ad Festum conuenerant, præ tam euidenti miraculo exultant, Deum totis nisibus laudant, corpus Sancti cum summa veneratione reportant. Nec mora, locatis reliquijs Viri Dei, tanto labore attriti & pauore ad mensam tam sero pransuri conueniunt, & inter prandendum de isto turbine & clade ita irrupente habetur sermo. Sed nondum à mensa surrexerant, cùm tonitruum fragor auditur, Ventorum impulsio mittitur, fulgurum coruscationes sagittantur, grandinum calculi testis illiduntur. Quid agere possent Monachi? tam subita illa superuenerat calamitas, vt iam desperati à loco moueri nequirent. Coacti verò tanta turbini impulsione, immò quia mortem sibi credebant imminere, surgunt à prandio; tota acclamat populi multitudo, vt ille promptus adiutor exportetur. Curritat quantocyus, ille se leniorem portitoribus præbet, tertium immò continuum initurus bellum adest. Pugnat interuentu, iussu expugnat, statim venti silent, tonitrua obmutescunt, fulgurum sagittæ reprimuntur, grando casus suos in altum suspendit, nubium densitas clarescit, & aëris cœlique tranquillitas adeò emicuit, vt crederes in tota illa die vel nocte sequenti nec vnâ pluuiæ guttam casuram. Enimverò quia eadem dicta tempestas nunc recedendo, nunc subito reuertendo totiens ipsos terruerat Fratres, arbitrati sunt loculum Sancti cum custodibus custodem dimittere, ne ipsos nequam impulsio sub noctis silentio loco damna valeret inferre. Ita igitur cunctis dispositis

dispositis Horas vespertinas perficiunt. Dies ad suum finem deuenit. Igitur nocte incipiente lassī Fratres ad lectulos pausatūri veniunt. Videns verò ille tempestatum ductor, se pro præsētia Sancti, sui videlicet impugnatoris, nil suæ malæ voluntatis adimplere posse, voluit tamen, quid facere, si licuisset, volebat, demonstrare. Noctē verò eādē cū se omnes sopori dedissent, tanta congeries grandinis inter claustrum & domum hospitem in media nocte cum summo silentio demissa est, prout scriptum reperi, vt in tanto feruore solis & temporis, illa grandinis massa infra quindecim dies liquari nullatenus posset: nec tamen in toto confinio illo extra ambitum Claustrī, nec vna quidem gutta pluuiæ vel grandinis granum illa nocte visa vel audita cecidisse.

---

*Derustico S. Preiecti à tempestate dignè colliso in festo  
S. Hydulphi.*

C A P V T XXI.

**A**Lio quoque anno quo etiam eius reuolutio Festum adduxerat, fuit quidam rusticus apud Sanctum Preiectum, qui iunctis bobus foeno currum onerauerat, & ad suum domicilium reuertendo foenum cum curru iam prope Villam minauerat: cū subito aër, qui antea satis clarus & purus apparebat, obtenebratur, tonitrua mugiunt, coruscationes fulminant, atque grandinis tanta influentia inundat, vt vix rusticus ille subsistere valeret. Procella siquidem inualefcente rusticus atteritur, concutitur, grandinis globis lapidatur, nihil refugij inuenire poterat, nisi quod relictis plaustro & bobus se sub curru protegeret, quod & facere non distulit: sub plaustro latitare sperat, spes tollitur, quia ex improviso ventus tam validus insufflauit, vt non tantum currum ipsum euerterit, sed etiam foenum totum per lata camporum totaliter disperfit, & rusticum sine tecto reliquit. Quid ultra? Vapulat rusticus vento, rebus spoliatur, grandine lapidatur, inundatione aquarum pluuiarum suffocatur, terretur tonitru, fulmine jaculatur, & ita ferè ad extrema

P p

perducitur. Illo etenim ita castigato, statim vniuersitas illius Villæ superuenit, scrutantes si illa tempestas frugibus terræ in aliquo nocuisset. Cùmque inuenissent quòd non, inueniunt illum iuxta curram jacentem semimortuum. Quem ad domum suam deportantes, iudicabant digna pro meritis euenisse, quia Deo nec honorem, nec Sancto suo Hydulpho incredulus impendere cogitauerat; vnde ista ei accidisse certum erat. Ita noster adiutor Hydulphus & suos nouit contemptores corripere, & suos protegere cultores. Considera, ô peccator, si Deus omnipotens tam aspera contemptoribus, cultoribus verò bona quæque in præsentī redonare solet, quid de futuris eum facturum existimas cùm ista transitoria, illa verò sint æterna? ista terrena terrenis refundentur.

Reuertentes igitur ad nostræ narrationis ordinem, istius nostræ Ecclesiæ euentus suo modo prosequamur. De alijs quoque Cellis & earum structoribus circumquaque erectis, prout se locus obtulerit, differemus. At verò quia de hoc nostro fundatore Gundelberto, quantum adinuenire potuimus, disseruimus; ad posterorum suorum Abbatum explanationem, & ipsorum actuum publicationem calamum reuocemus.



## LIBER II.

DE

*SUCCESSORIBVS ABBATIBVS*  
*S. Gundelberti.*

### CAPVT I.

**Q**uia verò de B. Gundelberti successoribus, vel ipsorum actibus pauca vel nulla ad scribendum inuenire potui, exceptis tantum nominibus, nihil de meo addere præsumpsi,

ne rumorum inciperem nouus auctor haberi. Primò quidem Abbatem Fundatoris successorem, Virum moribus Sanctis adornatum, Domnum *Magneramnum* huic nostro Monasterio Senoniensi dicunt præfuisse. De quo quia nihil plus inueni, nihil scribere possum. Post hunc *Agericus*, & alij, *Mageramnus*, *Bonciolus*, *Stephanus*. Quibus quidem vir præpotens & nobilis nomine *Angelramnus* in administratione loci huius ita successit. Erat vir ille Imperatori tunc temporis ita carus vt ipsum suum Cancellarium efficeret. Cùmque tali in aula Imperatorisungeretur officio, contigit Archiepiscopum Metensem mori, quæ ciuitas tunc Mediomatrix dicebatur, quia in medio aliarum trium ciuitatum, Treuerensis, Tullensis, Verdunensis, posita erat, in medio Mater dicta erat, præsertim quia tunc Archiepiscopatus pollebat honore. Quomodo ad ipsam dignitas illa delata fuerit vel ablata, non reperi. Cùmque id ad aures peruenisset Imperatoris, statim suum carissimum Cancellarium Angelramnum illi honori donari decreuit: qui aliquanto superueniens tempore feliciter sibi commissum gregem rexit & locum. Igitur Angelramno ita sublimato, contigit Stephanum huius loci Imperialis Abbatem ab hac luce migrare. Quod cùm Archiepiscopus Angelramnus comperisset, statim ad suum cucurrit Imperatorem; & vt suæ hanc Abbatiam subderet ditioni postulauit. Hic enim locus ab initio sui ab Imperio dependebat. Imperator verò ipsum nolens molestare, eius petitioni assensum præbuit, & Monasterium ipsum cum appendicijs Metensi Episcopo, eo iure quo & Imperatores à primò tenuerant, perpetualiter concessit. Vnde iste noster locus Episcopis Metensibus huc vsque subiectus esse dignoscitur. Enimverò quia hic locus, vt diximus, suo erat viduatus Rectore, idem Archiepiscopus Angelramnus & Episcopatum & Abbatiam Senoniensem aliquanto gubernauit tempore. Et ita Monasterium quod prius Imperiale exstiterat, extunc manu Episcopi Metensis degere compellitur. Monachi verò quia à tanto honore; immò melius dicendum onere se descendisse videbant, grauissimè tulerunt. Non enim considerabant, quòd sicut & aliæ circumjacentes Ecclesiæ oppressione Imperiali sæpius terebantur & deficiebant, tum pro armatorum cuneis in expedi-

Pp ij

tione mittendo, tum quia ab inimicis Imperij crudeliter vexabantur, & non erat qui adiuuaret, quia & Imperator multotiens aberat, & Ecclesiæ ab inimicis erui non poterant. Vano igitur dolore consumeabantur. Certè si ab illis temporibus ista omnia Monasteria in hac parte Vosagi sita adhuc Imperij essent, iam lapis super lapidem non remansisset, quia sub alijs aduersariorum imperijs passim sunt constituta. Præsertim cum, si quæ ab inimicis tolerarent, Imperatorem non leuiter adire poterant, nec per se illa poterant emendare, quod Episcopus vno vel duobus diebus inuentus corrigere potest. Et ita, vt opinor, vano consumeabantur dolore.

---

*De Translatione S. Simeonis Metensis Archiepiscopi  
ad Senonias.*

C A P V T II.

**A**Rchiepiscopus verò Angelramnus & Abbas cum videret resse ita habere, proposuit molestiam Fratrum actu sagaci compescere. Voluit enim Pastorem pro pastore, defensorem pro defensore, patronum pro patrono conferre; sed non similes potestate. Ille ad præsens, iste hîc & apud Deum potest conseruare & tueri: ille adiutor temporalis, iste sempiternus, ille corpus tantum, ille corpus & animam saluare sciebat, & semper scit: ille temporalia conferre poterat, iste vtriusque vitæ subsidia sibi famulantibus nouit præparare. Contulit quippe huic loco pro momentaneo continuum adiutorem & promptum, Beatum Pontificem septimum à B. Clemente Metensem Episcopum Simeonem clarissimum miraculis, & adiutorem promptissimum. Suffocatos namque aquis precibus suis ad vitam audiuius fore reuocatos; Lampades ante eius sacrum corpus dependentes funibus ruptis super pauperculum lapsas per se super acutam cuspidem plenas oleo mirabiliter stantes illæsas reseruasse; Ardores febrium pellit, inundationes pluuiarum serenitate commutat; Calores nocturnos æstiuos statim inuocatus temperat; horribiles tempestatum comminationes requisitus depellit. Quid plura? om-

nium infirmitatum & dolorum molestationes, non tardus, sed paratus medicus nouit releuare; Ad omnium denique necessitatum importunitatem promptissimum se semper exhibet defensorem. Hunc verò talem ac tantum hoc nostrum Senoniense Monasterium meruit habere patronum. Qui ab illo venerabili viro Angelramno huc translatus, licet tanti, vt diximus, haberetur meriti; tamen, vt audiuius, ab huius loci Fratibus minimè est susceptus. Dictus verò Archiepiscopus & Abbas volens illorum ad tempus quasi vir prudens declinare indignationis ferociam, in cliuo montis, qui ad meridiem Monasterio præeminet, Capellam construxit, & ibidem illum incomparabilem & Sanctum thesaurum collocauit. Cui Deus in ipso locello Sancto suo Simeoni tantam contulit gratiam, vt nulli indigenti eius adiutorium ibidem postulanti, diuina misericordia sui voti subsidium denegaret. Ita tamen per illorum Fratrum obstinationem aliquanto tempore ille sacer Deo dilectus in dicta Capella plenus miraculis permansit. Sed cum quia post B. Clementem septimum Episcopum Metensem superius fuisse descripsimus; quis ille Clemens fuerit breuiter aperiemus.

---

*De Sancto Clemente primo Metensi Episcopo, & de  
serpente ab eo fugato.*

C A P V T III.

**E**O tempore quo B. Petrus primus Apostolorum Romæ cathedram suscepit Episcopalem, quidam alter Clemens in vrbe erat, qui à B. Petro ad fidem instructus, postea post ipsum Petrum tertius sortitus est sedem: Cum quo multi se fidei Catholicæ subicientes ad B. Petri iussu, verbum fidei vbique missi constanter prædicauerunt. Erat autem quidam cum ipso Clemente Clemens, qui dispositione Magistri sui Petri cum alijs ad partes Galliæ missus, Metensem est aggressus ciuitatem, alijs sodalibus suis loca sibi à Deo destinata fide plenis occupantibus. Cùmque inuenisset ciuitatem Me-

Pp iij

tensem sacrilego idolorum ritu multo tempore fœdatam, indoluit, & aliquantulum loco cedens, in loco vbi postea Monasterium, quod Gorzias vocatur, primus habitator Oratorium erexit. Statutis verò temporibus ad ciuitatem veniens Verbum Dei de Deo ante tempora natum, de matre verò sub tempore de nouo natum constantissimè prædicabat. Ciues igitur nouitate sermonis attoniti, alij dicebant, quia bonus est sermo, alij autem non, sed contra antiquas traditiones agit. Erat autem ante portam ciuitatis maceria pluribus in locis cauata, quæ ad ludos suos exercendos quasi theatrum quoddam fuerat ab ciuibz illis in gyrum ædificata, in qua draco miræ magnitudinis, sibi locum & mansionem elegerat. Qui anhelitu fœdissimo ita aërem corrumpebat, vt sua infestatione portam ipsam, & ferè tertiam partem ciuitatis vacuum habitatoribus reddiderat. Vnde ipsa porta ab ipso serpente nomen accipiens, adhuc porta serpentina appellatur. Cùm vir Dei hoc cognouisset, sciens tantum populum non nisi miraculis forè conuertendum, iussit se ad serpentem ipsum perducì. Qui cùm illuc peruenisset, diuina quippe eâ die ad hoc faciendum celebrauerat, stolam de collo demittens, antrum vbi draco erat, adiit: eique in virtute Dei altissimi, & omnibus venenatis serpentibus & reptilibus præcepit, vt se sequerentur, nec in eadem ciuitate quicquam ipsorum remaneret. Videres insperatè tantam multitudinem serpentum subsequi Sanctum, vt non crederes in tota regione illa, tantam abundantiam immundorum reptilium posse inueniri. Sanctus verò Clemens cum suo illo captiuo vsque ad fluuium, qui Sallia dicitur, veniens dracone in ipso demerso, præcepit ei in nomine Dei, vt ad locum inhabitabilem cum suis sequacibus sine alicuius læsione abiret, quod & fecit. Vnde incolæ illius ciuitatis testantur adhuc nullum venenatum reptile ibidem posse reperiri: & si quoquomodo illic deueniat, meritis sui S. Clementis non posse aliquandiu viuere profitentur. Quo miraculo viso, & fidem Christi ciues susceperunt, & illum sibi Episcopum statuerunt. Huius ergo Sanctissimi Clementis septimus iste noster Patronus Simeon Episcopus Metensis exstitit successor. Eliminatâ denique inde omni diabolice superstitionis versutiâ, in ipso theatro,



quod ante adiri non audebat, Ecclesia in honore B. Petri Apostoli construitur: Vbi & postea, sicut hactenus permanet, Cella constructa est Monachorum, quæ Monasterio S. Clementis subiecta habetur.

*De Sollemnitate S. Simeonis & de seruitio piscium eiusdem diei.*

CAPVT IV.

**I**gitur Archiepiscopus & Abbas *Angelramnus* videns se alijs arduis tam Imperij, quàm Archiepiscopatus negotijs implicitum, decreuit huic loco Abbatem substituere. Inito quoque consilio, virum religiosum *Norgandum* præfecit, quem ipse Episcopus huic loco à nostro Fundatore Gundelberto septimus huic Monasterio octauum constituit Abbatem. Et à tempore illo Abbates huius Cœnobij ab Episcopo Metensi temporalia, ab ipso verò Episcopo Tullensi spiritualia receperunt, sicut & adhuc contingere videmus. Videntes igitur fratres huius loci pro Imperatoria dignitate, à qua lapsi fuerant, frustra se dolore consumi; ne tanto subuentore fortè priuarentur, corpus sanctissimi Simeonis, quod superius in Oratorio collis diximus collocatum, ad Monasterium reportare maturarunt. Oblatâque temporis opportunitate, glebam Sancti cum magno populorum comitatu octauâ ante festum Omnium Sanctorum die, in Ecclesia Beatorum Apostolorum Petri & Pauli, vbi nunc in theca argentea requiescit, translatus est. In qua die annuatim omnes plebani, qui ab Abbate Senoniensi tenent Ecclesias, seruitia piscium ad honorem festi omni occasione amota soluere tenentur. Vidi enim aliquos ab Abbate Henrico pro defectu seruitij piscium, quod illa festiuitate non persoluerant, ad præsentiam suam vocatos, & emendam propter hoc Abbati fecisse, & persoluisse neglectum seruitium. Vidi etiam aliqua illarum festiuitate tantam copiam piscium apportari, vt ad decem libras Tullensium valentia illorum computaretur. Sed nunc ad historiæ seriem reuertamur.

*De Potestate Abbatis Senoniensis, & iure Aduocati.*

## CAPVT V.

**C**onsiderans itaque vir venerabilis *Angelramnus* se non posse nisi magno labore tot & tantis insistere prouisionibus, quia sæpius Imperiali eum Cancellariæ oportebat interesse, hunc locum vt decebat, nequiret defensare; statuit Monasterio Aduocatum prouidere tali conditione, vt quicumque Aduocatus per Metensem Episcopum institutus fuerit, ad quem Aduocati spectat institutio, tertiam partem emendarum illarum, scilicet placitorum, ad quæ ab Abbate vocatus fuerit, accipere debet, & ad cætera manus non extendet. Pars quidem dicto Aduocato terræ & hominum, quæ adhuc Abajum vulgo appellatur, pro aduocatione collata fuit, quos adhuc tempore nostro hæredes de Salmis possidebant. Et his contentus, nil penitus iuris in hominibus, terris, banno, aquis, nemoribus, placitis, iustitijs, vel in omnibus Monasterij dependentijs, se amplius sibi vsurpare debet. Sed vbicumque necesse fuerit pro Abbacia & eius rebus & hominibus pro collato sibi aduocationis beneficio stare tenetur. Abbas verò homines ad placitum vocabit, iudicabit, & per scabinum suum emendas iudicatas sine Aduocato leuabit: & si qua culpa aliis temporibus in banno emerferit, Abbas vel eius Villicus, qui per ipsum Abbatem, & non per alium instituitur, illas tractabit & sine debito determinabit. Quicumque verò Abbas sit Senoniensis, Villicos, Decanos, Forestarios, Scabinos, & etiam Ecclesiarum S. Mauricij, S. Ioannis de Plama, de Vvipodi Cella matricularios ponet & deponet, & pro voluntate sua sine aliqua contradictione instituet & destituet: Nec in Villicum & alios ministeriales Ecclesiæ, vel Abbatis Aduocatus manum immittere debet, vel in homines; sed omnia in dispositione Abbatis ordinanda permanebunt. Si verò quisquam aut Aduocatus super prædictis, vel quiuis alter molestaret Ecclesiam, per Episcopum Metensem omnia corrigi & emendari deberent. Et insuper omnibus præmissis, Apostolicorum, Imperatorum, Episcoporum, Ducum,

cum, Comitum, & aliorum Magnatum priuilegijs hæc nostra Senoniensis Ecclesia fundata esse constat & roborata; ita ut Apostolici quatuor, Episcopi, Archiepiscopi, vinculo excommunicationis priuilegiorum Ecclesiæ infractores, & offensa diuina dignos, pronuncient innodatos. Qui sibi vult cauere, caueat; quia multos postea habuit Aduocatos Ecclesiæ excommunicatos. Hoc denique Monasterium omnia superscripta & alia quæcunque possidebat, & etiam priuilegia inuiolata retinuit vsque ad tempora cuiusdam Adelardi huius loci Abbatis, patruæ prudentiæ & scientiæ, immò huius Ecclesiæ dilapidatoris, ut postea loco suo exponemus.

---

*De corpore Ioseph Sepultoris Domini.*

C A P V T VI.

**T**Empore Caroli magni vir quidam venerabilis, Fortunatus nomine, Patriarcha Hierosolymitanus, corpus S. Ioseph sepultoris Domini, Paganos qui tunc terram sanctam vastabant, fugiens aportauit, & ad Medianum Monasterium deueniens, ibidem cum ipsis suis reliquijs se collocauit: qui postea ipsius Monasterij Abbas est ordinatus. Sed postmodum ipsum Sancti corpus per insolentiam Canonicorum, qui illum locum possederunt, à quibusdam Monachis peregrinis noctu furatum asportatum est; & ita illud Monasterium tali est thesauro viduatum. Postmodum verò prædium magnum apud Berchem in territorio Alsatiæ situm cum Ecclesiâ B. Mariæ quod antea vir quidam nobilis pro salute animæ suæ Ecclesiæ Mediani-Monasterij contulerat, pro quantitate aliquot cascorum Episcopo Basiliensi quasi obligatum per negligentiam perditum est. Et sic de die in diem peccatis exigentibus, Ecclesia Mediani-Monasterij redditibus suis miserabiliter est fraudata.

*De Zundebaldo Duce Lotharingæ, qui Comiti cuidam  
Medianum-Monasterium contulit in iure beneficij.*

## CAPVT VII.

**C**ontigit deinde, quando annus Domini DCCC XCIV. habebatur quemdam nobilem, *Zundebaldum* nomine, Ducem Lotharingæ exitisse, qui consilio deprauatus pessimo, dolorem dolori addens, Medianum-Monasterium cum appendicijs suis cuidam Comiti, *Hafuma* nomine, iure beneficij tradidit. Qui Comes iniquitatem apponens iniquitati, *Pipinum*, qui tunc illi Monasterio præerat, cum Monachis omnibus à Monasterio depulit, & Canonicos seculares instituit, & eis Monasterium, & omnia quæ Monachi antea possederant, iure perpetuo contradidit.

*De Fame, & Hunis, & Monachis apud Medianum-Monasterium restitutis.*

## CAPVT VIII.

**S**ecundo anno verò post hæc tanta penuriâ bladi & aliorum alimentorum omnium inualuit, ut quod auditu est horribile, homo homine vesci cogeretur. Et sequenti anno Hunni totam Alemanniam, & terram istam gladio vastauerunt; Ciuitatem Basileam solo coæquauerunt: ita ut vix in his tribus Ecclesijs, Deodatenſi, Stiugiensi Medij-Monasterij, singuli remanerent Clerici. Duobus inde annis elapsis Canonici denuo reuersi Claustrum Mediani-Monasterij iterum occupauerunt. Septuagesimo verò anno, postquam dictus Zundeboldus Dux per donationem Mediani-Monasterij *Hafuna* Comiti factam, Canonicis depulsis inde Monachos ibidem stituit quidam Dux Lotharingæ, *Fridericus* nomine, vir Deum timens. Audiens enim quòd ordinem Monachorum à sui fundatione monasterium illud habuisset, decreuit Ordinem priorem ibidem restaurare. Vnde Cano-

nicos depellens, per quemdam *Adelbertum* Monachum Gorziensem, qui ordine & regula B. Benedicti instructus satis erat, Monachos denuò restituere maturavit in eodem statu, quo ante Clerici ibidem habitauerant; exceptis his, corpore scilicet S. Ioseph sepultoris Domini, & alijs per incuriam Clericorum alienatis, quæ instaurari non potuerunt.

---

*De Blidolpho, qui Cellam de Acheri edificavit.*

C A P V T IX.

**E**odem verò tempore extitit quidam Metensis Primicerius, *Blidulphus* nomine, vir iustus & prudens, qui relictis omnibus quæ possidebat, appetens locum suæ conuersioni aptum, quærere decreuit. Quem diu quæsitum, tandem in valle quæ Lebrath dicitur, intra montes inclusam adiit Valliculam, in qua, in cliuo montis ad meridiem Cellam erexit, & eam Bellum montem appellavit. Qui ibidem Ecclesiam ædificavit, & in ea nouen altaria cum cancellis & criptis instruxit. Officinas enim circa illam, & Claustrum propositione loci ad usum Monachorum erexit: Aliquantos verò redditus ibidem acquisiuit: & adunatis Fratribus Deo deuotus cœlibem duxit vitam. Audientes verò multi sanctitatem viri Dei, eius se conuersioni sociare studuerunt. Inter quos extiterunt duo genere & fide nobiles *Vilhelmus*, & *Achericus*, qui etiam ambo ipsius loci Fundatori meritis coæquari potuissent. Vnus nempe duorum tam euidentibus & in vita, & post vitam claruisse fertur miraculis, vt eius sacrum corpus de loco sepulturæ in scrinio transferretur: cuius reliquiæ postea in theca noua argento & auro ornata tempore cuiusdam Sacerdotis, Hesso nomine, repositæ adhuc in ipsa Ecclesia reseruantur. Alter verò Achericus eiusdem Vilhelmi successor aliquandiu ipsam rexit Ecclesiam & locum: qui tantâ extitit famâ, vt ipsum, dimisso nomine Bellimontis, quo prius nominabatur, Achericum appellarent locum quod adhuc eo nomine ipsa villa nuncupatur. In qua postea nobiles exstiterunt viri, quorum diebus argentariæ fossæ repertæ sunt, in quibus multum argentum esse fertur effossum: De

Qq ij

quorum nobilium progenie postea exierunt viri qui temporibus nostris in ipsa Valle Lebrath castrum construxerunt, quod nomine supradicto, Acherich vocauerunt. Ille verò Sanctus Achericus plenus dierum migravit ad Dominum. Cuius corpus in medio chori in ipsa Ecclesia ante altare B. *Mariae* sepultum videtur. Ipsa deinde cella Acherich Mediano Monasterio olim per dictos viros fuit attributa. In qua Cella Monachi Medij Monasterij ferè vsque ad tempora nostra feruntur habitasse. Modò verò Ecclesia parrochialis per negligentiam Monachorum est effecta. In ipsa etiam valle, in inferiori loco quia spatiosior erat, famosissimus Imperator Carolus Magnus Cellam in honore B. Dionysij ædificauit, in qua corpus sanctissimi Papæ Alexandri & Martyris à Roma delatum collocauit, & eam magnis redditibus ampliauit. Cuius etiam Ecclesiæ pauimentum diuerso colore marmoreo artificiose, sicut hodiè in aliqua parte sui apparet, substrauit. Quæ adhuc Cella ad Monasterium B. Dionysij Arcopagita pertinere dignoscitur.

---

*Quòd Fredericus Dux Lotharingiæ Ecclesiàm S. Deodati Abbati Medij-Monasterij duxit regendam.*

### C A P V T X.

**A**Nno igitur Domini DCCC XLII. *Fridericus* Dux Lotharingiæ, & de quo supra mentionem fecimus, quia diuinis libenter prouidebat Ecclesijs, cùm Monasterium S. Deodati proprio foret viduatum Pastore, *Adelbertum* Mediani Monasterij, quem post Canonicos ipsi præfecerat Monasterio, adire decreuit; & ei vt dicto Monasterio S. Deodati præesse vellet, ammonuit. Qui voluntati Ducis obuiare metuens, petitioni Ducis acquieuit. Suscipiens igitur Ecclesiàm ipsam credidit se duabus Ecclesijs ad regendum non posse sufficere. Accersito itaque sui Monasterij Monacho, *Eucherbertum* nomine, illud S. Deodati Monasterium tradidit prouidendum. Qui ipsius loci substantiam & vniuersam suppellectilem in tam breui tempore dispersit, & Fratribus ibidem

commenentibus victui necessaria non valeret ministrare. Vnde Dux valde iratus Monachum illum ab amministrazione amouere cogitauit: quod cum ille Ducem sibi sensisset iratum, credidit eum munera velle accipere: conuersus vero ad Monasterij thesaurum, quia quo manus extenderet non habebat, distrahit calices, cruces decrustat, cappas sericas & ornamenta serica, & aurifigia vendidit, Ducique pretium offerre parat. Cum igitur Dux cognouisset ipsum Eucherbertum Monachum, vt gratiam eius recuperaret, tam enormiter deliquisse, valde condoluit: quia potius pro gratia Principis rehabenda prius commissum restaurare, quam posterum priori adiungere debuisset: non tantum modò ipso Monacho pœnam commissi retorfit, sed etiam Monachos omnes cum illo suo nequam prouisore à Monasterio propellere non distulit. Et quia Ecclesia ipsa S. Deodati sub dominio ipsius Ducis habebatur, nec ipsum locum diu officio diuino carere volebat, quia facta Monachorum satis expertus erat, Canonicos seculares ibidem, sicut vsque adhuc permanent, instituit.

---

*De Translatione corporis S. Hydulphi.*

## CAPVT XI.

**Q**uarto decimo post hæc anno dictus Abbas Mediani Monasterij *Adelbertus*, corpus Beatissimi Hydulphi, quod adhuc saxea tumba tenebat, conuocatis pluribus Abbatibus & alijs viris Religiosis cum magno apparatu leuauit, & in quodam scrinio ligneo, quod ad hoc præparauerat, collocauit. Eo tempore leuata sunt corpora Sanctorum germanorum Ioannis & Benigni discipulorum S. Hydulphi, qui miraculosè \* ab hac luce venientes, nunquam ab inuicem disceserunt. Vnâ namque horâ sunt concepti, vnâ horâ in ventre matris sunt formati, simul procreati, vnâ horâ nati, simul educati, simul studijs traditi, vna die cucullati, simul conuersati, vna die lecto infirmitatis incubuerunt, vna die defuncti simul cœlo recepti, tumulo vno collocati. Vnde de his

\* ad hanc  
lucem.

Qq iij

sanè potest dici, & *ab inuicem non sunt separati*. Aliquanto verò elapso tempore, postquam leuata sunt istorum Sanctorum corpora, contigit bonæ memoriæ *Stephanum* Tullensem Episcopum ad has deuenisse partes: qui cùm quædam solemnitate ad Medianum-Monasterium peregisset festum, Monasterium S. Saluatoris adiit, ibique extremum clausit diem: & inde ad Medianum-Monasterium reportatus, quia ita ipse viuens præceperat, in eodem tumultu quo leuata sunt corpora prædictorum Sanctorum honorificè est sepultus. Vnde postea tempore *Nicolaj* eiusdem loci Abbatis inde leuata sunt ossa ipsius, cum quibus vidi cruciculam plumbeam, in qua scriptum erat, *Stephanus bona memoria Tullensis Episcopus*. Qui etiam eidem loco aliqua prædia contulit, quæ adhuc Camerariæ deseruiunt Monachorum.

---

*Qualiter Monasterium de Boxerijis est constructum.*

## C A P V T XII.

**N**Ongentissimo sexagesimo secundo Domini anno, quidam vir venerabilis extitit, *Gozelinus* nomine, Tullensis Episcopus, vir sagax & prouidus, qui Monasterium Sanctimonialium, quod *Posserijis* dicitur, à fundamentis primitus ædificauit. Viuente adhuc dicto *Gozelino*, quædam gens aliena Episcopatum Tullensem, & ipsam ciuitatem patientiâ Dei adeò vastauerunt, vt in principali Ecclesia tres tantum Clerici remanserint, qui vix ibidem valebant sustentari. *Gozelinus* verò venerabilis Episcopus videns Episcopatum ad tantam deuenisse miseriam, indoluit: Adiit quippe Magnates, Duces, Barones, & alios Christi fideles; vt eorum auxilio Ecclesiæ inopia releuaretur. *Otto* itaque tunc Imperator Romanus, cùm comperisset dictum Tullensem Episcopatum ad tantam inopiam deuenisse, pietate motus, industria & sagacitate dicti Episcopi, ipsum Episcopatum reparauit, vt videretur de nouo extructum fuisse.



*De Ordinatione S. Gerardi Tullensis Episcopi: & de  
miraculis eius.*

C A P V T XIII.

**D**Efuncto denique ipso, vt supra dixi, Gozelino Episcopo, B. Gerardus in Episcopatu successit. Qui cum ad Episcopatum electus fuisset, & ad ciuitatem Tullensem ad instituendum duceretur, cum ad Ecclesiam S. Mansueti, quam prius idem S. Mansuetus in aduentu suo ad ciuitatem Tullensem pro Oratorio sibi exstruxerat, peruenisset; quia eiusdem vrbs primus Episcopus extiterat Mansuetus, Oratorium ipsum causâ orationis fertur introisse, & tandiu ibidem orasse, vsquequo Ecclesiam ipsam consensu totius cleri se vouisset in melius ædificaturum, quod & fecit sicut hodie videtur permanere. Ecclesiam quoque maiorem Episcopi, sancti scilicet Stephani Protomartyris à fundamentis restituens, picturis & alijs ornamentis decorauit. Quam dedicare volens reliquias Protomartyris non reperisse fertur: quare ad Metenses nauigio dicitur deuenisse. Cum igitur per Mosellam nauigaret, & super oram nauis fortè incumberet, contigit cruciculam quam ad collum appensam gestabat, nescio quo casu à collo lapsam in fluuio decidisse; pro qua re vir Dei valde contristatus est: cursu siquidem concito Metim peruenerunt. Petijt vir Domini Gerardus, vt Episcopus loci & alij suis interessent encænij, & ei aliquas B. Stephani reliquias darent si haberent. Qui nullas se habere responderunt, excepto solo saxo, de quo idem Dei Martyr fuerat lapidatus. Beatus verò Gerardus hæc audiens corde gauisus est, & vt ei lapis ostenderetur, supplicauit. Quem afferentes, eidem Episcopo dederunt in manibus; qui saxum vna manu honestè tenens digitum dexteræ per saxi cuspidem satis curiosè trahens, dixit: ô si mihi tantula pars de voluntate Dei conferretur, satis me recepisse gauderem. Quo dicto statim illa particula per quam digitum traxerat, ita ab illo lapide diuulsa est, quasi si cultro esset abscissa. Quod cum viderent Metenses, cognouerunt Sanctum hoc miraculo obtinuisse, quod

prece concedere recusabant. Particulâ quidem saxi acceptâ, cum ingenti gaudio valedicens illis, nauimque ascendens, venit ad locum vbi antea cruciculam diximus lapsam fuisse. Quem locum beatus ille prospiciens, suspirando dixit: Domine, Domine, cruciculam meam peccatis meis exigentibus hîc credo cecidisse: quo dicto, crucicula illa desuper aquas natando apparuit: quod cum Sanctus videret, porrecta manu apprehendit eam, sicque cum duplici gaudio, saxi videlicet & crucis, ad ciuitatem suam deuenit, & Ecclesiam quam restruxerat, dedicauit. Idem verò Beatus de die in diem meritum suum augmentare non cessans, Ecclesiam in honore B. Gengulphi Martyris de nouo ædificans, Canonicos ibi instituit, & rebus necessarijs ampliauit. Deinde S. Apri corpus sui prædecessoris Tullensis Episcopi de tumulo leuauit. Multa quidem & alia signa fecit Deus per merita Sancti sui Confessoris Gerardi Episcopi.

---

*De ortu S. Brunonis Episcopi Tullensis, postea Papæ Leonis.*

#### C A P V T XIV.

**A**Nno igitur Domini Millesimo secundo Natiuitas B. Brunonis, qui postea Tullensis Episcopus, deinde Papa Romæ efficitur. Cuius parentes Hessam Monasterium Sanctimonialium penes Sareborch ædificauerunt. Aliud quoque Monasterium construxerunt, quod Aldorf dicitur, Ordinis S. Benedicti, quod in Alsatia situm est. Tertium etiam, quod Lustrense dicitur: & quartum Sanctimonialium in honore Sanctæ Crucis; item in Alsatia, quod Vvoseinheim nuncupatur. Quæ Monasteria bonis proprijs ita ditauerunt, vt ipsorum Conuentus largissimè valeant sustentare. Ac demum cum idem Bruno Papa Leo fuisset effectus, Ecclesiam S. Deodati cum tota valle à iurisdictione Episcopi Tullensis exemit, & sedi Apostolicæ immediatè subiecit. Cuius igitur sanctitatis idem Bruno postea futurus esset, in quamcunque ciuitatem vel castellum, vel vicum, aut villam intrarent, galli earundem

earundem villarum, linguâ eius patriæ per quam transibant, densis clamoribus cum Papam futurum clamabant: Leo Papa, Leo Papa, cum sibi nomen imponendum omnes ignorarent: & iterum hoc nomen atque iterum recipiebant: Leo Papa, Leo Papa. Quo audito qui cum eo erant, cum in summa veneratione habere cœperunt.

---

*De Translatione S. Deodati per Beatricem Ducissam  
Lotharingie viduam.*

. C A P V T XV.

**P**OSTEA verò anno Domini MIII. vergente numero, erat quædam Ducissa, quæ viro suo viduata Lothariensem Ducatum pro modulo suo regebat. Inter cætera quæ temporibus suis contigerunt, accessit ad Ecclesiam S. Deodati: & Canonicis, & Clericis, & vulgo comminata est, quòd si corpus Domini sui, scilicet B. Deodati non ostenderent, quod se jactabant habere, ipsos perpetualiter in propriam redigeret servitutem; quod adhuc tumulo faxeo tenebatur. Minis etenim Clerici & populus perterriti, conuocatis vndecunque viris religiosis, jeiunijs & orationibus præmissis, corpus ipsius Sancti, loci ipsius primi Fundatoris Deodati, de tumulo in medio ipsius Ecclesiæ locato, ante altare Sanctæ Crucis, quod nunc est parochiale, leuauerunt, & in scrinio nouo ad hoc parato pridie ante vigiliam depositionis eius locauerunt. Unde adhuc singulis annis eius sacra translatio à Clero & populo eo die recolitur. Ita ex tunc Ecclesia & vallis oppressione ipsius Ducissæ exempta fuit. Secundo autem post anno idem Monasterium S. Deodati præ vetustate corruens, ab ipsa Beatrice & quodam Comite *Lodonico* cum aliquibus alijs adiutoribus fidelibus, ampliori & nouo ædificio est innouatum. Ottone verò Imperatore anno Domini MI. decedente, duo sibi regnum vsurpauerunt, quorum vnus *Harduinus* Italiam, Alter verò *Hermanus* Alemaniam possederunt. Idem autem Hermanus inter alia mala quæ gessit, Sabbato Sancto Paschæ inopinatè ciuitatem Argentinam intrauit, & totam

ciuitatem in die Resurrectionis Domini igne succendit. Armati sui matronas, quæ ad Ecclesias fugerant, Virgines cum cæteris mulieribus vi violabant, & hoc intra Ecclesias fiebat; Sacerdotes ab altaribus deijciebant & exutos vestimentis, calices rapiebant, libros, pallas altarium, cruces, capfas cum reliquijs Sanctorum per spatium pauimenti quasi quædam stercora expandebant. Quidam verò eorum considerantes crucifixum magnum auro puro & gemmis redimitum, ad eum cucurrerunt. Cui vt decrustarent manus iniicientes, subita morte præuerti ante ipsum crucifixum diabolo reddentes animas ceciderunt. Omnis deinde ille exercitus pessima morte diuersis modis citò totus interiit. Ille verò eorum Hermanus vt suæ malitiæ donatium reciperet, cùm quadam nocte in cubili suo se sanum collocasset, ab illo cui seruierat Diabolo suffocatus, somno mortem sociauit. Et ita Dux cum suis omnibus in breui inferni claustra possederunt.

---

*Quod Bertoldus Tullensis Episcopus Monasterium  
S. Saluatoris construxit.*

## C A P V T XVI.

**M**illesimo decimo Domini anno *Bertoldus Tullensis* Episcopus, de quo superius mentionem fecimus, Monasterium S. Saluatoris in Vosago, in cliuo montis prope Bodonis-Monasterium, vbi Sanctimoniales diximus à Fundatore suo Bodone institutas, à fundamentis ædificauit, & ibi Monachos, vt prædixi, instituit. Monachis verò post aliquod tempus inde expulsis, Canonici ibidem instituuntur.

Quod quidem Monasterium ex suo proprio dotauit patrimonio, videlicet villa cum hominibus de Domnoapro, villa Berthecurte ad Quercus, villa de Auralcourt prope vicum in bannis ac fundis earundem in omni iurisdictione nobilium ex suis liberis alodijs, necnon hominum subiectione sic absque aliquorum Dominorū temporalium reclamatione, sic multo pacificè Abbas quieuit tēpore in possessione; malitia

verò multorum iniquorum virgente viroꝝ idẽ Monasterium cum suis Religiosis & pertinentijs vexantium, aliquanto tempore spatij medio Abbas tunc temporis existens inito sibi consilio, videns se non posse nisi magno labore tot & tantis molestationibus resistere, statuit sibi & dicto Monasterio sub modo aduocatiæ de Conseruatore prouidere : tali conditione sic statutum est, vt quicumque Conseruator institutus fuerit, scilicet ex tunc Dominus de Albomonte, redditus annuales animalium trahentium in villa & banno de Domnoapro simul cum vno grosso semel in quolibet anno persoluendo monetæ cursibilis ; ex vnaquaque domo in qua ignis fieret, dicti Abbatis domo & in dicta villa nomine suo vbi habitantes morarentur duntaxat exceptis, idẽ Conseruator perpetuis leuabit temporibus & possidebit, fidelitate ab eodem Conseruatore sibi Abbati præacta, & his contentus nihil penitus iuris in hominibus, terris, banno, nemoribus, placitis, nisi vocatus fuerit ab Abbate, vel eius Ministeriali seu Villico vt vim sibi inferat, pro qua vocatione & viri rei rebellione, ipsi qui reus erit duorum placitantium inuentus, poterit idẽ Conseruator pro emenda per Ministerialem seu Villicum Abbatis exigenda & leuanda vsque ad viginti solidos postulare ; ex quibus Abbas quinque recipiet, & pro eodem Conseruatore reliquos quindecim conseruabit solidos. In aquis verò si Abbas eas vendiderit duas pecuniarum partes habebit, & idẽ Conseruator tertiam partem ; si autem piscare voluerit facere, ponet seu statuet duos pisces, & Conseruator vnum tantum. In placitis & iustitijs nihil habebit, nisi morti deditis, quorum facultates Abbati liberè remanebunt, & corpus delinquentis à Ministrilibus villæ iudicatum eidẽ Conseruatori deliberaretur exequendum, nec in omnibus alijs appenditijs ampliùs vsurpare debet, sed vbicumque necesse fuerit pro Abbacia S. Saluatoris & eius pertinentijs licitis pro collato sibi ab Ecclesia tali beneficio stare tenebitur. Abbas verò homines ad placitum vocabit & per Scabinum suum emendas iudicabit, iudicatæque leuabit, & si qua culpa alijs temporibus in banno emiserint, Abbas vel eius Villicus illas tractabit & sine debito terminabit. Villicos, Scabinos, Decanos, Forestarios instituet ; & etiam Ecclesiam

S. Saluatoris, villam scilicet de Domnoapro, de Barbay, de Barbesieux, de Herboye, de Syreis, & de Blemerey, ac de Bodone-Monasterio Marticularios ponet & deponet, & pro voluntate sua sine aliqua contradictione instituet & destituet, nec in Villicum & alios quoscumque Ministrales Ecclesiæ & Abbatis S. Saluatoris isdem Conseruator aut alius manum violenter mittere, siue alios homines extraneos qualicumque modo aut causa vincere, aut vinctum ducere siue incarcerare potest nec debet, sed omnia in dispositione Abbatis, quia summus in dominio illius villæ & eius banno habetur, ordinanda & disponenda permanebunt. Si verò quisquam aut dictus Conseruator, qui se cum suis sequacibus ad hoc hora suæ primæ institutionis ac ordinationis omnino Ecclesiæ Dei iurisdictioni sponte subdidit, super prædictis vel quilibet alter nomine suo ipsam molestaret Ecclesiam, per Reuerendum in Christo Patrem Dominum Episcopum Tullensem corrigi & emendari debebunt, atque excommunicationis sententiæ coarctari, in quam eo facto seipsos nouerint incurrisse.

---

*Quod Simon Dux Lotharingæ Aduocatus fuit constitutus in villa de Berthercurte ad Quercus.*

## C A P V T XVII.

**A**Nno Domini MCLIII. ex consensu, immo potius ad Arequestam Abbatis per Dominum Tullensem Episcopum, ut vim Ecclesiæ & Abbati S. Saluatoris ferret, fuit in villa de Berthercurte ad Quercus Dominus *Simon* Dux Lothoringæ liber Aduocatus, qui pluribus aduocatiam annis salubriter in Ecclesiæ fauorem rexit, ac à suis regere fecit, quam aduocatiam *Simoni de Morcy* filiolo suo, quem de sacro fonte leuauerat, contulit in feodo: sed anno Domini MCC. LX. Duce *Ferrico* ratificante & laudante hæredes dicti *Simonis de Morcy* Abbati & Conuentui in perpetuum vendiderunt ipsam aduocatiam.

*De Adelardo misero Abbate Senoniensi, & de miseria eiusdem loci.*

CAPUT XVIII.

**H**Is igitur ita se habentibus, cum Ecclesiam istam Senoniensem alij post alios Abbates rexissent foeliciter, contigit quemdam *Adelhardum*, qui quartus decimus à primo Fundatore erat, huius nostri Monasterij gubernacula suscepisse: qui foelicibus infœlix succedens, huius loci bona, redditus, terras, prouentus suâ negligentia dissipauit: immò, quod deterius est, spiritualium, Ordinis scilicet & Religionis, & Religiosorum extitit peruersor; ut in loco, qui usque ad tempora eius, quasi quidam hortus deliciarum, tam in spiritualibus, quàm in temporalibus floruerat, minimè Deus colebatur. Quicunq; res Ecclesiæ rapiebat, sine repulsa detinebat: Monachi non ordini, sed peruersitati insistebant: Ad ludos citius quàm ad Ecclesiam conueniebant; Refectorium, dormitorium, claustrum, quasi interficientium arma deuotantes, impudicis se actibus, comestationibus, ebrietatibus, ac ceteris mundi delectationibus implicabant: nec erat qui corrigeret. Quid ultra? Grex dum lupis exponitur, caulæ ouium Dei dissipatæ non valent eas retinere. Ita Abbas Adelhardus Ecclesiam sibi commissam cum grege sibi commissò gubernabat. Videntes Monachi omnia sibi licere, licet non omnia expedirent, statuunt sibi viuere, non Christo. Quæsiuit sibi quisque domunculam, ubi non regulariter, sed voluntate propria sibi conuersari quiret: fit congregatio taurorum in vaccis populorum, gloriantes in malitia sua: & ideò tenuit eos superbia, confusi sunt, nec compuncti, subsannauerunt multis subsannationibus: Et quia maledictus qui ponit carnem brachium suum, quia de carne tantum curabant, non sperauerunt in Domino, sed diuina contemnentes officia, operti sunt iniquitate & impietate sua; & ita transientes in affectum cordis sui, perierunt propter iniquitatem suam. Victu quippe deficiente & vestitu, decreuerunt more rusticorum agriculatores fieri, ut ita saltim.

Rr. iij.

possent inopem defendere vitam. Tali etenim congregatione, immo certè segregatione, hæc nostra Senoniensis Ecclesia pluribus, prohi dolor! annis fuit frequentata. Quid plura? Abbates Abbatibus succedentes nec seipsos, neque subditos ab hac misera conuersatione corrigere curarunt. Hæc etenim Fratrum miserrima conuersatio temporibus sex Abbatum incorrecta perdurauit, vsquequo Deus omnipotens, quia tempus miserendi venerat, misereri voluit. Receperat enim duplicita pro peccatis suis. Destinauit enim ei quemdam iuuenem, *Rambertum* nomine, huius tamen loci Monachum, qui aliorum non consentiens ludibrio, sanctæ conuersationis studium quæsiuit. Erat enim in Episcopatu Metensi quoddam Monasterium Gorzias nomine, quod à Fratribus Deum timentibus, quasi quibusdam flosculis amoenissimus Paradisus suo desiderio fulgebat. Hanc Fratrum congregationem frater Rambertus huius loci Monachus euadens naufragium, Deo donante melior futurus aggredi disposuit. Qui ab Abbate & fratribus loci benigne est receptus, & tandiu tamque religiosè ibidem conuersatus, vt omnibus carus haberetur, & præcipuè eiusdem Monasterij Priori, qui *Adelbero* dicebatur, vir quippe vitæ laudabilis & honestæ conuersationis. Rambertus enim, quem diuina instruebat benignitas, consideratis Ordinis & Religionis circumstantijs, atque ipsorum Fratrum Gorziensium mores laudabiles & actus, consuetudinem loci & modum tam sagaciter retinuit, vt idem Prior & Fratres ipsum gratanter, si voluisset pro suæ humilitatis & modestiæ statu retinuissent. Sed ille, quem Deus suæ Ecclesiæ Rectorem præuiderat, ad reuiscendum locum istum & Fratres quos in tam prauo statu, vt superius dictum est, reliquerat; acceptâ à Priore & Fratribus licentiâ, ad Monasterium Senoniense repedauit. Quem Dominus Rangerus, qui tunc huic loco præerat, suscepit, & eum quia prudens erat & modestus, post pauca Monasterij Præpositum ordinauit: qui suæ obedientiæ agendas tam strenue gubernauit, vt ab omnijs amaretur. Rangero itaque huius loci Abbate ab hac vita non multò post decedente, eoque prout debuit condecenter sepulto, totus Fratrum Conuentus Rambertum Propositum sibi elegit Abbatem. Qui ab Episcopo Metensi temporalia,



ab Episcopo verò Tullensi curam suscepit animarum. Cùm igitur Rambertus Abbas ad Monasterium remeasset, Fratres alloquitur, eis verbis benignissimis quod Gorziæ didicerat indicauit, & vt more illorum Religiosorum viuerent, admonuit. Qui, quia consuetudo altera est natura, responderunt se non aliter velle viuere; sed sicut consueuerant, orabant vt eos visitare permetteret. Videns verò Rambertus Abbas se nihil proficere, Episcopum Metensem censuit consulendum. Episcopus verò videns eum zelo Dei duci, ad eius bonam roborandum voluntatem, dictum Priorem Agenaldum \* Gorziensem sua fultum auctoritate eidem Abbati dedit adiutorem. Venientes igitur ad nostrum hoc Monasterium prædicti Abbas & Prior Fratres satis aptè sunt allocuti: nunc quidem blanditijs, nunc verò terroribus, vt à sua dissolutione recedendo, se disciplinæ regulari submittere maturarent, hortabantur. Qui omnino nec prece, nec minis, vel demum distributione regulæ moti, irati ad contumelias deuenerunt. Quod cùm viderent Abbas & Prior, scilicet ipsorum pertinaciam & duritiam cordis, proposuerunt eis vnum è duobus eligendum, aut obediendo mandatis regulæ, Deoque seruiendo in Monasterio disciplinatè viuerent, aut de Monasterio exeuntes quamcunque vellent viam sibi viuendi assumerent. Quod illi audientes quidam ipsorum, qui simpliciores erant, se Abbatis directioni subdiderunt: quatuor verò qui aliquantulum scioli videbantur, alij in sua scientia, alij in sua stoliditate tumentes, alij in sua iuuentute confidentes, totam viam quæ ducit ad mortem, relicto Claustro, sunt aggressi. Reliqui verò Abbati suo & Ordini se committentes, Deo potius quam sæculo seruire decreuerunt. Ordinatis denique Fratribus, & Ordini ac disciplinæ regulari restitutis, ac rebus Monasterij sagaciter ordinatis; dictus Prior *Agenaldus* valedicens Abbati ad propria est reuersus. Rambertus autem locum tam foeliciter rexit, vt se amabilem cunctis exhiberet & honorabilem.

\* *Suprà  
Adelberon  
appellauit.*

*Quod Bruno Tullensis ordinatur Episcopus, & de miraculo pomorum.*

CAP V T XVIII.

**A**Nno igitur Domini MXXXVI. obiit Hermannus Tullensis Episcopus, cui supradictus *Bruno* filius Comitis de *Dassporch*, qui postea *Leo* Papa effectus est, in Episcopatu successit. Eodem anno, mirum dictu! in pomis & piris nuclei effigies hominum pro quantitate sui habentes inueniebantur: sed quid hoc portendebat non inueni. Eodem tempore *Simcon* quidam de transmarinis partibus de monte *Sinai* veniens Treueris, in porta nigra dicta, ab Archiepiscopo *Papone* eiusdem ciuitatis includitur, postea miris claruit miraculis. Anno quippe Domini MXLIV. *Humbertus* Abbas Mediani-Monasterij, vir clari ingenij, Laudes, quæ responsoria dicuntur, Sanctorum Cyriaci Martyris, Columbani, Odiliae virginis, Gregorij Papæ, Hydulphi, Deodati Episcoporum, rhythmicè ac metricè componens Brunoni Episcopo supradicto Tullensi tradidit decantanda. Inde quinque annis elapsis apud Maguntiam Conuentus Episcoporum ac Procerum, & aliorum plurimorum cum Imperatore \* *Frederico* habitus, Bruno Tullensis Episcopus Papa communi consilio omnium eligitur, ac Romæ proficiscens per partes istas transeundo, Oratorium S. Ioannis Baptistæ ad portam Mediani-Monasterij consecrauit x. Non. April. Humbertum quoque Mediani-Monasterij Abbatem secum ducens, Archiepiscopum Siciliæ ordinauit, deinde Romæ Cardinalem ad vices suas supplendas secum morari præcepit.

Henrico,  
qui Niger  
est vocatus.

Millesimo quinquagesimo anno Dominus *Leo* Papa ad partes istas rediens S. Arnulphi Ecclesiam Metis dedicauit. Secundo anno item Gallias repetens ossa B. Gerardi Tullensis Episcopi de tumba leuauit.

*De Edificatione*

*De Ædificatione Ecclesiæ Longimaris.*

CAPVT XIX.

**A**Nno Domini MLVI. Quidam *Bilonus* Girardi Ducis seruus in saltu Vosagi qui Longummare dicitur, locum & Capellam in honore B. Bartolomæi primus ædificauit.

*De Ædificatione Domus Maris prope Senonias.*

CAPVT XX.

**T**Empore *Bercheri* venerabilis huius loci Abbatis, fuit quidam *Regnerus* qui locum in vasta eremi solitudine positum adiens, Ecclesiam ibidem ædificauit. Qui locus vsque hodie Mare dicitur. Quam videlicet Ecclesiam memorabilis Episcopus Tullensis *Pibo* industriâ ipsius Regneri Nonas Maij in honore Sanctæ Trinitatis consecrauit. Vbi multi eadie Sanctæ Trinitatis, id est in octauis Pentecostes, ob festi gratiam conuenire solebant. Alij verò atque alij ipsum locum inhabitantes, quia habilis ad seruiendum Deo habetur, meliorauerunt. Locus enim ille Monasterio Senoniensi semper subditus extitit.

*De Stephano Episcopo Metense, & Antonio Abbate Senoniensi.*

CAPVT XXI.

**P**ost hoc autem *Ramberus* Abbas huius loci Senoniensis aliquanto superuiuens tempore, cum foeliciter Ecclesiam suâque rexisset, migravit ad Dominum. Cui vir venerandus *Bercherus* successit. Qui vestigia sui decessoris regulariter imitando sequutus, cuncta sibi commissa laudabiliter conseruauit, alia verò sagaciter augmentauit: Qui etiam foelici vitæ cursu peracto, coelo spiritum reddidit. Defuncto igitur

§ f

Berchero Abbate ciuitas Metensis dicitur eodem tempore Præsule caruisse. Et quia Abbas huius loci ab Episcopo Metensi temporalia recipere tenetur; deficiente Episcopo hæc Ecclesia etiam Pastore ferè per triennium caruit. Electo siquidem Episcopo *Stephano* in sede Metensi, Fratres huius loci ipsū Episcopum, vt eis de Abbate prouideret, postularunt. Qui consideratis circumstantijs necessitati eorum volens cōsulere, Episcopus accersito ad se Priore Cellæ-Laci Antonio, ipsum ad regimen huius nostri loci vocare maturauit. Sed quia hic, de quo agimus, Antonius laudabilibus se artibus, vt postea aliqua referemus, mirabiliter decorauit, quomodo ad nos peruenerit breuiter & succinctè edisseram. Hic itaque Antonius de Ticino, quæ Papiæ dicitur, in territorio Longobardiæ sita, oriundus fuit. Qui se tantò plus honestis decorauit moribus, quantò nobilioribus ortus erat parentibus. Agens adhuc annos iuueniles relictis parentibus rebûsque paternis, ad istas deuenit partes. Ciuitatem quoque Metensem adiens Claustro B. Arnulphi, quod tunc famosissimum habebatur, se familiarem præbuit. Cùmque Abbas & Fratres dicti loci eius viderent modestiam, ipsum in Fratrem receperunt & Monachum: deinde Cellæ supradictæ Laci, quæ eorum erat iurisdictionis, præfecerunt. Qui Cellam ipsam, quia vetustate ruinas minabatur, solo prosternens, de nouo & ampliorem reædificauit: redditus quoq; ita ampliavit, vt in introitu vix duo seu vel tres, modo deni vel duodeni ibi valeant sustentari. Antonio verò ipsam cellam ita regente ab Episcopo Metensi huic loco, licet inuitus, Rector destinatur. Non multo post tempore quæcunque in loco isto erant à priscis temporibus constructa, Monasterium, Claustum, Refectorium, Dormitorium, cæterasque officinas intus & extrà ad tefram projecit, & omnia honorabilius reædificauit. Sumptus Ecclesiæ augmentauit, Cellas quæ ante non erant huic loco acquisiuit; Cellam iuxta castrum Danubrij adiutorio & deuotione Reuerendissimi Stephani Episcopi Metensis construxit. Episcopus verò ei contulit ad sustentationem Fratrum. ibidem Deo seruientium piscationem in aquis suis ad libitum ipsorum, id est, quòd Fratres, suos proprios piscatores in aquis Episcopi habeant, & quando & quomodò voluerint in pascuis, in nemori-

bus similiter ad ignem & ædificia ad vsus suos pro voluntate vsuarium habeant. Locus enim vbi Cella illa constructa est, & quædam prata, agri etiam ab Episcopo Stephano, si ut in Priuilegijs ipsius Prioratus continetur, collata fuerunt. Cuius Cellæ Ecclesia postmodum à quodam Cardinali, *Tieuvino* nomine, in honore B. Protomartyris Stephani fuit dedicata. Cella verò Leonis-montis sagacitate ipsius Antonij huic loco fuit attributa, & ab ipso oblatione & subuentione fidelium redditibus & beneficijs satis aptè extitit ampliata. Prioratus verò de Suris, quem Venetabilis Matrona *Cunegundi* huic loco cum suis redditibus, pratis, terris, nemoribus, & alijs bonis pro animæ suæ remedio contulit, industriâ Antonij eiusdem Abbatis actum perhibetur. Cella quoque S. Christophori in cliuo collis ante portam vici sitam, per quosdam nobiles viros, qui suas possessiones huic loco pro animabus suis contulerunt, tempore suo construxit, & redditibus plurimis ditauit. Cellam quoque de Lorchinge cum appendicijs suis, & Ecclesiam in eadem villa munere perpetuo acquisiuit. Alia quoque multa, thesauros Ecclesiæ, ornamenta altariorum huic loco Senoniensi laudabili solertia adunauit. Quid plura? Triginta & octo annis Monasterium istud foeliciter gubernauit, in quibus nec solum præterijt annum in quo non ædificaret vel aliud aliquod ad augmentum Ecclesiæ acquireret. Decurso itaque foelicis vitæ stadio, migravit ad Dominum anno Domini mccccxvi. Sepultusque est in medio Ecclesiæ Sanctorum Apostolorum Petri & Pauli ante altare Sanctæ Crucis, in tumulo lapideo, super quo lapis columnulis lapideis sustentatur, in quo ego postea imaginem propria manu sculpsi, quasi Abbatis jacentis cum baculo pastorali in manu tenentis. Post hunc successit *Galternus*. Sed quia nihil de ipso legi vel audiui, nihil scribere sum conatus, nisi tantummodò quod vicesimus octauus huius loci Abbas fuerit ordinatus.

*De Translatione S. Nicolai de Myrrhea ad  
Barrum Apuliae.*

C A P V T XXII.

**A**Nno igitur quo intrauit ad nos reminiscendus ipse noster Antonius, contigit quosdam negotiatores à Barro ciuitate Apuliæ ad Græciam quæstûs causâ aduenisse, Antiochiâ cum nauibus oneratis frumento & alijs mercimonijs deuenire volentes. Tandem ad Myrrheam, in qua corpus Beatissimi Confessoris Nicolai septingentis septuaginta quinque annis sepultum delituerat, deueniunt. Qui inito inter se consilio, quia ciuitas Myrrhensis à Sarracenis vastata paucis incolebatur colonis, crediderunt sacras illas reliquias se leuius pro paucitate habitantium adepturos: quod & ita factum est. Intranses itaque Ecclesiam, sacrum illud B. Nicolai corpus à custodibus Ecclesiæ cum magno labore & astutia sibi sub pauimento demonstratum cum gaudio magno per mare nauigantes, ad Barrum ciuitatem suam deportauerunt, vbi per merita ipsius Sancti tanta ostenduntur miracula, vt nunquam ab aliquo scripto possent commendari.

*De Articulo digiti S. Nicolai ad Portum deportato.*

C A P V T XXIII.

**E**Odem quoque ferè tempore quidam miles de istis partibus ortus, translatione S. Nicolai audita ad ciuitatem Barri, ad quam translatus erat, deuenit: ibique vota soluens, adhuc amore Sancti ductus laborauit, vt articulum digiti secum ad partes istas apportaret; quem ad locum qui Portus dicitur, reposuit; erat enim Villula admodum parua, quæ nunc ad instar magni Oppidi per merita B. Nicolai iam aucta cernitur. Vbi idem Sanctus tantis claret miraculis, vt captiuorum, febricitantium, aliarum infirmitatum laborantium frequentatione adeò repleatur, vt si quis bojarum &

cathenarum vellet considerare in ea pondus innumerable, miraculis Sancti potius fidem dare poterit, quàm narrationi. Frequentatur itaque in eadem villa sanctus ac diligendus Nicolaus à Burgundionibus, à Francis, ab Alemannis, & ab vniuersis circumquaque regionibus constitutis, & omni gente munera apportante. Et quia omnipotens Deus hanc nostram regionem tanto adiutore ditare dignatus est, ipsum velocem subuentorem, vñ nostri apud Deum memor esse dignetur, exoremus.

*De constructione Cellæ Bellæ-vallis à Gerardo  
Lotharingia.*

C A P V T XXIV.

**E**odem tempore Dux Lotaringiæ *Maherus*, & frater eius *Gerardus* terras suas inter se diuidentes, Comitatus Vaudanimontis Girardo in sortem deuenit. \* Qui non longè post Cellam Bellæuallis in territorio Castrensi sitam satis commodiosè extruens, prædijs & alijs possessionibus augens, Mediano-Monasterio possidendam submisit: vbi postea se delegit sepeliri, & duas Ecclesias Muri villæ, & Puris Cellæ Bellæ-vallis pro animæ suæ remedio liberaliter contulit: quod & adhuc permanet. Eodémque ferè tempore Ecclesia Calmo-fiaci à quibusdam viris fidelibus incoacta fieri cœpit, quæ postea bonis multis augmentata, & in honore perpetuæ Virginis *Maria* dedicata, à Canonicis Ordinis S. Augustini dignanter incolitur.

f. \* Theodorica,

*De constructione Castri, quod Altrapetra dicitur, iuxta Med-  
ianum Monasterium.*

C A P V T XXV.

**A**nno Domini MEXCIII. *Albertus* Miles, dictus primò de Parreia, Castrum in rupe, quæ Altrapetra dicitur, crexit. Et anno MCCX. à *Matthæo* Duce Lotharingiæ ob-

Sf iij


festum, ab octauis Pentecostes vsque ad natiuitatem *B. Mariae*, tandem captum & dirutum est.

*De interfectione Ciuium Metensium à Comite Barrensi.*

CAPVT XXVI.

**A**Nno Domini MCVIII. interficiuntur ciues Metenses ab exercitu *Regnaldi* Comitis Barrensis apud Tyreium tempore *Stephani* Episcopi eiusdem ciuitatis. Sequenti anno dedicata est Ecclesia *B. Mariae* hoc in loco sub Abbate *Humberto* Senoniensi, cui successit *Bernardus* Abbas anno Domini MCLX. Huius Bernardi tempore Senoniensis Ecclesia quemdam Prioratum in Burgundiae partibus, in Diocesi Bisuntinensi possidebat, quem à priscis temporibus adquisierat, qui dicebatur Sales, & alio nomine Mansus S. Benedicti. Tempore huius Bernardi, vt dicitur, venundatus est, nescio pro quanto tempore, vel quare. Et quia de illo nihil reperi, nihil dicere volui. Idem verò *Bernardus* Abbas cum Ecclesiam Senoniensem rexisset ix. annis, migravit à saeculo. Cui *Gerardus* successit anno Domini MCLXVIIII. Hic de Valle S. Deodati fuit oriundus, de militari quidem genere, sed S. Arnulphi Metensis Monachus: ibique sumptus, quia bonae conuersationis & moribus honestis habebatur, huic loco praeficitur. Qui secundum tempus bene rexisset, nisi parentibus suis Ecclesiam hanc nimis onerasset. Parentes nempe sui res Ecclesiae minus prouidè dispergebant: vnde Monasterium ultra modum laedebatur, nec Abbas ipso à sua vita pessima auertere quibat, vnde contigit eos captiuari. Quod cum vidisset Abbas, tanto pro parentibus est dolore percussus, vt postquam vno & triginta annis hanc rexit Ecclesiam, dignitatem resignauit: & loco cedens, ad Cellam Leonis-montis se transtulit: ibique paucis superuiuens annis diem clausit extremum, ibique fertur esse tumulatus. Cui *Theodoricus* successit, vir simplex & honestae vitae: qui tamen Abbas fuit benedictus, & à Pascha vsque festum S. Simeonis sedit, & resignauit; & in cella S. Christophori penes vicum commoratus, ibidem vitam finivit, ibique sepultus est.





## LIBER III.

### DE ELECTIONE MAHERI

*Præpositi S. Deodasi ad Episcopatum Tullensem.*

*Et de depositione eius.*

#### CAPVT I.

**I**N illis diebus erat vir *Maherus* nomine, Imperiali & Ducum prosapia procreatus, vir satis in principio sui modestus, elegantis formæ, & beneplacens, Ecclesiæ S. Deodati Præpositus. Episcopo igitur Tullensi defuncto idem vir *Maherus* Episcopatus Tullensis cathedram suscepit. Cuius regiminis tempore *Cono* quidam de Danubrio Sacerdos, quia ditissimus esse credebatur (vacillabat enim Ecclesia hæc inopiâ) propter suæ tantum earus ad hanc regendam domum Pastor futurus à Fratribus eligitur, Regulæ B. Benedicti ignarus, totus secularis moribus & actu: in quo nullæ erat ordinis fiducia, sed credebatur huic loco diuitijs suis posse subuenire. Sed quia erat totus mundanis rebus implicitus, regularibus disciplinis se minime conformare valebat. Accipitres suos, sicut prius, in Claustro, in choro, non cucullatus portabat: alumni & familiæ, prout solebat, prouidebat. Attamen, prout credebatur, huic loco nihil profuit. Nec mirum, quomodo sciret præesse, qui nunquam nouit? Quis docere potest quod non didicit? Qui Magister erit, qui nunquam discipulus exitit? Ita præcipitantur ab insensatis honores. Quid plura? Quinque annis talis Abbas hanc rexit Ecclesiam. Interea cum hæc ita se haberent, Episcopus *Maherus*, de quo superius mentionem fecimus, à Canonicis suis Tullensibus trahitur ad iudicium, vocatur ad Iudices, accusatur, de Episcopatus dilapidatione arguitur, nec tamen causa per Iudices valet terminari. Ad Papam, qui tum *Innocentius* rex-

tius erat, appellatur. Archidiaconus quidam, *Fridericus* nomine cum alijs Papæ se præsentat. Episcopus verò iter arripiens venit Sutrium ad xxx. prope Romam milliaria. Aduersarij instant, quia dies appellationis transierat. Papa differt, quia parcere volebat: asserebat enim eum se scire venientem. Episcopus verò de salute sua desperans, retrogrado se committens itineri, ad partes istas infoelix reuersus est. Aduersarij verò eius Papam vrgentes, cum Papa eum audisset repatriasse, contra eum, licet inuitus, tulit sententiam. Episcopus verò sciens contra se datam esse sententiam, bannum Bodonis Monasterij Duci Lotharingæ *Frederico* fratri suo titulo pignoris se obligare simulauit: terra verò illa Bodonis Monasterij iure hæreditario ad Episcopatum Tullensem pertinere dinoscitur. *Fridericus* igitur Dux vt vidit quia non sine peccato ipsam posset retinere terram, illam cuidam Abbati *Altæsylæ* Cisterciensis Ordinis, qui eidem Duci satis familiaris erat, eodem iure, quo ipse eam possidebat, habendam tradidit. Cum ergo Abbas ille terram aliquanto tempore tenuisset, timuit ne propter hoc ab Episcopo Tullensi molestaretur, ipsam possessionem cuidam Balliuo Comitis *Henrici* de Salmis, qui *Matheus* de Blammont dicebatur, nescio quo pacto habendam contulit. Et ita ille eam possedit vsque ad *Fridericum* filium dicti *Henrici* Comitis de Salmis totum bannum de Bonmonstier, ita enim vulgo appellatur, de quo nos loco suo loquemur postea. Amoto igitur *Mahero* ab amministratione Tullensi, *Regnaldus* successit, filius Pincernæ Regis Franciæ qui dicebatur de Sanlize, nobilis vir benèque morigeratus. *Maherus* quoque ad Præposituram suam ad S. Deodatum est reuersus.

---

*De eodem Mahero Præposito, & filia eius, & vita eorum.*

## CAPVT II.

**I**Ta verò *Maherus* Præpositus ædificauit domum inter duo Monasteria de lapidibus turris S. Deodati quæ lapsa erat. Habebat enim filiam iuuenem & satis formosam, quam de quadam Sanctimoniali Spinalensi genuerat, ipsam in domo,  
inmensa

in mensa, & ut dicebatur, in lecto assidue habebat: de qua etiam filios dicitur procreasse. Cumque *Fridericus* Dux frater eius, audisset fratrem suum talem ducere vitam, venit ad eum, & dixit ei: Quare ita impudenter seipsum & totam suam progeniem ita cum sua filia dehonestaret. At ille dixit non esse filiam suam. Dux respondit: Nunquid matrem cognouistis? & tam enormiter cum matre & filia vultis rem habere? Ille verò confusus nihil respondit. Dux verò iratus accepit eam, & misit eam in compedibus in Castro Bernestim in Alsatia, quod filius eius *Theobaldus* habere dicebatur, quia mortuo Comite de Dasporch idem Dux filiam eius filio suo acceperat in uxorem, ut ei idem Comitatus cum uxore proueniret, quod & ita contigit. Maherus verò Præpositus S. Deodati antea anno Domini MCCIII. tempore *Simonis* Ducis patru sui Castrum erexerat in quadam rupe penes montem, qui Clarus-mons dicitur, in valle S. Deodati, pro quo tota vallis illa ferè destructa & malè tractata fuerat. Sed non diu durauit, quia consilio *Friderici* postea Ducis Lotharingæ, & etiam patris ipsorum *Friderici* de Vites, & aliorum prudentium virorum disruptum fuit: & ita pace ordinata quisque reuersus est ad propria. Præpositus verò Maherus, quia Dux Simon tempore guerræ domum, de qua supra diximus, funditus euerterat, & meritò, quia de lapidibus Monasterij extitit facta, & in atrio Ecclesiæ in ipsa domo multa inutilia acta sunt, quia cerum non habebat receptaculum, per montes & nemora cum canibus venatoribus quotidie discurrebat, & præcipue in Claromonte, ubi eum antea diximus castrum erexisse. Habetur enim in summitate illius montis Ecclesia in nomine B. Mariæ Magdalene constructa, cum suis officinulis, solitarijs apta. Ibi idem Præpositus Maherus conuersabatur plurimum.

---

*De interfectione Renaldi Tullensis Episcopi ab eodem Mahero.*

C A P V T III.

**C**ontigit igitur non multo tempore post *Renaldum* Episcopum Tullensem, de quo superius dixi, ad partes  
T r

istas causâ visitationis deuenisse. In festo quippe S. Paschæ ad Monasterium S. Saluatoris in Vosago ad festum ibi celebrandum peruenit. Cûmque illa die ibidem festiuitatem peregisset, ad Claustrum hoc Senoniense deuenit. Comitabantur verò honesti Clerici & viri religiosi, de quorum societate gaudebat, cum eo. Eadem quippe nocte sequente Paschæ diem, quidam spiculatores missi aduenerunt, quorum vnus Clericus erat, alter verò laïcus. Clericus postea sacerdos effectus est & ipse diues. Hi duo à Mahero Præposito missi sunt, vt Episcopo insidiarentur. Hi ea nocte qua Episcopus apud Senonias pernoctauit, in camera Abbatis comederunt, & mane sine licentia recesserunt. Episcopus verò Tullenfis Renaldus sequenti feriâ secundâ, Missâ cantatâ, facto prandio cum suis, ad Medianum-Monasterium peruenit, & ibi modicum demoratus, per Struagium transiens ad Claustrum Alteriacense properabat. Ibi enim ipsa nocte pernoctare volebat: cûmque quamdam vilulam, quæ Berguncia dicitur, pertransisset, venit ad quemdam locum arctum, vbi ex vna parte viæ mons cum nemore denso habetur; ita vt vix quispiam per montem illum eques transire valeat: ex altera verò parte viæ palus profunda cernitur cum arboribus. Idem Præpositus cum suis frutices & cæteras arbores in ipso loco ex vtraque parte viæ obruerat ad spatium occupandum, ne quis extra viam eques vel pedes transire valeret: via enim tam arcta est, vt vix currus per eam duci possit. Circa illam quippe viam idem Præpositus S. Deodati insidias parauerat. Cûmque Episcopus Renaldus ad locum illum cum suis peruenisset, illi de insidijs salierunt: Abbatem S. Mansuesi Stephanum virum honestum de equo projecerunt, qui etiam despoliauerunt eum, & plagis impositis in via dimisso, similiter alios spoliauerunt; & quibusdam vulneratis venerunt ad Episcopum ipsum; etiam despoliauerunt, & inhonestè tractauerunt eum. Tandem vnus eorum Ioannes nomine iuuenis, seruus filix Præpositi Maheri (ipsa enim, vt fertur, illi seruo præceperat, vt si ad Episcopum veniret, quomodo ipse cum eo ageret, vt gratiam suam retineret, viriliter laboraret) quod & fecit: Arrepto quidem cultello, quem penes se habebat, Episcopum

ter in tribus locis cultro perfodit, in pectore, & bis à tergo, & mortuum secus viam dimisit. Ita cum & omnes quotquot de comitatu suo habere potuerunt, spoliauerunt, & ipsum nudum, quod nefas est dictu, in palude iuxta viam & mortuum reliquerunt. Et ita perpetrato illo nefario facto recedentes domino suo Præposito in equo balistam in manu tenenti obuiauerunt. Qui inquirens quid fecerant, duxerunt eum ad locum ubi Episcopus mortuus & nudus jacebat: qui cum illuc deuenisset, aliquandiu Episcopum intuitus est, ut videret si quoquomodo adhuc in ipso vitalis calor haberetur: videns ergo quod non moueretur, versis retrò habenis eum suis satellitibus abiit in montana. Fuerunt enim cum eo quidam Clerici, ex quibus vnus Sacerdos erat nomine Terricus de S. Deodato, & plures alij. Sed ut vindicta Dei pro hoc enormi commisso in ipsis perpetratoribus cœlitus illata non regatur silentio, finem quorundam ipsorum, pro ut potero, aperiam.

Sacerdos verò ille Terricus, de quo superius mentionem feci, videns quod factum fuerat, & loco remanere formidans, secessit ad partes Polaniz, & domino terræ se inferens, dixit se esse cognatum suum: mater quippe Præpositi dicti Maheri, filia domini terræ Polaniz extiterat. Cùmque dominus Polaniz audisset illum esse suum cognatum, libenter eum retinuit. Ille verò Terricus sacerdos dixit se esse militem: erat enim homo satis formosus, validum habens corpus & membra; ita ut personæ elegantia fidem eius daret militiæ. Ipse vero Terricus talem in militia se exhibuit, ut dominus Polaniz quamdam nobilem mulierem illius terræ ei in matrimonium iungeret. Ille verò cum eadem muliere pauco viuens tempore, in prælio interfectus occubuit. Et ita ille militiâ Dei spretâ, terrenæ se iungens, miserabili fine vitam finiuit. Alter verò Cono Clericus, quem insidiatorem Episcopi supra notauimus, postea à quibusdam crimine notatus, Monachum se vouit futurum. Sed facta dictis non compensans, seculo potius viuere maluit quàm Deo. Talis itaque ad sacros ordines astutiâ propriâ promotus, tandem Presbyter factus est, deinde Senator, id est Decanus Christianitatis Vallis S. Deodati effectus, ditissimus, & plenus

Tt ij

omnium bonorum terrenorum fuit. Cùm igitur diu putaret in tali felicitàte vivere, subitò quadam nocte cùm se cubitum dedisset, spiritum reddidit, & ea quæ præparauerat, nescientibus se reliquit; & in hoc vindicta Dei apparuit. Alter igitur laïcus, qui Episcopum interfecit, Ioannes à spiritu immundo correptus, & diu miserabiliter vexatus, seipsum morsibus lanians, tandem miserum efflauit spiritum; & ita isti tres mala morte multati sunt, quia noluerunt pœnitere, vitam æternam perdiderunt. Alij quippe, qui in malitia sua gloriabantur, vel paupertate angustiat, vel infirmitatibus, vel infortunijs temporalibus atriti, delictorum suorum pœnas exsoluerunt. Alij quoque qui sanioris consilij extiterunt, Romam adierunt, à Domino Papa tunc Innocentio tertio absoluti, pœnitentes euaserunt: quod si ita non pœnituisent, credo quòd illorum sequuti fuissent vestigia. Nunc igitur ad sæpè memoratum Maherum Præpositum S. Deodati reuertamur.

---

*Quòd idem Maherus apud Castrum quod Bilestein dicitur aliquo tempore habitauit: Et de morte eius.*

#### C A P V T IV.

**D**ictus quidem Præpositus Maherus perpetrato tali, sicut dictum est, scelere, non se loco credens abiit ad Castrum quod Bilestein in Alburijs appellatur, quod est domini de Horborg. Ibi enim habebat milites qui ei familiares erant, cum quibus ad tempus habitauit. Detulit enim quicquid Episcopo abstulerat, faumarios, scrinia in quibus Episcopalia, oleum sacrum, chrisma, & sandalia ferebantur, & in eodem Castro reposuit, quæ ego proprijs oculis vidi. Sequenti igitur Pentecoste idem Maherus audiens quòd nepos suus Theobaldus Dux Lotharingæ apud S. Deodatum solemnitatem ipsam cum magno militum comitatu celebrare decreuisset, aduenit, non tamen in palam, non enim se illis credebatur: Audierat enim quòd parentes dicti Episcopi Renaldi dicebant ipsum Episcopum de consensu Ducis

fore interemptum: unde Dux valde dolebat. Et propter hoc Maherus Præpositus ante nepotem suum venire non apdebat. Et quia aliàs in valle nullum securum habebat reclinatorium, ad Clarum-montem vbi & esse solebat, ascendit, ibique quaecunque festum cum paucis celebravit. Pauco dico, quia pro eius infortunio iam eum omnes aspernabantur: Eadem quippe die Pentecostes clanculò ad S. Deodatum veniens, quibusque fidelibus suis apparens, ab eis inquisiuit vtrum se cognato suo Duci Lotharingæ præsentare ad veniam petendam auderet: audiuit quòd non. Et quia ei dictum est, mors Episcopi ab amicis suis improperabatur, ipse Dux animam eius quæreret. Ille verò hæc audiens, inde recedens ascendit in montem vbi commorari solitus erat; Dux verò Theobaldus pro solemnitate Pentecostes apud S. Deodatum peracta, feriâ tertiâ Pentecostes inde discedens, assumpto secum quodam nobili *Simone* milite de Iunville, equos ascenderunt, & per Bellummontem ad Villam *Norpateglize* dictam venire volentes, in quodam ibi fluente riuulo venientes; & ecce Præpositus Maherus apparuit eis, veniens obuiam eis. Quem cum Dux Theobaldus vidisset ira accensus, dixit illi militi qui cum eo equitabat: Si me, inquit, diligis, perfode istum lanceâ quam tenes. Absit, ait, a me, quòd vnquam talem ac tantum virum interficiam. Quo audito Dux acceptâ lanceâ de manu militis Præpositum petijt. Ille verò cum videret cognatum suum ad se iratum venire, flexo genu misericordiam deprecabatur. Dux verò nihil horum animo concipiens, demissâ lanceâ ipsum Præpositum suum patrum per pectus transuerberatum interfecit, quo factò inde recessit. Quidam verò superuenientes, ipsum in riuulo jacentem repperunt mortuum, & cum inde tollentes ad S. Deodatum detulerunt. Et quia talem meruit habere exitû, nec ei sepulturæ humanitas fuit iudicata; sed ad locum quem viuens frequentauerat delatus, scilicet Clarum montem, sub tecto Ecclesiæ B. Mariæ Magdalenæ exterius in quodam vase ligneo appensus aliquanto tempore permansit. Tandem, vt fertur, in quadam fossa, vbi feræ sylvarum præcipitata capi solebant, ipse Præpositus lignis & lapidibus tectus talem meruit sepulturam. Et

T t iij

ita Episcopus quem interfecerat, ad locum suæ conuersationis, id est ad Tullensem Ecclesiam delatus, honorificè est sepultus. Interfecto verò eiusdem Episcopi, ad eum quem incoluerat locum, vt supra dictum est, deportatus, etiam catholica caruit sepultura. Filia verò eius Aledis, de qua prædiximus, tandem cuidam balistario de Gilberti-villa in matrimonium iuncta, cum viro suo Alemaniā petijt, & apud Castrum quoddam Imperatoris Croneberch nomine paucò tempore manens tandem mortua, vix sepulturam Ecclesiasticam habere meruit. Et ita pater eius Maherus & ipsa filia, & mortis Episcopi cooperatores, sui laboris meritum Dei iudicio receperunt.

---

*De Philippo Rege Franciæ, & prudentia eius in iudicando.*

C A P V T V.

**C**irca tempus verò illud præfuit Rex magnificus in Regno Franciæ *Philippus* nomine, qui præ consortibus suis adiudicia discernenda, vt de Salomone legitur, valdè discretus erat. Et quia eius actus multis scientibus valere credo; pauca de multis, quæ à veridicis relatoribus didici, breuiter annotare curabo. Fuit igitur sub eodem Rege quidam Ballius valdè locuples & astutus, qui quemdam militem vicinum domui suæ habebat, cuius domui vinea iuncta erat, quæ dicto militi valdè cara habebatur. Ballius verò idem vineam ipsam, quia eius domui erat contigua, ultra modum concupierat, & ipsum militem vt ei ipsam vineam venderet, pluries conuenerat, nec impetrare potuerat. Rogabat enim idem multo precatu Ballius militem, & coram conciuibus suis, vt quantum pretij pro ipsa vinea vellet, acciperet. Ille è contra affirmabat constanter se nunquam pro aliquo precio vxorem & filios exhereditare posse. Ballius verò, quā poterat intentione vt ipsam vineam habere posset, machinabatur. Accidit igitur vt miles ille moreretur, & in cæmeterio ritè sepeliretur. Audiens



igitur ille Ballius, quia miles ille defunctus esset, quoddam mirabile dictu pro vinea illa habenda excogitauit. Petiit quippe forum ciuitatis, vbi sciebat diuersarum gentium mangones aduentare. Considerans enim huc & illuc, tandem vidit duos viros robustos vagos, & valdè corpulentos, qui si vestiti fuissent (erant enim ferè nudi) satis honesti viderentur esse. Quos Ballius accersitos duxit eos in domum suam, & ita eis loquitur: O viri, si consilijs meis acquiescere velletis, ego de meo vobis tantum darem, quòd bene paupertatem vestram releuare possetis: Videmini enim satis honesti & corpore & moribus. Illi verò audientes quod desiderabat, promiserunt se omnia facturos pro illius voluntate. Ballius verò nocte sequenti assumptis secum illis duobus viris, datis vestibus satis honestis, calceamentis & pecunia, ad tumultum vbi miles ille sepultus erat peruenit; & instrumentis quæ secum attulerant sepulchrum aperit, & militem qui rigidus erat supra pedes suos erigentes, Ballius quasi viuus esset alloquitur: Ecce, ait, multo tempore pro vinea tua te rogavi vt mihi eam venderes, & adhuc coram istis viris, qui mecum sunt, supplico vt mihi eam modo emptionis permittas habere. Cui ille nihil quia mortuus erat respondere poterat. Ad hæc vnus illorum duorum qui secum venerant, respondit: Nunquid sæpiùs audisti: qui tacet, laudat? Iste bene creantare videtur mercatum. Da ergo palmam, quia certum nobis est quia non contradicit, immò ferrum \* hoc permittit fieri. Bibamus ergo læti boueragium, (attulerant enim vinum secum) ad hoc mercatum confirmandum. Expleto igitur tam execrabili mercato, militem in fossa reposuerunt; & eum vt priùs erat, terrâ cooperuerunt. Et ita peracto tali scelere ad domum Ballii reuersi sunt. Mane autem facto Ballius vocatis operarijs: conduxit eos in vineam illam. Relicta verò militis, cuius erat eadem vinea, videns operarios Ballii in vineam suam venit vltra modum irata ad Ballium; & scrutans quid hoc esset, audiuit à Ballio vineam illam sibi à viro suo milite venditam esse.

Illavero hæc audiens valdè ingemuit, & quasi fera agilis Regem Philippum adiit, & ei inquietationem Ballii,

quam pro vinea sua patiebatur, gemens & suspirans aperuit. Rex verò quia idem miles suus dùm viueret exstiterat, sciensque se orphanorum & viduarum esse defensorem constitutum, vocat Ballium ad se. Ille verò veniens adduxit secum illos duos testes, qui secum ad mercatum illud vineæ factum, fuerant: se Regi cum ciuium suorum & aduocatorum pompa præsentauit. Vidua verò relicta militis, quia suum amiserat Aducatum, cum paucis, vt moris est pauperum, se etiam Regali præsentauit Curia. Rex verò Ballium satis modestè alloquens inquisiuit, quare mulieris vineam occupasset. Ille verò vt erat affabilis colloquio, dixit se vineam illam à milite viro illius mulieris sub testimonio prudentum virorum legaliter emisse, asserens per testes idoneos se probaturum. Cui mulier respondit se nunquam venditionem illam vidisse, vel audisse. Rex verò audiens & Balliui responsum, & mulieris allegationem, inquisiuit à Balliuo qui essent testes per quos ista probare volebat. Ille obtulit illos duos viros qui secum facti conscij erant. Quibus Rex ait: Nunquid vos estis qui huius rei testes estis? At illi se vidisse rei gestæ seriem asseruerunt. Videns igitur Rex illos satis corpulentos & benè vestitos, credidit eos viros iustos & approbatos esse. Considerauit enim Rex viduam illam contra Ballium illum, qui cum magno comitatu & talibus testibus ad se venerat, causam suam non posse defensare, ad iudicium confugit Danielis. Vocato quippe vno illorum duorum testium, secessit seorsum in angulo Palatij, ita vt ab omnibus audiri & videri potuisset. Alloquens verò illum testem quem secum tulerat, ait illi: Amice, tu videris esse sapientior socio tuo, & propterea te priorem vocaui: Sed antequam te de alijs interrogem, dic mihi quod melius est, scis tu *Pater Noster*? Ille verò admirans, ait: Non credo esse Christianum qui Dominicam orationem ignoret: & si tu scis eam, dicas. At ille cœpit dicere: *Pater noster qui es in cælis*. Rex verò exaltans parùm vocem, vt hi qui in Palatio erant audire eum possent, dixit: Per lanceam S. Iacobi (sic enim iurare consueuerat) tu verum dicis. Et iterum, scis de ista oratione plus? Ille ait, scio. Rex ait: Die ergo totum. Ille persecutus dixit: *San-*  
*ctificetur*

*edificetur nomen tuum, adueniat regnum tuum.* Rursus Rex alta voce dixit: Per lanceam S. Iacobi nunquam aliquis tam vera dixit. Illi verò qui in Palatio erant credebant Regem rei processum inquirere: Ita & socius illius credebat. Iterum Rex interrogauit eum; Dicas totum quod scis. Ille autem totam orationem illam explicauit. Rex verò ait illi: Vade, quia veram veritatem mihi dixisti, & non es mentitus, scias te meam gratiam obtinuisse. Et iussit illum in quadam camera includi. Et aduocato alio dixit: Frater, vide ne mihi mentiaris, quia socius tuus tam verum mihi dixit, sicut *Pater noster*. Ille verò hæc audiens credidit à suo socio Regi cuncta quæ acta fuerat de milite mortuo retulisse: Et corde hæsitans nihil dicebat. Rex verò eum sollicitans hortabatur vt ei veritatem puram diceret, sicut socius eius dixerat, qui ei tam verum dixerat sicut *Pater noster*: & noli, ait, timere, quia si mihi similiter verum dixeris, nullum malum patieris. Ille verò putans Regem factum non latere, dixit: Verè, Domine mi Rex ita se res habet sicut ille meus socius dixit. Rex verò dixit: Scio quia socius tuus mihi vera retulit: vide & tu quòd non mentiaris, audiam si verba vestra concordant. Ille verò Regi ita omnia de verbo ad verbum retulit, sicut & acta fuerant, vt supra scriptum est. Rex verò vocans alium, qui ei *Pater noster* dixerat, dixit ei: Tu interfuisti vbi miles ille de sepulchro leuatus fuit, & quomodò Ballius cum eo mortuo egit, & quod vineam cum eo emit, & quod boueragium ibi bibitum fuit, & hoc factò eum reposuistis in sepulchro; & ita Ballius habet vineam, & de his omnibus vos estis testes. Ille verò qui *Pater noster* dixerat, cū audisset quia Rex factum ita recitauerat, timens offensam Regis incurrere, omnia sicut Rex dixerat, asseruit.

Quod audiens Ballius vltra modum admiratus est, quomodò vel qua sagacitate Rex ab ipsis viris rei veritatem extorserat, & obstupuit. Rex verò ait illi: Nunquid tu, miser, negotiorum meorum, & totius territorij Parisiensis post me eras Ballius, & tibi diuitias magnas & largissimas possessiones inde acquisieras, vnde tibi necesse erat quia tantillum vineæ istius mulieris habere voluisti? præsertim cū tu ei

potius quæ nuper viduata viro suo erat, dare quàm auferre debuisses? Enimverò quia in tam enormi facto nec Deum timuisti, nec hominem veritus es; sufficiat tibi si vitam tibi donauero, cum te potius supplicijs tradere, quàm parcere debuissem. Vade, & sicut in præsentia mea stas, cum baculo tuo & vxore & filijs egredere de Regno Franciæ, nihil præter peccatum tuum portans, nec infra Regni mei fines in totavitâ tua inueniri valeas: quia si inuentus fueris, tu patibulo appensus dura morte & pudenda vitam miserabiliter finies. Deinde illi nobili mulieri viduæ dixit: Vade, & assume tibi de militibus meis, vel ciuibus istius ciuitatis quos volueris, quibus præcipio vt te ad domum illius nefarij Balliui perducant; vt sicut ipse te tua vinea impiè spoliare conatus est, ita & dicti milites te in possessionem illius domus, & totius hæreditatis suæ, nec non & omnium rerum suarum auctoritate mea introducere procurent: ita vt ille miser factorum suorum pœnas exsoluat, & tu de hoc beneficio à nobis tibi iudicialiter collato, dolorum tuorum & luctus tui consolationem recipere merearis. Ita altissimus redditor Deus per famulum suum hunc Regem Franciæ Philippum diuersa vtrisque intulit stipendia meritorum. Hæc de ipso Rege ad presens dicta sufficiant, quia de reliquis actibus suis & obitu postea aliqua referemus. Et quia de fundatione huius nostræ Senoniensis Ecclesiæ & successione Abbatum nostrorum, vel eorum operibus, narrationem nos continuare promissimus, licet ab ipsa materia aliquantulum digressi simus, tamen ad narrationis seriem redeamus.

---

*De electione Henrici Abbatis huius loci Senoniensis.*

#### C A P V T VI.

**A**Nno Domini MCCII. *Henricus* huius loci Monachus succedendo Cononi, vt prædiximus, de Clero assumpto ordinis & regulæ S. Benedicti ignaro subitò Abbate electo, & ab hac vita substracto, huic nostro Monasterio præficitur; qui in introitu suo multa aduersa à Monachis huius loci passus est: sed à Comite *Henrico* Albimontis aliquandiu se-

data, sicut postea suo loco hæc, & alios actus eius, & alia quæ temporibus suis acta sunt, huic paginæ annotare curabimus.

*De Friderico Imperatore, & Alexandro Papa, quo tempore schisma fuit.*

C A P V T VII.

**F**Vit ante illos dies quidam Imperator *Fridericus* nomine, Dux Sueviæ, de cuius genere nemo antea Imperator extiterat. Fuit enim tempore *Alexandri* Papæ. Qui ita immoderate Ecclesiam impugnare cœpit, ut patrimonium B. Petri, vbicunque reperisset, sibi vſurparet, & suæ subderet iurisdictioni. Vnde & ab ipso Alexandro Papa III. cum omnibus fautoribus suis excommunicatus est. Qui cū videret se ab aliquibus propter sententiam Papæ evitari, ad augmentum suæ malitiæ, quia ei omnes Principes, & ferè omnes Archiepiscopi, Episcopi, & omnis reliquus Clerus applaudebant, sibi Papam constituit, & ei apud Mediolanum sedem statuit; ita ut omnis Clerus & alij dicto Imperatori fauētes dicti falsi Papæ curiam frequentarent, & quidquid Papa Alexander ligabat, ille absoluebat; quidquid ille excommunicabat, iste soluebat: Archiepiscopos, Episcopos, & vniuersum Clerum ab honoribus & beneficijs, quando & quomodo volebat instituebat, & destituebat: & Imperator cum eodem misero Papa dictum Papam Alexandrum tam immaniter oppressit, ut Romana sede derelicta ad partes Franciæ exulare cogeretur. Rex verò Franciæ cum tota illa Occidentali Ecclesia, ipsum Papam cum tanta lætitia & exultatione suscepit, ut ipsum in partibus suis, omnibus diebus, si liceret, remanere desideraret. Archiepiscopi verò, Episcopi, ceterique Clerici iurisdictionis dicti Imperatoris, ad nutum sui Papæ non ad sacros, sed sacrilegos ordines dicendos promouebantur. Cūque idem putidus Papa tanto fastu elatus se crederet longo tempore tantæ potestatis, rumpuntur fila fororum, dira febre corripitur, digna morte mulctatur, &

V u ij

pro Pontificio sacrilego tam paruo tempore habito Pontifex principis inferni Sathanæ efficitur, non vt potestatem aliquam ibi exerceat, sed vt dignas meritorum suorum pœnas miserorum miserrimus sine fine recipiat. Fertur enim idem Imperator Fridericus ad culmen suæ dementiæ duos alios post istum Papas creasse, qui simili infortunio sicut & primus superuiuentes paruo tempore ad tartara migrauerunt.

---

*De pœnitentia dicti Friderici Imperatoris, & de concordia inter ipsum & Ecclesiam facta.*

### C A P V T VIII.

**V**Idens igitur Imperator *Fridericus* iudicium diuinum suæ potestati præiudicare, quia dictus *Alexander* Papa prouectæ ætatis, immò certè decrepitus adhuc superesset, & sui Papæ nondum suos dimidiaissent dies, immò iuuenes ad inferos descendissent, pœnitentiâ ductus ad vbera misericordissimæ matris Ecclesiæ confugit, Papam Alexandrum quantocyùs ad sedem Apostolicam reuocauit, indulgentiam postulat, certum se pœnitentem demonstrat, de malefactis suis pœnitentiam sibi iniungi desirat; Papa verò à sententia in ipsum lata misericorditer absoluit, & pro delictis suis viam sancti sepulcri iniungit, & statim eum cruce signauit. Imperator verò Papam pro sequacibus suis vt absoluerentur implorauit; qui eos absoluit, & qui ad hoc idonei erant cum Imperatore transfretare præcepit. Archiepiscopi verò, Episcopi, Abbates, cæterique Clerici tempore schismatis ordinati, omnes officio suo caruerunt, nec de cætero promoueri potuerunt; excepto solo Notario ipsius Imperatoris, qui pro eo Papam deuotè rogauit, & ipse gratiam habere meruit. Imperator denique exercitum magnum sibi coaceruans, promissum iter adimplere cupiens, ad partes Siciliæ cum comitatu suo adueniens, vnâ dierum cum quemdam pedes transire veller, quem quilibet transuadere poterat, nescio quo occulto iudicio Dei in fluuiolum lapsus aquis

suffocatus interiit. De sacerdotibus & Clericis qui tempore illius schismatis ab officijs suspensi sunt, nos tempore nostro plures vidimus & cognouimus.

---

*De Henrico filio dicti Friderici, & de morte eius  
immatura.*

C A P V T IX.

**F**ridericus verò Imperator adhuc viuens *Henricum* filium suum in Regno sublimauerat; qui satis aptè quoad vixit Imperatoria gubernacula gubernauit. Sed non diu superuiuens, dignitatem cum vita perdidit sibi tamen paruulum filium in Apulia relinquens: quem, quia pater eius à Baronibus illius terræ exosus extiterat, quidam Episcopus illius regionis furtim sublatum in quodam domicilio suo occultè nutriuit, timens ne fortè ab incolis terræ inuentus ipse puer occideretur.

---

*De Philippo Rege fratre Henrici Imperatoris, & Othone  
Imperatore aduersario eius.*

C A P V T X.

**D**ictus verò *Henricus* quemdam habuit Fratrem Ducem Sueuiæ, nomine *Philippum*, quem Barones Alemanniæ in parte sibi Regem constituerunt, alij verò Principes inferioris Alemanniæ quemdam nobilem virum *Othonem* nomine de Brunsvich, quia consanguineus Regis Angliæ erat, in Regem sublimauerunt: & ita inter duos Reges aliquandiu conflictus durauit.

*De morte Philippi Regis Sueviae.*

## CAPVT XI.

Contigit igitur quemdam virum nobilem, qui Comes erat Palatii, qui dicebatur de Vvitelspach, *Philippum* adiisse Regem, rogans eum, vt ei filiam suam quam habebat elegantis formæ, daret in vxorem. Cui Rex quia adiutorio indigebat, filiam pollicitus est ei dare, sed distulit. Ille verò importunè instabat, vt Rex promissa impleret. Accidit autem vt Rex Philippus ad ciuitatem Spirensensem veniret, & ibi causâ quietis cum *Conrado* eiusdem ciuitatis Episcopo, postea Metensi Pontifice facto, aulæ Cancellario Imperialis, sibi sanguinem minueret. Cùmque quadam die in camera quadam ad confabulandum soli residerent; ecce vir ille nobilis, qui filiam Regis postulauerat, ad ostium cameræ pulsatus, intramittitur, Regem sic alloquitur: Quandiu, inquit, vxorem mihi promissam detinebitis? Rex ait: sustine, ô mi amice, quousque dies minutionis meæ expleti sint, & promissa dabo. Ille autem vt erat animo furibundus, iratus responsis foras exiuit, & diu secum, animo decertans, iradicuissas ad thalamum repedauit. Habebat enim, sicut moris est Theutonicorum, gladium sub axella, & intrans cameram dixit Regi: Vt video, diu ego promissa vestra expectabo: hoc dicto, euaginato gladio eum percussit in capite, ita vt caput eius in duas partes diuideret vsque ad scapulas, quarum vna in gremio Episcopi cadens magnum ei horrorem incussit. Episcopus verò quamcitò surgens, quamdam intrauit cameram. Ille verò facinore tanto peracto, equum ascendens ad sua reuersus est.

---

*Quòd filia ipsius Regis Philippi Regi Hispania fuit nupta:  
Et de acquisitione ciuitatis & patriæ Cordubæ.*

## CAPVT I.

Post non multum verò temporis spatium Nuncij Regis Hispaniæ postulauerunt Regis Philippi filiam Domino



suo dari in vxorem, quod & factum est. Rex verò Hispaniæ ex ipsa genuit filium. Idem verò Rex collecto exercitu ad regionem Cordubæ peruenit; quæ regio adhuc ritu detinebatur gentili, quam regionem, vt fertur, ipse Carolus Magnus tempore suo domare nequiuit. Ciuitatem verò Cordubam dictus Rex Hispaniæ obsedit, & nutu diuino eam expugnauit, & obtinuit; & quandiu vixit, cultui Christiano subiugauit. Mortuo verò eo filius eius de filia Regis Philippi, ei in Regnum Hispaniæ successit, qui patrixare volens, collectis secum agminibus pugnatorum, supradictam regionem Cordubæ intrauit, & Sibiliam, quæ erat illius terræ munitissima ciuitas, expugnauit, & alias xvi. ciuitates acquisiuit, & interfectis, aut expulsis, vel captis vniuersis illius patris Sarracenis, Christianitati subegit, quas & adhuc decem & octo ciuitates cum oppidis & castellis vniuersis illius terræ munitionibus idem Rex possidet. Sed ad Regem Othonem Alemanniæ stylum reducamus.

---

*De promotione Ottonis in Imperatorem, & de infortunio quod ei apud Brisach euenit.*

### CAPVT XIII.

**A**Vdita igitur Rex *Otto* sui aduersarij Philippi Regis morte, assumptis sibi illius terræ Primatibus, Alemanniæ terram sibi subiugauit, quia non erat qui resisteret. Inde progressus cum exercitu suo Romam profectus est, præeunte cum tamen *Conrado* Episcopo Spirensi, Imperialis Aulæ Cancellario, in omnem ciuitatem & locum quo erat venturus, qui vbicunque veniebat, cum exultatione recipiebatur. Veniens verò Romam, quod inauditum erat, à Papa & Romanis sine bello vel aliqua sanguinis effusione, quod nunquam prædecessoribus suis concessum est, cum exultatione recipitur, & ab Innocentio Papa *III.* inunctus, in Imperatorem Romanum sublimatur. Sed statim postquàm sceptræ Imperialia suscepit, Ecclesiam impugnare cœpit,

patrimonium IESU CHRISTI & B. Petri Apostoli inuasit, diripuit, & suæ potestati subegit. A Roma verò egrediens ad Siciliam & Apuliam profectus est, & vbique filium Henrici Imperatoris diu quæsitum non inuenit. Sed cùm videret terram illam, prout volebat, sibi subjacere; regnum Alemanniæ, excommunicatus tamen à Papa, reuifere curauit. Transmeatis verò terræ spatijs tandem ad castrum quod Brisach dicitur super Rhenum situm peruenit. Habebat enim secum milites & clientes leues animo, quorum mos erat impudicus, quia in quacunque ciuitate vel loco pernoctarent, cum hospitum suorum vxoribus, vel filiabus vel ancillis, vellent nollent, gratis vel vi, coibant, & eas impudicè tractabant. Quod & in eodem castro facere cœperunt. Viri igitur illius castri considerantes tantum nefas se non posse sustinere, inito consilio arbitrati sunt se potius vnâ horâ velle mori, quàm tantum dedecus de vxoribus & consanguineis suis tam intolerabiliter sustinere. Dato itaque signo, quòd quamcitò campanam maiorem Ecclesiæ loci audirent, statim quilibet eorum, quod consilio priuato statuerant, in hospitio cum hospitibus suis peragere maturarent. Quod si quis differret, à castro ipso cum tota familia sua sine spe reuersionis pelleretur. Vnusquisque verò domum suam rediens, in cameris clam, se armis munierunt. Adhuc vix se ad arma præparauerant, cùm subitò clangor campanæ auditur, & quilibet de latibulis suis armati egredientes, inueniebant alios cum vxoribus, alios cum filiabus vel cum consanguineis vel demum ancillis impudenter luctantes, apprehensos gladijs miserabiliter occidebant, & per propugnacula castri ita detruncatos in Rhenum præcipitabant. Alij verò volentes gladij mortem fugere, seipsos per murum castri demittebant: & ita super rupes, quibus insitum est cadentes, collisi mortem quam fugiebant inuenerunt. Clamor igitur huius facti ad aures Imperatoris peruenit, qui in eminentiori domo castri cum Domino de Vvisemberch, & paucis alijs erat. Qui inquirens quid esset, audiuit à quodam qui de eadem mactatione fugerat, quòd tota gens sua, & milites sui interfecti erant, & exposuit Imperatori quare. Imperator verò timens si fortè seditio populi ibi cum inueniret,

niret, ne ipse interficeretur, rogauit Dominum de Vvisemberch, vt à castro eum cautè educeret: qui cum portenulâ educens, ad Visemberch peruenit. Et ita ille Imperator fugalapsus ad inferiores partes Alemanniæ secessit. Et hæc fuerunt initia dolorum suorum, quia quandiu vixit, nunquam vna die sine dolore & ærumna & periculo corporis & animæ permanſit.

*Quòd Otto Imperator ad Brunſuich redijt, & de pugna inter ipsum & Regem Franciæ.*

C A P V T XIV.

**D**Escendens verò idem Imperator *Otto* ad inferiores partes Alemanniæ venit Brunſuich. Ea verò tempeſtate Rex Angliæ habebat guerram cum Rege Francorum *Philippe* pro quadam terra quam ei Rex Francorum in Regno ſuo ſitam, non tamen ſine cauſa, abſtulerat. Rex verò Angliæ mandauit Ottoni Imperatori, vt collecto exercitu ei veniret in auxilium, quia Regnum Franciæ in armis deſiderabat intrare. Erat enim ille Otto propinquus ſuus, & valdè cariffimus. Cui Imperator Otto remandauit, vt ex illa parte Regnum Franciæ inuaderet, ipſe verò à parte Alemanniæ regionem vaſtaret. Erat enim quidam Comes in Flandria, *Ferrandus* nomine, qui vxorem ſuam, quæ erat Regis Franciæ conſobrina, quam pro ludo ſcacorum, quo cum ipſa vxor ſæpiùs matauerat, ipſam verberauerat, & inhoneſtè tractauerat: quæ vxor irata, hæc Regi Francorum indicauit, qui Comiti Ferrando duriter comminatus eſt, impropèrans ei quia non ei idèd Comitatum Flandrenſem & cognatam ſuam dediffet, vt eam ſic dehoneſtaret. Comes Regis minas ægrè ferens, aſſumpto ſibi Comite Boloniènſi cum alijs pluribus amicis ſuis regni Franciæ abiit ad Ottonem Imperatorem, & cum eo tractauit de expeditione quam idem Imperator ſe facturum dixerat, & ei iurauit quia ipſum Pariſius Regem conſtitueret. Inito denique tali inter ſe pacto etiam Comitatus, ciuitates & munitiones vniuerſas ipſe Imperator cum

X x

ipso Ferrando Comite, Comitibus & Baronibus qui cum eo regnum Franciæ se intraturos iurauerant, antequam possideret, diuiserat. Collecta itaque innumerabili multitudine armatorum, mandauit Imperator Regi Franciæ quodd iurauerat nunquam se ad Alemanniam rediturum, nisi prius Parisius sedem suam posuisset, & suis Baronibus regnum Franciæ localiter distribuisset. Rex verò Franciæ hæc audiens, missis epistolis Duci Burgundiæ, Normanniæ, Britannię Comitibus, & vbicunque milites adunare potuit, exercitum colligit: filium verò suum *Ludonicum* aduersus Regem Angliæ ea parte qua regnum Franciæ intraturus erat, cum aliqua parte armatorum direxit. Ipse verò Rex Franciæ contra Ottonem Imperatorem acies suas minauit, & veniens ad quandam planiciem iuxta Vallenciennes, ad pontem qui dicitur de Bôuines fixit tentoria: cuius exercitus ad nouem millia militum, & ad quinquaginta millia peditum æstimatus est. Imperator verò Otto penè ad eundem locum peruenit, & ibi resedit. Cuius gens cõputata est ad viginti quinque millia militum, & ad octoginta millia aliorum armatorum, multitudine magna curruum, victualium, & armorum oneratorum. Adduxerat enim secum plures currus funibus oneratos ad Francos ligandos, quia putabat se eos tenere captiuos.

---

*De congressione ipsius pugne, & exhortatione ipsius Regis ad suos.*

### CAPVT XV.

**V**ENIT dies Dominica in qua quilibet Christianus feriare & Dei obsequio vacare deberet. Comes verò *Ferrandus* videns exercitum Regis Franciæ tam paruum esse, dubitabat ne fortè major gens Regi sociaretur, suggessit Imperatori vt ea die Dominica cum Rege bellum fieret, & ita multitudo Imperatoris paruitatem Regis Franciæ superaret ac deuinceret, & ad Regem Angliæ regnum Francorum deuastando perueniret. Sed Deo auxiliante, res in contrarium versa est. Imperator autem missis ad Regem nuncijs,

mandauit ei vt se ad bellum prępararet: Rex verò dans Deo honorem ob reuerentiam dici Dominicę bellum postulabat in crastinum prorogare: Comes verò Ferrandus dixit, quia ided Rex pugnam differri volebat, quia aut magnum succursum gentium expectabat, aut noctu timore belli fugere disponebat. Imperator verò credulus ea die voluit bellum fieri. Rex autem Francorum *Philippus* conuocatis Primatibus & militibus sui exercitus stans in eminentiori loco, sic alloquitur suos.

O Vos, strenui milites, flos Franciæ, decus coronę Regiæ, nos deliberaueramus in hac sancta die Dominica Deo deferre honorem, & obsequio diuino, & orationibus vacare; sed urgente hoste, & ad pugnam cogente, ista nobis non licent. Videtis quippe nos coronam regni portantem, sed homo sicut & vos, & vnus sum; nisi vos supportaretis, ipsam minimè portare possem. Ego sum Rex. Et ita ablatam coronam de capite suo, porrexit eis dicens: Ecce volo vos omnes Reges esse, & verè estis cùm Rex dicatur à regendo, nisi per vos regnum solus regere non valerem. Isti verò qui ad nos conterendos venerunt, suis viribus confisi, non solum nos captiuare, sed etiam totum regnum Franciæ occupare conantur. Scio enim, & verè scio, quia contra aduersariorum dispositionem Beatissimus ac semper reminiscendus Patronus noster Dionysius hodie cum suis sanctissimis Sodalibus pro nobis & pro statu regni nostri misericordissimum Filium Dei gemitibus inenarrabilibus interpellat. Estote igitur securi, quia hodie manifestè precibus Beatissimi dicti Patroni nostri, videbitis auxilium Domini super vos. Estote ergo viri cordati, & pugnate contra gentem ipsam nefandam: certè hodiè Dominus omnes tradet in manibus nostris nec pręualebunt aduersum nos. Et ita eis deuictis ad domos vestras, vxores, & filios & filias, quas sibi rapere concupiscunt, cum victoria & gaudio reducemini. Pręcipio enim vniuersis clientibus & peditibus, & hoc sub pœna supendij (pręceperat enim ad hoc plurima patibula erigi) ne fortè aliquem vestrum cupiditas rerum inuentarum decipiat, sed eas pro nihilo reputet, ne ab ipsis in bello impediatur, donec ad finem pugnæ perueniatur. Et sic victoriâ,

Xx ij

Deo adiuuante, potiti, quicquid quilibet habere potuerit, dummodò alij iniuriam non faciat, totum suum de permissione nostra erit. Si verò arma vel equos aduersariorum potuerit conquirere, si indiget ea ad pugnandum, accipiat.

At illi vna voce clamauerunt, asserentes se adhortationi & præceptis Regis libenter velle obedire. Rex verò secum de Parisius vexillum Caroli Magni, quod vulgò Auriflamma vocatur, quod nunquam, vt fertur, à tempore ipsius Caroli pro aliqua necessitate à secretario Regis expositum fuerat, in ipso bello apportauerat. Qui suis clara voce dixit: Quis hodie vestrum hoc vexillum in honore Regni Franciæ, in congressu isto portabit? Cui Dux Burgundiæ respondit: Est mihi miles hîc benè cognitus, vir corpore validus, & ad bella doctissimus, sed pauper, nomine *Vvalo* qui totam terram suam desiderio istius pugnæ pro solo equo, pignori obligauit. Si cui vexillum vestrum committere velitis, isti committite. Rex verò eo ad se vocato, porrigens ei vexillum dixit: Accipe amice *Vvalo*, hodie tibi committo honorem Regni Franciæ. Cui *Vvalo*: Quis ego sum, Domine, vt hæc facere possim? Cui Rex: Noli timere, si Deo donante victoria potiti fuerimus, labori tuo amplissimè respondebimus. Cui *Vvalo* ait: Quia, Domine, iussio vestra ad hoc me vrget, mandata vestra adimplere curabo. Sed vt video, quia Auriflamma ista humanum sitit sanguinem, Deo mihi vires præstante, multis videntibus hodie eam sanguine aduersariorum potabo. Rex verò considerans quòd sol radio suò oculos suorum reuerberabat, arbitratus est soli terga vertere, quod & fecit. Aduersarij verò hæc non considerantes, splendori solis se opposuerunt. Rex Franciæ suos buccinatores, de quibus multos habebat, à tergo exercitus sui stare præcepit, vt in prima congressione tubis fortiter clangerent.

*De clangore tubarum & initio pugnae.*

C A P V T XVI.

**C**umque ista ita se haberent, ecce clamor aduersariorum ad pugnam exhortantium fortissimus auditur, quem buccinatores Regis Franciæ audientes, ita vno ictu tubis suis argenteis clangere cœperunt, vt terra sub pedibus eorum tremere crederetur, & aduersarij tremore magno quaterentur. *Ferrandus* verò Comes Flandriæ volens se videri cæteris audaciorem, vrgens calcaribus equum, scuto amplexo à suis separatus, cursu equi ad aduersarios portabatur, quem cum intuens *Vvalo* miles, qui *Auriflammam* Regis Franciæ portabat, cursu validissimo illi obuiam veniens, demisso vexillo lumbos eius perfodit, ita vt ex alia parte totum vexillum sanguineum appareret, & cum de equo ad terram projecit, & ad se vexillum retraxit; & ita; vt prædixerat, ipsam *Auriflammam* sanguine potauit. Quod & postea sæpius fecit. Duo vero clientes videntes *Ferrandum* Comitem ad terram jacere, superuenientes eum tenuerunt. Vnus verò eorum gyronem loriciæ leuato coxam ipsius ita perforauit, vt testiculos transuerberatos alij coxæ jungeret. Alius verò ictu cultri inter scapulas fortiter vulnerauit, sed lorica eo defendente non est vulneratus ad mortem, & ita captiuus Regi oblatus est Franciæ, qui eum custodiæ tradidit. *Alemanni* verò sua signa fortiter inclamantes, viriliter, sicut moris est eorum, Francis resistentes, plures suorum, à Francis de equis projecti à multitudine equitantium collisi mortui sunt, alij lanceis perfossi vitam finierunt, alij gladijs detruncati, animas ad inferos præmiserunt. *Otto* verò Imperator cum videret anteriorem partem exercitus sui ita miserabiliter debilitari, in multitudine gentis suæ confidens, magnis clamoribus, vt moris est bellantium, suos ad pugnam adhortari cœpit. Rex verò Franciæ & sui omnes Deum & *B. Dionysium* in adiutorium suum inuocabant. *Vvalo* verò signifer Regis Franciæ videns Imperatorem cum

f. \* Couci

aciebus suis ad pugnam venientem, vltra moram non sufficiens, calcaribus equum viriliter feriens, Deo etiam se commendans, & B. Dionysium sæpius inuocans, signo suo in altum eleuato densitatem pugne audacter intrauit, & vniuersas acies miles fortissimus cursu suo in duas diuisit partes, & vsque ad aciem vltimam, in qua Imperator erat, peruenit. Quem subsecuti sunt Dux Bungundie cum suis, Comes Normandie, & Comes Britannie cum suis, & alij complures armatorum. Nobilis verò vir *Agerrannus* de Corcei \* intuens Imperatorem à longe, equum calcaribus percutiens, cursu validissimo cum petens, ad terram demissâ lanceâ de equo projecit. Ipsâ eâdem horâ equus Regis Francie offensus pede ipsum Regem de dorso suo excussit, & ita cadens ad terram, omnes videntes altissimis vocibus inclamauerunt: Currite, currite ad Regem, quia cecidit. Illi verò qui iam Imperatorem tenebant, vt cum captum ad Regem ducerent, audientes clamorem supradictum, dimisso Imperatore concito cursu ad Regem suum venientes, ipsum iam in equo sanum repositum inuenerunt. Qui de dimissione Imperatoris valdè dolentes, iterum eleuatis lanceis pugnam interruptentes, quæsitum Imperatorem, quia fuga lapsus erat, non inuenerunt. Inuento itaque milite qui Imperatorem in equo suo leuauerat, tenentes ligatum cum pluribus alijs ad tentoria Regis Francie captum deduci fecerunt. Vvalo verò sæpè dictus signifer cum pluribus alijs insequens Imperatorem per deuia quæque eum fugantes attingere non potuerunt; sed citò reuertentes obuiabant illis qui de bello fugiebant, quos omnes spoliatos captiuauerunt, alios quia vulnerati aut lassi in bello ire non poterant, abire dimiserunt. Venientes autem ad locum vbi pugna exstiterat, inuenerunt Francos mortuorum corpora spoliantes, alios captiuos de funibus, quos adduxerant ad Francos ligandos, vincientes, alios tentoria Alemannorum colligentes, alios spolia inuenta & prædas pecudum inter se diuidentes. Et ita Rex Francorum cum paucis tantam multitudinem exercitus Ottonis Imperatoris cum traditoribus suis deuicit, interfecit. Ibi est captus Comes Flandrie, Comes Bolonie, & alij quam plures equites & pedites, quos de Francia in præiudicium



Domini sui Regis Franciæ in auxilium Ottonis Imperatoris dicti Comites adduxerant, qui captiui Franciam ligati deducti sunt, & incarcerati. Ita Rex Franciæ & exercitus eius spolijs magnis onerati & lucris ingentibus in regnum Franciæ omnes, exceptis vno milite & vno cliente, qui in bello interfecti sunt, prosperè & gaudentes reuersi sunt. De exercitu verò Ottonis ad existimationem triginta millium, vel interfecti, vel captiuati fuerunt. Otto verò Imperator ad Brunsvich oppidum veniens tanto dolore & tristitia angustatus est, vt in lectum decidens paucis superuixerit diebus: fecit enim quosdam amicos suos adhuc viuens iurare, quòd quàm citò mortuus esset, corpus eius coqueretur, & ad Papam ossa eius ad beneficium absolutionis obtinendum, quia à Papa excommunicatus erat, deportarent. Nescio si obtinuerit, an non. Rex verò Angliæ qui iam regnum Franciæ inuadere cœperat, auditâ victoriâ Regis Franciæ de Alemaniis quasi cancer retrocedens, classibus ascensis cum exercitu suo in Angliam reuersus est. *Lodonicus* verò Regis Franciæ filius ad Patrem Regem salutandum Parisius cum suis reuersus est. Ibi cum Primatibus suæ terræ de triumpho victoriæ Deo & B. Dionysio gratias affectuosas referentes, plurimos dies festiuos cum ingenti lætitia deduxerunt. Ita Deus omnipotens mentes se protegere & adiuvare non cessat vbique.

---

*De obitu Philippi Regis Franciæ, & sepultura eius.*

CAPITULUM XVII.

**S**ED quia de tanto Rege pauca disserui, saltem de obitu suo, quo ordine ad Christum migraverit, referre non pigebit, sicut à veridicis Monasterij S. Dionysij cùm Fratribus meis apud Lebrach Cellam ipsorum, qui morti ipsius Regis interfuerunt, de verbo ad verbum audiui. Idem verò Rex *Philippus* post dictam victoriam sex feliciter superuixit annis, & mortuus est. Qui cùm sepeliri deberet, quæserunt in Ecclesia S. Dionysij vbi poni posset. Est enim à

tergo altaris Martyrum B. Dionysij & sociorum eius quoddam sepulchrum, in quo quidam Rex Francorum Carolus Calvus nomine fertur esse sepultus, qui cum quondam cum Fratribus suis pro Regno Franciæ litigaret, nec ei ad conducendos milites facultas suppeteret, decimas Ecclesiarum militibus pro donatio dicitur hæreditario iure distribuisse: unde milites usque ad tempora nostra donationes Ecclesiarum cum decimis suis adhuc obtinent: super quod sepulchrum sarcophagum habetur æneum fusile longitudine octo pedum, latitudine verò trium, super quod sculptus est Leo ad magnitudinem sarcophagi, quod & ego proprijs oculis vidi. In hoc cum Philippum Regem sepelire disponent, aperto subteriori sepulchro, nihil penitus præter carbones mortuos, quibus totum plenum erat, inuenerunt: quod videntes quod illud aperuerant, admirati sunt valdè: dicebant enim quod carbones illi inuenti, quia idem Rex Ecclesijs decimas, ut dictum est, abstulerat, significarent illum in carbonibus inferni fore sepultum. Quare recludentes ita dimiserunt, & in alio loco Regem Philippum condignè sepelierunt. Super quem tumbam argenteam deauratam cum imaginibus plurimis artificiosè factam composuerunt, quæ usque hodiè perdurat.

---

*De mirabili transitu ipsius Regis, & de visione Honorio Papa inde facta.*

### C A P V T XVIII.

**E**Adem siquidem die qua dictus Rex defunctus fuit, erat Honorius Papa apud Perusum ciuitatem Tusciæ, qui in ea habebat quendam militem consobrinum suum, qui tam graui infirmitate diu detentus fuerat, quod ad extremum vitæ iam perductus esset. Quem Honorius Papa visitans inuenit eum in quodam virgulto in lecto jacentem semimortuum, & à medicis penitus desperatum & derelictum. Cum verò Papa eundem militem videret in extremo vitæ articulo

articulo positum, & spiritum in summitate pectoris vix palpitantem, exhibitis ei exequiarum & absolutionum beneficijs, dispositis custodibus qui exitum suum diligenter considerarent, ipsum Deo commendans, abscessit. Sequenti igitur nocte, cum iam ille mortuus crederetur, primâ vigiliâ noctis tres viri in albis apparuerunt ei, quartum secum ducentes: quorum major, quia infulis decoratus erat, Episcopus esse videbatur, qui ad lectum ægri accedens, eum proprio nomine appellans ait: Nunquid dormis? At ille vix labia mouens, rauca voce, vt moris est morientium, dixit: Quis es Domine? Episcopus ait: Ego sum Dionysius Arcopagita quondam Atheniensis, postea verò primus Parisiensis Episcopus, & cum his duobus sodalibus meis Rustico & Eleutherio, pro Christi nomine ibidem capite detruncatus. Iste verò quartus, quem nobiscum habemus, Philippus est Rex Franciæ, quem iam defunctum per purgatorium ignem transducere proponimus, vt si qua ei peccata de contagijs terrenis adhæserunt, per hunc ignem misericordia diuina ea diluat, & ita ad requiem eum nobiscum deducemus. Surge ergo & vade, & dic Honorio Papæ quæ audisti: denique subjunge, vt die crastina summo mane hostiam salutarem pro ipso Rege Philippo offerre non differat, & ei beneficium absolutionis impendat. Quo facto, sciat eundem Regem proculdubio statim æternæ requiei donatum. Et vt tibi de prædictis melius credatur, surge, & hoc tibi signum: quia cum esses in articulo mortis iam positus, te ab ipsa morte reuoco, & ad mandatum meum adimplendum, sanitati & viribus melius quàm fueras te diuina virtute restituo: & apprehensa manu eius, eum de lectulo leuauit, & ita visio illa disparuit. Miles verò ille custodes suos, qui eâ horâ visionis casu obdormierant, excitans, vestimenta sua & calciamenta sibi dari poposcit. Custodes verò videntes eum in lecto sedere, immoderatè perterriti sunt, nescientes quid factum fuerat. Ille verò videns eos hæsitantes, ait illis: Ecce iam sanus factus, video me iuuenilibus annis integraliter restitutum: expergiscimini ergo, & mecum laudate Deum, & eamus ad Papam; quia ad ipsum habeo mandata quæ perferam. Illi verò timentes cum eo ire, putabant eum phantasma esse.

Ille verò confortans eos abierunt. Venientes verò ad camerā Papæ, miles pulsans, petit se intromitti. Ostiarius verò sciscitans quis esset, qui tali hora januam tam audacter pulsans, Papam inquietare præsumeret. Ille ait: Ego sum Miles ille cognatus Domini Papæ, qui vsque ad mortem ægrotavi; & ecce Dei gratiā sanus factus sum: Aperi, quia habeo ei mira dicere. Ostiarius verò tremens, ad lectum Papæ cucurrit, & ei audita narrauit; Papa admirans, tamen hæsitans, iussit ei aperiri. Qui veniens ad Papam cuncta ei ordine narrauit, quæ à B. Dionysio audierat & viderat; & quomodo, ut melius verbis eius crederetur, ab ipso Sancto pristinæ sanitati restitutus erat. Papa verò exultans, Deo gratias egit, & data illi benedictione, dimisit eum; & mane factò, sicut ei mandatum fuerat, diuina celebrando, & dictum Regem absolviendo, cuncta fideliter adimpleuit.

---

*De Innocentio Papa, quomodo Fridericum filium dicti  
Henrici Imperatoris ab Apulia in Alemanniam misit.*

### C A P V T XIX.

**N**E mireris, lector, quæso, si finem Regis Franciæ seriatim exponendo descripsi ordine præpostero ante Innocentium III. Papam, de Honorio, cuius tempore dictus Rex Franciæ obiit, & visio prædicta facta est, mentionem feci: quia melius arbitratus sum actus ipsius Regis, & finem de verbo ad verbum sine intermissione adnotare, quàm diuersis locis diuersa componere. Reuertamur igitur ad quædam, quæ tempore Innocentij facta sunt, & sic cætera expediamus. Innocentius igitur Papa III. audita morte Ottonis misit in Apuliam, & quæsitum *Fridericum* quondam filium Henrici Imperatoris, inuenit eum iam ferè vicesimum ætatis suæ annum habentem; quem cum epistolis & Missis suis satis subtiliter ad Alemanniam transmisit. *Fridericus* verò qui Infans Apuliæ, quia iuuenis erat, tunc appellaba-

tur, Basileam vsque deductus est. *Latoldus* verò illius ciuitatis Episcopus ex præcepto Papæ vsque ad oppidum in Alsacia, quod Columbaria dicitur, dictum *Fridericum* conduxit. Dux itaque *Fridericus Lotharingæ*, cùm audisset illum ad partes *Alemanniæ* venisse, quia cognatus eius erat, & sperabat se aliquid ab eo accepturum, venit ad eum in armis.

---

*De conuentione inter Fridericum puerum de Apulia, & Fridericum Ducem Lotharingæ facta, ut sibi assisteret.*

## CAPVT XX.

**F***ridericus* verò Rex Duci *Lotharingæ* dixit, qui ad eum venerat, si adsisteret ei, ipse daret ei quatuor millia marcharum argenti, & super hoc dedit ei in pignore Villam, quæ dicitur *Rotsem*. Et inde Dux cum *Friderico* ipso *Haugonoyam* vsque peruenit, reperitque oppidum à quodam nobili milite *Domino de Loëmberch* occupatum. *Fridericus* enim Rex ad inferiores partes *Alemanniæ*, ut sibi *Primates* illius terræ in amicitiam jungeret, descendere volens, Ducem *Fridericum* cum exercitu in obsidione *Haugonoyæ* dimisit. Dominus verò de *Loëmberch* videns oppidum illud diu non posse obtinere, reddidit illud Duci; Dux verò genti *Friderici*. *Fridericus* itaque cum *Primatibus* illis per industriam *Innocentij Papæ* se concordans, ab illis *Aquisgrani* in Regem coronatur. Dux verò *Fridericus* pignus suum, id est *Rotsem*, quam ei Rex *Fridericus* pro dicta pecunia contulerat, quandiu vixit obtinuit.

---

*Quòd Dux Fridericus Theobaldo filio suo filiam Comitis de Dasporch accepit in uxorem, & cum ea Comitatum.*

## CAPVT XXI.

**E**A tempestate Dux *Fridericus Lotharingæ* Filiam *Comitis Alberti de Taxporch* quæ sibi vnica erat, filio suo  
Y y ij

al. \* Ro-  
them.

*Theobaldo* accepit in uxorem. Post paucum itaque tempus dicti Dux & Comes mortui sunt. Ipse verò *Theobaldus* dicti Ducis filius Ducatū Lotharingæ ex parte patris, Comitatus quoque de Taxporch ex parte uxoris suæ obtinuit. Rex verò *Fridericus* audita morte *Friderici* Ducis, Villam de Rotsem, \* quam ei in pignore dederat, sibi resaxiuit. Dux verò *Theobaldus* hoc audiens, adunatis sibi militibus, præcepit *Lambyrino* de Arches, qui quasi Major domus ipsius erat, ut cum peditibus ad Bruscam vallem descenderet, & ibi eum expectaret. Sed cum videret *Lambyrinus* Ducem non venientem, venit cum suis ad Rotsem. Et quia ibi excepto vallo nulla defensio erat, citò Villam intrauit. Quod videntes illi de Villa intra Ecclesiam loci & atrium se concluderunt. *Lambyrinus* verò cum suis Villam occupauit. Illi autem spolia multa inuenientes, vina & alia quamplurima cibaria pro voluntate sua quilibet eorum rapuit.

---

*De occisione Lotharingorum apud Rotsem facta.*

C A P V T XXII.

Cum igitur viderent quòd nullus eis aduersaretur, intrantes cellaria, inuenientes vina plurima, sederunt, comederunt, & biberunt quantum voluerunt: & sicut illa gens rusticana facere solet, cum copiam vini repererit, quia in domibus suis rarò vinum habent, omnes inebriati sunt, & per pauimenta cellariorum se jacentes, quasi exanimati, temulenti jacebant. Quod cum vidisset quidam strenuus miles, *Otto* nomine, eiusdem villæ, conuicaneos suos exhortatus est: Eia, inquit, vos omnes viri cordati: nunquid aspiciatis rusticos istos vino temulentos? Sumite ergo arma, quia quàm citò eos omnes debellabimus. Illi verò, sicut moris est Alemannorum, furibundi de latibulis suis exeuntes in miseros illos irruerunt: illi verò qui præ nimia ebrietate super pedes suos stare non poterant, volentes arma sua capere, non valebant: alij verò fugere volentes ad terram decidebant: alij veniam inelamare cupientes, balbutientes verba

proferre non poterant. Et quia Alemannorum moris est nulli velle parcere cui possunt dominari, in illos miserabiliter sauire cœperunt: & quia illi ebrij defendere se non poterant, detruantur, euiscerantur, & gladijs perfodiuntur vt plusquàm cxx. interfecti æstimentur. Lambyrinus verò & aliqui, qui cum eo erant, prouidentiores ascensis caballis suis, per portam quæ ducit ad Bruscam vallem exeuntes fugerunt; aliqua pars verò istorum videntes tantam stragem suorum, per vallum villæ exeuntes ad montana, quæ ibi propè habentur, se contulerunt: alij verò vsque ad mortem vulnerati per hortos vino & vulneribus attriti, quasi mortui jacebant; sequenti verò nocte quomodò potuerunt fugientes, per nemora gradientes ad terram suam reuersi sunt. Alemanni verò domos & cellaria & latibula domorum requirentes multos adhuc inuenerunt, & ita omnes interfecerunt, vt non vnus de tanta multitudine, qui inueniri potuerit, viuis remanserit. Lambyrinus verò cum paucis fuga lapsus, ad dominum suum Ducem Theobaldum, qui incontinenti cum exercitu suo in Brusca-valle erat, apud Vvicha tristis aduenit; cui Duci cuncta quæ facta fuerunt, narrauit: Dux autem hæc audiens tristis retrocessit.

---

*Quod Rex Fridericus Lotharingiam cum armis intrauit,  
& castrum Amantia obsedit, & Ducem Theobaldum  
secum in Alemanniam duxit, & cum  
veneno interfecit.*

C A P V T XXIII.

**F**Ridericus autem Rex Alemanniæ cùm audisset quòd gens Ducis Lotharingiæ Rosem cum armis intrauerat, etiam alia vice, nescio ante hoc factum vel post, cum magno exercitu Alsatiæ vastauerat, collecta non parua multitudine equitum Lotharingiam penetrauit; & veniens ad castrum quod Amantia dicitur, illud obsedit. Mandans verò pro Comite Barrense & Comitissa Campaniæ ad ipsum properauerunt: qui venientes apud Nanceyum ibidem perno-


Yy iiij

stauerunt. Mane factò illud oppidum totum igni succenderunt; deinde ad Regem venientes gratanter recepti sunt. Dux verò Theobaldus mittens per vniuersos, quos amicos suos esse credebat, vt ei in auxilium venirent, & non est inuentus auxiliator. Cùmque Dux videret se omni succursu esse destitutum, timuit ne Rex totam Lotharingiam deuastaret, & sibi eam auferret: quia iam plures, qui ei succurrere debuerant tam de terra sua quàm aliunde, vt eum opprimerent ad Regem venerant: accepto consilio ad Regem inermis venit, & se ad pedes inclinans veniam petijt. Rex verò se ei velle indulgere respondit, sed non ex toto, quod ita fecit: retinuit enim Ducem cum quatuor militibus tantum cum eo, & ad Alemanniam reuertens, Ducem cum eo quasi captiuum ducebat in omnem locum quo iturus erat, & sic eum cum eo diu detinuit. Volebat enim Rex vt secum semper solus in mensa esset, in hoc tantum garcione contentus, qui ei palium suum ad Curiam deferrebat: Milites verò sui ad hospitium remanebant, nec vnus quidem ex eis ad Curiam veniebat; ministrabantur tamen eis à Curia Régis necessaria vniuersa. Ego quidem tunc temporis ab Abbate *Henrico* Senoniensi ad ipsum Ducem Lotharingæ missus sum, eo quòd *Philippus* Dominus de Gillibertiwillare dictum Abbatem meum in quibuscunque poterat, molestabat & ei satis periculosè minabatur: quem cùm diu quæsiuissem, eum cum Rege in Herbipoli, quæ Theutonicè *P. verseborch* vocatur, in Hosterfrank inueni, & per oëto dies in Curia ipsa permansi. acto meo negotio, considerans quomodo idem Dux & sui à Rege tractarentur, reuersus sum. Rex verò cum eundem Ducem Theobaldum pro voluntate sua detinuisset, dimisit eum: deliberauerat enim quid cum ipso ageret. Dux igitur transuadato Rheno ad sua gaudens reuertebatur; credebat enim se gratiam Régis integraliter recepisse: sed Rex malitiæ suæ non immemor, statim cùm Dux ab eo discessit, quandam meretricem, quam Sodariam vocant, post Ducem direxit: quæ cum Duce vna nocte hospitans satis jocosis verbis & motibus, sicut talium moris est, blandicijs alliciens, veneno, quod ei Rex ad hoc dederat vino mixtum, Ducem potauit; & sic mane factò meretrix illa discessit: Dux verò

De se scribit Auctor.



non longè pòst viuens , mortuus est, & in Claustro Stulce-  
borne Cisterciensis Ordinis sepultus est. Cui frater eius  
*Mphers* \* in Ducatu successit. Fridericus Rex de Apulia \**Mattheus*  
uxorem sortitus est , quam secum adduxit , & de ea genuit  
filium , quem *Henricum* appellauit. Sed ad reliqua quæ tem-  
pore Innocentij Papæ facta sunt reuertamur.



## LIBER IV.

*DE SYNODO LATERANENSI,*  
*cui præfedit Innocentius Papa III.*

### CAPVT I.

**A**Nno ab Incarnatione Domini MCCXV. celebrata est  
vniuersalis Synodus Romæ in Ecclesia Saluatoris quæ  
Constantiniana vocatur, mense Nouembri, præfidente Do-  
mino *Innocentio* Papa III. Pontificatus eius ann. XVIII. in  
qua fuerunt cccc. & XII. Episcopi, inter quos fuerunt de  
præcipuis Patriarchis duo, videlicet Constantinopolitanus,  
& Hierosolymitanus: Antiochenus verò graui languore de-  
tentus venire non potuit, sed misit propter se vicarium An-  
tereidensem Episcopum: Alexandrinus etiam sub Sarrace-  
norum dominio constitutus fecit quod potuit, misit pro se  
Diaconum germanum suum. Præfates & Metropolitani  
septuaginta unus: Abbatum verò & Priorum numerus ultra  
octingentos existimatus est. Archiepiscoporum verò, Episco-  
porum, Abbatum, Priorum, & plurimorum Prælatorum Ecclesiæ, qui  
non interfuerunt, non est numerus. Legatorum Regis Siciliæ in  
Romanorum Imperatorem electi, Imperatoris Constantinopoli-  
tani, Regis Franciæ, Regis Angliæ, Regis Hungariæ, Regis  
Hierosolymitani Ioannis, Regis Cypri, Regis Aragonensis,  
necnon aliorum Principum, & Magnatum, & ciuitatum,  
aliorumque locorum magna affuit multitudo. In qua Synodo

dictus Innocentius Papa sermonē proprio ore protulit, ita incipiens: *Desiderio desideravi hoc Pascha manducare vobiscum antiquam mortem*. In quo sermone inter ceteros tractatus & disputationes fidei, conseruationes de statu Ecclesiarum & personarum eas regentium liquidè prosecutus, limpidius de obitu suo, & quòd iam Deus super hoc signum fecerat in bonum, mirabiliter pertractauit: & quod mirabilius est dictu, de Matrimonio ita efficaciter disputauit, vt ipsos gradus contrahendi matrimonium potius vsque ad quartum gradum debere restringere, quàm in septimo gradu in quo antiquitus constitutum erat, permaneret; asserens quod pro intricata cognationis computatione minus prouidè contrahabant, & diuortia celebrabant: vnde idem Papa connubia matrimonij extra quartum gradum tantum fieri decreuit: & si in quinto gradu ex vna parte, & in tertio ex altera iuncti fuissent, præcepit non separari. Et alia multa indixit, quibus Iurisperiti adhuc vtuntur. Et sic quilibet ad propria reuersus est.

---

*De exercitatione iustitiæ à Friderico facta in vrbe Romana.*

CAPVT II.

**R**Ex itaque Fridericus regnum Alemanniæ sagaciter circuiens, quotquot potuit inuenire raptores nocturnos, incendiarios, fures, & alios regni molestatores magno studio perquirebat, inuentosque sine aliqua redemptione decapitabat, alios rotis confringebat, alios supplicio damnavat, alios membris mutilatos dehonestabat, alios verò diuersis suppliciis interficiebat. Quare mercatores eum, qui & vias & regionum stratas ita pacificauerat, quòd securi quocunque volebant pergebant, magno affectu diligebant; & ita fama sui boni initij vbique diffundebatur: sed prohi dolor! exitus eius in contrarium versus est

*De multitudine puerorum volentium mirabiliter transfretare in Hierusalem.*

### C A P V T III.

**E**O siquidem tempore tanta agmina puerorum vtriusque sexus ex diuersis regionibus nescioqua arte collecta sunt, vt in vnum conglobati, innumerabilis fieret exercitus: qui ante se vexilla dirigentes sequebantur, dicentes se transfretare debere; & terram sanctam sicut filij Israël ex Ægypto exeuntes terram illam obtinuerunt, ita & ipsi eam sorte possiderent. In qua verò ciuitate vel terra veniebant, habitatores illarum quasi pupillos & orphanos, sicut erant, pro Deo suscipiebant, & eis alimenta ministrabant, & ita eos dimittebant. Illi verò Alpes transeuntes Longobardiam intrauerunt, & per maritimas ciuitates, Ianuam scilicet & Pisam, & alias in ora maris sitas dispergentes, credebant naues ad transfretandum inuenire, & non inuenerunt. Dux tamen naues ex ipsis oneratæ in mare se miserunt; sed adhuc ignoratur si portum obtinuerunt, vel ad quas regiones delati sunt: Alij verò qui remanserunt, ad tantam penuriam deueniunt, vt non ipsos quis hospitio reciperet; vt de ipsis illud Hieremiæ dici posset: *Paruuli petierunt panem, & non erat qui frangeret eis.* Vnde per vicos & plateas maxima pars ipsorum fame mortua jacebant, nec erat etiam qui sepeliret. Et sic verè illa parua gens illis magnis Innocentibus, qui pro Christo occisi sunt, comparari creditur: quia & ipsa in tam tenera ætate labores immensos & mortem famis, quæ crudelior est gladio, subire meruit: vnde Hieremias: *Melius fuit occisis gladio, quàm interfectis fame.* Et verè melius, quia gladius solo ictu occidit, fames verò diu cruciatum interficit. Cæteri quoque qui sanioris mentis & ætatis erant, per regiones Italiæ & Thuscæ dispersi, ad seruiendum gentibus illius terræ, vel ad laborandum se contulerunt. Talis enim illius facti finis fuit: nec adhuc potest inueniri quid tam inauditum factum portenderet. Et eodem tempore Ordo Prædicatorum, & Fratrum Minorum inchoatus est;

de quibus post pauca loco suo apertius differemus. Eadem verò tempestate non multò post, sicut ipse in sermone Synodi suæ prædixerat, Innocentius Papa migravit à seculo, sepultus Perusij à tergo sepulchri S. Herculani in theca marmorea satis decenter sculpta; cui successit Honorius.

*Quòd Fridericus in Imperatorem prouectus est ab Honorio Papa.*

#### CAPVT IV.

**R**EX itaque *Fridericus* cùm totum regnum Alemanniz quæta pace & successibus prosperis gaudere videret, ordinatis eiusdem regni agendis, cum exercitu Romam profectus est, & intrans cum magna difficultate cum vxore sua Apulensi, in Imperatorem ab Honorio Papa III. sublimatus est anno ab Incarnat. Domini MCCXXII. Indiët. VII. in Basilica S. Petri. Papa verò vt terræ sanctæ succurreret, quia necesse erat, adhortatus acquieuit, & statim cruce signatus est, & iura sanctæ Ecclesiæ se obseruaturum, prout deberet, iurauit. Inde denique progrediens, vale dicens Papæ cum exercitu suo secessit ad partes Siciliæ & Apuliæ, & ibi magnas strages de Primatibus, & gente illarum regionum, qui sibi & patri restiterant, perpetravit: alios quippe viuos exorauit, alios suspendio deputauit, alios membris omnibus mutilatos viuos dimisit, alios rotis confregit, alios cum asseribus decapitauit: & ira totas regiones illas iurisdictioni & timori suo subdidit. Deinde quendam montem, qui Nigra montana dicitur, muris fortissimis muniuit, & cum Sarraçenis innumerabilibus impleuit, & de ipsis sapientiores quos Mathematicos, quos Astronomicos vocant, ariolos, diuinatores, & inspectores volatus auium, & alios plurimos Christianæ fidei aduersarios ad se accersiuit, de quibus quosdam Consiliarios fecit; quosdam qui in volatu auium & extis animalium augurari sciebant, & sortilegos, qui ei futura prædicebant, familiarissimos sibi iunxit, & ita vniuersas gentes illas cum vniuersis regionibus suis suæ potestati ad-

jungens, sigillum terræ illius sibi fieri iussit, cuius superscriptio talis erat :

*Siculus & Calaber, Apulus mihi seruit & Afer.*

Quas regiones diu circuiens sibi, vt supradictum est, subiugauerat.

*Quòd Imperator Fridericus vallem Spoletanam, & cæteras terras S. Petri sibi vsurpauit.*

C A P V T . V .

CUmque hæc ita se haberent, cupiens Alemanniam visitare, quæ ei cara erat, intrans Tusciam, vallem Spoletanam cum ciuitatibus suis & vicis, & omne patrimonium & munitiones B. Petri vbicunque inuenire potuit saisiuit, & quandiu vixit obtinuit: asserens Episcopos & alios Clericos, qui orationi tantum vacare debebant, ciuitates & alias munitiones habere non debere: ipse enim Aduocatus & Defensor Ecclesiæ erat, cui hæc competeabant. Descendens ad Alemanniam filium suum *Henricum* quem de Apulensi vxore genitum prius dixeramus, de consensu Magnatum Alemanniæ Aquisgrani in Regem coronari fecit, & ei vt moris est fidelitatem fecerunt, & dicto filio ipse Imperator filiam Ducis Austriæ dedit vxorem, de qua genuit duos filios, quos, vt fertur, postea idem Imperator interfecit, sicut & matri dicti Henrici fecisse dicitur. Et hæc initia suæ malæ conuersationis, sicut postmodum lucidiùs exponemus, vsquè in finem vitæ suæ extiterunt: in quibus ipse illi fallacissimo Iuliano Imperatori similis fuit, qui ab Ecclesia & in Ecclesia nutritus, & ad honores prius promotus, postea Christum negans, ob ambitionem Imperij omni nisu crudeliter Ecclesiam impugnavit, & inhumanè Christianos persequens, quos veri Dei cultores inueniebat diuersis supplicijs interficiebat; qui denique à S. Mercurio Martyre *B. Mariae* Virginis iussu dira morte percussus interijt in Perside.

*De Volfelino Sculpteto Haganoyæ & de munitionibus ab ipso in Alsacia constructis.*

## CAPVT VI.

**E**Rat his diebus in Haganoyæ Alsatiæ quidam Præfectus nomine *Volfellus*, rusticus quidem genere, sed solertia & prudentia præditus. Hic in Alsacia oppida plurima, Castra & alias munitiones regno ædificauit; castrum videlicet *Croneberch* iuxta villam *Morbei*, apud *Andelay* aliud castrum quod *Landeshoarte* appellauit; *Scelestat* quoque, quæ antea paruissima villa erat, francam fecit, & eam muris latissimis & burgensibus pluribus ampliavit, & ditauit. Oppidum quoque *Kesepech* cum castello suo de nouo ædificauit: *Columbariam* etiam in Episcopatu *Basiliensi*, sicut *Slestat* fecerat construxit. Circa *Rhenum* igitur oppidum, quod *Nuemberch* dicitur, muniuit & libertauit. Sed Imperator pro omnibus his bonis, & cæteris alijs quæ pro vtilitate regni & honore fecerat, mala pro bonis eidem Præfecto *Volfello* *Haganoyæ* inferens, ipsum captiuauit, & ab eo thesaurum immensum auri & argenti extorsit: nec adhuc ei credens in domo propria inclusit: sed postea licentiâ acceptâ venit uxorem suam visere, & vna nocte cum uxore sua dormiens, ab eadem uxore dicitur esse suffocatus, ne diuitias quas ipsa vxor habere credebatur, Imperatori reuelaret.

*Quòd Imperator Fridericus filiam Regis Ioannis Hierusalem duxit in uxorem: & quòd idem Rex Damiatam miraculosè cepit, & post pauca iterum perdua est.*

## CAPVT VII.

**I**mperator verò *Fridericus* ad *Apuliam* rediens, accepit sibi uxorem filiam *Ioannis de Brine* Regis *Hierusalem*,

de qua genuit filium Conradum nomine. Dictus verò Ioannes moto exercitu Damiatam Ægypti obsedit, & miraculosè obtinuit, quam statim stultitiâ cuiusdam Legati Romani, qui exercitum Christianorum de ciuitate eadem eduxerat, aquis & multitudine Sarracenorum inclusi, & in angustia mortis positi, Damiatam Sarracenis reddiderunt. & ita à terra illâ Christiani exierunt. Imperator verò Fridericus à Papa excommunicatus, eo quòd votum crucis nondum persoluerat, credens se Deo ita satisfecisse, accersitis secum paucis, & Abbate Morbacensi, qui mihi hæc omnia retulit, mare transiit, & Ioppen in littore maris sitam, à Sarracenis quondam destructam, reædificauit, & inde Amirando Babiloniæ in amicitiam se conjunxit; ita vt totam terram illam si voluisset, vt fertur, Christianitati subiecisset, & sic ad Apuliam reuersus est. Audiens verò Imperator Fridericus quòd filius suus Henricus Rex de consensu Magnatum terræ inuito patre Regnum Alemanniæ obtinere satageret, cum ad se accersitum cepit, & cum in Siciliæ castro includens ibi mortuus est. Descendens igitur Imperator ad Italiam, Mediolanum obsedit, & duobus annis ibi sedens nihil profecit. Carrucam tantum ipsius ciuitatis, quam Standardium vocant, cum vexillo suo acquisiuit, & Potestatum Mediolanensem captiuum ad Cremonam ducens, in alta turri patibulo eum suspendit. Deinde Bononiam obsedit, & ante illam nouam ciuitatem construxit, quam custodiendam filio suo, quem de concubina genuerat, Regi Sardinie dereliquit, & abiit. Illi verò Bononienses de ciuitate sua exeuntes ciuitatem illam nouam inuaserunt, & igne incendentes funditus destruxerunt, & dictum Regem Sardinie, qui eam custodire debebat, in ciuitatem suam captiuum duxerunt: sed quid de eo actum sit non audiui.

---

*Quòd Imperator fratrem Gregorij Papa suspendio  
damnauit.*

C A P V T VIII.

**I**gitur Imperator tunc ad Alemanniam fortè deuenerat, & apud Haganoyam veniens venationi & piscationi vaca-

Zz iij

bat. Gregorius verò Papa, qui Honorio successerat, habuerat quemdam nobilem Militem fratrem Apuliensem, qui Imperatorem aliquando se offendisse dubitabat; veniens in Alsatiam Comitem *Sigibertum* Alsatix Lantgrauium, & *Conradum* tunc Metensem Episcopum Imperatoris Cancellarium, rogauit, vt eum ad Imperatorem saluum conducerent, quod & promiserunt. Imperator verò iussit in patibulo eum suspendi: & sic malè conductus vitam finiuit. Gregorius igitur Papa admonens Imperatorem per Internuncios vt Deo ac B. Petro satisfaceret, qui & reuicit: quem Gregorius Papa in toto orbe Romano excommunicatum denunciavit. Gregorio verò mortuo Sedes diu Pastore caruit, Imperatore electionem perturbante. Tandem Cœlestinus lectus, decem & septem diebus superuiuens mortuus est.

---

*De electione Innocentij Papæ IV. & de aduentu eius Lugdunum.*

CAPVT IX.

**E**Rat igitur quidam Cardinalis *Senebaldus* nomine, de ciuitate Ianuensi in Italia oriundus, quia Imperatori aliquantulum familiaris erat, Papa effectus est: qui eodem anno simulata infirmitate, dicens se velle aërem natiuitatis suæ vt sanaretur inuisere, venit Ianuam: inde clam per terram Comitum *Sauoyæ* progrediens peruenit Lugdunum, & ibi per septem annos continuos demoratus est. Volens igitur Papa cum *Friderico* Imperatore de rebus Ecclesiæ, quas rapuerat, agere, ipsum per legitimas ferias ad Curiam citauit. Imperator verò Legistas & doctissimos viros Iurisperitos pro se mittens, dicens se in Longobardia occupatum, tandem asseruit se esse venturum. Fertur etiam quosdam versus nescio à se vel ab alio compositos interea Papæ mandasse, ita scribens:

*Fata notant, stelleque vocant, auiumque volatus,  
Totius & subito malleus orbis ero.*

*Roma diu titubans, longis erroribus acta  
Decidet, & mundi desinet esse caput.*



Quibus Papa versibus respondit, sed à memoria mea dilapsi sunt: sed hîc est sensus. Fata tacebunt, & stellæ silent, & volatus auium non loquentur: tu verò malleus orbis ad tempus esse poteris, sed non diu: Romam verò, quam dixisti esse casuram, Ecclesiam, id est, nauiculam Petri aduertimus: potest enim in fluctibus huius maris, id est mundi, fluctuare, sed nunquam mergi. Tertia igitur citatione, vt prædiximus, facta interea Papa *Innocentius IV.* (ita enim Papa tu vocatus) Concilium Archiepiscoporum & Episcoporum regionū circumadacentium cōuocauit, ad quod Fridericus vocatus noluit venire, sed suos Nuncios misit. Præsidente igitur Innocentio Papa in facie ipsius Concilij, de cōmissis ipsius & hæresibus, quibus implicatus esse dicebatur per xvi. Capitula hinc inde disputatum est: tandem per sententiam, ipsum anathematizauit, & à dignitate & honore Imperij alienauit, & ipsum vel hæredes suos ad dignitatem Imperij Romani nunquam venire posse iudicauit, & sub interminatione anathematis districtè inhibuit, ne quis de cætero eum pro Imperatore haberet, nec Imperatorem, sed Fridericum tantum de Stoupha \* appellaret. Et hoc mandatum per vniuersas Imperij Romani regiones Papa diuulgare fecit: sed hoc Rex Franciæ approbare noluit, quia idem Fridericus quondam iuratus suus exstiterat.

f. \* Suecia.

---

*De bello transmarino, quod Ludouicus Rex Franciæ in extremis positus in visione vidit.*

CAPVT X.

**R**Ex igitur Francorum graui detentus infirmitate vsque ad mortem ægrotauit, cui talis apparuit visio. Videbat se in transmarinis partibus esse constitutum: ibi enim nostri Christiani & Saraceni ad pugnam parati erant, & congregientes acrius inter se pugnant; & postquam diu pugnatum est, Sarraceni nostros vicerunt, & omnes aut interficiebant, aut captiuos ad terram suam deducebant, ita quòd de tanta multitudine nostrorum vix xv. milites de bello fugientes

remanſiſſe dicerentur. Quod cùm Rex Franciæ videret valde indoluit: cui fertur dictum fuiſſe: Rex Franciæ hoc irrecuperabile damnum vindica. Rex autem ab hac viſione reuerſus, vouit ſe ad terram Sanctam poſt duos annos properaturum: & ſtatim ſibi crucem dari præcipiens, inuita matre Domina Blanca cruce ſignatus eſt. Pugna quippe ab ipſo Rege intuita accidit in feſto S. Andreæ, & ſicut viderat verum fuit.

---

*Quòd Papa Innocentius damnato Friderico Imper. Landgrauium de Thuringia Regem Rom. creauit.*

### C A P V T XI.

**F**Riderico quoque quondam Imperatore, vt diximus depulſo, Innocentius Papa Regem creauit filium Comitis Palatii de Thuringia qui aſſumpto ſibi exercitu intrauit territorium de Nuremberch. Papa verò miſit ei Archiepiſcopos & Episcopos cum militibus. Conradus verò filius dicti Friderici priùs Imperatoris, qui tunc in Sueuia erat, accerſita ſibi magna multitudine armatorum venit obuiam nouo Regi, & congreſſus eum eo victus eſt, & multi de exercitu ſuo perierunt interfecti, alij capti, alij fugerunt: Conradus verò in Nuremberch fugit. Nouus verò Rex ad ſua & omnes adiutores ſui cum multis ſpölijs redierunt; ſolus tantùm garcio de tanta multitudine noſtrorum ibi mortuus. Nouus quoque Rex non multò poſt diem clauſit extremum: & Papa alium inſtituit, Comitem ſcilicet de Holande, qui exercitum colligens venit Aquisgrani, & eam obſidens tandem cum magno labore expugnauit, & ibi coronatus eſt, & inde ad ſua redijt. Episcopos verò Argentinenſis duo caſtra, quæ Regi noſtro aduerſabantur, Vvigreſem, & Croneberch, funditus deſtruxit, & totam terram Episcopatus vice Regis ſibi ſubegit: Sleſtat verò obſedit, ſed nihil profecit. Cronradus verò ſupradictus viribus aſſumptis ſubitò Alſatiam intrauit, & recto itinere nihil aliud faciens cum ſuis incedebat. Episcopos autem Argentinenſis vſque ad ripam Rheni ſequutus eſt cum.

eum. Conradus verò Rhenum transiens in Sueviam fugit,  
& Episcopus in sua reuersus est.

*Quòd Rex Franciæ mare transit: Damiatam miraculosè  
obtinuit, & eam pro liberatione sua Sarracenis  
restituit.*

C A P V T XII.

**R**Ex verò Franciæ mare intrans applicuit magno appa-  
tu Cyprum, & ibi aliquandiu moram faciens, multi de  
suis mortui sunt. Deinde ad portum Acharon volens venire,  
vento flante contrario ad littus Damiatæ projectus est: nautæ  
verò valde admirantes dixerunt ciuitatem quam videbant  
esse Damiatam, quæ in Ægypti introitu sita est: nostri verò  
valde perterriti ad arma currunt, littus occupant, Sarrace-  
nos ad bellum paratos inueniunt, qui à nostris oppressi Da-  
miatam redire compulsi sunt. Nostri igitur Christiani ten-  
toria figentes ibidem pernoctarunt: mane autem facto ad  
portas ciuitatis venientes, apertas eas quidem inuenerunt,  
sed nullum intus ciuium reppererunt. Intranses autem ciuita-  
tem mundauerunt, & Ecclesijs compositis cultui Christiano  
subdiderunt. Post paucos itaque dies Rex cum exercitu suo  
suggestione Comitum de Artois fratris sui terram Sarraceno-  
rum ingressus est, & ibi reperto exercitu Sarracenorum cum  
eis confligens victus est, ibi quippe mortuus est dictus Regis  
frater. Cæteri verò omnes aut capti, aut interfecti sunt ibi-  
dem, excepto Rege & paucis qui in quodam monte fugerunt.  
Expleta denique tanta eade montem, in quo Rex erat, Sarra-  
ceni circumsederunt: Rex verò sibi nusquam fugam patere  
videns tradidit se illis. Pagani siquidem Damiatam cum  
Rege venientes minati sunt se Regem interfecturos, nisi  
Damiatam eis redderetur. Dux verò Burgundie & Regina  
cum alijs pluribus videntes irrecuperabile damnum de Re-  
ge, ciuitatem Sarracenis tradiderunt: ita tamen quòd vni-  
uersi captiui, qui à Sarracenis tenebantur, Regi restitueren-  
tur, quod & factum est. De quibus nos vnum Sacerdotem

A a a

vidimus qui hæc omnia nobis narrauit. Rex verò cum suis Acharon venit.

---

*De Amiraldo de Coine qui Regem Babiloniæ interfecit, & de nece filij sui Conradi.*

C A P V T XIII.

**I**Gitur Amiraldus de Coine, qui à Rege Babiloniæ ad dictam pugnam vocatus fuerat, dicebat se debere Damiatam habere, & etiam medietatem captiuorum & spoliis, quia maiorem ipse exercitum habebat quàm Rex. Rex verò non acquieuit: vnde Amiraldus in ipsum insurgens interfecit, & exercitum eius in fugam conuertit, & Damiatam obtinuit. Sed Amiraldus, quia Damiatam longè à terra sua distabat, timens ne filius Regis interfecti Damiatam, quæ ei propè erat, aliquando obtineret, & ita suam gentem, quam in eadem ciuitate dimiserat, perderet; inito consilio Damiatam funditus euergit, nec in ea lapidem super lapidem reliquit: & ita illa delicata ciuitas, quæ quondam paradysus esse dicebatur, à nostris bis miraculosè acquisita, & bis nescio quo occulto Dei iudicio miserabiliter perditæ, finem accepit. Rex verò Franciæ Cæsaream ciuitatem quandam, quæ à Sarracenis antea destructa fuerat, satis compendiosè restaurauit, & gente & ædificijs copiosam reddidit; & sic vix duobus annis in terra illa degens in Franciam redijt.

---

*De morte iniqua Friderici Imper. & de obitu Innocentij IV.*

C A P V T XIV.

**C**Um igitur res ita se haberet, & *Fridericum* quondam Imperator in Apulia moraretur, adhuc in infidelitate sua perscuerans, vt fertur contra Deum blasphemias, quæ non sunt etiam referendæ, loqueretur, decidit in lectum & mortuus est, sepultusque in Palerno, vbi dicebatur plurimos

habere thesauros. Post hæc Apulienſes neſcio quo zelo, ſed vt rei exitus probauit, malo, *Conradum* filium dicti *Friderici*, qui in Sueuia degebat, vt regnum patris acciperet, aſciuerunt: qui non multò poſt veneno potatus interiijt. *Innocentius* verò Papa IV. cùm VII. annis apud Lugdunum manſiſſet, Romam reuerſus in Apulia diem ſuum clauſit extremum.

*De B. Hildegardæ Sæctimoniali, & de prophetijs eius.*

C A P V T XV.

**A**Nte hos annos ferè triginta fuit in inferioribus Alemaniz partibus Sæctimonialis quædam inclufa ſanctiſſimæ conuerſationis & vitæ, *Hildegardis* nomine, cui Deus etiam inter cætera gratiam prophetiæ contulerat, & quod mirum eſt dictu, quod nunquam antea didicerat, linguâ loquebatur latinâ, & ſcribebat. Prophetauit quippe de ſtatu regnorum, & euentibus futurorum: & inde libros propria manu conſcripſit. Scripſit etiam librum medicinale ad diuerſas infirmitates, quem ego *Argentinz* vidi. Scripſit ſiquidem de Ordine futurorum Prædicatorum, & Fratrum Minorum, qui temporibus noſtris primùm eſſe cœperunt. Dixit quippe apertè quosdam Fratres futuros altè conſuratos in habitu religioſo, ſed inuſitato, qui in principio ſui quaſi Deus à populo reciperentur; nec aliquid proprium habituros prædixit, ſed tantummodò eleemoſynis fidelium viſitarent, nec de his eleemoſynis in craſtinum reſeruarent; & ita tali paupertate contenti ciuitates & caſtella, & regiones prædicando circuirent: & ita in primordio ſuo Deo & hominibus cari haberentur; ſed citò à propoſito ſuo decidentes, viliores haberentur. Hæc Hildegardis de Prædicatoribus & Minoribus Fratribus fertur prædiſſe, quod poſtea verum actus ipſorum eſſe probauit.

## De S. Dominico, &amp; principio Ordinis Prædicatorum.

## CAPVT XVI.

I. \* Hispania.

**Q**uidam *Dominicus* nomine de Tuscia \* partibus oriundus tempore Innocentij III. Ordinem incepit Prædicatorum; sicut & eodem tempore Franciscus quidam, de quo postea dicemus, Ordinem Fratrum Minorum inchoauit. Dictus siquidem Dominicus Fratres sibi collegit, & secundum Regulam B. Augustini viuere constituit: & ita à Gregorio Papa confirmati, dispersi sunt per vniuersas regiones, & quandiu in proposito suo permanserunt, cari ab omnibus habiti sunt. Sed mirum est quodd tanti viri in diuinis sermonibus probabiles in ciuitatibus opulentioribus habitare cœperunt, in quibus splendide viuitur, & habitatores earum ciuitatum delicijs & diuitijs abundant, & ibidem luxus & ambitio rerum secularium vident, & vsuris & publicis rapinis impudenter insistent: quomodo nostri Prædicatores à talibus & cum talibus conuersari & viuere, & dona ipsorum recipere gratulantur? Sed quia prophetia illius Venerabilis Sanctimonialis Hildegardis ne fieret præteriri non poterat, in primordio sui nostri Prædicatores omnibus in bono satis claruerunt: multos quippe ab erroribus suis & à via sua mala auerterunt, & hæreticos, quibus vniuersa terra iam propè occupata erat, represserunt, & multos eorum dati igni fecerunt, & aded in exercitatione sua valuerunt, vt etiam quidam eorum miraculis claruisse referantur. Sed quia, vt dicitur, noua placent & vsitata vilescunt, quia iam à proposito aliquantulum declinabant, immò etiam de se præsumendo quædam inepta sibi vsurpabant, à populo iam non tanti præcij haberi cœperunt. Diuites quippè & raptores, & vsurarios publicos circumeundo visitabant, & si qua ambitione secularium vel rapto, vel scœnore ab illis acquisita inuenirent, ad Monasteria sua, quæ permixta ædificare cœperant, efficiebant vt donarentur; & ita per interpretes illas res in ædificiorum suorum, vel victualium vsus conuertere.

bant: licet non ignorarent rapinas, vel vsuras nisi eis, à quibus extortæ fuerant, reddi debere: illos verò qui eis talia dona conferebant, quod Papa facere non potest, à peccatis rapinarum & vsurarum absoluebant, & mortuos in cæmeterijs suis solemniter sepeliebant: & ob hoc viliores plurimùm esse cœperunt.

---

*De B. Francisco primo Fundatore Minoritarum,*

C A P V T XVII.

**F***ranciscus* igitur, quem superius primum Ordinis Fratrum Minorum esse diximus, de Assisia ciuitate vallis Spoletanæ oriundus fuit: filius quidem diuitis ciuis dictæ ciuitatis extitit, qui eundem Franciscum causâ mercimonij ad partes Franciæ frequenter mittere solebat; vnde à Francia Franciscum nominatum fuisse referunt. Qui Franciscus bonæ indolis existens iuuenis & sapiens (sicut mos est mercatorum) ambitionem rerum secularium infectatus est: sed de mercimonio à patre credito Ecclesijs & pauperibus largissimè erogabat. Contigit ipsum Franciscum ad partes suas quodam tempore redire, & à patre libenter receptus paucis diebus cum ipso mansit: quadam verò die cùm pater eius quemdam solemnem ageret diem, Franciscus iuuenis laudabilis quamdam cameram intrans vestibulis suis omnibus exuitur; quadam tunica, in qua caputium consutum erat, & tamen vilissimi panni se induens, cordella nodata se præcingit: & ita sine calceis & tonsoratus ad patrem exijt, & patri vale dicens asseruit se potius Deo seruire velle quàm mammonæ. Circuiens verò regionem illam, plures sibi Fratres & Ordini suo sociauit. Veniens igitur ad Papam Gregorium, sicut Prædicatores ab eo authorizati sunt, & ita per diuersas regiones collocati sunt. Franciscus verò cum paucis Fratribus per ciuitates & castella circuiens prædicando, ad quamdam ciuitatem fertur deuenisse; & ibi volens verbum Dei prædicare, ciues loci illius in tali habitu cum cum suis considerantes

Aaa iij

quasi stultum à ciuitate sua cum expulerunt: ipse verò extra portam ciuitatis iuxta stratam publicam stans, conspexit in campo diuersi generis aues pascentes, quasi loqueretur hominibus ad se ipsas vocauit, & statim ad vocem ipsius tanta multitudo diuersarum auium circa eum adunata est quanta nunquam in partibus illis visa fuisse feratur: quas B. Franciscus admonens, quia gens intelligibilis & sensata verbum Dei audire contemneret, saltem aues indiscretæ mandata Dei audire non recusarent: illæ verò colla erigentes, & capita & visum quasi eum intelligerent, porrigebant ei: ille verò hortabatur eas vocibus & cantibus Deum qui eas creauerat, & pascebat, glorificare & laudare: & sic eas diu alloquens, & quasi cum rationabilibus creaturis de verbo Dei cum eis disputabat. Videntes autem transeuntes ignotum virum in tam extraneo habitu auibus quasi hominibus prædicantem, nunciauerunt hæc in ciuitate: ad quem tota ciuitas exiens, admirans super miraculo auium, rogabat eum, vt quia eum expulerant, ciuitati indulgeret: ipse verò auibus benedicens iussit eas abire, & conuertens se ad populum improperabat ei quòd populus intelligibilis & rationabilis verbum Dei audire contemneret, aues verò sine ratione cum gaudio magno illud susceperent. Cùmque gentem illam diu allocutus fuisset, hoc sermone finito, dans benedictionem à loco discessit. Fertur etiam transfretasse, & ad Babyloniam deuenisse, à Rege illius terræ licentiam prædicandi obtinuisse. Videns igitur B. Franciscus gratiam dicti Regis & gentis ipsius terræ se habere, paucos de discipulis suis relinquens ad partes suas reuersus est, volens illuc plures ad prædicandum dirigere: sed quia non est laborantis & currentis, sed volentis Dei hominis cursum dirigere, nescio quo impedimento detentus ad Babyloniam non est reuersus. Cùmque plures sui Ordinis Fratres vbique disseminasset, & pluribus in vita sua claruisset miraculis, ad ciuitatem Assisæ reuertens, infirmitate detentus ibidem bono fine quieuit in Domino, & ibidem sepultus est. Illorum siquidem & conuersatio & vita semper melius & sanctius quàm Prædicatorum ad tempora nostra vsque perdurauit. Quamplures igitur ambos ordines viri & mulieres imitantes conuersa-



tionum eorum se contulerunt. Nobiles quippe Clerici, & bene literati suas prælationes, dignitates, diuitias, parentumque consolationes contemnentes, se eis pro Deo sociarunt. Mulieres verò, aliæ virgines, aliæ matronæ & viduæ, aliæ verò meretrices, nobiles & ignobiles, magisterio ipsorum & religioni se submittentem, pusilla sibi habitacula crexerunt. Sed pro dolor! plurimi vtriusque sexus, qui iam aratro Dei manum salutis apposuerant, miserabiliter retro respicientes, luxui & voluptatibus seculi quasi canis ad vomitum redientes denuò se tradiderunt. De quibus melius arbitror flere, quàm loqui.

---

*De Beguina Sybilla nomine de Marsal, & actibus eius.*

C A P V T XVIII.

**D**E quadam iuencula muliere, quæ plurimos sua subtilitate decepit, dicturi accingamur: quia tota ista regio actus illius agnouit, audaciùs de ea loqui non pigebit. In Episcopatu itaque Metensi, in oppido quod Marsal dicitur, illa supradicta muliercula degebat: quæ videns plurimas mulierculas sub doctrina dictorum Prædicatorum specie religionis florere, quæ Beguinæ appellantur, volens ipsas imitari dictis & factis suis simplicitatem suam prætendebat: Ecclesias etiam horâ Matutinarum & Missarum, sicut moris est Beguinarum, maturiùs frequentabat. Quid dicam? adeò magnificauit simbrias suas, vt etiam Ludouico tunc plebano viro discreto, & omnibus habitatoribus villæ de Marsal gratissima haberetur. Quædam verò matrona illius villæ cum viro suo simulationibus eius credens eam hospitio receperat: cui etiam ipsa iuencula suggerebat, se Angelos vidisse: cui matrona illa quandam cameram concesserat, vbi orationes & vigilas secretiùs agere posset. Cùmque ipsa iuencula videret famam suæ religionis vbique diffundi, ad maiorem præsumpsit audaciam properare: fatebatur quippe se in spiritum rapi in cælum, & ita in lectulo suo jacens quasi dormiens, non manducans neque bibens totam diem deduce-

bat. Hospita verò sua verum esse credens cameram clau-  
 bat, nec aliquem ad eam introire patiebatur: aliquà quippe  
 horâ noctis, ut spiritus eius ad eam reuersus crederetur,  
 lenta voce planctum emittebat: quod cum hospita sua audi-  
 ret protinus accurrebat, & ei cibum volens dare, illa renue-  
 bat, dicens se epulis cælestibus ita refectam, ut carnalibus  
 cibarijs de cætero nollet uti. Dictum est enim pòst, quòd  
 quidam Sacerdos eiusdem villæ iuuenis, qui ei familiaris  
 erat, secretò noctu ad eam veniebat, & eam delicatis cibus  
 reficiebat, & species bene redolentes ad superuenientes  
 decipiendosei afferebat; ita ut camera illa tota odore spe-  
 cierum repleretur, ut odor ille in aduentu Angelorum ad  
 se venientium ibi fieri crederetur. Sacerdos igitur quæ illa  
 sumere non poterat sub stramento lectuli sui sagaciter recon-  
 debat, quod eidem tribus diebus vel quatuor ad victum suffi-  
 cere poterat: & ut dictus Presbyter secretiùs & tutiùs ad  
 eam venire posset, illa dicebat hospiti suæ, ne aliquando  
 timeret si noctu ostia domus aperiri, vel alium strepitum au-  
 diret, quia à diabolo de nocte immoderatè molestaretur.

Cùmque cunctos ita deciperet, Fratres Prædicatores &  
 Minores veniebant, & obseruantes eam, fallaciam ipsius  
 nunquam percipere poterant; sed de ipsa, & sanctitate eius  
 & actibus iam in publico prædicabant. Quid plura? Episco-  
 pus ipse Metensis *Iacobus* ad eam venit, Comites quoque &  
 Milites, Clerici, Monachi, & vtriusque sexus vniuersus  
 populus ad eam confluebat: sed non dabatur omnibus copia  
 eam videndi, quia cum audiret tot & tantos ad se venisse, si-  
 mulabat in spiritu, sicut facere solebat, in cælum esse de-  
 ductam, & etiam prædicebat in tribus diebus non reuersu-  
 ram, & ita nulli aditus ad eam patebat. Illi verò qui ad eam  
 videndam venerant, nec viderant, audientes ab incolis quæ  
 faciebat, ad sua reuertentes mira de ea nescientibus narra-  
 bant. Episcopus verò Metensis cum Clericis suis & Prædi-  
 catoribus qui cum eo erant, volens experiri si ita non man-  
 ducaret neque biberet, & si in Spiritu raperetur, ut ipsa  
 dicebat, fecit eam in aliam domum transferri. Ipsa verò in  
 camera in qua jacebat nullum secum noctu manere patieba-  
 tur, quia Angeli eam custodiebant, cum diabolus eam ita  
 importunè

importunè infestabat. Sed cùm ita custodiretur, vt nec posset manducare, neque bibere; vt vel verbis suis de diabolo fidem faceret, simulans se de die in cœlum raptam, noctu surgens accepit plumas de puluinaribus in quibus iacebat, quasi diabolus hoc faceret, per cameram ipsam & per domum, in qua custodientes eam iacebant, disperfit. Videntes verò credebant propter molestiam ipsius à diabolo hoc fieri. Dixerat quippè pluries à diabolo nimium inquietari, & hoc ibi & aliàs sæpè fecisse dicebatur: & ita in illa domo tribus mansit diebus & tribus noctibus, non manducans neque bibens. Et cùm videret se vlteriùs famem sustinere non posse, rogauit Episcopum vt eam ad priorem locum suum reportari faceret, quì in visione ad quam his tribus diebus rapta permanserat, audierat si vlteriùs in ipso loco, in quo diabolus eam plus solito infestabat, moraretur, totum corpus eius diabolus in frustra discerperet. Episcopus verò credulus eam ad priorem locum reportari fecit. Videns autem *Sibylla* (ita enim ei nomen erat) quia Episcopus, Prædicatores, & Fratres Minores, & alii quicam obseruabant factis suis fidem darent, ad maiorem se contulit audaciam; fecit quippe nigram tunicam fieri, & hispidam, & capucium diabolicum vultum habens, qua induebatur cùm ad cœlum se simulabat translata & loquens rauca & horrida voce audientibus magnum incuriebat timorem. Et quandoque noctu à camera exiens in illo diabolico & horribili habitu multis apparebat, & cum eis loquebatur; & quod mirabilius est dictum per vicos & plateas de Marsal discurrebat, & obuiantibus sibi dicebat se esse diabolum, qui Sibillam illam nefandam & impiam virginem impugnabat, & ita ab illis fugientibus relicta, ad cameram suam secretò reuertebatur. Contigit enim quadam die vnum de ciuibz illius villæ mori, qui à plurimis illius villæ non multum bonus habebatur: quod cùm Sibylla ab his qui in domo erant audiisset, nocte sequentilaruâ suâ se induens (sic enim talis habitus appellabatur) venit ad ostium cameræ, & his qui in domo erant quasi diabolus esset, rauca voce dixit: Heu! heu! quantum damnum ista mala mulier Sibylla mihi hodie intulit, quia amicum meum qui hodie mortuus est, mihi violenter

B bb

abstulit. Ipsa enim ad cœlum hodie rapta est, & vsque ad tertium diem non reuertetur: & ita suffragiis suis & orationibus sibi cum retinuit: ego enim credebam eum meum esse, & volebam eum ad spatiosum pratum meum deducere. Illi verò audientes interrogabant vbi esset pratum illud? Quibus respondit; Ego habeo pratum valdè spatiosum & delectabile, in quo ego amicos meos ad spatiandum deduco. Pratum illud semper rore sulphureo, & igneo conspergitur: ibi sunt iocosa reptilia, & animalia viperea & serpentina, & angues, & buffones, & alia plurima pusilla cum magnis; cum quibus amicos meos dilectissimos conuersari & iocari facio, & in illo sulphureo rore ab Angelis meis pro deliciis volutantur. Sed quia ista mulier mihi hodie tantum amicum abstulit, libenter eam in frustra discernerem: sed non audeo, quia Angeli custodiunt eam. Heu mihi misero: quare ista contra me, & malo meo vobis annuncio? quia quàm citò ad Magistrum meum Sathanam reuertar, ipse me ob hoc fœdissimis cruciatibus tradet: Sed non audeo propter istam malam mulierem dimittere, vt vobis ista annunciando, vobis caueatis; vobis etiam dico ipsis, & audientibus me, ne in illud spatiosum pratum veniatis. Episcopus itaque, & alii audientes, verè credebant esse diabolum, qui eis talia referebat. Sequenti enim die cùm Episcopus & Prædicatores tantum ad eam videndam intrassent, quia aliis non licebat, inuenerunt eam in lectulo suo iacentem rubicunda facie, quasi dormientem, & subtilissimos pannos & candidos circa se habentem, & coopertorium capitis sui tam subtile erat, vt diceretur nunquam à manu humana tale fieri posse. Iacebat enim quasi dormiens, habens anhelitum tam subtilem, vt vix ab aliquo percipi posset vtrum anhelaret an non: & quia nemo eam tangere audebat, hospitam eius interrogabant, vnde tam candidi panni & bene redolentes venerant. Respondebat se pluries quando à superis reuertebatur, eam in tali statu inuenisse, & quia ei sæpius dixerat lectum suum ab Angelis refectum fuisse, & ab iis ornamenta ipsa recepisse. Asserebat etiam ei ab eis aquam benedici, vt versutias diaboli ipsam impugnantis superare valeret: erat enim ad caput ipsius satis pulchrum vas-

culum positum, in quo ipsam aquam miserat; de quâ ipse Episcopus & Prædicatores, & alii plures, vt se à diabolo tutarent, se aspersisse, & ex ipsa aqua olida bibisse feruntur. Quid plura? Iam Episcopus Ecclesiam ædificare deliberabat, in qua quia non comedebat, neque humaniter viuebat, ipsam ponere volebat, vt ad eam confluentes talia mirabilia delectarentur aspicere: cùm subitò illud Euangelicum; *Nihil occultum quod non reueletur*, apparuit. Namque cùm vna die ad superna se rapi prædixisset, & ostia bene serrata essent, & hi qui in domo erant se pausatim dedissent; illa de lecto suo surgens sibi sternere cœpit, & diuersas voces emittens quasi opponentis & respondentis, vnam habens horribilem quasi diaboli, aliam verò subtilem quasi Angeli, audiebantur quasi conflictus duorum: quare quidam Prædicatorum conflictum illum subtiliùs volens audire, accessit ad parietem cameræ, & circumspectiua casu tenuissimam inuenit rimam, & aspiciens per eam vidit illam, quam credebant raptam fuisse, lectum suum reficientem; & aduocans Episcopum ostendit illi quid illa interiùs faciebat. Episcopus verò cum aliis ad ostium venientes, illud fregerunt. Quod illa videns proiecit se in lecto imperfecto. Illi verò introeuntes leuauerunt eam de lecto, & cogentes eam omnes actus sicut supra scripti sunt, exposuit, & quod haberet escas sub lecto suo absconditas, quibus pascebatur, quod & inuentum est. Episcopus verò & Prædicatores, & alii omnes qui aderant videntes se tandiu à tali muliercula fore deceptos, ineffabiliter doluerunt. Videbant enim oculata fide larvam illam, scilicet vestimentum illud diabolicum, escas absconditas quibus illa vescebatur, & ornamenta lecti sui, & alia utensilia quibus illa tot & tantos viros & mulieres, & qui credebantur esse sapientiores, magis ac magis confundebantur. Alii clamabant vt combureretur, alii vt aquis suffocaretur, alii vt viua deffoderetur. Beguinæ verò, quæ ad hoc spectaculum venerant, ista audire non poterant: coopertis capitibus flentes & eiulantes, quia neminem præ pudore videre poterant, in sua reuertebantur. Episcopus verò pudibundus suas iniurias non ferens, voluit eam interficere: sanioe tamen vsus consilio mulierẽ illã in carcerem, cõcessã tamen ei

paruâ fenestellâ, per quâ ei modicum panis & aqua porrigebatur; pauco enim superuiuens tempore, in ipso carcere mortua est. Sic Deus ea quæ per ipsum non fiunt, breuiter dissoluit.

*De gente quadam horrida quæ Tartarini dicebatur, quæ multas regiones & regnum Hungariæ vastauit.*

### C A P V T XIX.

**C**ontigit ante hoc quasdam gentes nescio vnde ebullire; immensus siquidem erat eorum exercitus & innumera-bilis, facie quidem horridi, cultu horribiliores, Tartarini appellati, vnde quidam eos à Tharso Ciliciæ nominatos dicebant. Alij verò asseriebant eos ludæos illos esse quos ferunt ab Alexandro Rege magno intra Caspios mōtes quondā fuisse inclusos, sed adhuc ignoratur vnde tanta multitudo gentium ebullierit. Venerunt quippe per Bulgariam & Poloniâ & per plures alias Oriētis regiones, vniuersa quæcunq; inueniebāt sine misericordia interficiebāt: sicut Gothi & Vandali in his Occidentalibus partibus quondam fecisse legūtur. Intrantes denique regnum Hungariæ, vt breuiter dicam, ita illud depopulari sunt, vt nec ciuitas vel vici, vel munitio aliqua, vel homo vel mulier, vel demum aliquod pecus saluum remaneret: excepto quodd Rex in interioribus sylvarum, locis, quibus terra illa abundabat, cum paucis se occultaret. Denique vsque ad Danubium fluuium venientes, Alemanniam totam, & etiam Franciam totam se occupare debere iactabant. Sed quidam ferunt instinctu Frederici tunc Imperatoris eos Hungariam intrasse, eo quodd Rex Hungariæ regnum suum ab eodem Imperatore recipere noller, quod rei exitus postea comprobauit. Nam Rex Hungariæ compulsus dominio Imperatoris se subdidit, & regnum Hungariæ ab ipso recepit, & ita illi Tartarini à regno Hungariæ exeuntes, nescio quò ad sua reuersi sunt.

*De Henrico Abbate huius loci Senoniensis,  
& actibus eius.*

CAPVT XX.

**D**e Henrico quidem, de quo superius mentionem aliquantulum fecimus, huius loci Abbate, quia nostris temporibus oculata fide actus ipsius & vidimus & cognouimus, huic paginæ adnotare non pigebit. Fuit quidem idem Hēricus de ciuitate Metensi oriundus, personā quidem satis honestus, aliquantulum literatus, moribus Monasticis, ut ætas illa exigebat, admodum ornatus, officio diuino libenter insistens, solemnitates Sanctorum in officio diuino cantando, legendo, ordinando, satis compendiosè decorabat. Sed in rebus conseruandis aliquantulum ultra metam sollicitus erat. Hic in principio suæ ordinationis Monachis huius loci satis parcè ministrabat, ita ut inter ipsum & Monachos lis ingens oriretur. Abbas verò videns se à Monachis vrgeri, Comitem Henricum de Salmis & Comitissam adiit, & se eis tanta iunxit familiaritate ut pro voluntate sua dictum Comitem & Comitissam haberet. Adduxit eos nempe ad Claustrum, & tantā instantiā prædictos per Comitem & Comitissam Monachos adgressus est; ut ipsi Monachi vel prece vel pretio, vel demum minis coacti Abbati se submiserunt. Vnde idem Abbas dicto Comiti & Comitissæ ex tunc subiectus fuit; ut quicquid idem Comes in valle Senoniensi, vel in cunctis appendiciis suis agere volebat, nutu & voluntate ipsius Abbatis fiebant vniuersa sine contradictione aliqua: ita ut in talliis, & aliis exactionibus, quas idem Comes in hominibus vallis agere volebat, sine repulsa, quod ante non fuerat, exercebat. Vnde sæpe idem Abbas pectus suum pugno tundens, nobis referebat ita dicendo: Væ mihi! Quid feci? Quia cum ego Abbas ad hunc Senoniensem locum electus fui in tota valle Aduocatus loci istius vix quatuor libras vel centum solidos Tullenses accipiebat, quod precaria dicebatur: & ego sustinui quòd illi centum

Bbb iij

solidi libræ facti sunt. Et sic inoleuit quod Aduocatus ex tunc pro voluntate sua tallias, & alias rapinas exegit. Veniamus verò ad alia quæ bene fecit, & deinde malefacta referemus. Videns igitur idem Abbas quòd voluntati suæ nullus Monachorum suorum contradicere audebat, quomodo vel quando volebat, erat pro ratione voluntas. Bona igitur voluntas eius prima hæc fuit. Construxit apud Archum molendinum super Mortam fluuium situm. Acquisiuit etiam Ecclesiam S. Hilarii Metensis ad Pontem Renmonis. Ædificauit quoque apud Roitſi domum lapideam in curia nostra sitam. Fuit denique Ecclesia Senoniensis, & omnis domus cum appendiciis suis tempore suo locuples & omnibus bonis plena. Sed vnum erat in eo, quòd Ecclesiam Senoniensem valdè oppressit, Præposituram de Curte omnino deleuit, Eleemosynarium amouit, Camerariam in manu sua tenuit, omnes Obedientias ferè ita sibi retinuit, vt nullus Monachorum statum Monasterii intus vel extra scire posset. Vnde in aliis locis quæcunque hebebat, commendabat. Postquam verò viginti & vno annis Senionensem Ecclesiam rexit, infirmitate detentus, apud Bellum pratum diem sortitus est extremum, & ad Monasterium deductus in Capitulo nostro sepultus est.

---

*De Comitatu de Dasporch, quomodo dissipatum est  
dominium, & nomen perdidit.*

#### CAP VXT XXI.

**C**Ontigit igitur eo tempore Ducem Lotharingæ *Theobaldum* ab hac vita migrare, qui sortitus fuerat filiam Comitum de Dasporch in vxorem: vnde ei Comitatus castris & munitionibus, & oppidis ditissimus, & terrâ fertili admodum ditatus. Sed dictus Dux non dimidiatis dies suos iuuenis obiit; & ita vxorem cum Comitatu reliquit. Comes verò Campaniæ adhuc adolescens audiens Comitatum illum tam opulentum, relictam Ducis Lotharingæ accepit in vxorem, & hoc causâ Comitatus. Sed cum eam aliquan-



diu habuisset, quia sterilis erat, eam repudiavit. Ipsa verò Comiti de Liguigne nupsit. Sed non post multos annos ambo mortui sunt. Ita Comitatus de Dasporch hærede caruit. Mira res & inopinata, quia, ut fertur, mulier illa de qua agitur, fuit à nobilissimis & Christianissimis progenitoribus procreata. Nam B. Leo Papa, cuius vitâ & moribus sancta illustratur Ecclesia, de eius stirpe natus fuit, cuius pater fundator Ecclesiarum extitit clementissimus. Ædificavit quippe Monasterium Sanctimonialium iuxta oppidum Saleborch, quod Hessa vocatur, & propriis ditavit sumptibus. Aliud quoque Monasterium Monachorum sub regula B. Benedicti degentium in Alsacia construxit, quod Altorph vocatur. Tertium item Monialium in Episcopatu Basiliensi extruxit, quod Vvffemhem dicitur. Si fas esset os ponere in cælum, dicerem quare tam nobilis progenies & tam sancta, per sæpeditam mulierem hærede caruit: immò, idem Comitatus nomine tam famoso caruit: nam Metensis Episcopus *Ioannes* audiens defectum hæredum illius Comitatus quædam Castra scilicet Hernestem & Turqueltem, & quædam oppida peroptima, videlicet Alban & Salaborch, & Comitatum civitatis Metensis, & terras & homines, quæ omnia Comes de Dasporch à priscis temporibus nomine feudi possederat, ab eodem Episcopo ad ius & proprietatem Metensis Episcopij resumpsit & sibi. Frater verò dicti Comitis defuncti ad castrum Dasporch cum armis veniens ipsum obtinuit. Mirum dictum: ut melius dilaceraretur; etiam ij, ad quos nihil penitus de Comitatu ipso pertinebat, munitiones & terras sibi usurpare præsumpserunt. Episcopus namque Argentinenfis *Bertoldus* cum videret sibi adiacere duo castra fortissima, Ginrebade scilicet & Veruestem, cum appendiciis eorum, solerti industria acquisivit & obtinuit. Et ita Comitatus de Dasporch celebre nomen cum rebus amisit.

*De Viderico Abbate Senoniensi post Henricum  
electo & actibus eius.*

CAPVT XXII.

**M**ORTUO quippe Henrico Abbate de quo superius mentionem fecimus, successit ei *Videricus* vir honestæ personæ, & ornatus moribus, de parentela militum de Sco- uagio generatus, in hac nostra Ecclesia nutritus & doctus secundum morem Monachorum: ad legendum & cantandum satis aptus, moribus prædecessoris sui se conformans officio diuino insistebat, intus & exterius prouidus, quæ inuenit diligenter obseruauit. Huius anno secundo castrum Altæ-petræ destruitur. Præterea idem Videricus officia diuina decentius quàm prædecessor suus, consuetudines Monasterij instituit; Verbi gratiâ quia cùm prædictus Henricus huius loci Abbaselectus est, Horæ de B. Virgine *Maria* in Conuentu non cantabantur, sed finitis Matutinis canonicis Conuentus ante altare S. Crucis Matutinas de S. *Maria* in directum dicebant, & laudes de omnibus sanctis. Prima verò, Tertia, Sexta, Nona, Completorium in Conuentu minimè dicebantur. Vesperæ verò de Domina nostra ante altare sanctæ Crucis, sicut & Matutinæ dicebantur. Henricus verò Abbas effectus, instituit vt decantatis Matutinis Canonicis, Conuentus Responsorium de B. Virgine *Maria* cantando cum lumine ad Ecclesiam B. *Maria* properaret, & ibidem Matutinas celebraret. Cæteræ verò Horæ in Ecclesia B. Petri post canonicas Horas decantarentur; excepta Vespera, quæ sicut & Matutinæ in Ecclesia B. *Maria* Virginis cantaretur. Matutinalis verò Missa, quæ antea ad S. Simeonem in Conuentu celebrata cantabatur, ad S. *Mariam* cum Tertia præcedente decantarent. Constituit etiam idem Abbas Henricus, ne B. Simeon Missa fraudaretur, voluit vt ibi priuatim Missa fieret, & qui eam cantaret, mensuram vini per portionem quotidianam de cellario acciperet. Ita ista omnia quandiu vixit diligenter obseruata sunt. Succedente autem

autem ei dicto Vviderico, præter ea quæ iam dicta sunt de ordinatione ipsa, quam dictus Abbas Henricus instituit de *Horis B. Mariæ*, iste Vvidericus ex aliqua parte decentius constituit. Considerans quippe quòd Canonice Horæ ex integro in maiori Ecclesia non cantarentur, voluit ut Missa matutinalis cum Tertia præcedenti, quæ à prædecessore suo ad *S. Mariam* cantanda, instituta fuerat, ad *S. Simeonem* in Conuentu, sicut prius, decantaretur. Tertiam verò Missam ad *S. Mariam* instituit quotidie celebrari; ita ut omnibus diebus anni, excepto die Parasceue, ibidem Missa de *S. Mariæ* solemniter celebraretur, sed non à Conuentu; immò qui hebdomadarius maioris Missæ & matutinalis esset, hanc tertiam Missam ad *S. Mariam* cum coadiutore celebraret: & mensuram illam vini quæ pro Missa *S. Simeonis* dabatur, iste qui Missam *S. Mariæ* celebraret, quotidie de cellario acciperet: quod & tempore nostro perdurauit. Claustrum quoque columnis & testudinibus ædificauit ab ostio Monasterij, quod ducit ad Capitulum, per partem illam quæ Conuentus dicitur, per partem Dormitorij vsque ad Refectorium, sicut hactenus apparet. Emit denique quamdam possessionem apud Regisuillam in Alsacia octoginta marcis argenti; quæ postea perdita fuit tempore Balduini Abbatis, sicut in sequentibus exponetur.

---

*De lite Vviderici Abbatis & Henrici Comitis de Salmis.*

C A P V T XXIII.

Cùm igitur iste Abbas *Vvidericus* rempublicam quam strenuè gubernaret, subito oritur contra eum facis lamentabile bellum. Comes quippe *Henricus* de Salmis litem iniit cum quibusdam fratribus ipsius Abbatis, *Iuanno* scilicet, *Ioffrido*, militibus, & *Rodulfo* de Oucrois, dicens eos esse de familia sua; quod illi inficiabantur. Vnde Comes iratus abstulit eis vniuersa, quæ in Comitatu suo possidebant. Quod Abbas valde ægrè ferens, Comitem super ve-

Ccc

ratione istius Ecclesie coram Metensi *Ioanne*, & Tullensi Episcopis conuenit, & diu hinc inde sine terminatione litigarum est. Hoc cum vidisset Abbas, credens Comitem citius ad pacem posse euocare, Conuentum totum à Monasterio discedere fecit; & partem Monachorum secum apud Rambertiwillare ad commorandum duxit: alios verò ad Cellam Leonis-montis misit. Inito etiam consilio corpus B. Simeonis de capsula argentea extrahentes, ad ipsam Cellam deportauerunt. Tamen quinque Monachi remanserunt in Monasterio, qui Comiti fauebant: qui Comes eis necessaria ministrabat. Quod cum videret Abbas dictos quinque Monachos in malicia perseuerare, Episcopos Metensem & Tullensem adiit, & eis nunciauit quomodo dicti Monachi contra voluntatem suam & Conuentus, locum Senoniensem occuparent. Episcopi verò consenserunt in hoc, quòd ipsi Monachi captiuarentur, quod & factum est. Episcopus quippe Metensis præcepit cuidam Præposito suo *Richerio Spinalensi*, vt dictos Monachos in turri apud Rambertiwillare captiuaret. Vnde quatuor ipsorum inuenti sunt, de quibus actum est sicut præcepit Episcopus. Quintus verò qui aberat non est tenus. Cum se res ita haberet, quidam considerantes quòd nunquam Comes & Abbas pacificarentur, nisi prius fratres Abbatis pacem cum Comite haberent. Vnde Comes cum iis pacem inuit; & vniuersa quæ eis abstulerat restituit, & ipsos liberauit; & super hoc Literas patentes eis contulit. Tractatum quippe est de pace inter Comitem & Abbatem, promissaque Comes Abbati, quòd vniuersa quæcunque ipse Comes Ecclesie Senonienſi abstulerat, restitueret. Sed Abbas talibus promissionibus deceptus ad Monasterium cum suo Conuentu reuersus est: & ita sub tali facto ex tunc amici facti sunt. Monachi verò, qui captiui tenebantur antea, dimissi sunt. Edificauit quippe idem *Vvidericus Abbas* cameram inter portam anteriorem & Monasterium sitam.

*Quomodo VVidericus Abbas Senoniensis ad regimē  
S. Apri Tullens. transiit, & de electione  
Balduini Abbatis Senoniensis.*

## CAPVT XXIV.

**E**Lapso quippe non paruo tempore, cum hanc Eccle-  
siam satis competenter rexisset, Ecclesia S. Apri Tullen-  
sis tunc temporis orbata est proprio Pastore. Fratres verò il-  
lius loci ad acquirendum sibi Pastorem diu laborantes, Epis-  
copum *Rogerum*, qui tunc temporis sedem obtinebat Tul-  
lensem, vt de Abbate eis prouideret, adierunt. Episcopus  
verò quia valde Abbatem *VVidericum* huius loci diligebat,  
consuluit vt ipsum *VVidericum* sibi peterent in Abbatem,  
quod & fecerunt. Abbas verò quosdam cognatos Monachos  
suos in hoc loco habebat, de quibus vnum ad regimen huius  
loci promouere studebat, quod Conuentus omnino recu-  
savit. Cumque videret, eo se nihil proficere, Episcopum  
Metensem & Tullensem, scilicet *Ioannem* & *Rogerum*,  
necnon & Abbatem *Vvillermum* S. Mansueti Tullensis, qui  
ei familiarissimus erat, & alios quamplures Magistros & Cle-  
ricos huc secum adduxit, credens per tot & tantos viros  
Conuentum huius Senoniensis loci ad desiderium suum  
inclinare posse. Qui satis sagaciter exhortationibus, preci-  
bus & minis, personas sigillatim & Conuentum in vnum ag-  
gredientes, nullomodo ipsum Conuentum ab intentione  
sua amouere potuerunt. Dicebat Conuentus se electione  
velle gaudere: Abbas verò è contra dicebat, quod non-  
dum resignauerat, sed volebat in hoc loco Abbas remane-  
re, Quid plura? Omnes imperfecto negotio recesserunt.  
Abbas verò *VVidericus* videns se ita nihil proficere, aliud  
iniit consilium credens personas maiores muneribus ad se  
adtrahere posse. Contulit vni nanque Elcemofynariam, alij  
Camerariam, alij Thesaurariam, alij Prioratum huius loci:  
alijs autem exteriores obedientias promittebat, dummodo

Ccc ij

votis suis fauere vellent. Illi verò obedientias sibi oblata  
 libenter susceperunt, sed nullomodo voluntati suæ acqui  
 euerunt. Quid Conuentus faceret, qui tot impulsibus  
 terebatur; quia cunctis diebus aut per Episcopos aut per  
 Abbates, seu etiam per milites & laicos, vt voluntati di  
 cti Abbatis adquiesceret admonebatur? Sed nec sic volun  
 tas Conuentus immutata. Ipse verò Abbas cum videret  
 quodd desiderium ipsius effectum non haberet, laborauit vt  
 electio nostra duobus Episcopis dictis, quia ipsos propitios  
 habebat, absolutè conferretur. Et die assignata apud Bel  
 lumpratum conuenimus. Episcopi verò instantè petebant,  
 vt voluntati ipsius Abbatis consentiremus, quod minimè  
 contigit. Episcopi verò videntes Conuentum nostrum in  
 hoc tam constantem, Abbatem nobis nominauerunt, Elec  
 mosynarium scilicet S. Vitoni Virdunensis, qui venire  
 contempsit. Aspirabat enim ad Abbatiam loci illius, quia  
 Abbas ille decrepitu erat & valde debilis. Cumque Ab  
 bas Vvidericus videret quodd dictum Eleemosynarium ha  
 bere non possemus, rediuiuà instantiâ nos sollicitare cœpit;  
 vt intentioni ipsius manus darcemus, nec impetrare potuit,  
 sed fortius electionem nostram impediēbat. Nos verò in  
 tanta angustia constituti, necessitate coacti penes nos deli  
 berare cœpimus, si quoquomodo insaniam ipsius mitigare  
 possemus, Cessam nostram Leonis-montis ei contulimus,  
 & super hoc literas sigillo Conuentus sigillatas ei dedimus.  
 Et ita diem electionis constituimus. Qui ad ipsam veniens,  
 partem suam Monachorum consuluit: habebat enim sep  
 tem vel octo de Fratribus Conuentus, qui parti eius faue  
 bant; vnde nos in electione procedere non poteramus. De  
 mum de electione tractantes arbitrati sumus melius esse vt  
 inter tres personas compromitteremus, quam per scrutini  
 um, vel alio modo in electione procederemus. Quod & ip  
 se Abbas & complices sui concesserunt; ita tamen quod  
 vnus illorum trium de parte sua acciperetur. Conuentus  
 verò Nonnum *Ioannem*, & me Fratrem *Richerium* elegit.  
 Abbas verò & fautores sui *Fridericum* Priorem de Xures no  
 bis duobus iunxerunt. Nos verò eidem *Friderico* omnes  
 personas idoneas huius loci nominauimus, quas omnes re

cusauit. Obtulimus ei etiam Priores & alios idoneos viros, quos etiam repudiavit. Quod cum idem Fridericus Abbati Vviderico omnia verba nostra retulisset, idem Abbas fertur dixisse: Si Monachi isti nolunt consentire, ego faciam quod ipsi miserum Abbatem habebunt, & ita in Balduinum consensit qui tunc de nouo Prior Vvaringiullæ effectus erat. Quem nos, ut debebamus, postulantes, cum Episcopo Tullenfi Rogero præsentauimus. Quem cum ingenti difficultate suscepit, & tandem vix electionem confirmauit. Qui ad sedem sibi de nouo concessam circa Purificationem B. Mariae Virginis veniens, cum grandi solemnitate & processione à Conuentu receptus est. Abbas vero Vvidericus ad regimen, ad quod postulatus erat, perrexit: & quicquid in hoc nostro loco & in appendiciis habere potuit, asportauit: quia ei necessaria fuerunt in introitu ad S. Aprum. Nihil quippe in eodem loco in suppellectili reperire potuit, excepto solo asino qui ad coquinam Monasterii quotidie ligna afferebat. Inuenit vero vniuersam suppellectilem ipsius Monasterii S. Apri in toto alienatam: calices, cappæ sericæ, & ornamentum Ecclesiæ cuidam mulieri Merensi inuadiata erant. Curtes etiam & alia bona vel pignori detinebantur, vel ex toto alienata erant. Sed Deus omnipotens ei tantam in oculis omnium contulit gratiam, ut hæc omnia supradicta solerti prudentia & sagacitate ad ius & proprietatem ipsius Ecclesiæ S. Apri in breui reuocauerit: & ita paruo tempore ipsam Ecclesiam bene rexit. Sed quia tali viro mundus dignus non erat, ab hac vita sublatu est. Sepultusque est in Ecclesia S. Apri in tumba eleuata lapidea, satis decenter sculpta ad dexteram partem iuxta parietem Ecclesiæ, cui Deus omnipotens det æterna gaudia in cœlis per infinita sæcula, Amen.

*De Balduino Abbate Senoniensi, & moribus  
& actibus eius.*

CAP V T XXV.

**R**euertamur igitur ad nostrum Balduinum, qui iam sedem obtinet Senoniensem. Adhuc adolescens ætate & moribus, velox ad audiendum, nec tardus ad loquendum, nec tardus ad iram, proprio vtens consilio, nulli nisi garrulis & adulatoribus credens, propriam gloriam quærens semper exitit. In primordio quoque sui talis erat vsus ad nos loquendi: Fratres, vos videtis me esse iuuenem, & adhuc mores vestros, vel Monasterij vsum, vel demum statum rerum minimè cognoui: siqua indecenter dixerò vel fecero, arguite me, & docete. Sed tamen admonitus, pauca aut nihil emendabat. Tamen cùm primo anno sui ingressus ad nos cognouisset quòd Abbas S. Apri, tunc viuens, Cellam Leonis-montis, sicut ei contuleramus, obtinere vellet, statim ad Visitatores Prouinciæ Ordinis S. Benedicti in Prouincia Treuerensi constitutos festinanter eucurrit, & ab eis impetrauit literas ad Abbatem Vvidericum S. Apri, vt statim visis literis cellam Leonis-montis quam occupabat, Ecclesiæ Senoniensi restitueret: aliter se sciret excommunicatum. Ita Cella illa ad ius & proprietatem Ecclesiæ Senoniensis reuersa est. Ecclesiam quoque de Columbario, quæ prius ad donationem huius Ecclesiæ pertinebat, tempore suo acquisiuit. Similiter Ecclesia de Fonteniers tempore suo acquisita est, sed sub nomine S. Christophori de Vico, licet idem Abbas Balduinus ipsam semper tenuerit, & fructus acceperit, & ipsam pignori obligauerit, Conuentu non consentiente, immò contradicente: sed nihil pro contradictione ipsius obmissum est. Præterea in ædificiis domorum erigendis & construendis satis sollicitus erat, Partem quippe claustri, quæ coram Ecclesia S. Mariae est, sicut decessor suus Vvidericus Abbas partem alteram construxerat, cœpit ædificare. Habebat enim duos Lapididas, vnum Conuersum, & alium familiarem Præbendarium, qui operi-



bus huius Monasterij diligenter insistebant. Construxit etiam quædam molendina de noua, alia verò vetera restaurauit; vnum scilicet apud Reclonuille, pro quo instruendo quidam Simon Canonicus S. Deodati, cognomento Diabolus (quia filius esse dicebatur cuiusdam nobilis militis, qui Therricus Diabolus dicebatur, hoc cognomē Diabolus acceperat) XV. libras Abbati contulit, vt partem in eodem molendino quandiu viueret, acciperet. Sed morte præuentus, dictas XV. libras pro remedio animæ suæ acquitauit. Abbas vero annuatim instituit in anniuersario dicti Simonis de ipso molendino Conuentui Senoniensi pro pitantia quinque solidos Tullenses dari. Sed quia incertum erat quod in futurum dicti quinque solidi Conuentui ordinatè darentur, constitutum est quòd domus de Ogieuiller ad dictum molendinum sine motura moleret, & dominus domus, id est Pitantiarius singulis annis in anniuersario dicti Simonis Canonici S. Deodati V. solidos Tullenses Conuentui Senoniensi pro pitantia persolueret. Aliud verò construxit molendinum apud Chaneferes quod pertinet ad Eleemosynariam. Tertium quoque instaurauit, quod prius erat, sed debilitatum, iuxta Meuruiler situm. Quartum quoque apud Lorefingue situm perfecit; quod Petrus bonæ memoriæ Præpositus de Anpsalmiullare prius inchoauerat. Alia etiam ædificia per domos instruxit. Si vniuersos eius alios actus, sicut prædecessorum suorum feci, scriberem, fortè mihi ad iniquitatem reputaret, vel hoc odii causa me fecisse assereret: Vnde melius arbitror silere, quàm loqui, dicente Domino per Moysen: *Verenda patris tui non reuelabis.* Sed si cum his, quæ benè gessit, mores Ordinis copulasset, Monachos suos paternò affectu dilexisset, & eos tam indiscretè non blasphemasset, si officio diuino libenter interfuisset, & diuina ipse celebrasset, plùs solito & in agendis Monasterii solicius fuisset, & demum Conuentus sui frequentius vsus fuisset consilio, & in pluribus aliis articulis non tantummodò Monachum, sed & Abbatem religiosum se demonstrasset, nullum præter eum Sedi Senoniensi optaremus præsidere. Sed quia plurima secùs sunt, necesse est vt ad tempus supersedeam.

mus, præsertim quia idem Abbas eo tempore, cum ego hæc scribebam, adhuc viuebat; Vnde facta scribere nequibam. Tamen quadam virtute præfulgebat, hospitalitates sectabatur, & præcipuè milites & clientes; aliasque honestas personas lætissimè hospitio suscipiebat; & etiam ioculatores gratanter videbat, ut hospites suos iocundiores redderet. Sed quia de Domno Balduino satis compendiosè scripsimus, quod de vita sua superest, & quid in futurum acturus sit; Deo hoc relinquamus, qui vitam ipsius & actus, & etiam omnium nostrum bono potest concludere sine.

---

*De Henrico de Danubrio, dicto de Salmis, & de iniqua morte eius.*

CAPVT XXVI.

**S**ed ne malefactores huius nostræ Ecclesiæ preterire videamur, aliqua facta ipsorum, & vindictam quam meruerunt, breui stylo huic paginæ adnectere curauimus. Incipiamus igitur à Comite *Henrico*, qui dictus est de Salmis, qui & contemporaneus noster fuit, qui tempore *Henrici Abbatis*, de quo supra diximus, tallias & exactiones in hominibus Ecclesiæ plus solito, de permissione tamen ipsius Abbatis *Henrici*, exercebat. Cuius tempore castellum in *Bruscaualle* in fundo huius Ecclesiæ, quod *Salmis* dicitur, tempore dicti Abbatis *Henrici* constructum est. Quod nomen à quodam castro quod in territorio *Ardenæ* situm est, vnde idem Comes & sui prædecessores orti sunt, accepit. Hic uxorem sortitus est, scilicet sororem *FridERICI Ducis Lotharingæ*, de qua genuit duos filios, primogenitum scilicet *Henricum* nomine, & alium nomine *Fridericum*. Cum igitur dictus *Henricus* ad ætatem perfectam peruenisset, accepit sibi uxorem de stirpe *Comitis Barrensis*, deinde petiuit à patre sibi dari partem *Comitatus*, qui contulit ei superius castrum de *Danubrio* \* cum terra ad ipsum castrum pertinente, scilicet; centum manfos qui quondam à mensa *Monachorum Senoniensium* abscissi

\* alias  
Vinario

cisi sunt, & collati sunt Aduocato huius loci, vt ad cætera manum non extenderet. Quod tamen castrum Comes de Salmis ab Episcopo Metensi obtinet. Idem verò Henricus diu cum vxore sua sine liberis fuit. Quod mulier ægrè ferens, quemdam Capellanum suum, qui se de Physicæ artis peritia iactabat, rogauit vt, si quid posset, laboraret vt de viro suo concipere posset. Capellanus verò potiones quasdam dedit eis: illa concepit: vir quoque in infirmitatem decidit; de qua postea, vt fertur, interiit. Idem verò Henricus, quandiu vixit, isti Ecclesiæ valdè molestus fuit. Erat quippe vir bellicosus & superbus, in iuuentute sua & virtute vltra modum confidens, ita vt ad regnum Alemanniæ aspiraret, debitis magnis obligatus, vnde vbique quaquaversum poterat, Ecclesias molestabat, & earum res, vt poterat, diripiebat. Vnde contigit Vvidericum Albarem huius loci ad eum venire. Postulabat enim, vt res quasdam sibi ablatas restitueret. Vnde miles iratus respondit ei, iurando per B. Nicolaum (eramus quippe in capella Beati Nicolai cum eo, quæ in castro Danubriensi habetur) dicens quòd ante festum S. Remigij, & in persona & in rebus ita molestarer ipsum Abbatem, quòd mallet esse vltra mare, nunquam reuersurus. Quod Omnipotens occulto suo iudicio quodam vindicare dignatus est: sed non multò post luce clariùs patuit. Nam circa festum B. Remigij, quo tempore minatus fuerat ipsum Abbatem enormiter se læsurum, ipse infirmitate prædictæ potionis adgrauatus decidit in lectum & mortuus est. Idem verò Henricus dum adhuc viueret, inter cætera mala quæ facere cogitabat, proposuerat Comitum Henricum patrem suum & matrem Comitissam de Comitatu totaliter expellere, & in aliquo Monasterio de-trudere vt ipse terram possideret. Cum igitur mater ipsum Henricum filium suum mortuum esse sciuiſſet, rumore iam dicto mota filium suum quantocyùs apud Altamsyluam ferri & statim sepeliri fecit. Sequenti verò nocte audita est vox quasi plangentis in sepulchro. Mane autem facto aperientes sepulchrum inuenerunt eum, quem resupinum altera die sepelierant, versa facie ad terram iacere. Et sic cognouerunt quòd quando sepultus fuerat, nondum expirauerat. Vnde

D d d

cognosci potest, quod qui superbe contra Deum agunt, vix aut nunquam dimidiabunt dies suos, quia fragit Deus omnem superbum.

*De Henrico de Albomonte Comite, & malis quæ  
Ecclesia Senoniensis fecit, & vindicta Dei.*

## C A P V T XXVII.

**V**eniamus igitur ad Comitem *Henricum*, de quo superius scripsimus; qui tempore *Vviderici* Abbatis Ecclesiam Senoniensem intolerabiliter oppressit, & patrimonium *Iesu Christi* sibi usurpare præsumens, homines *S. Petri* diuersis molestiis affligebat, vnde à proprio filio à domo propria expulsus est & potestate. Nam cum filius eius *Fridericus* miles effectus fuisset, & videret Comitem qui pater suus dicebatur, præ senio debilitari, quod frater ipsius, de quo iam mentionem fecimus, molitus est facere si vixisset, iste effectui mancipauit. Expulit eum quippe à castro de *Albomonte*, & quod nefas est dicere, solo garcione contentum, pedetentim vsque ad castrum quod *Pierepercie*, dicitur, ire coegit; & inde vsque ad castrum *Salmis* eodem tenore perrexisset; Sed Abbas *Balduinus* ei equum concessit, & ita à filio honore & potestate priuatus est. Nec ab illa die, qua cum Abbate *Vviderico* litigauit, potestatis vel honoris sui dignitate gauisus est: Immo quandiu postea vixit, in egestate & miseria exheredatus perdurauit, & sic Deus sibi aduersantes remunerare consuevit. Postea non multis superuixit annis, sepultusque est in Ecclesia *S. Petri* iuxta sepulchrum venerabilis *Antonii* Abbatis, vbi etiam postea vxor Domini *Henrici* militis de *Bayon* sepulta est. In quibus sarcofagis ego propria manu sculpsi imagines, & flores, & versus, sicut hactenus apparet. Contulit quippe idem *Henricus* Comes pro remedio animæ suæ triginta solidos *Tullenses* accipiendos in tallia *Vallis Senoniensis* annuatim, quousque terra assignata fuerit, valens singulis annis precium supra dictum. Contulit etiam decimas *Nouuillæ* penes *Fonteniers* sitæ, & quosdam census: quæ omnia

adhuc Ecclesia Senoniensis minimè possidet, & hoc propter negligentiam nostram tantum.

---

*De Matthæo Præposito de Albomonte, & vindicta  
Dei in eum.*

C A P V T XXVIII.

**E**Rat igitur tempore istius Comitis apud Albummontem vir quidam nomine *Matthæus*, satis locuples, sed malitiosus valdè: qui Præpositus erat in tota terra ipsius Comitis, qui omnia, prout volebat, disponebat, & sine ipso in tota terra illa nihil fiebat, quem multi dixerunt esse patrem istius Friderici, qui Comitem, ut supra dictum est, tam impudenter à sedibus suis expulit. Ille, quandiu vixit, cum dicto Comite Ecclesiam Senoniensem & rusticos Ecclesiæ intolerabiliter molestavit & oppressit: unde Deus in præsentī seculo eidem Matthæo condignas pœnas pro malefactis suis redonavit, nescio quomodo in alio seculo habeat. Enimverò cum dictus Fridericus potestatem regnandi post Henricum Comitem suum putativum patrem accepisset, & idem Fridericus circumquaque Ecclesias sibi adiacentes immoderatè vexaret & molestaret, Altamsylvam scilicet, quam iniquè & indicibiliter oppressit, Ecclesiam S. Saluatoris, nec non & istam Senoniensem gravissimis iniuriis lacessivit, ipsum Matthæum semper in suis omnibus habuit consiliarium & adiutorem. Sed in his actibus malis sibi Deum opposuit adversarium. Erat quippe tot & tantis debitis oneratus, ut vix aut nunquam in tota vita sua ab his absolui potuisset. Deus enim pro maleficiis suis quodam occulto iudicio suo opprimebat. Quid plura? Manus misit in Matthæum, & custodiæ tradidit, & ab eo quamdam summam pecuniæ extorsit, & quod à potestate sua non discederet vel à terra, fideiussores pro ducentis libris sibi dari fecit. Matthæus verò videns quod sub tam iniquo dominio diu degerē non posset, furtivè se ad Metenses contulit, & quod ei remanserat, expendit: &

Ddd ij

fic ad oppidum Saleborc se transtulit; & ibi pauper & dolens infirmitate detentus, mortuus est, nihil secum præter peccata asportans, sepultus est apud S. Saluatorem.

*De Friderico filio Henrici de Danubrio dicti de Salmis, qui etiam de Salmis dictus est, & iniquis actibus eius.*

## C A P V T XXIX.

**I**gitur cum *Fridericus* de Albomonte potestatem regnandi accepisset, cunctis sibi subditis & vicinis nequam & iniuriosus, sicut patri & cæteris extiterat, sic adhuc esse non desistit. Grauaui quippe Ecclesiam Senoniensem pluribus iniuriis, ita vt necessitate urgente oportuerit Ecclesiam istam ipsum super iniuriis ab eo illatis conuenire. Quod idem *Fridericus* graue ferens, tanto impetu Abbatem *Balduinum* & Conuentum aggressus est, vt non tantum cedere compulsi sint, immò etiam totam causam & querelas vniuersas in manum ipsius *Friderici* resignarent, & se arbitrio ipsius & voluntati submitterent, & se peccasse contra eum assererent. Ille hoc audito gaudens est valdè, & diem super hoc assignantes, etiam literas super hoc conscripserunt, continentes quòd Ecclesia Senoniensis duos carpentarios haberet, vnum coquum, adcratorem vnum, lauandarium vnum, sutorem vnum, piscatores duos: cæteri verò omnes in valle Senoniensi ei pro voluntate sua seruirent. Et ita Abbas & Conuentus pusillanimes & effœminati tam citò victi, voluntati *Aduocati* se miserabiliter subdiderunt. Ego verò non eram præsens, nec vellem adhuc interfuisse. Mirum, quòd in tali actu non considerauerunt Abbas & Conuentus, quòd Ecclesia Senoniensis Episcopi esset *Merensis* cum appendiciis suis: & quicumque sit Abbas Senoniensis ab ipso Episcopo temporalia recipere teneretur, & ob hoc homagium illi facit: ergo non licuit eis tam miserrimam transactionem de feodo Episcopi sine ipso Episcopo facere. Attamen vsque ad tempora *Henrici dicti de Salmis* nepotis dicti *Friderici* quic-

quid Abbas & Conuentus de omni familia sua & piscatoribus facere voluit, sicut antea, sine contradictione fecit. Sed Deus omnipotens, qui reddit unicuique secundum opera sua, isti Friderico immoderate malitiæ suæ, in præfenti sæculo condignas rependit vices: nam à tempore quo cœpit Comes appellari vsque ad extremum vitæ suæ diem nunquam vno anno composui esse potuit: aut pro debitis suis Meti à creditoribus suis per aliquos annos detinebatur, vel valida febre, aut aliis infirmitatibus intolerabiliter vexabatur, vel à nepote suo domino de Raposteim, quia exigebat partem hæreditatis, captiuus detentus est. Deinde quia videbat se ita debitis obligatum, castrum de Albomonte cum buigo suo quod allodium suum prius erat, Episcopo Metensi pro aliquanta pecunia vendidit, & ab eo in feudo recepit. Et ita Deus ipsum de casu in casum corripiebat. At demum suscitauit ei aduersarium fortem Henricum scilicet nepotem suum, filium fratris sui Henrici, qui petebat secum diuidi partem Comitatus de Albomonte. Ille verò per multas ambages illudebat nepotem: tandem compulsus partem suam dedit ei, scilicet Morehenges, Viuires, & castrum Pierepercie & Salmis. Ipse verò Fridericus sibi retinuit Albummontem, & superius castrum de Danubrio, quod tamen mater dicti Henrici quandiu vixit, obtinuit, quia dos eius erat. Fridericus verò tot aduersis calamitatibus oppressus, in nullo est correctus, sed de die in diem deterioratus paucis superuixit annis, & iuuenis mortuus est, dicente Propheta: *Viri sanguinum & dolosi non dimidiabunt dies suos.*

---

*De Henrico filio Henrici de Danubrio dicti de Salmis.*

C A P V X T XXX.

**H**enricus verò de Salmis (ita enim appellabatur) Ad-uocatiam Vallis Senoniensis & de Plannia, & Vipodicella, quæ ei sorte deuenierant, satis ineptè tractare cœpit, & homines illius terræ acerrimè tallis & exactio-

D d d iij

nibus, seruitiis & aliis oppressionibus affligere cœpit; aded ut vix sustentari possent. Nec mirum, quia debitis detinebatur perquam maximis. Nam, sicut patruus eius Fredericus, sæpè fecit, à quodam ciue Metensi creditore suo sæpius in hostagiis detinebatur, nec habebat unde redderet. Vnde coactus est iuramentum, quod dicto creditori suo super hoc præstiterat, impudenter infringere. Nam quadam die super equum suum ascendit, illicentiatus, furum de ciuitate recessit; & sicut patruo de Albomonte contigit, ita & iste ob inopiam castrum suum de Morehenges, quod allodium erat, pro pecunia Duci Lotharingæ dedit, & ab ipso in feudo recepit. Ecclesiam denique Senoniensem tantum oppressit, quod in nemoribus nostris, & aquis, & etiam in valle tota forestarios suos poneret & piscatores, nobis verò non licebat nisi solum habere piscatorem, quod ante nunquam fuerat, sed tamen quotquot volebamus in aquis nostris habebamus piscatores. Homines etiam cogebat de fundo Ecclesiæ coram eo, vel coram Balliuo suo placitare: sed si quis rusticorum Ecclesiæ aduersum nos aliquam querelam haberet, pro ipsis litigabat, & eis contra nos fauebat. Si quis verò ipsorum Conuersus volebat fieri, ab ipso securitatem accipiebat, quod Conuersus non fieret: si vero contingeret quemquam illorum Conuersum fieri, vel si de hac vita sine hæredibus decederet, vel si de valle ad habitandum aliàs exiret, quicquid de mobilibus talium inuenire poterat, omnia vi rapiebat. Placita verò quæ Abbas sine Aduocato, sicut hætenus fecerat, tenere debet: impediēbat, dicens se debere interesse pro vi faciēda. Villicos verò, Decanos, forestarios, & alios ministeriales nostros, quos Abbas instituere & destituere pro voluntate sua debet, sicut & alios rusticos sibi seruire cogebat, quod facere non debuerat. Tandem in quodam monte iuxta villulam quæ Grandisfontana dicitur, minam ferream idem Henricus de Salmis quibusdam adulatoribus referentibus reperit, & ibi fornaces ferrarias erigi fecit, & fabros, qui ferrum conficerent, instituit. Quod audientes Abbas & Conuentus ipsum aduocatum Adierunt, scire volentes quare in fundo Ecclesiæ Senoniensis fornaces illas



contra iustitiam construxerat. Respondit montem illum sui iuris esse, quia Aduocatus erat loci : vnde supersedere neglexit. Abbas autem hæc audiens Episcopum Metensem *Jacobum* adiit, & ei hæc omnia exposuit. Episcopus verò fabricas illas statim confringi fecit. Ipse enim Henricus ante hos dies fontem salis iuxta castrum de Morehenges inuenit, & ibi puteum fodit, volens ibi ad coquendum sal sedes salinarias constituere: quod idem Episcopus fieri prohibuit, & omnia sicut inchoata erant, penitus destrui fecit. Et quia de isto Henrico nihil dignum relatione reperi, nisi quòd adhuc Ecclesie Senoniensi aduersari non desistit: & ita ad audiendum delectabiliora transeamus.

*De B. Elisabeth, & de conuersatione eius.*

C A P V T XXXI.

**C**itra Rhenum in regno Alemannie quoddam castrum situm est quod Marporch appellatur, quod quidam Miles nobilis possidebat. Ille habebat vxorem generositate sibi non imparem nomine *Elizabeth*, quæ tanta morum honestate, tanta ad Deum deuotione, tanta ad pauperes eleemosynarum largitione pollebat, vt potius Sanctimonialis quàm alicuius domini dignitate prædita dici poterat. Hæc duos de viro suo genuerat filios, quos magnarum suarum possessionum & diuitiarum hæredes vterque parens sibi fieri gaudebat. Contigit enim illum nobilem virum extremæ suæ vitæ debitum exsoluere. Cum igitur illa nobilis matrona *Elizabeth* sui iuris fuisset effecta, tanto se amore Deo constrinxit, vt nec mandatorum Dei vnum iota auderet præterire. Enimuerò temporibus illis Ordo Prædicatorum & Minorum per vniuersum mundum cognosci cœpit: noua enim tunc erat eorum plantatio. Erat enim temporibus illis quidam Frater de ordine Fratrum Minorum *Conradus* nomine, satis honestus & religiosus. Hic illi felici matronæ familiaris erat, qui eam ad viam salutis quotidie animabat: cuius consilio illa benigna Eki-

zabeth freta, & promissis diuinis diligenter intenta, dicentibus: *Si quis reliquerit patrem, aut matrem, aut filios, aut agros propter nomen meum, centuplum accipiet, & vitam eternam possidebit*: Statim relictis filiis, & munitionibus in quibus dominabatur, & possessionibus vniuersis, habitum Fratrum Minorum sibi assumpsit. Erat enim sub castro illo Marporch quoddam Hospitale, quod à prædecessoribus suis constructum fuerat; in quod se illa deuota matrona conferens, vigiliis, ieiuniis, & orationibus intenta, pauperibus, claudis, & omnibus indigentibus superuenientibus, propriis manibus pedes lauabat, & cibaria, prout cuique videbat expedire, præparabat & eis distribuebat. Quid plura? In tantum illi officio insistebat, vt mirum esset quod mulier tam delicata in tanto labore tot superuenientibus seruendo perseuerare poterat. Et cum sic officio diuino insistere; Deus eam remunerare volens, quia multò plura quam dixerim pro Christo sustinuerat opprobria, ab hac vita substracta, ad Deum migravit, sepultaque est in Capella quæ in eodem Hospitali habetur. Et non multò post idem ille Conradus qui eam conuerti fecerat, ab hac vita decedens, in ipsa Capella in alio latere sepultus esse dicitur. Ex tunc igitur innumerabilis multitudo ad sepulchrum B. Elizabeth undique confluere cœpit: & inter illam multitudinem, claudi, cœci, surdi, muti, & aliarum infirmitatum vtriusque sexus homines oppressionibus detenti, ibi curabantur. Post hæc cum vix duobus annis illa beata mulier, prius nobilis viuendo, modò Deo nobiliter, in sepulchro iacuisset, fama que vitæ eius & miraculorum, quæ omnipotens Deus eius interuentu in populis operabatur, ad Dominum Papam Magnatibus referentibus petuenisset, Dominus Papa corpore eius de sepulchro leuari permisit, & ipsam in catalogo Sanctorum ascribi fecit: & vt in Ecclesia Catholica celebris haberetur. Eadem verò die, quæ eius sanctum corpus de tumulo leuatum est, ex omnibus regionibus circum adjacentibus multi Magnates conuenerunt; Archiepiscopi, Episcopi, & alii nobiles viri, Marchiones, Principes, & etiam multi Abbates, & communis vulgi innumerabilis multitudo. Interfuit interea ille Fridericus quondam Imperator

perator (quem Innocentius I V. Papa congregatâ Synodo Episcoporum & Abbatum apud Lugdunum ab Imperatoria dignitate deposuit: hic scyphum aureum in quo solitus erat bibere, obtulit Beatæ Elizabeth in quo & caput eius reconditum est. Ipsa enim Beata Elizabeth cognata ipsius Friderici fuisse dicebatur. Vbi ex tunc illa sancta Matrona tantis miraculis clarescere cœpit, vt nultus Sanctorum in partibus illis secundus ei esse videretur.

---

*De Iudeis Colonienfibus, & de miraculis Crucifixi.*

C A P V T XXXII.

CVM per vniuersum mundum vniuersa flagitia à Iudæis, etiam postquam Christum crucifixerunt, facta fuisse comprobentur, adhuc tamen si non audent ore, corde & horrendis operibus ipsum Dominum nostrum *Iesum Christum*, & suos Christianos incessanter blasphemare & vituperare contendunt. Vnde de quibusdam Iudæis horribilia & inaudita facta huic nostro libello inferere non pigebit. In ciuitate Colonienfi Iudæorum multitudo habitare dicitur. In eodem vero vico quidam ciuis Christianus domum fertur habuisse, quæ domibus Iudæorum inserta erat, nullus tamen in ea habitabat. Quod cum quidam textor non de ciuitate, sed extraneus, comperisset, accessit ad illum ciuem cuius illa domus erat, & conuentione cum ipso facta, quod per annum in ea maneret, cum familia sua ipsam domum intrauit. Et in quadam stupa eiusdem domus ea quæ ad ministerium suum pertinebant, erigens cœpit operari & texere. Sed quia domus illa inter domos Iudæorum sola stabat, & à conuersatione Christianorum, & ab Ecclesia longè erat, ultra modum indoluit, præsertim quia non poterat ad officium diuinum tam celeriter sicut volebat accedere. Quid faceret ille Christianus qui inter inimicos Christi solus habitabat? Cogitat enim intra se, si non posset ad Ecclesiam cum vellet accedere, tamen si posset aliquam memoriam de Christo habere.

Ecc

re, securius in eadem domo habitaret; accersito sibi pictore imaginem Crucifixi in loco ubi operabatur, in fronte parietis depingi fecit, & hinc inde duas imagines *Mariae* & *Ioannis*, sicut mos est Christianorum, adaptauit, ut imagines illæ honestius regi possent, pannum mundum desuper appendi fecit, & ostiolum sub quo imagines illæ seruari-entur diligenter adhibuit. Nolebat enim quod omnes ingredientes eam rangerent, vel inspicerent, ne fortè deleretur, aut vilior haberetur. Sed cum orare volebat, ostiolo aperto & linteo leuato, genuflexo & imagini capite inclinato, Deum celi in ipsa imagine exorabat, & oratione facta ipsam imaginem linteo & ostiolo diligenter contegebat, & sic ad opus suum reuertebatur. Sed cum annus præterisset, nolens ulterius inter illos infideles habitare, sibi domum prope Ecclesiam & inter Christianos comparauit. Deus enim, quia fidelis & iustus erat homo ille, sibi substantiam multiplicauerat. Ipse verò relicta domo in qua per annum habitauerat, sumptis vniuersis utensilibus suis, domum illum, quam emerat ut ibi habitaret, intrauit: relicta tantum imagine quam secum portare non poterat. Accidit autem eodem tempore quemdam Iudæum de extraneis partibus ad habitandum Coloniam deuenisse. Et cum inter Iudæos deuenisset inquirebat si domum ad habitandum inuenire posset. Alij verò Iudæi læti effecti monstrauerunt domum, in qua ille Christianus habitauerat. Ille verò ad ciuem accedens conuenit cum eo, ut ibidem habitaret: & congregata multitudine Iudæorum introiuit in domum illam, & cum eis cum magno tripudio epulatus est, sed cum in eadem stupa in qua textor ille texere solebat, post prandium residerent, quidam eorum aspiciens ostiolum sub quo imago illa latebat, mirabatur quid esset: & concito surgens ad ostiolum accessit, & aperto ostiolo, leuatoque linteo, vidit imaginem nostri Crucifixi, toruis oculis eam respiciens, conspuit eam, & altis vocibus clamare cepit: Accedite, inquit, Iudæi, & conspiciate illum proditorem, qui vos de terra vestra expulsos in vniuersum orbem exules dispersit. Illi clamore audito, omnes accurrunt, & visa cruce cum Crucifixo fremebant dentibus in eum. Quid plura? Christus in Cruce à Iu-

dæis iterum irridetur, iterum conspuitur, iterum pugnis & alapis cæditur. Quid dicam? Ipsæ mulieres Iudææ, quod in prima crucifixione facere non audebant, in ista secunda tam proteruè ibi operabantur, vt turpius imaginē illam conspuerent, furiosius pugnis tunderent, sæuius vnguibus dilacerarent, quàm vnquam patres eorum in illum verum Crucifixum prius fecissent: & ita cū illi infœlicissimi Iudæi & Iudææ tam lethaliter in illam sanctam imaginem Crucifixi desæuirent, vnus illorum qui audacior erat cæteris, dixit eis: Sustinete & discedite omnes, quia ego iam vindicabo vos omnes de isto nefario *Iesu*: & accepto cultro acuto, quem penes se habebat, ad imaginem Crucifixi accessit, & vibrato istu Crucifixum illum in latere percussit, in eodem loco in quo latus Christi nostri Saluatoris lancea perforatum est. Cūque ille Iudæus cultrum ad se traxisset, vt iterum feriret, tanta abundātia sanguinis de vulnere illo effluxit, vt vultum illius Iudæi & cunctas vestes eius conspergeret, cūque Iudæi illi euidentem miraculū vidissent, timuerunt timore magno, alij in terram ceciderunt, alij pectora tundeant, alij exeuntes quod factum fuerat, filere non poterant. Mox rumor facti ciuitatem occupat, accurrunt Magnates, accurrunt Clerici, accurrunt senes cum junioribus, viri cum mulieribus, cernere cupientes quæ per Deum tam noua facta sunt mirabilia: Christus enim ibi suæ Passionis miracula innouauerat. Venientes autem Clerici & ciues ad locum illum vbi hæc fiebant, videntes eam imaginem crucifixi, inuenērunt adhuc sanguinem de latere eius manantem. Et vt illi magno miraculo certior fides adhiberetur, sanguis ille tandiu de latere huius imaginis manare non cessauit, quousque non modicum vasculum de eo impleretur, & ita manare desit. Vniuersitas verò illius ciuitatis tam Clerici quàm laici habito consilio omnes Iudæos illos quorū inuenire potuerunt, captiuauerunt, & substantiam illorum diripuerunt. Si qui eorum conuerti voluerunt baptizati sunt, alij verò trucidati: Cæteri enim fuga lapsi, in ciuitate ultra non sunt visi. In loco verò vbi hæc acta sunt, Ecclesia in honore sanctæ Crucis præclaro opere fabricata est, in qua ipsa imago Crucifixi, per quam hoc miraculum factum

Ecc ij

est, in summa veneratione habetur, & à fidelibus in ea Christus adoratur. Hoc igitur miraculum à quodam Iudæo, qui eidem facto Coloniæ interfuit, qui etiam viso miraculo Christianus effectus est, audiui: & sicut illud mihi de verbo ad verbum retulit, ita & huic paginæ annotare curavi.

*De Iudæis qui apud Haguenouuiam in præstigiis suis tres  
pueros interfecerunt.*

### C A P V T XXXIII.

**C**VM Iudæorū nefandissimos actus nemo tacere debeat; vt ea, quæ in Salvatore nostro egerūt, semper ad mentē redeāt, ad correctionē hominum & ædificationem quotidie retractare conuenit; vt præsumptio eorum Iudæorū confutetur, & gloria Christi augmentetur. In oppido quod Hagonouvia dicitur, in territorio Alsatiz multi Iudæi habitabant eo tempore quo Fridericus quondam Imperator regni Romanorum Monarchiam obtinebat, qui postea ab Innocentio Papa I V. dictante iustitiā à dignitate Imperij apud Lugdunū depositus est. Cum idem Fridericus apud Hagonouuiam moraretur, contigit Iudæos qui in eodem oppido manebant secundum eorum legem festum Paschæ celebrare, eo tempore quo & nos Pascha celebramus nostrum: non tamen illa die, sed quartadecimā lunā, quā & Christus crucifixus est. Illi verò Iudæi nescio quōmodo procurauerunt, quoddam acquisierunt sibi tres pueros septennes & Christianos, & cum festum eorum celebrarent, de ipsis quædam ludibria in domibus suis egerunt. Sed inter hæc iidem pueri mortui sunt. Et cum Christiani hæc fortē percepissent, intrantes domos Iudæorum inuenerunt pueros nudos, sed mortuos. Imperator verò Fridericus fortē non erat præsens: Christiani verò pueros illos vsque ad aduentum Imperatoris reservare decreuerunt. Iudæi quippe cum viderent periculum sibi imminere, inito consilio disposuerunt Imperatorem placare muneribus: & accedentes ad Imperatorem tantis muneribus illum excecauerunt, vt gratiā ipsius potius

ad domos ſuas læti redirent. Cùm igitur Imperator ad Hagonoviã rediſſet, Chriſtiani illos tres pueros præſenta-  
runt, & intimaverunt ei quia Iudæi ita eos interfecerant.  
Imperator reſpondit: Si mortui ſunt, ite, ſepelice eos quia ad  
aliud non valent. Chriſtiani verò hoc audientes, confuſi ab  
eo diſceſſerunt. Et ita iſte inſolix Imperator vnum ſuæ in-  
fidelitatis articulum promulgavit, quia & Iudæi in pace  
dimiſſi ſūt, & Chriſtianis de tam nefario factò nulla eſt exhi-  
bita iuſtitia. Et hæc de Iudæis dicta ſufficiant, quia ſi iſte mi-  
ſer Imperator Iudæos pro tam iniquo factò non puniuit, ille  
potentiſſimus arbiter & hunc & hos in clauſtris inferni pu-  
nire non obmittet.

---

*De quodam milite, Rambaldo nomine, hæretico de Ker-  
ceueult in partibus Alſatie.*

CAP V T XXXIV.

**C**Vm eſſem in Argentina & ſcholas frequentarem, erat  
quidam Magiſter apud S. Thomam nomine Henricus,  
qui etiam phyſica arte imburus erat. Hic cùm Prior apud  
Troughenhouze effectus fuiſſet, narrauit mihi quòd quidam  
miles, Rambaldus nomine, de Kerceueult cùm graui infirmi-  
tate teneretur, ipſum Priorem vt ſui curam gereret, inuita-  
uit. Ille vero cùm ad eum veniſſet, inuenit eum ad extre-  
ma jam appropinquantem. Qui Prior ait; Si mihi creditis,  
Domine, vos priùs confitebimini peccata veſtra, & recipietis  
corpus Chriſti, antequam ego apponam ad curandum vos,  
quia illuderit major veſtra curatio. Cui ille; Ego multo-  
ties confeſſus ſum, & multa talia corpora comedi. Magiſter  
Henricus reſpondit, Ha! nolite ita loqui, quia vbicunq;  
conſecretur corpus Chriſti, non plura ſunt corpora, ſed  
vnum corpus Chriſti. Ille reſpondit: Quomodo hoc poteſt  
fieri, quia ſi illud corpus tam magnum fuiſſet, ſicut ingens  
mons, jam millies deuoratum à populo fuiſſet. Magiſter  
Henricus dixit: Bone domine mi, ego jam vos video gra-  
uiter infirmitate opprimi, rogo vos, vt quicquid vſque huc  
credideritis obmittatis, & corpus Chriſti fideliter credendo

Ecc iij

recipiatis, & sic saluus eritis. Cui ille: Et quomodo tantillum panis me saluare poterit? Sed quia infestus estis, ego amore vestro paniculum illum manducabo, & tunc videbitis quomodo me saluare possit. Et verum dixit: Quia post pauca manifestauit Deus, qua credulitate ille sanctissimum Christi corpus auderet percipere. Magister verò Henricus, qui eius salutem desiderabat, credens aliquid fidei in coremanisse, accersito Presbytero qui cum corpore Christi aduenerat, fecit ei corpus Christi dare. Ille verò os aperuit, & Sacerdos corpus Domini in os eius immisit; sed ille os claudere non potuit. Corpus verò Domini ita iuxta palatum stetit, vt plenè palatum non tangeret, nec ad linguam descenderet. Cùm ille subitò balbutiendo quia os claudere non poterat, magna voce clamare cœpit: Subuenite, carissimi, subuenite, quia jam ardeo, jam me infernus tenet: afferite aquam, & refrigerate os meum. Et hoc sæpiùs clamando, ei attulerunt aquam, & in os eius miserunt. Ille verò multò magis clamabat: Tollite, tollite aquam, quia dupliciter ardeo. Illi verò qui aderant, quia ferè tota villa aduenerat, amarissimè flebant; pugnis pectora sua tundentes, lamentabantur eum, quia videbant eum tam infœlici morte mori. Nam securi erant quia anima eius æternis suppliciis traderetur. Et cùm jam per duas ferè horas torqueretur, inter ipsas angustias, emisit spiritum. Et cùm Sacerdos ita videret eum mortuum, mittens manum, corpus Christi ita incontaminatum & inuiolatum de ore illius extraxit, sicut priùs illud imposuerat. Et repositum in pixide cum summa reuerentia, comitantibus viris & mulieribus ad Ecclesiam prout debuit, reportauit. Cuius facti fama per totam Alsatiam innotuit, ad hæreticorum confusionem, ad laudem verò & gloriam Domini nostri *Iesu Christi*.



## De S. Petro Mediolanenſi nouo Martyre.

## CAPVT XXXV.

**Q**uia temporibus noſtris, & nouiſſimis ſæculi diebus, ſicut per Prophetam promiſit Dominus, Deus inno-  
uat ſigna, & immutat mirabilia: vnum de iſdem ſignis  
nouis mox recitare non pigebit. In Longobardia eſt quæ-  
dam ciuitas quæ Mediolanum appellatur, in qua Fratres  
Prædicatores habitare dicuntur. Cum illis verò Prædicator  
quidam Petrus nomine habitabat, vir egregius & ad  
prædicandum doctiſſimus. Hic etiam Petrus, vt talentum  
ſibi creditum cū multiplici ſcœnore Domino ſuo reportaret,  
quotidie officio prædicationis inſiſtebat. Enimuerò quia  
apud Mediolanum à priſcis temporibus hæretici habitare  
conſueuerant, iſte Frater Petrus, quia adhuc videbat in  
eadem ciuitate quosdam tribulos hæreticorum pulſulare,  
quotidie eoſdē hæreticos in prædicatione ſua viriliter impu-  
gnabat. Et vt eos ad viam veritatis reduceret, modò blan-  
dimentis vel exhortationibus, modò increpationibus vel  
vituperiis corripiebat. Sed quia dicente ſcriptura, *In male-  
uolam animam non intrabit ſapientia*, cordibus induratis ſicut  
aspis ſurda contra incantatorem; ita & iſti hæretici contra  
prædicationis incantationem obturabant aures ſuas: ſed ſi-  
cut Iudæi in B. Stephanum, ita & iſti in Fratrem Petrum  
dentibus fremebant: & ſi eum extra ciuitatem inuenire po-  
uiſſent, non minùs quàm Iudæi Stephanum, iſti Petrum la-  
pidarent. Quid plura? arcum ſuum intenderunt, vt ſagit-  
tarent in occulto immaculatum, id eſt, inſidiabantur ei,  
vt eum morti traderent ſi poſſent. Veruntamen, quia in a-  
perto ei nocere non audebant, diſpoſuerunt ei inſidias po-  
nere. Erat enim quidam vicus in ciuitate, per quem ire, &  
redire ſolebat, cū ad prædicationem iret vel rediret. Ec-  
cū Deus famulum ſuum inuictū veritatis pugilem donati-  
uo gloriæ cœleſtis remunerare veller, *raptus eſt ne malitia mu-  
taret intellectum eius, aut ſcētia deciperet animam ipſus*. Et verè

raptus; nam cū quadam die à ciuitate serò reuenteretur, & per vicum illum, sicut solebat, transire vellet; illi miseri, qui arcum insidiarum tetenderant, quasi sagitta de occultis insidiarum proficientes, sagittauerunt Petrum illum immaculatum, id est armis suis interfecerunt. Et ita consummatus in breui compleuit tempora sua: placita enim erat Deo anima ipsius. Fratres verò Prædicatores audita morte illius vltra modum indoluerunt: quia potentior omnibus erat in sermone. Et peractis debitis exequiis tumulo honesto cum canticis & hymnis spiritualibus eum sepelierunt. Et vt Deus Martyris sui merita mundo declararet, & vt illi infelicissimi hæretici confunderentur, tantam ei gratiam conferre dignatus est, vt quicumque debiles quibuscunque infirmitatibus detenti ad tumulum ipsius Martyris accederent, à malis omnibus liberarentur. Et ita Deus temporibus nostris feruos suos magnificare non dedignatur.

---

*De Prioribus de Danubrio, Meruauille, & de Xuris.*

### C A P V T XXXVI.

**C**Um diuina scriptura quolibet ad benefaciendum inuicet, & Dominus in Euangelio nos admoneat, vt homines videant opera nostra bona, & glorificent Patrem nostrum qui in coelis est: Et si nos desides bonis operibus insistere non valemus, bona tamen ab aliis facta & diligenter considerare, & ad lucem producere debemus. Vnde quædam bona opera quæ quidam Fratres nostri in cellis nostris egerūt, scripto commendare debemus, vt legentes zelo illorum ducti, bonis operibus insistere, & ea adimplere iugiter festinent. Quidam igitur Monachus noster Senoniensis Hugo nomine Prioratum de Danubrio xx. & eo amplius annis rexit, & Prioratum ipsum muro circūdedit, & in eo muro inclusit stagnum & molendinum & furnū, & Capellam S. Catharinæ; quæ omnia ego, cū essem Prior eiusdē loci, construxi. Fecit enim ille Hugo cameras satis ad habitandum habiles. Potuisset etiam fuisse, si ei datum fuisset desuper, multa alia bona

bona, quæ omnibus diebus illi loco potuissent profecisse; quia multas adunauerat pecunias, quæ in non necessarios vius conuersæ sunt, & sic sine effectu mortuus est. Reuertamur igitur ad Prioratum de Meruauille, cui vir discretus *Rennerus* septem præfuit annis, qui etiam illi loco infra septem istos annos multum profuit: nam maiorem partem Ecclesiæ B. *Mariae*, excepto cancello construxit, altare majus à venerabili *Gilone* Episcopo Tullensi in honore B. *Mariae* consecrari fecit, & cimiterium benedici, curiam quoque muro optimo circumdedit; agros, prata multa illi loco adiecit; Et Aduocatos de Aseraule à frequetatione de Meruauille quantum potuit restrixit: & adhuc eo tempore ad meliora anhelabat. Veniamus igitur ad Prioratum de Xures, cui præfuit vir nimium exercitiosus *Fridericus* nomine. Hic cancellum Ecclesiæ suæ ampliauit, pulchro opere ad perfectionem perduxit, & picturis & fenestris vitreis decorauit. Majus quoque altare S. Iacobi in ipso Cancellò erexit; & illud imaginibus sculptis auro & coloribus in circuitu adornauit. Claustrum quoque ex latere cocto & plumbato inusitato opere construxit, domos etiam & ædificia omnia lapidea erexit: Curiam ipsam muro forti clausit. Parochias omnes ad Prioratum ipsum pertinentes de lateribus cooperuit. Sedes etiam salinarias ipsius Prioratus apud Mediumvicum in domibus lapideis inclusit. Et cum hæc omnia bona fecisset, inuidia & odio mediantibus, immeritæ sunt ei redditæ vices, quia humana miseria ita bonos remunerare solet.

---

*De lite inter Prædicatores & Clericos Parisius orta.*

C A P V T XXXVII.

**S**Vperius de Ordine Prædicatorum secundum Prophetiam sanctæ Hiltegardis Sanctimonialis aliquantulum digessimus, qui in principio sui magnæ auctoritatis habiti sunt. Sed deinde à proposito paulatim declinantes, processu temporis à statu suo paululum deidere visi sunt, si-

cut multifariis modis ipsorum actibus comperiri potest : & præcipuè in controuersia quadam , quæ Parisius de nouo orta est ; de qua , si placet , in hoc Opusculo nostro aliquid inferere curabimus. Contigit igitur inter Clericos Parisius commorantes antiquitus & Prædicatores de nouo venientes , de diffinitione quæstionum , & Magistrorum legentium approbatione periculosam controuersiam emeruisse. Nam Prædicatores dicebant ab eis quæstionum diffinitiones debere proferri , quia potior scientia in personis Ordinis ipsorum vigeret , & dignitas prædicationis eis auctoritatem diffiniendi prærogare videbatur. Clerici verò contra asseriebant se antiquitus Magistros & diffinitores habuisse , qui scholarum & scholarium Rectores exstiterunt : quos etiam Dominus Papa eis scribendo , Rectores scholarum eos appellasse comprobatur , nec eorum Ordini aliud aliquid commissum est , nisi vt prædicationi & animarum saluti sine intermissione intendant. Sed cum aliquandiu fuisset inter eos decertatum , & inter se pacificari non possent , ad Papam appellauerunt. Prædicatores verò quendam librum Euangeliorum compilauerunt , in quo dicebantur aliqua contineri , quæ contra fidem esse videbantur. Clerici verò nescio qua arte procurauerunt , vt copiam ipsius libri haberent , ex quo omnia capitula fidei contraria decerpserunt , & ea scripto commendantes sibi retinuerunt. Elegerunt quoque sibi quemdam virum discretissimum *Vvillumum* nomine , qui præ cæteris magnus Philosophus habebatur : quem cum libro illo ad Curiam mittentes , procuratorem suum contra Prædicatores statuerunt. Et cum coram Papa venissent , diu inter se disputauerunt , & inter cætera Magister *Vvillelmus* librum illum quem Prædicatores conscripserant , Domino Papæ fertur porrexisse. Papa verò cum librum legisset , statim eum damnavit , & comburi iussit : Magistro *Vvillielmo* , quia facundissimus Orator erat , nec ei aliquis in sermone resistere poterat , silentium imposuit , & nondum causa illa finem acceperat. Clerici omnes qui Parisius studebant , tunc ab ipsa ciuitate recessisse ferebantur.

Ea siquidem tempestate , qua , vt dictum est , Prædica-

corum status deteriorabatur , non minus Infortunium eis  
euenisse perhibetur. Rex enim Franciæ , qui alio anno à  
transmarinis partibus reuersus fuerat , eisdem Prædicato-  
ribus valdè familiaris erat : & cùm quotidie quia valde re-  
ligiosus erat , domum ipsorum frequentaret , cogitau-  
runt cum ad Religionem suam posse deuenire. Et cùm qua-  
dam die de diuinis scripturis & de Filio Dei confabularen-  
tur , vnus eorum qui cæteris audacior erat , dixit Regi: Nun-  
quid Domine velles tantùm de Filio Dei inter manus tuas  
quotidie posse tenere , quantum vterus Beatissimæ Virginis  
*Maria* quondam in se comprehendisse perhibetur? Rex hæc  
audiens & admirans ait; Quis est qui hoc recusaret? Igno-  
rabat enim quòd de sacramento corporis Christi diceret.  
Prædicator respondit : Si placet , docebo te quomodo tibi  
hoc concedetur. Rex respondit : Placet sanè. Frater ille  
dixit: Nunquid audis Dominum in Euangelio dicentem;  
*Siquis reliquerit patrem vel matrem , aut uxorem , aut filios , aut  
agros propter nomen meum , centuplum accipiet & vitam æternam  
possidebit?* Rex ait: Audio & benè scio. Frater dixit; Domi-  
ne mi Rex , tu habes hæredes , filios & fratres qui regnum  
tuum bene regent : tu etiam pro Deo multos labores susti-  
nuisti , & etiam vitam tuam periculis mortis exposuisti ; &  
ita nihil aliud restat , nisi quod relinquant omnia , & assumas  
tibi crucem nostram , id est habitum nostrum : & ita de gra-  
du in gradum ad Sacerdotium promoueberis , & Filium Dei  
in manibus accipere mereberis. Rex verò hæc audiens , con-  
sternatus intra se cogitare cœpit , proponens sibi tribula-  
tiones huius mundi , & immensos labores , & etiam regni  
solicitudinem : è contra occurrunt ei illæ supradictæ Euan-  
gelicæ promissiones & illud Dominici corporis desiderabile  
& delectabile sacrificium , & ad se reuertens dixit Fratri-  
bus: Si ista vera sunt quæ audio , immò quia verissima esse  
credo , consiliis vestris acquiescam. Sed priùs vadam & in-  
dicabo Reginæ , & ab ea impetrabo huius facti licentiam.  
Rex verò cùm ad Palatium venisset , introiuit ad Reginam ,  
& omnia narrauit ei , quod ei & filiis suis regnum relinque-  
re vellet , & quod habitum religionis suscipiendo sacerdos  
fieret ; & pro ipsis , & pro statu regni Deum exorare non

Fff ij

cessaret : vnde peto vt ad hoc faciendum licentiam mihi donare velis Regina verò mirabiliter stupefacta nihil respondit ei : sed statim mittens, fratrem Regis Comitem de Aniou ad se vocari iussit, filiosque accersitos ita fertur allocuta fuisse : Quod melius eligitis, an appellemini filii Sacerdotis, vel filii Regis ? Illi audientes stupefacti nesciebant quare hoc diceret. Mater statim subsecuta est, dicens : Illi Prædicatores Regem ad hoc induxerunt vt nobis relictis & regno Prædicator & Sacerdos fiat. Comes verò cum hæc audisset, in furorem versus eum impudentissimè obiurgabat, & Prædicatoribus minabatur. Filius verò Regis primogenitus, qui post Regem regnare debebat, Prædicatores etiam quomodò poterat, vituperabat. Rex verò conuiciis eorum commotus filio suo fertur alapam dedisse. Filius verò ait Patri ; Domine quia pater & Dominus meus estis, non sum vobis ingratus ; sed iuro per B. Dionysium patronum nostrum, si aliquando me contigerit Deo annuente gubernacula regni obtinere, ego omnes istos Prædicatores à regno expelli faciam. Cùmque Rex hoc iuramentum audisset, vltimodum indoluit, quia sciebat eum animo ferum esse. Comes verò frater Regis præcepit, ne Prædicatores in toto regno Franciæ de cætero prædicare præsumerent. Fertur etiam præcepisse ne quis Prædicatoribus aliquid conferre auderet. Illud etiam Regem potissimum offendisse dicebatur quia omnes scholares, qui in ciuitate Parisiensi morabatur, exeuntes de ciuitate per diuersa loca se collocauerunt, & hoc in opprobrium ipsius Regis. Enimverò quia hæc supra scripta facta eo tempore quo hæc scribebamus, ad nullum certum finem deuenerant, aliquid vltèriùs scribere nequui.



## LIBER V.

### DE SACERDOTE APVD ZABERNIAM interfecto.

#### CAPVT I.

**S**ICUT nota & certa scriptis commendata legentibus & audientibus ædificationem generant, ita incerta & dubia scriptoribus & auditoribus in vitium esse comprobantur: ynde & ignota prætermittere nos dubia & certa, & cognita scribere curauimus. Fuit igitur in Alsatiæ partibus in Episcopatu Argentinenſi, in oppido quod Zabernia dicitur, quædã matrona jam quodam Milite viro ſuo viduata ſed prole ſatis nobili admodum locupletata: habebat enim quatuor filios, quorum duo militaribus ſacramentis implicati erant. Alij verò duo ad hunc honorem nondum peruenerant. Et licet ipſa matrona tali prole gauderet, tamen laſciuo adhuc detinebatur animo: habebat enim quendam Sacerdotem, quem ſibi Capellanus fecerat, qui eidem matronæ inhoneſta familiaritate, vt ſe famã habebat, ineptè iungebatur. Cùmque fama ipſa ad aures filiorum perueniſſet, nimio tacti dolore matrem ſuam dictam matronam ad hoc induxerunt, vt ipſum Capellanus à domo ſua eliminaret. Ipſe verò Capellanus ad alias partes ſeceſſit. Peracto itaque aliquanto tempore, cùm idem Capellanus infamiam illam, quæ de ſe & de matrona illa habita fuerat, totaliter crederet eſſe ſopitam, diſpoſuit ipſam matronam iterum viſitare, ſed non habitu quo agnoſci poſſet. Decreuit igitur indui non Sacerdotalibus, ſed veſtimentis quarundam muliercularum, quæ in partibus iſtis Beguinæ, in Alemannia verò Kuherin, id eſt pœnitentes appellantur, domi-

Fff iij

nã suã vñ non agnosceretur præsentari voluit. Assumptis  
 quippe dictis vestimentis domum dictæ matronæ clam sub-  
 intrauit, & in ea aliquanto tempore sub specie mulieris  
 habitauit. Aliæ siquidem mulieres ipsius Religionis do-  
 mum dictæ dominæ intrare solebant: inter quas vna Sacer-  
 dotē illū, qui eisdem vestibus indutus erat, vt diximus, subti-  
 lius intuens cognouit quod ipse Sacerdos esset, de quo ipsa  
 • domina diffamata erat, à quo petiuit vt ab eo aliquid acci-  
 peret, Capellanus ei ineptē quod petebat denegauit: Begui-  
 na verò irata ad filios illius matrōnæ accessit, & quoddam Ca-  
 pellanum illum sub specie muliebri in domo matris illo-  
 rum inuenerat, intimauit. Qui nimia verecundia commo-  
 tidomum matris cum magno strepitu intrauerunt, & ip-  
 sum Sacerdotem tam enormiter fustibus & pugnis tutude-  
 runt, vt ferē spiritum exhalaret; & tandem de domo eiicien-  
 tes, & cum per vicos intolerabiliter deducendo, etiam  
 nāsū amputauerunt, & ipsum extra portam ipsius oppidi,  
 in colliculo quodam semiuiuum proiecerunt; qui paruo tem-  
 pore in ipsa mortis angustia superuiuens ibidem mortuus est  
 & sepultus. Cū igitur fama referente id factum ad aures  
*Henrici* Episcopi Argentinensis peruenisset, ipse Episcopus  
 nimio dolore perculsus vltra modum ingemuit; & statim ac-  
 cersitis nunciis, dictæ matronæ filios ad se venire præcepit,  
 quos ipse Episcopus, licet inuiti venissent, ita alloquitur:  
 O viri stolidi & stulti, quis ad hoc vos animauit, vt manum  
 in Christum Domini mittere præsumeretis, & ipsum in-  
 terficere, & ineptē sepelire auderetis? Illi verò consterna-  
 ti matris iniuriam & suum pudorem proponebant. Episcopus  
 ergo interrogabat, si ille Sacerdos matri ipsorum vim ali-  
 quam intulisset: illis è contra dicentibus si vi vel voluntate  
 hoc factum fuisset, tamen eis ingens dedecus & pudibunda  
 fama per eundem Sacerdotem exorta fuisset & illata. Epif-  
 copo verò dicente quoddam non eis iustitia defuisset, si ab eis  
 de Sacerdote illo aliquid inelamatum fuisset, præsertim  
 cū ipse in eodem oppido & spiritali & materiali potiretur  
 iustitia. Oppidum Zabernia sui iuris est, & in Episcopatu  
 Argentinensi situm. Illis igitur nihil contrā respondentibus,  
 quæsiuit si pro facto illo mandato Ecclesiæ & suo vellent



obedire : illi considerantes quòd ipse Episcopus, & spiritualis & temporalis eorum dominus erat, & quòd iudicium ipsius declinare non possent, ipsius Episcopi se subdiderunt mādato. Episcopus verò iuramēto ab eis prætito præcepit ut sine mora in eodē loco, vbi Sacerdos inhonestè, ut diximus, sepultus fuerat, sepulchrum honestum propriis sumptibus construerent, & ibidem Capellam ædificarent, & illi Capellæ de suis redditibus tantum conferrent, ut Presbyter aliquis in eodem loco diuina in perpetuum celebrare possit : quod & factum est. Igitur Episcopus fratres dictos iterum ad se vocans, & sagaciter de salute ipsorum tractans, ait. Vos filioli, qui tam enorme factum sub iuramento vos expiaturus promissistis, ut video, mandato Ecclesiæ satis parati estis obedire : iam satis competenter pro interfecti Sacerdotis remedio aliquid actum est, de peccato tamen commissò quæ vobis incumbit pœnitentia adhuc nulla iniuncta est; quia vobis in spirituali & temporali iustitia prouidere tenemur, sub iuramento Ecclesiæ & nobis super hoc prætito districtè præcipimus, quatenus vos quatuor fratres pro tanto peccato diluendo transfretare, & sepulchrum Domini visitare maturetis : & inde antequam mandatum nostrum acceperitis, ad propria non redeatis. Dicti verò fratres, quia nullam penitus aliam viam sine ingenti dispendio sui & rerum suarum inuenire potuerunt, & iter aggredientes ad transmarinas partes properauerunt : sed de reditu ipsorum nihil audiui.

---

*De alio Sacerdote Parocho ab excommunicato interfecto  
apud Barram Alsatiæ.*

C A P V T I I.

**I**N Alsatiæ partibus, in Episcopatu Argentinensi; habetur villa quædam, quæ Barra dicitur, viris honestis referta; in qua quidam Sacerdos iuuenis & honestus degebat, qui in eadem villa Barra ita deserviebat. Manebat itaque in eadem villa vir, qui plùs debito gulæ deserviebat : erat ei

quippe mos, ut si quando Aduentus Domini, vel Quadragesima, vel alij ieiuniorum dies in reuolutione anni occurrerent, ipse nullo modo ieiunare volebat, sed assumebat sibi duos vel tres, qui etiam gulæ illecebris detinebantur; tabernam intrabant, & ibidem in aperto coram omnibus comessabantur vsque ad ebrietatem. Cùmque dictus Sacerdos, qui curam parochiæ illius gerebat, hanc in eo consuetudinem videret, voluit eum prius inter se & ipsum solum arguere, ut tam nefario facto abstineret, quia ipse alios seum peccare faciebat; & multi in eum scandalizabantur. Ipse verò è contra Sacerdoti dicebat, quòd ieiunare nollet, quia Deus panem & vinum & cætera cibaria fecerat, ut homines eis, ut vellent, vterentur. Cùm igitur Sacerdos eum super hoc sæpius admonuisset, nec admonitionem suam aliquid videret proficere, ipsum vocare decreuit, ut in facie Ecclesiæ de commisso illius à parochianis iudicaretur. Ille verò ad Ecclesiam veniens, nihil excusationis præteredit, sed dicebat se velle uti bonis à Deo collatis quando vellet, & quomodò vellet & vbi. Quòd cùm milites & alij prudentes viri, quibus tunc referta erat Ecclesia, hæc verba ab eo audissent, eum arguebant quòd tam inepta in facie Ecclesiæ verba proferre auderet. Sacerdos igitur eidem viro præcepit ut mandato Ecclesiæ stare deberet: & eum semel, secundò & tertio diligenter admonens, cùm videret quòd nihil proficeret, secundum morem Ecclesiæ ut inobedientem excommunicauit, & eum ab Ecclesia exire compulit. Contigit deinde non multum post temporis in vigilia sanctorum Apostolorum Simonis & Iudæ Sacerdotem ad Ecclesiam pergere, ut ibi diuina perageret. Erat autè prope Ecclesiam taberna sita vbi ille excommunicatus cū quibusdam complicibus suis in introitu cellarij illius tabernæ manducans & bibens, & de sententia in illum lata inter se conferebant. Cùmque Sacerdos per illum locum transisset, & in cimiterium introisset, quidam illorum qui cum excommunicato comessabantur, imperabat illi, quare sententiam in ipsum datam in Sacerdotem non vindicaret. Excommunicatus circumspiciens dixit se non habere armaturam præ manibus, qua Sacerdotem molestare posset. Cui

vuns

vnus ex illis diabolico veneno inflammatus dixit : Accipe telum meum quod ad hoc peroptimum est. Excōmunicatus verò ille telum accipiens concito cursu ad Sacerdotem venit, & antequam Sacerdos illum venientem percepisset, miser ille Sacerdotem telo perfodit. Sacerdos verò sentiens se intolerabiliter vulneratum, manu telum tenuit : & cū videret percussor, quòd telum nequireret ad se retrahere, vt iterum feriret, dimisso telo cultellum acutum, quo erat accinctus de vagina extrahens, Sacerdotem etiam vulnerauit quousque ad terram cadens mortuus putaretur. Miser ille sacrilegus homicida à loco & villa discedens non comparuit. Sacerdotes igitur circumadiacentes hoc factum audientes accurrerunt, & adhuc eum palpitantem inuenientes, corporis & sanguinis Domini Sacramentis eius exitum munierunt : qui accepto Sacramento, non multum post verè Martyr spiritum cælo reddidit, & in eadem Ecclesia in qua deseruiebat tumulatus est. Quidam enim cognatorum suorum qui aderant, tunicam ipsius Sacerdotis telo & cultro in pluribus locis perforatam, & ipsius sanguine infusam sibi reseruauit, arbitantes debere eam Episcopo Argentin. monstrare. Quod & factum est. Nam in crastino Animarum \* Synodus omni anno Argentinæ celebratur. Ad quam illi cum tunica Sacerdotis venientes, in qua ipse Episcopus cum Canonicis suis & Sacerdotibus & Clero multo, militibusque, & aliis plurimis viris residebat. Silentio legitur factò, illicum tunica extensa perforata & sanguinolenta flebilibus vocibus hunc versum, Episcopum intuentes, decantabant : *Vide si tunica filij tui sit, an non ?* Quibus Episcopus perfusus lacrymis : Tunica filij mei Ioseph hæc est. Et statim omnes qui aderant cum ingenti clamore & gemitu responsum subiungentes, cantauerunt : *Videns Iacob vestimenta filii sui Ioseph ait : Fera pessima deuorauit meum filium Ioseph.* Quantum ibi lacrymarum effusum, & quantus dolor, & timor omnes qui præsentés erant, inuasit, vix lingua aliqua docere posset. Factò tamen quoquomodo silentio, Episcopus Clero hinc ita loquitur : Fratres mei dilectissimi, iam diabolus petiit nos vt tentaret, & cribraret sicut triticum, vt de morte Fratris nostri dolentes, & timentes, &

*Id est diei 2.  
Nonemb. in  
quo Ecclesia  
preces fundit  
pro fidelibus  
viam fundis*

G g g

2258.

\* Hic deest  
posuit

scandalizatos nos redderet : nos verò in Deitate Dei Patris spem fiduciàmque habentes, *qui non permittit vos tentari super id quod potestis, sed dabit cum tentatione prouentum, ut possitis sustinere*, cum ipsius adiutorio disponamus quomodo hoc factum in perpetuum cum vindicta sua ad posteros transmittatur. Decernimus quippe ut auctor ille sceleris à gremio sanctæ & Catholicæ Ecclesiæ cum complicibus & fautoribus suis excommunicetur, exclusus separetur, & cum Iuda traditore æternalibus pœnis, nisi satisfecerit, obnoxius sine fine teneatur. Matricem verò Ecclesiam illam, infra cuius atrium ille dilectissimus noster Sacerdos pro iustitia usque ad mortem persecutionem passus est, honore suo priuamus : ita ut honor pariter & nomen matricis Ecclesiæ ad capellam suam Berchem transferatur, nec in ipsa Ecclesia de cætero diuina celebrentur ; excepto quòd ob reuerentiam illius fœlicissimi Sacerdotis, qui pro iustitia occubuit, & ibidem sepultus est, à Plebano de Berchem procuretur, ut ibi diuina ter in hebdomada celebrentur. Acta sunt hæc tempore illo quo annus Domini volebatur millesimus ducentessimus quinquagesimus octauus. Hæc sunt acta ut supra sub Episcopo *Henrico* de Strahelerh antiqui Sueviæ Comitatus tertij. Sub eodem Prædicatores fuerunt fundati subterraneo fundamento ab Argentinensibus Canonicis : in quo fundamento primarium lapidem ipse Henricus Episcopus \* & sub eo Henrico sunt recepti Prædicatores intra mœnia urbis Argentinensis in locum quem hodie habitant, qui dederunt locum Monasterij in domibus Fridericus & Haualo Præpositus Vldaricus de Thalmafgen, & Ioannes de Alba uterque Canonicus Argentinensis.

---

*De Clerico à milite captiuato, & ab ipso Episcopo Argentinensi clementer liberato.*

## CAP V T III.

**Q**uia de venerabilis Episcopi Argentinensis *Henrici* factis quædam nostro Libello adnotare curauimus, tamen adhuc vnum dignum memoria legentibus aperire maturabi-

mus. Erat quidam Clericus in dicto Episcopatu Argentinen-  
si, qui quendam nobilem virum eiusdem diocesis, qui su-  
per quibusdam rebus ei iniuriabatur, trahebat in causam, &  
ipsum militem in Ecclesiastico foro multum molestabat, &  
cum multipliciter adiudicium trahendo satis eum vexabat;  
quod idem nobilis vir valde molestè ferebat, sed nesciebat  
quomodo hoc in ipsum Clericum vindicare posset. Qui diu  
ita vexatus animo torquebatur, & inter multimodas cogita-  
tiones animo fluctuabat. cum igitur diu hac & illac excogita-  
set, tandem corde audaciam concipiens ipsum Clericum  
immisericorditer molestare disposuit. Tandem opportuni-  
tate accepta, accersitis secum sociis armata manu venit ad  
inimicum sibi Clericum, hac illac quæritat, tandem Cle-  
ricus inuenitur, cæditur, spoliatur, & victus ab ipso mili-  
te deducitur. Sed quia idem miles dictum Clericum capti-  
uum in ipso Episcopatu Argentinenſi detinere non aude-  
bat, ad quosdam amicos suos in Episcopatu Basiliensi longè  
manentes ipsum Clericum victum captiuum custodien-  
dum deduxit, quatenus in vinculis offensas & vexationes  
quas ei intulerat, miserabiliter lueret. Sed quia Deus ipsius  
militis malitiam, & famuli sui scilicet Clerici captiuitatem  
diutius occultari noluit, fama, quæ velocior est vento, hoc  
enorme factum illius venerabilis Episcopi Argentinenſis au-  
ribus innotescere maturauit. Cum igitur idem Episcopus fe-  
riem rei audiuiſſet, accersito Notario, dicto militi scripsit, vt  
Clericum suum quem malè tractauerat, cum vniuersis rebus  
ablatiſi Episcopo restitueret; & de iniuria tam præsum-  
ptuose illata ad ipsius Episcopi præsentiam veniendo satis-  
faceret, & condignas pœnas de tam enormi facto meritò  
reportaret. Perlectis igitur miles Episcopi literis nimio ter-  
rore perterritus, non est ausus ad præsentiam Episcopi, vt præ-  
ceperat, accedere: sed nec accessit, nec ipsum Clericum,  
vt ei iniunctum fuerat, Episcopo restituit. Episcopus siqui-  
dè memorandus cū audiſſet scripta sua in hoc facto nihil pro-  
desse, cogitauit quia si ipse dictum militem in foro Ecclesia-  
stico conueniret, ipse captiuus Clericus in vinculis diu tor-  
queretur, & ob hoc ei salubriori succursu moras præuenire,  
decreuit. Adunato siquidem non modico pugnatorum e-

xercitu, dimisso foro Ecclesiastico, materiali mucrone ad voluntatem suam maturandum vti voluit velociori. Verrens siquidem ad domum militis gradum cum exercitu suo, cum adhuc non longè esset, militum suorum vsus consilio, misit ad dictum militem, mandans & præcipiens vt ei Clericum suum restitueret, & de tam pessimo facto ad ipsum veniret satisfactorius; alioquin ipsum militem dignâ captiuitatis pœnâ multaret, vniuersa sua vbicunque inuenta immisericorditer diriperet. Quo audito dictus miles cum magno timore Episcopo se velociter præsentauit, & ipsum Clericum & sibi ablata restituit, & causam pro qua idem Clericus captiuatus fuerat in manus Episcopi resignauit, & quod ipsi Episcopo iuxta formam Ecclesiæ satisfaceret & obediret, securitatem quam Episcopus dictauit coram omnibus affirmauit. Si quidem quis velit huius facta Episcopi diligenter perscrutari, statim inuenire poterit quo spiritu ducebatur, qui tam celeriter inimicos Ecclesiæ sanctæ & Cleri cum tanta discretione Deo satisfacere compelleret, cum ita asperè illos duos Sacerdotes, de quibus superius mentionem fecimus, satis apertè vindicauerit, & pro solo Clerico armatos adunauerit, & militem ipsum qui Clericum captiuauerat, non quasi Episcopus, sed quasi Princeps militiæ ad satisfactionem condignam compulerit. Sed de ipso Episcopo cum alia plurima memoriæ digna scribi possint, hæc dicta sufficiant.

---

*De conflictu coram Episcopo Metensi inter Ecclesiam Senoniensem & Dominum de Salmis.*

#### CAPVT IV.

**A**Nno Domini M.CCLI. tempore Iacobi Metensis Episcopi, Dominus *Baldunnus* & Conuentus Senoniensis conuenerunt Dominum *Henricum* dictum de Salmis coram dicto Episcopo, super iniuriis quas inferebat Ecclesiæ Senoniensi. Ille verò volens declinare iudicium, dixit quodd ipse vel prædecessores sui pro ipso Episcopo vel prædecessore-

ribus eius nihil vnquam defecerant; & ita à iudicio discessum est. Dictus igitur Henricus Dominus de Salmis tali exceptione fultus multas & graues Ecclesiæ Senoniensi intulit iniurias. Habebat enim quendam fratrem, quem pater eius in partibus Burgundiæ de quadam muliere fertur genuisse, qui ad omnia mala & actus peruersos valde exercitiosus erat. Idem quibus poterat machinationibus Ecclesiam Senoniensem sedulò opprimebat, vnde Dominus Balduinus Abbas ipsi Iacobo Episcopo dictas molestaciones coactus est sæpius intimare. Quapropter idem Episcopus cuidam Præposito suo Therico nomine per literas suas patentes districtè præcepit, vt quotiens querimonia Abbatis Senoniensis ad ipsum perueniret, totiens de rebus Domini de Salmis acciperet, si gratiam Episcopi vellent retinere; quod & ipse Præpositus facere studuit. Sed de his omnibus in utilitatem Ecclesiæ Senoniensis nihil deuenit.

---

*Quòd Dominus Henricus de Salmis Duci Lotharingie  
allodium Morehanges vendidit.*

C A P V T V.

**I**gitur cùm hæc ita se haberent, contigit Dominum de Salmis magnis debitis detineri: & cùm non haberet vnde redderet, necessitate coactus Friderico iuniori Duci Lotharingiæ castrum suum Morehanges dictum pro septingentis libris Metensiu vendidit; quod allodium suum prius erat, & hoc ab eodem Duce in feodo accepit, vt si quando ipsi Duci necessitas occurreret, illud castrum absque vlla contradictione redderetur. Quod cùm Episcopus Metensis audisset, maiori ex tunc indignatione exarsit contra ipsum Dominum de Salmis, & ex tunc cœpit eum durius impellere. Contigit præterea Dominum de Salmis penes Morehanges fontem salinarem reperisse, in quo ædificando multas expendit pecunias: & licet ab Episcopo prohibitus, tamen ad conficiendum sal ille fons nihil valuit. Sed nec debitorum pondere, nec expensarum dicti fontis perditarum

G g g iij

castigatus, ad deteriora spirans, Ecclesiam Senoniensem quomodo poterat, molestare non cessabat. Nam consilio Renaldi supradicti, qui & Ballius ipsius Domini de Salmis tunc temporis erat, in quodam monte in possessione Ecclesie Senoniensis sito iuxta Grandē fontanā fabricam ad ferrum conficiendum fieri iussit. Nam ibidem lapides reperiuntur, de quibus fit ferrū, quos vulgo minam ferreā vocant. Abbas verò, cum hæc comperisset, statim Episcopo Metensi indicare maturavit, dicens quod Dominus de Salmis fundum Ecclesie suæ inuaserat, sicut prædictum est, quod antea nullus prædecessorum suorum fecerat. Episcopus verò iratus præcepit Præposito supradicto quod sine mora penitus destrueret, quod & factum est. Nam ipse Præpositus non tantum fabricas ipsas delcuit, sed vniuersa vtenilia fabrorum & ferrum quod fecerant asportauit. Et sic Dominus de Salmis viuentē Iacobo Episcopo in fabricis illis non est ausus quicquam operari: attamen in quibus poterat Ecclesiam Senoniensem quotidie non cessabat molestare.

---

*De eo quod idem Henricus de Salmis indigentia ductus  
Episcopo Iacobo Metensi duo castella Pierepercie &  
Salmis vendidit.*

## CAPVT VI.

**I**gitur cum hæc fierent videns Dominus de Salmis sese triplici modo intolerabiliter vexari: primò quia Episcopi Metensis iram sibi sentiebat plus solito incessanter imminere: secundò quod à creditoribus suis tædiabiliter urgebatur: tertio quia facultas non suppetebat, qua posset Domini sui Episcopi iram mitigare, ut creditoribus suis satisfaceret, & egestatem suam releuaret. Cum igitur idem Dominus de Salmis tot afflictionibus quateretur, nec aliquam euadendi viam reperire posset, considerauit sibi duo tantum castella superesse: Pierepercie scilicet, quod allodium esse ferebatur, & aliud castellum de Salmis dictum, quod Comes *Henricus de Albomontis* auus istius Henrici de Salmis



in fundo Ecclesiæ construxit; de quibus angustias suas se credidit posse mitigare. Adiit siquidem Episcopum Metensem, & ei ipsa castella vendidit eodem tenore quo & Morehan- ges Duci Lotharingæ antea vendiderat. Episcopus verò accersitis secum viris discretis, ad utrumque castellum accessit, & ibi pernoctavit, & custodes turrium & portarios portarum instituit: & super his omnibus privilegia facta ad Episcopium suum reportavit; & ita Episcopus Domino de Salmis ex tunc mitior fuit: Sed tamen reparandi fabricas ferreas licentiam non accepit: sed de die in diem nunc huc, nunc illuc, nunc coram ipso Episcopo, nunc coram Consiliariis Episcopi, ad pacem componendam nos inuitabat, Et cum nos pluries de loco ad locum pertraxisset, nihil tamen de pace fuit ordinatum. Et cum inter Dominum de Salmis & Balduinum Abbatem & Conuentum Senonien- sem ferè per quatuordecim annos ita fuisset decertatum, nec ipsum certamen peccatis nostris exigentibus ad vllum finem devenisset; Omnipotens redditor delicta nostra du- riùs ferire voluit. Nam permittente Deo Dominus de Sal- mis tam crudeliter opprimere non timuit, ut crederes eum esse Nabuzardam Principem coquorum Regis Babylonix, qui muros Hierusalem destruxit, sicut postea plenius expo- nemus.

---

*De demissione sacrarum imaginum; & proclamatione  
quæ quotidie fiebat pro Domino de Salmis & fau-  
toribus eius.*

C A P V T VII.

**C**Vm igitur Dominus de Salmis Ecclesiam nostram Se- noniensem tam miserabiliter affligeret, nec ipsa aliquem verum haberet defensorem, habito venerabilis Patris *Gilo- ni* Episcopi Tullensis, & aliorum prudentum virorum con- silio, cum magno fletu & altis suspiriis sacratissimas imagi- nes Redemptoris nostri, & etiam Beatissimi Simeonis Con-

fessoris, septimi à Beato Clemente Metensis Episcopi multimiraculis decorati, de locis suis ad terram super spinas deposuimus, cum lacrymis ad Dominum clamantes & dicentes: *Sustinuimus pacem & non venit: quasumus bona, & ecce tribulatio. Cognouimus Domine peccata nostra, ne in aeternum irascaris nobis Deus Israël.* Deinde quia priuilegia Apostolicorum virorum Romanorum Pontificum omnes malefactores Ecclesie nostrae excommunicant, & à gremio sanctae Ecclesiae separant, & à communione sacratissimi corporis & sanguinis Domini Iesv Christi alienant, & in die districti examinis diuinæ ultioni subiiciunt; ita & nos Dominum de Salmis, & omnes fautores suos singulis Dominicis diebus & festiuis in facie Ecclesiae ipsas sententias manifestabamus incurrisse; ac demum ad maiorem Missam ante Agnus Dei omnes pariter genua flectentes à Diacono quotidie ante altare proclamatio illa in spiritu humilitatis recitabatur. In qua ipse Henricus Dominus de Salmis cum fautoribus suis apertè nominabatur. Quà finitâ, Chorus responsorium *Aspice Domine* cum vertu decantabat. Deinde omnes prostrati, Psalmum, *Deus misereatur nostri*, *Kyrie eleison*, & *Pater noster*, deuotè dicebant. Presbyter verò qui Missam celebrabat, flexis genibus ante corpus & sanguinem Domini subiungebat, deinde versum *Exurgas Deus*, & Collectam, *Ecclesia tua preces*, vel aliam temporis tribulationis competentem; deinde Missa finiebatur: nec adhuc propter hoc Dominus de Salmis cum suo Renaldo à læsione nostra cessabat.

---

*De morte Iacobi Metensis Episcopi; Et de direptione bonorum Ecclesie Senoniensis sacrilega per Dominum de Salmis.*

#### C A P V T VIII.

**E**Nimuerò quia nondum tempus miserandi nostri adueniat, ut nobis clariùs pateretur quia *melius est confidere in Domino, quàm confidere in homine: & quia maledictus est qui ponit*

*ponis carnem brachium suum* dicto citius auxilium Episcopi Iacobi nobis extemplò substractū est. Et quia in ipso Episcopo plurimum confidebamus, expertissimus planè, quia *bonum est sperare in Domino, quàm sperare in Principibus*. Nam cùm nos speraremus de manibus Domini de Salmis ab ipso Episcopo liberari; ipse decedit in lectum, & fluxu ventris ingrauescente mortuus est, & nos ita spe adiutorij fraudati sumus. Cùm igitur Canonici Metenses mortem sui Episcopi percepissent, tulerunt corpus eius & sepelierunt illud ante quoddam altare in Ecclesia B. Protomartyris Sthephani. Sed quia de mortis eius vilitate vel paupertate diutius loqui pudet, breuiter tamen dico quòd qui in vita sua cunctos in potestate sua positos, Clericos, Monachos, Laicos, rebus propriis spoliauerat, ipse in morte sua ita spoliatus inuentus est, vt circa eum vix inueniri potuisset, vt audiui, quo corpus eius valeret cooperiri. Quædam tamen de ipso Episcopo, dum adhuc viueret, laudabilia facta referuntur. Præcepit siquidem vt omnes captiui tempore suo detenti laxarentur, & rapinam salis, non quod rapuerat, sed quod secum ferre non poterat, reddi iussit. Et de redditio- ne ipsa priuilegia conscribi fecit, quæ paruo tempore valuerunt, sicut in subsequentibus clariùs patebit. Cùm igitur Dominus de Salmis mortem Episcopi comperisset, credidit se posse Monasterium nostrum & res eius suæ subiicere potestati; cœpit nos & res nostras duriùs impugnare. Accersito quippe suo Renaldo cum quibusdam aliis, misit eos ad nos; & conuocatis Fratribus sic ait, Dominus meus me misit ad vos: vt si vultis ipse proteget vos contra omnes, & super hoc habeatis consilium. Nos verò intrantes Capitulum ei alia pro aliis reddebamus. Quidam nostrum dicebant, quia Abbas non erat præsens, bene poteramus hanc protectionem ad tempus acceptare, si Abbati placeret: Alij verò non acceptauerunt. Et ita quod nobis bonum erat recusauimus, quod postea verè sensimus. Milites verò illi indignanter recedentes Abbatiam nostram & omnes grangias nostras saisiuerunt. Canonici verò Metenses conuenientes vt Episcopum eligerent, sed non sunt concordati, licet sæpiùs ad eligendum conuenirent, quia Comes Bar-

H h h

rensis, vt ferebatur, eorum impediēbat electionem. Tandem conuenientes, duos elegerunt. Pars verò vna elegit quemdam Philippum, qui dicebatur de Florechanges, qui & cognatus Ducis Lotharingæ erat, & Præpositus S. Deodati, & Thesaurarius Metensis. Altera autem pars elegit quemdam Canonicum suum Theobaldum nomine de Porcellis, diuitem nimis, sed grossum & grauem corpore. Inter quos diu de Episcopatu litigatum est. Dominus quippe de Salmis cū videret sibi tempus malefaciendi arridere, fabricas quæ prius fractæ fuerant, instaurauit, & nemora nostra ad prunas faciendas incidi fecit, & fabros ad ferrum ibidem instituit. E contra Conuentus noster supradictas excommunicationes & proclamationes in ipsum Dominum de Salmis, & in coadiutores suos non cessabat promulgare. Quod ipse Dominus de Salmis vltra modum ægrè tulit: & mittens satellites suos cum suo Renaldo armatos, abstulerunt omnes res nostras quas inuenerunt, equos, boues, oues, vacas, & porcos: & ea quæ voluerunt, deduxerunt. Similiter & in grangiis nostris idem fecerunt. Sed & in eadem die Cellam nostram in Bruscaualle, & domum nostram Anselmiuillare idem tyrannus eadem die omnibus bonis spoliari iussit, & hoc factum est sabbatho proximo ante Septuagesimam. Sed cū crederemus eis sufficere quod fecerant, mane factō idem Renaldus cum complicitibus suis venientes inuenerunt portas Claustrī & ostia clausa, & petentes se intromitti, non est eis concessum: sed scalas muro applicantes transierunt, & descendentes ante cameram Abbatis, Claustrum intrauerunt, & tollentes sibi clauēs Ecclesiæ & Claustrī, & Cellarij, vniuersam suppellectilem Monasterij potestati suę subdiderūt. Deinde accersitis curribus puluinarīa, ollas æreas, & patellas coquinæ, & omnia quę in eleemosynam pauperibus distribuenda erant, in curribus suis asportauerunt. Deinde vassallos suos ad turres custodiendas deputauerunt. Matthæus verò Prior bonæ indolis iuuenis, & cæteri Fratres, hæc videntes considerauerunt se hīc locum manendi non habere: cruce præuia omnes ordinatē Monasterium exierunt, plorantes & deprecantes vt Deus omnipotens gressus ipsorum in viam salutis dirigeret: & sic

procedentes ea nocte apud Medianum-Monasterium pernoctauerunt. Deinde ad præceptum Abbatis ad diuersa transierunt. In Claustro verò Senoniensi nemo Monachorum remansit, excepto me & quodam Fratre nostro Bertrando, qui graui detinebatur infirmitate. Sed quia Deus non vult mortem peccatoris, sed vt conuertatur & viuat; hunc dirum nostræ Ecclesiæ vastatorem, satis digna correctione ammonere voluit. Nam vxori suæ prægnanti tempus pariendi aduenit, & peperit filium, proh dolor! antequam nasceretur, mortuum. Vnde à pluribus per infortunium, immò vindicta Dei luculenta, maximè à parentibus plangenda fuit triplici modo. Primò quia abortiuus natus & non baptizatus creditur regnum Dei non posse possidere. Secundò quòd parentes eius abortiui tam miserabiliter perdididerunt sibi futurum successorem & hæredem; quia eis nunquam natus fuerat masculini sexus puer. Tertiò, nec tam apertè castigati à malitia sua cessauerunt: sed familiam totam Monasterij scilicet carpentarios, furnerium, laundarium, piscatores, ille diaboli satelles Renaldus bonis ita omnibus spoliavit, vt vix in domibus eorum parietes erecti subsisterent.

---

*De Gillone Episcopo Tullensi & sententia per eum in  
Dominum de Salmis promulgata.*

C A P V T IX.

**D**Enique cùm cor nostri vastatoris contra nos, sicut cor Pharaonis contra populum Dei in Ægypto fuisset induratum, nos in tanta tempestate non inueniebamus consolatorem. Quid plura? Canonicos Metenses consulimus, auxilium eorum instatissimè implorauimus: sed quid dicam? Non fuit qui adiuuaret. Igitur cùm Dominus de Salmis nos & Ecclesiam nostram, vt supra dictum est, instanter molestaret, post diutinas alterationes, electi Metenses, *Philippus* scilicet & *Theobaldus* ad præsentiam Archiepiscopi Treuerensis vocati sunt. Cuius industriâ nescio quo pacto  
H h ij

dicti Electi ita pacificati sunt, ut ipse Theobaldus cederet, & Philippus confirmaretur Episcopus, & postea consecratus Episcopatum obtinuit. Dominus vero Abbas *Baldwinus*, & quidam fratrum nostrorum ipsum Episcopum adierunt, & ei omnes calamitates nostras de verbo ad verbum, sicut supra dictum est, intimauerunt. Qui Episcopus ita rudis & segnis à nostris inuentus est, ut credere se cum nullius vigoris virum esse: sed tamen quædam verbis promisit, quæ facta non fuerunt. Fratres vero nostri venerabilem Gilonem Episcopum, quem Deus omnipotens sanctæ Sedi Tullensi Rectorem concesserat, dolentes petierunt, & ei quæ facta fuerant exposuerunt. Episcopus hæc audiens valde indoluit; & accersito Notario scripsit Alexandro Abbati Mediani-Monasterij, ut ad domicilium Domini de Salmis personaliter accederet, & eum diligenter admoneret ut de perpetrata tam enormi iniquitate resipisceret, & ablata restitueret, & de tam impio facto Deo & Ecclesiæ satisfacere non differret. Accepto igitur Abbas mandato Episcopi, non segniter, sed zelo domus Dei spoliata ductus sibi iniuncta accelerare properabat. Veniens igitur ad Villam quæ Baudouiller dicitur, inuenit illum Angelum Sathanæ Renaldum Ballium Domini de Salmis in malitia nimis exercitiosum, qui interrogauit Abbatem quid quæreret. Abbas vero ei indicauit mandatum Episcopi sibi commissum. Ille ergo audiens iratus misit manus in eum, & tenuit eum & tradidit eum satellitibus suis in domo quadam custodiendū, qui sedulo custodiebant eum, & expensas magnas in custodiendo Abbate faciebant, ita ut in duobus diebus & noctibus octo solidos Tullensium expenderent: putabant enim quod Abbas omnia persolueret. Fratres igitur Mediani-Monasterij audientes quod Abbas ipsorum captiuus teneretur, cucurrerunt ad Præpositum Ducis Lotharingæ *Godofridum* nomine, & indicauerunt ei quod Abbas ipsorum captiuus teneretur: Præpositus vero assumptis secum armatorum cuneis properabat ad villam illam vbi Abbas tenebatur, sed mediā viā consuluerunt ei ne vltius procederet, nisi prius inquireret si aduersarij ei Abbatem Domini sui reddere vellent; alioquin quod vellent, rationabiliter facere posset.

Præpositus enim eorum consilio acquiescens misit duos milites qui Abbatem requisierunt. Balliuus audiens quòd Præpositus Ducis cum armatis ad se veniret, timuit, & Abbatem dimisit. Abbas verò mandatum quod acceperat solemniter exposuit, denunciando ab Episcopo Tullensi excommunicatum, & secundum statuta Concilij Treuerensis ipsum Dominum de Salmis excommunicatum ac terram suam sub interdicto positam affirmavit, excepto viatico mortuorum, & baptismo puerorum. Et sic Abbas & Præpositus cum suis ad sua redierunt. Episcopus quippe Tullensis, qui se sæper consuevit pro domo Domini murum ponere, zelo diuino animatus Domino Episcopo Metensi supplicauit, vt quod ipse contra Dominum de Salmis & terram ipsius in Episcopatu Tullensi pro Ecclesia Senoniensi exercuerat, hoc ipse in Episcopatu suo contra dictum Dominum denunciare satageret. Episcopus ergo Domino Nemerico Plebano de Vico ad hoc faciendum cum literis suis apud Morehan ges destinauit. Qui cùm ad castrum ipsum deuenisset, perlectis literis Episcopi ammonuit vt Dominus de Salmis Ecclesiæ Senoniensi ablata restitueret, & de commissis satisfaceret, alioquin ipsum Dominum, & totam familiam suam, & fautores, & coadiutores ipsius excommunicatos denuntiabat, & terram ipsius auctoritate Metensis Episcopi, & statuti Treuerensis sub interdicto positam constanter affirmabat. Familia igitur ipsius castri hæc audiens iniecit manus, & tenuit eum: & mittens eum in compedibus ferreis vinctum custodiebat. Plebanus verò nolens longius ita detineri, hostagiauit se pro sexaginta libris, & sic recessit, & veniens, nunciauit hæc Episcopo. Excommunicato quippe Domino de Salmis, & terrâ sua sub interdicto positâ, ita vt nec mortuis catholica concederetur sepultura, nec sententia in ipsum & fautores suos & in terram suam data ab Archiepiscopo Treuerensi, vt sperabat, est infirmata. Et cùm super hoc ultra modum torqueretur: ille suæ perditionis Balliuus, immo certè Antichristi Renaldus inopinata damna, & molestias contra Ecclesiam nostram excogitare cœpit. Nam adueniente tempore veris, quo agricolæ ad colenda arua & hortos procedere

solent, ille malorum adinuentor Renaldus prohibuit ne homines Ecclesiæ Senoniensis croadas debitas persoluerent: nec agros nec hortos prout solebāt excolerēt. Audi, ô lector, adinuentiois nefas permaximum: legimus in Annalibus historicis quarundam ciuitatum agros, & terras in circuitu suo adiacentes, ab aliarum ciuitatum obsessioribus & hostibus sale seminatas, vt in ipsis terris ardor salis nullum semen germinare permetteret aut crescere; vt cūm agri sale steriles effecti, nullum fructum proferrent; habitatores illarum ciuitatum fame attriti, seipsos & vrbes suas inimicis suis tradere cogerentur: sic & iste nequissimus Ballius ideo agros nostros & hortoscoli prohibuit, vt nos & Ecclesia nostra penuriâ attriti voluntati Domini sui velocius subiiceremur. Sed in hoc dictus Ballius suâ opinione fraudatus est: nam cūm vir ille venerandus semper Dominus *Gillo* Tullensis Episcopus supradictam prohibitionem audiuiſſet, statim datis literis præcepit eundem Dominum de Salmis, & omnes adiutores & fautores, & etiam Balliuos ipsius singulis Dominicis diebus & festiuis per totum Episcopatum Tullensem excommunicatos denunciari.

---

*De tractatione pacis inter Ecclesiam Senoniensem, & Dominum de Salmis.*

C A P V T X.

Cūm igitur ipse Dominus de Salmis videret, quòd neque per malitiam suam, neque Ecclesiam nostram & nos opprimendo, neque per Archiepiscopum Treuerensem in quo plurimum confidebat, neque per ipsum Episcopū Metensem qui eundem Dominū de Salmis inuitus offende-  
bat, neque demum per Iurisperitos, & Aduocatos, quorum copiam amplissimis donis & muneribus sibi acquisierat, supradictam sententiam non posse reuocari; considerans se in periculoso statu esse constitutum, cœpit de pace tractanda anxie cogitare. Sed quia ea quæ in his agendis compete-  
bant videbat esse difficillima, tum pro rerum abla-



tarum restitutione, tum quia in iis reddendis ad plenum ei facultas non suppetebat, & præterea quia de tam nefario facto Deo & Ecclesiæ Senoniensi & nobis eum satisfacere pudebat. Quia Dux Lotharingiæ *Fridericus* iunior, qui tunc temporis de nouo post patrem *Maherum* regnum Lothariense regendum acceperat; nec non & Comes *Vvadanimontis* iuuenis, & alij quamplures milites sua iuuenilia corda sequentes, ipsum Dominum de Salmis ad mala potius quàm ad bona instigabant. Denique cùm idem Dominus de Salmis consideraret quòd nec nos nec Ecclesiam nostram molestando, nec Dominum Abbatem, nec Fratres nostros per diuersa loca ad componendum de die in diem trahendo, pacem sibi competentem posset obtinere, Dominum Episcopum Metensem *Philippum* pro ipsa pace rogaturus adire decreuit. Episcopus verò ipsum nolens offendere, parti ipsius magis fauere cœpit, quàm nostræ. Habebat enim quemdam militem secum peritissimum loquacem, qui *Albertus* de Othonisuilla dicebatur, qui aliquando Domini de Salmis consiliarius extiterat. Huius consilio pacem qualem voluit ordinauit: & comminatus est nobis quod si contra illam ordinationem venire vellemus, ipse contra nos & Ecclesiam nostram, immò certè B. Stephani, & suam, semper & in omnibus se acturum affirmabat. Quid igitur contra hoc facere possemus ignorabamus. Immisit tamen Deus in cor Abbatis. Vt firmiter assereret, se nunquam ea quæ Episcopus de pace componenda ordinauerat, velle consentire, nisi priùs Dominus de Salmis ablata restitueret vniuersa, quod & Episcopus acceptauit, & data securitate de restitutione facienda Dominus de Salmis diem etiam assignauit. Vnde incontinenti beneficium absolutionis petiit, quod & Episcopus Metensis libenter annuit. Semper verò reminiscendus Dominus *Gillo* Tullensis Episcopus asseruit se nunquam eum velle absolvere, nisi priùs daret cautionē, quod pro tam oneroso excessu mandato staret Ecclesiæ. Dominus verò de Salmis videns se nullam declinandi viam inuenire posse; coram ipsis Episcopis, & Clericis, militibus, & aliis quampluribus corporali iuramento solemmniter præstito promisit se mandato Ecclesiæ & volun-

rati Domini Gillonis Tullensis Episcopi velle libenter obedire, & ita beneficium absolutionis meruit, & eius terra ab interdicto est liberata. Deinde Dominus de Salmis credens quòd Conuentus statim, & thesaurus, & res aliæ Monasterij, quæ ad alia loca pro metu guerræ translata erant, incontinenti ad Claustrum reduci deberent, præcepit vt homines Ecclesiæ nostræ croadas & hortos, sicut antea solebant, excolerent, & ea quæ Ecclesiæ debebant persoluerent. Hoc præceptum datum est vltimâ septimana Aprilis quæ fuit illo anno proximior Paschæ. Balliuus igitur prædictus ad Claustrum veniens eiecit, sicut promissum fuerat Episcopis à Domino suo, custodes turrium & Monasteriorum, & vniuersam familiam Domini sui à Monasterij curia expulit. Et hoc factum est proximâ feriâ sextâ ante Pascha, quæ Parasceue appellatur. Sed de rebus ablatis nihil est restitutum. Vnde Dominus Abbas satis sagaciter hoc fertur egisse, quòd ante restitutionem rerum ablatarum noluit concedere, quod Conuentus ad Monasterium reuerteretur: & ita in Monasterio Senoniensi diuina omninò siluerunt à die Parasceue vsque ad subsequentem vigiliam Natiuitatis Domini, & in Claustro nostro nullus Monachorum degebat, excepto me Richero scilicet, & Bertrando qui graui detinebatur infirmitate, & quodam Monacho nostro, Hugo nomine, qui valdè astutè dispersa recolligebat; & aratra bouum & caballorum satis sagaciter instruebat, & omnia quæ obedientiæ suæ competeabant ita prudenter disposuit, vt nihil de omnibus pro posse suo sineret deperire.

---

*Quòd Dominus de Lietstemberch depradatus est terram  
Episcopatus Metensis sede vacante.*

## C A P V T X I.

**E**Nimuerò, quia occasio se ingerit vt à materia aliquantulum disgreduamur, & retrogrado cursu à morte bonæ memoriæ Iacobi quondam Metensis Episcopi, ea quæ explicare volumus, initiare curauimus. Igitur defuncto di-

do

Ad Episcopo & sede Metensi adhuc vacante, quidam tyranni suis viribus confisi terras Episcopatus inuadere & deprædari non timuerunt. Sicut supradictus Dominus de Salmis Ecclesiam nostram Senoniensem crudelissimè pro posse suo, vt supra dictum est, opprimere, immò ad nihilum redigere conatus est. Similiter & Dominus de Lietstemberch credens quicquid in ipso Episcopatu mali facere voluisset, perpetualiter inultu permanere, idè quippe Dominus de Lietstemberch vidēs Episcopatu Metensē sine defensore esse, accersitis secum satellitibus suis accessit ad Claustrum, quod Nouum-villare appellatur, & fraude oppidum, quod ante ipsum Claustrum situm est, armata manu intrauit. Promiserat quippe se illis nihil mali facturum; sed promissionis suæ impudenter oblitus, ipsum oppidum rebus omnibus spoliavit, & domos funditus destruxit, & lapides & ligna domorum, & vniuersa spolia ibi inuenta in curribus & in equis sibi asportari fecit; & cum his omnibus quendam montem ascendit, qui situs est iuxta castrum quod Erneſte appellatur, ibique in fundo Episcopatus castrum erexit, & de lapidibus & lignis quæ de oppido tulerat, illud ædificari iussit. Similiter & quamplures alij tyranni res & bona Episcopatus diripere non timuerunt.

---

*De introitu Philippi Episcopi Metensis cum exercitu suo in terram ipsius Domini de Lietstemberch.*

CAPVT XII.

**I**gitur cū ita res se haberent, & *Philippus*, de quo supra diximus, Episcopatum Metensem obtinuisset, & castra & munitiones, & terram sibi ritè vendicasset, vocatis ad se Magistratibus ciuitatis Metensis, ab ipsis requisitum quid de tyrannis illis, qui Episcopatum ipso absente inuaserant, fieri deberet. Et responsum est ei, quia hæc iniuria Episcopatu illata ipsos ciues Metenses sicut Episcopum tangere deberet: ipsi verò pro iniuriis illis vindicandis, & se & sua prout deberent exponere parati erant. Episc-

copus verò statim missis nunciis mandauit Duci Lotharingæ *Friderico* Iuniori cognato suo, ut cum exercitu ad se veniret, quia Dominus de Lietstemberch ei multa damna & iniurias intulerat, quas in eum vindicare conabatur. Dux cum hæc audisset, satis ei placuit, & missis nunciis accersiu-  
 uit sibi Burgundionum & aliarum gentium grandem multitudinem. Episcopus verò mandauit Comiti Barrensi ut in armis ad ipsum veniret, qui misit Episcopo cuneum armorum, Sed in propria persona non venit. Id ipsum Rex Nauarræ fecit. Congregato igitur exercitu Episcopus terram illius de Lietstemberch cum gente sua intrauit, & fixit ibi tentoria; æstimatus est quippe exercitus ille super omnes exercitus qui nostris temporibus in Lotharingia existerunt. Dominus igitur de Lietstemberch videns terram suam à gente ista occupatam, valde expauit, & Valterum adiens Episcopum Argentinensem, rogabat eum ut ei succurreret. Quod cum audisset Episcopus, timuit ne Dux cum exercitu tanto terram illam intraret, sic quippe fama se habebat. Idem verò Episcopus videns sibi & terræ ingens periculum imminere, missis nunciis, adunauit sibi non modicam multitudinem armorum: & etiam ab Argentinensibus auxilium petiit, qui non acquieuerunt, sed dicebant ciuitatem suam se velle custodire. Episcopus iterum mandauit eis, ut saltem exercitui suo mercatum ministrarent. Ciues responderunt quòd ad custodiam ciuitatis suæ rerum facultas vix eis sufficeret. Episcopus denique videns se à ciuibus suis fore derelictum, misit in ciuitatem ut quasdam res suas, quas intus habebat, ad se deduci faceret, quod & ciues non consenserunt, sed nuncios Episcopi ad Dominum suum vacuos remiserunt. Quod ipsis & toti Alsatiæ grande scandalum fuit. Denique Episcopus Argentinensis desiderans copiam armorum habere, misit ad Archiepiscopum Treuerensem, qui ei cognatione proximus erat, ut ei veniret in auxilium. Cum ergo ipse Episcopus adu-  
 passet quos potuit conuocare, videns quòd ipse exercitui Episcopi Metensis resistere non valeret, cœpit de pace tractare, quæ sic, ut fertur, est ordinata. Dominus quippe de Lietstemberch contulit se ditioni & voluntati Episcopi Metensis; erat enim homo eius. Denique promisit Episcopo quòd op-

pidum illud ante Claustum de Nouo-villari situm, quod ab eo superius diximus fuisse destructum à fundamentis, in meliorem statum per omnia reedificaret, & spolia ablata restitueret & castellum quod ædificauerat penitus destrueret. Hac igitur pactione per Magnates illius terræ ordinatâ, & per literas inde confectas, prout debuit, etiam condignam satisfactionem Domino Episcopo de perpetrato scelere, datis fideiussoribus, se facturum repromisit. Vnde & castellum quod in fundo Episcopatus exexerat, incontinenti totaliter euersum est & destructum. His ergo omnibus, vt supra dictum est, ordinatis, exercitus ab inuicem separati ad sua redierunt. Sed quia de Argentinensibus & Episcopo eorum superius mentionem feci; de cruenta guerra, quæ modica occasione inter ipsos postea inualuit; sicut à veridicis relatoribus didici, partem relatione dignam ad posteros destinare curabo.

---

*De initio guerra Vualteri Episcopi Argentinensis contra ciues Argentinenses.*

C A P V T XIII.

**I**gitur cùm guerra Domini de Lietstemberch talē vt dictū est; finē percepisset, *Vualterus* Episcopus Argentinensis ad propria reuertens, cœpit Argentinenses duriter calūniari, quare in tanta necessitate ei non succurrissent, cùm viderent eum contra aduersarios patriæ bellum voluisse committere. Qui Argentinenses responderunt: Si Episcopus pro defensione Episcopatus sui aliquam pateretur necessitatem, ipsi pro viribus ei succurrere festinarent. Res igitur Episcopi ideo detinuerunt, quia audierant Ducem Lotharingæ Alsatiæ in manu forti velle intrare; vt si forrè Dux eis nocere veller, resillæ tam Episcopo quam ciuitati in subsidium forent. Episcopus verò hæc audiens responsum illorum non acceptauit; sed missis Nuntiis omnes ciues excommunicatos denunciari præcepit, & ciuitatem illorum interdicto supposuit: Clerum vniuersum exire cœgit. Argentinenses quo-

que cū hæc audirent, miserunt Prædicatores, Fratres Minores, & alios discretos viros ad Episcopum, si forte aliquam formam pacis ab eo habere valerent, nec obtinere potuerunt: sed & consilio Domini de Gerohseke, qui & pater erat ipsius Episcopi, hæc omnia fiebant: erat quippe in substantia & argento opulentissimus, & diues valde nimis: habebat enim idem de Gerohseke citra Rhenum montes in terra sua, è quibus argentum abundanter effodiebatur cuius adiutorio etiā ferebatur in Episcopatu Argentinenſi ſiliū ſuū Vvalterū inthroniſaſſe. Idē verò Episcopus verbis patris animatus Argentinenſibus bellum indixit: & quoddam ciuitatē obſideret, ſatis acriter cōminatus eſt. Argentinenſes verò propugnaculis & aliis deſenſionibus neceſſariis ciuitatē ſuā muniērūt. Episcopus quippe adunato exercitu ciuitatē obſedit ea parte quā de ciuitate itur ad vicum, qui appellatur Kungushoue, & ibi tentoria fixit. At vbi Episcopus exercitum vidit in tanto negotio ſibi non ſufficere, miſſis Nuntiis mandauit Archiepiſcopo Treuerenſi: vt in armis ad ſe veniret: qui veniens adduxit ſecum cuneum armatorum ſatis honeſtum. Qui cum veniſſet iuxta ciuitatem, credidit aliquos de ciuitate elicere vt cum eis conſligeret. Illi verò de ciuitate cū vidiffent Treuerenſes dictum vicum Kungushoue in equis intraſſe, gauiſi ſunt valde, quia ipſi trabes grandes ex tranſuerſo vici ipſius compoſuerant, ita vt equitantes ad pedites venire non poterant, pedites verò cum equitanti- bus pugnare valebant: vnde ipſi Argentinenſes ad arma cucurrerunt, & intrantes domos per oſtia, aut per fenestras, alij per ſubtus trabes lanceis equos perfodiebant: balistarij verò ſeſſores equorum ſagittis perforabant. Videntes igitur Treuerenſes ſe intolerabiliter læſos, alij pedes, alij in equis ad mortem vulneratis, vix vicum exierunt; & venientes in campum, quorundam equi vulnerati ſub ſe mortui cadebant. Feruntur ſiquidem in ipſo conſlictu Treuerenſes centum & quadraginta equos perdiſſe. Archiepiſcopus cū vidiffet tantum ſuorum damnum & rerum ipſorum tam inopinabiliter incurriſſe, Episcopo Argentinenſi valedicens ad propria eſt reuerſus cum ſuis. Episcopus Argentinenſis conſiderans, quoddam nihil in obſidione ipſius ciuitatis proficeret,

cum exercitu suo ab ea recessit. Attamen Episcopus in villis quibusdam adiacentibus ciuitati armatorum cuneos posuit, qui exitus ciuim de ciuitate diligenter obseruarent: vnde contigit ipsos Argentinenses de ciuitate incaute exire; quos milites Episcopi inuadentes, quosdā trucidauerūt, quosdā captiuauerunt, reliquiverò fugientes ad ciuitatem suā reuersi sūt. Igitur Argentinenses considerantes suos idē cecidisse, quia sicut oues errantes sine duce ad prælium exierāt: vnde coacti sunt cum comite *Rodolpho* de Habesporch conuenire, quem sibi Dominum & Ducem prafecerunt. Videns igitur Comes *Rodolphus* quia Episcopus Argentinensis quædam oppida & villas Regis Alemanniæ in Alsatia custodienda occupauerat, molitus est ea sibi vindicare. Vnde quidam Comes *Godefridus* nomine, cognatus ipsius *Rodolphi*, eius fultus consilio, oppidum, quod Columbaria appellatur, in Episcopatu Basiliensi armata manu intrans inopinatē ita villam sibi subegit. Quam Episcopus Argentinensis sibi cupiens reacquirere, cuneum armatorum signis armorum Comitis *Rodolphi* fraudulenter indutum misit *Columbariæ*; vt ita per signa quæ acceperant, non possent agnosci quia milites essent Episcopi. Milites verò Episcopi ita dolose venerunt ad portam *Columbariæ*; mentientes se esse milites *Rodolphi*, petierunt se intromitti. *Columbarienses* igitur cognoscentes signa armorum Comitis *Rodolphi*, aperuerunt eis portam: qui relinquentes equos ante portam pede tenus *Columbariam* intrauerunt. Episcopus verò à longè cum exercitu suo sequebatur eos, vt cū illi villam introissent, ipse subsequendo ipsam sibi subiugaret: sed Episcopus sua opinione fraudatus est: nam cū *Columbarienses* deprehendissent illos non esse quos se esse simulabant; *Columbarienses* ad arma currentes illos inuaserunt. Quidā verò *Columbariensis* timens ne plures in adiutorium illorum subintrarent, ascendit portam & portam collisam ab alto ad ima dimisit: & ita *Columbarienses* cū militibus Episcopi conflixerunt, vniuersos interfecerunt. Episcopus autem tandem veniens inuenit portam obstruētā, & audiens voces pugnantium in oppidum confusus recessit. In quo conflictu de gente Episcopi plusquā quinquaginta feruntur interiisse.

*De obsidione & captione oppidi de Mulnehuse à Rodolpho facta.*

C A P V T XIV.

**C**omes igitur *Rodolphus* videns sibi fauere fortunam adunato non modico exercitu obsedit oppidum, quod *Mulnehuse* dicitur, in Episcopatu *Basiliensi* situm, quod & Rex *Alemanniæ* Episcopo *Argentinenſi* commiserat custodiendum. Homines verò illius oppidi obsidionem illam ægrè ferentes, comiti *Rodolpho* se ultro contulerunt qui eos gratanter suscepit. Sed milites Episcopi, & *Balistarij*, qui erant in castello quod oppido præminet, valde oppidanos molestabant: sed Comes *Rodolphus* nolens hoc diutius sustinere, cœpit castellum impugnare, quod tandem expugnauit, & castellanos deduxit captiuos, & spolia multa, quæ à circumadiacentibus villis in castello illo recondita erant, fecit asportari, & deinde ipsum castellum funditus destruxit: & ita Comes *Rodolphus* *Mulnehuse* obtinuit. Episcopus igitur *Argentinenſis* cùm audisset quia *Mulnehuse* & *Columbariam*, & milites suos, & terram quam à Rege *Alemanniæ* custodiendam acceperat, tam infeliciter perdidisset, habito consilio misit fratrem suum, ut terram Comitis *Rodolphi* ubicunque positam occuparet, & penitus deuastaret. Appellabatur enim idem frater Episcopi *Advocatus Alsatiæ*. Qui adunato non modico exercitu intrauit *Alberti* vâlem, sed tempore incompetenti: erat enim vigilia *Octavarum Christi*; dispersitque exercitum suum per trifariam diuisionem vallis illius, & ita in valle illa pernoctauit. Mane autem facto domos & omnia quæ in eis erant igne combusserunt, & ita vâlem totam destruxerunt. Eadem nocte niuium multitudo super terram cecidit. Eadem etiam nocte gens Episcopi de *Bruscaualle* armati terram Comitis *Rodolphi*, scilicet *Sales*, & *Bruscam*, & alias Villas in montibus illis inaufernunt, & quæcûque spolia inue-



nerunt, secum asportare curabant, sed rustici illius terræ adunati in quodam monticulo substituerunt prædonum suorum reuersionem præstolantes. Et cum viderent eos spoliis oneratos, ita ut vix discederent, irruerunt in eos; & interfecerunt ex ipsis triginta quinque, exceptis vulneratis, qui volentes fugere mortem, mortem inuenerunt; nam in vepribus & spinis, & syluis se abscondentes, à niuibis congelati, morui sunt. Sed infortunium irrecuperabile Episcopi hominibus euenisse creditur, quia tam enorme factum in tam sacra solemnitate Octavarum Domini perpetrare præsumperunt; sicut fratri contigit Episcopi, qui totam Albertiuallem eadem solemnitate expoliavit & igne consumpsit. Igitur milites Episcopi dolentes super his qui in dicta terra interfecti sunt, adunato armorum cunco, venerunt ad villam, quæ Nouum-castrum dicitur, & illam igni tradiderunt. Inde ad Sales venientes fecerunt similiter, & postea villam Bruscarn incenderunt. Quid dicam? *Le Verne, Salacie, Standoimont Ranrumper*, cum Ecclesia S. Vincentij & Concretum totaliter igne consumpsērunt, & ita ad propria redierunt. Non multo post ex utraque parte, scilicet Argentinenses in terra Episcopi & adiutorum suorum, & Episcopus in Argentinenses & eis fauentes ita rapiendo, spoliando, insidiis sœuire cœperunt, ut tota Alsatia ita depopulata & vastata diu sedere in tristitia cognoscatur: si enim vniuersa incommoda, confictus, villarum incendia, deprædationes villarum, terrarum vastationes sigillatim huic paginæ nostræ imprimere vellem, certè lectori fastidium incutere viderer. Ipsa enim Alsatia tot calamitatibus oppressa, suam miseriam gemitibus inenarrabilibus innotescere non cessat. Sed quia de infortunio guerræ Argentinensium, & Episcopi eorum Vvalteri aliqua digessimus, veniamus ad malleum ipsius guerræ quod miserabiliter ipse tutudit Episcopum.

*De conflictu Vvalteri Episcopi cum Argentinensibus & de interfectis & captiuis ab Argentinensibus.*

## CAPVT XV.

**C**Um igitur Vvalterus Episcopus in quodam castello suo quod Dakuestein appellatur, cum suo exercitu undecunque adunato ad tutelam suam degeret, Argentinenses quodam die de ciuitate parati ad bellum exierunt. Episcopus hoc audiens cum suis armatis, Argentinensibus bellum indixit. Argentinenses verò contra Episcopum processerunt, & ita bellum inierunt. Argentinenses igitur sibi ascias fecerant fabricari, quos Franci *Haches Daneses* appellant, quibus Argentinenses exercitum Episcopi ita detruncauerunt, ut nec scutum, nec galea, neque lorica, nec demum alia armatura durare posset. Præterea cum pugna ita ingrauesceret, & eade intolerabili inter se confingerent, exercitus tamen Argentinensium crescebat. Nam quia bellum erat prope ciuitatem, illi qui in ciuitate custodiæ causâ remanserant, videntes suos in agone certaminis viriliter laborare, zelo victoriæ moti, cum ciuibus suis in succursum venire festinarunt, in exercitum Episcopi cum furore irruentes quotquot coram se inuenerunt morti tradiderunt. Videntes igitur Magnates exercitus Episcopi, & præcipui milites de eodem conflictu non posse euadere, elegerunt sibi potius cum Argentinensibus captiui viuere, quàm cum ipsis conflicere do mori: ita Argentinenses illos armis spoliatos captiuos in ciuitatem suam transmiserunt. Igitur Argentinenses considerantes Deum in hoc conflictu sibi fauere, irruentes in aciem in qua Episcopus erat considerans suorum interitum, ipsam totam deleuerunt, & equum Episcopi interfecerunt, ita ut ipse Episcopus ad terram corrueret. Quidam autem milites qui circa ipsum erant, cum in equo leuauerunt, & de bello eum exire compulerunt. Argentinenses igitur quos voluerunt ex illis occiderunt, & alios in ciuitatem suam secum captiuos deduxerunt. Igitur in crastino Argentinenses de ciuitate exeuntes

exētes ad locū certaminis ad spolianda cadauera mortuorū deuenerūt; & quidquid vnusquisque sibi assumere potuit, secum asportauit. Cū igitur Argentinenſes per campum interfectorum ad rapiendum discurrerent, contigit quendam ipſorum quendam militem inueniſſe in campo iacentem, armis pretioſis armatum: Cūque appropinquauit, uidit adhuc in ipſo animam eſſe, & interrogauit eum dicens: Quis es tu? Miles uerò reſpondit: Ego ſum frater Epiſcopi Argentinenſis dictus Aduocatus Alſatiæ, & ſubiunxit: O ſi me ad tutum locum velles deducere & mihi vitam reſeruare, ego te omnibus bonis ditarem. At ille dixit: Ego uerè mallem hīc potius mori quàm te viuū dimittere; & ita ipſum interfecit: & cū illum armis ſpoliaret, & lorica, qua indutus erat, ex euerſo ipſum exueret uſque ad manus, inuenit ipſas catenulis, ſicut mos eſt armatis ligari, timuit ne malo ſuo ibi diutiùs remaneret, illi militi ambas manus cum lorica abſcidit, & ita illum militem detrūcatum mortuum reliquit in campo, & ſecum manus ipſius militis cum armis ſuis ad ciuitatem deportauit; & ita Argentinenſes alios mortuos rebus omnibus ſpoliatos reliquerunt; alios autem in ciuitatem ſecum captiuos de duxerunt, & in Clauiſtro maioris Eccleſiæ in compedibus ferreis miſſos detinuerunt, obſtruentes fenestras & oſtia, ita ut nulli daretur exeundi vel introeundi facultas, exceptis his qui ipſis captiuis miniſtrabant. Captiuorum igitur numerus fertur octoginta extitiſſe, exceptis his qui in bello occubuerunt, quorum certus numerus inueniri non potuit. Sed quia Epiſcopus de fratre ſuo fuit ſollicitus, cū diu quaeritus fuiſſet, tandem ita manibus abſciſſis, ſed vix cognitus, inuenitur inter quamplures interfectos qui in eodem campo iacebant: quem Epiſcopus in quodam Hospitali iuxta villam, quæ Thoroſe dicitur, cum pluribus militibus & aliis iuuenibus, qui in ſupradicto bello interfecti ſunt, ſepeliri fecit. Sed adhuc victoria ipſa Argentinenſes non fuerunt contenti, ſed terram Domini de Geroheſke, & etiā ipſius Epiſcopi, & vniuerſa bona militum eiſ fauentium, ſpoliis, depradationibus, & rapinis, & tandem incendiis omnia vaſtauerunt. E contra Epiſcopus Argentinenſium bona omnia fautorum ipſo-

rum depopulatus est, ut ignis omnia consumeret, & gladius hominum carnes deuoraret. Sed cum fortuna in tantis malitiis partibus arrideret, benignitas Diuina dictis bellatoribus aliquantulum parcere volens, ipsum Episcopum infirmitate detineri tolerauit: & sic aliquo tempore eadem infirmitate detentus, viam vniuersæ carnis ingrediens defunctus est: & ita guerra illa ex vna parte finem accepit. Sed quia cum hæc scriberemus, de futuris nihil adhuc perceperamus, potius silere, quàm falsacudere volumus.

---

*Quòd Comes Barrensis procurauit depositionem ipsius  
Philippi de Episcopo.*

CAPVT XVI.

**I**gitur quia fallaciæ Comitæ Barrensis pluribus notæ sunt, quædam huic libello nostro inferere curauimus. Cum igitur Comes Barrensis electioni Philippi Metensis resistere non valeret, mirabilem nocendi viam adinuenit. Et quia *Vrbani* Papa IV. de nouo Sedem Apostolicam occupauerat, cui idem Comes plurimum confidebat, eo quod cum idem Papa Episcopus fuisset Virdunensis, quo tempore idem Episcopus compater dicti Comitæ effectus est. Qui Comes latenter iter arripiens Romam profectus est, quem ipse Papa libenter excepit. Sed quia idem Comes noluit publicè se Episcopo Metensi obicere, per quosdam Canonicos Metenses ipsum Episcopum de vitio simoniæ aggressus est: & super hoc Archiepiscopum Remensem inquisitorem à Papa obtinuit: & sicut nihil profecisset, cum silentio ad propria redijt. Canonici verò qui hanc causam procurando susceperant, ad Archiepiscopum Remensem venerunt, & omnia ei indicauerunt. Archiepiscopus verò, prout potuit, ipsam inquisitionem sine debito non terminauit; sed ad fauorem Comitæ quæcunque voluit Domino Papæ rescripsit, sed antequam causa ipsa finiretur, ipse Archiepiscopus iudicio Dei lecto decubuit, & mortuus est: similiter & vnus Canoniorum illorum qui causam terminandam susceperant, qui inter illos maior videbatur etiam in Curia Domini Papæ mortuus est. Episcopus verò Philippus videns sibi Epis-

copatus & honoris sui periculum imminere, præsertim quia *Fridericus* Dux Lotharingæ Iunior ipsum Episcopum super magnis expensis quas pro ipsa Episcopo se fecisse asserbat, valde infestaret, inito consilio, ut breuiter loquar, totius Episcopatus custodiam Comiti Barrensi contulit: & ita Metenses cum Episcopo & Comite Barrensi, corporali iuramento interposito dictum factum confirmarunt. Quo audito Dux Lotharingæ inito consilio cum cognatis Episcopi, quietiam aliqua ab ipso Episcopo exigebant, quasdam munitiones Episcopatus occupauerunt, scilicet castra Homborch & Trike&ei. Enimuerò quia Dux Lotharingæ credebatur Comitem Barrensem sibi velle aduersari, secessit in partes Coloniz, ut ibi à parentibus suis armatorum, quibus terra illa abundat, auxilium postularet. Sed antequam Comes Barrensis custodiam Episcopatus susceperet, contigit Comitem Vvadanimontis cuneum armatorum adunasse: & quia terra Episcopatus nondum Comiti Barrensi commissa erat, dictus Comes Vvadanimontis terram Episcopatus cum suis satellitibus inuasit. Gens verò Episcopatus & etiam Ducatus adunati venerunt ad villam, quæ Vvassoncourt dicitur: cum subito Comes Vvadanimontis cum suis ordinatis aciebus illos inuasit, & alios quidem vulnerauerunt, alios interfecerunt, alios verò captiuauerunt, & quod deterius est, rustici illi fugientes mortem occurrerunt morti; & cum crederent se in aquis saluari, in eisdem aquis submersi sunt; ita ut centum quadraginta Mossella diglutiuit, & sic illi ad propria reuersi sunt. Balliui verò Ducis & Episcopatus audientes hoc infortunium, adunantes non modicos armatorum cuneos intrauerunt terram Vvadanimontis, & sic eam igni tradiderunt, & quicquid spoliolum inuenire potuerunt, deportauerunt. Comes verò versa vice quicquid inuenire potuit circa Bruiers & circa Spinal, totum igni consumpsit.

Sed quia aliquantulum ab historia digressi sumus, ad depositionem *Philippi* Episcopi reuertamur. Cum igitur Comes Barrensis potestate Episcopatus totaliter potitus fuisset, subito aduersarij ipsius Episcopi cum literis suis ipsum Philippum de sede sua detruserunt. Quid plura? Phi-

K k k ij

lippus accersitis sibi paucis Curiam petiit, sed quid sibi profecerit ignoramus. Papa verò cuidam Clerico Comit̃s Barrensis consanguineo Metensem Episcopatum contulit, & cum literis Papalibus, vbi vellet, & quando vellet in Episcopum promoueri fecit. Comes verò Barrensis cū videret se & terram suam, & Episcopatum à gentibus Lotharingæ tam miserabiliter vastari, igne cremari, & villas solo tenus irreuerabiliter destrui, adunato exercitu magno castrum Ducis Lotharingæ, quod Prigney vocatur, obsedit, & ibi quinque septimanas sedēs nihil profecit, licet multa ibidē innum expenderet. Sed cū Comes videret Ducem Lotharingæ terram Episcopatus & suam miserabiliter delere; considerans etiam quòd Magnatibus Franciæ & aliis militibus quos ad id opus ascuerat, maxima donatiua, & victus necessaria oportere dari, expauit, mandauit: vt ferrur, Episcopo Metensi si placeret tantum exercitum cum tam magnis sumptibus diutius retinere: ille respondit, quia tota terra Episcopatus in manu sua esset, quod expedire videret hoc faceret. Comes verò hæc verba silentio premens mandauit amicis, qui in exercitu Ducis erant, vt de pace tractarent.: quod & factum est: sed de modo pacis vix aliquis certitudinem referre potest; & sic ista ita relinquamus. Sed tamen quoddam infortunium silendo suppressere non arbitramur. Comes quippe Vvadanimontis accersito sibi quodam milite de Burgundia, qui in furandis oppidis, villis & castris peritissimus erat latro; adhibitis etiam aliis satellitibus, in forma mercatorum arma sua in saumariis suis occultauerunt, & ita sparsim, non in vna acie, sed globatim quasi mercatores venientes interrogabant quoslibet hospitium; & ita domos Nouicacstri intrauerunt, & sarcinas armorum in secretioribus cameris, sicut moris est mercatorum, deputarunt. Cū igitur hospites intenti essent ad necessaria procuranda, milites ad arma in interioribus cameris cucurrerunt, & signo facto quilibet hospitium suum spoliare cœpit. Et mirum cū burghenses omnes illius oppidi præsentessent, & inermes, quòd nullus in eis misit manus: illi autem effugerunt. Burgundiones verò asportantes quæcunque inuenerunt, bigas, & currus suos onerantes ad ter-

ram suam redire cœperunt: sed cùm prope terram Ducis  
deuenirent; quidam homines Ducisibiadunati, aduentum  
eorum præstolantes, in ipsos irruerunt, & quos voluerunt  
vulnerauerunt, & quos voluerunt interfecerunt, & quos  
voluerunt ligatos duxerunt.





# HISTORIA

## VIZELIACENSIS MONASTERII.

*Auctore HVGONE Pictauino Notario GVIL-  
LELMI Abbatis Vizeliacensis, qui eam iussu  
Pontij Abbatis scribere aggressus est Anno  
MCLVI. & sub ipso Guillelmo  
absoluit An. MCLXVII.*

### LIBER PRIMVS.

#### *Privilegia & Chartæ Vizeliacensis Cœnobij.*



**I**N nomine Sanctæ & Indiuiduæ Trinitatis, Patris & Filij & Spiritus sancti. Incipit Instrumentum seu Testamentum GERARDI Comitis, Fundatoris Monasteriorum, videlicet Pultariensis & Vizeliacensis, subsequentibus Priuilegiis Apostolicæ & Regalis authoritatis, ipsum Testamentum confirmantibus & corroborantibus in perpetuum.

Testamen-  
tum Gerar-  
di Comitis.

**OMNIBVS** Christi fidelibus, pietate, amore, desiderioque feruenti beatam vitam expectantibus, & in vnitate Christianitatis sub obedientia præceptorum Dei vbique manentibus, siue his qui præsentibus sunt, siue his qui futuri, atque in compage & vinculo caritatis victuri, & vsque ad consummationem sæculi in Ecclesia Sanctorum sibi inuicem sunt successuri. Ego GERARDVS diuinæ pietatis munere apud gloriosam Regalem mansuetudinem Comitis honore sublimatus, ex communi voto & desiderio dilectissimæ Coniugis meæ atque amantissimæ BERTÆ, eo quod no-



• bis pariter vnanimitérque Domino inspirante complacuerit, vt de rebus nostris & possessionum nostrarum titulis perennem memoriam Domino Deo nostro, vbi laus eius assiduè fieret, statueremus. Et quoniam largitionibus piis Dominorum & Seniorum nostrarum qui nos liberalissimè honoribus & dignitatibus ampliauerunt, id est, Imperator & Senior noster clementissimus LVDOVICVS, & gloriosa Domina & Regina IVDITH, filiúsque ipsorum æquè Senior atque Dominus noster Rex KAROLVS, plurima nobis possidenda accreuerunt, instissimè nobis visum est, vt eorum amore incitati locum etiam ipsum fundaremus, vbi pro gratis muneribus ipsorum esset in orationibus solemnis & iugis supplicatio, & apud Deum continua pro salute ipsorum exoratio. Non immemores etenim sumus eorum circa nos beneuolentiæ, ipsorum, id est, Domini Senioris Ludouici Augusti, Iudith Dominæ & Regina, Karoli filij ipsorum similiter Domini & Senioris qui nunc superest regnans. Sed & dignam rependentes genitoribus atque parentibus honorificentiam, idest, Leuthardi, & Grimildis, atque gratissimorum Hugonis & Bauæ, amabilibusque filiis & filiabus ipsorum, siue qui iam dormierunt in Domino, siue qui adhuc viuunt consanguinitate, affinitate & propinquitate etiam nobis iunctis, idest, Leufredi & Adalardi Comitú præclarissimorum, vt pro eis intercessio & assidua deprecatio fieret, & peccatorum eorum acquireretur propitiatio, & in loco ipso, quem iuuante Christo fundaremus, succedentibusque temporibus esset eorum permanens recordatio. Itaque & illorum quoque propinquorum, quibus & hæreditario iure eisdem in rebus successimus, necnon & reliquorum omnium, sed & amicorum nostrarum vniuersorum, & fidelium generaliter omnium perpetualis duraret memoria, ibique per æuum pro omnibus fieret communis oratio.

Ego igitur GERARDVS, & coniux simul gratissima, pia & fidei deuotione constituimus atque construximus Monasterium & habitaculum seruorum Dei apto competentique loco, & ex largitione atque oblatione facultatis & rerum nostrarum, illic quicquid ad sustentationem co-

Fundatur  
Monasterij  
Pulterienſe  
Monacho-  
rum.

Vulgò,  
\* *Ponseres.*

rundem Deo famulantium, quicquid ad religionis cultum necessarium extat, pia ac solerti prouidentia iuxta vřres quas Deus tribuit, procurauimus, mentēque promptissima eadem ipsa quę de manu ipsius accepimus, gratias beneficiis illius referentes obtulimus. Fundatus igitur atque conditus est locus deuotionis nostrę in honore Domini nostri **I E S V** Christi, & veneratione Beatissimorum Apostolorum Petri & Pauli super amnem Sequanę pręterfluentis, in agro respiciente ad villam, quam ex antiquo Pultarias \* nominant, in pago Laticensi in regno Burgundię, vt ibi venerabile orationis domicilium votis ac supplicationibus fidelium frequentetur, conuersatiōque cęlestis sub regulari districtiōne, & institutione B. Benedicti viuentium, omni desiderio & ardore intimo perquiratur & experatur. Ibique contulimus villa has: Ipsam eandemque, vbi ē vicino Monasterium situm est Pultarias; quicquid ibi ex hęreditate, quicquid pręcepti sui autoritate Senior noster Carolus Rex nobis ibi contulit, quicquid aliō legitimo pacto ibi rebus nostris accessit, cum vniuersis appendiciis suis, & quę vbiunque ad ipsa respicientia sunt. In pago verò Senonico Sextam cum omnibus ad eam respicientibus & vniuersis appendiciis. Villam Manniscam similiter cum omnibus ad eam respicientibus & appendiciis suis. Veron etiam, & Villare in supradicto pago cum omnibus rebus ad eas respicientibus & appendiciis earum. Similiter & in eodem pago, in villa quę dicitur Piscatoria, quę est sita super Hyonam Fluuium, totum & ad integrum quicquid de Ildino Vasallo Dominico conquisuimus, & quicquid ad ipsam Piscatoriam aspicit, in omnibus duntaxat, in quibus ibidem nostra videtur dominatio, vel esse scitur potestas; & quicquid ad ius nostrum in pago Tricassino pertinet.

Nenon  
Vezeliacen  
se Monia-  
lium.

Gallicę,  
\* *Vezelay.*

Pari etiam ordine fundauimus aliud Monasterium eodem studio, eademque deuotione, vt habitaculum ancillarum Dei sub districtiōne regulari, & institutione B. Benedicti viuentium, ibidem fieret in honore Domini nostri **I E S V** Christi, in loco vel agro qui dicitur Vizeliacus, \* in pago Aualensi, in regno Burgundię; vbi & contulimus Villas has: Eandem ipsam in qua situm sacrum & venerabile Monasterium

rium Vizeliacum, quam commutauimus cum Domina & gloriosa Iudith Regina, agente & impetrante apud piissimæ memoriæ Dominum & Seniorē nostrum Ludouicum Imperatorem, quicquid idem clementissims Imperator ad eandem villam respiciens sub præcepti sui confirmatione condonauit, nobis que contulit, quæ ubicunque respiciunt ad eandem villam pertinetia prædicto Monasterio consignauimus. Villam denique Dorniciacum, villam Cisternas, Fontanas, atque Molnitum; vel quicquid in nominato pago Aualensi vel Tornodorensi acquisiuimus, cum vniuersis appendiciis supradictarum villarum ubicunque vel in quocunque pago fuerint.

Totum ergo ex integro quicquid in supranominatis villis vel agris acquisiuimus, & acquirere potuimus, sacratissimis locis & Monasteriis coadunauimus, & vnanimitati arque vtilitati eorum qui ibi Deo seruiert in perpetuo conuexuimus; tantum nobis, dum manemus in vita carnis, vsufructuario reseruato; tuitionem quoque atque defensionem prædictorum Monasteriorum sub nostra cura habentes. Itaque quicquid præfato Monasterio virorum nostra religiosa oblatione collatum est, quicquid in rebus siue seruitijs, vel quibuscunque speciebus, Deo inspirante contraditum additumque fuerit, aut à quibuscunque fidelibus, quolibet vnquam tempore oblatum absque villis exterioribus obsequiis, & obsequiorum exactiōibus, solis eorum stipendiis & necessariis sumptibus, qui illic Domino seruiunt, iugipræsentis nostri Testamenti firmitate permaneat illibatum; excepto quodd pro benedictione annis singulis ad Reuerentissimam Sedem Beatorum Apostolorum, cui loca eadem subdidimus, Romæ offerantur B. Pontifici Urbis libræ argenti duæ, & quæ vltronea voluntate caritatis atque humanitatis officio quotidiana beneficia docent exercenda; liberi tamen ab aliis exhibitionibus Monachi sub quocunque seruitio regulariter viuant, orationis obsequia solemniter offerentes Deo pro gloriosissimis Dominis & Senioribus nostris Ludouico Augusto, & Carolo filio eius, & præcellentis memoriæ Dominabus nostris Iudith atque Hermengarde, necnon etiam & Senioris Caroli coniuge venerabili

Hermentrude: sed & præclarissimæ item recordationis genitorum genitricumque, filiorum filiarumque ipsorum, qui siue viuunt siue dormierunt iam in Domino pro nobis etiam filiisque ac filiabus uiuentibus siue defunctis, cunctisque amicis nostris, omnique fidelium multitudine.

Monasterium  
um utrum  
que Roma  
no Pontifici  
subiicitur.

Hoc verò Monasterium siue aliud supra nominatum, cum omnibus rebus ibi collatis, Beatissimis Apostolis apud Romam subdidimus, & testamentario libello dato, æternè sanctis Pontificibus vrbis illius, qui vice Apostolica annis sequentibus sedem tenuerint, ad regendum, ordinandum (non tamen ut beneficiaria potestate cuiquam dandi aut procamiandi licentia sit) disponendumque perpetuò commisimus; ut eorum sollicitis studiis & vigili prouisione iuxta nostram deuotionem religio pietatis & honestatis ad gloriam Dei semper ibi excrescat, & fructus apud Deum propensior generetur. Illud præcipuè firmum volumus, ut quotiens Abbas vel Abbatisa de præfatis Monasteriis respectu diuine à religione nostra sanctis Apostolis contraditis, ex hac luce migrauerint, congregationes ipsæ, quas venerabilibus locis Deus esse voluerit, habeant concessam sibi potestatem cum interrogatione sanctorumque virorum consilio alterum, vel alteram bonæ vitæ & boni testimonij auxiliante Domino è suo consortio atque collegio electum, vel electam, præficiendi, prosequente Pontificis super hac re probatione, qui sedem Apostolicam tunc temporis meruerit. Sed & rerum quantitas in suscipiendis Fratribus vel Sororibus semper attendatur, ne superfluo numero congregationes ipsæ, quod absit, fortè grauata, dilabantur. Illud quoque summo opere monemus, & sub obtestatione etiam inhibemus, ne cui pietatis nostræ votum liceat in perpetuum commutare, vel præpostero ordine irrumpendo perturbare. Quòd si quis, quod non credimus futurum, præsumpserit, Domini & Senioris nostri Caroli pij Regis præcepto damnatus, Domino Deo nostro dignam facti sui vicem ei reddente ex sententia Sancti Pontificis Vrbs, ut sacrilegus, & sacrarum rerum fraudator à cœtu populi Dei extraneus, pœnam æternam, nisi resipuerit incurrat. Sed & omnes vos sanctissimi Patres & Episcopi per Redemptorem nostrum

deprecamur, ut huic nostræ deuotionis operi semper digni-  
mini factores \* & adiutores in omnibus existere: quod in  
fine monendum sit, piis & carissimis nostris seruis dictis  
Monasteriis tam pio studio à nobis fundatis degentibus, &  
pia & vigili cura deuotionis & religionis sit, atque in omni-  
bus se exhibeant sicut Dei ministros, nemini dantes ullam  
offensionem vituperandi religiosissimum & sacrum ordinem  
ministerij sui, ut Apostolicæ Sedis Pontifex sit eis Rector,  
assiduus consolator & tutor, quatinus corpori & membris  
Ecclesiæ fidelissima caritate, & religiosissima obedientia  
vniti, etiam capiti totius corporis, quod est Christus, me-  
reantur compage sociari. Hoc autem Testamentum plena  
à nobis pietate & deuotione confectum, ut omni tempore  
irrefragabilem obtineat firmitatem, etiam manus nostræ &  
Illustrium virorum suscriptionibus sanximus roborandum.

S. GERARDI Comitis. S. BERTÆ coniugis, qui hanc  
oblationem Deo pro remedio animæ suæ obtulerunt, &  
testamento facto firmarunt, atque firmari iusserunt.

S. EVÆ filix ipsorum, quæ voluntatem parentum, & ob-  
lationem Deo factam audiendo & firmando consensit, &  
consentiendo confirmauit. S. SAVNARI. S. TEVDERICI.  
S. BUNONIS. S. AIVERTI. S. FANVEL. S. FREDE-  
BERTI. S. BAVNARI, S. RADVLFI. S. VVIDE-  
RICI. S. GERARDI. S. SIGIBERTI. S. ROTAR-  
DI. S. GISLEMARI. S. ABBONIS. S. GAVZSE-  
LINI. S. AVZGARII. S. AYRBALDI. S. OPTADI.  
S. BERNONIS. S. Galfarii. S. ODOLARDI. S.  
ATHONIS. S. ODOBERTI. S. ARDVLF. S. AVS-  
TORICI. S. BERCHARII. S. AMALBERTI. S. RA-  
GANAVDI.

*Epistola GERARDI Comitis ad NICOLAVM  
Papam De ditione & tuitione Apostolica.*

**D**omino Beatissimo & sacratissimæ Sedis Apostolico, Datque peculiari Patri nobis NICOLAO GERARDVS misericordia Omnipotentis Dei apud Regalem Clemētiam Comitis honore sublimatus, vnā cum gratissima coniuge BERTA nomine.

Publicè notum esse volumus tam Beatitudini vestræ, quàm Clero & omni populo sacræ Vrbis, fidem in Domino nostro IESV Christo deuotissimam, & promptissimam oblationem ex largitione facultatū nostrarum (latam enim possessionem rerum dedit nobis Dominus) propter amorem ipsius, & æternum animæ nostræ remedium; quia pariter atque vnanimiter, communique voto, nobis Domino inspirante, complacuerit, vt exceptis illis quæ posteritati generis ac prolis seruantur, de rebus nostris reliquis hæredem ipsum Deum, Beatósque eius Apostolos Petrum & Paulum faceremus, eosque apud ipsum perpetuos intercessores constitueremus, Et quoniam auxiliante ipso, qui omnium bonarum voluntatum largitor, & inspirator est omnis sancti voti, accessit huic nostræ deuotioni, vt eisdem facultatum nostrarum rebus apto & conuenienti loco Monasteria & habitacula Seruorum Dei construeremus, atque illic quicquid ad sustentationem eorundem Deo famulantium & religionis cultum necessarium existit, pia ac solerti prouidentia iuxta vires quas Deus tribuit, procuraremus, & vt defensionem & tuitionem ordinis & religionis suæ perennem haberent, atque deuotionis nostræ fructus perpetuò maneret, sacratissimæ ac reuerentissimæ Vrbi, & loco, vbi Beatorum Petri & Pauli Apostolorum æterna memoria celebratur, decerneremus, subderemus, atque Dominationi sanctissimi Pontificis Vrbis ipsius committeremus; vt videlicet dispositionem siue statum ipsorum Ecclesiastica pietate & firmitate idem B. Pontifex ordinaret; ita tamen vt nul-

Gerardus  
subdita  
vult Mo-  
nasteria à  
se condita  
iuri solius  
Romani  
Pontif.

livnquam ea beneficiario dono concederet, nisi ipsis, quibus testamentaria largitione consulentes nos ipsi concedendum esse signauimus, & inferius hæc eadem scriptura signabit. Implentes igitur promptissimam nostram deuotionem, & plenissimum in Christo desiderium, legitimè ac testamentario donationis iure Ecclesiam Dei rerumstrarum constituentes hæredem, statuimus atque fundauimus venerabilem & sacrum oblationis nostræ locum in nomine Domini nostri Iesv Christi, & veneratione Beatorum Apostolorum Petri & Pauli, vt sit habitaculum Dei Seruorum sub regulari ordine, ac professione B. Benedicti dēgentium, super amnem præterfluētis Sequanæ in agro respiciente ad Villam, quam ex antiquo Pultarias nominant, in pago Laticense, in regno Burgundiæ, & in parrochia Lingonicæ ciuitatis, vt ibi venerabile orationis Domicilium votis ac supplicationibus fidelium frequentetur, conuersatioque cœlestis omni desiderio & ardore intimo perquiratur & expectatur; cuique & res nostras & facultates possessionumstrarum, quæ de parentum benignissima successione, seu affectuosissima largitione prouenerunt, vel benignissimus Rex Dominus & Senior noster Carolus per præceptum nobis conferre dignatus est, siue etiam quæ digna comparatione in nostrum ius transfusa sunt, Deo auxiliante, & plenè deuotionem nostram adimplente, legitimè scilicet ac testamentario donationis iure transposuimus atque refudimus. Hoc est agrum siue villam in pago Laticense, vbi è vicino Monasterium situm est, Pultarias; quicquid ibi ex parentum hæreditate, quicquid præcepti sui auctoritate pius Rex ibi contulit, nobisque prouenit; quicquid alio legitimo pacto ibi rebus nostris accessit, cum vniuersis appendiciis suis, & quæ vbicunque sunt ad ipsam respicientia. In pago Senonico Sextam cum omnibus ad eam respicientibus, & vniuersis appendiciis suis; Magniscam villam similiter cum omnibus ad eam respicientibus appendiciis suis. Totam ergo, vt prætulimus, ex integro quicquid in supranominatis villis acquisiimus & acquirere potuimus, sacratissimo loco & Monasterio seruísque Dei ibi militaturis coadunauimus, vnanimitati & vtilitati eorum seruitura in

perpetuum connexuimus, tantum nobis, dum manemus in vita carnis, usufructuario reseruato, tuitionem potius atque defensionem loci ferendo.

Itemque alium æquè venerabilem & sacrum locum sub honore eiusdem Dei & Domini nostri Iesv Christi, & veneratione Genitricis ipsius B. Virginis Mariæ, in loco vel agro qui dicitur Vizeliacus in pago Aualense, & regno Burgundiæ, atque de rebus nostris communi voto similiter ditauimus atque dotauimus: ibique contulimus villas has, ipsam in qua situm est sacrum & venerabile Monasterium Vizeliac, quam commutauimus cum piissimæ memoriz Ludouico Imperatore; quicquid idem clementissimus Imperator ad eandem villam respiciens sub præcepti sui confirmatione muniendo nobis ad vicem condonauit, quæcunque respiciunt ad eandem villam pertinentia prædicto Monasterio consignauimus, Villam denique Dorniciacum, villam Cisternas, villam Fontanas, atque Molnitum, vel quicquid in nominato pago Aualense vel Tornodorense acquisiuimus, cum vniuersis appendiciis supradictarum villarum, vbicunque vel in quocunque pago fuerit.

Quicquid itaque præfatis locis, Monasteriis, Ecclesiis contulimus, quicquid ibi nostra oblatione collatum est, in rebus siue in seruitiis, vel quibuscunque speciebus à nobis Deo inspirante additum fuerit, aut à quibuscunque fidelibus quolibet vnquam tempore oblatum, absque vllis exterioribus obsequiis & obsequiorum exactionibus, solis eorum stipendiis & necessariis sumptibus, qui illic Domino seruiunt, iugi nostræ auctoritatis firmitate, & testamenti conscriptione permanere decreuimus, vsu nobis usufructuario tantum dum viuimus, reseruato; excepto quod probenedictione annis singulis ad Reuerentissimam Sedem cui ipsa Monasteria subdidimus, offerantur B. Pontifici Vrbs ex vtrisque Monasteriis libræ duæ argenti; & quæ vltronea voluntate caritatis atque humilitatis officio quotidiana beneficia docent exercenda: nec quislibet temerarius, seu vlla quæcunque persona inde aliud vnquam præsumat affectare, aut inuadendo sacram donationem minuere, aut proprio iure in vsus suos illicite transferendo vendicare, sed quod respectu



diuino à nobis profectum est, metuens tremendum iudicium sinat inconuulsum durare. Hæc itaque venerabilia seruorum Dei domicilia, vnà cum Deo ibi seruientibus siue seruituris, vobis, Beatissime Pontifex, successoribusque vestris propter reuerentiam Beatorum Apostolorum, quorum locum & vices sortiti in Christi Ecclesia tenetis, tota ante Deum animi deuotione commendamus, subdimus, & ad disponendum nostri desiderii votum stabiliter per Apostolatus vestri studium perpetuò committimus; vt ea paterna in omnibus & Ecclesiastica pietate, misericordissimâque dispositione gubernare, tutari, & defensare dignemini; ne cuiquam contra nostrum votum beneficiario dato tradantur, nisi his qui testamentaria scriptura designantur, & piis successoribus vestris sub diuinæ maiestatis obtestatione, & futuri iudicii tremenda contemplatione, vbi ante tribunal Christi vnusquisque nostrum absque dubio actus sui rationem reportabit, immobili firmitate, & canonica paternâque auctoritate seruandû cõmendetis, toto conamine humilitatis prouoluti vestris sanctissimis vestigiis obtinere mereamur: vt videlicet de rebus nostris, quas Domino plena deuotione obtulimus, legitimo scilicet Testamento perfecto Serui Dei in præfatis Monasteriis à nobis constructis, vel Sanctimonialiû congregatio de vestra benedictione semper pendens, iuxta deuotionem & desiderium nostrum licitè disponant, regularitèrque sub suo jure per vos tutati & defensati viuant, nemini quicquam præter caritatem debentes, nulli nisi Principi Apostolorum, Vicarioque eius in seruitio obnoxij. Sed post discessum nostrû (quandiu enim vita superest, eos sub nostra cura cum vestra benedictione manere cupimus) tam illis quàm omnibus quos illic diuina gratia vel aggregauit vel aggregatura est, & præsens & futura Deo miserante quies & tranquillitas procuretur. Et si quando ex congregatione ipsa, quam in venerabilibus locis Deu esse voluerit, Abbas vel Abbatissa ex hac luce migrauerint, congregationes ipsæ habeant concessam sibi potestatem cum interrogatione & sanctorum virorum consilio, alterum bonæ vitæ & boni testimonii, vel alteram auxiliante Domino ex suo consortio atque collegio electum vel electam

præficiendi, prosequente B. Pontificis, qui tunc temporis sedem Apostolicam meruerit, probatione qui vel quæ secundum regularem ordinem B. Benedicti intrus forisuelibere quæ sunt iuris Monasteriorum prævideant, & alacriter gratiam infundente Domino impleant. Quod verò nimis timeamus, quia iniquitate abundante refrixit caritas multorum, & avaritia latè omnia occupauit, si post obitū nostrū quælibet persona, aut Diocesis ipsius Episcopus, cui nec ordinatio aliqua, nec dominatio loci conceditur, seu aliquis potentiorum, vel alius aliquis congregationem seruorum Dei, vel ancillarum Dei, suasu maligno impulsūque cupido perturbare tentauerit, aut regularem ordinem confundere, seu Abbatem, vel Abbatissam aliam quem vel quam congregatio regulariter elegerit, mutare contenderit, vel dominationes illicitas Monasteriis vel rebus Monasteriorum à nobis stabiliter ibi contraditis exercere præsumpserit, obsecramus per Deum vestram Reuerentissimam Paternitatem, ut opem quibusque modis Beatitude vestra ferre non differat, piisque successoribus vestris sub diuinæ Maiestatis obtestatione, & futuri iudicii tremenda contemplatione, immobili firmitate, & paterna auctoritate sanctitas vestra seruandum commendat, & ipsum qui temerare tam sacram Deo donationem ausus est, sicut sacrarum rerum fraudatorem & appetitorem à communione Ecclesiastica vestra auctoritas suspendat, & Apostolica seueritas vel censura illicò damnet, nec vnquam peruersissimā suā inflammatus avaritia, aliquid de superscripta pia nostra voluntate, & religiosa propter Deum deuotione, quam vobis coram Domino & sanctis Apostolis eius fidentissimè commendauimus, possit euincendo permutare. Sed continuò expertus Canonicum & Apostolicum dignissimum iudicium, ipsis Apostolis vicem iniquitatis suæ illi reddentibus, etiam multa trecentarum librarum auri, sicut in testamento insertum est, feriat & damnetur.

Insuper hoc vos ( Sanctissime Pastor ) successoresque vestros, proni & animo toti consummissi per Christum Dominum, perque Virginem Matrem ipsius, & per Beatos Apostolos Petrum & Paulum, omnesque qui suo sanguine  
totam

totam Dei Ecclesiam illustrant, deprecamur, vt pio & feruenti studio semper habitatoribus Monasteriorum vestræ Paternitati & Reuerentiæ traditorum, peculiari quadam paternitate suffragium feratis, nec vnquam illa quæ sub vestra tuitione sub spe bona commisimus, aut beneficiari, aut procamari patiamini: Sed & vos piè nostrum votum integrum seruare, & successoribus vestris, vt ipsi pari modo seruent, relinquere & mandare dignemini, benedictionibusque piis Fratres & Sorores quos vel quas sub fiducia vestra ponimus munire, & contra incurstantes defendere, & securos ad otium & quietem fructuosam reddere digne insistendo satagatis, recepturi mercedem ab illo qui sanctos suos æternâ remuneratione coronat, Iesu Christo Domino nostro.

Hanc autem Epistolam voluntatis, siue testamentariam oblationem, plena à nobis pietate & deuotione confectam vt omni tempore irrefragabilem obtineat firmitatem, etiam manus nostræ, et Illustrium virorum subscriptionibus sanximus roborandam, æternâ memoriâ Beatissimorum Apostolorum Bibliothecis etiam transmisimus seruandam.

S. GERARDI Comititis: S. BERTÆ Coniugis, qui hanc oblationem Deo pro remedio animæ suæ obtulerunt, & testamento facto firmauerunt atque firmari iusserunt.

S. EVÆ filix ipsorum, quæ voluntatem parentum & oblationem Deo factam audiendo & firmando consensit, & consentiendo firmavit. S. SAVNARI. S. THEYDERICI. S. BVNONIS. \* S. AYVERTI. S. FANVEL. S. FRE-  
al. \* Dis-  
monis.  
 DEBERTI, S. BAVNARI, S. RADVLFI, S. VVIDERICI, S. GERARDI, S. SIGIBERTI, S. ROTARDI, S. GISELEMARI, S. ABONIS, S. GAVZSELINI, S. AVZGARII, S. AIRBALDI, S. OPTADI, S. BERNONIS, S. item BERNONIS, S. VVALFARII, S. ODO-LARDI, S. ATHONIS, S. ODEBERTI, S. ARDVLFII, S. AVSTORICI, S. BERCHARII, S. AMALBERTI, S. RAGANAVDI.

Data in mense Martio Anno XXIII. regnante gloriosissimo & serenissimo Rege & Domino nostro CAROLO.  
Ego Gileramnus Clericus rogatus scripsi & subscripsi.

*Privilegium NICOLAI Papæ.*

**N**ICOLAUS Episcopus S. S. S. Dei, Religiosæ & Deo dicatæ, quæ diuino nutu, diuinæque prouidentia in Monasterio fuerit constituta, quod à vobis Gerardo scilicet clarissimo filio nostro illustrissimo Comite, & nobilissima filia Berta in nomine Domini nostri IESU Christi, & veneratione beatissimæ Virginis MARIÆ Genitricis eiusdem Dei & Domini nostri IESU Christi, in loco vel agro qui dicitur Vizeliacus, in pago Aualensi in finibus Burgundiæ, constructum est, opibû que ditatum, & omnibus quæ post eam in eodem Monasterio Abbatissæ regimen tenuerint in perpetuum: de quo Monasterio cum omnibus iure ad se pertinentibus pro remedio & futura retributione animarum vestrarum hanc sanctam hæredem Romanam fecistis Ecclesiam, illudque per donationis paginam, B. Petro Apostolorum Principi contulistis. Quando \* ea quæ Catholicorum virorum corda Pontificum sunt monitis prouocanda, ita ardenti desiderio, diuina præueniente clementia, succenduntur, vt ab eis vltro poscantur, alacri & læto sunt animo concedenda, quantò ea ipsa quæ cupiunt si nollent facere, peti debuerant: proinde iuxta vestram petitionem Monasterio in honore Domini nostri IESU Christi quod in parrochia vrbis Augustodunensis in loco & regno prænominato à vobis religiosa deuotione fundatum est, huiusmodi priuilegia præsentis nostræ Apostolicæ auctoritatis decreto indulgentes concedimus, confirmamus atque statuimus, vt nulli Regum, nulli Antistitum, nulli quacunque prædico dignitate, vel cuiquam aliidehis quæ eidem Monasterio à vobis, vel à quibuscumque aliis de proprio fuerint iure collata, sub cuiuscumque causæ, occasionisue speciei minuire, vel auferre, siue suis vsibus applicare, vel aliis quasi prius causis pro suæ auaritiæ excusatione liceat quocunque

adde. \* ad.

modo concedere, sed cuncta quæ ibi oblata sunt, vel offerri contigerit, tam à vobis quàm ab eis quæ in eodem loco in officio Abbatissæ vel conuersatione religiosa successerint, seu qui pro animæ suæ remedio ibidem oblationes suas obtulerint, à præsentis tempore illibata & sine inquietudine volumus, & Apostolica auctoritate præcipimus possideri, earum tantùm vñibus, pro quarum sustentatione ac gubernatione concessa sunt fuerintque, modis omnibus profutura, ea conditione vt nullus successorum nostrorum in sancta hac Sede, cui auctore Domino deseruimus, vnquam vel vsquam quiddam de eisdem rebus cuiquam beneficiare, commutare, aut sub censu concedere, vel retinere, per futura tempora patiat. Sed censum tantummodo in testamento traditionis vestræ, quo ex eodem Monasterio hæredem hanc sanctam fecistis Matrem Ecclesiam, vnā videlicet libram argenti annis singulis successores nostri accipientes, piæ paternitatis suffragium eidem Monasterio, & Abbatissæ, ac Monachis sub Regula S. Patris Benedicti ibidem degentibus, sollicitudine pastoralis vigilanter contra omnes infestantes impendere studeant. Item constituimus vt obeunte Abbatissa prædicti Monasterii, non alia ibi quacunque obreptionis astutia ordinetur, nisi quam consensus Monacharum secundum timorem Dei & institutionem Regulæ B. Benedicti elegerit, & huius Apostolicæ sedis Pontifex præuiderit ordinandam, aut suggestionem Monacharum consenserit ordinatam.

Hoc quoque Capitulo præsentis subiungimus, vt locum auaritiæ secludamus, nullum de Sacerdotibus, nullum de Regibus, vel quemcunque fidelium per se suppositamue personam de ordinatione eiusdem Abbatissæ, vel Clericorū atque Presbyterorum, vel de largitione Chrismatis aut consecratione Basilicæ, aut de quacunque commoditate specialis aut temporalis obsequii siue quibuscunque causis ad idem Monasterium pertinentibus, audere in auro vel alia qualibet specie commodi vel exenij loco quicquam accipere, neque eandem Abbatissā ordinationis suæ causā quicquā dare præsumere; ne hac occasione ea quæ à fidelibus pio loco offeruntur, aut iam oblata sunt, consumantur. Neque Episcopus ciuitatis ipsius Parrochiæ, nisi ab Abbatissa ipsius

Monasterii inuitatus, ibidem publicas Missas agat, neque stationes in Cœnobio eodem indicat, ne ancillarum Dei quies quoquomodo populari conuentu valeat perturbari, neque paratas, aut mansionaticos exinde præsumat exigere. Susceptionem autem fidelium, & Religiosorum, ac Religiosarum, atque beneficentiam quam iubet Apostolus cunctis exhibendam pro possibilitate loci & facultatum non modò ibidem gratis fieri denegamus, verùm etiam suademus. Sed & modus in numero congregationis aded conseruerur, vt pluralitas penuriam, nec paucitas inhabitantium destitutionem loci indicare valeat. Hæc igitur omnia quæ huius Præcepti Decretique nostri pagina continet, cunctis post vos succedentibus qui idem Monasterium à vobis exstructum, & S. R. Ecclesiæ traditum sub vsufructuario retinetis, vel eis quorum interesse poterit, in perpetuum seruanda decernimus.

Si quis verò Sacerdotum, Iudicum, atque secularium personarum hanc Constitutionis nostræ paginam agnoscens contra eam venire tentauerit, potestatis honorisue sui dignitate, percussus Apostolico anathemate, careat, reumque se diuino iudicio existere de perpetrata iniquitate cognoscat, & nisi vel ea quæ ab illo sunt malè ablata restituerit, vel præsumpta correxerit, vel dignâ poenitentiâ illicite acta defleuerit, à sacratissimo corpore Dei & Domini ac Redemptoris nostri IESU Christi alienus fiat atque in æterno examine districtæ ultioni subiaceat. Cunctis autem eidem loco iusta seruantibus sit pax Domini nostri IESU Christi, quatenus & hic fructum bonæ actionis recipiant, & apud districtum Iudicem præmia æternæ pacis inueniant.

Scriptum per manum Sofronii Regionarii & Seriniarii Romanæ Ecclesiæ in mense Maio. Datum verò per manum Tiberii Primicerii Sedis Apostolicæ.

*DIPLOMA Caroli Calui, quod subsequi deberet, editum reperies in nostris Observationibus ad Guiberti Nonigentini Opera, pag. 657.*

Privilegium IOANNIS Pape VIII.

**I**OANNES Episcopus S.S.S. Dei *Eudoni* Venerabili Ab-  
bati Vezeliacensis Cœnobii, omnique Congregationi  
eiusdem Monasterii in perpetuum. Quotiens illa tribui à  
nobis optantur, quæ rationi incunctanter conueniunt, animo  
nos decet libenti concedere, & petentiū desideriis congruum  
inpertiri suffragium. Atque ideo quia postulasti à nobis qua-  
tinus priuilegium sedis Apostolicæ Monasterio Vezeliaco, cui  
præfesse dinosceris, quod constat olim à Gerardo nobilissi-  
mo & Christianissimo viro, nec non & Berta vxore eius, in ho-  
nore Domini & Saluatoris nostri *Iesv Christi* & veneratio-  
ne Beatissimæ semper Virginis *Mariæ* Genitricis eiusdem Do-  
mini nostri *Iesv Christi* constructum; in Regno scilicet  
Burgundiæ, in pago Aualensî, quoddam à præfatis funda-  
toribus B. Petro Apostolorum Principi pia deuotione &  
testamenti pagina collatum est, facere deberemus: inclinati  
precibus tuis libenter fieri decreuimus, per quod nimirum  
Apostolicæ sedis priuilegiū confirmamus, atque statuimus,  
vt nulli Regum, nulli Antistitum, nulli Comitum, nulli cui-  
quam alii liceat ipsum Monasterium perturbare, vel ea quæ  
ibi à iam dictis Fundatoribus, vel ab aliis fidelibus oblata  
sunt vel in futurum offerri contigerit, sub cuiuslibet causæ,  
occasionisue specie, minuere, vel auferre, siue suis vsibus ap-  
plicare, sed sine inquietudine in sustentatione eiusdem Mo-  
nasterii, & vsibus Abbatum & Monachorum sub regula san-  
cti Patris Benedicti ibi Deo militantium volumus ea & præ-  
cipimus possideri: ea videlicet cōditione, vt nullus successo-  
rum nostrorū Pontificum in hac sancta Sede, cui auctore Deo  
seruimus, vnquam vel vsquam quiddam ex eisdē rebus cui-  
quam beneficiare, cōmutare, aut sub censu quolibet conce-  
dere per futura tempora patiat, sed censum tantummodò  
in testamento traditionis à Fundatoribus qui ex eodem  
Monasterio hanc sanctam hæredem Romanam fecerunt  
Ecclesiam, etiam delegatum, vnā videlicet libram argenti  
annis singulis successores nostri accipientes, per paternitatis  
suffragium eidem Monasterio sollicitudine pastorali vigilan-

Confirmat  
Pontifex  
immunita-  
tes Mona-  
sterii Vi-  
zel.

Mmm iij

ter contra omnes infestantes inpendere studeant. Item constituimus, vt obeunte Abbate prædicti Monasterii, non alius ibi quacunq̃ obreptionis astutia ordinetur, nisi quem consensus Monachorum secundum timorem Dei, & institutionem Regulæ S. Benedicti elegerit, & huius Apostolicæ sedis Pontifex præuiderit ordinandum, aut suggestionē Monachorum consenserit ordinatum.

Hoc quoque Capitulo præsentī subiungimus, vt locum auaritiæ secludamus, nullum de Regibus, nullum de Episcopis vel Sacerdotibus, vel de quibuscunq̃ fidelibus, per se, suppositamue personam, de ordinatione eiusdem Abbatis, vel Clericorum, aut Presbyterorum, vel de largitione Chrismatis, aut consecratione Basilicæ, vel de quibuscunq̃ causis ad idem Monasterium pertinentibus, audere in qualibet specie exenii loco quicquam accipere, neque eundem Abbatem pro ordinatione sua aliquid dare præsumere, ne hac occasione, ea quæ à fidelibus pio loco offeruntur consumantur. Neque Episcopus ciuitatis ipsius Parrochiæ nisi ab Abbate ipsius Monasterii inuitatus, ibidem publicas Missas agat, neque stationes in eodem Cœnobio indicat, ne seruorum Dei quies quoquo modo populari conuentu perturbari valeat, neque paratas, aut mansionaticos exinde præsumat exigere. Susceptionem autem fidelium & religiosorum virorum atque beneficentiam, quam iubet Apostolus cunctis exhibendam pro possibilitate loci & facultatum non modò ibidem fieri denegamus, verum etiam suademus: sed & modus in numero congregationis ad eò conseruetur, vt nec pluralitas penuriam, nec paucitas inhabitantium destitutionem loci indicare valeat. Priuilegium quoque à prædecessore nostro piæ memoriæ Papa Nicolao eidem Monasterio collatum nostra auctoritate confirmamus, excepto duntaxat quod ipse sub nomine ancillarum Dei quæ ibidem pro crebris infestationibus seculi nunc ordinabiliter manere nequeunt, illud delegauit: nos verò aptioris vtilitatis gratiâ sub habitu Monachorum esse congruenter decernimus. Si quis verò Regum, Episcoporum, Sacerdotum, Abbatum, Iudicum, Comitum, aut secularium personarum, contra hanc nostræ institutionis paginam venire tentauerit, percuss-



sus Apostolico anathemate, potestatis honorisue sui dignitate careat, reumque se coram diuino iudicio cognoscat, & nisi ea quæ à se malè acta sunt defleuerit, à sacratissimo corpore Domini nostri I E S V Christi alienus fiat, atque æterno examini districtæ ultionis subiaceat. Cunctis autem eidem loco iusta seruantibus sit pax Domini nostri I E S V Christi, quatinus & hîc fructum bonæ actionis recipiant, & apud districtum Iudicem præmia æternæ pacis inueniant.

Datum per manum Vualperti humillimi Episcopi sanctæ Portuensis Ecclesiæ III. Kalend. Octob. Anno VI. eiusdem Domini Ioannis Papæ VIII. Indiæ. XII. Scriptum verò per manum Georgij Notarij Regionarij & Scriniarij sanctæ Romanæ Ecclesiæ.

*Præilegium STEPHANI Papæ.*

STEPHANVS Episcopus S. S. S. Dei Eudoni Venerabili Abbati Monasterii Vezeliacensis omnique Congregationi eiusdem Monasterii in perpetuum. Quotiens illa &c. *ut supra in præilegio Ioannis Papæ.* Scriptum per manus Samuel Notarii & Scriniarii S. R. Ecclesiæ mense Ianuario Indiæ. XV.

Datum X. Kalend. Februarias per manum Samuelis Notarii & Scriniarii Sanctæ Romanæ Ecclesiæ Imperante Domino nostro Landeberto piissimo Augusto à Deo coronato, magno Imperatore Indiæ. XV.

*Præilegium IOANNIS Papæ.*

IOANNES Episcopus S. S. S. Dei; Aymoni venerabili Abbati Vezeliacensis Cœnobii, omnique Congregationi eiusdem Monasterii in perpetuum. Quotiens illa tribui à nobis optantur &c. *ut supra in Præilegio Stephani Papæ.*

Scriptum per manum ANDRÆ Scriniarii S. R. E. in mense Ianuario Indiæ. VI.

Datum verò VI. Idus Ianua. per manum GREGORII Deo amabilis Sacellarii S. sedis Apostolicæ, anno III. Deo propicio, Pontificatus Domini nostri IOANNIS summi Pontificis & vniuersalis XI. Papæ in sacratissima sede BB. Apostolorum.

*Privilegium MARINI Papæ.*

**M**ARINVS Episcopus S. S. S. Dei Guidoni Religioso Abbati sancti Vizeliacensis Cœnobij omnique Congregationi &c. *utin Privilegio Ioan. Papæ 8.* Vnde & constitutum & Apostolica auctoritate censuimus, atque per hoc nostrum Apostolicum privilegium confirmamus, ut nullus Rex, aut Pontifex, vel Abbas, aut Comes, vel qualiscunque magna paruaque persona, avaritiæ cupiditate corruptus, aut diabolica suggestionem deceptus, audeat vel præsumat contra tuum honorem, ô Venerabilis Vido Abba, qualicunque modo insurgere in tua vita, aut de tuo honore tibi molestias inferre, vel de omnibus rebus Monasterij quæ tibi tuisque prædecessoribus à nobis nostrisque antecessoribus, per paginam privilegij concessa atque firmata sunt, aliquas inuisiones vel rapinas siue violentias inferre, si non vult, auctoritate Dei & S. Petri & nostra Apostolica excommunicatione à corpore & sanguine Domini IESU Christi, & ab ingressu Ecclesiæ disiunctum esse: Hoc quoque capitulo præsentis subiungimus ut locum avaritiæ &c. *ut supra in præfato privilegio.*

Scriptum per manum AZZONI S. R. E. in mense Februario Indiotione I.

Data II. Nonas Februar. per manum BENEDICTI Episcopi & Bibliothecarii S. Sedis Apostolicæ, anno Deo propitio, Pontificatus Domini nostri Marini summi Pontificis & vniuersalis Papæ in sacratissima sede B. Petri Apostolici. I in mense Februar. Indiotione I.

*Privilegium BENEDICTI VI. Papæ.*

**B**ENEDICTVS Episcopus. S. S. S. Dei; ELDRADO Religioso Abbati Sancti Vizel. Cœnobij &c. *ut in Privilegio Marini Papæ, usque ad hæc verba:* Non modò ibidem denegamus fieri, verum etiam suademus &c. De cætero notum fieri volumus, quia deuenerunt ad nos deprecatoriæ litteræ

GERARDI

GERARDI Episcopi Augustodunensis Ecclesiæ, pro decimis quatuor Ecclesiarum, S. videlicet Petri, & S. Christophori, Sanctique Germani, necnon sancti Leodegarii, quas ipse prædictus Abbas ab eodem Episcopo impetrauerat, sicuti antecessores eius ab Episcopis ipsius sedis per successionem tempora ordinatis fecisse noscuntur, ut sub confirmatione nostri priuilegii corroboraremus, quod & fecimus, excommunicantes, ut nullus Augustodunensis Ecclesiæ Episcopus aliquam calumniam Abbati eiusdem loci siue Monachis de ipsis inferat Ecclesiis, siue de decimis, tam ipse quàm aliqua emissæ persona valeat minuere, aut in aliam transferre parrochiam. Si quis verò Regum &c. *ut supra.*

Scriptum per manum STEPHANI Nolani Episcopi, & Scriniarii S. R. E. in mense Nouembri Indiæ. II. Datum IV. Kal. Decemb. per manum Ioannis Episcopi \* sanctæ sedis Apostolicæ, anno I. Pontificatus Domni Benedicti Sanctissimi VI. Papæ Imperante Domno Ottone à Deo coronato magno Imperatore, anno VI. Indiæ. II.

\* Bibliothecarij.

*Priuilegium BENEDICTI Papæ VII.*

BENEDICTVS Episcopus S. S. S. Dei, ELDRADO Religioso Abbati &c. *ut in precedenti.*

Scriptum per manum BONIFACII Notarij Regionarij atque Scriniarii S. R. E. Datum II. Idus mense Decembrio per manum Ioannis Episcopi : Deo propitio, imperante Domno piissimo Augusto Ottone à Deo coronato magno Imperatore anno VIII. in mense & Indictione IV.

*Priuilegium IOANNIS Papæ XV.*

IOANNES Epif. S. S. S. Dei, Dilecto filio Eldrado &c. *ut supra* Indictione XIV.

*Priuilegium SILVESTRI II. Papæ.*

SILVESTER Episcopus S. S. S. Dei Dilecto filio ROBERTO Religioso Abbati sancti Vezeliacens. Coenobij, omnique  
Nnn

Congregationi eiusdem Monasterij in perpetuum. Quotiens illa à nobis tribui sperantur quæ rationi incunctanter conueniunt, animo nos decet libenti concedere, & petentiū desiderijs congruū impertire suffragium: atque ideò quia postulasti à nobis quatinus Priuilegium sedis Apostolicæ Monasterio Vizeliaco, cui præesse dinosceris, quod constat olim à Gerardo nobilissimo & Christianissimo viro, necnon & Bertha vxore eius, in honore Domini & Saluatoris nostri IESU Christi, & veneratione Beatissimæ MARIÆ Genitricis eiusdem Domini nostri, constructum in regno Burgundiæ in parrochia Augustudunensi, in pago Aualensi; quòdque à præfatis Fundatoribus B. Petro Apostolorum Principi liberali deuotione, & testamenti pagina collatum est, facere deberemus, veluti à prædecessoribus nostris piæ memoriæ Nicolao Papa atque Ioanne iamdudum factum fuisse; inclinati precibus tuis libenter fieri decreuimus; per quod Apostolicæ auctoritatis Priuilegiū confirmamus atque statuimus, vt nulli Imperatorum, nulli vnquam Regum, nulli Antistitum, nulli quacunque prædito dignitate, nulli cuiquam alij de omnibus rebus mobilibus & immobilibus, quæ eidem Monasterio à iam dictis Fundatoribus, vel ab alijs quibuscunque personis collatæ & concessæ, vel in futurum à quolibet de proprio fuerint iure donatæ, sub cuiuslibet causæ occasionisue specie liceat minuere vel auferre, neque suis vsibus applicare: sed cuncta quæ ibi oblata sunt, vel offerri contigerit à præsentis XIV. Indictionis tempore illibata, & sine inquietudine, in sustentatione iam dicti Monasterij, & vsibus Abbatum, & Monachorum sub Regula Patris Benedicti ibi Deo militantium, volumus atque præcipimus possideri; ea videlicet conditione, vt nullus successorum nostrorum Pontificum in hac Sancta Sede, cui Deo auctore seruimus, vnquam vel vsquam quiddam de eisdem rebus cuiquam beneficiare, commutare, aut sub censu quolibet concedere per futura tempora patiatur: sed censum tantummodo in testamento traditionis à Fundatoribus, qui ex eodem Monasterio hanc Sanctam Sedem Romanam hæredem fecerunt, etiam delegatum, vnam videlicet libram argenti annis singulis successores nostri accipientes,

piæ paternitatis suffragium eidem Monasterio, & tibi, successoribusque tuis ac Monachis sub iam dicti Patris regula ibidem degentibus, sollicitudine pastorali vigilanter contra omnes infestantes impendere studeant. Item constituimus, ut obeunte Abbate dicti Monasterij non alius ibi quacunq; obreptionis astutia ordinetur, nisi quem consensus Monachorum secundum timorem Dei, & institutionem regulæ B. Benedicti elegerit, & huius Apostolicæ sedis Pontifex prouiderit ordinandum. Vnde constituimus, & Apostolica auctoritate censemus, atque per hoc nostrum Apostolicum Priuilegium confirmamus, ut nullus Rex aut Pontifex, vel Abbas aut Comes, vel qualiscunq; magna paruaque persona auaritiæ cupiditate corruptus, aut diabolica suggestionem deceptus audeat vel præsumat contra tuum honorem, ô Venerabilis Roberte Abbas, qualicunq; modo insurgere, vel in tuo loco aut de tuo honore molestias tibi inferre, vel de omnibus rebus Monasterij quæ tibi tuisque decessoribus à nobis nostrisque antecessoribus per paginam priuilegij concessa atque firmata sunt, aliquas inuasiones, vel rapinas siue violentias inferre; si non vult auctoritate Dei, & S. Petri & nostra Apostolica excommunicatione, à corpore & sanguine Domini nostri Iesv Christi, & ab ingressu Ecclesiæ nonerit se esse disiunctum. Hoc quoque Capitulo præsentem subiungimus, ut locum auaritiæ secludamus, nulli vnquam liceat de Regibus, nulli de Episcopis vel Sacerdotibus vel de quibuscunq; fidelibus, per se suppositamue personam, de ordinatione eiusdem Abbatis, aut Clericorum vel Prebyterorum, aut de largitione chrismatís, vel de consecratione Basilicæ, vel de quibuscunq; causis ad idem Monasterium pertinentibus audere in qualibet specie exenii loco quicquam accipere, neque eundem Abbatem pro ordinatione sua aliquid dare; neque Episcopus ciuitatis, ipsius parochiæ, nisi ab Abbate ipsius Monasterij inuitatus ibidem publicas Missas agat, neque stationes in eodem Cœnobio indicat, ne seruorum Dei quies quocunq; modo populari conuentu valeat perturbari, neque mansionaticos exinde præsumat exigere. Susceptionem autem fidelium, aut religiosorum virorum atque beneficentiam, quam iubet Aposto-

lus cunctis exhibendam, pro possibilitate loci & facultatum, non modo ibidem fieri denegamus; verum etiam suademus Siquis verò Regum, &c. *ut in precedenti:*

*Privilegium LEONIS IX. Papæ.*

**L**EO Episcopus S. S. S. Dei, GAVFRIDO Abbati Vizeliacensis Cœnobij, quod est in honore Domini nostri IESU Christi, & veneratione eiusdem Genitricis, & B. B. Apostolorum Petri & Pauli, & B. Mariæ Magdalenz, eiusque successoribus in perpetuum. Quoniam postulastis à Romana sede, cui Deo auctore deseruimus, vobis confirmari privilegia ab antecessoribus nostris vestræ Ecclesiæ collata, dignum duximus vestram petitionem adimplere. Proinde Monasterium prædictum in pago Aualensi in finibus Burgundiæ constructum, opibusque ditatum quorundam Sanctæ Ecclesiæ \*, Privilegio nostræ Apostolicæ auctoritatis decreto indulgentes, vobis concedimus, confirmamus, corroboramus ut nulli Regum, nulli Antistitum, nulli quacumque prædito dignitate &c. *ut in precedenti privilegio Stephani Papæ, seu Ioan. Papæ VIII.*

*Deest ali-  
quod ver-  
bum*

Data V. Kal. Maij per manus Petri Diaconi, & Bibliothecarij Sanctæ sedis Apostolicæ anno II. Domini Leonis IX. Papæ, Indict. III.

*Privilegium GREGORII VII. Papæ*

**G**REGORIUS Episcopus S. S. S. Dei, Dilecto in Christo filio BERNONI Abbati Vizeliacensis Cœnobij quod est in honore Domini nostri IESU Christi, & veneratione eius gloriosæ Genitricis, & B. B. Apostolorum Petri & Pauli, & B. Mariæ Magdalenz, in pago Aualense, in finibus Burgundiæ constructum, & vestris successoribus in perpetuum *Cetera desunt in Ms.*

*Privilegium PASCHALIS II. Papæ*

**P**ASCHALIS Episcopus S. S. S. Dei, Dilecto Fratri Altardo Abbati Vizel. Coenobii, eiusque legitimis successoribus in perpetuum. Quia documentis &c. *Extat hoc Privilegium in Notis V. C. Andrea Dufresne ad Bibliothecam Cluniac. pag. 133.*

*Epistola PASCHALIS Papæ II.*

**P**ASCHALIS Episcopus S. S. S. Dei, Clericis, Militibus, & cæteris Laïcis per Gallicanas Ecclesias, salutem & Apostolicam Benedictionem. Audiuimus & vix credere potuimus, quod Confrater noster Eduensis Episcopus & Archidiaconi eius vel Archipresbyteri, non iustitia ducti, sed æmulatione compulsi, vobis interdixerint Vezeliacense Coenobium gratiâ deuotionis adire, Ecclesiam introire, & ad Sepulchrum Beatæ Mariæ, quod in eadem Ecclesia celebratur, accedere, aut aliquas oblationes apponere. Noua profectò, noua hæc est interdictio Sacerdotum cum ad deuotionem vocare, non à deuotione reuocare sacerdotalis officii debitum videatur. Porro nos interdictum hoc Sacerdotali officio dissoluentes, scire vos volumus, quia siue Episcopus, seu Ministri eius nisi ab hac præsumptione destiterint, Apostolicæ sedis indignatione plectentur. Dat um Laterani III. Kal. Nouembris.

Soluit interdictum iniuste ab Episc. Eduensi latum

*Epist. II.*

**P**ASCHALIS Episcopus S. S. S. Dei Dilecto filio ROBERTO Vizeliacensi Abbati Salutem & Apostolicam Benedictionem. Et diuinarum & humanarum legum institutionibus edocemur, & ipsa etiam naturalis ratio nos exhortatur, vt non solum familiares & domesticos, sed vniuersos quoque diligentes nos diligere debeamus. Quia ergo in Christo, fili carissime Roberte Abbas, dudum Romanæ Ecclesiæ familiaris ac domesticus comprobaris, & quia in ipso B. Petri asilodio constitutus es, præcipua te dilectione complectimur.

In suam solam accipit Rob. Abbas.

Nnn iij

& B. Petri munimine confouemus; interdicimus enim, vt nullus omnino personam tuam, vel commissum tibi officium cōturbare vel inquietare præsumat, sed quietè permaneas, vt liberè omnipotenti Deo debitum possis seruitium exhibere. Si quis autem contra ista præsumpserit, Dei omnipotentis, & sedis Apostolicæ indignationem se nouerit inuenturum. Qui verò obediens & obseruator extiterit, Domini Dei nostri & Apostolorum eius gratiam consequatur. Datum apud Transyberim VIII. Kal. Nouemb.

*Epist. III.*

Monet Comitē vt molestiam Monachis Vizeli. non afferat.

PASCHALIS Episcopus S.S.S. Dei, GVILLELMO Illustri viro Niuernensium Comiti salutem & Apostolicam benedictionem. Non parua de te apud nos fama est, & nos ita credimus & credidimus, quòd Dei timorem habeas & amorem, quòd iustitiam diligas, & quòd in cæteris, sicut tantum decet virum, per Dei gratiam honestè te habeas. Monemus igitur, vt vicinas tibi Ecclesias ab oppressiōibus liberas facias, nec aliquas eis molestias irroges: illis maximè quæ ad B. Petri tutelam aut patrociniū pertinent, quemadmodum Vizeliacense Coenobium; in quo exactiones aut vsurpationes aliquas per te vel quorumlibet præsumptione institui omnino prohibemus, & interdicimus: immò sicut à nostris prædecessoribus Apostolicæ sedis Pontificibus sancitum est, nōsque sancimus, vt idem Monasterium secundū Constitutionem testamenti nobilis memoriæ Gerardi Comitis, B. Petri iure quietum liberūque dimittas. Alioquin in B. Petrus aduersum te dominii sui exeret vltionem, & nos locum nostrum Apostolica auctoritate tuebimur. Datum Præneste XII. Kal. Ian.

*Epist. IV.*

Vt beneuolos se exhibeant Episcopi erga Vizeliacenses rogat.

PASCHALIS Episcopus S. S. S. Dei, Venerabilibus. Fratribus & Coëpiscopis DAIMBERTO Senonensi, HVGONI Niuernensi, STEPHANO Eduensi, IOCERANNO Lingonensi, HVGONI Autisiodorensi, Salutem & Aposto-



licam benedictionē. Ex fundatoris illustris memoriæ Gerardii Comit' s oblatione Vizeliacense Monasterium B. Petri iurisse, vestra, vt credimus, notitia non ignorat. Verū quidam, sicut accepimus, loco eidem exactiones imponere, & graues moliuntur iniurias irrogare. Rogamus ergo fraternitatem vestram, & monemus vt pro vestri officii debito i psum protegere studeatis: & si quis ei molestias fecerit ab Abbate vel Fratribus equisiti, ita inde iustitiam faciat, vt à B. Petro, & à nobis gratias habeatis. Datum Præneste XII. Kal. Ianuarij.

*Epist. V.*

**P**ASCHALIS Episcopus S. S. S. Dei. Venerabilibus Fratribus Episcopis Galliarum, salutem & Apostolicam benedictionem. Sacerdotalis ordinis caritati vehementer indignum videtur, quod facinorosas personas quas pro criminibus suis persequi deberetis, fouere dicimini. Interfectores enim Vizeliacensis Abbatis in quorundam vestrum parrochiis licenter habitare dicuntur: vnde fraternitatem vestram digna redargutione corripientes præsentium lierarum auctoritate præcipimus, vt eos qui Dominum suum Presbyterum & Abbatem tam nequiter occiderunt, secundum dignum pœnitentiæ modum in exilium detrudatis: & si noluerint obedire, excommunicationi subiicite, nec vnquam vel Vizeliacensi Abbati, vel Præposito alicui facultas sit eisdem homicidis, vel eorum hæredibus, de his quæ ad Ecclesiam pertinent aliquid dimittere: eos verò quos huius homicidij fuisse constat auctores, nisi dignam egerint pœnitentiam, ab Ecclesia alienos efficite. Datum apud Guardastallum. VIII. Kal. Nouembris

Abbatis  
interfecto-  
res præcipit  
in exilium  
propulsari.

*Innocentij Papæ II. Epist. I.*

**I**NNOCENTIVS Episcopus S. S. S. Dei, Venerabili Fratri STEPHANO Eduenſi Episcopo, Salutem & Apostolicam Benedictionem. Quemadmodum tua nouit fraternitas Vizeliac. Monasterium pro Pastoris absentia tam in temporalibus quam in spiritualibus maximum sustinuit detrimentum

Abbatem  
instituit.

Ne igitur ipsum Monasterium propter hoc diutius fatigetur dilectum filium nostrum Al. Suppriorem Cluniacensem eiusdem loci Monachis in Abbatem dedimus. Ideo fraternitati tuæ mandamus quatinus ei vice nostra manum benedictionis imponas. Datum VI. Kal. Februarij.

*Epist. II.*

Abbati  
mandat  
Ecclesiæ  
Vezel. ser-  
uet consue-  
tudinæ.

**I**NNOCENTIVS Episcopus S. S. S. Dei, Venerabili Fratri H. Eduensi Episcopo, salutem & Apostolicam benedictionem. Sicut tua nouit Fraternitas Vizeliacū Monasterium cum omnibus appendiciis suis B. Petri iuris existit, & ad eius proprietatem & defensionem specialiter pertinet, vnde tibi est iniuncta necessitas ipsum Monasterium, & Fratres ibidem Domino seruientes defensare, & manutenere, & in suis opportunitatibus adiuuare. Quocirca per præsentia tibi scripta mandamus, & mandando præcipimus, quatenus dilectum nostrum P. Abbatem, & Fratres suos in nullo grauare vel infestare præsumas, & de parrochianis tuis à quibus eorum querimoniam acceperis remota dilatione eis iustitiam facias. Clericos verò eorum, quos contra tenorem priuilegiorum sedis Apostolicæ diceris ab ordinibus suspendisse, in officiis & ordinibus restituimus.

*Epist. III.*

Eiusdem  
argumen-  
ti.

**I**NNOCENTIVS Episcopus S. S. S. Dei, Dilecto filio PONTIO Abbati Vizeliacensi, Salutem & Apostolicam benedictionem. Per alia tibi scripta mandasse meminimus, vt Stephano Altissiodorensi Canonico in præsentia Venerabilium Fratrum nostrorum Godefridi Lingonensis Episcopi, & BERNARDI Clareuallensis Abbatis, de querimonia sua responderes, & quod ipsi exinde statuerent, firmiter obseruares. Verum quoniam literis & Nuncio tuo postea significasti illud, vnde controuersia agitur, Vizeliac. Ecclesiam iam per XXX. annos & eo amplius quietè tenuisse, & iuxta antiquam Ecclesiæ tuæ consuetudinem nulli in tua Curia te debere respondere, præter consuetudinem Ecclesiæ tuæ te super hoc

hoc inquietari nolumus, nec quod à beatæ recordationis Papa P. prædecessore nostro exinde statutum est, immutari. Datum Latera. II. Non. Maij.

INNOCENTIVS Episcopus S. S. S. Dei Venerabilibus Fratribus GODEFRIDO Lingonensi Episcopo, & BERNARDO Clareuallensi Abbati, salutē & Apostolicam benedictionem. Per Apostolica vobis scripta mandasse meminimus, vt querimoniam Stephani Altissiodorensis Canonici aduersus dilectum filium nostrum Pontium Abbatem Vizeliaci audiretis, & sine debito terminaretis. Verum quia idem Abbas literis & Nuncio suo postea nobis significauit, illud vnde controuersia agitur Vizeliacensem Ecclesiam iam per XXX. annos, & cō amplius, quietē tenuisse, & iuxta Ecclesiæ suæ antiquam consuetudinem, &c. *vt supra.*

Epist. III.  
eiusdem  
argumenti.

LVCIVS Episcopus S. S. S. Dei. Dilecto filio Abbati S. Germani Altissiod. Salutem & Apostolicam benedictionem. Dilectus filius noster Pontius Vizeliacensis Abbas ad nostram præsentiam veniens, questus est quod in quodam nemore tibi & ipsi communi homines suos capi feceris, & seruientibus Comitis Niuernensis incarcerationis tradideris: quos cū à te requisisset, & habere non posset, pro eorum liberatione tibi fideiussores dedit, & textum Euangelij tradidit: quod quia contra religionem & fraternæ caritatis vinculum factum fuisse cognoscitur, per præsentia tibi scripta mandamus, quatinus dilatione remota, & textum Euangeliorum tam inordinatē susceptum ei restituas, & fideiussores suos absoluas: postmodum verò, si quam aduersus ipsum te confidis habere iustitiam, in præsentia Venerabilis Fratris nostri GODEFRIDI Lingon. Episcopi quod iustitia dictauerit, obtineas; ea quoque quæ Guiberto seruienti tuo ob maliuolentiam ipsius, abstulisti, ei restituas. Datum Latera. XI. Kal. April.

Lucii. Papæ  
Epist. I.  
Iubet seruū  
in carceratū  
Vizel. Ab-  
bas Autis-  
siodor. libe-  
ret.

LVCIVS Episcopus S. S. S. Dei, Dilectis filiis PONTIO Abbati Vizeliac. eiusque Fratribus, salutem & Apostolicam benedictionem. Prædecessor noster fœlicis recordationis Paschalis, sicut ex scriptis ipsius intelleximus, Episcopis per Galliam præcipiendo mandauit, vt interfectores Abbatis Artaldi Vizeliac. quia Dominum suum & Presby-

Epist. II.  
Exulare  
vult inter-  
fectores Ar-  
taldi. Abb.

ooo

terum & Abbatem tam nequiter occiderunt, secundum poenitentiae dignum modum in exilium detruderent, & si obedire nollent, eos excommunicationi subicerent. Prohibuit etiam ut nunquam Vizeliacensi Abbati vel Præposito alicui facultas sit eisdem homicidas in eodem Monasterio ad habitandum suscipere. Nos itaque præceptum confirmantes ipsius super hoc, Apostolica auctoritate prohibemus, ut nec ipsi vel eorum hæredes, nominatim Stephanus Altissiodorensis Clericus, qui cum te dilecte in Domino fili Abbas in præsentia Venerabilium Fratrum nostrorum GODEFRIDI Lingonensis Episcopi & BERNARDI Clareualis Abbatis super hoc in causam traxisset, eorum iudicio sicut accepimus à causa decidit, Monasterium ipsum ulterius inquietare præsumant interdicimus. Et ne cui Abbati vel Præposito eos in Vizeliacensi Burgo de cætero ad habitandum suscipere liceat, prohibemus. Datum Lateran. VI. Idus April.

*Epist. III.*  
Hurtatur  
Comitem  
ut stratam  
Vizel.  
restituatur.

LVCIVS Episcopus S. S. S. Dei, Dilecto in Christo filio G. Comiti Niuernensi, salutem & Apostolicam benedictionem. Ad Nobilitatem tuam pertinet venerabilia loca cum ipsis personis diuino famulatu mancipatis diligere & fouere, & suam eis iustitiam conseruare. Ideoque per Apostolica scripta Nobilitati tuæ mandamus, atque in peccatorum tuorum remissionem iniungimus, quatinus antiquam stratam, quam de Vizeliaco diceris abstulisse & alias diuertisse, ad prædictum locum restituas. Datum XI. Kal. Iunij.

*Epist. IIII.*  
Scribit  
Bernardo  
ut Comitem  
ad bonam  
frugem  
reducere  
conetur.

LVCIVS Episcopus S. S. S. Dei, Carissimo in Christo filio BERNARDO Clareuallensi Abbati; salutem & Apostolicam benedictionem. Dilectionem tuam ignorare non credimus quòd Vizeliac. Monasterium B. Petri juris existit, & ad eius proprietatem & defensionem specialiter pertinet. Nunc autem, sicut accepimus, G. Niuernensis Comes contra iustitiam & sedis Apostolicæ auctoritatem à dilecto filio Pontio ipsius loci Abbate violenter exigit ut de qualibet querimonia in persona sua cum hominibus suis in Curia sua respondeat. Quod quidem nec ipse Abbas nec predecessores sui hætenus fecisse noscuntur. Ideoque per Apostolica tibi scripta mandamus, quatinus eundem Comitem ex nostra

parte diligenter commoneas, vt pro B. Petri reuerentiâ, cuius iuris idem Monasterium esse dinoscitur, ab huiusmodi exactiōe desistat, aut in præsentiâ Venerabilium Fratrum nostrorum A. Hostiensis, & I. Tuscul. Episcoporum Apostolicæ sedis Legatorum, iuxta tenorem sedis Apostolicæ priuilegiorum quod iustitia dictauerit, ab eodem Abbate recipiat; quod si hoc recipere noluerit, ipsum Monasterium tã iniuste opprimi pati non poterimus, & quod nostri interest officij, auctore Domino faciemus. Datum Lateran. XIII. Kal. Decembris.

EVGENIVS Episcopus S. S. S. Dei, Dilecto filio GUILLELMO Niuernensi Comiti salutem & Apostolicam benedictionem. Venerabilia loca, & religiosæ personæ, quæ suam in Dei obsequio intentionem fixerunt, nullis debent grauaminibus concuti, nullis molestijs agitari. Accepimus autem, vnde valde miramur, quod dilectos filios nostros Pontium Abbatem & Fratres Vizeliac. Monasterij, atque ipsorum Burgenses, contra priuilegiorum Apostolicæ sedis statuta, pro faciendâ seu recipiendâ iustitiâ extra Vizeliacum exire compellas: Quod tantò grauius ferimus, quantò Monasterium ipsum ad sedem Apostolicam specialiùs pertinet, & ad eius defensionem & patrocinium propriè spectare videtur. Te ergo indignum est, & ab industria Catholicorum Principum penitus alienum, vt sacrosanctæ Romanæ Ecclesiæ statuta temerè ab aliquo dissoluantur, cuius priuilegia diuinitus radicata euelli nullatenus possunt. Per præsentiâ scripta Nobilitati tuæ mandamus, quatinus de cætero neque Abbatem, neque Monachos prædicti Monasterij, siue ipsorum Burgenses, pro supradictis causis extra Vizeliacum egredi cogas; quod si monitis & mandatis nostris obedire neglexeris, dissimulare non poterimus, quin B. Petri iniuriâ pro nostri officij debito vindicemus.

*Eugenij  
Papa II.  
Epist. I.  
Comitem  
monet vt  
iura Vize-  
liac. ultra  
non vsur-  
pet.*

EVGENIVS Episcopus S. S. S. Dei Dilecto filio nobili viro GUILLELMO Niuernensi Comiti salutem & Apostolicam benedictionem. Quanta deuotione pater tuus Apostolicæ sedi semper adhæserit, & quæ ad eam pertinere nouerat, quàm studiosè, dilexerit & fouere ac manutenere curauerit, notitiâ tuam latere non debet. Propterea B.

*Epist. II.  
Obijcit  
Comiti  
patris piete-  
tem & erga  
Sedem  
Apost.  
deuotionē,  
quo illum  
deterreat  
ab infesta-  
tione Vize-  
liac. Mon.*

Petrus eum, dum vixit, honorauit, prouexit, & ampliauit terris, atque circa finem huius labentis vitæ in consortio Sanctorum virorum susceptum, referatis ei regni cœlestis ianuis, cum sanctis agminibus in æterno palatio foeliciter, sicut credimus, collocauit. Prædecesores etiam nostri ipsum affectione debita dilexerunt, & in suis necessitatibus efficaciter adiuuerunt; nos quoque temporibus nostris personam & domum tuam sicut specialem B. Petri familiam paternæ benignitate dileximus, honorauimus, & semper id ipsum facere, ductore Deo, præoptamus; si tu parentum vestigiis inhærendo, matrem tuam sanctam Rom. Ecclesiam filiali deuotione amaueris, & quæ ad eam pertinent fouere, ac manutenere curaueris. Miramur autem quod sicut ex conquestione dilecti filii nostri Pontii Vizeliacen. Abbatis didicimus, antiquam libertatem ipsius Monasterii, quod utique ad proprium ius B. Petri ab ipso suæ foundationis exordio indubitanter noscitur pertinere, conaris infringere, & nouas consuetudines, atque indebitas exactiones eidem filio nostro Abbati moliris imponere, non considerans tantorum & tam sanctorum Apostolicorum anathematis sententiam, quæ sicut in eorum priuilegijs declaratur, in perturbatores eiusdem Coenobij promulgata esse dinoscitur. Quia ergo locus ipse sub B. Petri tutela & nostra defensione specialiter consistere cernitur, & diminutionem libertatis seu immunitatis ipsius pati nec possumus nec debemus; per præsentia scripta nobilitati tuæ mandamus, quatinus ipsum Monasteriū in sua libertate dimittas, & ab infestatione prædicti filij nostri Pontij eiusdem loci Abbatis pro B. Petri & nostra reuerentia omnino abstineas. Quod si ab impetitione tua cessare nolueris, nos quantum æquitatis jus exigit, tibi offerimus & in præsentia dilecti filij nostri I. Apostolicæ sedis Legati, qui per partes illas præstante Domino est in proximo rediturus, memoratum filium nostrum P. Abbatem super causa ipsa tecum stare ad iustitiam volumus, vel si fortè idem Legatus nimium, quod minimè credimus, reditum suum distulerit, in conspectu venerabilium Fratrum nostrorum S. Remensis Archiepiscopi, G. Lingonensis Episcopi, atque carissimi filij nostri B. Clareuallensis Abbatis, idem negotium discuti volumus, & mediante iustitia diffiniri: si uerò neque hoc

facere , neque ab infestatione ipsius Abbatis , & Fratrum inibi Domino militantium cessare nolueris , tolerare non poterimus quin B. Petri patrimonium tueamur , & ab indebita oppressione tua præfatum Monasterium tam per nos quàm per fideles Ecclesię liberemus.

EVGENIVS Episcopus S. S. S. Dei , Carissimo in Christo filio LYDOVICO Illustri Francorum Regi , salutem & Apostolicam benedictionem. Summum in Regibus bonum est iustitiam colere , Dei Ecclesias in suo jure deuotione debita custodire atque diligere , & in subiectos non finire quod potestatis est fieri , sed quod æquum est , custodiri. Monasterium Vizeliac. quàm propriè , quàm speciliater à suę foundationis exordio ad Apostolicam sedem pertineat , & quantâ curâ in suę libertatis & immunitatis integritate à Romanorum Pontificibus , siue Regibus , & alijs Principibus eidem loco indultæ , vsque ad tempora nostra per studium & exactâ diligentiam prædecessorum nostrorum , & parentum tuorum custoditum sit , eiusdem loci status incolumis euidenter ostendit , & tam vicini quàm longè positi recognoscunt. Nunc autem Nobilis vir G. Niuernensium Comes à vestigijs parentũ suorum declinans libertatem ipsius conatur infringere , & nouas cõsuetudines atque indebitas exactiones dilecto filio nostro PONTIO eiusdẽ loci Abbati molitur impingere , non attẽdens anathematis sententiam quæ in perturbatores , seu infestatores eiusdem Coenobij à tot & tam sanctis Pontificibus Romanis , sicut in eorum priuilegiis declaratur , promulgata esse dinoscitur. Quia ergo locus ipse iuris B. Petri , & sub eius tutela , & nostra defensione indubitanter consistere cernitur , atque diminutionem ipsius iustitię pati non possumus nec debemus , per Apostolica scripta Nobilitati tuæ mandamus quatinus prædictum Comitem ab inquietatione ipsius Monasterij desistere facias , & in sua libertate dimittere. Quòd si ab impetitione sua cessare noluerit , nos quantum æquitatis ius exigit ei offerimus , & in præsentia dilecti filij nostri I. Apostolicę sedis Legati , qui per partes illas præstante Domino est in proximo rediturus , memoratum filium nostrum Pontium Abbatem super causa ipsa stare ad iustitiam volumus. Vel si forte idem Legatus ni-

*Epist. III.*  
Vt Comitẽ  
coerceat  
Regem  
adhortatur.

mium, quod minimè credimus, reditū suū distulerit, in conspectu venerabilium Fr. nostrorum S. Remensis Archiepiscopi, G. Lingonensis Episcopi, atque carissimi filij nostri B. Clareuallensis Abbatis, idem negotium discuti volumus, & mediante iustitia diffiniri. Si verò antedictus Comes neque hoc facere, neque ab infestatione ipsius Abbatis & Fratrum inibi Deo militantium cessare noluerit, nobis necessitas imminet, ut B. Petri patrimonium tueamur, & ab indebita oppressione ipsius Comitis antefatum Monasterium tam per nos quàm per fideles Ecclesiæ liberemus. Ideoque quoniam per excellentiorem ac deuotiorē Ecclesiæ fidelem ac defensores non possumus, tuæ industriæ studium rogando attentius incitamus ut ipsum Comitem à tanta præsumptione firmiter reuoces & omninò prohibeas.

*Epist. IIII.*  
Idem scribit, asseritque Comitem excommunicatum nisi rescipiscat.

EUGENIVS Episcopus S. S. S. Dei, Carissimo in Christo filio LVDOVICO Francorum Regi salutem & Apostolicam benedictionem. Pro sinceri amoris & paternæ affectionis prærogatiua, literis & viua voce tibi frequenter ostendimus, si aliquando super aliquibus causis strenuitatem tuam nos rogare contingat, nostras, immò B. Petri preces in nobis debes attentius exaudire; sed cum pro vexatione, quam Niuernensium Comes Vizeliac. Monasterio contra Deum & omnem iustitiam præsumptione tyrannica inferre dinoscitur, Nobilitati tuæ scripserimus, postmodum vehementius & atrocius quàm antea ipsum Monasterium oppressit, afflixit, & cum perfidis Burgensibus ipsius loci non desistit impugnare, & proprium alodium ac patrimonium eiusdem Apostolorum Principis, licet in vanum, conatur auferre. Quare autem hoc contigerit, siue quia iuxta mandatum nostrum prædictum Comitē à tanta præsumptione nolueris siue neglexeris cohibere, siue idem Comes commonitionem & potestatis tuæ dominium parui penderit, ignoramus. Et quoniam tam inmoderatam nequitiam dissimulare impunitam non possumus, nec debemus, Nobilitati tuæ per iterata scripta mandamus, atque attentius exoramus, quatinus antedictum Comitem distictè commoneas, ut damna, quæ memorato Monasterio intulisse dinoscitur, in integrum emendet, & locum ipsum in pace ac libertate sua dimittat, Quod si aliquam in eodem Monasterio iustitiam se habere confidit, nos quod iustum fuerit, ei



faciemus postmodum exhibere. Si verò in sua pertinacia induratus, hoc effectui mancipare contempserit, nos in personam eius ac Burgenfium de Vizeliaco excommunicationis sententiam sine appellationis remedio proferri præcepimus, & in tota terra ipsius, præter baptisterium puerorum, & morientium poenitentias, omnia diuina officia prohiberi. Quocirca præsentium auctoritate mandamus, vt ex tunc ab eo tanquam ab excommunicato abstineas, & Burgeneses ipsos ab omnibus feriis regni tui sub banno tuo penitus prohibens à quibuscunque inueniri potuerint capi, & rebus suis spoliari sicut periuros & Ecclesiæ turbatores iustitiæ zelo præcipias.

EVGENIUS Episcopus S. S. S. Dei, Venerabilibus Fratribus HUGONI Altissiod. & G. Lingonens. Episcopis, & Carissimo filio B. Clareual. Abbati salutem & apostolicam benedictionem. Apostolicæ sedis amministratio, cui licet immeriti deferuimus, facit nos vniuersis Ecclesiis debitores, & quemadmodum de earum pace & tranquillitate gaudemus, ita si qui eas indebitis molestiis & fatigationibus inquietant, paterno affectu dolemus, & eis tam per nos ipsos, quàm per Fratres nostros benignè providere solliciti sumus. Accepimus autem quòd venerabile Monasterium S. Mariæ de Vizeliaco filius noster VV. Niuernensium Comes contra iustitiam & antiquam consuetudinem grauare contendat, cum dilectos filios nostros Pontium Abbatem, & Fratres ipsius loci, atque eorum Burgeneses, extra villam Vizeliac. pro faciendis seu recipiendis iustitiis contra priuilegiolorum Apostolicæ sedis statuta exire constringat. Quia ergo Monasterium ipsum B. Petri iuris est, & sub sanctæ Romanæ Ecclesiæ patrocinio & defensione consistit, in sua ei iustitia nec possumus deesse nec debemus. Ideoque per præsentia scripta vobis mandamus, quatenus eundem Comitem ex nostra parte districtiùs commonere curetis, vt de cætero neque Abbatem, neque Monachos neque Burgeneses pro huiusmodi causis prædictam villam egredi cogat. Quòd si facere attentauerit, dissimulare non poterimus quin B. Petri iniuriam districtiùs vlciscamur.

EVGENIUS Episcopus S. S. S. Dei, Dilecto in Christo filio nobili viro Odoni Burgundiæ Duci, salutem & Apostolicam benedictionem. Ad industriam Catholicorum Princi-

*Epist. V.*

Commone-  
ant Comi-  
tem vt  
Vizeliacen-  
ses non per-  
turbet

*Epist. VI.*

Comēdat

Duci Burg.  
Vizeliacen-  
se Monaste-  
rium,

pū spectare dignoscitur venerabilia & Deo dicata loca affectione debita fouere, & à prauorum hominum incurfibus defendare. Vizeliacense Monasterium B. Mariæ Magdalenzæ quàm propriè, quàm specialiter ad ius B. Petri pertineat, & quod à suæ foundationis exordio sub Apostolicæ sedis tutela commissum sit, tam vicini quàm longè positi recognoscunt. Ideoque de tua nobilitate plurimùm confidentes, idem Monasterium, & quæ ad ipsum pertinent, Strenuitati tuæ duximus attentius commendandum; per præsentia scripta rogantes, quatinus locum ipsum deuotionis intuitu diligas, protegas, & ab eorum infestationibus, qui antiquam eius libertatem nituntur infringere vel turbare, pro B. Petri & nostra reuerentia manuteneas & deffendas. Idem scribimus Archimbaldo de Burbono, & Comiti Theobaldo.

Legatus  
Abbatem  
forti sit  
animo ex-  
hortatur.

ALBERICVS Dei gratia Hostiensis Episcopus sedis Apostolicæ Legatus, Venerabili fratri PONTIO Vizelic. Abbati salutem & dilectionem. Scire volumus fraternitatem vestram quia Comiti Niuernensi studiosè pro vobis scripsimus. Quod si eum in pertinacia sua manere videritis, aliud vobis consilium non damus præter illud quod iam vobis semel & secundò dedimus, vt videlicet contra Romanorum Pontificum priuilegia, seu Ecclesiæ vestræ libertatem nihil facere incipiatis.

Epist. VII.  
Mandat  
Episcopo  
Lingon. post  
monitionem  
si Comes nō  
resipiscat,  
excommuni-  
catum denū-  
tiet.

EVGENIVS Episcopus S. S. S. Dei, Venerabili fratri G. Lingonensi Episcopo, salutem & Apostolicam benedictionem. Sæuitiam & tyrannidem, quam Niuernensis Comes in Vizeliac. Monasterium Dei timore postposito exercere non verètur, tantò tibi plus notam esse credimus, quantò ei vicinior esse dinosceris Quia ergo idem Cœnobium à prima sui fundatione proprium alodium ac patrimonium B. Petri esse dinoscitur, ipsius destructionem pati non possumus, nec debemus. Et quia de religionis tuæ prudentia valde confidimus, per præsentia tibi scripta mandamus, quatinus predictum Comitem districtè sine longa dilatione conuenias, vt damna quæ ipsi Monasterio intulit in integrum restituat, & locum ipsum in sua pace ac libertate dimittat. Quod si infra xxx. dies post tuam commonitionem adimplere neglexerit, ad locum vnde ad ipsius Comitis notitiam peruenire possit, accedas

accedas, & congregatis religiosis & prudentibus viris, accensis candelis in Ecclesia & in personam eius, atque perfidorum Burgensium de Vizeliaco auctoritate nostra excommunicationis sententiam absque appellationis remedio proferas, & in tota terra eius præter baptismum paruulorum, & poenitentiam morientium, omnia diuina officia prohibeas celebrari: adijcientes vt sententiam ipsam venerabilibus Fratribus nostris Archiepiscopis P. Bituricensi & Hu. Senonensi & G. Niuernensi, & He. Eduensi. & He. Trecensi & A. Altissiod. Episcopis per tuas literas ex parte nostra firmiter obseruandam denuncies. Nos siquidem per alia eis scripta mandauimus, vt eandem sententiam post tuam denuntiationem per suas parrochias inuiolabiliter faciant obseruari. Literas verò quas prædictis Fratribus nostris Eduensi, Niuernensi & Autissiodorensi misimus, per tuos eis Nuncios facias præsentari.

*Idem Scripsit Archiepiscopo Bituric. & alijs Episcop.*

EVGENIVS Episcopus S.S. S. Dei, Venerabilibus Fratribus nostris Hug. Senonensi Archiepiscopo, G. Lingonensi, T. Parisiac. & He. Trecensi, Episcopis, salutem, & Apostolicam benedictionem. Immoderatam præsumptionem & intolerabilem contumaciam perfidorum Burgensium de Vizeliaco, qui violata fidelitate & iuramento quod Abbati & Domino suo fecerant, eum de Monasterio suo ausu nefario eijcere & locum ipsum, quod vtique ab exordio suæ fundationis proprium B. Petri alodium esse dinoscitur ac patrimonium, nobis licet in vanum auferre conantur, Fraternitatis vestræ noticiam latere non credimus. Ne igitur tantæ præsumptionis audacia impunita remaneat, & in peius indisciplina perniciose profūpat; per præsentia vobis scripta mādamus, quatinus prædictos Burgeses tanquam periuros & proditores & excommunicatos in nundinis & mercatis vestrarum parrochiarum recipi omnino prohibeatis; Immo à quibuscunque parrochianorum vestrorum inueniri potuerint, capi & rebus suis spoliari præcipiatis. Datum Romæ apud. Petrum XIII. Kal. Ianuarij.

*Epist. VIII. Excommunicatos Burgeses Vizeli. Episcopi in suis ditionibus versari non sinant.*

EVGENIVS Episcopus Seruus Seruorum Dei, Dilectis filiis nobilibus viris ODO NI Duci Burgundiæ, He. Comiti, Ar. de Borbone, G. Comiti Cabilon. R. fratri Ducis, R. Co-

*Epist. IX. Eodem argumento scribit ad*

Ducē Bur-  
gundiæ &  
& alios no-  
biles viros.

miti de Iouin iaco, G. de Donzeio, R. de Rubcomonte, D. de Luziaco, A. de Monte Regali, S. Vicecomiti Senon. & filijs eius. G. atque B. G. Vicecomiti Castrilandonis, G. de Virgiaco, O. de Tylo, Hu. de Monte S. Ioannis, salutem & Apostolicam benedictionem. Immoderatam præsumptionem, & intolerabilem contumaciam perfidorum Burgenſium de Vizeliaco qui violata fidelitate & iuramento quod Abbati & Domino ſuo fecerant, eum de Monasterio ſuo auſu nefario eijcere & locum ipſum, quod vtique ab exordio ſuæ foundationis B. Petri alodiū ac patrimonium eſſe diſciſcitur, nobis, licet in vanum, auferre conantur, Nobilitatis veſtræ notitiam latere non credimus. Quia ergo tantæ præſumptionis audaciam potentes ac nobiles viri, qui eidem Apoſtolorum Principi deuoti exiſtunt, impunitam tolerare non debent, per præſentia ſcripta Nobilitati veſtræ mandamus, quatinus prædictos Burgenſes, donec reſipuerint, & condignam ſatiſfactionem humiliter exhibuerint, ab omnibus ferijs terræ veſtræ prorsus inhiſbeatis; immò quoscuque de ipſis homines veſtri fortè inuenerint, tanquam periuros & proditores & excommunicatos capi, & rebus ſuis ſpoliari præcipiatis. Datum Romæ apud S. Petrum XIV. Kal. Ianuarij.

*Epist. X.*  
Vult vt E-  
piſcopus  
bona abla-  
ta Burgen-  
ſium Vize-  
liac. reſti-  
tuant.

**E V G E N I V S** Episcopos S. S. S. Dei Venerabili Fratri Eduenſi Episcopos, Salutem & Apoſtolicam benedictionem. Apoſtolicæ ſedis clementia ſingulis Eccleſijs & Perſonis Eccleſiaſticis ſuam dignitatem & iuſtitiam ſeruare conſuevit. Vnde nos, quorum præcipuè intereſt Eccleſiarum omnium curam gerere, pro Vizeliacenſi Monasterio quod B. Petri iuris exiſtit, & Fratribus religioſis ipſius loci oportet eſſe ſollicitos, pro quibus ſicut credimus, tibi ſcripta noſtra tranſmiſimus, vt eoſdem Fratres iuxta officium tuum & potentiam à Deo tibi conſeſſam à præuorum hominum incurſibus deſenſares. Quo contrà grauis ad nos querela peruenit, quòd hominibus & ſeruientibus tuis Monasterium ipſum multis modis infeſtare permittis: Ipſi nanque, ſicut accepimus, equos & boues eorum per violentiam auferunt, & homines ipſorum cum rebus ſuis & troſellis, & alijs rebus capiant & alia plurima damna & iniurias inferunt.

Dux etiam Burgundiæ frater tuus ad similitudinem hostium, quibus prælium indicitur, eisdem Fratribus à se custodiri mandauit, & homines & res eorum apprehendi & detineri iussit. Quia igitur vnique volumus sua iura seruari, præsentì tibi annotatione mandamus, quatinus prædictis Fratribus ablata ab hominibus tuis facias cum integritate restitui, & de damnis & illatis iniurijs satisfactionem congruam exhiberi. Si verò aliquam iustitiam contra ipsos te habere confidis super pecuniaria causa, in præsentia venerabilis Fratris nostri Hugonis Altissiod. Episcopi quod iustum fuerit poteris obtinere. Quocirca si ab eodem Fratre nostro fueris euocatus, eius præsentiam adeas, & quod ipse exinde inter vos iudicauerit, suscipias firmiter & obserues. Cæterum si de statu Monasterij controuersia agitur, volumus eam in nostra præsentia pertractari.

EUGENIVS Episcopus S. S.S. Dei: Dilecto Filio nobili viro Duci Burgundiæ Salutem. Quantò diuinæ dispositionis clementia maiora tibi concessit, & te ampliùs in sublimè prouexit, tantò magis Ecclesias & Ecclesiasticas personas & pauperes Christi debes diligere, & eos attenta sollicitudine à prauorū hominū incurfibus deffésare. Sed sicut accepimus, vnde valdè dolemus, contraria operaris: Dilectos siquidem filios nostros Vizeliac. Monasterij Fratres duris vexationibus inquietas, & homines eorum cum rebus suis capi iussisti; eosdem quoque Fratres more hostium per tuum Nuntium diffidasti: Nos siquidem de te talia minimè sperabamus. Quia igitur hæc fieri in perniciem animæ tuæ manifestè cognoscimus, & Monasterio quod B. Petri iuris existit deesse non possumus nec debemus: Per præsentia tibi scripta mandamus, quatinus prædictis Fratribus de damnis & illatis iniuriis condignè satisfacias, & de cætero eis nulla grauamina inferas, immò tanquam Ecclesiæ Catholicæ deuotus filius & iustitiæ amator, eisdem Fratribus, & aliis Religiosis viris, & Ecclesiasticis personis in suis necessitatibus studeas subuenire. Si verò contra eosdem Fratres aliquam quæstionem habere confidis, in præsentia Venerabilis Fratris nostri Hugonis Altissiodorensis Episcopi quod iustitia dictauerit poteris obtinere. Cùm igitur ab eo fueris euocatus, eius præsen-

*Epist. XI.  
Ducem  
quoddam Vi-  
zeliacenses  
vexauerit  
inrepat.*

tiam adeas, & quod ipse inter vos iudicauerit, firmiter suscipias & obserues. Verum si nostris mandatis obedire contempseris, manus B. Petri in te proculdubio extendetur. Datum Signiæ IX. Kal. Nouembris.

*Epist. XII.*  
Iudicem  
constituit  
Episcopum  
Autissiod.  
in causâ  
Episcopi  
Edu. & Vi-  
zel.

EVGENIVS Episcopus S. S. S. Dei, Venerabili fratri HUGONI Episcopo Altissiodor. Salutem. Venerabili Fratri nostro Eduensi Episcopo, qui per homines suos Viziliac. Monasterii Fratribus multa mala dicitur intulisse, per scripta nostra mandauimus, quatinus ablata sibi & hominibus suis faciat cum integritate restitui, & condignam satisfactionem de damnis & illatis iniuriis exhiberi: si verò aliquam iustitiam contra eosdem Fratres super pecuniaria causa se habere confidit, eundem Fratrem quod iustum est in tua præsentia volumus obtinere. Per præsentia igitur scripta discretioni tuæ mādamus, quatinus si agere voluerit, utrâque partē congruo loco & tempore ad tuam audientiam conuoces, & causâ examinatâ & cognitâ, inter eos media æquitate diffinias.

*Epist. XIII*  
Certio-  
rem.  
facit Abba-  
tem de E-  
piscopo Au-  
tiss., Iudice  
à se consti-  
tuto.

EVGENIVS Ep. S. S. S. Dei, Dilecto filio PONTIO Vizel. Abbati Salutem & Apostolicam benedictionem. Quid Venerabili Fratri nostro Eduensi Episcopo, & nobili viro Duci Burgundiæ Fratri eius pro negotio vestro per scripta nostra mandauimus, ex transcripto literarum poteris apertè videre. Si ergo prædictus Episcopus & Dux voluerint te super pecuniaria causa coram venerabili Fratre nostro Hugone Altiss. Episcopo conuenire, cum ab eo fueris euocatus, eius præsentiam adeas & quod ipse inter vos constituerit, audias & obserues. Cæterum si de statu Monasterij Episcopus Eduensis agere voluerit, controuersiam ipsam in nostra præsentia volumus agitari. Datum Signiæ IX. Kal. Nouembris.

*Epist. XIV.*  
Dux desi-  
nat Vize-  
liac. Cœ-  
nobium di-  
uexare.

EVGENIVS Episcopus S. S. S. Dei, Dilecto filio O. Burgundiæ Duci salutem & Apostolicam benedictionem. Cum omnis potestas à Domino Deo sit, terreni Principes, & populi mundiani Rectores quæ ad honorem Dei spectare cognouerint, debent propensius operari: quò contrà aduersus personam tuam querelam accepimus. Significatum nanque nobis est, quòd Ecclesiam S. Mariæ Magdalenæ, & eius homines inquietas multipliciter & infestas, quod tantò gra-

uius ferimus, quanto personam tuam propensiori caritate diligimus, & salutem tuam debitis affectionibus præoptamus. Ideoque per præsentia tibi scripta mandamus, quatinus memoratam Ecclesiam & eius homines infestare de cætero non præsumas, ne iteratus clamor ad nostras aures debeat peruenire. Datum Remis III. Non. Aprilis.

EVGENIVS Episcopus S. S. S. Dei. Dilecto filio PONTIO Vizel. Abbati, Salutem & Apostolicam benedictionem. Veniens ad præsentiam nostram venerabilis Frater noster He. Eduensis Episcopus aduersum te in conspectu nostro & Fratrum nostrorum, præsentem quoque Confratre tuo quem ad nos destinaueras, suam querelam deposuit, quod quædam quæ in Monasterio tuo Ecclesia sua vsque ad hæc tempora pacificè habuit, ei contra iustitiam auferre moliris, & viua voce responderis quod pro eo nihil penitus faceres. Quia igitur ad nostrum officium potissimum spectat Fratrum scandala de medio tollere, & cuique suam iustitiam conseruare, per præsentia tibi scripta mandamus, quatinus proximis octauis B. Martini, nisi fortè cum eodem Fratre nostro interim concordaueris, per te ipsum, vel per sufficientes responsales tuos cum munimentis Monasterij tui, maximè cum Instrumento Fundatoris, ad nostram præsentiam venias super his respondere paratus. Nihilominus quoque sollicitudini tuæ mandamus, vt in præsentia Venerabilis Fratris nostri Hug. Altissiod. Episcopi de his quæ tu & homines tui ei ab hominibus suis iniussè tenetis, iustitiam facias: quoniam eidem Fratri nostro Eduensi Episcopo eodem modo præcepimus, vt ex his quæ homines sui tuis hominibus abstulerunt, in eiusdem præsentia iustitiam pariter faciat. Interim verò ex his quæ possidet nullam sibi volumus molestiam irrogari. Datum Ferentini VII. Kal. Martij.

EVGENIVS Ep. S. S. S. Dei, Venerabili Fratri G. Lingon. Episcopo, & dilectis filiis S. Regniac. & P. Trinorciensi Abbatibus, Salutem & Apostolicam benedictionem. Causa quæ inter Venerabilem Fratrem nostrum He. Eduensem Episcopum & dilectum filium nostrum P. Vezeliac. Abbatem agitur, non potuit in præsentia nostra iudicio terminari; quoniam idem Frater noster quosdam se testes habere dicebat,

*Epist. XV.*  
Vult vt coram se vel Episcopo Autiss. dirimantur controuersia Vizel. inter & Ep. Edu.

*Epist. XVI.*  
Episcopo Lingon. & Abbatibus mandat vt quod testes deposuerint ad ipsum referant.

qui senio vel languore confecti suam nobis præsentiam nequeant exhibere. Quia igitur de vestra prudentia valde confidimus, & per hoc causam ipsam nolumus sine debito defraudari; per præsentia vobis scripta mandamus, quatinus ab alterutra partium requisiti in vnum conuenientes; ad locum, in quo testes suam vobis præsentiam exhibere valeant, accedatis, & iuramento ab eis suscepto quicquid super eadem causa testificati fuerint in scripturæ seriem fideliter redigatis; in scriptura redactum, ac sigillorum vestrorum impressione signatū, & cum ad causam iam dictus Frater noster redire voluerit, ad nostram presentiam transmittatis. Forma verò Iuramenti hæc erit: *Ego ille iuro quoniam quicquid veritatis scio super causa, quæ inter Hen. Eduensem Episcopum & P. Vizeliac. Abbatem agitur, vobis aperiam: falsitatem penitus reticebo.* Datum Signiæ IV. Kal Februarij.

Orat SS.  
Pontificem  
vt liberta-  
tes Corno-  
bij asserat.

REVERENDO Patri & Domino suo EVGENIO Dei gratia summo Pontifici HVGGO Rothomag. humilis Sacerdos, obedientiam debitam & reuerentiam. Quod sancta Romana Ecclesia prouida dispensatione iuris ac dignitatis contulit quibuslibet Ecclesijs, confidimus ratum ab ipsa teneri, nec ab aliquo in posterum idipsum posse violari. Ecclesia siquidem Vizeliac. quæ vestra est, à Domino, vt audiuius, Eduensi Episcopo grauiter infestatur, & quod eadem libertatis ac dignitatis Rom. Pontificum gratuita benignitate collatum est, cassare nititur. Super hoc autem quod idem Frater noster Episcopus, vt dicitur, affirmat, in eodem Vizeliaco aliquem Episcopū præter ipsum vel eius assensum, ordines non posse celebrare, vel altaria consecrare; vtriusque recordamur officium prece & monitu Abbatis ipsius Ecclesiæ atque Conuentus nos ibidem complectere, aliósque quamplures Episcopos auctoritate priuilegiorum S. R. Ecclesiæ, quæ ibidem habentur, similia perpetrasse. Piæ igitur Paternitati vestræ pro eadem Ecclesia vestra Vizeliac. supplicamus, vt in eadem libertate & dignitate ipsam conseruare dignemini, quâ antecessores vestri eam seruauerunt, nec de iure suo eandem minui, vel iniuste priuari sustineatis, Carissime Pater & Domine.

Epist. XVII. EVGENIUS Episcopus S. S.S. Dei Venerabili Fratri He.



Eduensi Episcopo Salutem & Apostolicam benedictionem, Quòd Apostolicæ benedictionis te participem facimus, non extuis meritis, sed de Apostolicæ sedis benignitate procedit. Sicut enim pro certo nobis à compluribus significatum est, omnes molestiæ atque vexationes, quas dilecto filio nostro Pontio Abbati Vizeliac. Burgenfes ipsius Villæ ausu nefario præsumpserunt, per instinctum & incitationem tuam habuerunt exordium; & eos in tanta nequitia contra Deum, & contra commissum tibi Episcopale officium, & animæ tuæ salutem fouere, ac manutenere non times. Diceris nanque, quòd & eisdem Burgenfibus excommunicatis cōmunicare præsumas, & ad diuina officia eos tu ipse admittas, atque Presbyteris tuis diuina eis officia celebrari permittas atque præcipias. Quia ergo tam grauem & immoderatū excessum impunitū prætermittere nec possumus nec debemus, per præsentia tibi scripta mādamus, quatinus proxima B. Lucæ festiuitate tã pro termināda controuersia quæ inter te & prædictū Abbatem agiatur, quàm pro his ad nostrā præsentiam occasione seposita venias, super contrarietatibus, quas ipsi Abbati diceris intulisse, nobis sufficienter respondere paratus. Interim verò eidem Abbati nullam perturbationem seu molestiam quibuscumque modis inferre præsumas; sollicitè cauens vt supradictorum excommunicatorum, vel interdictorum nullus à te vel à tuis Presbyteris ad diuina suscipiatur officia, sed ad quemcunque locum Parochiæ tuæ aliquis deuenerit, donec præsens fuerit nullus ibi diuina officia præsumat celebrare. Quòd si statuto termino ad nos venire neglexeris, aut hæc vel alia quæ ad prædictorum vindictam Burgenfium à nobis seu Fratribus nostris statuta sunt præsumpsisti vel præsumpseris violare, pro certo cognoscas, & causam ipsam processum distante iustitia recepturam, & te officij tui periculum incursum. Datum Laterani VI. Kal. Feb.

Increpat  
Episcopum  
Eduens.  
quòd Vi-  
zeliac. Bur-  
genfibus  
excommu-  
nicat. faue-  
rit.

EUGENIUS Episcopus S. S. S. Dei Eduensi Episcopo Salutem & Apostolicam benedictionem. Opera quæ de persona tua, & his qui per omnia tuis præceptionibus acquiescunt post discessum tuum à Nobis ad nostram audientiam peruenerunt, fidem nobis faciunt illorum verborum,

Epist. xviii.  
Episcopo  
Eduensi  
præcipit vt  
coram Lia-  
gonens. acc

rationem  
de persecu-  
tionibus à  
se in Vize-  
liacens. ex-  
citatis red-  
diturus.

quæ dum apud nos moram faceres, de ore tuo audiui-  
processisse, quia scilicet malebas vt Vizeliacense Mona-  
sterium omninò destrueretur, quàm tuæ non debeat ius-  
sioni parere. Dilecti quidem filij nostri Pontii Abbatis ipsius  
loci nuper est ad nos transmissa conquestio, quod postquam  
à sede Apostolica discessisti, cum & commissam sibi Ecclesiam  
tam per te quàm per tuos multipliciter aggrauasti, quoscun-  
que potes in damnum & perturbationem eius accendis; fra-  
ter etiam tuus ad suggestionem tuam in Ecclesiam & bonam  
eius damnabili præsumptione grassatur. Homines suos de  
more orationis causâ ire ad Monasterium non permittit,  
homines Monasterij capit & deprædatur, & quidam eorum  
qui sub ipsius ditione consistunt, in tantæ præsumptionis au-  
daciam prorumpunt, vt in ipsos etiam Monachos violentas  
manus injicere non dubitauerint. Præterea Niuernensem  
Comitem ita in eiusdem Ecclesiæ persecutionem diceris  
accendisse, vt sub tantorum concussione ventorum præ-  
fato Filio nostro & eius Fratribus vix ibi quietis locus ad  
diuinum remaneat famulatum. Sanè quia hæc tam graua  
sunt, vt nec impunita debeant, nec irrequisita dimitti, co-  
gnitionem eorum Venerabili fratri nostro G. Lingonensi  
Episcopo decreuimus committendam. Præsentium itaque  
tibi auctoritate præcipimus, quatinus cum ab eo fueris euo-  
catus, præsentiam tuam ei exhibeas, inquisitioni eius plenam  
rationem de his omnibus redditurus. Illos autem pa-  
rochianos tuos, quos in aliquem Monachorum aut Cle-  
ricorum ipsius Monasterij violentas manus iniecisse con-  
stiterit, congregato cœtu Ecclesiæ, publicè candelis accen-  
sis, excommunicatos annuncies, & donec pro tanto excelsu  
satisfacturi Apostolico se conspectui cum tuis literis re-  
præsentent, per totam tuam diocesim sicut excommuni-  
catos facias euitari. De cætero tota sollicitudine præcaue,  
ne antefato Filio nostro aut Ecclesiæ, aut eius fratribus siue  
per te vel summissam personam, aliquam molestiam irro-  
gare præsumas. Alioquin tam in personam quàm Ecclesiam  
tuam auctore Domino taliter vindicabimus, vt omnibus  
qui audierint apertè detur intelligi quàm graue sit ea velle  
per tyrannidem occupare, quæ canonico tantum debeant  
alicui

alicui iudicio prouenire. Datum Signiæ XII. Kal. Iulij.

**EVGENIVS LVDOVICO REGI.**

Per alia scripta Nobilitati tuæ mandauimus, quatinus Niuernensem Comitem ab infestatione Vizeliac. Ecclesiæ quæ ad ius B. Petri specialiter pertinet, attentius cohiberes. Et ecce, quod sine grandi mentis afflictione nō dicimus, nescimus an eum exinde Magnificentia tua cōuenire neglexerit, an ipse noluerit iussioni tuæ parēre. Postquā nos propter hoc tibi nostra scripta transmisiimus, idem Comes durius est eandem Ecclesiam infecutus, & nunc per se, nunc per eos qui sub eius ditione consistunt, Fratres inibi ad Dei seruitium commorantes & terrere minis, & fatigare iniuriis non desistit. Sanè omni nostra commonitione cessante tam illi, quā vniuersis Ecclesiis, quæ in terra tibi à Deo commissæ consistunt, deberes esse præsidio, & à prauorum incuris, maximè autem eorum qui tuis præceptionibus acquiescunt, eas studiosius defensare. Nunc autem petitionibus & precibus nostris adhibitis Ecclesiam ipsam non videmus ab eius inquietationibus liberatam. Quocirca Magnificentiam tuam Apostolicis literis & precibus ammoneamus, quatinus sicut de nostra dilectione confidis, ita eundem Comitem ab infestatione Vizeliac. Ecclesiæ, ac bonorum eius districtè cohibeas, & homines suos eum facias attentius commonere. Porro si aliquid sibi aduersus ipsam Ecclesiam aut res eius credit iustè competere, Nos ad quos prouisio & regimen Ecclesiæ eiusdem special iter pertinet, e si postulauerit æquitate media per nos aut delegatos Iudices curabimus exhibere.

*Epist. 19.*  
Regem exhortatur vt cohibeat Comitem vexatione Vizeliac.

**IDEM EPISCOPO LINGONENSI.**

Ex parte dilecti Filij nostri PONTII Vizeliac. Abbatis aduersus Archipresbyterum de Aualone, R. de Domiciac, & I. de Chora Presbyteros grauem querelam accepimus, quod excommunicatis hominibus de Vizeliaco scilicet communicare, & diuina officia celebrare ausu temerario

*Epist. 10.*  
Officijs abdicet qui eum excommunicatis cōuersati sūt.

præsumpserunt. Quia igitur tam grauem excessum irrequisitum & impunitum prætermittere non debemus, per præsentia tibi scripta mandamus, quatinus causam ipsam diligenter inquiras, & si rem ita inueneris, prædictum Archiepresbyterum, & alios Presbyteros ab officijs suis suspensos ad nostram præsentiam mittas, literas verò quas Episcopo Edyensi mittimus, per tuum certum & securum Nuntium eidem facias præsentari.

*IDEM ABBATI CLUNIACENSI.*

*Epist. 21.  
Vt soletur  
Abbatem  
Pontium  
exulem.*

IN maximis vexationibus & angustijs posito dilecto filio PONTIO Vizeliac. Abbati carnali germano tuo absque hortatu & commonitione nostra fraterna debes compati caritate, & eius exulationem benignis solatijs & opportunis debes consolationibus releuare. Quocirca quoniam debita caritatis officium exigit, vt Fratres nostros tanquam nos ipsos in Domino diligamus, & eorum necessitatibus fraterno prouideamus affectu, per præsentia tibi scripta mandamus, quatinus Siluiniacense Cœnobium, quousque ipsa exulatio ei durauerit, etiam pro B. Petri & nostri reuerentia sibi concedas.

*IDEM ARCHIEPISCOPO  
SENONENSI.*

*Epist. 22.  
Litem de  
Ecclesia S.  
Machuti  
soluat.*

DILECTORVM filiorum nostrorum Pontij Abbatis & Fratrum Vizeliac. Monasterij aduersus venerabilem Fratrem nostrum M. Aurelian. Episcopum querelam accepimus, quòd eis Ecclesiam S. Machuti quam prædecessor suus eis donauit, & scripti sui auctoritate firmauit, contra iustitiam auferat, & per violentiam detineat occupatam. Quia ergo de tuæ discretionis prudentia valde confidimus per præsentia scripta Fraternitati tuæ mandamus, quatinus congruo loco & tempore vtraque parte ante tuam præsentiam euocata, causâ ipsâ diligenter audita & cognita, iustitia eam mediante diffinias. Datum Ferentini VII. Kal. Februarij.

**EVGENIVS M. AVRELIANENSI  
EPISCOPO.**

EX conquestione dilectorum Filiorum nostrorum PONTII Abbatis & Fratrum Vizeli. Monasterij nuper accepimus, quod Ecclesiam S. Machutj, quam He. prædecessor tuus eis donauit, & scripti sui auctoritate firmavit, contra iustitiam eis abstuleris, & per violentiam detineas occupatam. Quia ergo Monasterium ipsum B. Petri iuris existit, & in sua ei deesse iustitia non possumus nec debemus; per præsentia tibi scripta mandamus, quatinus si eorum querimonia veritate innititur, aut Ecclesiam ipsam memorato Abbatj & Fratribus eius in pace restituas, aut in præsentia venerabilis Fratris nostri Hu. Senonensis Archiepiscopi exinde iustitiam facias. Datum Ferentini VII. Kal. Februarij.

*Epist. 23.*  
Eandem  
Ecclesiam  
Episc. Au-  
rel. restituit  
vel ius  
dicat corā  
Arch. Se-  
non.

**EVGENIVS ABBATI DE CHORA.**

VENIENS ad nos dilectus filius noster Pontius Vizeliac. Abbas contra te nobis conquestus, est, quòd quandam decimam & parrochialia iura villæ ipsius de Prissiaco per violentiam ei abstuleris, & iniuste detineas. Questus est etiam quòd Burgensibus eius G. & Vv. de Vizeliac. pecuniam quam tibi mutuasse dicuntur, eis contra rationem restituere contradicas. Quia igitur omnibus in sua iustitia debitores existimus, per præsentia tibi scripta mandamus, quatinus in præsentia dilecti filij nostri S. Riniacensis Abbatis super his dilecto Filio nostro Vizeli. Abbati iustitiam facias. Cum ergo ab eodem filio nostro Riniac. Abbate propter hoc fueris euocatus, eius præsentiam adeas, & quod exinde inter vos iudicauerit, suscipias & obserues. Datum Signiæ V. Kal. Febr.

*Epist. 24.*  
Abbas de  
Chora de-  
cimam &c.  
vsurpauit  
Vizeliac.

**EVG. S. ABBATI DE REGNIACO.**

CONTROVERSIAM quæ inter Filios nostros Pontium Vizeliac. & G. de Chora Abbates super decima & parro-

*Epist. 25.*  
Arbiter cō-  
stituitur  
Abbas Re-

Qq ij

gniaci in  
causa deci-  
maz &c.

chiali iure cuiusdam villæ ipsius Vizelia. Abbatis, & quædam pecunia, quam idem Abbas de Chora à quibusdam Burgensibus G. & Vv. de Vizeliaco mutuò dicitur suscepisse, agitari dinoscitur, discretionis tuæ audiendam terminandamque commisimus. Per præsentia itaque scripta tibi mandamus, quatinus congruo loco & tempore vtramque partem ante tuam præsentiam euoces, & rationibus vtrunque diligenter auditis, & plenariè cognitis, causam ipsam iustitia mediante decidas. Datum Signiæ V. Kal. Feb.

### EUGENIVS I. COMITISSÆ NIVERNENSIS.

Epist. 16.  
Vizeliacæ.  
ses exagi-  
tari desu-  
nat.

GUILLELMVS Comes bonæ memoriæ in præsentia Venerab. Fratris nostri Hugonis Altissiod. & dilecti filij nostri Bernardi Abbatis Clareual. dicitur promississe, quòd mercatores & cæteros Vizeliacum ire volentes neque ipse, neque suæ terræ homines prohiberent; nunc verò, sicut dilecti filij nostri Pontij Vizel. Abbatis relatione accepimus, ire illuc volentes per te & per tuos homines prohibes & infestas. Ideoque Nobilitati tuæ per præsentia scripta mandamus, quatinus inhumanitatem hanc facere de cætero non præsumas. Quòd si facere præsumpseris, timendum tibi est ne indignationem omnipotentis Dei, B. Mariæ precibus, quæ multum dilexit Dominum, consequaris. DATVM Remis III. Non. April.

Epist. 8.  
Bernar.  
Eiusdem  
argumenti.

DILECTÆ in Christo filiæ I. Niuernensi Comitissæ Frater BERNARDVS Clareuallens. vocatus Abbas, Salutem & orationes. Conqueritur venerabilis Abbas Vizel. quod vos & clientes vestri mercatores & cæteros Vizeliacum volentes ire prohibetis, quod quia Guillelmus Comes bonæ memoriæ, & filius eius in præsentia Domini Altissiod. & nostra penitus refutauit tanquam impium & iniquum, monemus & rogamus, ne id deinceps vllomodo faciatis. Timemus enim si talia facere cœperitis, ne fortè & vobis hîc, & viro vestro vbi ipse est, plurimum possint obesse; quod omnino nollemus. Credite ergo nobis, & omninò desistite à malitia hac.

CONO Dei gratia Prænестinus Episcopus , Apostolicæ sedis legatus , H. Niuernenſi Episcopo venerabili & dilecto Fratri , Salutem & fraternam in Christo dilectionem. Quæ postquam à nobis discessistis , apud nos gesta sunt dilectioni vestræ innotescere volumus. Die ipsa qua ab inuicē discessimus cum Electo nostro duce misericordia Dei ad partes Lugdunensium properauimus. Antequam autem Lugdunum perueniremus , Domnus Lugdunæ. Archiepiscopus electioni nostræ assensit , & Lugduni subscripsit. Ibi facta processione solemnī Dominum Papam CALLISTVM & nos honorificē suscepit. Nam & Engolismensis Episcopus antequam à nobis discederet , subscripserat , & Domino Papæ humiliter se subdiderat. Inde venimus Viennam , vbi in Dominica Quinquagesimæ Dominus Papa coronatus est. Cū autem ab illo digressi Vizeliacum venissemus , cōperimus rumorem eum verum , quem fama vulgante tristes acceperamus. Tristes , inquam , tum pro Ecclesia Vizel. in cuius læsione læsa est Romana mater Ecclesia (specialis enim eius filia est ) tum pro ipso Niuern. Comite , quem satis dileximus , cuius clientela portas Vizelia. clauſtri fregit & dirupit , SS. Lazari & Marthæ sororis eius , & SS. Andeoli atque Pontiani Martyrum corpora , crucem quoque in qua de ligno Domini habetur , iactis lapidibus exornauerunt Monachos verberauerunt , & lapidibus percusserūt , & quendam ex ipsis ceperunt , & iniectis manibus sub habitu Monachi dehonestauerunt. Pro quibus omnibus vos monemus , & Apostolica auctoritate præcipimus , vt ipsum Comitem ex parte nostra conueniatis , & ad emendationem tanti sacrilegij eum venire moneatis. Quod si dixerit non se interfuisse huic flagitio ; de consensu eum arguite , quia scilicet eū eadem die Vizeliacum ipse venisset , & omnes sacrilegos qui flagitium commiserant ibi inuenisset , neque spontaneus neque monitus ab Abbate sub testimonio multorum de suis hominibus iustitiam vel honorem , vel satisfactionem Ecclesiæ Vizel. facere voluit. Quamobrem timeat sententiam Lucij Papæ sanctissimi , quæ talis est ad Episcopos Gallos & Hispanos inter alia in primo decretali suo: Res Ecclesiarum vestrarum , & oblationes fidelium quas significastis à quibus-

*Genensis*  
A. S. L.  
De inauguratione  
Callisti pp.  
2. agit. Deinde Comitem atque eius Satellites ob sacrilegia in Vizel. Eccles. commissa excōmunicatos declarat.

dam irruentibus vexari, vobisque & Ecclesijs vestris auferri, indubitanter maximum est peccatum, testante scriptura quæ ait: *Qui abstulerit patri vel matri aliquid, & dicit hoc non esse peccatum, homicida particeps est.* Pater ergo noster sine dubio Deus est, qui nos creauit; & mater nostra Ecclesia, quæ nos in baptismo spiritualiter generauit. Hæc fieri Prophetæ, hæc Apostoli, hæc successores eorum, & omnium catholicorum Patrum vetant decreta, & tales præsumptiones sacrilegia esse diiudicantur: quorum nos sequentes exempla omnes tales præsumptores, & Ecclesiæ raptores, atque suarum facultatum alienatores vnâ vobiscum à liminibus sanctæ Matris Ecclesiæ anathematizatos Apostolica auctoritate pellimus, & damnamus, atque sacrilegos esse iudicamus, & non solum eos, sed omnes consentientes eis, quia non solum qui faciunt rei iudicantur, sed etiam qui facientibus consentiunt. Par enim poena & agentes & consentientes comprehendit. Item Symmachus Papa aduersus peruersores Ecclesiarum: Generaliter quicunque res Ecclesiasticas confiscare, aut competere, aut peruadere periculosa aut sæua infestatione præsumpserit, nisi se citissimè per Ecclesiæ de qua agitur satisfactionem correxerit, perpetuo anathemate feriat. Similiter & hi qui Ecclesiæ ius vel largitione Principum vel quorundam Potentum, aut quadam inuasionem, aut tyrannica potestate retinuerint, & filijs vel hæredibus suis, vt à quibusdam iam factum audiuius, quasi hæreditarias reliquerint, nisi citò res Dei, admoniti à Pontifice agnita veritate reddiderint, perpetuo anathemate feriantur. Iniquum esse enim censemus, vt potius custodes cartarum quàm defensores rerum creditarum, vt præceptum est, iudicemur.

Quod si Comes ipse priuilegia Ecclesiæ Vizel. contemnit, audiat Anacletum Papam à B. Petro tertium: Priuilegia Ecclesiarum & Sacerdotum Sancti Apostoli iussu Saluatoris eius decreuerunt manere temporibus. Et in legibus seculi cautum habetur: Si Ecclesiæ venerabilis priuilegia cuiusquam fuerint temeritate violata, vel assimulatione neglecta, commissum hoc in triplo, iuxta legum sanctionem, Ecclesiæ cui factum est componatur, nobisque ban-



nus noster intriploperfoluatur. Item in alio loco: Nullius  
 au. em sacræ res & religiosæ & sanctæ: quod enim diuini  
 iuris est, nullius in bonis est. Item aduersus eos qui portas  
 fregerunt, ait Iustinianus: Sanctæ quoque res veluti muri  
 & portæ quodammodo diuini iuris sunt, & ideo nullius in  
 bonis sunt. Ideo autem muros sanctos dicimus, quia pœna  
 capitis constituta sit in eos qui aliquid in muros deliquerint.  
 Nolumus autem, Frater carissime, exaggerare quod gestum  
 est, ne cogamur iudicare quod dignum est, sed volumus ve  
 annunties eidem Comiti, vt de perpetratis sacrilegijs nobis  
 in manu nostra satisfactionem ab hominibus suis quorum  
 nomina subscribentur, fieri faciat vsque ad mediantem Qua-  
 dragessimam, & in futuro ab inquietatione Ecclesiæ desistat:  
 quia nisi obedierit, nos sequentes Sanctorū suprascriptorū  
 sententias, anathematis gladio tam ipsum, quàm terram eius,  
 licet inuiti, post transactum quem præfiximus terminum,  
 feriemus. Hæc sunt nomina illorum qui in sacrilegio illo ma-  
 nus commississe visi sunt: Rainaldus Præpositus de Moncel-  
 lis, & frater eius Nicolaus, Guillelmus Mariscalcus, Paga-  
 nus Buticularius, Petrus Panetarius, Odo Camarlancus,  
 Petiz de Moncellis; Theobaudus Cocus, Guillel. Præpo-  
 situs de Cerciaco, Croslebos, Renaldus nepos Mainfredi  
 de porta, Beraldus de Moncellis, duo filij Aimberty de  
 Moncellis, Ioannes Deli, Tardet de Moncellis, Reguinus  
 de Moncellis, Guichardus frater Galterij Buticularij Bur-  
 gensis de Moncellis, qui cognomine ita vocatur; Gaudri-  
 cus de Climiciaco cum septem socijs, & multi alij quos do-  
 nec nominatim nominemus suis conscientijs puniendos re-  
 linquimus; si non dignè satisfactionem fecerint.

ANASTASIUS Episcopus S. SS. Dei, Venerabilibus Fra-  
 tribus Hug. Senonensi Archiepiscopo, G. Lingon. T. Paris.  
 & He. Trec. Episcopis, Salutem & Apostolicam Benedi-  
 ctionem. Ad notitiam vestram iamdiu credimus peruenisse,  
 quòd pro immanitate crudelitatis & barbarica tyrannide,  
 quam periurj & proditores Burgeneses de Vizel. in Domi-  
 num suum dilectum Filium nostrum Pontium Abbatem  
 Vizeli. & in ipsum Monasterium exercuerunt, & adhuc non  
 desinunt exercere, à corpore Christi, quod est Ecclesia, qua-

*Epist. 1.*  
 Burgeneses  
 Vizeliac.  
 excommu-  
 nicatos de-  
 gere in suis  
 terris non  
 sinant, im-  
 mo & ex-  
 spoliari &  
 capi faciūt.

si membrā putrida mandato sanctæ recordationis Eugenij Papæ sint gladio diuini verbi præcisi: quod ipsi pro nihilo reputantes, ac si aduersus Dominum se fallaci potentia existiment præualere, adhuc in sua nequitia contumaciter, non impunè tamen, perdurant; putantes forsitan quod Apostolicæ Sedis patrocinium aliquando eidem Ecclesiæ subtrahatur. Nos igitur eorum iniquitatem districtè pensantes, in ira tamen nostra misericordiam continentes, manus nostras super eos ad præsens non plus duximus aggravare; per præsentia vobis scripta mandantes, quatinus Burgenfes tanquam periuros proditores & excommunicatos in nundinis & mercatis parrochiarum vestrarum recipi omninò prohibeatis: immo à quibuscunque parrochianorum vestrorum poterunt inueniri, capi & rebus suis præcipiatis penitus spoliari.

*Epist. 2.  
Eiusdem  
argumenti.*

ANASTASIVS Episcopus seruus seruorum Dei Dilectis Filiis nobilibus viris O. Ducj Burgund. He. Comiti, A. de Borbone, Guillelmo Comiti Cabilonensi, R. fratri Ducis, R. Comiti de Iouiniaco, G. de Donziaco, R. de Rubeo Monte, D. de Luziaco, A. de Monte Regali, S. Vicecomitj Senon. & filijs eius G. & B. G. Vicecomiti Castrilandonis, G. de Vergiaco, O. de Tilio, Hu. de Monte sancti Ioannis; Salutem & Apostolicam benedictionem. Ad notitiam vestram &c. ut superius.

ANASTASIVS P. Bituricensi Archiepiscopo.

*Epist. 3.  
In Comitem Niuernensem  
nisi resipiscat, damna  
Vizel. illata  
resarciendo, proferat  
sententiam.*

IMMANEM crudelitatem & barbaricam sæuitiam qua in Niuernensis Comes in Vizeliac. Monasterium, ac si contra Dominum aduersus sponsam suam sacrosanctam Ecclesiam eius potentia debeat præualere, adhuc exercere non desinit, tua Fraternitas, vt credimus, pro sua saltem magnitudine recognoscit: contra quam cum prædecessor noster sanctæ recordationis Eugenius Papa, Apostolicæ sedis antidota præparasset, & voluisset eum corripere, à tanto morbo sanari non meruit, quoniam pertransiit in affectum cordis, & obscuratum est insipiens cor eius, vt, iuxta verbum propheticum, videns non videat, & intelligens quæ Dei sunt nequaquam

quaquam intelligat. Nos igitur qui diuina dispensante clementia memorato prædecessori nostro in sede Apostolatus successimus; quoniam præfatum Vizel. Monasterium tanquam B. Petri alodium cogimur defendere, & prædicti Comitis ac omnium Christianorum salutem paterna caritate firimus, atque de tuæ Fraternitatis prudentia & honestate fiduciam non modicam obtinemus, per præsentia scripta Caritati tuæ mandamus, quatinus remota dilatione districtè commoneas, ut damna quæ ipsi Monasterio intulit, cum integritate refarciat, & locum ipsum in pace ac libertate sua dimittat. Eidem etiam Comiti ex parte nostra denuntia ne pro exhibenda iustitia alicui suorum hominum Abbatem Vizel. ad suam præsentiam venire compellat, nisi prius in eiusdem Abbatis Curia cognoscatur alicui suorum hominum iustitiam denegasse. Quod si infra XXX. dies post tuam commonitionem, quæ supra diximus, neglexerit adimplere, ad locum vnde in auribus ipsius de facili valeat resonare cum Religiosis, & prudentibus viris accedas, & populi coetu in Ecclesia congregato, accensis candelis in personam eius & perfidorum Burgensium de Vizeliaco solemniter auctoritate Apostolica excommunicationis sententiâ absque omni appellationis remedio proferas, ut præter baptismum paruulorum & morientium poenitentiam in omnibus terris eiusdem Comitis omnia diuina officia prohibeas celebrari. Adiicientes etiam tibi mandamus, ut sententiam ipsam Venerabilibus Fratribus nostris Hu. Senonensi Archiepiscopo, G. Niuer. Episcopo, G. Lingon. He. Eduensi, He. Trecensi, & A. Altissiod. Episcopis per tuas literas ex parte nostra firmiter denunties obseruandam. Nos siquidem per Apostolica eis scripta mandauimus, ut eandem sententiam post tuam denuntiationem per suas parochias inuiolabiliter faciant obseruari: literas verò quas prædictis Fratribus nostris Ling. Eduensi, Niuern. Altiss. Episcopis misimus, per tuos eis Nuncios facias præsentari.

*ANASTASIVS LVDOVICO REGI.*

QVONIAM iam à retroactis temporibus de tua Regia ma-

R r r

*Epist. 4.  
Scribit ut  
Niuernens.*

Comitem  
coerceat à  
persequen-  
dis Vizel.  
& Burgen-  
ses compre-  
hendi iu-  
beat.

gnificentia Nobis & sacrosanctæ Romanæ Ecclesiæ bona sunt plurima nuntiata, Nobilitatem tuam tam hiqui in Apostolatus officio præcesserunt, quàm nos per omnia dileximus; & qui adhuc ex diuina voluntate sumus superstites, diligimus & honorem tuum in quibus secundum Deum possumus, cupimus augmentari. Eapropter, Carissime in Christo Fili, quemadmodum prædecessor noster sanctæ memoriæ E. Papa, ita & nos pro Vizeliac. Monasterio Apostolica tibi scripta dirigimus; mandantes, & in Domino commonentes, vt Niuernensem Comitem, qui feritate barbarica sæuere aduersus præfatum Monasterium non desistit, districtè commoneas, vt memorato Monasterio damna quæ intulisse dinoscitur in integrum studeat emendare, & locum suum in pace ac libertate sua dimittat. Si verò aliquam iusticiam in eodem Monasterio se habere confidit, suam postmodum mandato nostro poterit obtinere iusticiā. Quòd si in sua pertinacia induratus hæc effectui mancipare contèpserit, nos in personam eius & Burgensium Vizel. excommunicationis sententiam sine appellationis remedio præcipimus promulgari, & in tota terra ipsius, præter baptisma paruulorum & morientium poenitentias, omnia diuina officia penitus prohiberi. Quocirca per præsentium latorem tibi mandamus, quatinus ex tunc ab eo tanquam excommunicato abstineas, & Burgeses ipsos ab omnibus feriis regni tui sub banno tuo penitus prohibens, à quibuscunque inueniri poterint, capi, & rebus suis spoliari sicut periuros & Ecclesiæ turbatores iustitiæ zelo præcipias. Præterea nihilominus industriæ tuæ mandamus, quatinus præfatum Monasterium Vizeliac. pro alicuius falsa suggestionem nullatenus aggraues, immò pro B. Petri & nostri reuerentia, ipsum tanquam eiusdem Principis Apostolorum patrimonium ab omni hoste studeas defensare. Ad hæc deuotionem tuam nullatenus latere volumus, quòd nos dilecto Filio nostro Vizel. Abbati dedimus in mandatis, vt memorato Comiti in Monasterio nostro nullam prorsus concessionem facere audeat. Valete.

Episc.  
Sententiā  
excommu-  
nicationis  
edicat in

ANASTASIUS Episcopus Galliar. Quando peccata, in quibus culpa est relaxare vindictam, ab aliquibus suggerente diabolo committuntur, tanta est eis imponenda corre-

tio, ut ipsi, poena docente, cognoscant, quàm graue fuerit quod patrarunt, & cæteros à similibus præsumptionibus Ecclesiasticæ correptionis timor inhibeat. Inde siquidem est, quod prædecessor noster beatæ memoriæ Eugenius Papa per Apostolica scripta tibi, Frater Episcopo Lingonensis, mandauit quatinus Niuernensem Comitem super immanitate tyrannidis, quam in Vizeli. Monasterio, quod utique B. Petri iuris existit, feritate barbarica exercuerat, ut resipisceret districtiùs commoneres, & si à tanta nequitia nolle desistere, in eum & in Burgenses Vizeliacj excommunicationis, & in terris ipsius Comitatus interdicti sententiam promulgares. Sed sicut audiuius quibusdam occasionibus mandatum ipsius, vnde non modicum ammiramus, nondum est ex toto completum, & ideo nos qui diuinâ disponente clementia in officio ei Apostolatus successimus, quoniam præfatum Monasterium tanquam speciale patrimonium B. Petri cogimur defendere, memorati prædecessoris nostri vestigiis inhærentes, venerabili Fratri nostro P. Bituricensi Archiepiscopo dedimus in mandatis, ut nisi præfatus Comes ab eo cõmonitus damna, quæ ipsi Monasterio intulit, in integrum emendauerit, ac locum ipsum in pace ac libertate sua dimiserit, tam ipsum Comitem, quàm Burgenses Vizelia. qui tantæ nequitiae factores existunt, excommunicationi auctoritate nostra subiiciat, & in tota terra eius, præter baptismum paruulorum & morientium poenitentias, omnia diuina prohibeat celebrari. Præsentium vobis itaque auctoritate mandamus, quatinus & sententiam ipsam, postquam vobis ab eodem Fratre denuntiata fuerit, firmiter obseruetis, & per vestras parochias obseruari inuiolabiliter faciatis. Datum Lateran] VIII. Kal. Ianuarij.

Comitem  
Niuern. &  
Burgenses  
Vizeliac.

ANASTASIUS PONTIO Abbatj Vizeliacensi. Super contritione, persecutione atque angustia, quam pro commissâ tibi Ecclesia & pro iustitia pateris, deuotioni tuæ paterno affectu compatimur, & in quibus secundum Deum possumus grata tibi volumus subsidia ministrare. Inde est quòd iuxta votum & petitionē tuam literas nostras tam Archiepiscopis quàm Episcopis Regni Francorū, & Regi, Comitibus, atque Baronibus, quemadmodum tua deuotio requirebat,

Iura sui  
Monasterij  
fortiter  
propugnet,  
exhortatur.

R r r ij

studuimus destinare, quarum continentiam ex transcriptis poteris euidenter agnoscere. Si ergo, Dilecte in Christo Fili, tu pro domo Israel tribulationibus subiaces, debes sperare quòd dabit Dominus de tribulatione auxilium, & in ipsius misericordia confidentes de omni pressura eripiet, & ad portum quietis gratia sua perducet. Age ergo, Fili, & murum tutissimum te pro Ecclesia tua sicuti hactenus, ita & deinceps non pigriteris opponere, immò contra eos qui fidem penitus abnegarunt, quos etiam excommunicationis vinculo præcepimus innodari, viriliter studeas dimicare, & donec excommunicati fuerint, si te super aliquo in ius forsitan voluerint euocare, nobis inconsultis nullatenus eis respondeas. Adiicientes etiam tibi mandamus, & auctoritate Apostolica inhihemus, vt in Ecclesia nostra de Vizel. quæ proprium alodium B. Petri esse dinoscitur, nullam concessionem nisi ex mandato nostro Comiti Niuern. facere audeas. Datum Laterani VIII. Kal. Ianu.

Quid si & opus habeat in defensione iurium Vizel. scribit.

DOMNO PONTIO Abbati Vizel. Frater M. Floriacensis Abbas; Pacem quæ euangelizatur hominibus bonæ voluntatis. Literis vestris lectis, earumque tenore diligentius tractato, quod mihi consultius visum est, Dilectioni vestræ rescribo. Pax vestra si venalis vobis proponeretur, quæ vos & à tantæ tribulationis angaria leuaret, vestrosque aduersarios humiliaret & vnanimis exhilararet, carò valde emenda videretur, dummodo Ecclesia vestra status sui rectitudinem & libertatis priuilegia illibata seruaret. Porro fratrem vestrum sic habere suspectum, vt cum se Comes ei ex toto committat, vos eius arbitrium declinetis, durum valde videtur. Libratis itaque hinc inde causis, quæ viliùs iudicamus, dicimus, vt expectetis Legatos, quos ad Dominum Papam direxistis, & cum venerint, responsum Domini Papæ, & priuilegia Ecclesiæ vestræ Domno Abbati ostendite, & tunc demum negotium vestrum eius arbitrio fideliter committite. Nèque enim credimus aut priuilegiis vestris aut præceptis Domini Papæ contraria & repugnantia iudicare.

Clementiā promittit ac tutelam.

· L V D O V I C V S Dei gratia Francorum Rex & Dux Aquitanorum, Venerando Pontio Abbati Vizel. Salutem & gratiam nostram. Non decet Regem asperitas nimia, & in ve-

irate supplicanti non est neganda venia. Intelligimus prece vestra fidelem nostrum Arc. de Burbone, & eius coniungem nostram Materteram, pro vobis nos deprecari. Quibus nos obaudientes pro honore Dei & Ecclesiæ vestræ sanctitate & pro nostra honestate, quicquid offensæ aduersum vos habemus, omnino laxamus, & totius rancoris nubilum abstergimus, & vos de cætero in gratiam, & res ad vos pertinentes in tutelam regiam benignè suscipimus.

ADRIANVS Episcopus S. SS. Dei, Venerabilibus Fratribus Lingonensi, Eduensi, Niuernensi, Altissiodorensi Episcopis, Salutem & Apostolicam benedictionem. Tantum iam malitia Niuern. Comitis quod vestra Fraternitas non ignorat, aduersus specialē sedis Apostolicæ filiam Vizel. Ecclesiā excreuit, vt culpa nimia proculdubio esse videatur, si malitia eius maneat impunita. Præter illa siquidem mala, quæ iampridem ei & instigando Burgeneses ad persecutionem eius, & diuersis alijs modis ausu temerario irrogauit, in villa Vizel. nuper milites suos & homines inimicorum suorum constituit, & dominium pro voluntate sua in eadem villa contra ius antecessorū suorū vsurpat. Burgeneses etiā contra dilectum filium nostrum Pontium Vizel. Abbatem in sua conspiratione ac periurio fouere præsumit. Sanè foelicis memoris Papa Eugenius antecessor noster, afflictionibus & angustijs illius Ecclesiæ affectione paterna compatiens, & in malitiam antedicti Comitis feruore debito inardescens, à corpore Christi, quod est Ecclesia, diuini eum verbi falce præcidit, & in terra ipsius diuina interdixit celebrari officia. Quoniam igitur idem Comes ita datus est in reprobum sensum, ita oculos mentis ab intuitu æternæ damnationis auertit, vt nec flagellatus etiam à sua potuerit malitia cohiberi; per præsentia vobis scripta præcipiendo mandamus quatinus eum districtiùs moneatis, quatinus custodes suos de villa Vizel. remoneat, mala quæ Ecclesiæ irrogauit, emendet, cartam compositionis contra priuilegia prædecessorum nostrorum, & Ecclesiæ libertatem elicitam antedicto Abbati restituat, & Burgenibus contra eum in sua conspiratione nullum præbeat auxilium vel fauorem, & iureiurando promittat se communiæ ipsi nullas vires vlteriùs præbiturum. Si verò in-

*Epist. 1.*  
Reddat  
Comes  
chartam in  
iura Vizel.  
Ecclesiæ  
confectam,  
abstineat-  
que à vexa-  
tione, alio-  
quin excō-  
municetur  
&c.

fra XXX. dies post cōmonitionem vestram quæ prædicta sunt, adimplere contempserit, in personam eius excommunicationis, in terram verò interdicti sententiam renouetis, & ab omnibus præcipiatis firmiter obseruarij. Datum Sutrij XII. Kal. Iunij.

Epist. 2.

Excommunicatione, ac variis poenis afficiant, & Burgenſes Vizeli.

ADRIANVS Episcopis Gallia. Quanta nequitia Vizeli. homines aduersus Matrem & Dominam suam Vizeli. Ecclesiam conspirauerint, & quàm asperè in eam fuerint & in eius bona grassati, ad noticiam Fraternitatis vestrae deuenit, & nos nullatenus ignoramus. Sanè foelicis memoriae Papa Eugenius antecessor noster, & illorum superbiâ & Ecclesiae afflictione permotus eosdem sacrilegos Ecclesiasticæ districtio- nis sententia innodauit. Ipsi autem alienati & conuersi retrorsum à sua malitia minimè destiterunt, sed transierunt in affectum cordis, & grauiora iugiter aduersum matrem suâ committere præsumpserunt, facti sicut illi de quibus ait propheta: *Percussisti eos & non doluerunt, astrinisti eos, & reuer- runt accipere disciplinam* Vt enim in præsentiarum alia quæ ante hæc ab eis gesta sunt cōtra Vizeli. Ecclesiam, taceamus, nuper facto impetu lustrauerunt officinas Ecclesiae, ruperunt vegetes, effuderunt vinum, diripuerunt omnia, & in ipsos etiam Monachos violentas manus extendere præsumpserūt. Porro nos in omnibus his dolemus de miseris illis hominibus qui in periurij, sacrilegij, rapinae ac peccatorum multorum foueam inciderunt: dolemus etiam quòd nullum vestrum assumere iustitiæ clypeum, & in eius auxilium exurgere in- uemur: vsque adeò vt lugere valeamus, & dicere cum Propheta; *Non est qui conſoletur eam ex omnibus caris eius.* Quo- niam igitur Nos ad quorum tutelam atque præsidium præ- fata Ecclesia specialiter respicit, afflictiones ipsius dissimula- re nec possumus nec debemus. Per præsentia vobis scripta præcipiendo mandamus, quatinus omni tepiditate cessante Burgenſes ipsos festinetis districtiùs admonere, vt antedicto Abbati & eius Fratribus ablata restituant, irrogata damna resarciant, de illatis iniuriis competentem satisfactionem ex- hibcant, & ad fidelitatem & dominium Ecclesiae reuertan- tur. Si verò sine dilatione aliqua post commonitionem ve- stram quæ prædiximus adimplere cōtempserint, omnes illos.



quī nequitiae huius auctores existunt, & quos praefatus Abbas vobis annunciauerit, sine appellationis remedio excommunicetis, & ad quemcunque locum per Episcopatus vestros aliquis Burgenſium ipſorum deuenierit, donec praesens fuerit, diuina ibi prohibeatis officia celebrari, & si aliquem eorum mori contigerit, Christianorum careat sepultura. Ne autem corporalem quoque poenam effugiant, omnibus parochianis vestris districtius iniungatis, vt in nundinis suis eos nequaquam admittant, & nullam cum eis societatem, vel in mercibus, vel in aliis rebus habere praesumant, sed sicut excommunicatos eos euitent, & vbicunque inuenerint, capiant, & amore iustitiae bonis suis non desinant spoliare: vt inuiti saltem cogantur ad subiectionem & fidelitatem Domini sui redire. Nouis siquidem morbis noua conuenit antidota praeparari. Datum Sutrij XII. Kal. Iunij.

*ADRIANVS LVDOVICO REGI.*

DE Religiosorum virorum praesidio, & veneratione sacrorum locorum non oportet longis te sermonibus admonere: satis enim ad hoc animum tuum comonitione cessante, ignis ille, quem Dominus venit mittere in terram, accendit; ita vt inter vniuersos Principes orbis nullus sit qui super hoc in conspectu totius Ecclesiae commendabilior habeatur. Sanè licet potentiae tuae praesidium ad omnes Ecclesias in regno tuo constitutas extendas, Vizeliacensi tamen Ecclesiae tanto te cupimus attentius exhibere, quanto & ad ius B. Petri specialius pertinet, & ex perfidia suorum Burgenſium maiores molestias & pressuras sustinet. Nec enim ignorat tua prudentia qualiter ab aliquot annis aduersus dilectum filium nostrum Pontium Vizel. Abbatem fauore Niuernensis Comitis conspirati, diripere bona Ecclesiae, & ipsum quoque Abbatem exinde expellere praesumpserunt: vnde & a corpore Domini, quod est Ecclesia, fieri meruerunt extorres. Nuper etiam in ipsam Ecclesiam facto impetu irrum-pentes fregerunt portas, lustrauerunt officinas, effuderunt vina, diripuerunt vestes Monachorum, abstulerunt ornamenta sacrarij, & in ipsos etiam Monachos, & famulos do-

*Epist. 3.*  
Rex armata manu  
Burgenſes  
Vizeliac.  
insequatur.  
vt Abbati  
tanquam  
Domino  
subdantur.

mus violentas manus ausu temerario extenderunt. Porro quoniam illorum nequitia Ecclesiastici seueritate iudicij necdum poruit coërceri, cohibitionem tuæ manus expectat; & vigore tuo indiget emendari, quoddam sub æquitate censura canonica mansit hætenus incorrectum. Magnificentiam itaque tuam rogamus, monemus, & exhortamur in Domino, atque in peccatorum tibi remissionem iniungimus, quatinus iustitiæ zelo succensus, & afflictione supradicti Monasterij, ac nostris exhortationibus prouocatus in manu valida Vize-liacum accedas, & Burgenses abiurare communiam quam fecerunt, & ad fidelitatem atque subiectionem dilecti filij nostri Pontij Vizel. Abbatis tanquam Domini sui redire compellas; ablata etiam eos restituere, & irrogata damna facias resarcire, atque in illos, qui huius nequitia caput existunt, tantam ultionem exerceas, ut qui eis successerint consideratione ultionis eorum caput contra Dominum suum erigere, ac consimilem perfidiam in sanctuarium Domini committere non attentent. Datū Sutrij XII. Kal. Iunij.

## E I D E M

*Epist. 4.*  
Regem ite-  
rum, gra-  
tiis prius  
habitis,  
commonet,  
ut opem  
Abbati Vi-  
zel. ferat.

GRATVM & acceptum habemus & magnificientiam tuam de piarum rerum executione plurimum commendamus, quoniam dilecto filio nostro Pontio Vizel. Abbati, sicut eius directa nobis relatio patefecit, amore Dei, & nostrarum reuerentiâ literarum iuxta regiae dignitatis officium diligenter hætenus astitisti, & contra suos & Monasterij sui persecutores auxilium ei & consilium præbuiisti. Vnde quoniam bonorum intentio ad salutaria opera tanto amplius dirigitur, quanto sæpius inde commonetur, Celsitudinem tuam per Apostolica scripta rogamus, & in peccatorum tibi remissionem iniungimus, quatinus pro Dei amore & pro B. Petri & nostra reuerentia, prædictū Abbatem propensius diligas & honores, & ut Monasterium ipsum à dilecti filij nostri Niuernensis Comitidis, & aliorum omnium infestatione defendas, ut Fratres inibi commorantes, pro tua & regni tui salute ad Dominum debeant iugiter intercedere, & nos Regiae nobilitati tuæ gratias exolucere debeamus.

mus. Et quoniam Burghenses Vizel. occasione præsertim lapidearum domorum, quas munitas habent & eleuatas, aduersus antedictum filium nostrum Abbatem, & Vizel. Ecclesiam ita superbiunt, ut nec manere pro persecutione illorum idem filius noster possit in Monasterio: Magnificentiam tuam rogamus, quatenus easdem domos ita facias dirui, ut Burghensium superbia retundatur, & Vizel. Ecclesia occasione hac non debeat fatigari.

ADRIANVS Episcopus S. SS. Dei, Dilectis filiis Abbati & vniuersis Fratribus Vizel, Salutem & Apostolicam benedictionem. Quamto Monasterium vestrum ad ius B. Petri specialius dinoscitur pertinere; tanto ad dirigendum & ampliandum statum ipsius attentius nos conuenit laborare. Peruenit autem ad nos, dilecte in Domino fili Abbas, te tabulam nummulariorum contra tenorem priuilegiorum Apostolicæ Sedis Simoni de Siluiniaco in primordio tuæ prælationis, cum nondum tibi eorundem priuilegiorum tenor innotuisset, reclamantibus Fratribus tuis concessisse: unde quia nec bona vestri Monasterij aliqua leuitate diminui, nec priuilegia prædecessorum nostrorum patimur violari, per præsentia scripta vobis mandamus, quatenus si ita se res habet de tabula, illam ad manus vestras & proprietatem Ecclesiæ velociter reuocetis, & quæ ad proprietatem Monasterij pertinent, donare, vendere, vel quomodolibet alienare nullatenus præsumatis. Alioquin grauiter in vos noueritis vindicandum. Datum Beneuenti XI. Kal. Decembris.

*Epist. 5.*  
Abbatem  
arguit  
quod iura  
Monasterij  
integre-  
rit.





# HISTORIÆ

## VEZELIACENSIS

### LIBER SECVNDVS.



Quare hęc  
scribere hi-  
storiā Au-  
stor ag-  
gressus est.

IVINÆ bonitatis gratia pluribus ac diuersis consulens modis humanæ infirmitati, inter cætera æquè innumera suorum beneficiorum remedia, homini contulit literarum præsidia, quo vel præsentium incitaretur industria, vel absentium prouocaretur affectus, vel futurorum erudiretur posteritas: & quoniam omnis prudentiæ inimica obliuio, rerum maximè vtilium quam sæpe interciperat memoriam, mos ab antiquitus inoleuit, Patrum monimenta per literarum apices tanquam per visibiles sonos mandare posterorum notitiæ. Quem morem & nos quoque pro modulo nostro imitantes, pressuras Ecclesiæ nostræ, quas pro ingenta sibi libertate per multa temporum curricula multipliciter pertulit, breui compendio ad multorum vtilitatem describere satagemus. In quo dū breuitatem sectamur, arrogantiae supercilium omnino diffugimus; quoniam si iuxta quod ipsa deposcit materia, rerum perfectioni incumberemus, ipsa proculdubio periculi enormitate quodammodo fidei derogare videremur; dum quod historicæ integritati aliquatenus inferuaret, loquaci iactantiæ incredulus auditor deputeret. Vtrobique ergo prospicientes, sic medio tramite incedimus, ut & rerum constet cognitio integra, & falsitatis pateant penitus nulla vestigia. Sanè quamuis ad hæc minùs idoneos, minùsue sufficientes nos esse non ignoremus; prouocamur tamen caritate Ecclesiæ, inuitamur etiam, immò ut ita dicam perurgemur obedientia Reuerentissimi Patris nostri PONTII Venerabilis Abbatis, qui & si quantum ad prædecessores suos tempore videtur esse nouissimus, attamen in defensione libertatis Ecclesiæ suæ omnium antiquorum merito constat esse pri-

mus. Illi enim licet vel acquirendo vel ædificando plura contulerint, certè plus illis omnibus iste laborauit, dum à diripientibus & euellere eam conantibus, saluam & integram atque illibatam viriliter custodiuit. Minus quippe est habere quod custodias quàm custodire quod habeas. Sed iam propositum adordientes, de his hætenus.

Igitur cùm Vizeliacensis Ecclesia nobiliter nata, nobilius fuisset educata, ingenuæ libertatis caput inter omnes Occidentis Ecclesias præferebat: siquidem in ipso suæ foundationis primordio Beatissimo attitulata Petro regni Cœlorum Clauigero, soli & vni Apostolicæ illius Sedi nobiliter à nobilissimis auctoribus suis est assignata atque perpetuæ libertatis dote ab ipso tunc temporis summo & Apostolico Pontifice NICOLA O subarrata. Cuius successores ad hæc vsque tempora pietatis eius inhærentes vestigiis, auctoritate Apostolica & dignitate Romana suis priuilegiis eam corroborantes, ac si proprium ius & alodium B. Petri ab omni subiectione cuiuslibet alterius personæ vel Ecclesiæ immunem penitus esse decreuerunt. Ecclesiastica proinde officia, vti sunt sacri Ordines Monachorum vel Clericorum suorum, & Basilicarum seu altarium consecrationes, chrismatis vel sancti olei gratiam, & quæcunque alia huiusmodi, vbilibet & à quolibet cuiusuis prouinciæ Catholico Episcopo accipere, Romanorum priuilegiorum clementia atque libertate Apostolica indulgentes illi concesserunt. Tantis ergo & tam ingenuæ libertatis propalata præconiis inuidiosam faciem sodalibus exhibebat Ecclesiis. Vnde post annorum plura centena HUMBERTVS quidam Eduensî præsidens Ecclesiæ pulchritudini libertatis illius næuū maculosæ seruitutis inferre molitus est. Quo tempore venerabilis PONTIVS regimen Vizel. Ecclesiæ obtinebat, PETRI Cluniacens. & IORDANI Casæ-Dei Abbatum frater vterinus, nobilis ergo genere nobilissimam sortitus Ecclesiam de more libertatis illius Aurelianensem Episcopum Heliam inuitauit, & vt sibi celebraret sacros Ordines humiliter petiuit. Qui perspectis Romanæ auctoritatis priuilegiis, deuotioni eius deuotius acquieuit, Monachorumque nonnullos, ac Clericorum aliquos, in Basilica Vizel. Ecclesiæ ad sacros Ordines promo-

Quæ Vizel. Ecclesiæ Priuilegia.

Vide supra pag. 1. & seqq.

Humbertus Eduens. Episc. primus perturbare priuilegia tentat.

uit. Quo facto indignatus Eduensis, quos adepti fuerant Ordines Clericis interdixit. Quam vesanam eius temeritatem corripiens bonæ memoriæ Innocentius tunc temporis Romanæ sedis Apostolicus Pontifex, suspensos ab Eduensi Clericos suis reddidit Ordinibus, & ne iura Rom. Ecclesiæ amplius temerare præsumeret, denuntiavit. Tum Eduensis accepto gustu Apostolicæ indignationis pœnituit cœpti; sed cœpta dissimulare puduit. Nec destitit Abbatem lacessere donec suis ipsis frustratus conatibus, tandem in manu Cluniacensis Abbatis, & aliarum honestarum personarum propositæ liti renunciavit, atque inter utramque Ecclesiam per manum iam dicti venerabilis Pontii Abbatis, pristinæ pacis statum reformavit.

Henricus  
illius suc-  
cessor, Du-  
cis Burgun-  
diæ germa-  
nus, itidē  
attentat.

Cum autem esset genere clarissimus, morum honestate ac pietate decentissimus, Ecclesia Lugdunensis Antistite suo destituta, Archipræsulem sibi eum petebat, quo assumpto Eduensem Episcopatum suscepit HENRICVS, Ducis Burgundiæ germanus: nec mora, veteris discordiæ incensores hunc alloquuntur, & sopitam calumniam super Vizel. libertate renouare satagentes, cupidis auribus ingerunt. Ille autem confidens de potentia generis & diuitiarum quibus æquè pollebat, nouumque aliquid tanquam singularis potentiæ homo facere prætentans, Vizel. Ecclesiam in ius proprium vindicare, & in diæcesim redigere, ac pro more aliarum Ecclesiarum suæ parochiæ subdere suisque Synodis eam parere quæsiuit: Sed Deo protegente & Beata Deique dilectrice Maria Magdalene patrocinate, clauam de manu Herculis tollere non potuit: planè quantum in eo fuit, nihil intentatum reliquit, quo sibi vsurparet quod soli Petro cefsisset. Cœca quippe cupiditas totum blanditur sibi facile, quod ipso appetitu iam se sperat obtinere. Prædictum itaque venerabilem Pontium Abbatem qui causam Ecclesiæ in ratione sua acceperat, primum de Synodali executione; deinde de clericali seu sacerdotali examinatione, postremò de sacramentorum Ecclesiasticorum ratione compellans, iuris iustitiam ab eo deposcebat. At ille tutorem Ecclesiæ non actionarium, immò Apostolicæ paternitatis, quantum ad Vizel. ius Ecclesiæ spectat, Vicarium se esse dicens, nihil

causæ cum eo se habiturum super hac re incio Domino Papa respondit. Sic repulsus Episcopus vi extorquere voluit, quod furripere actionali prosecutione non potuit. Cœpit ergo Ecclesiam infestare, homines Ecclesiæ opprimere, possessiones quoque illius diripere, ac quicquid in se fuit posse, totum aduersus Ecclesiam in detrimentum illius experiri. Arbitratus autem suum posse minùs esse sufficiens ad præmeditados perficiendum conatus, fratrem suum Ducem & alios etiam fratres suos in odium Ecclesiæ incitauit, & per eos quasi potentatum totius Burgundiæ in ruinam & deiectionem Ecclesiæ appulit & impulit. Abbas verò nactus constantiam, patientia sua omnes impetus illius spreuit, fregit, cassauit, ac velut inanes & futiles adnihilauit.

His temporibus vniuersali Ecclesiæ præsidebat EVGENIUS sanctissimus, qui audita insania, qua Eduensis nitebatur adulterare castitatem suæ specialis filiæ, Vizeliacensis dico Ecclesiæ, sæpe illum ammonuit, sæpe corripuit, & intendendo, ne resipisceret, de gradus sui periculo præmonuit. Iam ergo Eduensis à spe propria frustratus, & diffidens de vanitate potentiæ suæ, Romanam adiit curiam, & falsa comminiscens, verique similia componens, querelam aduersus Abbatem statuit, asserens ea, quæ ab Vizel. Ecclesia repetebat, per longi temporis præscriptionem hactenus ad hæc vsque tempora suæ Sedis Ecclesiam absque alicuius controuersia calumnia tenuisse. Clementissimus verò Papa Eugenius dignitati Apostolicæ autoritatis salua integritate veritatis per omnia consulendo deferens, diem vtrique parti statuit, & notatam Abbati designauit, utque vel per se, vel per sufficientes responsales suos cum munimentis Ecclesiæ suæ ad eius præsentiam denominato die occurreret, ad illata responsurus, per pietatis suæ scripta mandauit. Vterque igitur secum adhibito sufficienti, & ut cuique videbatur, legitimo testium comitatu, vniuersali se præsentauit Curia, finem quisque suæ causæ ratus tanto sub examine adepturum se fore. Interea iusti tenax merito dicendus Abbas Pontius accedens ad summum Pontificem, conquestus est non debere se omnino subire actionem quamlibet, vel iudicium huiusce rei cuius per Apostolicam manum & perpetua possessione

Coram Sū-  
mo Pontif.  
de immu-  
nitatibus  
Vizel. con-  
trouertitur

Decidit à  
causa Epif-  
copus E-  
duenſ.

rueretur, & eiusdem Apostolicæ auctoritatis per plura & antiqua Rom. priuilegia testamento perpetuæ libertatis hæres esset constitutus. Ad quod pius refert Apostolicus, tantò æquiùs ac liberiùs eū debere etià iudicij examē expetere, quò suæ iustitiæ magis conscius esset; sciens proculdubio causam suam eò semper robustiorem fore, quò iudicij libramine perpensa de cætero ab omni quæstionis nodo redderetur absoluta. Qui si etiam fortè, quod futurum non sperabat possibile, inconsiderato præiudicio in causâ suâ quoquomodo grauaretur, tum demum auctoritate priuilegiarum cuiuslibet præiudicij violentas determinaciones refragari posse non dubitaret. Hac permotus ratione Abbas acquiescit suscipere actionem, & iam causam suam vtrique pars prosequitur; in qua prosecutione definitum est Eduensem nihil ex proprietario iure, nihil ex inuestitionis possessione, nihil vt sibi videbatur ex longi temporis præscriptione, nihil etiam ex fructuario seu legatario, sed tantummodò largitionis, permissionisue vsu, de more Vizeliacensis libertatis quibuslibet etiam cuiusuis prouinciæ concessio Episcopis, efficere in quæstione; cùm è diuerso Vizeliacensis Abbas nec longi temporis præscriptionē, nec legatarium, siue alium quemlibet alienæ acquisitionis vsum prætenderet, sed omninò ex proprietario iure, & antiqua perpetuæ possessionis inuestitione Vizel. Ecclesiam semper obtinuisse prædictam libertatem diceret; & hanc non libertina emancipatione sibi collatam, immò sibi innatam, & secum connatam fuisse, secumque adoleuisse, atque ad hæc vsque tempora irrefragabiliter in ea perdurasse sufficienter peroraret. Cùm autem allegationes suas testibus vterque præmuniret, dictum est ex sententia confessus, vt producti testes iurisiurandi sacramento testimonia sua firmarent. Forma verò iuramenti huiusmodi fuit, vt quam sciret veritatem super causa vtriusque quisque aperiret; falsitatem porro penitus reticeret. Sic per iurandum obligatos Abbas produxit testes suos. Quorum testificationis modus talis est:

Testes Ab-  
batis refe-  
runt quid  
de iuribus  
agnouerint.

GERARDVS Prior Albornensis dixit: Antequam Monachus factus essem interfui Concilio quod tenuit Papa Paschalis Guarestallæ, & vidi quod ibidem benedixit Abbatem



**Vizeliac.** Renaldum. Pòst Monachus Vizeliaci factus sum, & idem Abbas misit me Altiffiodorum cum Petro Aribaldi Clerico, & alijs pluribus Monachis, Giberto, Achardo, Aimone, & recepi Ordines quatuor vsque ad Subdiaconatum, & Petrus Aribaldi ibi ordinatus est, sed quem Ordinem acceperit, non reminiscor. Alio tempore ab eodem Episcopo Vmbaldo Subdiaconus ordinatus sum. Postmodum Episcopus Andegauensis Romam pergens Virzeliaco Chrisma & sanctum oleum confecit in maiore Ecclesia, & credo indubitanter Capellanos eiusdem villæ illud sanctum Chrisma & oleum recepisse; & idem Andegauensis me Diaconum & alios Monachos, & quosdam Clericos eiusdem villæ alia vice ordinauit Vizeliaco; Sed Clericorum nomina non reminiscor. Et idem Abbas misit me & Ioannem Monachum ad Vgoné Niuern. Episcopum, qui nos Presbyteros consecrauit. Et cùm essem apud Sanctum Iacobum in Esconio Obedientia Vizeliaci, vidi Guilelmum Barzelim Nuntium Renaldi Abbatis euntem Altiffiodorum pro Chrismate, & inde rediens cùm aliquantulum nocte quiesceret, Chrisma mihi commendauit; postmodum ipse idem à me resumens Vizeliacum detulit. Alio tempore vidi Amicum de Vlmo ab eodem Abbate Renaldo ad eundem Hugonem Episcopum missum pro Chrismate & redeuntem cum Chrismate. Tempore eiusdem Abbatis Renaldi quidam parochianus eius Stephanus Aicaphit Hierosolymam iuit, & dum ibi moram faceret septennio, vxor illius alij viro nupsit, postmodum verò memoratus Stephanus rediens vxorem repetijt; quæ cùm ei negaretur, ante præsentiam Abbatis Renaldi eam conuenit, ibique causa cognita iudicio & auctoritate Abbatis Renaldi suo viro restituta est, & assistente Petro Capellano S. Petri superioris, adulter & adultera poenitentiam ab Abbate susceperunt.

H v g o Prior de Moreto iuratus dixit: Albanensis Episcopus Matthæus ordinauit me Subdiaconem, & alios plures Monachos, Vizeliaci in Capella S. Laurentij, tempore Alberici Abbatis, Papa Innocentio existente Altiffiodoro, & vidi tempore eiusdem Abbatis quòd Rothomagensis Archiepiscopus Hugo altare sancti S. Egidij in maiori Ecclesia

consecrabit, & vidi matrimonium Arduini & Siciliae, vnde controuersia erat, auctoritate & iudicio Vizeliac. Abbatis Alberici, praesente & assistente Galterio Cabilonensi Episcopo confirmari: & ipse pater & iuuenis filius erant de parochia Eduensis, videlicet de Glana. Garnerius Subprior Virzel: duxit me Altissiodorum, & ibi ab Episcopo Hugone, qui fuerat Abbas S. Germani, in Sacerdotem cum pluribus Monachis nostri Monasterij ordinatus sum. Postea, cum essem Camerarius, XIII. Monachos Altissiodori per Hugonem Altissiod. ordinari fecit (qui fuit Pontiniacensis Abbas) ad vocationem Alberici Abbatis. Stephanus Eduensis Episcopus consecrauit altare S. Andeoli positum in Choro Monachorum, & audiui Stephanum Episcopum Eduensem dicentem Comiti Niuernensi, quoniam vocatione Abbatis Cluniacensis Petri, & Monachorum Virzel. venerat ad benedicendum Abbatem Pontium, & hoc fuit in Camera Abbatis. Et vidi saepe Carnotensem Episcopum Guifredum, & Altissiodorensem Hugonem, qui fuit Abbas sancti Germani, celebrantes Missas in Ecclesia S. Mariae Magdalenae in festo eiusdem, praesente Eduensi Stephano & non contradicente.

ANSELLVS Vizel. Monachus iuratus dixit: Vidi Abbatem Pontium committere Ecclesiam S. Petri inferioris cuidam Presbytero Bernardo tam in spiritualibus quam in temporalibus, & hoc in Capitulo. Et idem commisit Presbytero Guidoni Ecclesiam S. Petri superioris pro spiritualibus & temporalibus praesente capitulo: & idem Abbas commendauit Presbytero Andreae Ecclesiam S. Stephani similiter in Capitulo; & haec omnia post concordiam, quae facta est apud Molinos, contigerunt. Matthaeus Albanensis Episcopus me in Diaconem & tres alios Monachos in capella S. Laurentij ordinauit. Hugo Altissiodorensis Episcopus, qui fuerat Abbas sancti Germani, me in Presbyterum & plures alios ordinauit apud Pontiniacum. Henricum Eduensem Episcopum cum processione vidi recipi Vizeliaci, & plures alios.

HUGO de Siluiniaco Monachus & Presbyter iuratus dixit: Helias Aurelianensis Episcopus me in Presbyterum, & plures alios Monachos, & Guidonem, qui modo Capellanus est,

est, & Renaldum Reialta me vidente in Presbyteros ordinavit in Ecclesia maiori Virzeliacensi : & eodem anno meae ordinationis vidi Nuntium Abbatis Pontii, Durantum nomine, euntem pro chrismate & oleo ad Episcopum Niuernensem Frotmundum, & cum chrismate & oleo redeuntem : & cum ex consuetudine Virzel. Monasterii nullus Clericorum villae debeat ire ad synodum sine licentia Abbatis, vidi tempore synodi quod Abbas Pontius Sadonem & Petrum Aumbaldi maiores Capellanos vocauit, & praecepit eis ne ad synodum irent, & ipsi obedierunt. Et cum Presbyteri iuxta festum Omnium Sanctorum licentiam eundi ad synodum peterent, Abbas non concessit, & ipsi non iuerunt. Vidi Arnulfum de Ferrarijs ex mandato Abbatis Altiissiodorum pro chrismate & oleo euntem, & cum chrismate & oleo redeuntem, & hoc post concordiam; & iam sunt sex anni: & vidi post concordiam altare S. Michaelis in maiore Ecclesia ab Hugone Rotomagensi Episcopo benedici : & post concordiam vidi Hugonem Altiissiodorensensem Virzeliaco ordinationes facere : vidi quaestiones trium Matrimoniorum deponi apud Abbatem Pontium Oberti Saltarelli, & Helizabeth, & Americi Cerarij, & filiae Blaucardi Sartoris, & fratris Drogonis, & filiae Petri Mercatoris, & terminari auctoritate Abbatis. Et in causa Oberti & Helizabeth fuit aduocatus Ermannus, qui modò est Archidiaconus & Archipresbyter Aualonensis, de donatione trium Ecclesiarum idem penitus dicit quod Ansellus Monachus Virzeliacensis.

Hugo de Scola Vizel. Monachus & Presbyter dixit; Tempore Alberici Abbatis Prior de Moret Hugo duxit me cum pluribus alijs Altiissiodorum, ibique nos ordinari fecit, me in Subdiaconum, & reliquos in diuersos Ordines ab Hugone, qui fuit Abbas Pontiniacensis. Tempore Pontij Abbatis Helias Aurelianensis Episcopus ordinavit me in Diaconem, & plures alios in diuersos Ordines, Guidonem, qui modò maior Capellanus est & Renaldum Raiaza in Presbyteros, & hoc in maiori Ecclesia. Et tempore eiusdem Pontij vidi Humbertum Lugdunensem, tunc Eduensem, vocatum ab eodem Abbate Vizeliac. in Ecclesia peregrinorum ordinare plures alios in Presbyteros, alios in Diacones, alios

T t t

in diuersos Ordines : Et vidi Hugonem Rotomagensem Archiepiscopum consecrare altare S. Michaelis , & hoc in maiorj Ecclesia , & post pacem reformatam : & vidi Hugonem Altissiodorensē ordinare duos Guifredos in Subdiaconos. Et de donatione trium Ecclesiarum idem prorsus dicit quod Ansellus & Hugo. Vidi Humbertum , qui nunc est Lugdunensis , & Henricum , qui nunc est Eduensis , in Burgo Vizel. & quandoque in maiorj Ecclesia hospitari , & quandoque in Burgo suis sumptibus procurari. Vrsus iuratus dixit idem de chrismate & oleo quod Hugo de Siluiniaco , & de synodo idem ; de quæstionibus & terminationibus matrimoniorum idem dicit quod Hugo , excepto quòd mentionem Archipresbyteri Auallonenſis nullam fecit.

**BENEDICTVS** cocus Abbatis iuratus dixit idem de causa matrimonij Arduini & Siciliæ quod Hugo Prior de Moret , & de Matrimonio Oberti & Helizabeth , & de matrimonio Aimericj Cerarij , & filia Blanchardi Sartoris , & fratris Drogonis , & filia Petri Mercatoris , idem dicit quod Hugo de Siluiniaco Monachus & Presbyter.

**ALEGRETH** iuratus dixit idem de causa matrimonij Oberti Salterelli & Helizabeth , & Aimericj Cerarij , & filia Blanchardi sartoris , quod dixerat Hugo de Siluiniaco , & Benedictus cocus ; & dicit quòd quædam mulier iuit Hierosolymam , & quum moram faceret , vir eius aliam duxit , postmodum mulier reuersa virum repetiit , & in præsentia ipsius Pontij cognita causa , iudicio & auctoritate Abbatis viro suo reddita est , sed nomina eorum non reminiscitur.

Testes Episcopi Edu. adducuntur.

**HIS** amotis , obtulit Eduensis testes suos , quorum primus Abbas S. Margaritæ iuratus dixit se vidisse ad synodum Eduensis Episcopi sacerdotes Virzeliaci pluribus vicibus , continuè an assidue ignorat ; Sadum , Petrum , Bernardum , & hoc , tempore Stephani , Sadum & Petrum ; Humberti , Bernardum ; an debito vel voluntate nescit , si simul , non reminiscitur. Veruntamen sæpe audiui Monachos dicentes quòd ex debito non ibant ad synodum : querelam quando non veniebant sacerdotes Virzeliaci audiui , & vindictam vel satisfactionem nullam. Sacerdotes suspensos ab Eduensi scio reſtitutos à Domino Papa , & literas eius vidi. In reſor-

matione pacis audiui Abbatem promittentem se fidelem amicum deinceps futurum Eduensi, & talem se exhibiturum ipsi quales prædecessores eius exhibuerant se prædecessoribus Episcopi. Vidi quòd Abbas obtulit huic Episcopo priuilegiũ Eugenij, & tunc Abbas Cluniac. dixit Eduensi Episcopo: Cùm opus fuerit vade Virzeliacum, & fac vt Episcopus præsentem Pontio Abbate ipsius Monasterij.

IOANNE S Prior S. Symphoriani iuratus dixit: Ego vidi quòd Humbertus Episcopus Eduensis celebravit Missam Vizeliaco, & sermonem fecit, & hoc quadam solemnitate, & tempore Synodi vidit Sadonem & Petrum Eduis, & creuit quòd ad synodum venirent. De reformatione pacis hoc dixit se audisse à quodam quòd Episcopus iret Virzeliacum, & faceret ibi officium suum, & hoc post reformationem pacis.

EBERARDVS Archipresbyter iuratus dixit: Vidi Stephanum Eduensem Episcopũ die Paschæ, & Mariæ Magdalene celebrare Missas maiores & ad minus bis. In die S. Mariæ Magdalene quando Missas celebravit Eduensis, erat ibi Carnotensis Episcopus, & fecit ipse sermonem ad populum, Eduensis verò benedictionem: Idem Stephanus dedicavit Ecclesiam peregrinorum existente in Virzeliaco Papa Innocentio, quo tempore fuit ignoro. Idem dedicavit altare de Choro Monachorum, & altare de Capella sancti S. Stephani, & vidi quòd benedixit Albericum Altissiodori, & vidi Pontium benedici ab eodem, & vidi ordinationes Monachorum & Clericorum fieri ab eodem Stephano in Ecclesia peregrinorum, & hoc semel. Vidi Bellinum, Angilbertum, Sadonem & Bernardum, Capellanos Ecclesiæ inferioris: Petrum Grælum, Blainum, Sadonem, Guidonem, Ecclesiæ superioris venire ad synodum continuè exceptis duobus annis, hoc præsentem, & eo quando fuit discordia inter Humbertum Eduensem Episcopum & Abbatem Pontium, pro Ordinibus ibi celebratis ab Aurelianensi, & hoc per XXX. annos. Hoc idem de chrismate & oleo: de pace idem quod Abbas, excepto eo quod verbum illud, vade Virzeliaco, non dixit: Sed postmodum vidi Episcopum ibi celebrare ordines semel, & vidi duos clericos, Bonnamicum, & Petrum volentes ordinari, portare literas Eduensis Altissiodorensi: & vidi duos

Capellanos, videlicet S. Stephani & S. Iacobi de Esconia venire ad synodum Eduensem, & hoc vel semel. Ego idem Archipresbyter Eberardus vidi duos excessus Clericorum puniri, videlicet Blandini Subcapellani, & Mainardi de Esconio; & vidi Angelbertū Capellanum S. Petri inferioris recipere curam animarum à Lamberto Presbytero Aualonenſi; & Bernardum ab Humberto Eduenſi, & audiui eum dicentem, quia volebat quòd Abbas nesciret. Petrus & Andreas Capellanus Sadonis, & Galterius de Esconio, adduxerunt mihi parrochianos suos ad pœnitentiam recipiendam de criminibus, & hoc sæpe & ex antiqua terræ consuetudine: vidi per XL. annos, quòd parrochiani de villa Vizeliaci singuli de singulis domibus veniunt ad Ecclesiam Aualonenſem, & ibi vnusquisque nummum, vel ceræ nummatam Ecclesiæ præstat: Vidi Sadonem & Petrum recipere curam animarum à Stephano Eduenſi Episcopo: Vidi Renaldum Lugdunenſem Archiepiscopum facere Ordines ibi tam de Monachis quàm de Clericis: Vidi quòd Abbas Vizeliac. mittebat Monachos suos ordinandos Episcopo cui volebat: Vidi instrumentum Fundatoris: legi coram Domino Papa Innocentio, in quo continebatur quòd liberum esset Monasterium ab omni exactione pecuniæ præter libram argenti quæ annuatim offerebatur Ecclesiæ B. Petri, & eo lecto dixit Dominus Papa Episcopo: Vade fac quod tuum est: Et vidi quod Ecclesia S. Petri singulis annis pro parata à XL. annis retro quinque solidos Ecclesiæ Eduenſi annuatim persoluit.

ARNVLFFVS iuratus dixit: Vidi quòd Stephanus Episcopus benedixit altare quoddam in Ecclesia S. Stephani: nescit tamen quod altare fuerit, cùm ibi plura sint: idem benedixit altare de choro in Ecclesia S. MARIE. Idem benedixit Ecclesiam peregrinorum, & erat ibi Papa Innocentius: sicut credit in eadem Ecclesia idem fecit Ordines Monachorum & Clericorum illius villæ, & aliorum sui Episcopatus; & cùm essem in Sedeloco Archipresbyter vidi Aganonem Episcopum euntem Vizeliaco ad Ordines faciendos, & vidi Clericos redeuntes qui dicebant se ordinatos. Et audiui quòd in sequenti die post Ordines dedicauit Ecclesiam de Esconio. Idem Stephanus celebrauit Vizeliaco Missas ma-

iores in Resurrectione Domini & S. Mariæ Magdalena, & Carnotensis fecit sermonem, & Eduensis benedictionem, & hoc contigit pluribus vicibus me vidente: Vidi quod per XXX. & V. annos continuè Sacerdotes Vizeliaci veniebant ad Synodum Eduensem: aliquorum nomina sunt hæc, Blandinus, Sado, Petrus Grandella, Petrus Armembaldi, Guido. Vidi Narigaldum Episcopum recipi à Monachis Vizel. cum processione: Vidi quod Stephanus benedixit Albericum Altissiodori, sed de Ecclesia non reminiscitur.

Galterius Archipresbyter iuratus dixit, quod Stephanus Episcopus benedixit Abbatem Pontium, benedixit altare de Choro. De concordia hoc idem quod & alij, & post fecit ordinationes in Ecclesia S. Petri, & Stephanus confirmavit ibi omnes, & vidit Sacerdotes Virzel. venire ad Synodum Eduensem multotiens, & Guidonem & Bernardum, qui modò sunt, & V. solidos recepit decem annis pro parata, & vnaquæque familia nummum vnum pro crucibus, & hoc semel vidit & multotiens audiuit, & audiuit quod Abbas Vizel. mittat Monachos ad quem vult Episcopum ordinandos.

GALTERIUS Presbyter iuratus dixit, à XXX. annis retro se vidisse clericos Virzel. petere chrisma ab Archipresbytero Aualonensi, præter præsentem, & annum discordiæ, qui fuerint Nuntij ignorat, & vidit benedici Ecclesiam peregrinorum à Stephano Episcopo, commorante in villa Papa Innocentio, quo tempore fuerit ignorat; & erat ibi Abbas, sed nescit nomen eius. Idem consecruit altare de choro maioris Ecclesiæ, quæ consecratio alteram præcesserit, nescit. Idem vidit Landricum, Petrum, Angibertum, venire ad synodum Eduensem, & hoc per XXX. annos, & vidit quod Angilbertus suscepit curam animarum ab Archipresbytero Aualonensi: per XXX. annos vidit Petrum Gradella, Sadonem, Blandinum, cum successoribus suis venire ad synodum. Idem vidit Ecclesiam S. Petri inferioris paratam soluere Ministris Episcopi XXX. annis. Idem vidit Blainum Capellanum Sadonis puniri ab Archipresbytero Aualonensi pro excessibus suis; & eundem Mainardum & Galterium de Vvalteria: & audiuit quod Abbas Vizel. mittebat Monachos ordinandos quod volebat.

**IOANNES** Gentilis iuratus dixit, quia à XXX. annis vidit Clericos Ecclesiæ S. Petri tam superioris quàm inferioris venire ad synodum, sed non continuè, & vidit Angilbertum Ecclesiæ inferioris recipere curam animarum à Lamberto Archipresbytero Aualonensi, & audiuit Petrum & Arebaldum, & Sadonem dicentem se recepisse curam animarum à Stephano Episcopo, sed non vidit: & vidit Capellanos Vizeliac. recipere chrisma ab Archipresbytero Aualonensi & Monte regali per triginta annos, sed non continuè: & vidit Petrum Gradella petere Archipresbyterum in synodo ab Episcopo Stephano & hunc præsentem concessit; & de excessu Blaiui idem dicit quod alij: & vidit denarios crucis solui; & vidit Capellanos Vizel. adducere parochianos suos, vt reciperent poenitentiam ab Archipresbytero Aualonensi. de dedicatione Ecclesiæ peregrinorum idem dicit: de celebratione Missarum ab Episcopo idem quod & alij. Bonus amicus idem per omnia quod Gentilis, præter præsetem annum & discordiæ.

**GOSFRIDVS** iuratus dixit, quòd multotiens vidit Sadonem, Petrum tempore Stephani, & Humberti, Bernardum & Guidonem tempore istius venire ad Synodum; & vidit quandam Clericum Virzeliaci petentem licentiam ab Episcopo ordinandi.

**CONSTANTINVS** iuratus dixit, quòd sæpe iuit ad Synodum cum Clericis Vizeliaci; & quòd quidam Clericus Vizeliaci ordinatus est per litteras Eduensis.

**GOSFRIDVS** Niuernensis Episcopus coram positis sacrosanctis Euangelis dixit: Vidi quòd Eduensis Episcopus Stephanus vocatus, & aliquando non vocatus Vizeliaco vt Episcopus recipiebatur, & aliquando à Monachis, aliquando suis sumptibus procurabatur, & in festo B. Mariæ Magdalene Missas solemnes, aliis quibusdam Episcopis astantibus, sæpe celebravit; & semel Eduensi celebrante solemnia Carnotensis sermonem fecit; & vidi quòd idem Stephanus benedixit Abbatem Albericum Altissiodorj, & idem Stephanus consecrauit Ecclesiam peregrinorum, existente Papa Innocentio Vizeliaco. Alio tempore idem Stephanus benedixit altare in choro Monachorum, alio tempore idem Stephanus benedixit altare in Ecclesia sancti Stephani: &



interfui cùm pax reformata est inter Eduensem & Vizeliacensem mediante Cluniacensi, vbi in vltimo dictum Eduensi est; Vade Virzeliaco, & fac ministerium tuum. Sed siue hoc Abbas dixerit, siue alius pro eo, non recordor. Et alio tempore Pontius Abbas cum Eduensi Humberto ab Vrbe veniens, cùm Episcopus eum præcessisset, postmodum ab eodem & Clericis eius dictus Abbas cum processione susceptus est Eduæ: & inde in Capitulum Eduense veniens amicitiam & dilectionem Eduensi secundum consuetudinem suorum prædecessorum promissit.

HUMBERTVS Lugdunensis coram positis sacro-sanctis Euangelis dixit: Cùm essem Eduensis Episcopus non vocatus iui Vizeliacum, & in maiori Ecclesia in Pascha Missarum solemnia celebraui credens meo Episcopali iure vti, & sermonem ad populum feci, & benedixi præsentem quodam alio Episcopo. De concordia idem prorsus dicit quod Episcopus Niuernensis, nisi quod asseuerat Abbatem dixisse ei: Vade & fac Virzeliaci quod antecessores tui facere consueuerunt. Postmodum vocatus Vizeliaci Ordines celebraui tam Monachorum quàm Clericorum villæ, & quorundam clericorum mei Episcopatus. Et alia vice Eduæ Ordines celebrans, Clericos Virzeliaci cum Clericis meis aliis secundum consuetudinem examinans promouit: Et quandiu Episcopus fui, Clerici Vizel· ad Synodam meam singulis annis venerunt, vel excusationem miserunt. Archipresbyter Aualonensis quendam Burgensem Vizeliaci ad me adduxit, qui vxorem causa sterilitatis dimiserat, cui mandavi, vt dictante iustitia Burgensem ad recipiendam vxorem cogeret.

ITA testimonia sua prosecuti, in partem cedunt testes Eduensis, quorum voces, si diligenter pēsantur, causâ Eduensis examinare potius quam fulcire probantur. Celebratio quippe Missarum, consecratio altarium, distributio Ordinum, largitio benedictionum, petitio sacri olei vel Chrismatis, & alia huiusmodi vicino & Comprouinciali Episcopo. æquè vt peregrino liberali permissione pro arbitrio Vizeliacensis libertatis conceditur. Quod igitur cum cæteris sibi commune est iure proprio, minime illi cedit. Cæterum quod ab Eduensi suspensos per Apostolicam libertatem suis ordinibus restitutos te-

stantur, causam Vizeliac. faciunt, & suam, hoc est, Eduensis, penitus destruunt. Quòd Vizeliaci Clericos Eduensem synodum frequentasse, quòd licentiam ordinandi ab Eduensi petiisse, quòd curam animarum ab eodem suscepisse, quòd paratam soluisse, quòd Parochianos suos pro poenitentia Archipresbyteris duxisse referunt, si fas est dicere, & Sacerdotum fraudulentiam, & Eduensis temeritatem produnt, dum hæc inscio utique Vizeliacense perpetrata fatentur, ac per hoc grauis actori redditur causa, quæ furtiuus surreptionibus allegatur annexa.

Igitur posteaquam vtriusque partis testes, prout superius expressum est, testificati sunt, decreuit summus Apostolicus, vt iudicio tantæ litis controuersia dirimeretur: & quoniam suprema formido argumentum est sæuæ conscientia, fit nonnunquam vt extremis subacta periculis cogatur mens perpendere quod in pace olim quodammodo dedignabatur prospicere. Causa itaque posita in articulo discriminis, perturbatur Eduensis suæ conscius temeritatis. Quia porro cum non latebat Romana æquitas in censura duntaxat iuris iustitiæ, fluctuare cœpit, dissimulare nequiuit, iudiciū tamē differri petijt, dicēs causæ suæ adhuc se habere efficacissimos cōprobatores, qui languore & ætate confecti, laborem tanti itineris non possent aggredi. Verum si infra Gallias competens & loco & die sibi præstetur actio, hos proculdubio se exhibiturum, atque post horum voces in eius præsentia statuto ab eo tempore indubitanter se subiturum Apostolicam sententiam pollicetur, nisi fortè interim optata pax intercedat. Tum Vizeliacensis superuacaneam comperendinationem ratus, & de temporis indulgentia potius quàm de causæ constantia Eduensem sperare considerans, iusiuris, vel iurisiudicium instanter reposcebat: præualuit tamen Apostolica clementia, & tandem iudicium distulit, diem repetendæ sententiæ statuit, Vicarios auditores testium suorum infra Gallias Episcopos designauit, videlicet Episcopum Lingonensem Godefredum, necnon Petrum Trinorciensem, & Stephanum Regniacensem Abbates. Quibus & per scripta mandauit, vt die & loco congruo prædictam causam inter Eduensem & Virzeliacensem suscipientes, testes quos Eduensis

ensis legitimè proferret sub forma præscripti iuramenti audirent, atque eorum testificationes descriptas, & sigillorum suorum munimine consignatas per eosdem sibi ad statutam iudicij diem transmitterent. Cuius tenor epistolæ superius in serie Epistolarum illius quas ad diuersos ob tutelam Vezeliacensis libertatis fecit, continetur. Enimuerò incomparabilis memoriæ Papa Eugenius pia sollicitudine futuris præcauens euentibus, vtriusque partis testificationes iussit conscribi in triplici scedula, quarum vnā Episcopo, Abbati alteram dedit, tertiam verò suis indidit scrinijs, quatenus si fortè vel in sua vel in sui successoris præsentia hæc eadem iterum agitaretur controuersia, præscriptæ testificationes ac si viuæ voces nouitates omnes refellerent, & Iudicium, vel agentium alteratam successionem suppositi testes non fallerent. Sic rebus gestis, suis vterque redditur.

Eduensis autem optata dilatione potius, proposita diffimulare, tempusque redimere nitebatur, ac de his quæ pro dilatione summo Pontifici pollicitus fuerat, penitus nihil curabat. Cùmque moras ægrè ferret Abbas, quibus impedimentum causæ suæ & non finem litis parere sentiebat, Lingonensem Episcopum, qui fortè quadam die Vizeliaco aduenerat, conuenit, deque Domini Papæ mandato requisit. Qui respondit eum potius hanc requisitionem facere debere qui actionem proposuerat, cùm plerumque tacendo liti renunciatur. Ipse autem, videlicet Eduensis, necdum super hoc negotio quicquam sibi sit locutus.

Interea sanctæ memoriæ S. Eugenius sanctæ Sedis Apostolicus, viam vniuersæ carnis ingreditur. Cui Anastasius S. R. Ecclesiæ Vicarius subrogatur. Quo comperto, Virzeliacensis metuens ne faciem noui Præfulis præueniret, eius hostis, scribit ad eum ocyùs, significans quanti semper habita sit vsque hodie Virzeli. Ecclesia in oculis omnium Apostolicorum qui eum præcesserunt. Supplicat præterea, vt exemplo Patrum suorum Romanorum Pontificum Vizel. Ecclesiam vti proprium ius & alodium B. Petri ac infestantium in iurisdictione, maximè autem ad præsens ab Eduensis temeraria præsumptione tueatur, describens qualiter causatam, illius quàm sua in præsentia piæ memoriæ decessoris sui Eugenij

V u u,

ventilata per dilatam iurisiudicij diem petente Episcopo remansisset infecta. Ad postremum, ut eius pietas transactam morte Iudicis sententiæ diem in sua præsentia renouare, & Eduensi denunciare dignetur, exorat.

**D**I V V s ergo Apostolicus specialis Ecclesiæ patroni preces admittens, renouationem causæ vtriusque mandat, & quintam decimam post Pascha vtrique præscribit, nisi fortè ex consensu alterutro pax interim Ecclesiarum reformetur, quatenus quæ suus prædecessor infecta reliquerat, Deo agente per eum bono fine terminarentur. Tunc nodosa ceruix sese contorquens, ut potè insperatis percussa spiculis, rebus iam desperans Ducem aggreditur, & iam cum fratre agit de pace sua, cum quo egerat aliquando de oppressione aliena. Quippe veritus ne dum alienis inhiat, amittere cogatur & propria, duellioni renunciat, de reformatione pacis cogitat: Quique hactenus aliena per se vsurpare contenderat, iam iam aliis mediâtibz sibi consulere festinat. Ne verò fraterna esset suspecta malitia, religiosæ vitæ, & honestæ famæ viros Dux ipse cum Episcopo interpellat, Abbatem scilicet Cisterciensem, & alios plures eiusdem Ordinis. Hi ergo Vizel. Abbatem Pontium adeûtes cum supplicatione preces Ducis offerunt, & vice Episcopi pacem repræsentant, pacemque reposcunt. Nec pati repulsam merentur, quoniam apud generosos animos rigorem rectitudinis semper comitatur lenitas mansuetudinis. Cedit ergo Abbas humiliter supplicanti, qui non cesserat arroganter superbienti: & his mediantibus per manum Ducis pax inter vtramque Ecclesiam reformatur, controuersia omnis pacificatur, dantque inuicem amicitiae oscula, atque ineunt perpetuæ pacis fœdera. Quæ pacis compositio, ut etiam inter successores custodiretur illibata, manus suæ formatam fecit, quam & sigillisui munimine corroborauit, ut sequens probat exemplar.

Tandem  
pacem init  
Abbas cum  
Episcopo  
Eduensi.  
Vizeliac.  
Ecclesiæ.

„ **N**O T V M sit tam præsentibus quàm posteris, quòd ego  
„ Henricus in Dei nomine Eduensis Episcopus consilio reli-  
„ giosarum personarum, & quorundam Fratrum Ecclesiæ  
„ nostræ, controuersiam & querelam diu inter Eduensem &  
„ Virzeliacensem ventilatam tali tenore amicabili composi-  
„ tione sopitam esse volui, ut in bona pace & concordia tam

„ ego quàm Pontius Abbas prædictæ Ecclesiæ permanea-  
„ mus & persistamus, saluo iure in vita mea, & priuilegiis  
„ vtriusque Ecclesiæ. Prædictam autem transactionem siue  
„ compositionem me superstitite ratam esse decerno, adeò vt  
„ post mortem meam nullum præiudiciu vtraque Ecclesia  
„ hinc patiatu. Testes sūt ex parte vtriusque; GvILELMVS  
„ Abbas Fonteneti, HvGO Abbas de Busséria, PETRVS  
„ Abbas de Monte sancti Ioannis, OTBERTVS Abbas S.  
„ Margaritæ, Magister OTBERTVS, SIGNINVS de Li-  
„ niaco, GISLEBERTVS Prior Oisiaci, GIRARDVS  
„ Buca, HVGO de Moncellis, & multj alij.

Hæc pro nostræ modulo paruitatis de libertate Vizeles.  
Ecclesiæ quanta potuimus breuitate & veritate perstrinximus,  
latiora fortè sed non veriora maiori committentes otio.  
Et veritate quidem filiis atque amatoribus huius Ecclesiæ  
fecimus, vt credimus, satis. Breuitate autem talium subsan-  
natoribus condescendere curauimus. Semper quippe vtilia  
scribentibus succensere nonnulli, vel gestorum inuidia capti  
vel eorum quæ proferuntur ignari. Cùm autem sapientis  
otium nihil arbitretur otiosum, quin alienum otium suum  
ducat officium; è conuerso maximum est insipientis negotium  
adscribere otio quicquid prudens elaborat studium, quod sui  
precio pensantes, compendio vsi cursim stilum exegimus.  
Licet enim temporum ætate iuniores nos Ecclesia protulerit,  
nostram tamen erga ipsam nihil deuotionem minuit, si posse  
nostrum qualecunque illius profectibus affectu integerrimo  
impendamus, nec diffidimus quin præstet vires ipsa, quæ  
præstitit velle & gratia, dummodò degere nobis detur sine  
querela. Quia verò aliquanti loco mercenarij, & non natura  
filij, sua quærentes, & non quæ sunt adepti officij, in com-  
muni causa, vel sub obtentu communis causæ propria sectan-  
tur emolumenta, nos ab hac specie adeò mentem defecatam  
geffimus, vt solo & simplici respectu communis boni pro  
communi bono ad commune bonum his operam dederimus.  
Sanè spem nostram in eo solo & ad eum solum contulimus,  
qui nullum bonum esse decernit irremuneratum ab æuo &  
vsque in æternum.




# HISTORIÆ

## VEZELIACENSIS

### LIBER TERTIVS.

**P**ontius Abbatum regni celeberrima virtus  
 Vizeliacenses forte regebat oues.  
 Dúmque sibi morum parat instrumenta bonorum  
 Dum sibi commissæ prouidet Ecclesiæ;  
 Suscitât inuidiam turbâ turbatior omni  
 Seruorum in Dominum seditiosa manus.  
 Plebs armata dolis, dux & via proditio  
 Frangere docta fores, & spoliare domos.  
 Ædibus ausa dehinc assultum impingere sacris,  
 Inque necem Domini tangere sacra manu.  
 Quæ mala, quot clades rabies compleisset iniqua,  
 Ni celerem prudens Abba tulisset opem?  
 Si rerum causas quæris cognoscere Lector,  
 Præsentis libri pagina pandet iter.  
 Hanc tibi noster Hugo vir stemmate Pictauiensis  
 Elegit gratis pendere mente, manu.  
 Perlege, cognosces quantum bene, quàm sapienter  
 Quamque suo fulgens ordine currat opus.  
 Inuida lingua tace, cui virtus est inimica,  
 Cui semper studium velle nocere bonis.


**R**ÆCI cuiusdam famosissimum fertur prouer-  
 bium, quòd in tripoda Apollinis dicitur inuentû:  
 Scito te ipsum, & vide te ipsum. Nihil in humana  
 natura utroque clarius, nihil preciosius, nihil  
 denique excellentius. Per hæc quippe singulâ  
 prærogatiua passibilibus cunctis homo præfertur, & connexa  
 vnitate impassibilibus quoque coniungitur. Est autem scire  
 seipsum, propriæ dignitatis conditionem nosse atque intelli-

gere : Videre quoque seipsum est ipsam dignitatem conditionis sinceritate fidei, & pietatis cultu excolere. Quia igitur primæ parti specierum prædictarum, hoc est scientiæ, supponitur quod intendimus<sup>1</sup>, de dignitate Vizeliacensis quo potuimus compendio partim in superiore libro egimus : In quo dum res commendare & non verba iactare studuimus, quasi placidi æquoristerga sulcantes enauigauimus, scientes pium Lectorem ex superficie verborum pondus negotij coniecturum. Verum quoniam prædictæ libertatis siue dignitatis vestes, scilicet Ecclesiæ possessiones, quidam ore canino lacerare, vel pede belluino discerpere, audacia fisci, non virtute freti, conati sunt; placuit serenissimo atque strenuissimo Patri nostro venerabili Pontio Abbati per hæc scripta mandare longè post futuris, qualiter & quomodò per diuinam prouidentiam & conatus æmuli euauerint, & Ecclesia suis ipsis casibus enituerit. Nec verò istis quasi proprium exercentes ingenium otiosi incumbimus, quibus voti esset propriæ potius quàm alienæ eruditioni vacare. Sed mouemur vtique tum cōuorum probitate, tum succedentium vtilitate, tum Ecclesiæ matris dignitate. Mouemur necne irrepugnabili iam dicti Patris imperio, qui pro hac eadem libertate & dignitate ad sanguinem vsque decertauit, licet votum sceleris percussor non obtinuerit, nihil tamen in eo defuit quin fere totum se immunitati Ecclesiæ impenderet, & suam pro illius salute negligeret. Cuius videlicet Ecclesiæ sponsæ suæ casto flagrans amore, cum iura illius per aliquot annos & officiosissimè disponderet, & strenuissimè administraret, inuidente fortuna, næuo eam prauæ commixtionis constuprari persensit. Tum ille zelatus, & stans ex aduerso pro domo Israel, se se obicem adulterinis obtutibus præbuit, & per plura vitæ suæ pericula clariorem & perspicabiliorem libertatis sponsæ suæ puritatem effecit, sicuti nostram infirmitatem Deo iuuante, & nostram paruitatem ipsius Patris auctoritate corroborante, in sequenti more nostro sectantes compendium, propalare curabimus, quatinus & præsentibus habeant quo fruantur, & futuri quid æmulentur. Quia etenim piorum est communi potius quàm priuatæ vtilitati intendere; fategemus & nos profectui futurorum prouidere,

Iussu Pontii Abbatis id Opus Auctor est aggreffus.

& caritatis vestem ad talum usque protendere. Opus ergo pium pius Lector piè legat : susurro autem & detractor procul absistat. Cui autem nostra displicent, aut adulterinus, si tamen filij nomine dignus fuerit, aut vernaculus, nedum dicamus Ecclesiæ inimicus reputabitur. Si enim placuit antiquis vel aniles fabulas, vel monstruosa portenta ob solam elegantis ingenij ostentationem tradere memoriæ ; & hæc etiam nostris temporibus non infructuosè aliquando leguntur ; multò acceptabilius, multoque fructuosius fore futuris credimus, nosse tum gestorum veritatem, tum ipsius fructus honestatem : neque prorsus talia fatemur quasi fraternæ caritatis examen dedignant, quin demantur ea quæ fortè per excessum effluxerunt, & suppleantur iidem ea, quæ vel nostram præterière notitiam, vel stili non admisit compendium. Utrobique sanè simplicem interpellamus affectum, quo & nostram non erubuimus penuriam ; & tanti oneris non negleximus laborem.

De immu-  
nitate ac  
nobilitate.  
Vizeliacæ-  
sis Ecclesiæ.

Cum Vizeliacensis Ecclesiæ ex dono fundatoris & ex dignitate Romanæ auctoritatis prærogatiua libertatis polleret, & oraculo beatæ dilectricis atque famulatricis Dei Mariæ Magdalenæ, quæ ibidem condita toto orbe prædicatur & adoratur, famosissima emeretur, multis ex partibus ad eam plures conuolauerunt, & tam sui copiâ, quàm rerum affluentia illud oppidum illustre conspicuumque reddiderunt. Prædia quoque ut erant amplissima & sibi contigua, locum ipsum suo situ delectabilem, opulentissimum adeò effecerunt, ut spectabilis ad usque fines terræ clareret, & gloriosus in vniuerso orbe emeretur. Huius loci corpus tanta & tam speciali caritate proprietarij iuris capiti suo Ecclesiæ unitum & compactum iungebatur, quod in qualibet parte sui cuiusquam participium dominij vel societatis admittere tanquam prophanum atque insolentiæ incentiuum abhorreret, & se ipso per Apostolicam gratiam in allodio testatoris constans nemini contractu alicuius seruitutis, nisi tantum Apostolico Pontifici, ceruicem flecteret. Ad cuius integræ libertatis notitiam si quis oculos castos ingenuæ simplicitatis intendat, perlecto Fundatoris testamento relegat, & primordialis, atque antiquæ auctoritatis Romanorum Pontificum priui-



legia, venerandi scilicet Nicolai, & vtriusque Ioannis, Benedicti quoque, necne alterius Benedicti, Leonis etiam & Sergij, & Stephani, & Marini, sed & diuæ recordationis Urbani, qui de Cluniaci Monasterio ad Apostolatus administrationem assumptus prædecessorum priuilegia seu decreta pro libertate iam dicti Coenobij Vizeliacensis, non solum intemerata & rata atque inconcussa esse voluit, immò etiam & suæ auctoritatis munimine corroborauit. Illis denique omnibus diligenter perspectis, nulla certè contraria, vel repugnantia offendet, nec ficticia & surreptitia esse omninò comprobabit; cum pro certò impium & sacrilegum sit sentire Apostolicos viros contraria sibi decernere, & quod ex opposito allegari potest sibimetipsis repugnare. Foelicis etenim memoriæ Gerardus Comes, cum pia coniuge Bertha, ob timorem Dei & sui suorumque salutem, Monasterium supra Choram fluuium, in proprio & liberrimo allodio suo construxit, & congregationem famularum Dei ibidem constituit, quod etiam Monasterium cum omnibus rebus ibi collatis Beatissimis Apostolorum Principibus, & illorum in Romana Sede per secula successoribus, dato testaméntario libello perpetuæ possessionis, regendum defensandúmque contradidit, dimota & penitus exclusa omni beneficiaria potestate cuiquam dandi aut mutandi licentia. Sed cum propter crebras irruptiones Sarracenorum præfatum Monasterium penè fuisset subuersum, ne pijs studijs hostilis præualeret inuidia, reædificatum est illud ab eodem Comite in adiacenti monte siue Castello Vizeliacensi, ac foeminino sexu commutata, seruorum Dei primus effectus est Abbas Eudò.

Origo libertatis Vizeli.  
zel.

1. Abbas.

Tantæ igitur deuotionis pietatem eiusdem Comitès Romana Sedes gratanter & benignè suscipiens, placuit ipsum Coenobium proprio iuri & allodio B. Petri ascribere, & gratiâ vel dono Apostolicæ auctoritatis auctum munire. Siquidem huiusmodi priuilegia suæ Apostolicæ auctoritatis decreto Romani Pontifices indulgentes concesserunt & confirmauerunt, atque statuerunt, vt nulli Imperatorum, nulli Regum, nulli Antistitum, nulli quacumque prædito dignitate de his quæ eidem Monasterio ab eodem Comite, vel à quibuscumque de proprio fuissent iure collata, sub specie

Sûma Priuilegiorum Apostolicorum.

cuiuslibet causæ siue occasionis minuere, vel auferre, siue suis vsibus applicare, vel alijs quasi pijs causis pro suæ avaritiæ excusatione liceat quocunque modo concedere, sed ab eis qui in eodem loco religiosa conuersatione degerent, illibata & sine inquietudine possiderentur; ea conditione, vt nullus Romanorum Pontificum vnquam vel vsquam quiddam de eisdem rebus cuiquam beneficiare, commutare, aut sub censu concedere, vel retinere per futura tempora pateretur, sed censum tantummodò vnus libræ argenti in testamento traditionis singulis annis ab eodem Monasterio Romana Sedes accipiens, piæ paternitatis suffragium sollicitudine pastorali vigilanter contra omnes infestantes eidem impendere studeat. Statuit quoque Sedes Apostolica, vt sine cuiuslibet surreptionis astutia communi consensu Fratrum, vel sanioris partis eiusdem Cœnobii consilio, electo Abbate, & à Romano Præsule approbato, de ordinatione ipsius, aut Monachorum, vel Clericorum, necne Presbyterorum, seu de largitione chrismatis, aut consecratione Basilicæ, aut de quacunque commoditate spiritualis vel temporalis obsequii nullus Pontificum, nullus Regum, nullus vel Ecclesiasticæ vel sæcularis personæ fidelium, per se suppositam-ve personam accipere aut iuris aliquid sibi vindicare auderet.

*Et Regum.*

Taliter Apostolicis priuilegijs compositis, Francorum quoque Regum Maiestas eidem Cœnobio clementer prospexit, & precibus Illustris Gerardi Comitis fauens tale edictum eidem fieri constituit, per quod quicquid Apostolicæ Sedis decretum fanciendo deliberasset, absque alicuius contradictionis scrupulo perpetuis temporibus inconuulsum manere statuit: præcipiens vt nulla sæcularis persona, vel ex Missis Regijs in præfato Cœnobio, aut prætitulato Castello, seu villis ad locum ipsum pertinentibus potestatiuè mansiones acciperet, aut paratas seu freda, vel cespitaticum, seu pontaticum, aut inferendas ab eo exigeret. Quisquis verò hoc immunitatis decretum temerare præsumeret, sexcentorum solidorum multam coactus exsolueret, medietatem scilicet Fisco Regio, & medietatem Ecclesiæ cui litem intulisset. Quod suæ auctoritatis præceptum vt plenior firmitatis vigorem

gorem obtineret, manu sua illud firmauerunt, & sigilli sui impressione signauerunt.

Sub tantæ igitur libertatis & immunitatis integritate nouella plantatio nouo cespite pullulauit, & ramorum suorum viridi fertilitate plurimas prouincias illexit. Sed quoniam inter cætera vitia quæ in præuaricatione primi parentis humana contraxit natura, inuidiæ liuor atrocius humanum genus infecit, multi hac peste corrupti tam Ecclesiasticarum quàm sæcularium circumadiacentium potestatum stolâ libertatis spoliare, & gloriâ suæ nobilitatis priuare iam dictum Monasterium conantes, de corde in corde locuti cogitauerunt ad inuicem nequitiam, & pertranseuntes in affectum cordis, ignominiam reportauerunt suæ confusionis. Licet etenim diuersis temporibus vel pariter vel vicissim sibi succedentes, sacri Cœnobij pacem vexare, inquietare, perturbare molirentur, & maximos magnæque auctoritatis eiusdem Cœnobij Patres multifariè multisque modis afficere non vererentur, omne tamen virus nequitiae suæ malignitatis totumque posse suæ prauitatis generatio nequam & viperina in præstantissimum atque prudentissimum nostri temporis Abbatem Pontium euomuerunt, & euomentes contabuerunt & defecerunt, euiscerati sunt & adnihilati sunt. Pia quippe Vezeliacensium Abbatum sollicitudo ob crebras impiorum hominum infestationes Comitibus Niuernensis Ciuitatis liberalissimâ indulgentiâ frequenter spontaneum impèdebat obsequium, quod deuotius contra omnes aduersantes præsidium ferrent Ecclesiæ, quæ nullo iure sibi obnoxia sedulo gratuita sibi largiretur beneficia. Verùm degener animus beneficijs semper abutitur, atque gratuitis obsequiis insolentior nonnunquam efficitur, nec obsequium gratiæ adscribitur quod ingrato decernitur. Vnde factum est, vt Guillelmus, qui postmodum Cartusiæ effectus est Monachus, dum Niuernensis Ciuitatis consulatum gereret, salarijs atque alijs Ecclesiæ beneficiis insolenter abusus, nonnullas ab ea consuetudines non solum pacis, sed etiam libertatis inimicas, per vim tyrannidis exigere nitebatur. Cuius aspernatus insolentiam venerandus Abbas Pontius rationabiliter denegauit quod iniuste petebatur, & prudenter conseruauit quod potestatiuè

Inuidere  
plures li-  
bertati Vi-  
zel.

Guillelmus  
Niuernens.  
Comes v-  
surpare tē-  
rat iura Vi-  
zel. Mona-  
sterii.

exigebatur. Dolens itaque Niuernensis sic se repulsum in tantam exarsit iracundiam, vt stratas regias à Vizeliaco diuerteret, & publicum comitatum à vico prohiberet. Tunc Vizeliacensis cùm nec beneficio nec prece graui Comitem à proposito flectere potuisset, sanctæ matri Apostolicæ Sedi Romanæ Ecclesiæ insinuauit oppressiōem Monasterij sui, & qua tyrannide ius vel allodium B. Petri Comes infectaretur, exposuit. Summus autem Pontifex eidem Comiti reiteratò scribens vt ab infectatione specialis filiæ suæ Vizel. Ecclesiæ desisteret, monuit; vt etiam eius paci & libertati fauendo pro B. Petri reuerentia prouideret, iniunxit, ne si Apostolica iura vsurpare præsumat, vniuersalis Ecclesiæ inimicus & temerator existat. Quòd si quid iuris in eodem Monasterio sibi competere crederet, ab Apostolica gratia non diffideret, dummodò quietem Ecclesiæ non vexaret: alioquin si secus contenderet, onus Apostolici baculi se laturum non ignoraret. Vizeliacensem quoque idem Præsul auctoritate Apostolica eommonuit, ne de iure Monasterij in aliquo alicui cederet, nève Patrum terminos transgredi præsumeret, immò de Dei & Beati Petri auxilio confideret, & viriliter pro Ecclesia decertaret, ne si Ecclesiæ integritatem commaculari permitteret, ipsius integritatis proditor existeret.

Arbitri cō-  
trouersia  
inter Abba-  
tem Vizel.  
& Comitē  
Niuern.

Diu ergo inter Vizeliacensem & Niuernensem protractâ controuersia, tandem ad hoc ventum est, quod Abbas & Comes communi assensu in laude & concordia seu diffinitione Bernardi Abbatis de Claraualle, & Hugonis de Tilio, atque illorum quos ipsi ad hanc vellent vocare concordiam se exposuerunt; vt quod præfatæ personæ super hac re concorditer deffinirent, irrefragabiliter obseruarent. Festo igitur die solemnis Paschæ, cùm vniuersa ferè Gallia solito crebrius Vizeliaco conuenisset ob frequentiam orationis, simulque ob reuerentiam piissimi & religiosissimi Regis Ludouici Iunioris, qui suis ibidem in humeris crucis Dominicę Vexillum Hierosolymam peregrinaturus suscepit, conuenit pariter & Comes cum iam dictis personis; qui venientes apud Bassiacum Ecclesię grangiam, die statuto, quartâ scilicet feriâ infra octauas Paschę, taliter Comes calumniam suam exorsus est: Ecclesia Vizeliacensis, inquit,

Quid præ-  
tenderet

in aduocatione mea est : volo vt quotiens Abbati mandauero, mihi & hominibus meis secundum iudicium Curie mee iustitiam faciat, negare non debet. Et si aliquis aduersus eum dicere voluerit quod ei iustitiam negauerit, dictante meo iudicio se deffendere debet. Ad hæc Abbas respondit, quòd nullatenus hoc facere deberet ; quia Abbatiam Vizel. à præfato Comite non haberet. Cùmque esset ipse Monachus & Sacerdos & Abbas, laicali iudicio se subdi nolebat, nec per tales personas aut in se aut in Monachos suos sententiam suscipere non debebat. Iterum Comes quærebat quòd homines Vizeliaci ad Ecclesiam pertinentes de iustitia sua esse volebat, & quotiens ibi \* placeret Abbati mandaret, vt pro susceptione coacti iudicij ad curiam suameos duceret ; & si fortè inter homines ipsos & Abbatem aliqua querela emergerit, dicebat idem Comes non nisi per manum suam tantum in curia Abbatis debere eos inire concordiam. Respondet Abbas, quòd Ecclesia Vizel. non esset ab ipso, nec à parentibus suis fundata, nec homines de feodo suo erant, nec Abbas aut Ecclesia eos ab ipso habebat ; & idèò indignum erat, vt illius subderentur iudicio, de cuius non erant beneficio. De concordia verò Burgensium nihil ipso auditu dicebat iniustius esse, & veritati omnique iustitiæ contrarium, cùm pax sit omnibus communis, & beati pedes euangelizantium pacem protestentur à diuinis scripturis & à sanctis Patribus, neque ista vel huiusmodi cōsuetudo fuerit in Ecclesia à priscis temporibus. Rursus Comes dixit, quòd homines sui de Clemiciaco cùm ad nundinas vel ad forum Vizeliaci veniebant, in plateis sua mercimonia deponebant, & à consuetudine aliorum hominū immunes se esse dicebāt, & idèò querebatur quòd telonearij Abbatis ipsas consuetudines ab eis violenter exigent. Abbas ad hæc respondit, quòd plateas in proprios vsus ab antiquo habebat, & nemo aliquid iuris exceptum habebat, & cùm omnes homines ad nundinas siue ad forum Vizeliacj aduentantes secundum diuersitates mercium teloneum gratanter exsoluerent, volebat vt similiter & ipsi consuetudines redderent, qui non dicebant quā iustitiā retinere deberent. Tunc Hugo de Tilio testatus est Comitem nullum ius in hac querela habere, quia tempo-

Niuernensis exponit :  
cui Vize-  
liacensis  
respondet,  
cūque  
confutat.

f. \* sibi.

f. \* Vergia-  
co.

re Domni Renaldi Abbatis Vizeliaci, postmodum Lugdunensis Archiepiscopi, super hac re ab ipso Comite querela mota est, quam ipse Comes accepta ab eodem Abbate pecuniâ per manum suam, Hugonis scilicet de Tilio, penitus dimisit, & de cætero nunquam se quæsiturum eam fideliter promisit. Iterum Comes quæsivit stratam, quæ tendit de Esconio usque Blanniacum, & illam de Prisseio, & alias à crucibus & à terminis usque Vizeliacum constitutis. Cui respondens Abbas dixit, quod stratam de Varginiaco, quam Comes requirebat de Esconio usque Blanniacum, illa fuit Erueo de Donziaco, & Sauarico de Varginiaco \* Dominis Castri Censorij, qui ipsam stratam, & totam terram de Varginiaco cum omnibus appendiciis suis, scilicet aquis currentibus, cæterisque quæ iure hæreditario in allodio possidebant, ipsi eam dederunt, & vendiderunt beatæ memoriæ Artaldo Abbati & Ecclesiæ Vizeliacensi, ac super altare BB. Apostolorum Petri & Pauli multis astantibus Deo & B. Mariæ Magdalenz, atque ipsis Apostolis, cum omnibus appendiciis suis obtulerunt; quam terram Ecclesia Vizeli. per XL. & eo amplius annos iure hæreditario hætenus in pace totam ex integro absque omni calumnia possedit. Latrones verò in publica viâ captos ibidem suspendit, & de cæteris malefactoribus iustitiam fecit, & si quid ibi inuentum fuit sine violentia quietè habuit. Terra porro de Prisseio fuit allodium Ducis Burgundiæ quam quidam milites ab ipso tenebāt, qui eam B. M. Magdalenz dederunt, ac vendiderunt. Ab illo itaque tempore usque nunc & Ecclesia & Abbas Vizel. in pace sine aliqua interruptione totam ipsam terram, & viam publicam intus villam & extrà, cum viis publicis & femitis tenuit & possedit. De qua re & aliis supradictis Abbas plurimos testes habuit & nominavit; Martinum scilicet & fratres eius de Prisseio, & multos alios in villa viuentes, qui dixerunt se in strata sex latrones falsam monetam deferentes comprehendisse, & Vizeliacum pro iustitia facienda Præposito reddidisse. Insuper bouem vnum in via publica sine Domino inuentum Renaldo Monacho de Prisseio, qui eo tempore ibidem morabatur, sicut ius Ecclesiæ reddidisse. Quæ omnia sine dilatione prædicti viri parati fuerunt probare. De aliis verò

stratis, scilicet de Fontaneto, & de Craia, & de Monte Tirohet, & de cæteris Vizeliacum vsque tendentibus, Abbas respondit, quòd antecessores sui iustitiam earum sine querela diu multumque tenuerant, quia & ipsæ stratæ per viam Ecclesiæ transeunt, de quibus omnibus multos testes habuit, Guinimerum olim Decanum, Girardum Decanum, Hugonem Præpositum, Renaldum Dautran\*, Renaldum de sancto Christophoro, Guilelmum de Ponto, & fratrem eius Ionam, Arnulfum de Ferrariis, Rotbertum de Monterohillone, Guidonem Forestarium, Durannum de villa Loher\*, Durannum de Chasteneto, Constantium Præpositum de Fontaneto; Stephanum Præpositum de Blannico, Aimonem Nummularium, Bonum amicum de Castro Censorio, Gofridum Bertinum, Blâchardum de Sarcitorio, Stephanum Beurandum, Odonem pulchræ similitudinis\*, & multos alios. Quæ omnia à Summo Pontifice in perpetuum tenenda confirmata sunt, & ne ab aliquo super his Ecclesia vel Abbas molestentur sub anathemate interdictum. Hæ fuerunt querelæ Comitum, & hæ repulsiones earum Abbate refellente.

\* de Altrāno, id est, de altero anno.

\* de villa Lupuli.

\* Bellesem-blancæ.

Abbatibus obiectio- nes, & Comitum responsa.

Post hæc conquestus est Abbas de prædicto Comite, quia per viam publicam ab Altissiodoro vsque Vizeliacum institores & mercatores omnes auertebat, & Vizeliacum ire non permittebat. Comes respondit, quia olim sic fecerat, nec ab aliquo Abbate interpellatus de hac re fuerat. Contra Abbas dixit, quia strata quæ Vizeliaco tendebat æquæ erat regalis, publica, antiqua viâ sicut Niuernensis, ac securior, & iniustum erat ut itinerantes reuocaret à viâ quæ sibi facilior & melior videbatur, cum plures orationis causâ magis quam negotiationis ibi conuenirent. Iterum Abbas conquestus est de Teloneariis Comitum, qui assidue homines suos per Altissiodorum transeuntes deprædabantur, dicentes quòd Abbas in tribus festiuitatibus, scilicet Paschæ, & Pentecostes, & B. M. Magdalenz, eos cum omnibus sociis suis procurare deberet, & unicuique ceram pondo vnius libræ pro pedagio vini Altissiodorensis, quod emere solebat, dare. Respondit Comes quòd prædicti pueri sui hanc cõsuetudinẽ ab Abbate Renaldo constitutam in Ecclesia habebant. Abbas ad hæc dixit se nescire hanc consuetudinem, si verum erat, tamen

consilio Capituli factum non fuerat, ac per hoc nec ratum nec stabile esse potest, vel debet.

Filij Comitis  
vna cū  
Rege Iero-  
solymam  
proficiscū-  
tur.

Comes ip-  
se habitum  
monasticū  
Carthusiæ  
induit, post  
à canedeuo  
ratur.

Igitur postquam signum Dominicæ crucis Rex piissimus Ludouicus Iunior Hierosolymam profecturus suscepit, plures facti huius famâ & exemplo incitati, transmarinam peregrinationem arripuere: inter quos etiam duo filij Niuernensis Comitis, videlicet Guilelmus & Renaldus, comitatus regio se se coniungentes, eandem professionem susceperunt. Ipse quoque pater eorum desiderio alterius priorem vitam commutans, habitum religionis & vitæ finem apud Cartusiam accepit. Sed quia venerabilis dilectricis atque famulatricis Dei M. Magd. sepulchrum gloriosum & religione sanctissimum iniuste vexando affixerat, poenam criminis ipse à cane deuoratus excepit, & iniustitiæ vindictam suis reliquit hæredibus. Nam Renaldus captiuitatis miseriam turpiter sortitus, seruituti barbaræ gentis inſœliciter additus est, vt pater, qui Vizel. Ecclesiæ libertatem deprauare tentauerat, seruitutis experiretur opprobrium in filio. At verò Guilelmus paterni Consulatus hæres & sceleris, cū ab Hierosolymis reuertens naufragium pateretur, de salute propria periclitabatur. Rebus autem expositis, cū iam in articulo mortis omnibus constitutis à circumstantibus moneretur, vt quæ pater illius contra fœdus fasque in Vizel. Monasterio vsurpando sibi vindicabat, pro communi salute sui & suorum remitteret, vix tandem vrgente periculo cessit, & iureiurando sub testificatione deuouit, nullas deinceps procuraciones..... Paschæ & transitus B. M. Magdalenzæ solemnitatibus se repetiturum in Monasterio. Nec mora, mira Dei virtute, ipsa eius dilectrice B. Maria Magdalena suffragante mirabiliter ab angustijs præruptæ rupis quò naus inciderat, repente eripitur, & turbido æquore transmeato, quieto littori redditur.

Ereptus  
Comes Ni-  
uern. è  
naufragio  
votum sol-  
uit in Vi-  
zel. Capi-  
tulo.

Interea præclarus Abbas Pontius terram ac familiam prædicti Niuernensis procurabat, atque ab incurſantibus vndique defensabat: tum quia Monasterio suo eatenus prospici sperabat; tum quia idem Guilelmus cognationis affinitate sibi coniunctus extabat. Quem reuertentem ab Hierosolymis naufragum excepit, & occurrens ei honorificè à penuria,



qua grauitè premebatur , sufficienter releuauit. Incolumem denique familiam cum totius immunitate possessionis suæ illi consignauit : nec multò post etiam inimicos illius cum satisfactione in gratiam reflexit. Inuitatum deinde Vizeliaco coram Fratribus vocauit , & ut quod fecerat votum persolueret Deo , monuit. Paruit ille in facie , quamuis dolos versaret in mente. Capitulum ergo ingressus Fratrum , naufragium suum illis exposuit , quod B. M. Magdalensæ interuentu liberatus sit , confitendo absoluit , votum quod ob gratiarum actionem fecerat , expediuit , & à patre usurpata salaria , vel cibaria , concedente vxore sua , & filio suo Guillelmo , presentibus innumeris , remisit , concessit , confirmauit. Cùmque multa sibi bella increuissent , assistebat ei in omnibus , & auxiliabatur Abbas Pontius , sperans mitigare se posse feroces animos , & procliues atque præcipites ad usurpandum ius alienum ; & cùm totis animis flagraret ad impetendam Ecclesiam , reprimebatur tamen nimis cognati beneficijs , quibus obsequentem verebatur impetere aliquibus præiudicijs. Vnde cui pro natura vitium inerat , toto spiritu suo meditabatur quoquomodo inuenire posset occasionem calumniandi Ecclesiam vel Abbatem. Viri autem iniquitatis , quorum cor clibanus erat impietatis , dolentes se amisisse maximos quæstus suæ libidinis , quibus fruebantur in comestationibus quæ Comiti frequenter Vizeliaco exhibebantur , pronum ad omne malum circumueniunt animum Principis , & ut detrimentum , quod sua sponte admiserat , renouatione siue commercio alterius litis recompensaret , suggerunt.

Erat autem Vizeliaco quidam qui dicebatur Hugo de S. Petro aduena , genere & moribus ignobilis , quem natura inopem protulerat , sed manus arte docta mechanica locupletem effecerat. Is ut erat acer ingenio , & in omni versatus nequitia , Comitem modò muneribus illiciebat , modò fraudulentiis spebus animabat , quatenus extorqueret ab Ecclesia ius iustitiæ seu iudicij dirimendi vel examinandi causas hominum Vizeliacensium. Sperabat enim nefandissimus homo toti se principari vico , si per gratiam tyranni iuris iudicij sibi daretur optio : quare nonnullos prauitate sui similes clandestinis conciliabulis huic malignitatis proposito sibi associa-

Hugo de S.  
Petro au-  
tor per-  
secutionis in  
Monachos.  
Vizeliacæ

bat, vt sub specie libertatis proditionem meditarentur, & obtentu pietatis dolos machinarentur: affluentia liquidem rerum semper apud degeneres animos insolentiam parit. Dúmque plus quis censu potest, quàm alter naturâ, regiis etiam natalibus sese præfert, & oblitus sui inanè erigitur, dum occulta conditione superbus incedens priuatis gloriatur. Monachus ergo quidam de Monasterio Vizel. dum possessiones circuiret Ecclesiæ, contrigit eum in quodam nemore, quod erat iuris Ecclesiæ, deuenire, & cùm inuenisset quendam vitum nemus præcidentem, securim pro vade voluit ab eo auferre; sed conuersus ille Monachum grauius cecidit, & circumuentum ab equo cui insidebat, deiecit. Tunc Monachus acceptâ iniuriâ dehonestatus ad propria rediit, & illatam sibi contumeliam clientibus Monasterij aperuit. At illi tantam indignitatem non ferentes nocte veniunt ad domum hominis, & effosis oculis illius, noctem ei intulerunt perpetuæ cœcitat. Quod factum cùm resciret Comes dissimulato gaudio quasi noctæ oportunitatis calumniandi, perditionem minatur huiusce rei factoribus; diúque conceptam in corde nequitiam pederentim parturiens, renouare disposuit quam pater sopitam reliquerat litem.

Superueniente itaque Beatissimæ dilectricis Dei Mariæ Magd. festo solemni, cùm in hospitio Monasterij ex more confedisset, seruos suos iussit stare præ foribus, quatinus si fortè visitaturus illum Abbas aduenisset, ab ingressu eum prohiberent. Qui factis iussa complentes aduenienti Abbati obices ianuas clauserunt, Comitem esse in conclaui deintus responderunt. Repulsus Abbas sustinuit & hanc cum patientia cõtumeliam, & suspectus ingrati hominis nequitiam: vtrouque liberum gerebat animum. Existente autem Comite apud Cluniacum, ingressus est ad eum Abbas, causamque ostentatæ indignationis requisivit ab eo, quo prætendente orbatu hominis calumniam: non esse iuris illius hominem Abbas respondit. At ille filiolum suum hominem esse dixit, hoc est ab vtero matris denominatum. Arridens Abbas quasi ludo, vtrum ius iustitiæ ab eo dignaretur accipere requisivit, quo negante, vtrum etiam per manum amicorum & domesticorum suorum, & illius in concordiam rediret, identidem rur-

sus

sus requisivit. Idipsum eo renuente, interrogavit iterum Abbas, vtrumne necessariò sibi incumberet, vt se suaque ab eo obseruaret. Respondente illo sic sibi opus esse, diffidatus Abbas ab eo recessit. Misitque Comes satellites suos in quandam possessionem Monasterij, & deprædatus est eam abductis animalibus & spoliis multis. Obsecrante proinde Abbate, vt ablata sibi concederentur; tunc tandem hætenus absconsum virus Comes effudit, & vt Abbas in Curia eius de quibilibet ab eo vocatus iuris iustitiam exequeretur, expetiit. Abbas respondit contrarium aduersumque omninò esse tam diuinis legibus, quàm Ecclesiæ moribus, necne etiam Apostolicis Decretalibus quod expostulatur. Et turpe atque indecorum, inquit, mihi est, vt libertas Monasterij quæ per multa tempora sub diuersis Patribus florens, hætenus etiam impræsentiarum viget, per eam quæ ab te mihi est cognationem seruituti addicta depereat. Nec tantum affinitati, sed & naturæ inimicatur quod intendis, dum diuina iura homo tibi subdere moliris, quæ me cognato & parente tuta illibatæque conseruare & augere debuisses. Quàm verò inhumanum sit beneficiis talem vicissitudinem rependere, coram est inspicere, dum tibi deferenti honorem & munificentiam, sempiternum mihi præstare contendis opprobrium. Veruntamen cum de cætero gratum tibi spondeam obsequium, sed in hac expostulatione scias me nullatenus tibi cessurum.

Depræda-  
tur Comes  
bona Vize-  
liacensis  
Monaste-  
rij.

Quo audito tyrannus accensus est nimis & multa interminando, grauiora inferendo, excidio Ecclesiæ totus incubuit: aduersus quem Romanum per internuntios interpellat Abbas suffragium. Interim mediantibus amicis pro pace Comiti supplicat; Comitis malignitatem sese immeritum perorat, concordiam saluo iure priuilegiorum & dignitate Ecclesiæ repræsentat: proinde multorum magnorumque Optimatum, pluribus in locis colloquia multa, variæque versantur sententiæ. Attamen amicitia nusquam procedit pax, quoniam discurrit vbique discordiæ fax. Vt ergo cognouit tyrannus quòd Legatos suos Romam Abbas misisset, protinus missa expeditione per prædia & possessiones Monasterij Vezeliacensis, vbicunque in Niuernensi seu Altiſiodorensi pago aliquid Ecclesia iuris habebat, totum inuasit, diripuit, abdu-

Conciliare  
sibi animū  
Comitis  
omne im-  
pedit indu-  
striam, sed  
frustra.

xit, spoliavit. Præpositos quoque, & singularum rerum Monasterij procuratores, per sacramenta pollicitæ fidei coëgit, quatenus in nullo negotio Monachis parerent, nec de aliqua ratione Abbati vel suis responderent. Satagebat quidem callida versutia præuenire Abbatis Legatos, si fortè aliquod cessionis verbum vel ab inuito utcumque posset extorquere. At ille prudenter usus, rebus in periculo constitutis consuluit, de competenti satisfactionem Comiti repromisit, amissa recepit, eidem B. Iacobi oraculum adeunti dona & exenia multa largitus est. Sed quæ beneficiorum copia cupiditatis voracitatem implere queat? nempe animus corruptus nihil aliud nouit quàm vel recta peruertere, vel de rectis praua coniectare.

REVERSVS denique Comes ab Hispaniis diem ex mandato Abbati statuit, ut in eius præsentia de quibus foret interpellatus iudicium Curia principalis susciperet. Enimvero cui baculus Petri commissus fuerat, Petri constantiæ & magnanimitatis omninò expers esse non poterat. Igitur eo dissimulante mandata tyranni statim edicto proposito denunciavit Comes, ne quis mercandi, vel viandi seu religionis obtentu Vizel. ingrederetur, né-ve ab Vizel. quispiã ad publicas ruidinas, siue ad publicum commeatum prodiret. Quisquis porro constitutum temerare præsumeret edictum, prædæ omni occurranti pateret. Taliter vicani obsessis, cœpère aliqui intrinsecus furtiuo murmure susurrare, dicentes auctorem simul & causam malorum omnium esse Abbatem, qui & nouis & iniustis legibus eos premeret, & tyranni furorem, cuius infra terminos claudebantur, aduersum se in interitum eorum concitaret. Fœlices demum se ac beatos fore prædicabant, si reiecto Ecclesiæ iugo sese manciparent Comitis arbitrio. Tunc quippe & externos hostes non formidarent, & internos exactores velut exiguas muscas à se abigerent, sed & si opus esset cum Abbate iudicio æquipollenter contenderent, cum plures fortiori innitentes paucorum & imbellium dominatione sese eriperent. Nec latuit Comitem talia eos inuicem mussitare, Hugone prophano impia consilia sibi perferente. Cuius amplexatus dolum quo instruebatur, quoniam si Vizeliaco veniret, & verbum de Ab-

batis desertione quasi tentando vsus temperanter ad vicanos haberet, non dubium quin potior & copiosior pars eorum sibi fauens protinus manum deditiois eidaret: recompensato foedere, quo protectionem & auxilium suum eis vbique præstaret, venit Vizeliaco: cùmque in hospitio Monasterij ex improviso descenderet, clam ad se Vicanos conuocat, desertionem illis suadet, secum eos agere contra Abbatem orat, dicens quòd se irato nusquam subsistere haberent, se pacifico nec etiam Dominum suum formidarent.

„ Videtis, ait, quoniam cùm sim legitimus aduocatus &  
 „ tutor Ecclesiæ huius solus Abbas impedire communem ve-  
 „ stri salutem contendit, dum præripiendo quod iuris est  
 „ alieni, ius iustitiæ quidem à me repetit, quod ipse calumni-  
 „ antibus me iudice vel aduocato exequi dedignaretur. Et  
 „ quis tantam ferat arrogantiæ, immò iniquitatem, quòd  
 „ sua quis repetens aliena indiscussè detineat? quam verò  
 „ causam habere possum in faciem diripientium bona vestra,  
 „ iure ipsorum tyrannicè retento? Denique plaris est, inquit,  
 „ aliquid posse, quàm petere iugiter. Quid autem & quan-  
 „ tum, vel quàm latè nostrum valeat posse nihil experto  
 „ euidentius argumento. At Monachorum preces & si quan-  
 „ do repulsam non merentur, inefficiaciã sæpius diminuun-  
 „ tur. Quorsum igitur vestra tendant vota, vestra interest.  
 „ Nam nobis fauentes, & posse nostro communicantes, iam  
 „ cassas Monachorum preces, & futile Abbatis auxilium  
 „ non curabitis, tutum habentes ac liberum ingressum &  
 „ regressum quaquauerfus destinaueritis, perpetua potiti se-  
 „ curitate tam vestri quàm bonorum vestrorum.

Hæc dicens ac prorumpens in singultus, lacrymas fudit impietatis, quas hauriebat de puteo cœnulentæ cupiditatis. Quam male suadæ suggestionis tentationem præcauens Abbas, cœtum conuocat Fratrum, & vt euntes prostrati solo tenus pariter Comitem deprecarentur, quatenus eorum misertus Ecclesiæ parceret, ammonuit. Obtemperantes filij

Suadet Co-  
mes Burgē-  
sibus Vizel.  
vt à domi-  
natione  
Abbatis se  
subtrahāt.

Vizeliacē-  
ses Frātres  
Comitem  
vt à cœptis  
desistat,  
exorant.

colubrino corpore, non columbina mente è contra deiectus respondit se nihil aliud ab eis requirere, præter quod ius proprium repetentes, itidem & ipsi per manum illius ius alienum exequantur. Et mirè ( inquit ) stupeo, cuinam æquitati ascribatur tanta insolentia, quòd me aduocato & iudice alios compellatis; ipsi autem aliis quoque compellantibus me itidem aduocato & iudice quod iustum est exequi dedignamini: nec verò homines vestros vel seducere, vel reuocare à vobis, vt dicitis, studeo; sed quos de more & de iure meo vbique ab omnibus tueor ac deffendo, legitimo ac publico iudicio Curia meæ vel purgatos, vel iustificatos esse decerno: quisquis enim, ait, quod suum est repetit, alieno æquè iuri cedere debet. Fratribus ad hæc respondentibus, iuxta consuetum diu morem Patrum suorum, & statuta Apostolica se nemini negare quod iustum est, tota subitò domus confuso clamore repleta est. Iterum Fratres, quia festi B. Mariæ Magdalenaë solemnitates instabat, Comitem deprecantur, vt vel aliquot dierum inducias sibi concederet, quo publico concursu festos dies peragerent. Quibus ille nec obsidione à se conclusos, nec captiuitati eos esse addictos, quòd talia peterent, respondit: quia, inquit, prohibuisti intendendo ne quis ad nos externus accedat, nèue nostrum quispam extra progrediatur commeatus gratiâ, misera conditione immeritos nos esse obsessos protestamur. Vix tandem confusus tantorum Fratrum precibus, octo dierum concessit inducias; atque illic ò abcessit infecto prodictionis negotio. Fratres autem tametsi non solito cursu, nò minori tamen ritu dies festos peragunt. Quibus expletis, accersito Altisiodorēsi Episcopq ad Comitem Abbas profectus est. Cui Apostolica mandata quibus pro terminanda calumnia Eduensis Episcopi pergere iuebatur Italiam, ei innotuit. Orat deinde vt quemadmodum ipso peregrinante iura illius ac si sua, fideliter seruarat, & ab incurstantibus intacta defenarat: Ita & ipse cognati sui Monasterium cum appendiciis suis tueretur, & in fide sua susciperet, atque fideliter protegeret, donec à Roma rediret. Spondet præterea se suafurum Domino Papæ vt Vizeliacensem permittat subire audientiam Niuernensis; quòd si fortè impetraritur, omnem peintus controuersiam sese

depositurum promittit. Vt autem istæ induciæ ratæ & inconcussæ persisterent, obtulit ei Abbas pecuniam sexaginta librarum monetæ publicæ.

Itaque tyrannus precibus flexus, sponsonibus illectus, muneribus actus, postulas concessit inducias; & de cætero se se fidelem fore amicum pollicetur, si promissum effectus prosequatur. Et quia duplici animo nil facilius ad mentendum, multa promisit quæ pauca seruauit. Tamen quia charitas omnia credit, omnia sperat, omnia sustinet, fidei ipsius generosa simplicitas Abbatis se credidit. Profectus denique Romam, atque vniuersalem Curiam ingressus, ad eò de calumnia Eduensis Episcopi coram Summo Põtifice triumphauit, vt nec etiam pilus capitis eius quoquam fluctuaret deiectus, & Eduensem sic deiectum redderet, vt audientiam iuris iudicij subterfugiens, dilationem confusus deposceret. Post hæc Abbas ingressus ad Apostolicum, calumniam quam & Monasterium Vizeliaci quod hætenus B. Petri proprium ius, & Romanæ Ecclesiæ liberrimum fuisset, Niuernensis Comes vexabat, exposuit. Et quoniam is nec Potentum precibus flectitur, nec amicorum suggestionibus inclinatur, nec obsequiis delinitur, nec muneribus reuocatur, nec Ecclesiastica censura coercetur; decernat, inquit, Apostolica prudentia quid facto opus sit, vtrum videlicet proteruiæ tyrannicæ Apostolica cedere debeat libertas, necne. Forsitan etenim exsaturata rabies inimici cupida, pacem ac perpetuæ tutelæ præstabit Ecclesiæ munimentum. Ad hæc Apostolicus: nequaquam, ait, immò si Vizeliacensis Sacerdos forense vel plebeio subiacerit examini, non solum quiete priuabitur Monasterium, sed etiam omnis Ecclesiasticus ordo extremæ confusionis nodo implicabitur. Monitum ergo corripiemus, & suadebimus vt iam semel fecimus, quatinus ab hac desistat insolentia; denunciantes vt si quid iuris in Monasterio tuo sibi competere autumat, sub datis à nobis iudiciis sua recipiat, aliena linquat. Qui si fortè nostram pietatem contempserit; ecce chamus, ecce frænum, ecce Petri gladius, quo auricula contumaciæ præcidatur. Tuam denique solertiam auctoritate Apostolica præmunitam esse volumus, ne de rebus Monasterij, scilicet de iure B. Petri, cuiquam in

Inducijs ab Comite datis Romam Abbas proficiscitur, vbi de Eduensi Episcopo triumphat.

Forti sit animo aduersus Comitem monet Pontifex

aliquo cedas, neve ingenitam atque Apostolica gratia cumulatam Ecclesiæ libertatem qualibet pusillanimitate probas. Quamuis enim longè remotum non minori gratia te pro iure Apostolico vigilantem habebimus sollicitudine & auctoritate qua decet filium.

Apostolica  
scripsi  
spernit Co  
mes, insti  
gatque in  
Monachos  
Burgundie  
Primates.

Talibus Abbas instructus monitis valedicto Curia ad Monasterium ouans reuertitur. Cùmque Apostolica monita Comiti dedisset, spreuit, respuit, abiecit, nil se illi debere à quo æquè nil possideret, respondit. Requirebat deinde si iuxta promissum audientiam & executionem iuris iudicij Curia suæ ab Apostolico impetrasset. Saluauit (ait Abbas) verbum oris mei, sed prohibitus sum voto parere. At ille stomachatus, & felle permixtus, rursus Vizeliacensem comitatum ius prodeundi & ingrediendi habere prohibuit; & veritus per seipsum Monachis bellum inferre, Satrapas instigat Prouinciæ, videlicet Gibbadum de sancto Verano, Iterium de Briuate, Gosfridum de Arseio, & eorum complices, quatinus Vizeliaci homines quaqua versus occurrerint, inuadant, res illorū occupatas vsurpent, Monasterio non parcant, possessiones diripiant, calumniam Abbati struant, suamque inopiam Ecclesiastico penu suppleant. Illi itaque ac si canes effusi prædia Monasterij inuasunt, Monachos cæciderunt, vestibis eorum ablatis turpiter abusi sunt, omnemque suppellectilem diripientes, tam seruos quàm iumenta vel pecora Ecclesiæ deprædati sunt. Nulla religio ab eis reuerbatur, sed passim Clerici cædebantur, Sacerdotes inhonestè trahebantur, viantes spolijs nudabantur, peregrini captiuabantur, nobiles matronæ prostituebantur. Quocirca mira consideranda est Vizel. Ecclesiæ patientia, mirabilior prudentis Pontij Abbatis strenuitas atque magnanimitas. Hinc siquidem Niuernensis Comes, illinc Eduensis Episcopus, hinc tyranni, illinc Duces terræ vno impetu, vno spiritu, vno interuentu, quasi feræ bestia hinc inde discurrebant, Abbatem lacegebant, Ecclesiam vexabant, atque adeò iura illius lacerabant, quòd totum cederet occupanti quicquid hostili occurreret manui. Verùm generositas mentis ingenuitate nobilitatis adornata, tantò æquiùs indigna sustinebat, quantò nequiùs mala sibi irrogari perpendebat.



Considerans itaque Abbas quòd vndique mala multiplicarentur, venit ad Regem auxilium petens ab eo aduersus Comitem. Qui vocatus à Rege sic respondit: Aduocationem siue tuitionem Monasterij Vizel. cum contingentibus sibi vfi-  
bus, pij patris vestriac vestræ concessione serenitatis & gratia hætenus à patribus & proavis meis iure matrimonij absque vllius reclamationis contradictione vsque in præsentiarum teneo ac possideo. Quâ verò ratione ius tanto tempore à patribus meis hæreditatum mihi calumniatur prorsus ignoro. Respondens Abbas dixit: Ecclesia Vezeliacensis ab inclyto Gerardo Comite nobiliter fundata, nobilius ab eodem attitulata BB. Petri & Pauli Apostolorum nomini adcripta, iuri assignata, regimini credita, protectioni commissa; ipso etiam pio Comite Gerardo interueniente, Francorum excellentissimorum Regum tali meruit donari priuilegij prærogatiua, vt omnibus remissis quæcunque ius regium ab antiquitus ibidè obtinebat, nulli potestati seu personæ cuiusque pateret facultas cuiuslibet iuris aut consuetudinis, pro qualibet pietatis munerisve specie seu occasione exigendi, sed ab omni seruitutis conditione libera, exhibitionisque exactiōe persisteret. Quod ita esse pij proavi vestri Ludouici priuilegium quod præsto habemus, si vestra dignetur audire serenitas, comprobabit. Perlecto priuilegio quærebat Rex ab Abbate, vtrum sese committens regio examini, sententiam super hac calumnia promulgatam prosequeretur. Perpendens itaque Abbas infensam sibi Curiam partibus fauere aduersis, timuit sese committere dubio iudicio ne præiudicium pateretur Ecclesie, quæ solo iudice Petro, adhuc paululum respirabat: Celsitudinem denique Regiam exorauit, vt tyrannum ab infestatione Vizel. Monasterij desistere iuberet, & ius iudicij per manum Apostolicæ Sedis Legati, vel eorum quibus à Domino Papa commissum fuerat, susciperet. Quæ cuncta Comite cū subfannatione renuente, valefaciens Abbas Regi ad Monasterium suum reuersus est. Et cū audisset quòd Ioannes Rom. Ecclesiæ Presbyter Cardinalis, cui Apostolicus causam controuersie Vizel. & Niuernensis commiserat, expleta legatione ab Anglia rediret, misit in occursum illius, rogans vt

Exhibet  
Abbas Regi  
Priuilegium  
Vizel.  
eiusque implorat  
reclam.

quantociùs veniret, quoniam Vizeli. Ecclesia omni auxilio destituta, iam propè solitudinem minabatur. Qui accepto nuntio accelerat pedem, & vtrique mandat, scilicet Abbati & Comiti, vt sibi occurrant Altisiodoro. Audiens autem ille Ioannes, quòd Iordanus Cardinalis datus esset Gallicanis Legatus, scribit ei vt festinatò Vizeliacum veniat, & festum instans B. M. Magdalenaè pariter ibidem concelebrent. Et cùm Altisiodoro vterque præsente Abbate & Comite adfisteret, hortabatur clementer Comitem & affabiliter Legatus, vt sopitâ calumniâ pacem faceret cum Abbate, ne Vicarium Christi persequendo & Petri, Deo inimicari conuinceretur, ac per hoc persecutoris Ecclesiæ Sauli similis existeret. Quin etiam si nostri, ait, contemptor extiteris, nec etiam Sauli imitator dignus inueniaris: quoniam ipse vt corripientem expertus est, protinus Magistrum secutus est. Sed cùm Comes pia monita contemnendo dissimularet, quia rursus à Vizeliaco publicum commeatum vel accessum prohibuerat, petiuit ab eo Cardinalis inducias, quatenus B. M. Magdalenaè solemnia festiuo cultu atque publico concursu more debito celebrarentur, quibus vix ad Octauas vsque impetratis, Vizeliacum venerunt Cardinalis Ioannes & Abbas Pontius, veniensque Iordanus Cardinalis Galliarum Legatus pariter cum eis dies sanctos peregit.

Comes a-  
uertere co-  
natur sub-  
ditos Vizeli.  
à subie-  
ctione.

Interea Comes regressus à Rege, descendit & confedit in loco campestri vbi Rex peregrinaturus crucis Christi trophæum sustulerat, atque adunata potiori parte hominum Vizeliacensium, & profusis impuris lacrymis ab oculis cupiditatis simulata compassione exactis, sic profatur ad eos: O viri illustrissimi multaque prudentia famosissimi, ac fortitudine strenuissimi, sed & propria virtute acquisitis opibus locupletissimi, doleo satis admodum miserrimam conditionem status vestri; quoniam multarum rerum possessores quidem specie, reuera autem nullarum, domini effecti estis, quin nec ipsa vestra ingenita libertate vtcunque fruimini. Videns denique optima prædia, vineta pulcherrima, copiosa flumina, pascua vberissima, fertiles agros, nemora condensâ, pomifera virgulta, ædes conspicuas, quæ ipso situ suo in circuitu vestro sunt omnia, nec tamen fruendi eis vobis conceditur vlla facultas:

cultas : hæc, inquam, prospiciens, non mediocri affectu vobis compatior. Hærens autem valde stupeo vbi sit, vel ad quantam ignauiam deuenit olim opinatissima virtus vestra, qua prudentissimum & satis liberalissimum Abbatem Artaldum, ob duas tantum domorum stationes interfecistis; hunc verò alienigenam Aruernensem ipsa sui præsentia trucem, absentia crudelem, sermone arrogantem, moribus plebeium, nec solum vestrorum bonorum, sed etiam ipsius vitæ vestræ exactorem tanta sustinetis ineptia, vt iam recte brutis animalibus comparemini. Denique ad incrementum & consummationem interitus vestri præripere & auferre mihi molitur Dominus vester Abbas ius legitimæ aduocationis, quâ vos tueri, & pro vobis respondere habeo, vt destitutis vobis liberiùs queat exactorias consuetudines imponere. Eapropter, Carissimi, suadeo prudentiæ & magnanimitati vestræ, quatinus instanti necessitati feratis consultum, & declinetis ab homine illo qui tanta debacchatur in vobis tyrannide, scientes quòd vobis me propitio nulla contingat defectio, sicuti è diuerso quandiu fidem præstabitis aduersario, nulla vobis erit saluatio. At verò si mutuam confederationem ad inuicem iurantes, ad me quoque fidelitatem seruare volueritis, vbique meo fruimini præsidio, atque ab omni praua exactione malarum consuetudinum liberos vos facere studebo, necne ab ingruenti malorum incursione defensabo.

His dictis & multa verborum interruptione dolorem dolo simulans siluit. Viri autem illi respondentes, dixerunt : Nos fidelitatem Domino nostro iureiurando iurauimus, & quamuis iniquè vobis abutatur, fidem tamen prodere perperam iudicamus, & quidem consilio inito certiores effecti ad præfixum diem proximo in loco sub tua præsentia conuenientes tibi adhæc respondebimus. Et venientes rerulerunt Abbati verba Comitis, perquirentes quid super hæc ferret consilij. Quibus ille : Minime, inquit, fideles mei, vestram latet prudentiam, quòd ea sola de causâ mihi inimicatur, vt dolo vos circumueniens plenius seruituti suæ addictos subiiciat, erepto quod plenum est libertate dominio. Ego autem hætenus pro vestra libertate certando desudans, si tantæ ingratitude nis tam impiam vicissitudinem rependere mihi volueritis, vt

Detrectat  
Vezeliacenses  
assensum  
Comiti  
præbere.

mei & matricis Ecclesiæ vestræ proditores fieri non vereamini; solus, licet gemens, licet confusus sustinebo, & Ecclesiæ detrimentum & interitum vestrum, scilicet vobis & filiis vestris perpetuò pœnam proditionis luentibus. Quòd si sanis acquiescentes consiliis prudenter pro vobismetipsis steteritis, atque iuramentam fidelitatem ad me & ad Ecclesiam quæ suo lacte vos enutriuit & educauit indubitanter seruaueritis, & mecum contra omnes insectantes pro libertate & salute, necne pro gloria & honestate vestra cōstāter egeritis, libentissimè pro vobis impendar, nihil hæsītans quòd prospera secundis succedent casibus, & post multas tribulationum calamitatūque procellas, pacis quandoque donabimur serenitate. At illi dixerunt: ita esse vt astruis omninò credimus & speramus. Sed enim renunciare liti, cedere aduersario, inire pacem cum eo, consultius nobis esse videtur. Sin autem & aliter est in conspectu tuo, tui pro certo sumus erimúsque. Nec dubites quin tibi fideles tui vbique in omnibus sinceriter adistamus. Respondit eis Abbas: lis equidem nulla mihi est penitus, sed sola litem inferenti responsio vel defensio. Porro aduersario cedere demētissimæ est in præsentī causā ignauia, ac per petuæ confusionis chirographum. Pacem denique tam prece quàm pretio vel obsequio sæpe quæsiui, sapiùs obtuli, sapiissime exegi, sed à filio discordiæ non potui pacem impetrare. Si ergo vt dixistis, pro communi salute steteritis, ego quoque operam meam pro salute vestra ac libertate spondeo simúlque vobiscum omne infortunium cecāmque fortunam virtute ac iustitia fretus subibo.

Cōspiratio  
iuuenum  
contra Ab-  
batem.

Hæc dicens dimisit eos. Et ecce affluerunt viri nequam, effundentes diu reconditum virus in latebris sæuæ conscientia; aggregatæque sibi maxima sceleratorum iuuenum multitudine, pacti sunt sibi mutuò foedus sceleratæ conspirationis aduersus æquissimi moderaminis & ingenitæ pietatis Dominum suum, hætenus simulatam fidem prodentes, & à matre sua Ecclesia sese præcidentes, & conuenientes ad præfixum diem & locum, confœderati sunt Tyranno, legitimo Domino suo abiurato, paciscentes ad inuicem per manum tyranni execratam communiam, & conspirantes contra caput suum, vt iugum libertatis Ecclesiæ à ceruicibus suis re-

ijcerent, & Comiti adhærerent: quique iuravit illis consilio & auxilio nunquam vel nusquam aduersus quenquam, vel negotio in quoquam se defuturum. Constituitque illis Principes vel Iudices quos & Consules appellari censuerunt. Quod factum non latuit prædictum Dominum Abbatem, sed nec Cardinales, quos ad festum adscitos esse dictum est. Ingressi denique maiores natu, quique capita populi esse videbantur ad Cardinales, freti auctoritate perfidiæ suæ postulabant remitti sibi quasdam consuetudines, quas nouitatis & tyrannidis esse dicebant: quibus Cardinales responderunt: Quoniam & vobis æque vt filiis Romanæ Ecclesiæ sollicitudinis nostræ curam debemus, prono affectu suadebimus Abbati, quod & paci & vtilitati vestræ, atque honestati & integritati conuenire videbitur. Scimus autem eum tantæ mansuetudinis esse, quòd irretractabiliter nostris obaudiens monitis, clementer indulget \* quicquid ratio æquitatis dictauerit. Attamen nunc in periculo mortis pro communi libertate & sospitate vestra constituto, fidem necesse est ei deferatis auxiliij per omnia, & collaboretis illi pro vobis ipsis; quoniam res constat in periculo omnium vestrum. Si quid autem, quod minimè credimus, conspiracyonis ab aliquibus vestrum in Dominum vestrum Abbatem admissum, hoc primitus abiuretur, purgetur, emendetur: & sic postmodum quicquid natum fuerit iustæ querimoniæ, saluo iure Ecclesiæ sedabitur. Abbas quoque locutus est ad eos: Videris, inquit, quàm grauitè opprimor & insector à Comite, cui & manum dedistis in perniciem vestram aduersum me mutuo conspirantes. Iniquum ergo est quod improba fortitudine confœderati remissionem expetere potius quàm deposcere videmini, quam non tam remissam, quàm extortam vel exactam vobis habeatis. Verùm si funditus relinquatis quod malè pacti estis, non tantum remissionem, sed & condonationem, vti nostram mansuetudinem decet, merebimini. At illi conclamantes, non ita se facturos dixerunt, sed potius rebellionem Ecclesiæ illaturos se se dixerunt,

Cardinales  
deterre-  
re illos  
conan-  
tur à cœp-  
tis.

\* indulge-  
bit.

Idem  
Abbas.

Cardinales  
discussa  
perperam  
cōtrouersia  
& à Comite  
repulsâ  
passi abeunt.

Porro Cardinales exorabant Comitem vt sopita discordia, iracundiam animi sui remitteret. Ille autem dissimulabat eos audire. Cùmque diu orantes persisterent iurauit se

nullam penitus admissurum concordiam, donec omnia quæ iuris sui esse dicebat, reciperet. Tunc demum Abbas conquestus est in præsentia Cardinalium de malefactoribus suis Gaufrido videlicet de Arscio, & alijs quos ad destructionem Ecclesiæ Comes impellebat. Quo respondente homines illos nec de familia, nec de militia sua esse, atque idè ex proprio voto, & non ex suo impulsu calumniam eos Abbati inferre. Decreuerunt Romanæ Ecclesiæ Cardinales vastatores Ecclesiæ gladio anathematis ferire. Restitit eis Comes, dicens homines suos esse, quos ad iustitiam exequendam paratos haberet, si sibi & ipsis Abbas ad interpellata responderet. Et constituta die ad discernenda ea quæ Comes in calumniam deducebat, apud Iabliacum nono die à Vizeliaco Cardinales egressi sunt cum magno tremore, medium Abbatem deducentes ob infidelium conspirationem, qui mortem illius deuouerant. Et cum Iabliaco venissent, iusserunt Cardinales vt causam suam Comes ediceret. Quam cum referret, exigebat ab Abbate, vt tam de se quàm de hominibus Vizeliaci staret ad iustitiam ab ipso vocatus in causam. Cardinalibus & cæteris prudentibus viris qui aderant non est visum quod talia ab Abbate exigi deberent; oblata est Comiti iustitia secundum tenorem Apostolici præcepti. Ille autem iustitiam vt iniustus, & iudicium vt iniquus recusauit. Lectæ sunt literæ Apostolicæ in præsentia eius, quibus sententia excommunicationis in eum ni resipisceret, promulgabatur. Quibus auditis indignatus est, & Cardinalibus conductum per terram suam diu negauit. Vix tandem obtinuerunt illustres personæ quæ aderant, vt eis conductum permitteret. At verò Abbati non nisi vsque Vizeliacum dextras fiduciæ dare voluit. Cuius non fuit consilij eò pergere; quoniam perfidi homines sui aduersus eum conspirauerant. Quem assumens Episcopus Niuernensis præcepto Cardinalium ex parte Apostolica ab Ecclesia Iabliaci eum deduxit, & ad portum vsque sancti Maioli perduxit. Quo permeato ad Montetum Abbas diuertit, & fuit ibi per dies aliquot.

Vizel. Bur-  
genses ad  
Larent. Co.  
mitti.

Proditores autem viri Vizel. sacrilegium periurio addentes, Comiti adhæserunt, & oblici factoris sui qui mendicos & egenos eos locupletauerat, & bonis omnibus repleuerat

inopes & vagos : oblitī, inquam, Dei, & auertentes se ab eo, coluerunt Deos quos ignorauerunt, colla submittentes Comiti, & cæteris tyrannis prouinciæ sese suâque illis dedentes, & fornicantes in superbia oculorum suorum, quantum in ipsis fuit commaculauerunt semen sanctum, adulterantes castitatem incorruptæ Ecclesiæ. Ipse quoque tyrannus præter omnia mala quæ Monasterio intulerat auferendo quæcunque extra opidum reperta sunt atque alia multa immanitatis & sæuitiæ plena inferendo : addidit insuper & hæc, scilicet vt desertores Dei & Ecclesiæ contra omnem iustitiam, contraque priuilegia Apostolica susciperet, & ipse ad hoc eos varijs promissionibus ac blanditijs impelleret, ipse minis & terroribus irritaret : Promittendo insuper nunquam sine ipsis pacem se facturum cum Abbate, nunquam ad concordiam Abbatis consensurum. Huius itaque freti auxilio, & conspirati consilio, egressi sunt mures de cauernis suis prorumpentes, torrentes Belial, & insurrexerunt in Ecclesiam matrem suam, & quasi abyssus circumuallauerunt eam & tanquã pelagus cooperuerūt caput eius oppidani vel qui dicuntur Burgenſes, vtique sui ipsius quondam specie tenus filij, nunc facti alieni, & tanto grauiores quantò interiores. Et cognito quòd clam ab eis declinauerit Abbas, mox sacrosancto violato templo, occupauerunt turres eius ponentes in eis custodes, & escas & arma, atque grauioribus peiora cumulantes, seruos Dei Monachos & Dominos suos turpiter iniuriauerunt, & bonis omnibus priuatos, atque omni humano destitutos auxilio, infra muros Monasterij recludentes abdiderunt, vt absque externo conductu quoquam progredi nemini liceret. Præterea inuaserunt colonias etiam Monasterij iura siue debitos redditus vsurpauerunt, domos plurimas Ecclesiæ diruerunt, prædia, molendinos, omnemque suppellectilem diripuerunt, mobilibus & immobilibus furiâ inuecti non pepercerunt, moenia vel clausuras Monasterij solo tenus confregerunt, & erant per dies & noctes consilia in conciliabulis malignantes, dolos & fraudes atque insidias concinnantes, vnanimiter conspirantes, & malis grauiora, grauioribus peiora quotidie interminantes.

Interea vigilantissimus Abbas Pontius profectus est Clu-

Oppidani  
Vizel. om-  
nia quæ  
Monaste-  
rij erant,  
diripiunt,  
Monach.  
diuexant,  
euertunt,  
ædificia.

niacum, vbi Cardinales & Legati Apostolicæ sedis cum multis religiosis & honestis personis conuenerant. Cùmque nota fecisset illis quanta mala prophani Vizeliacenses Monasterio suo intulissent, exorabat eos vt peteret à Cluniacense, fratre videlicet suo, quatinus vnā sibi impertiret cellulam, quò tutò diuerteret, & pacem suam inuestigaret. Qui compatiētes afflictioni eius Cluniacensem deprecāti sunt vt misericordiam & compassionem præstaret vterino fratri suo in maxima angustia posito, eiusque exilium releuando Siluiniacense Monasterium ad tempus vsque sopitæ tribulationis clementer illi concederet. Annuens ille petitioni eorum ita se pollicitus est facturum in breui, explorato loco congruo. Post hæc Abbas Pontius suggessit germano & Maioribus Cluniacensium vt facerent quatenus Cardinales sententiam anathematis promulgarent super sacrilegos ac perfidos proditores suos Vizeliaci, & eorum fautores. Illis hoc ipsum detrectantibus & dissimulantibus, visum est Cardinalibus ita vt Abbas implorabat expedire.

Fertur in  
eos senten-  
tia excom-  
municatio-  
nis & in-  
terdicti.

Datā ergo sententiā malefactores illos atque sacrorum violatores, sui que proditores, à corpore Christi, quod est Ecclesia Catholica, anathematis gladio præciderunt, & deprecatus est eos Abbas, vt causam suam sicuti viderant oculis suis, & manibus suis palpauerant, Domino Papæ ex integro panderent, traditòque in manum eorum nuntio suo qui sententiam vniuersalis Pontificis super Comitem referret, rediit ad Montetum habens libellum excommunicationis preditorum Vizeliacensium. Quē posteaquam Vizeliaco misit, & sententiam Romanorum promulgari iussit: conuenientes Sacerdotes pariter quadam in capella S. Petri superiori coram omni populo exposuerunt sententiam, & illos qui designati erant ex nomine publicè anathematizauerunt: cæteros cum omni villa penitus à diuinis officijs & Ecclesiasticis charismatibus interdixerunt, solo baptismo paruulorum, & confessione morientium indulto. Indignati ergo sacrilegi aliqui in eum sacerdotem qui sententiam prouulerat impetum fecerunt. Quorum primus fuit Odo de Palude, qui reiecto pallio quærebat lapides vt iaceret in eum; deinde Dauid Longabarba, & Robertus filius eius, qui soluens



pallium suum extraxit patinos suos ut Sacerdotem percuteret, & nisi quidam interuenissent, in mille frustra concideretur, qui fugiens ad altare vix euasit manus impiorum. Sequenti denique die, cum sublati valuis aditum Ecclesiæ ipsius spinis obstruxisset; incentores omnis malitiæ Hugo & Petrus, vterque de S. Petro cognominatus, abstulerunt spinas & valuas restituerunt. De Ecclesia verò S. Stephani iniuriato Clerico, qui sacrilegio eorum resistebat, calicem, librum, vestimenta sacerdotalia tulerunt: postea cum magno stepitu furoris Claustra Monasterij ingressi Priorem Hildinum adstantibus quibusdam Fratribus iniuriose conuicijs lacestabant, causantes de excommunicatione, atque cum multa arrogancia postulabant inducias, qui cum nollet eis acquiescere, vnanimiter responderunt, quia inquit, nos excommunicatis immeritos, faciemus ut excommunicati videamur. Decimas itaque & censum, seu alios redditus consuetos, iam amplius vobis non persoluemus. Adeuntēque Comitem de sententia conquesti sunt. Quibus ille: non possum, inquit, aliud: Ita etiam de me faciant si voluerint. Dixeruntque ubi molemus, vel coquemus panes nostros? Monachi enim nolunt molere nobiscum. Ait illis: Ite & de lignis vestris clibanum succendite, & coquite. Si quis obstiterit, viuum incendite: Sed & si Molinarius obstat, viuum similiter mola comminuite.

His & huiusmodi animati responsis ad mala exaggeranda reuersi sunt; ita factum est, ut quicquid vellent damni, iniuriæ, aduersitatis Monasterio inferrent, pueros Ecclesiæ de domibus suis expellerent, verberibus afficerent, & cum magna iactantia se adeò afflictuos Monachos deuouerent, quòd absolutionem ipsorum pedes requirerent. A potestate igitur Abbatis vel Ecclesiæ sese penitus abdicantes, sententiam super eos datam tanquam pro nihilo habebant, & minime ab ingressu Ecclesiæ sanctæ sese cohibebant, cumulantē peccata sua, nec Deum timentes, nec sanctuaria illius reuerentes. De his omnibus & huiusmodi pluribus conquestus est Prior in præsentia Comitis. Ille praua & peruersa promittens, eos bene fecisse respondit, & exaggerando prolocutus sic dicebat: Utinam Monachi omnes discederent,

Nihiliducētes sententiam excommunicantē Monachos afficiunt.

& Mōnasterium funditus esset dirutum ! quare excommunicauit eos ? & abstracto pilo vestis qua operiebatur , addidit : Si mons Vizeliaci totus in abyssum vsque foret præcipitatus , pilum istum non darem. Vobis commendo thesaurum Ecclesiæ simul & oblationes custodire , ne ille quicquam habeat vel suscipiat , fortiter obseruate : cuius gratia volo vt Burgenses omnia dissipent , omnia diruant , maxime illos qui de ipsius confederatione sunt. Accidit autem vt quendam sub anathemate defunctum , ipsi absque sacerdote signa pulsantes sepelirent , & ipsum Sacerdotem de domo sua eicerent ,

Cū igitur apud Montetum Abbas moraretur , & dictum fuisset Cluniacensi , quoniam Vizeliacensis Romam mittens Monasterium Siluiniacēse requisitus foret à summo Pontifice , indignè tulit , & promissionem suam differendo dissimulauit , reputans autem ne fortè anathema super Comitem , & super terram illius , ab Apostolico promulgaretur , & ob hoc Monasteria Cluniacensis curæ quæ plura infra terminos ipsius erant , periclitarentur , huiusmodi per suos necessarios eidem Comiti mandat monita : Quotquot Christianitatis nomen sortimur , Apostolicam censuram subterfugere omninò non possumus. Benè ergo feceris si bonæ spei fide te committens , pacem cum Vizeliaci Abbate per manum nostram feceris. Nostrum autem erit ita rebus vtroque consulere , vt tibi quoque profectus pacis illius accedat. Talibus acceptis mandatis , acquieuit Comes & quasi senipetam Bernardum Priorem S. Stephani misit ad Abbatem Vizeliacensem , cuius mortem siciebat pigmentis omnibus præstantiorem. Is ergo veniens , constantiam atque magnanimitatem in eo vigere prædicabat ; sed si pertinacia virtute pallietur , non minimam perhibebat Monasterii sui ferre iacturam. Hortatur proinde sic magnanimum esse in aduersis , vt honestati provideat in prosperis , & belli quidem incertam esse fortunam : pace autem quamuis iudicetur extrema , nihil fore dicebat securius , nihil quietius , nil certius , quam sibi oblatam per manum Cluniacensis si dignetur suscipere , testatur Comitem eidem pacto fauere. Nec videri debet suspectus eodem de sanguine cretus.

Cū

*Cum sit affinis repugnans identitas hostis,  
Immemor ipsa sui se indice victa manebit.*

Credidit Abbas suadenti, nec sperat posse surripi præiudicium, ubi cum iustitia causa tota sibi constabat. Conueniunt ergo pariter Cluniacensis & Vezeliacensis atque Niuernensis apud Luzeium oppidum Augustidunense. Cui colloquio interfuerunt Stephanus Abbas S. Michaëlis de Clusa & ..... Abbas de Moisiaco, sed & aliæ graues Cluniaci personæ; quo pariter consistentes, post plura quæ Comes iniuste requirebat indebita, hi qui loco aduocatorum conuenerant, sub specie pietatis aduersæ potius quàm iustæ parti fauentes, composuerunt quandam formam pacis suspectam libertati, obnoxiam seruituti, deditam instabilitati. Sugerunt deinde Abbati Pontio suscipere quod fraternus amor & socialis dispensatio de pace sua prouidit, tempus redimens atque instanti necessitati indulgens, sufficere sibi debere quod diminutum alter oprato capiat: quibus ille prudenter & reuerentiam Numinis & iniuriam honestatis sæpius prætendebat, & ne impietas pietatis ministris frueretur, iteratò supplicabat. Denique Comes protestatus est, quod si tantorum amicorum compositioni acquiescat, communiam vel sacrilegam confederationem hominū suorum ipse dissipabit, & penitus abolabit, eumque in Monasterio suo saluum & incolumem seruato ei iure dominii integerrimo constituet. Sed cum multa hinc & inde alternarentur, & Abbate in causa sua persistente confusione cederet effectus, tandem inito consilio Niuernis finem colloquii exitumque pacis statuunt. Misit itaque tyrānus maioribus conspiratæ proditiōis, & futuræ concordie iussit eos interesse. Abbas quoque mandauit Priori & quibusdam aliis de Fratibus Monasterii sui, ut sibi occurrerent, consulto primū generaliter vniuerso cœtu, vtrum pacis compositionem inter se & Comitem per iam præscriptam manum ratam esse decernerent. Qui pari & vnanimi sententia rescripserunt Domino suo & patri vigilantissimo ratum & firmum atque inconuulsum in sententia Fratrum permanere quicquid paterna prouidentia decreuerit vel constituerit saluo iure priuilegiorum suorum & libertatis Ecclesiæ.

Vt autem factus est Niuernis conuentus, mittebat Comes

A A a a

Conueniunt apud Luzeiū ubi tractant de pace.

Id etiā agi  
tant Clu-  
niacensis.

exenia quædam Abbati Pontio & varia pocula ob simulandæ pacis ostentationem; quod videntes sacrilegi proditores confusi sunt, & se desertos esse à tyranno suo formidarunt. Ingressus deinde Comes ad Cluniacensem, monebatur copiosius ab eo de reformanda cum cognato amicitia. At ille multipliciter contestans iurabat se neminem carius eo diligere; quin nec ab eo quicquam expeteret, quod non & vtilitati & honestati illius accederet, & hæc genu tenus dicens, complicatis etiam manibus inter manus Cluniacensis, luculentas lacrymas emungebat, quibus copiose fraudulentus affluebat. Cùmque Cluniacenses clam tractarent aliquid de compositione pacis, collegas Abbatis à confessu suo omnes arcebant: vnde & Vizeliacenses suspecti redditi sunt; & præcauentes ne sub specie pacis præiudicium paterentur ignominiosæ conditionis, ingressi sunt aliqui ex eis in conspectu Cluniacensis, & ne aliquid contra iura dignitatis & priuilegiorum Monasterij sui pacis conditione molirentur, ex Dei & Apostolica auctoritate, atque ex parte Capituli Vizeliac. denunciauerunt & contradixerunt. Ob quam causam iratus Cluniacensis profectionem parari præcepit, accitòque fratre obiurgabat eum dicens: Quid est quod agis? quid tam impudenter me exhonoras? nunquid puer aut delirus tibi videor? ego pro tua pace & quiete vsquequaque laboro, ego tuis profectibus ac successibus incunctanter inuigilo, tu autem versa vice quod ædifico destruis; quod exstruo dissipas; quod colligo, dispergis; & quod palam pacis tuæ gratiâ vocifero, clam me calumniando contradicis: quia ergo inutilis tibi videtur labor noster, solus ipse onus proprium ferto. Miratus ad hæc Vizeliacensis interrogabat quisnam talia præsumpisset: dicunt ei Cluniacenses Guilelmus qui dicitur de \*.....

\*De sunt hic  
28. folia  
infeliciter  
excisa in  
ms. codice.

Regina mater Regis, soror vxoris Archimbaldi de Burgo-  
bono .....

Sed & filia eiusdem... quæ postmodum nupta est Comi-  
ti de S. Egidio .....

Macharius autem Floriacensis Coenobij Abbas vegetes,  
dolia .....

.....

..... Monasterio meo cùm in treuga & pace Re-

uerentiæ tuæ iura disponerem Ecclesiæ, accidit suscipere me litem cum quodam seruo Ecclesiæ pro causa possessionis ipsius Ecclesiæ, quam duelli certamine adiudicaui fore determinandam. Protinus itaque vt tempus certaminis aduenit versi in seditionem homines isti qui præsto sunt, me cum fratribus & pueris meis oppetierunt, fugatisque nobis & improuisis & insperatis Claustra Monasterij violauerunt, ornamenta dissipauerunt, utensilia diuersi generis diripuerunt, vegetes ruperunt, vina fuderunt, rapinam bonorum omnium fecerunt, sanctuaria conculcantes contaminauerunt, cædem in Monachos, & famulos nostros exercuerunt, & me ad mortem petierunt, quem vtique si inuenirent, in mille frustra conciderent, deinde ineruditos nos ad præliandum obsederunt, domos fregerunt, molendina euerterunt, & quicquid nostrorum præ manibus habuere, totum occupauerunt, & in contumeliam regiæ Maiestatis satiati sunt poenis nostris. Tandem nactus opportunitatem, iterum Apostolico iubente, vt in præsentiarum est cernere, ad te singulare præsidium meum confugi: proinde adstans æquitatis tuæ iudicio, sanguinem meum & meorum, mortemque meam de manu istorum requiro, & detrimenta domus meæ ab ipsis repeto, saluo per omnia vestro iure atque Apostolico, cuius iniuriam prorsus remittere nec possum nec debeo. His dictis conticuit.

Surgens autem tyrannus, Comes scilicet Niuernensis, causam perfidorum persecutus, ait: Cùm constet Vizeliaci Oppidum multorum millium promiscui vulgus esse refertum, nec sint homines vnus moris vel quantitatis, vt pote ex multis hinc inde partibus ex maiori numero aduentitij, ac diuersa studia ferentes, & studio potius quàm lege morem gerentes, non est iure imputandum electis indigenis, & in omni lege & honestate probatis, quicquid erroneum vulgus per excessum deliquisse cõprobat. Alioquin ius iustitiæ non est iustitia, si pari crimine iustus & impius obligantur. Cæterû cùm vbique numerosior, ac proinde fortior quodâmodò sit plebs quàm Senatus, quid requiritur à paucissimis & honestis ac solius rei familiaris curâ gerentibus, quò Principis auctoritas plebeios nequit cõprimere motus? quapropter si Regio placet moderamini,

denominentur ab Abbate auctores sceleris, vt innoxiiis absolutis iustitiæ censura in reos decernatur. Ad hæc tyranno responsum est : Quoniam naturalis & legitimo iure proprium est ciuibus custodire & defendere, atque immunem seruare ab omni periculo Dominum ac Principem suum, mortem necne spontaneam pro salute illius non abhorre, iam non noxij, sed proditores & desertores Domini sui dicendi sunt, & adiudicandi qui eo in necessitatis articulo constituto, tam solatio quàm auxilio suo eum defraudauerunt. Atque ideo à capite ipsorum exigendum est, quicquid nequiter ipsis instigantibus, iuuantibus, & opem ferentibus, plebeia manus commisit. Tunc omnes pariter qui cum Abbate ab Vizeliaco non exierunt, vel Fratribus in Monasterio obsessis non se adiunxerunt, vel auxilium non tulerunt, adiudicati sunt rei proditoris, infidelitatis, sacrilegij, periurij, atque homicidij.

Quo facto, prolatum est primum capitulum de sententia Regis, vt Abbas testificando probaret detrimenta sua vel Ecclesiæ, & quicquid legitimè probatum fuisset, condemnati crimine capitali totum restituerent. Cui capitulo hæc Abbas obiecit. Cum palam constet homines istos ob immanitatem pertinaciæ suæ à tribus Apostolicis excommunicatos & anathematizatos esse, perperam mihi videtur Dominum seruis, fidem perfidis, sacramentum periuris, testificationem profanis, legem facere sacrilegis. Respondit ei Lingonensis ( Is quippe semper & vbique Vizeliacensi causæ aduersabatur, & cum Humberto de Talahi Archidiacono Niuernensi mediante Comite causam proditorum Burgenſium in aduocatione sua susceperat ) Etiamſi, inquit, tantummodo sententia sit promulgata, non habemus homines pro lege excommunicatorum donec ab Ecclesia generaliter denominentur, vocentur, publicentur : quod de istis factum minimè ſcimus. Ad quod Abbas: Præsto sunt, ait, Dominus Senonensis, & Dominus Parisiensis, necne Dominus Trecensis, qui iussu Apostolici Põtificis sacrilegos proditores denominantes publicauerunt. Attestantibus Episcopis hac ita se habere, persuasum est Abbati facere probationem, quam nil suo iuri contrariam fore constaret. Sed quia plene non aderant Officiales ac ministri Ecclesiæ, per quos probatio faci-

enda erat<sup>c</sup> dilata est in subsequenti sabbato, quo pariter tam præsentes quàm absentes conuenirent apud Moretum.

Erat autem dies qui cognominatur Martis, id est tertia feria. Et vt qui fuerant requisiti conueniunt, egressi sunt omnes cum Rege & Optimatibus suis in nemore confito supra Moretum. Vbi cum Abbas referret summam probationis suæ, dixit eam esse centenorum sexagenorum millium solidorum, præter detrimenta nemorum & aquarum, & præter iniuriam proditoris, & præter sanguinem occisorum, & præter sacrilegium inuasæ & violatæ sacrosanctæ Ecclesiæ. Quo audito conscij facinoris consternati animo protinus in fugam versi sunt, nec sustinuerunt fieri probationem: & nesciente Rege ad complices & consodales scelerum suorum repedarunt. Abbas verò iussu Regis fecit probationem suam præsentem Comite, & auxiliarijs illius prætitulatis. Vt autem cognouit Rex perfidos abesse, & iniussos temerè regiam curiam subterfugisse, foeliciter, ait, Abbas comprobauit iustitiam suam, proditores verò conprobauerunt perfidiam suam: quamobrem quia exciderunt à iustitia, proferatur sententia eorum reatui congrua: locutusque est Remensis: Vnum (inquit) capitulum dictauimus adhuc alia prolaturj, si expectantes vel iudicio se dignos inueniri paterentur. Nunc autem quoniam exsortes rationis exciderunt ab omni iure iustitiæ, dictante Regis iudicio diffinimus, vt Comes Niuernensis, qui de fidelitate Regis præsens adest, profanos illos proditores vi comprehendat, & puniendos Regi vbi iussus fuerit adducat. Res porro eorum tam mobiles quàm immobiles ex integro pro restitutione illati damni Abbati tradat. Et interrogatus Comes vtrum dictatam ex ore Regis sententiam susciperet; Suscipio ait. At Lingonensis nitebatur refellere iudicium. Cui Remensis: Si, inquit, iniustum tibi videtur elucubratum iudicium, apud Romanam audientiam te appello, vt ibi coram Summo Pontifice, & vniuersali Iudice, si quid habes obiectes. Nequaquam, ait Lingonensis, appellationem istam suscipio, nec iudicium Regis redarguo, sed quod æquitati ipsius visum fuerit, vt dignum est, approbo. Iterum ergo Rex interrogauit Comitem vtrum prolatum iudicium susciperet de tradendis condemnatis; qui respondit:

Iterum apud  
Moretum  
conueniunt;

Sententia  
proferatur  
in Comitē  
Niuernens.  
&  
perfidos Vi-  
zel oppri-  
dianos.

A A a iij

Si iubet Dominus meus Rex, suscipio : sed peto ut illis concedantur induciæ, quas ex fiducia Regiæ pietatis dedi eis. Respondens Rex ait : Planè iubeo, & auctoritate Regia pro fidelitate, qua mihi iuratus es, præcipio ut quod præfinitum est, perficias, nec de sententia quicquam omittas. De inducijs autem tua intererit, nam à me nec tibi nec illis aliquæ conceduntur, quin sequenti Dominica perficiatur quod definitum est.

Inuitus Comes sententia cum annuisset, modis omnibus oblatus cenatq; ut esset non sortitur.

Biduo igitur habito Concilio ibidem, solutum est collegium. Abbas autem valesciens Regi, & Optimatibus, atque amicis illius, accessit prope Vizeliacum, & fuit apud Giuricum usque ad dictam Dominicam. Tyrannus verò dolens super impios, quos ad conspiracy incitabat, quos ad facinus prouocarat, quorum iuratus erat, quorum opes ob fiduciam sui exhauserat, quorum etiam auxilio dominium Monasterij Vizeliacensis sese obtinere sperabat, dolens quoque quòd tam potenter & tam publicè ab Abbate victus, & confusus atque confutatus esset, quòdque tam de se quàm de suis satellitibus & complicibus vesaniæ suæ pro voto triumphasset, affligebatur animo vehementer, & cogitabat qualiter damnatis prouideret, vel desperatis subueniret. Sed quia confusus animus impos est rationis, infatuatum est consilium eius, & Deo disponente dum plebi prouideret damnata, inuitus & ignarus consultum fert Ecclesiæ, totumque præstat oppressis quod nititur efficere dolis : dumque tendit laqueum, leuat ipse socium, aduncatur stimulo, malè satur cupito. Missis ergo satellitibus suis, iussit clamare sub voce præconis omnibus oppidanis seu vicinis ex ore Comitum, ut sublatis mobilibus cunctis omnes pariter quaqua possent, confugerent in præfidiis illius, ubi eum minimè venturum sperarent : quoniam ex iudicio Regis sequenti die Lunæ omnes comprehenderet quotquot infra Vizeliacum inueniret, & puniendos quamuis inuitus Regi traheret Parisius. Et immisi Deus terrorem suum in hominibus illis, & fugerunt quotquot erant de aduersariis omnes à minimo usque ad maximum, domos, vxores, liberos, possessiones, & mercimonia sua relinquentes, ita ut penitus nemo ex tot millibus summo mane appareret, sed quasi ab hostibus inuasum & direptum



esset, sic vacuum & inane remansit oppidum. Existimans autem versutus & callidus Comes quòd non præsumeret se absente Abbas ingredi in Monasterium suum, simulauit languorem. Tunc Abbas vecordiam ipsius despiciens, statim ipsâ Dominicâ cum triumpho vespere Vizeliacum venit, & Monasterium suum obtinuit. Et facta est exultatio magna in Ecclesia, quoniam confusus est aduersarius, contritus est inimicus. Et misit tyrannus satellites suos Vizeliacum quasi ob gratiam perficiendi mandatum Regis, vt comprehenderent prophanos quos loco cedere iusserat. Ingressique satellites, dixerunt Abbati Dominum suum Comitem diu expectasse Nuntium illius, quo veniens ipsum in Monasterio suo honorificè introduxisset; se autem adeò mirari quòd tam improuisè illuc ingressus inimicorû motus non pertimuerit, missos autem à Domino suo idcirco se dicebant, vt definitam de aduersariis vltionem ad imperium Abbatis exercerent. Quibus Abbas respondit: Audito quòd Dominus vester infirmaretur, nolui onerosus illi existere, sed commisi me ipsum Deo & B. M. Magdalenz, cuius causam votis omnibus prosequor, & recepi Deo tradente quod nitebatur æmulus præripere. Cæterum ipsi scitis à quo missi estis: Siquid faciendum vobis præcepit, vestra interest vtrum faciatis necne: ego autem rei exitum patiens præstolabor. Respondentes dixerunt se missos ideo esse, vt homines vici illius comprehenderent, sed ingressos neminem præter mulieres & paruulos earum inuenisse. Ait illis: Siccine quatuor homines tot millia comprehendere venistis? Et dixit illis quidam: ecce si perfidos proditores captiuare venistis, inuenietis ferè quater viginti latitantes & latrocinantes in contigua sylua. At illi: aliud, inquit, iter nobis confecturis; modò non dirigitur illò via nostra: & sic tergiuersantes abierunt. Versutia quippe discipuli probatur dolus magistri. Et egressi sunt quidam de fratribus armatz cum pueris iuuentutis, & fregerunt tabulam impij Simonis & vestibulum domus ipsius, quæ contra ius ob contumeliam contradicentiû Fratrum ædificauerat, & de conspiratione factionis confusus hæcenus contra votum Ecclesiæ obtinuerat. Inde progressi dissipauerunt torcularia, quæ in subterraneis domorum suarum fraudulenter crexerant

impius Hugo Fricans-panem, & nefandissimus Hugo de S. Petro. Porro impij diffusi sunt per oppida & loca tyranni, quique iussit satellitibus suis atque Præpositis, quatenus eos occultarent, excusarent, & omnem humanitatem illis exhiberent, tantum sui præsentiam declinare eos iuberent. Reliqui circunquaque errando dispersi, multi eorum prædæ & direptioni necne captiuitati patuerunt. Inopes & vagi contiguam syluam occupauerunt, adificantes ibidem casas, & exinde latrocinia exercebant, viantes & peregrinos deprædabant. Die autem suspecti occursum quærentium se declinabant, & ad socios qui erant in locis munitissimis se conferebant: nocte verò in prædicta sylua degentes mittebant absconditos exploratores in vico sub veste peregrina, qui eis deferrent necessaria, & referrent quæ didicissent consilia; & congregati sunt profugi apud Corbiniacum, & cogitauerunt irruptionem facere, & vi repetere quas sponte formidolosi reliquerant sedes.

Exercitum  
colligi iu-  
ber Abbas,  
quo perfid-  
is oppida-  
nis obfiste-  
ret.

Tunc collegit Abbas externum exercitum, manum fortissimam, & homines doctos arcu & balista, & militibus infra castrum retentis, cæteros diuisit cum pueris suis, & posuit in munitionibus pessimorum, ut per ea expugnarentur impij per quæ nitebatur oppugnare munitiones Monasterij. Omnes autem iussit per vices & die & nocte circuire & discurrere circa oppidum & prædia illius. Quicumque verò de fugitiuis comprehendebantur, aut captiuitatis miseria, aut membrorum mulcta puniebantur: & obtinuit Ecclesia ius iustitiæ debitum, nec tyrannicam cogeatur adire curiam pro vlciscenda iustitia; & ultus est Ecclesiam Abbas Pontius de pessimo aduersario illius Hugone de S. Petro, & præcepit ut diriperetur omnis substantia eius, & publicarentur omnia bona illius, & subuerterentur omnia ædificia ipsius, domus & molendina, stagnaque aquarum quæ multo fastu exstruxerat, & exaltatus erat usque in cælum. Sicque deleta est omnis possessio illius, ut fieret parabola & prouerbum cunctis post futuris generationibus. Sed & in ministros seditionis Aimone de sancto Christophoro, qui dicebatur insanus, Petro, qui prænominatus est de S. Petro, Aimone de Phalesia, Roberto de Furno, Renaldo Daudet, Galterio Normanno, Roberto

Roberto de Furno, Renaldo Daudet, Galterio Normanno, Roberto de Campo-petroso, Duranno Gulos, Alardo Claudio, & Petro Galimardi, censura iustissimæ ultionis pertrāsiit, & domus eorū funditus euersæ atque succensæ sunt, bonæque eorum quibus malè abusi fuerant, direpta. In cæteris autem, hoc est, Eustachio, Simone, Duranno, Alburno, inque Dauid, & Hugone Fricante-panem, & Felice, aliisque ipsorum complicibus pietas Abbatis sententiam suam moderata est, & vina tantum eorum à fidelibus Ecclesiæ transfusa sunt. Inuenta sunt præterea scuta & arma diuersi generis inter spolia direptarum domorum. Et coniecti sunt plures in vinculis, donec Regis iudicium super eos decerneret; & humiliata est superbia impiorum, & cognouit se subactam insolens rusticitas Vizeliacensium. Et vidit tyrannus quoniam præualuit iustitia, & confusa est impietas, nec erat ei auxilium quo ferret opem deceptis, & reuerbatur eos, nec poterat sustinere aspectum illorum: quoniam arguebatur ab ignauia sua, & torquebatur à conscientia sua. Attamen impios se se volentes reddere, & ad arbitrium Abbatis satisfacere prohibuit, promittens eis pro voto pacem adfuturam; & quia confundebatur pro eis intercedere, ne contra iusiurandum eos iuuare videretur, cogitauit consilium irritationis in Deum, & blasphemus erga cultum pietatis, assumpto baculo & pera, quasi B. Dionysij petiturus oracula, cuius instabant solemnia, profectus est ad Regem. A quo requisitus causam sui aduentus, peregrinum se B. Dionysij Martyris mentitus est. Captato denique Regis colloquio, procedit ad pedes eius, & vt exulibus parceret illis, parceret etiam Vizel. Monasterio, quod destituto vico desolatum iri constaret, affectuosissimè deprecatus est, iureiurando etiam & obtestando pollicitus est, se in præsentia Regis homines illos adducturum, & eos ad arbitrium Regiæ pietatis Abbati & Ecclesiæ satisfacturos, ac perpetuæ pacis foedus firmaturos.

Motus igitur Rex precibus istis, statuit ei diem apud Altisiodorum, scilicet tertia die post festum Omnium Sanctorum, & designauit Abbati petitiones & pollicitationes Comitis, petiuitque vt interim parceret domibus eorum vsque ad diē conditæ concordiæ. Quibus auditis Abbas significauit pro-

Comes  
multa Regi  
fraudulenter  
suggerit: quibus  
occurrit  
Abbas.

BB bb

tinus Floriacensi & reliquis amicis suis mandatum Regis & conditum Comitis, petiitque ut futuro secum adessent colloquio. Cæteri autem Optimates, cum quibus pro causa Vize-  
liacensi Rex indixerat colloquium, renuntiauerant Regi, nul-  
larenus se affuturos ubi Niuernensem adesse prænoscent.  
Quo cognito tyrannus, & hac etiam improbitate sua impu-  
denter uti voluit: iterumque festinus ad Regem venit postu-  
lans ut diem & locum indicti colloquij de causa Vizeliacen-  
si accelerando præueniret, causatus inimicorum suorum  
insecutionem, à quibus se defendere oporteret. Sperabat  
etenim quod si nudum consilio & solitarium absentia suo-  
rum amicorum Abbatem inueniret, facile suadibilibus do-  
lis eum flecteret. Sed tritus fallaciis illius animus non po-  
tuit decipi incautus. Credidit tamen ei Rex, & scripsit  
Abbati ut ipsa die Omnium Sanctorum apud S. Iulianum  
de Salu indicto colloquio adesset, pacem facturum, pacem-  
que recepturum, si congrua offerretur. Ad quod Abbas  
inito consilio respondit tam præpropere se non posse oc-  
currere, quippe qui ad primitus designatum diem amicos  
suos vocauerat, quorum consilio & facturum & accepturum  
pacem esset, si congrua offerretur; quem præsertim non de-  
cebat tantum & tantæ causæ solum subire colloquium.  
Quo audito Rex iustum esse dixit Abbatis responsum, sic-  
que fieri iussit ut prius fuerat constitutum.

Condicta  
die Autis-  
fiodori cõ-  
gregantur  
Rex, Ab-  
bas. &c.

Damnan-  
tur denud  
Oppidani  
Vizel.

Die igitur statuta Iouis post festum Omnium Sanctorum  
conuenerunt pariter apud Altiiffiodorum Rex & Abbas cum  
Optimatibus & amicis; Comes quoque cum Vicanis Vi-  
zeliaci: & sedens Rex postera die quæ nuncupatur Vene-  
ris, interrogauit Burgenfes quidnam facere mallent. At  
illi respondentes omnia se facturos secundum beneplaci-  
tum miserationis illius dixerunt. Dictum est igitur ex sen-  
tentia Regis, ut conspirationem & mutuam confœdera-  
tionem quam fecerant, quoquo pacto fecissent, penitus ab-  
iurarent: illos, qui pueros Ecclesiæ occiderant, ubi ubi re-  
pertos aut caperent si possent, aut clamore & indicio quo  
possent proderent. Fidelitatem & vitam, salutemque mem-  
brorum Abbatis & suorum, Ecclesiæ & suorum, supra sa-  
cra iurarent, & summam XL. millium solidorum pro illato

damno penderent, munitiones & antemuralia domorum dato termino ad festum vsque S. Andreæ diruerent, & hæc omnia bona fide integrè se facturos iurarent. Tum illi iam fracta ceruice domiti & humiles effecti, ita se facturos sponponderunt, & Abbatem vt Dominum suum se veneraturos & conseruaturos iurauerunt; ipsa etiam statuti iuramenti sacramenta, statim ibidem qui affuerunt, fecerunt; scilicet Guibertus Lotariensis, Hugo Fricans panem, Durannus Alburni, & alij ferè amplius quàm XL. Et reuersus est Abbas Vizeliacum cum hominibus suis iam de perfidis factis fidelibus, Et ingressi sunt cum eo, lætitia & tripudio magno exultantes, habitaueruntque in pace, vt feræ mansuefactæ. Porro illi qui erant circunquaque diffusi audita pacis conditione gauisi sunt, & reuertentes confluebant quotidie cateruatim ad iusiurandum & deditionem. Constituit autem Abbas ex ipsis quæstores, qui exigerent à singulis impositam pecuniam; tali moderamine, vt appreciatis per obligationem iurisiurandi singulorum possessionibus, redactisque in summa pensitationibus de libra persolueretur pars decima, hoc est duo solidi redderentur de viginti; nec fuit in his omnibus qui resisteret, vel aperiret os contradicendo, quoniam ablatum est cornu superbiæ illorum, & contrita est virga fortitudinis eorum, & redintegrata est per manum eximij Abbatis Pontij libertas Ecclesiæ, & confusi sunt omnes prostituteores pudicitie illius. Veruntamen antemuralia domorum euertere dissimulantes neglexerunt, quoniam hoc præceptum in scandalum erat illis & quasi aculeus terebrans oculos eorum.

Peractis autem Dominicæ natiuitatis Kalendis, vocauit eos Abbas, monuitque vt iuxta compositionem pacis, quod necdum fecerant, perficerent, de diruendis munitionibus domorum. Constituitque illis terminum quo iussa complerent. Iterum dissimulantes cum interminatione commonuit, & si vltra factis obaudire negligerent, iram suam eos experturos fore predixit. Mittebantur autem frequenter Abbati Epistolæ precatoriæ à Principibus regionis, maxime pro Simone ne contineret in ira misericordiam suam super eum, sed magis misereretur, parceret domui illius, quæ utique causa erat & initium malorum, Vnde & ipse impius Si-

Plectit Ab-  
bas renuen-  
tem se sub-  
ijcere suis  
decretis.

mon plurimum præsùmens de gratia & familiaritate Principum, suadentem Abbatem vt præcipitaret quod malè ædificauerat, contempsit, addiditque contumeliam contemp-  
tui, & ædificauit propugnacula, & munitionem inceptæ tur-  
ris. Vt igitur vidit Abbas quòd vestigium contumaciæ & glo-  
ria superbiæ ipsorum esset in domibus illorum, accersiuit ag-  
grestem multitudinem de possessionibus Monasterij, & Sab-  
bato post Hypapante Domini misit eos & quosdam de Fra-  
tribus in domum impij Simonis, præcipitaueruntque fundi-  
tus antemuralia ipsius, propugnacula, & turrim, sedente  
ipso Simone ad ignem in ipsa domo, cum vxore & liberis  
suis. Quod videntes cæteri timuerunt valdè, & ingemiscen-  
tes erubescabant, dederuntque obsides pro euertendis mu-  
nitionibus infra constitutum tempus.

Tandè an-  
1155. obri-  
net suā li-  
bertatē Vi-  
zeliae. Ec-  
clesia: ac  
petente Ab-  
bate Ordines con-  
feruntur.

Diuinæ humanationis anno quinquies vndecimo, atque  
vicies quinquagesimo quinto, Pontificatus verò Apostolici  
Nicolai, qui nuncupatus est Adrianus, anno 2. Regnante, &  
agente pio Rege Francorum Ludouico Iuniore, data est  
requies Vizeliacensi Ecclesiæ per manum inclyti & claris-  
simi Abbatis Pontij, genere & moribus ac dignitate præ-  
stantissimi, & obtinuit Ecclesia integerrimam atque liber-  
rimam libertatem suam, tam in priuato quàm in forensi ne-  
gotio. Nam in priuato, superstitè adhuc æmulo, inuitatus est  
à prædicto Abbate Alanus Altissiodorensis pius Episcopus,  
& celebrauit apud Vizeliacum solemnes Ordines in Oratorio  
B. Dei Genitricis & semper Virginis MARIÆ, Sabbato Ie-  
iuniorum mensis Martij, assistente in Monasterio Cardinali  
Subdiacono Odone de Bona-Casa, fecitque inspecta Roma-  
norum priuilegiorum auctoritate Acolytos tres, Subdiaconum  
vnum, Diaconos quatuor: porro ad Sacerdotij gradum  
sex Fratres promouit, præsentè & cooperante Stephano Ab-  
bate de Rigniaco. Sequenti anno, anno scilicet pacis & vi-  
ctoriæ, duo Episcopi, videlicet Cenomanensis & Ebroïcen-  
sis, venientes à Roma cum Abbate S. Albani apud Vizelia-  
cum Pascha sanctum fecerunt, qui rogatu Venerabilis Pon-  
tij sanctarum Vigiliarum persoluentes officium, sacros Ordines  
solemniter celebrauerunt. Et Ebroicensis quidem Ostia-  
rios, Exorcistas, Lectores, Acolytos in Oratorio Theotocou

MARIÆ ordinavit. Cenomanensis verò septem Subdiaconos & vnum Diaconem fecit, Presbyteros autem quinque consecravuit. Et in his omnibus obmutuit aduersarius iugulo inuidiæ confossus, & auctoritate iustitiæ deiectus. Eodem sabbato accepit Abbas Pontius sanctum chrisma ab Archipresbytero Altissiodorensi.

Porro in forensi causa, primò quidem de perfidis proditoribus & seruis rebellibus non ex iure neque ex consuetudine, sed ex necessitate per manum Regis auctoritate Apostolica liberū ius iustitiæ obtinuit Ecclesia. Deinde per manum Abbatis Pontij tam suas quàm suorum causas potestatiuè in propria curia diiudicauit, nec vnquam vel vsquam cuiusquam laicalis vel clericalis personæ arbitrium iuriudicij intercessit: Et annulata est omnis calumnia, quoniam possedit calumniatores confusio & ignominia, & defecit inimicus, quoniam praualluit iustus.



# HISTORIÆ

## VEZELIACENSIS

### LIBER QVARTVS.



ICVT Patres thesaurisant filijs in incremento prædiorum & pecuniarum, ita priorum prouidentia thesaurifat sequentium notitiæ in descriptione librorum, & commendatione gestorum. Scriptis nânque median-  
tibus præterita quodammodò iunguntur futuris, dum litera repræsentat quod antiquitas abduxerat. Descriptis itaque superioribus libellis de dignitate & exordio atque libertate Vezeliacensis Ecclesiæ, laboribus etiam quos pro iustitia libertatis suæ constanter & infatigabiliter sustinuit, ad ea quæ desunt non supplenda quidem, sed prosequenda, vt pote visu & auditu experta,

BB bb ij

Asylum ducimus, & piorum patrum piis filiis æmulandam probitatem describimus, quatenus obtinere non negligant, quod patrum strenua sagacitas non absque grauibus laboribus acquisiuit. Deuictis igitur omnibus aduersariis libertatis Ecclesiæ Vizeliacensis, obtinuit venerandæ & semper recolendæ memoriæ Abbas Pontius integræ dignitatis fastigium, & quasi renouato iure totum penitus aboleuit quicquid erroris liuor seruilis induxerat, & pace adepta per quinquennium pacificè postmodum rexit in virga æquitatis Monasterium suum.

An. 1159.  
Schisma  
exortum in  
Ecclesia.

Alexander  
Pp. 3.

Anno autem Verbi incarnati Millesimo centesimo quinquagesimo nono, orta est, proh dolor! fœda dissensio in Romana Ecclesia. Mortuo etenim Adriano Papa, generali consilio & vniuersali consensu electus est sacri Scriniij Cancellarius Rollandus. Quo humiliter tantum onus suscipere dissimulante, interim Octauianus vnus ex Cardinalibus Apostolicis, & inter Senatores vrbis nobilior, Apostolica insignia sibi fraudulenter præripuit, & Apostolicum honorem, proh nefas! vsurpauit: neque diuina neque humana iura reueritus, tres tantum sui schismatis fautores habens de toto Apostolico Consistorio, scilicet Ismarum Tusculanum Episcopum, & Guidonem Cremonensem, atque Ioannem de sancta Martina; quorum Ismarus & Ioannes schismatici mortem in schismate præuenerunt. Vt autem cæteri Cardinales schismaticam vsurpationem cognouerunt, protinus cum Electro suo, ALEXANDRO cognominato, atque ab Humbaldo Hostiensi Episcopo consecrato, ab vrbe sunt egressi. Et factum est graue schisma in Occidentali Ecclesia, Germanico Imperatore Octauiano, qui dictus est Victor, Siculo autem Rege fauente Alexandro Catholico. Et misit Alexander Legatos suos in Galliam, & in Insulas Britannia, ad Regem Francorum Ludouicum, & ad Henricum Regem Anglorum, atque ad omnem vtriusque Regni Ecclesiam: Videlicet Guilelmum Papiensem, & Henricum Pisanum, atque Ottonem de Tulliano Carcere. Qui transeuntes Italiam cum à Cluniacensi Monasterio nequaquam reciperentur, primus & præcipuè omnium Gallicanarum personarum suscepit eos dignæ memoriæ Abbas Pontius Vizeliacensis, & Catholi-



cam Orthodoxi Alexandri electionem vniuersis vtriusque ordinis Principibus commendauit. Igitur Alexandro ab utroque regno suscepto, scripserunt Legati Cluniacensibus pro susceptione Alexandri. Præerat eo tempore Cluniacensi Ecclesiæ Hugo prudens moribus & simplex ingenio. Is conuocato ex more talium negotiorum Capitulo de susceptione Alexandri Fratres suos consuluit: at illi Patris Hugonis exosam habentes prælationem, cum dentem inuidiæ in personam innocentis nequirent infigere, versuto vti consilio, cum contestatione interdixerunt ei tam Catholicum quam Schismaticum suscipere; ne fortè dum, ut assolet in talibus, victo fauerent, victoris odium incurrerent; ne verò dolosi potius quam salubris consilij periculum suspectum haberet, idem sapere, & eadem subire cum eo vnanimiter quicquid exinde contigisset aduersi spopoderunt. Cum autem Cluniacum accedere, & in schismaticos ferre sententiam Apostolici Legati formidarent, miserunt Henricum tunc Beluacensem, postea verò Remensem Episcopum, qui propter germanitatem Ludouicij Regis tutius ad partes illas accedere, & delegatum sibi ab Alexandro per prænominatos Legatos Apostoli Petri gladium exerere posse videbatur. Qui cum accessisset, & apud Luzeium conuenisset, superque Cluniacenses ponere sententiam anathematis disponderet, rogatu Dalmatij & aliorum terræ illius Principum distulit, & scripsit Cluniacensibus, exhortans ut resipiscerent, & ut Alexandrum sicut alia Franciæ Monasteria susciperent; alioquin delegata sibi auctoritate Apostolica sententiam excommunicationis tam super ipsos, quam super omnes fautores eorum ulterius promulgare non differret; & assignato die apud Melidunum cum neque ipse Abbas Cluniacensis fraude detentus à suis, neque responsales eius adessent; porro æmuli Abbatis ex aduerso starent, Theobaldus scilicet Prior sancti Martini de Campis, qui aliquando post Abbatem Prioris locum in Monasterio Cluniacensi tenuerat, & alij plures qui videbantur esse capita Ecclesiæ suæ, ipsum Abbatem suum tanquam parricidæ filij patrem accusantes, & culpam schismatis à se remouentes, quippe qui se & commissa sibi Monasteria subjectioni & protectioni Catholici Alexandri committerent,

Renuunt  
Cluniacen-  
ses Alexan-  
dro pp. ad-  
herere.

ipsis fauentibus Hugonem Abbatem Cluniaci, & omnes subditos & fautores illius publicè excommunicauit.

Excommu-  
cantur.

Vocatus fuerat ad hoc colloquium sanctæ memoriæ Pontius noster meritò Abbas nominandus, quibusdam annuentibus, vt extruso Hugone is Monasterio Cluniacensi præficeretur. Sanè Beata & gloriosa Dei dilectrix Maria Magdalene, cui deuotus deuotum semper exhibuerat famulatum, hunc à candelabro suo, quo clarissimè irradiauerat, minimè euelli pertulit, retinuitque eum sibi etiam corpore, quem à puero enutritum & ab Angelorum Principe Michaële sibi concessum, totum ex integro sibi vendicans consecrauerat, nec passa est inimicum libertatis sepulchri sui vel ad horam exultare de eo, ne fortè contrarius sibi metipsi existens, qui propria pugnauerat patriam quodammodo expugnaret, neue malitia de virtute virtutem prosterneret, & ignauia probitatem probitate deiiceret. Languore nāque insperato detentus vicesimo quarto anno ordinationis suæ viam vniuersæ carnis ingressus est, & cum graui luctu suorum ante sepulchrum famulatricis sepulchri Christi sepultus, raptus est, vt credi fas est, ne gloria humanæ probitatis mutaret intellectum illius. Quo assumpto protinus Vizel. Monasterij Fratres vno voto & communi assensu elegerunt sibi Patrem genere nobilem, probitate conspicuum, virum ab adolescentia sacris instructum disciplinis, tam in ipso vbi susceptus est Vizeliacensi, quam in Cluniacensi Cœnobio, videlicet Guilelmum Abbatem S. Martini Pontisarenis, quod Monasterium ipse per XV. annos regens possessionibus & ædificiis multis ampliauerat.

Pontio Ab-  
bate Vizel.  
vita functo  
in eius lo-  
cum subre-  
gatur Guil-  
elmus Ab-  
bas Ponti-  
sas.

His diebus Niuernensis Comes Guilelmus, filius Guilelmi Cartusienfis, filii Renaldi de Hubenc, filii Guilelmi, filii Renaldi, filii Landrici, qui primus huius generis Principatum Niniis à Comite Burgundiæ suscepit: hic, inquam, Comes post multa grauamina quæ, vt in superiore volumine partim comprehensa sunt, Ecclesiæ Vizel. intulit, graui morbo correptus, calicem diuinæ vltionis prægustabat. Vt ergo audiuit filius eius Guilelmus quòd Vizeliacenses Abbatem sibi elegissent, genuina insolentia ratus omnia nutu suo cōstare, Vizelia cum venit in ira multa & in furore magno, & interdixit Fratribus electio-

Nō fortia-  
tur effectū  
electio obi-  
cem ponit  
Comes Ni-  
uern.

electionem se absente & inconsulto patre suo factam ; posuitque custodes ne quis de Vizeliacensibus transiret ad Electum. Sed quàm prauo & irrationabili consilio hoc fecerit, manifestant Romanorum Pontificum munimenta , & Francorum Regum priuilegia : aui quoque sui qui simili arrogantia electionem Renaldi Abbatis , postmodum Lugdunensis Archiepiscopi , calumniatus est, exemplar subscriptum , declarat. Ego Niuernensis Comes dimitto Deo & Beatis , Apostolis Petro & Paulo , & B. Mariæ Magdalænæ quam prauam consuetudinem, quam in Vizeliacensi Ecclesia exigebam ; scilicet vt de electione Abbatis eiusdem loci nullus vltèrius à me vel hæredibus meis siue successoribus meis requiratur consensus , sed cum qui electus fuerit, prædicta Ecclesia habeat, ita vt nullus nostrum possit aliquid calumniari , vel de consensu à nobis non acquisito aliquid ab Ecclesia exigere. Sed & tam de introitu quàm de exitu Abbatum promitto me nihil vltèrius calumniaturum.

Consensus  
Comitis in  
eligendo  
Abbatem  
haud requi-  
rendus.

Vizeliacenses igitur postpositâ iuuenis Comitû iniquâ calumniâ Renaldum Merlotensem ad conuocandum Electum suum miserunt: qui cum venisset neque Monasterium introire, neque solemnem Fratrum processionem suscipere voluit, ne minus per ostium ingressus videretur : cum huiusmodi translatio de Monasterio ad Monasterium, vel de Ecclesia ad Ecclesiam inconsulto Pontifice Romano nequaquam authentica esse decernatur. Vnde Vizeliacenses per Gaufredum Hospitalis scripserunt Ottoni Cardinali & Legato Apostolicæ Sedis, innuentes ei modum electionis & personam electam. At ille perlectis Apostolicis priuilegijs electionem sanam comprobauit & eam fore ratam vice Apostolica confirmauit, ipsique Electo commisit curam Vizel. Ecclesiæ ex parte Domini Papæ, per manum Petri Pisani Decani S. Aniani Aurelianensis. Et ingressus est Guillelmus Abbas Vizeliacum , totius populi fauore, & Fratrum solemnî processione susceptus, habens secum Marcharium Floriacensem, Theobaldum S. Germani de Pratis, Stephanum Rigniacensem, Abbates. Et non post multos dies misit ad Alexandrum Papam prænominatum Gaufredum & Ioannem Italicum Clericum suum cum literis Capi-

Confirmat  
electionem  
Cardinal.  
Legatus.

Init possessi-  
onem Ab-  
bas.

tulj sui continentibus actionem electionis suæ , & literis Francorum Regis , literis etiam Regis Anglorum, atque Abbatum prænominatorum , personam electi & modum electionis commendantium.

Alexander  
Papa Ia-  
nuam appu-  
lit.

Ratam ha-  
bet Abbas  
electionē ;  
renouatque  
priuilegia.

Cluniacen-  
ses vsurpāt  
regimen  
Cœnobij  
Vizel.

Interea Alexander Papa Octauiani schismatici declinans insidias per mare appulit ad urbem Ianuensium. Quo audito nuntij Vizeliacenses profecti sunt illuc. Susceptique honorabiliter ab Alexandro, fuerunt cum eo in Palatio per dies aliquot : & sedens Alexander vnà cum vniuerso cœtu Cardinalium, adstante multa frequentia multarum partium, Legatos Vizeliacensis Monasterij audiuit , allatas ab ipsis literas suscepit , ordinationem Guillelmi Abbatis ratam habuit , eidem & fratribus vniuersis eiusdem Monasterij priuilegium fecit, in quo iuxta antiquorum Pontificum Romanorum exemplaria statuit , quatinus Fratres Monasterij Vizel. defuncto Abbate suo liberam electionem in substituendo successore haberent , & ne aliqua persona cuiuslibet causæ religionisue obtentu quemlibet assensum de ipsa electione sibi vsurpare, vel quocunque modo requirere præsumeret. Hanc siquidem libertatem cum per trecentos fere annos ab ipso suæ foundationis principio Vizeliac. Ecclesia quietè & absque calumnia obtinuisset, tamque de suis quam de aliorum Fratribus Monasteriorum sibi Patres indifferenter præfecisset : Cluniacenses longè post exorti per surreptionem sibi vindicare nisi sunt ; assensum quidem primum, deinde verò ius electionis sibi arrogantes, mentientes utique à Paschali traditam sibi curam ordinis Ecclesiæ Vizel. ob quam prorsus causam eadem Ecclesia sub Innocentio II. Papa graue scandalum pertulit reclamando libertatem ingentam, dum per violentiam eiusdem Innocentii & Comitum Niuern. intruso à Cluniacensibus quodam Alberico, ferè omnes sæpe fati Monasterii Fratres vinculis colligati, & per Prouinciam, Italiam , Germaniam, Lotharingiam, Franciam , & Aquitaniam, hac illacque ignobiliter dispersi sunt , alienigenis subintroeuntibus in liberrimo solo, qui quasi sub Sennacherib vndecunque congregati vnum superstitionis Samaritanorum nomen fecere.

Quia ergo in tempore tentationis supercilium Cluniaci

intumuit, & Monasterium quod hætenus specialius Ecclesiæ Romanæ membrum extiterat, à Romana vnitæte exorbitauit, iure placuit Apostolico examini, vt B. Petri vterina filia Vizel. Ecclesia denuò Schismaticorum non subiaceret calumniæ, præsertim cum ipse Catholicus Papa Alexander æquè vt Paschalis, & quilibet alii Apostolici prædecessores sui, Deo authore, B. Petri clauibus frueretur, quibus merito fidei remittendum vel soluendum censebatur, quod aliquando sub obtentu religionis commissum vel ligatum prætendebatur. Ob insolentiam denique Cluniacensium non solum in hac parte, immò etiam in toto corpore, libertas Ecclesiæ Vizel. periclitabatur: Nam cum aduentitii præfati abundantia multa abuterentur, & à vicinis locorum indigenis bonorum Ecclesiæ rapinam paterentur, desidiæ & ignauix potius quàm debitæ libertati consulentes, Comitem Niuernensem induxerunt, & sub specie familiaritatis materiam ei dederunt inconsuetæ tyrannidis, & inusitatæ consuetudinis. Eorum etenim temporibus & indebitæ iustitiæ exactio, & procurationum frequentia, occasionumque grauamina, atque malarum consuetudinum submissio inoleuit; per quæ omnia nostris temporibus eadem Ecclesia penè ad nihilum redacta est: paulatim enim serpendo pestiferum virus tam Cluniacæ seruitutis quàm Comitis tyrannidis à planta pedis vsque ad verticem omnes illius æui seniores infecit vsque ad beatæ memoriæ Pontium, quem foecunda virorum illustrium Aruernica nobilis tellus protulit, & hunc de quo in præsentiarum agitur, Guilelmum de Melloto, quem strenua Caroli Magni de Rupe Merloti proles edidit. Hi nempe verè filii veræ matris vicem doluerunt, & pro iustitia illius ad sanguinem restiterunt.

Igitur Alexander Papa egressus ab Vrbe Ianuensium in portu Magalonæ applicuit: cui prænominatus occurrens Guilelmus Abbas Vizel. quemadmodum prædecessor illius Pontius primitias legationis Apostolicæ non absque suorum & quorundam Magnatorum inuidia susceperat; ita & hic ipsum Summum Pontificem à littore maris prodeuntem omnium Sacerdotum Galliæ prior excepit, & inuenit gratiam in conspectu Alexandri,

& magnificauit eum Alexander coram frequentia totius Romanæ Ecclesiæ, & iterum retractato Comitæ Gerardi testamento, munimentis etiam antiquorum priuilegiorum collatis cum modernis, immunitatem libertatis Ecclesiæ Vizel. & libertatem eligendi vel substituendi Abbatem communi consilio & voluntate, atque arbitrio omnium Episcoporum, Presbyterorum, Diaconorum, Subdiaconorum, Cardinalium Alexander Papa in Consistorio Montis Pessulani iuxta subscriptum exemplar confirmauit.

Priuilegia  
Vizel. Eccle-  
siæ con-  
firmat Ale-  
xander Pa-  
pa; eamque  
eximit à  
potestate  
Cluniacen-  
sium.

„ ALEXANDER Episcopus S. SS. Dei, Dilectis filiis  
„ Vvillmo Abbati Vizel. Monasterii, eiusque Fratribus  
„ tam presentibus quàm futuris Monasticam vitam profes-  
„ sis in perpetuum. Sacro-sancta Romana Ecclesia, quæ  
„ vnique respondet pro suorum qualitatibus meritorum,  
„ eos quos fideles reperit, benigniori tractare gratia con-  
„ suevit, & quos feruentiores circa suum obsequium intue-  
„ tur, honoris prærogatiua est solita decorare. Antecessor  
„ autem noster bonæ memoriæ Paschalis Papa, sicut ex pri-  
„ uilegio prædecessoris nostri scilicet recordationis Calixti  
„ Papæ cognouimus, Vizel. Monasterium, quod propriè ac  
„ specialiter B. Petri iuris existit, Cluniacensis Ecclesiæ  
„ feruorem religionis, quæ tunc temporis inibi habebatur,  
„ attendens, cum religio in eodem Vizel. Monasterio tunc  
„ ex parte maxima deperisset, commisisse dinoscitur, &  
„ prædictus Calixtus Papa id ipsum auctoritatis suæ priuile-  
„ gio confirmasse; ita quidem ut obeunte Ahbate, qui ibi-  
„ dem esset pro tempore institutus, alius ibi deberet com-  
„ muni Fratrum consensu, vel partis consilii sanioris,  
„ Cluniacensium Abbatum consilio subrogari. Nos verò  
„ deuotionis vestræ constantiam & fidei firmitatem, quam  
„ in hoc tempore procelloso tam vos quàm bonæ memoriæ  
„ Pontius Vizel. Abbas, circa Rom. Ecclesiam habuistis,  
„ diligentius attendentes: considerantes etiam quàm ma-  
„ nifestè Cluniacensis Ecclesia tempore huiusurbationis  
„ errauerit, & quomodò à pristina religione & honestate  
„ corruens ab unitate Ecclesiæ se fecerit alienam: prædicto  
„ Monasterio vestro in deuotione & fide Ecclesiæ firmissimè  
„ permanente, & religione per Dei gratiam ibidem plena-

riè restituta, vt vtraque Ecclesia fructum videatur pro  
meritis reportare, commissionem illam, quam idem an-  
tecessor noster Paschalis Papa fecerat, de communi Fratrum  
nostrorum consilio duximus reuocandam: Statuentes vt  
idem Monasterium Cluniacensi Ecclesiæ in nullo penitus  
subiacere debeat, nec alicui teneatur nisi tantum Rom.  
Ecclesiæ respondere; & electionem ita liberam per omnia  
habeatis, vt Cluniacensium Abbatum consilium vel consen-  
sus nullomodo requiratur; immò illum vobis in Abbatem  
dari volumus & præponi, quem Fratres communi con-  
sensu, vel Fratrum pars consilij sanioris, secundum Dei  
timorem, & B. Benedicti institutionem elegerint, & Roma-  
nus Pontifex aut præuiderit ordinandum, aut suggestione  
Monachorum eiusdem loci consenserit ordinatum. Vt au-  
tè hæc nostra institutio futuris semper temporibus inuiolabiliter obseruetur, eam auctoritate Apostolica confirmamus, & præsentis scripti priuilegio communimus: statu-  
entes vt nulli omnino hominum liceat hanc paginam  
nostre constitutionis infringere, vel ei aliquatenus contrai-  
re. Si quis autem hoc attentare præsumpserit, secundò,  
tertiòve commonitus, nisi præsumptionem suam digna  
satisfactione correxerit, potestatis honorisq; sui dignitate  
careat, reumque se diuino iudicio existere de perpetrata  
iniquitate cognoscat, & à sacratissimo corpore & sanguine  
Dei & Domini nostri IESV-CHRISTI alienus fiat, atque  
in extremo examine districtæ ultioni subiaceat. Seruanti-  
bus autem sit pax Domini nostri IESV-CHRISTI, qua-  
tinus & hic fructum bonæ actionis percipiant, & apud  
districtum Iudicem præmia æternæ pacis inueniant,  
Amen.

Et cum fuisset Abbas Guilelmus cum Apostolico Alexan-  
dro dies plurimos, gratia & benedictione illius auctus cum  
fauore Romanæ totius Ecclesiæ recessit ad propria, & regres-  
sus cum magna gloria receptus est à Fratribus suis, & ab  
omni populo suo cum solemni processione in ornatu platea-  
rum & fumo thymiamatum, & facta, vt moris est, oratione,  
obtulit duos pretiosos pannos sericos, & duo optima tapetia:  
& confusi sunt omnes aduersarij libertatis Ecclesiæ Vizel. &

Abbas hu-  
maniter à  
Papa ex-  
ceptu ad  
propria re-  
dit.

Fama eius  
detrahunt  
osores.

insurrexerunt viri linguosi, & quibus proprium est bonorum inuidere prosperis, coeperuntque detrahere Guilelmo Abbati apud Comitē iuuenem (nam pater vita excesserat) quasi Guilelmus omnia bona Ecclesiæ dilapidasset, & infinitam pecuniam Romanis dedisset; dicentes impium esse tam nobilem Ecclesiam dissipari, impietatem verò ipsam in caput Comititis meritò redundare, qui cū tutor & defensor existat Ecclesiæ, tantæ illius depopulationi non obstat.

Erat autem iuuenis quidam nomine Guilelmus, filius Petri de Monte-Regali inter ministros Abbatis Pontij, ætate quidem iunior, sed ingenio acrior; hic sensu astutus, & obsequio gratus, tantam apud Pontium obtinuit gratiam, ut potentiā cunctos excelleret Aulicos, & dominandi secundum ferè vindicaret locum; quem excludebat, excludebatur; & quem admittebat, admittebatur; quem iustificabat, iustificabatur; & quem condemnabat, condemnabatur; iustum & iniustum, munus & meritum, ipsa quoque gratia, qua nihil clariùs in omni fortuna, absque Guilelmi fauore nulli pendebantur: factique sunt extranei, quos olim & ætas & sapientia Pontio familiares fecerat. Cūque puerilibus animis maiora, maioribus præsumeret, etiam Fratribus detrahere cœpit, proprios accusans Dominos, seruus conditione & moribus: exclusisque omnibus solus solom nomine Domini sui gratia abutebatur, fasque nefasque vnius erant pretij apud eum, qui totus incumbere de penuria pauperum dilatare terminos suos, & abusus fiducia Domini sui pro centenario tricenarium reddebat, & pro denario centenarium recipiebat: multiplicatusque est vehementer in possessionibus multis & pecuniis innumeris, & actus omnium in ore illius. Vnius tantum gratia abutendo contentus, omnium simul intus & extrā odium concitauit. Homo quippe superbus & arrogans atque impurus honestos quosque & probatissimos viros despiciebat, accusabat, & dehonestabat; aded quippe simplices pij patris animos circumuenerat callidis adulationibus, ut totum ei conmeret quod huic quocunque modo placeret. Elatus igitur & miro modo supra semetipsum iuuenis erectus, cū per quadriennium ita insolesceret potiùs quàm conualesceret, vnius vno momento noctis repente miser corruit & crepuit,



& effectus est quasi qui nec fuerit, & vtinam nec fuisset: Nam cum foelicis memoriae Pontius Abbas extremum vitae spiritum efflasset, seruus proditor qui præ dolore commori debuerat, postpositis exequiis protinus clauēs tulit, armaria spoliavit, & quicquid rapere potuit, clam asportauit. Cumque tam sacrilegum furtum sæpius reiterasset, deprehensus à Fratribus & comprehensus est. Inquisitus autem super thesauros Abbatis, & de candelabro aureo, quod Imperatrix quondam Mathildis mater Regis Anglorum Henrici Monasterio Vizeliacensi dederat, omnia negauit; & scrutata domo illius, tandemque negata clauē familiaribus illius recepta, repertum est illud quod negauerat candelabrum, sigillum quoque Abbatis simul & sigillum Capituli, quod iam per biennium Fratres latuerat. Facto autem mane dedit Fratribus obsides super quingentas libras pro executione iustitiæ tenenda in manu futuri Abbatis qui ea ipsa die depositionis venerabilis Pontij concorditer electus est, anno diuinæ incarnationis millesimo centesimo sexagesimo primo VI. feria, XIV. die mensis Octobris.

Interea prophanus Guilelmus de Monte Regali accessit ad iuuenem Comitem patris exequias celebrantem, qui octauo die obitus pij Pontij vitam humanam finierat: cumque multa mentiundo præstrueret, spopondit Comiti nouo octoginta libras, decem septemque scyphos argenteos, si ei aduersus Vizeliacenses auxilium præberet, & singulis etiam annis duas marchas argenti Comiti pro commendatitio daret. At ille compromisit ei contra omnes petitum auxilium.

Recepto igitur solemniter electo Abbate Guilermo, clamauerunt omnes pariter aduersus Guilelmum de-Monte Regali, qui præsumens de auxilio Comitis iustitiam exequi detrectabat. Vnde iussus ab Abbate Guilermo comprehendi carceri mancipatus est. Tunc ille solita usus versutia, cum sperato careret auxilio, Abbatibus qui fortè ad noui Abbatis introitum conuenerant, Floriacensi scilicet & Parisiacensi coepit supplicare, atque sub obtentu confessionis, quam detegere sacerdotibus fas non est, requisitos thesauros in quantum nosset propalare, contestans se stare definitioni eorum de obiectis capitulis si nouus Abbas acquiesceret, qui parens illorum precibus & consiliis dixit se quoque idem facturum:

statimque in ipso crepusculo noctis allatæ sunt Sanctorum reliquæ in virgulto Abbatis, & productus impius Guilelmus de carcere, iuravit super sancta quod faceret quicquid sequenti mane præscripti Abbates definirent, & quod interim nusquam diffugeret. Sed in perfido quæ fides? nullum est enim veritatis vestigium, vbi non est fidei fundamentum. Vt autem vulgo dicitur experto non esse credendum inimico, ita & proditori iuranti nulla fides est adhibenda; iurat ore prophanus, ore iustitiam, sed loquitur ex corde in corde nequitiam, & decidens in profundum malorū contemnit iustitiam, sequiturque impietatis propositū. Sic iste sceleratus Guilelmus spreto iusiuramento, postposita etiam fide obsidum impudenter ipsa nocte periurus aufugit. Quod cum Abbas Guilelmus audisset, & rei exitum comprobasset, statim misit ministros suos in domum fugitiui proditoris, & tam frumenta quam vina, vasa quoque & pannos, atque vniuersam supellectilem domus asportari fecit, pollicitamque pecuniam quingentarum librarum à fideiussoribus exegit. Sacrilegus verò clam profugit ad Comitem, à quo receptus post paucos etiam dies ab eo Vizeliacum reductus est. Vnde cum Comes interpelleretur ab Abbate quare perfidum fugitium suum suscepisset, & Vizeliacum contra morem villæ reduxisset; cui utique non liceret de iure neque commendatitium hominem Monasterij suscipere, neque cuiquam inimico villæ in ea conductum præstare: de his & alijs capitulis terminandis constituerunt diem apud Regniacum; vbi cum conuenissent, primum conquestus est Abbas quod Comes extra morem Ecclesiæ homines suos commendatos susciperet; petiitque ut hunc fugitium suum Guilelmum de Monte Regali, qui capitaneus seruus Ecclesiæ existeret, incunctanter sicut de perditione & periurio conuictum sibi redderet. Tunc Comes Optimates suos requisivit super propositam de iure consuetudinis calumniam. At illi omnes vnanimiter dixerunt nullum habere Comitem in hominibus Ecclesiæ Vizel. commendatum, neque aduersus Ecclesiam, neque alio quolibet modo. Protinus Comes dimisit versipellem Guilelmum, & iussit eum redire ad legitimum Dominum suum, & per omnia illius stare mandato: & ut vidit quod nihil profecisset,

cisset, præcepto Abbatis vellet nollétque se submisit. Domo igitur cum aliquibus ex suis possessionibus distracta, obsides suos liberauit.

Post hæc contigit Comitem infirmari usque ad mortem. Cui Abbas Vvilelmus valde compassus, vt potuit, quanquam exosus ab eo, gratis ei obsecutus est: & oratio fiebat quotidie ab Ecclesia Vizel. ad Deum pro eo. Sed cum illa orante conualesceret, ingratus oblitus est omnium beneficiorum quæ sibi ab Ecclesia vel ab Abbate exhibita sunt. Et patulas aures linguis apponens detrahentium, recogitabat quibus occasionibus Abbatem vel Monasterium fatigaret. Scripsitque Abbati vt pecuniam, quam prophanus Guilelmus de Monte-Regali cognominatus sibi ex compromisso debebat, sibi redderet. Deditque in mandatis Nuntio qui eius literas defererebat, vt si pecuniam reddere Abbas differret, vel dissimularet, terram Abbatis illico deprædaret. Quadam ergo die Dominica, epistolam Comitis super præfatum negotium Abbati Nuntius obtulit ( dicebatur autem nuntius ille Gaufridus de Meliduno ) cui protinus Abbas respondit nullam omnino pecuniam se Comiti debere: si quid verò impius Guilelmus Comiti deberet, ab eo indubitanter reposceret. Respondit Gaufridus nil sua interesse nisi Domini sui tantummodò mandatum perficere. Nunquid ergo, ait Abbas, hac Dominicâ bonorum nostrorum rapinam facies? non inquit Gaufridus, sed cras Domini mei præceptum dissimulare non potero. Si tamen ad Dominum meum mittere placet, proficiscar libens & ego cum nuntio & pro causa tua orabo: & cum ibidem, hoc est apud Cápum-mollem, ab Abbate procuratus fuisset, & Abbatis nuntium quendam Monachum iturum ad Comitem accepisset, in ipso itinere diuertit à Monacho, & veniens ad Castrum Genforium elegit fortissimos iuvenes, statimque ipsa Dominica iam aduersperascente omnes greges ouium Abbatis apud Campum-mollem, vbi ea die cum Abbate comederat, deprædatus est. Nec mora, ultio cum diuina secuta est: nondum quippe septem diebus transactis amentia captus de fenestra domus suæ saltum dedit in subiacenti flumine Yonæ: vnde semiuiuus extractus, propria cœpit membra laniare, sicque insaniendo vitâ indi-

Preces fundunt ad Deum Monachi Vizel. pro Comite Nivern. ægro; qui ingratum se nihilominus exhibet.

gnus mortuus est. Conclamantibus autem Fratribus vniuersis & omni populo Vizeliacensi aduersus Guilelmum scelerrimum, quod causâ illius, & tanti Principis inimicitias, & suorum deprædationem paterentur, præcepit eidem Guilelmo Abbas, quatinus Comiti de compromisso satisfaceret, aut certè illata damna Ecclesiæ restitueret. Qui deficiens ab utroque, coniectus in vinculis carceri mancipatus est. Ferro igitur ligatus & tenebris obuolutus censum pecuniæ foetore carceris non potuit negligere, quinimmò dulcius habuit omnem subire miseriam, quàm vel diminuere gratis pecuniam. Hac etenim pluribus in locis foenerata squalorem carceris atque famis inedia, quodque grauius est, honestatis iniuriam libenter perferibat: tandèmq; longa carceris pressura coactus iterum distractis possessionibus pacem fecit, fuitque deinde quasi lupus inter oves circumueniens proximos, accusans pauperes, detrahens diuitibus. Sanè Comes neque huius miseriis neque suis malis contentus; armenta & pecora, hominèsque Monasterij Vizel. prædari fecit: quia, vt dicitur in prouerbio vulgari, Sola volenti nocere sufficit occasio; nullius iustæ querimonie fretus ratione, occasiones querebat qualiter Ecclesiam suo dominio subiugaret, & ab ingenta libertate spoliaret.

His diebus Occidentalis Ecclesia graui schismate laborabat. Henricus autem Comes Trecentis partibus fauebat Imperatoris. Porro Ludouicus Rex Gallie misit in occursum Alexandri Catholici Papæ Legatos suos, Theobaldum Abbatem S. Germani de Pratis, & Cadurcum Clericum suum; quorum legationem cum minùs optato Alexander suscepisset, reuersi Vizeliacum venerunt. Et decidit in lecto ægritudinis Theobaldus Abbas, & mortuus est I X. Kal. Augusti, sepultusque infra ianuam Basilicæ B. Mariæ Magdalene, cuius Monachus extiterat. Et vt cognouit Rex Ludouicus repulsam Legatorum suorum, iratus pœnituit se suscepisse Alexandrum contempto Victore & scripsit per Manassem Episcopum Aurelianensem super hæc verba Comiti Henrico Trecenti, qui eo tempore ad Germanicum Imperatorem properabat. At ille gratulabundus pro opportunitate reperta suggestit Imperatori vt iniret colloquium cum Rege:

Ludouicus  
Rex Gal.  
partibus  
stat Alexā-  
dri Papæ,  
à quo re-  
pulsam pas-  
sus est.

adunatis vtriúsque regni Optimatibus, & Ecclesiasticis viris, contestatus iurejurando quod Rex audita vtriúsque Apostolici electionis examinatione, iuxta discretionem personarum vtriúsque Regni, staret consilio suo, videlicet Henrici Comitibus: & indictum est colloquium apud Louigennam vicum citra Ararim fluuium intra fines Regni Franciæ. Et statutum est vt Alexander Catholicus & Victor Schismaticus colloquio adessent, & de sua electione in conspectu totius Ecclesiæ conferrent. Quod vt cognouit Alexander, misit ad Ludouicum Regem Legatos, scilicet Bernardum Portuensem Episcopum, & Iacintum Diaconem suum, qui Regis iram lenirent, & familiare colloquium inirent. Conuenerunt ergo Alexander & Ludouicus apud Siluiniacum, qui est vicus Monachorum Cluniacensium. Rex autem Ludouicus rogabat Alexandrum vt ad constitutum veniret colloquium; aut si fortè præsentiam Imperatoris abhorreret, saltem ad partes illas accederet vsque ad Vergiacum castrum, quod erat inexpugnabile. Cui cum Alexander nollet acquiescere: Ego, ait Rex, & te & vniuersum Comitatum tuum saluum ducam, & reducam saluum sicut corpus meum. Et cum nec sic acquiesceret Alexander veritus dolos Imperatoris, respondit Rex: Mirum est quod conscius iustitiæ suæ subterfugit testimonium innocentiae suæ, seu audientiam causæ suæ. Et abiit Rex ad indictum cum Imperatore colloquium: nondum autem cognouerat condiciones quas ex parte sua Comes Henricus fecerat cum Imperatore.

\* Louuicu.

Pontifex  
saniori cō-  
silio Lega-  
tos mittit  
ad Regem,  
qui eius  
animum  
demulce-  
rent.

Conuenit  
Rex ad col-  
loquium cū  
Henrico  
Comite  
Trecensi,  
qui Impe-  
ratori fauēs  
Alexandro  
aduersaba-  
tur.

Cum ergo venisset Rex apud castrum Diuionem, occurrit ei Comes Henricus, & tum primum aperuit ei pactiones quas cum Imperatore fecerat, dicens: Majestatis tuæ reuerentiæ & Regni tui consulens vtilitati, Domine mi Rex, inij colloquium super Ararim fluuium, quo tu Domine mi Rex, & Imperator Fridericus cum Pontificibus & Abbatibus atque Optimatibus vtriúsque Regni conuenientes, præsentem Apostolico tuo, & Imperatoris Apostolico, ex vtraque parte eligentur probatissimi viri tam Ecclesiastici quàm militares, qui electionem vtriúsque Apostolici dijudicabunt. Et si ROLANNI electio fuerit sanior comprobata, Oc-

DDdd ij

TAVIANI electio cassabitur, & Imperator procidet ad pedem Rollanni: Si autem Victoris electio prævaluerit, Rollannus adnullabitur; Tu verò, Domine Rex, ad pedem Octavianii venies. Quòd si Octavianum deesse contigerit, Imperator ab eo deficiens Alexandro tuo obediet: si autem è conuerso Alexander defuerit, identidem decidet, & Rex Victori fauebit. At verò si tua Majestas noluerit nec prædictis pactionibus acquiescere, nec arbitrio Iudicum assensum præbere, ego iurejurando iuravi quòd ad partes illiustransibo, & quidquid de fisco Regis in feodum habeo Imperatori tradens ab illo deinceps tenebo. Stupefactus Rex Ludouicus ad hæc respondit: Miror vnde tibi fiducia, quòd me inscio, meque inconsulto talia cum Imperatore condixisti. Respondit Henricus: Hanc fiduciam tu Rex ipse per MANASSEM Aurelianorum Episcopum mihi dedisti: interrogatusque super hoc verbo Episcopus timore Regis dissimulare coepit, occultans machinationes quibus Henricum ad hoc induxerat. Tunc Henricus protulit epistolam Regis, quæ continebatur quòd Nuntij Regis repulsi fuissent ab Alexandro, ob quam rem indignatus Rex mandabat Henrico quatinus ad Imperatorem Fredericum licenter procederet, & colloquium vtriusque audientiæ iniret, certus quòd Rex per omnia illius consilio staret.

Aliud colloquium in finibus Imperij.

Nuntij Regia.

FREDERICVS autem Imperator ædificauerat sibi palatium miræ amplitudinis in loco qui dicitur Dolah in finibus Imperij sui, & cognouerunt Franci quòd Schismaticus Victor non esset cū Imperatore; & lætati sunt super illius absentiam. Quo agnito Theutonici siue Germani currentes adduxerunt eum cum festinatione maxima eadem die: quem assumptum Imperator media nocte duxit eum supra pontis medium, statimque quasi pactionibus satisfecisset, recessit. Rex autem Ludouicus quasi venatum pergens transiit per nemus ad locum colloquij, misitque IOCIUM Turonensem Archiepiscopum, & MAVRICIUM Parisiorum Episcopum, GUILLELMUM quoque Vizeliaci Abbatem cum alijs Optimatibus Regni sui ad Nuntios Imperatoris, qui ibidem conuenientes verbum Regis expectabant. Inter quos etiam erat Comes HENRICVS, qui propter affinitatem cognationis,

partibus omninò fauebat Victoris Schismatici. Petierunt itaque Missi Regis ex orè eius competentes inducias, eò quòd pactiones huius colloquij haftenus vsque perendie Regi fuissent incognitæ, præsertim cum Imperator compulerit Henricum Comitem jurare ne prædictas actiones ante diem constituti colloquij vllomodo manifestaret Regi: indecens autem fore tam temerè de tanto negotio diffinire. Cùmque Imperatoris Frederici prolocutores petitas inducias negarent, reuersus est Rex apud Diuionem. Cardinales verò, quos illuc Alexander Papa miserat, sperantes solum esse colloquium, Vezeliacum redierunt. Rex autem constituit qui custodirent fines Regni sui. Et sequenti summo mane venit Comes Henricus ad Regem in Palatio Ducis Burgundia, allegans Regem nequaquam esse à pactionibus liberum, ideòque se necessariò discessurum ab eò, & sese traditurum in manu Imperatoris: Ita vt totam terram, quam de feodo Regis haftenus tenuerat, amodò Imperatori traditam ab eo reciperet, & hominum illi faceret. Attamen ob gratiam Regis obtinuissè se dixit ab Imperatore trium hebdomadarum inducias, ea conditione quòd Rex datis obsidibus polliceretur Imperatori ad diem se venturum, & Alexandrum adducturum, atque ibidem causam vtriùsque auditorum, & iudicio proborum virorum Imperij & Regni pariturum, aut certè seipsum tradere vinctum Imperatori apud Criesopolim, quæ est vrbs nobilis Byzantinorum: & acquieuit Rex, & defecit spiritus eius, & radiatus est animo, pactusque est ita se facturum, datis obsidibus..... Duce Burgundia..... Comite Flandria, & Guilelmo Comite Niuernensi. Omnis autem Ecclesiasticus ordo audito hoc verbo quòd fecerat Rex, doluit valde, & corde clamauerunt omnes ad Dominum vt miseretur Ecclesiae suae sanctae, & liberaret Regem à fraude circumuenientium se.

Abiit ergo Rex ad prænominatum vicum Louigennæ, Fallaciae Imperatoris detectae, à quo Rex desecit vbi Regi debebat occurrere Imperator; sed fefellit Imperator Henricum, misitque præcipuum fautorem schismaticis, Renaldum Cancellarium suum Colonienfis Ecclesiae. Cùmque coram eo replicarentur pactiones, quas Comes Henricus ex ore Imperatoris proposuerat Regi, subitò di-

uina virtus astitit Ecclesiæ suæ, & piæ simplicitati Regiæ Majestatis. Respondit enim Renaldus profani erroris fautor, nequaquam Imperatorem talia dixisse, scilicet quod cuiquam permetteret consortium iudicandi Romanam Ecclesiā, quæ propriè sui iuris existeret. Tunc repletus gaudio Rex, quæsiuit ab Henrico Comite utrū se haberent pactiones secundū formam ab eo sibi propositam. Et Rex: Ecce, ait, quod Imperator qui iuxta verbum tuum adesse debuit, abest: ecce quod etiam Missi illius formam pacti te præsente, te teste commutant. Verum est, inquit, Comes Henricus. Et ait Rex: Nonne ergo absolutus sum ab omni pacto? absolutus, ait Henricus. Et dixit Rex cunctis Optimatibus suis & Episcopis, atque Abbatibus, qui præsentes aderant: Audistis & vidistis omnes qualiter ego ipse gratis perfecerim omnia quæ ad me pertinent, & dicite utrū liber ab his pactionibus videar. Dicunt omnes, liberaisti verbum tuum: statimque Rex velocissimum equum cui insidebat reducens, protinus ire perrexit. Teuthonici autem valde cōfusi insecuti sunt eū, rogantes vt rediret ad Imperatorem paratum profectui omnia quæ Henricus proposuerat. At ille paruipendens ea quæ dicebantur, decipulam quā euaserat exhorruit, dicens: Feci quod meum fuit. Sic soluto conuentu Rex in suum Regnum rediit.

Alexander  
Papa suscep-  
tus Pari-  
siis à Rege.

ALEXANDER autem Catholicus Papa veritus indignationem Regis LUDOVICI, transiit in Aquitaniam Metropolim urbem Bituricorum, & in Dolense Monasterium, quod est apud Castrum Radulphi, ibique hyemauit: & sequenti tempore Quadragesimæ accessit ad Ludouicum Regem in vrbe Parisiorum. A quo susceptus honorificè secundum morem Romanæ Ecclesiæ, portauit ipse rosam auream Dominicā quā cantatur *Lazarus Hierusalem*. Peractisque Paschalibus solemnibus consecrauit Basilicam Monasterii B. Germani de Pratis, cui præerat Hugo de Moncellis, Monachus Ecclesiæ Vizeliacensis. Illuc iterum accessit Guillelmus Abbas Vizeliacensis, petens à summo Pontifice Alexandro quatinus libertatem & possessiones Ecclesiæ suæ, atque immunitatem banniarum Monasterii sui ab Antecessoribus suis præscriptarum tertio plenius confirmaret. Cui ille

Consecrat  
Ecclesiam  
S. Germa-  
ni Praten-  
sis.



pium assensum præbuit, & tertium ei priuilegium dedit. Inde Turonicam Metropolim urbem adiit, & Concilium ibidem tenuit omnium Episcoporum Lugdunensium, Narbonensium, Viennensium, Bituricensium, Senonensium, Remensium, Rothomagensium, Turonensium, Burdegalsium, Auscitanensium, Alpensium, Apenninarum, & Maritimarum, centum quinque numero: Cantuarensium etiam atque Eboracensium, Scotorum quoque & Hibernensium; sed & Abbatum & diuersæ professionis personarum gratanter vndique aduenientium: nam & Germanorum Episcopi plures occultè scripserunt Alexandro Papæ, obedientiam, & omnimodam reuerentiam pro loco & tempore illi humiliter exhibentes. Italiz verò non minima pars affuit, partim scripto partim suâ præsentia. Sed & Sardinia & Sicilia, cum omni Calabria, omnis quoque Orientalis Ecclesia, & Hispania, deuotum obedientiæ caput humiliter Alexandro Catholico Papæ subdidit.

Concilium celebrat apud Turones.

Interfuerunt prædicto Concilio STEPHANVS Abbas Cluniacensis, & GVILELMVS Abbas Vizeliacensis. Cogitauerunt autem actionem renunciationis Cluniacenses proponere contra Vizeliacenses: Sed conscii suæ iniustitiæ & Romanæ rectitudinis conticuerunt omnes, nec etiam exinde ausi fuerunt mutire: cum plurimæ huiusmodi controuersiæ hinc & inde in eodem Concilio proponerentur & terminarentur; sicut fuit causa Parisiensium Clericorum & Monachorum Cœnobii S. Germani de Pratis, quæ plenius ventilata iniustis Clericorum vocibus æternum silentium imposuit. Alexander igitur soluto Concilio Synodali, Bituricam in urbem, quæ caput est Aquitaniz, rediit. Procedente dehinc tempore autumnii Senonicam ciuitatem adiit, ibique per decem & octo mensium curricula sedit. Auctore autem Schismatis Octauiano, qui appellatus est VICTOR, ab hac vita infelicitè exempto, subrogatus est à Schismaticis GVIDO Cremonensis, qui de auctoribus electionis Alexandri primus apostatauit.

Agitata eo in Concilio variz causæ; præsertim Clericorum Parisi. aduersus Monachos Sangerman.

Interea Comes Niuernensis Vizeli. Ecclesiam grauiter infestabat, & per suppositas personas eorum qui ouino colore mendacium supprimunt, mores Guilelmi Abbatis & Fratrum suorum diffamare insistebat: Sola quippe Vizeliaci

Comes Niuern. persequi Vizeliacenses nō desistit.

deditione cupidus inuidiæ morbo aduersus Abbatem afficiebatur, qui prauis conatibus eius tam strenuè quàm callidè resistebat. Vnde illius magnanimitas potissimùm enituit, quòd insimulantiæquè vt deprædanti restitit. Eapropter cum dolus inuidiæ in seipso contabescens nihil penitus proficeret, & ab omni destitueretur iure, tandem postpositâ iustitiâ, honestate spreta, contempta religionis reuerentia, rabiem vesanîæ suæ tyrannica temeritate armavit. Cùmque tergiuersando vt iniquè ageret, laboraret, & nullam causam iustè affligendi Ecclesiam inueniret, vsurpatis procurationes, quas pater illius periculo maris actus remiserat, & eo cum matre in Capitulo Vizeliaci concedente confirmauerat, contra ius fasque ab Ecclesia repetiit. Neganti Abbati quòd iniuste reposcebatur, diffidationem mandauit. Interuenientibus autem amicis vtriusque partis inierunt colloquium supra stagnum de Nouerria, si fortè obortam controuersiam pacificare possent. Interpellanti itaque Comiti super prædictam exactiorem, respondit Abbas, quia quod pater dimiserat, & ipse concesserat, nec ab eo repetendum, nec à se reddendum erat, præsertim cum ipse inuestitam Ecclesiam hac dimissione patris, & sua concessione inuenerit. Et subito tyrannus iracundia motus, frendens & insaniens, Vizeliacum venit, (erat autem vigilia natiuitatis Præcursoris Christi) ingressusque Monasterium cum Fratres audito aduentu eius Claustra sua signassent, irruit ipse, & primus accepta securi ostium fregit coquinæ. Quod videntes satellites eius domos Ecclesiæ protinus occupauerunt, ostia reliqua fregerunt, Monachos impellentes cæciderunt, & de substantia Monasterii Dominum suum inuitis Fratribus ea nocte in hospitio Monasterii procurauerunt. Fratres autem cruces, & capsellas deposuerunt altaria, nudauerunt, & diuinum officium per omnes Ecclesias suas celebrare cessauerunt.

Ea nocte declinauit Abbas apud Campum-mollem; sequenti vero apud Gibriacum, inde misit ad Regem, ipse autè profectus est ad Romanum Pontificem, qui regressus à Concilio Turonico in Dolensi Monasterio degebat: Sed quia Rex expeditionem tunc mouerat in Aruernenses, noluit exasperare Comitem; monuit tamen vt propositam litem differret, donec

donec ipse ab expeditione rediret. Alexander quoque cogitans schisma, quo infirmabatur Ecclesia, & veritus ne forte si aliquantulum durius erga sæculi Principes procederet, grauiori scandalo Ecclesiam affligeret, simplici tantum scripto cōmonuit Comitem, vt à grauaminibus Ecclesiæ Vezeliacensis quæ filia B. Petri & alodium Romanæ Ecclesiæ existebat, desisteret. Sed induratum est cor Pharaonitici Comitis, & pro dulci fonte duritiam induit lapidis. Apostolica igitur simul & Regalia monita spernens cum graui & multo exercitu equitum & peditum atque promiscui vulgus, quasi hostilem obsessurus populum, in ipsa B. Mariæ Magdalena sacra solemnitate Vezeliacum venit: quo ingresso protinus Fratres cessauerunt à diuinis officiis, seorsum submissa voce in capella Genitricis Dei clausis ostiis Claustrum Deo debita vota soluentes, indignum vtique iudicantes sacra sacrilego pandere. Abbas autem descendit apud sanctum Petrum: Comes autem Monasterium ingressus more solito, sed comitatu insolito descendit in hospitio, negatamque sibi à Fratribus procurationem ipse sibi de suo exhibuit.

Papa monet Comitem vt vexare desinat Vezeliacenses.

In ipsa nocte ascendit Abbas ad sepulchrum B. Mariæ Magdalena, ibique Deo debita solemnitatis celebra pro tempore perfecit, & illucescente die descendit ad Esconium, Deoque sacram hostiam obtulit. Quem insecutus Renaldus de Merloto frater uelis suus cum Duranno Alburg, rogauit quatinus ibidem requiesceret modicum. Miserat quippe apud Gibriacum qui sibi necessariam refectionem pararent. Ascenditque Renaldus & locutus est de compositione pacis cum Comite. Reuocato igitur Abbate talis compositio processit, vt Comes de violatione Monasterij publicè ad altare satisfaceret, de usurpata procuratione viginti libras resolveret, remissionem quam pater fecerat de fortuitis procurationibus ipse denuò concederet, & scripto confirmaret; Renaldum quoque fratrem suum, & Guidonem æque fratrem suum, sororemque hæc omnia concedere faceret, data fidei pollicitatione & obsequiis, Ignaro Vicecomite de Iouiniaco, & Stephano de Petra-pertuis, & Hugone de Tornella, vt cum ad legitimam ætatem peruenissent, iteratò præscriptam remissionem concederent. Ob gratiam verò scriptæ confirmationis & conseruan-

Pacem incunt Abbas & Comes nonnullis conditionibus interpositis.

De illatis  
iniurijs ve-  
niam petit  
Comes.

Iterum li-  
tem mouet  
& persecu-  
tionem.

de pacis in perpetuum diffinitum est, quòd Abbas septingen-  
tas libras daret Comiti, & de procuratione illius diei du-  
centas quinquaginta tres libras persolueret; eo pacto in-  
terueniente, quòd Comes sequentis festi procurationem  
penitus dimitteret, & iterum de alia procuratione non nisi  
centum libras exigeret. His ita compositis & hinc inde  
concordatis, horâ diei sextâ pulsantibus signis celebrauerunt  
Fratres sacri festi solemnia. Et accedens Comes ad altare de  
illata Monasterio satisfecit iniuria, reposuitque iuxta con-  
dictum pro recti executione viginti libras. Et sequenti die  
ingressus Capitulum Fratrum præsidente Abbate coram om-  
nibus concessit sæpeditam procurationum fortuitarum re-  
missionem, quam pater suus fecerat, & scripto confirmauit,  
suique sigilli munimine corroborauit.

Post hæc Guilelmus Comes Niuernis ægrotauit vehe-  
menter, ita vt desperaretur; sed cum humilitatis vota sol-  
ueret Deo, tandem conualuit, petiuitque Sanctorum suffra-  
gia in Oratorio Beatæ & intemeratæ Virginis MARIÆ  
apud Anicinum urbem Vallauensium. Inde reuersus cor-  
pore quidem ad patriam, animo autem ad inditum sibi  
odium Guilelmi Abbatis Vizeliacensis; mandauit eidem vt  
sibi iustitiam de non exhibito sibi salinario exequeretur in  
præsentia sua, & iudicio Curia suæ Niuernis stare. Respon-  
dit Abbas: Sperabam fecisse me pacem cum Comite de  
omnibus querelis præteriti temporis: veruntamen quia ego  
rudis, & de huius Monasterij consuetudinibus nondum plenè  
instructus videor, loquar cum maioribus natu villæ huius,  
& cum cæteris sapientibus, & secundum consilium coelitus  
nobis indultum per proprios Comiti Nuntios respondebo.  
Abo autem de Monte Gualguerij (is enim iniunctum sibi  
nuntium perferebat) dixit Abbati: si placet diem Comitis  
à me tibi denominatum suscipere, bene; sin autem, Comes  
faciet sicut de negata sibi à te iustitia. Sic Abo recessit, &  
peiora dictis Comiti retulit. Abbas verò iniit consilium,  
misitque Nuntios qui adhæc verba responderent; qui eun-  
tes occurrerunt satellitibus Comitis, Dominum suum cum  
multa vesania venientem Vizeliacum præeuntibus. Et su-  
bitò Tyrannus irrumpens in Monasterium inuasit offici-

nas Monasterij : misitque protinus præcones per omnem villam Vizeliaci & Esconij & S. Petri, mandans omnibus hominibus Monasterij, vt pariter congregati præsentia suæ in crastinum adstarent. At illi vnanimiter omnes mandatum eius contempserunt. Tunc ille furia inuictus contra morem oppidi clamare fecit per præconem suum, quòd omnis qui ante conspectum suum non veniret, inuentus proculdubio caperetur, & domus illius publicaretur. Quo audito stupefacti sunt omnes, & plures præ timore accesserunt ad eum; quibus astantibus dixit: Quoniam negauit mihi Abbas iustitiam, inuestiui me de iure meo: volo itaque vt abiurato Abbate fidelitatem mihi faciatis, & amodò Abbati aut Monachis nullam consuetudinem persoluatis. Ad hæc Burgenfes responderunt: Nos fidelitatem iurauimus Abbati & Ecclesiæ; iniustum ergo & turpissimum videtur absque causa quantum ad nos peierare; vnde petimus à te dari nobis inducias vt cum Domino nostro loquamur, & super hæc verba illum conueniamus. Præsto est, ait, Dominus vester, & citò poteritis ei loqui. Permite nos ergo, inquirunt, ire ad eum; quibus ille dixit: Eligite ex vobis duos vel tres qui Abbati verbum vestrum, & vobis illius responsum perferant.

Surrexit igitur Simon de Siluiniaco, & Durannus Alburg, qui Comitis impietati præcipuè fauebant, veneruntque cum paucis ante Abbatem, & innotuit sermo Abbati quòd Comes detinuisset suos, ne ad se venirent. Illicò vocauit Ioannem Caprarium, & paucos seniorum Ecclesiæ, misitque eos confestim in hospitium ad Burgenfes suos in hæc verba: Vobis qui fidelitatem Abbati debetis & Ecclesiæ, mandat & præcipit Abbas per ipsam fidelitatem quam sibi iurastis, & sibi debetis, vt recedentes ab hoc tyranno quanto cyùs ad illum veniatis, & statim venerunt. Et cum de questione Comitishinc inde multa conferrent, rogauerunt Burgenfes Abbatem, quatinus in tanta necessitate sibi & illis consuleret, tempùsque redimeret, recipiens diem Comitis sub tali conditione, vt in eo tantum Comiti faceret, quantum deberet. Acquieuit Abbas suorum consiliis, mandauitque Comiti dicens: Quoniam ex improviso tyrannicè inua-

fisti domum meam, licet omninò iniustum sit quod exigis, suscipio tamen diem tuum sicut violentiam passus, assignatum apud Altissiodorum, tantum ibidem facturum, quantum debere me probabo. Protinus Comes frustratus à proposito (proposuerat nanque tali conditione Vizeliacum suo mancipare dominio) collecto impetu vesaniæ suæ recessit. Instante autem die, misit Abbas ad Comitem Desefiæ Maiores Ecclesiæ suæ, Gilonem tunc Priorem, & Gaufredum Angligenam Suppriorum, atque Gislebertum Eleemosynarium. Quibus ille dixit ut se sequerentur Niuernis, ibidem eos auditurus. Quod cum fecissent, ex parte Abbatis renuntiauerunt ei diem assignatam, rogantes, ut alteram propinquiore loco assignaret. Renuente illo diei renuntiationem vel commutationem suscipere aut dare, subintulerunt: Dominus Abbas Vizeliacensis tibi respondet per nos, quod mandato tuo stare nullo teneatur iure, & si denuò per violentiam uolueris illum fatigare, ipse te appellat ad audientiam Apostolicam, ad quam dominium Vizeliacensis Monasterij propriè spectat, & ad audiètiâ Domini Regis, sub cuius protectione & custodia idem Monasterium consistit, assignatque tibi diem in præsentia Papæ Alexandri in Octauis Paschæ; interim se suâque in manu Apostolici, & in manu Regis committens. Et cum hæc dixissent, licentiâque redeundi ab eo petissent nec impetrassent præ nimia ira, paululum digressi reuersi sunt ad hospitium suum in Monasterium S. Stephani, quod contiguum est eidem vrbi, simulantes quasi in crastinum ad Curiam Comitis essent redituri. Nocte verò conscensis equis Vizeliacum redierunt. Abbas autem declinans furorem insipientis Comitis abiit in Franciam.

Abbas verò abiit ad Alexandrum Papam, significans ei qualiter & quàm iniuste ipse & Ecclesia Vizeliacensis à Comite grauaretur. Inde profectus est ad Regem conquestus in auribus eius super iniusta vexatione qua premebatur à Comite, qui motus tam compassione conquerentis, quàm commonitione Alexandri Papæ, mandauit Comiti diem colloquij in vrbe Senonum. Quo vtrinque conuenientes, & plura hinc inde conquerendo conferentes, cum pacis vestigia nulla paterent, tandem rogatu Regis diem requisitæ iustitiæ in sub-

monitione sua distulit. Rex autem Ludouicus Epiphaniarum diem fecit apud Vizeliacum, & suscepit eum Abbas, obsecutusque est ei diligenter; quo regresso, inuidia ductus Comes mandauit Abbati diem apud Altissiodorum qui diem suscipiens pro tanto quanto sibi competeret, misit ad Papam Legatos qui eum consulerent quid super hoc faceret. Illi verò accepto ab eo consilio, & cautè secreto commissio, reuersi sunt.

Et egressus quidam Frater Vizeliacensis, nomine Renaldus, à Monasterio quod adiacet Moreto cum B. Dei Genitricis MARIÆ, & sancti Blasij, aliorumque Sanctorum memoria propter ædificationem Basilicæ ipsius Monasterij, de eleemosynis fideiū plurimam collectionem faciebat. Cūque loca peragraret, & Ambianensium pagum pluribus Sanctorum virtutibus opitulante superna gratia illustrasset, ad castrum quod dicitur Arborea, cum ipsa Sanctorum venit memoria: vbi paucis diebus commoratus, cū plurima ibidem Sanctorum per merita fierent miracula, & multus vndique occurfus populorum fieret, tandem exinde abire proposuit, & hinc inde, vt moris est, assumentes lecticam, nec vel parum ab Ecclesia potuerunt eam extrahere. Cūque vices vicibus alternarent, & nunc alios aliis, nunc fortiores fortioribus submitterent, Dominus locorum nomine Alelmus cum alio illustri viro lecticam leuauit, sed neque limen Basilicæ attingere potuit. Reponentes itaque lecticam super altare, orationi incubuerunt. Tunc vnus Fratrum, qui cum eodem Renaldo aduenerant, vocatus Petrus, stulta temeritate cœpit lecticam ipsam, quasi Sanctos flagellis exire compellens, percutere virgis. Nec mora, in illum defæuit vltio: continuò quippe paralyti dissolutus, post paucos dies hac vita caruit. Illustris ergo vir Alelmus perpendens diuinitus hæc fieri, pro munere sibi cœlitus collato, omnium bonorum auctori Deo gratias egit; deditque in consuetudinem ipsius castri in proprio allodio locum vbi ædificaretur Oratorium, in quo Sanctorum memoria reponeretur, & à Fratribus religioso officio ad honorem Dei coleretur: Constituit etiam locum ipsum sub regimine & dispensatione Ecclesiæ Vizeliacensis debere consistere, eo quòd Sanctorum pignora ab eadem

Monachus  
circumferre  
reliquias  
SS. ad po-  
scendas sup-  
petias.

Ecclesia & à Fratribus eiusdem loci perlata ibidem fuissent. Ad quem locum ipse Guilelmus Abbas cum vocatus venisset, alias quoque Reliquias & ornamenta multa pretiosa secum attulit; quæ ob honorem Sanctorum & ob deuotionem fidelium locorum illorum ibidem reliquit: dictus est locus ille de nomine adiacentis castri, Arborea. Sic inter fluctus persecutionis bonorum semper successus virtutis incrementum capit; & vnde magis Ecclesia affligitur, inde magis cumulatur.

Grassatur  
Comes Ni-  
uern. in  
Monachos  
Vizeli.

Comes itaque Guilelmus graui odio tenebatur aduersus Guilelmum Abbatem, & quia minùs perficere valebat quod volebat, furorem suum in rapina asinorum, & pecorum, & mancipiorum Monasterij explebat. Et erat homo pessimus Hugo, cognomine Lethardus, seruus de capite suo Monasterij: fuit quippe mater eius consanguinea germana Simonis filij Odonis Præpositi Vizeliaci, serui vtrique Ecclesiæ: qui videlicet Simon prodidit & percussit Dominum suum, videlicet Artaldum Abbatem Vizeliacensis Monasterij. Hunc Hugonem fecit sibi Comes Præpositum apud castrum Censurium, qui præ omnibus satellitibus Comitis Ecclesiam persequebatur. Impossibile dictu quot & quibus quantisque modis nocte dièque vexabat eam, & iniuste agens de iure interpellabat Ecclesiam; sed ius exigens, nil iuris rependebat, immò pro iure sibi constabat quicquid contra ius fasque violenter extorquebat. Cum ergo iterum Abbas conquereretur in Alexandri Papæ auribus super iniquas & multiplices oppressiones, quæ per satellites Comitis sibi & suis inferebantur, scripsit Alexander Comiti & matri eius in hæc verba.

Vt à vexa-  
tione ab-  
stineat ad  
eum scribit  
Alexander  
Papa.

„ ALEXANDER Episcopus Seruus Seruorum Dei, Dile-  
„ cto filio nobili viro GVILELMO Comiti Niuernensi, &  
„ IDÆ matri eius, salutem & Apostolicam benedictionem.  
„ Quantò Monasterium Vizeliacense ad ius B. Petri, & dis-  
„ positionem nostram noscitur specialiùs pertinere, tantò  
„ eius incrementis & commodis studio frequentiori inten-  
„ dimus, & ad pacem ipsius, & bonorum conseruationem  
„ magis solliciti permanemus. Inde quidem est quòd de  
„ pace & vtilitate eiusdem Monasterij studiosi omnimodis  
„ existentes dilectum filium nostrum Subdiaconem PE-



55 TRVM ad nobilitatem vestram transmittimus, Magni-  
 55 tudinem vestram per Apostolica scripta rogantes, mo-  
 55 nentes, & exhortantes in Domino, quatinus ad pacem  
 55 & vtilitatem præscriptæ Ecclesiæ, & rerum suarum con-  
 55 seruationem & defensionem pro reuerentia B. Petri, ac  
 55 nostra, modis omnibus intendatis, & iam dictum Subdia-  
 55 conem nostrum in hoc audire & etiam exaudire curetis;  
 55 & circumadiacentes nobiles & potentes Barones vestros  
 55 à præscripti Monasterij molestijs & iniurijs penitus com-  
 55 pescatis. Ita quoque nostris in hac parte precibus & ad-  
 55 monitionibus acquiescatis, vt nos preces ac petitiones ve-  
 55 stras debeamus efficacius exaudire, vt eis effectum vtilem  
 55 indulgere & ad honorem vestrum omni tempore feruen-  
 55 tius aspirare. Datum Senonis VII. Idus Septembris.

Igitur Petrus Rom. Ecclesiæ Subdiaconus peractis apud  
 Vizeliacum Dominicæ natiuitatis solemnibus, venit ad Comi-  
 tem & ad matrem eius, deditque illis Apostolica scripta: &  
 cum post Apostolica scripta etiã & suam vti optimè literatus  
 exhortationem obturatis auribus exhibuisset, illi ex aduerso  
 iniurijs & diuersis pluribusque mendacijs coeperunt Abbati  
 & Fratribus eius detrahere, bonumque nomen illorum dif-  
 famare. Et cum de pace cum inimicis pacis tractaret, nullum  
 pacis vestigium inuenit, nisi Abbas contra morem & digni-  
 tatem Ecclesiæ iudicio Curia Comitum staret. Adhibito ergo  
 communi Fratrum consilio deliberauerunt omnes pariter  
 exilium potius mortis subire, quàm tantæ tyrannidi deferui-  
 re. Omnem itaque postponens Abbas dissimulationem indu-  
 ciarum, suscepit diem indictam in initio Quadragesimæ: mi-  
 sitque ad Papam vt sibi mitteret auxilium: qui misit ei I A-  
 CINTVM Diaconem Cardinalem Rom. Ecclesiæ, & P E-  
 TRVM de Bona Subdiaconem suum, & IOANNEM Ma-  
 riscalcum suum.

Literas Pa-  
 pæ spernit  
 Comes.

Eo tempore Fratres Pontifaræ astabant Apostolicæ Cu-  
 ria, interpellati à Cluniacensibus, eò quòd vel Guilelmum  
 quondam Abbatem suum Vizeliacensibus illis inconsultis  
 dimiserint, vel alium ei substituerint: Sed defecerunt Clu-  
 niacenses à causa sua, nec etiam præsentare se ad diem præ-  
 sumperunt. Vnde Fratres Monasterij Pontifariensis absoluti

De pace tra-  
 ctatur.

à Romano Pontifice, cum libertate sua remearunt ad propria. Quorum Abbas **LECELINVS** Vizeliacum interim degebat, & rei exitum ibidem expectabat. Præ nimia quippe arrogantia dedignati sunt illum Cluniacenses in causam trahere, sed Fratres eius tantum, quasi acephalos prouocauerunt: de Monachis tantum, non de Abbate, quasi non esset Abbas, conquerentes, ideò consequenter Fratrum, & non Abbatis audientiam Alexander Papa expetit: Sed quia non fuit Sathan neque occurfus malus, probatam Potifarenfis Monasterij libertatem fauore omnium Cardinalium confirmauit. Conuenerunt itaque Altissiodorum **GVILELMVS** Abbas Vizeliacensis, & **LECELINVS** Abbas Pōtifarenfis, atque Abbas Monasterii S. Ioannis de Pratis, cum multis aliis Fratribus & amicis Monasterii Vizeliacensis; quibus etiam occurrerunt Legati Apostolici: quorum præsentiam Comes reueritus iam sponte mutare diem voluit, quem hætenus nec rogatus differre permisit. Super quo Abbas prudentes viros consuluit. Respondens Iacintus dixit ei: hætenus tertiana laborasti febre, ergone vis quartanā subire? quin potiùs ambages omnes abrumpe, & de iure libertatis tuæ incunctanter age: & posuit Abbas verbum suum in ore Abbatis Monasterii S. Ioannis de Pratis: sed nec ipse nec quispiam alter ob timorem Comitis ausus est proloqui. Quod videntes filii libertatis Ecclesiæ Vizeliacensis fide armati omnem penitus timorem abiecerunt, & propriam dignitatem alieno defensare sermone indignum duxerunt. Surrexitque Gilo tunc temporis Prior Cœnobii Vizeliacensis, & ait Comiti: Hætenus audiuit allegationes tuas Dominus Vizeliacensis; & quædam quidē facili cedunt concordia; cætera verò secum ipse tractabit: nam iudicio tuo eum stare debere frustra existimas, quippe qui nullo vnquam tibi iure tenetur. Quo audito Comes nimio furore correptus est. Erubuit enim ad verbum quod præter opinionem suam fuerat prolatum. Egressusque est Abbas cum suis à Comite. Iacintus autem feroces Principis animos mitigare tentabat, & pro pace instabat: sed repulsus, vel inducias aliquas Ecclesiæ dari orabat. Acquieuit Comes & fictas licet inducias dedit vsque in octauas Paschæ.

Instante

Episcopa-  
lia munia  
exercet Vi-  
zeliaci Si-  
gnienf. E-  
piscopus.

Instante igitur sacra Dominicæ Resurrectionis solemnitate venit Vizeliacum Signienfis Episcopus, à latere Domini Papæ missus ad visitandos, & confortandos Fratres: & consecrauit ibidem sacro-sanctum chrisma, & oleû sanctum sacro die Coenæ; celebrauitque Sabbato sancto Paschæ Ecclesiasticos Ordines. Ordinauit autem Henricum, Petrum, & Humbertum de Monachis Ecclesiæ Presbyteros; Geraldum quoque eiusdem villæ Clericum fecit Presbyterum; Tres etiam Diacones de Monachis ordinauit, scilicet, Ansellum, Guilelmum, & Gaufredum: Subdiaconos autem, Guilelmum, & Guidonem pueros. Porro Laurentium de Moreto fecit Acolythum.

S. Thomas  
exul in  
Gallia tu-  
telæ Regis  
se commit-  
tit.

Thomas autem Cantuariæ Archiepiscopus Henricum Regem fugiens, exulabat apud Pontiniacum. Is aliquando familiarissimus eidem Regi, & eleganti strenuitate conspicuus, Cancellarius eius extiterat, nec eo potentior quisquam visus est apud Regem Angliæ: at vbi Ecclesiastici regiminis curam suscepit, Deum homini præponere per omnia curauit, vnde contigit vt vsurpanti Regi in morem Oziæ iura Ecclesiastica velut alter Ionas constanter restiterit: quamobrem indignatus Rex, & inæstimabilem gratiam implacabili commutans odio, comprehendere illum & bona eius in fisco redigere disposuit: Sed præuenit impios conatus solertia innocētis, & clam mare transiens cum paruo comitatu ad Ludouicum Regem Francorum venit, & se suosque in manu illius commisit. Qui suscepit eum benignissimè, & necessarium ei auxilium liberaliter exhibuit. Attamen iustum illi visum est Alexandrum Papam adire debere, & omninò ipsius consilio stare. Ad quem cùm venisset, & aduentus sui causam ei exposuisset, condoluit ei Alexander, & tradidit eum Guichardo Pontiniacensis Monasterij Abbati, qui postea ab ipso Alexandro Lugdunensium Archipræsul consecratus est. Rex autem Ludouicus pro his & pro alijs negotijs ad Henricum Regem Anglorum misit, indixeruntque Reges mutuuum colloquium: cui colloquio cùm interesse Alexander disponderet, venit Parisius: quod vt Rex Henricus cognouit, colloquium indictum Ludouico Regi demandauit, infestus Alexandro ob inuidiam Thomæ Cantuariensis. Alexander autem iteratò iam

FFF

acceperat Legatos Romanorum rogantium vt rediret, & B. Petri ad sedem remearet: Vale dicens itaque Ludouico Regi ad urbem venit Bituricorum.

Hugo Letardus res Vizel. de-prædatur instinctu Comitissæ Niuern.

Impiissimus verò Hugo Letardus, seruus nequam genere & moribus pertinaciter insistebat tam captioni, quam de-prædationi hominum & rerum Vizeliacensium; sed & illa vetus Herodias, filia Iesabel de semine Amalech, mater videlicet Guilelmi Comitissæ Niuernis, nomine Ida, virus odiorum ore pestifero iugiter infundebat in filij pectore, æmula honestatis, & inimica totius bonitatis, & quæ satellites suos quasi filij partibus fauens, ad persequendum Monasterium Vizeliaci acriter perurgebat: Hinc cædes, hinc rapinæ, hinc captiuitates, hinc varia tormenta, hinc mortis diuersa genera, omnia de antro foemineæ nequitie manantia; nec facile cuiquam ciuium Vizeliaci exitus liber patebat. Composuerant Fratres ratem calcis miræ magnitudinis ad construendum dormitorium suum, & igne succenso trahebant ligna cum plaustris de adiacenti nemore suo: vnde inflammata hydra peste inuidiæ, immisit Satellites vesaniæ suæ, qui in ipsis Sancti Spiritus solemnibus equos raperent quadrigarum, quibus ligna trahebantur: sic deficiente igne periit opus ratis pretii centum librarum. Huius hydræ viperinus filius præceperat obseruari iter Guilelmi Abbatis, vt quasi eo ignorante à vilibus mancipiis dehonestaretur. Tantis igitur vndique malis afflictus Guilelmus Abbas, profectus est Alexandrum Papam; quem cum in prædicta vrbe inuenisset, exposuit ei omnia vt potuit mala, quæ à Conite & matre illius patiebatur: dixitque illi quòd causa sua, causa esset Domini Papæ & totius Romanæ Ecclesiæ, cuius iuris Monasterium suum propriè existeret, & ideò æquè vt suum Vizeliaci negotium suscipere Apostolicum debere; præsertim cum idem Monasterium hoc solo crimine periclitaretur, quòd se Romanum libera voce profiteretur, & quòd nemini se obnoxium, nisi soli Romano Præsuli fateretur. Addidit quoque, quòd si periclitanti Monasterio quàm citius subuenire negligeret, tanquam repudiatum adultero manum daret, & iam amplius de censuali iure non teneretur, maximè cum in ipsa Apostolica præsentia tam moder-

Conqueritur Abbas corâ Papâ multis rationibus.

na, quàm antiqua Romanorum Pontificum impunè vacillarent statuta, seu priuilegiorum munimenta, & adstante pastore lupina desæuaret rabies, nec multùm constaret libertas, quæ vnus verbi iustitiæ posset distrahi silentio. Denique non pusillanimitate, nec supercilio ductus toties Apostolicas aduersus Comitum aures interpellarit, qui certè quàm sæpe & prece & pretio gratiam illius redemerit: ipse autem è contra tam diram calamitatem ingratus sibi rependerit, quod iam pene exhaustum ad extremam fere inopiam se contulerit, nec contentus redemptione hominum seu dilapidatione possessionum Monasterii fuerit, sed ipsum Fratrum quotidianum victum iam per biennium tulerit. Quod factum quamuis grauius Monasterium affligat, magis tamen ac magis iniuriam ingentis libertatis deflet; quam videlicet libertatem sub obtentu cuiusdam vsurpati, & negligentia quorundam prædecessorum suorum surrepti saluamenti annullare penitus contendit: liberalitas quippe, quæ illi caritativè aliquando impendebatur, iam non vt gratuita deuotè liberalitas poscebatur, immò vt debita tyrannicè seruitus exigebatur. Et qui prius pauci numero contenti erant oblato, nunc multus exercitus inhiant rapto; in tantum quòd vnus hospitii procuratio ducentarum quinquaginta librarum & eo amplius constaret pretio. Talia dicta talibus Abbas rursus prosequabatur, dicens filiâ B. Petri, videlicet Ecclesiam Vizeli. omni expositam fore malo, ita vt iam à planta pedis vsque ad verticem nulla sit in ea sanitas: data est enim, ait, omni transeunti in direptionem & conculcationem, & quòd prius extitit iunior, eò nunc magis ac magis inuenitur abiectior; & qui prius inuidebant libertati illius, modò insultantes mouët super eam capita sua, & derident sabbata Romanæ dignitatis in exprobrationem deditiois Ecclesiæ Vizeliac. Iam Edua, Cluniacum, & versa vice Cluniacus Eduam aduersus Vizeliacum mutuò se instigant & cohortantur. Tempus est, aiunt, quo confraçto cerebro Romanæ arcis, oculi quoque illius effodiantur, & subiiciamus nobis ancillam fugitiuam, quæ se gloriatur B. Petri filiam. Et nunc Edua Moab, nunc Cluniacus Idumæam repræsentat, Vizeliacum velut alteram Ierusalem impugnando sibi reputantes, & dicentes: Popu-

lus stultus est, pauper & superbus. Ego igitur Edua superbiam illius contundam : tu autem stultitiam eius subsannabis, & paupertas illius nostras supplebit delicias. Inuitemus ergo Assur precibus, instigemus persuasionibus, conducamus muneribus, qui eius arrogantiam atterat in virga ferrea, & in manu robusta : & quoniam non est auxiliator neque propugnator qui liberet eam, scindamus eam inter nos, & tollat vnusquisque partem suam. Tu Cluniacus arcem obtinebis Capituli : Ego Edua mihi vindicabo altare. Porro Assur, Comes scilicet, oppidum diripiet. Et quis ad hæc, inquit, Domine sancte Pater stabit? vtinam esset transmigratio! vtinam sorte diuideremur! vtinam tempus & tempora nobis ponerentur! fortè quandoque suscitaret nobis Dominus Aod \* ambidextrum, in cuius manu foret salus Israël : nunc autem in sedibus nostris iugulamur, in domo nostra seruituti subiicimur, temporis redemptio perpetua nobis efficitur subiugatio. Tantorumque malorum cumulo totius miseræ & extremæ ignominie accedit incrementum, quod in conspectibus patris maculamur, quod à complexibus pastoris auellimur, quod legitimo præsentē patrono præiudicamur; quodque summa totius redargutionis est, silentio vniuersalis Iudicis condemnatur. Vtique si actio palam procederet, si ratio intercederet, si ius fasque, vel iudiciarius ordo locum haberet, leuior esset iactura, & gauderet compendio præiudicata poena, tametsi minùs videretur conscientie iudicio promerita : nunc autem causa nostra in ore vulgi versatur, & iudicium nostrum in manu inimicorum nostrorum proscribitur.

\* *Alludit ad cap. 3. Iudicis.*

Papa Alexander respondet Abbati, conaturque à vexatione Comitem auertere.

His auditis condoluit Alexander, & omnis Romana Ecclesia, scripsitque Comiti, vt illata damna Monasterio Vizel. emendaret, & denuò ab infestatione eius abstineret : quod si quid iuris habere se aduersus Abbatem putaret, præsentie suæ in octauis Pentecostes apud Clarum-montem se exhiberet, ibi primùm Abbati satisfactorius, & sic ab eo ius debitum recepturus. Comes autem Apostolicum mandatum penitus contempsit, insuper etiam Abbati insidias prætendens, ira eum inclusit, quod nec illius equi aquatum ire possent. Misit ergo Abbas Ioannem Clericum suum ad Ale-

xandrum : sed & Comes diffimulans contemptum , misit & ipse Theobaldum Decanum Niuernis , & Humbertum Archidiaconem , & Bernardum Priorem S. Stephani : quos Apostolicus Pontifex benignè suscipiens , requisivit vtrum sufficientes responsales pro Comite aduenissent. Sed cùm excusationem potiùs quàm iuris executionem prætulissent , absolutos remisit , scribens per eos Comiti quatinus infra octo dies posteaquam literas suas recepisset , Abbati & Fratribus Monasterij Vizel. ablata restitueret , captos Burgeneses , & eorum obsides liberos absolutosque dimitteret ; & ipsis strata publicæ , quam à longè retroactis temporibus habuisse noscebantur , ingressum & egressum liberum habere permetteret : deinde Apostolico se conspectui præsentaret , vt inter eum & prænominatum Abbatem ac Fratres componeret. Quòd si ei graue videretur , scilicet Apostolicam adire præsentiam , ad Senonensis & Bituricensis Archiepiscopi præsentiam cum Abbate accederet , qui inter eos pacem & concordiam reformarent. Porrò Bituricensi & Senonensi Archiepiscopis scripsit formam præscripti mandati ad Comitem , præcipiens eis , vt si Comes mandato illius stare , congruam compositionem inter Abbatem & Comitem facerent : sin autem , præcipiendo mandauit soli Senonensi , vt secundum tenorem aliarum literarum procederet , quarum continentia ita se habet.

„ ALEXANDER Episcopus Seruus Seruorum Dei ,  
 „ Venerabili Fratri HVGONI Senonensium Archiepiscopo  
 „ po Salutem & Apostolicam benedictionem. Ad tuæ Frat-  
 „ ternitatis notitiam peruenisse credimus , quomodo vir  
 „ nobilis Comes Niuernensis , & mater sua , in Vizeliacense  
 „ Monasterium manus suas ampliùs solito aggrauarunt , &  
 „ Dei ac B. Mariæ Magdalenæ , cuius corpus in eodem Mo-  
 „ nasterio requiescit , timore & reuerentia omninò postpo-  
 „ sitâ , equitaturas , boues , asinos , & pecora tam Monasterij  
 „ quàm exteriorum obedientiarum per seruientes suos r-  
 „ pere , & exinde abducere minimè formidarunt. Abbati  
 „ quoque eius loci iamdictus Comes minas & insidias cir-  
 „ cumponit , ita quòd de Monasterio sine proprij corporis  
 „ periculo & timore exire non audeat. Vnde quoniam Mo-

Scribit ea  
 de re ad Senonensem  
 Archiep.

Nisi Comes  
resipiscat,  
interdictū  
& excom-  
municatio-  
nem man-  
dat pro-  
mulgari.

Eiusdem est  
argumenti.

„ nasterium illud ad ius & proprietatem B. Petri ac nostram  
„ noscitur specialiter pertinere, & non modicum membrū  
„ Ecclesiæ Romanæ existit, Fraternitati tuæ per Apostolica  
„ scripta mandamus, quatinus sicut gratiam B. Petri ac no-  
„ stram caram habes, memoratum Comitem, & matrem  
„ suam, sub velocitate cum omni diligentia studeas conue-  
„ nire, & attentius exhortari, quòd prænominato Abbati &  
„ Fratribus ablata omnia cessante dilatione restituant: de  
„ damnis & iniurijs illatis congruam satisfactionem exhi-  
„ beant, & ab eorum molestatione ac grauamine indebito  
„ vltcrius omninò quiescant. Alioquin infra X X. dies post  
„ commonitionem tuam per totam terram eorum omnia  
„ diuina officia, præter baptisma paruulorum, & poeniten-  
„ tias morientium, penitus interdicās, & si nec sic resipue-  
„ rint, in personas illorum excommunicationis sententiam  
„ non differas promulgare. Venerabilibus fratribus nostris,  
„ Eduensi, Lingonensi, Autisiodorensi, & Niuernensi, Epif-  
„ copis per scripta tua significans, & firmiter eisdem ex par-  
„ te nostra iniungens, vt sententiam à te in supra dicti Co-  
„ mitis vel matris suæ terram aut personas eorum prolatam  
„ vsque ad dignam satisfactionem inuiolabiliter studeant  
„ obseruare. Nos enim ipsis per scripta nostra mandamus, vt  
„ ex quo super hoc literas tuas receperint, id fideliter stu-  
„ deant adimplere.

„ ALEXANDER Episcopus Seruus Seruorum Dei: Ve-  
„ nerabilibus Fratribus HENRICO Eduensi, GALTERIO  
„ Lingonensi, ALANO Autisiodorensi, & BERNARDO  
„ Niuernensi Episcopis, Salutem & Apostolicam benedi-  
„ ctionem. Ad vestræ Fraternitatis notitiam, &c. vt supra  
„ vsque ad hæc verba: Ecclesiæ Romanæ existit. Venerabili  
„ Fratri nostro Senonensi Archiepiscopo dedimus in man-  
„ datis, vt memoratum Comitem, & matrem suam sub  
„ velocitate, cum omni diligentia studeat conuenire, &  
„ attentius exhortari, quòd prænominato Abbati & Fratri-  
„ bus ablata omnia cessante dilatione restituant, de dam-  
„ nis & iniurijs illatis congruam satisfactionem exhibeant,  
„ & ab eorum molestatione & grauamine indebito vltcrius  
„ omnino quiescant: alioquin per totam terram eorum om-



nia diuina officia, præter baptisma paruulorum, & poenitentias morientium, penitus interdicat: & sine scilicet respuerint, in personas illorū excommunicationis sententiā, non differat promulgare: vobis per sua scripta significans, & firmiter ex parte nostra iniungens, vt sententiam ab eodem in<sup>o</sup> supradicti Comitis vel matris suæ terram, aut personas eorum prolatam, vsque ad dignam satisfactionem inuiolabiliter obseruare curetis. Ideoque Fraternitati vestræ per Apostolica scripta mandamus, quatinus cum eius super hoc literas receperitis, quod ab eo exinde statutum fuerit, sicut gratiam B. Petri ac nostram caram habetis, firmiter teneatis, & per vestras parochias faciatis inuiolabiliter obseruari; alioquin nos in nostri transgressorem mandati id auctore Domino durius corrigemus. Datum apud Clarum-montem Nonas Iunij.

ALEXANDER Episcopus Seruus Seruorum Dei, Carissimo in Christo filio LVDVICO Illustri Francorum Regi Salutem & Apostolicam benedictionem. Ad Regiæ serenitatis notitiam credimus peruenisse quomodo nobilis vir Comes Niuernensis & mater sua in Vizel. Monasterium manus suas amplius solito aggrauarunt, & Dei ac B. Mariæ Magdalenzæ, cuius corpus in eodem Monasterio requiescit, timore & reuerentia omnino postposita, equitaturas, boues, asinos, & pecora tam Monasterij quam exteriorum obedientiarum, per seruientes suos rapere, & exinde abducere minimè formidarunt. Abbati quoque eiusdem loci iam dictus Comes minas & insidias circumponit, ita quod de Monasterio sine proprii corporis periculo & timore exire non audet, publicam etiam & antiquam stratam non solum infringit, sed viatores per quoddam castrum suum transire compellit, & occasione ista quosdam Burgenses à nundinis redeuntes cepit. Unde quoniam Monasterium illud ad ius & proprietatem Romanæ Ecclesiæ, & Regiæ Celsitudinis protectionem spectare dinoscitur, Serenitatem tuam per Apostolica scripta rogamus, monemus, & exhortamur in Domino, quatinus diuini amoris obtentu, & pro reuerentia B. Petri, ac nostra, memoratum Comitem & matrem suam instan-

Rogat Regem vt Comitē cōsecrat.

ter commonear, & diligentius studeas conuenire, & etiam si necesse fuerit potestate Regia coërcere, vt præ- nominato Abbati & Fratribus ablata omnia sine dilatio- ne restituant, de damnis & iniurijs congruam satisfactio- nem exhibeant, & ab eorum molestatione ac grauamine indebito vterius omnino quiescant. Ita quod ab omni- potente Domino indeficiens propter hoc præmium foelici- ter valeas adipisci, & nos Clementiæ tuæ vberrimas ex- inde gratias exoluere teneamur. Nos enim præfatum Co- mitem & matrem suam per nostras literas monuimus, vt errata corrigere studeant, & à talibus de cætero penitus conquiescant. Datum apud Clarum-montem Nonas Iu- nij.

De præfa-  
tis literis  
à se scriptis  
certiores  
facit Ab-  
batem ac  
Monachos  
Vizel.

ALEXANDER Episcopus Seruus Seruorum Dei, Di- lectis filijs GVILELMO Abbati & Fratribus Vizelia- censibus, Salutem & Apostolicam benedictionem. Sus- ceptis litteris vestris ac diligenter perspectis tribulatio- nibus & angustijs vestris, quas earum continentia expri- mebat, paternæ mentis affectu interiùs condoluimus, sicut qui Monasterium vestrum proprium patrimonium B. Petri esse cognoscimus, & vos sicut speciales & deuotos Ecclesiæ filios certiori in Domino caritate diligimus, & vestris pro- fectibus prompto animo aspiramus. Inde siquidem fuit quod carissimo in Christo filio nostro Ludouico Illustri Francorum Regi, Venerabilibus quoque Fratribus nostris Hugoni Senonensium Archiepiscopo, Eduensi, Ligonensi, Autisiodorensi & Niuernensi Episcopis, nobili etiam viro Comiti Niuernensi & Comitissæ matri eius, pro negotio vestro scripta nostra dirigimus, sicut ex eorum transcri- ptis vobis euidentiùs innotescet; vos autem ad hæc corri- genda studium & operam adhibeatis, & per Claustrum ac religionis obseruantiam iugiter orationi vacantes, clame- tis in cælum, vt omnipotens Dominus his malis citò fi- nem imponat, & vobis pacem & optatam tranquillita- tem concedat. Datum apud Clarum-montem Nonas Iunij.

Archiepis-  
copus Se-  
nonensis

Igitur HVG O Senonensium Archiepiscopus secundum mandatum Apostolicum præfixit Comiti & matri eius diem  
infra

infra quem ablata Ecclesiæ Vezeliacensi restituerent, & suam atque Bituricensis præsentiam adirent, vt cum Ecclesia Vezeliacensi componerent. At illi rogauerunt Senonensem quatinus per se solum diem sibi & Abbati daret, illi autem consilio eius cum Abbate libenter componerent. Et conuenerunt Senonensis & Abbas cum Fratribus & amicis suis apud sanctum Iulianum de Salice. Comes autem & mater eius Legatos suos miserunt, non qui componerent, sed qui appellarent Apostolicam audientiam. Præuiderat hoc Abbatis Guilelmi prouida sagacitas, qui iam paulò antè cum magna celeritate miserat Nuntium suum, supplicans quatinus omnem appellationis vocem tolleret ab eis, qui potius subterfugium quàm iudicium quærebant. Vnde impetrato quod postulabat reuersus est festinanter Nuntius; & quarto die post appellationem ingressus Senonicam urbem, inuenit Abbatem, & dedit ei optatas literas Domini Papæ. Statimque Abbas ingressus ad Archiepiscopum tradidit ei Apostolicum mandatum, quo continebatur, vt nisi Comes & mater sua infra præscriptum terminum viginti dierum, quem nuper in superioribus literis præfixerat, ablata Ecclesiæ restituerent, de illatis iniurijs satisfacerent, & à grauaminibus Ecclesiæ deinceps quiescerent, omni remota appellatione in personas & in terras eorum sententiam secundum tenorem aliarum literarum promulgaret. Quo audito Senonensis valde stupuit, miratus tam celerem appellationis remotionem: indignabatur etenim Apostolici iudicij sententiam sibi delegatam fuisse, eo quod Niuernensis Comitis animositatem vereretur. Ipse autem Comes ære grauitè alieno pressus audiuit multas esse opes in quodam Aruernorum municipio, quod vocatur Mons-Ferrandi; & repente ex insperato quietum nihilque suspicantem aggressus est populum, & omnem prædam prædicti diripuit municipij, ipsùmque Dominum municipij pactæ pecuniæ obsidem secum tenuit: vbi cum furiosa tyrannide desæuiret, venit ad eum Senonensis Archiepiscopi Hugonis Nuntius, & obtulit ei ex parte Domini sui Archiepiscopi Senonensis literas hunc modum continentes:

„ HUGO Dei gratia Senonensium Archiepiscopus. Ca-  
 „ rissimo suo GUILBELMO nobili Comiti Niuernensium

Nisi Comes  
 ablata Vi-

GGgg

zeliac. re-  
stituat ex-  
communi-  
cationis  
sententiam  
minatur.

salutem & dilectionem. Suscepimus literas Domini Papæ  
pro Ecclesia Vizeliacensi, quam omni modo aggrauastis,  
sicut Monachi conqueruntur, & misimus ad vos statim  
Guilelmum Fratrem meum qui vos ammoneret diligen-  
ter, vt omnia ablata & damna faceretis restitui, & iniu-  
rias emendari, & præfixus fuit vobis dies. Infra verò diem,  
sicut conquesti sunt Monachi, viginti quatuor boues capi  
fecistis: Ad diem qui præfixus fuerat misistis ante nos re-  
sponsales vestros, minus quidē sufficientes vti videbatur,  
quoniam nec literas vestras attulerant, quòd quicquid  
facerent de negotio, teneretis. Nec idèò plenius agere  
poterant in eodem negotio. Abbas quidem plenariam pe-  
tebat restitutionem ablatorum, sicut Dominus Papa præ-  
cipiebat: sin autem, infra terminum viginti dierum, prout  
in eisdem literis Domini Papæ continetur, plenariam iu-  
stitiam de vobis & de terra vestra exhiberi. E contrà dice-  
bant vestri, quòd recredi facerent Abbati: sed Abbas non  
nisi plenam restitutionem volebat habere. Inter hæc verò  
& alia, vestri appellauerunt ad Dominum Papam, & sic  
destitimus in eodem negotio procedere. Postea venerunt  
ad nos literæ à Domino Papa, in quibus nobis iniunctum  
est, cessante omni occasione & appellatione si damna &  
vniuersa ablata non feceritis restitui, ex tunc & in vos &  
in terram vestram excommunicationis sententiā promul-  
gemus. Quòd si non feceritis, infra decem dies postquam  
literas istas videbitis, in vos & in terram vestram  
auctoritate & præcepto Domini Papæ, quamuis tristes &  
inuiti, excommunicationis sententiam promulgamus.

Comes ex-  
communi-  
catione in-  
notatur.

Similia quoque scripta misit Senonensis Idæ Matri Comi-  
tis; & completi sunt præscripti dies ante festum B. Mariæ  
Magdalene tertiam diem: & incurrit Comes & mater eius Apo-  
stolicam sententiam. Nec tamen minùs venire præsumpsit  
Comes Vizeliacum in festo solitam procurationem exactu-  
rus, non debitum honorem famulatrici Dei exhibiturus. Sed  
Fratres absente Abbate suo Domini Papæ excommunica-  
tum procurare minimè præsumpserunt, immò diuina offi-  
cia celebrare ipso præsentè destiterunt. Super quo valde  
aporiatus, voluit vim inferre Monasterio & Burgensibus,

sed reuocatus est à Milone & ab alijs Baronibus suis.

Et addidit Satan aggrauare manum suam super Monasterium Vizeliaci, & intrauit in cor quorundam Pseudo-monachorum, vt quoniã exterior calamitas ad euacuandam dignitatem Monasterij sufficere minùs videbatur, intestinum saltem bellum ipsam penitus libertatem subiugaret. Nam Petrus quidam genere Aruernicus in Monasterio à iuuentute enutritus, viperinam astutiã asinina simplicitate, vel potiùs hypocritis fictione occultabat. Et quoniam palliata virtus bonorum simplicitatem efficacius decipere solet, factum est vt per singulos gradus ordinis ad Prioratum Monasterij promotus, tandem industria & ope dignæ memoriæ Abbatis Pontij Monasterio Tornodorense præficeretur. Quam dignitatem indignus indignè adeptus, vitiorum protinus laxatis habenis, bona domus ad nihilum vsque redegit. Cuiusdam præterea iuuenis nomine Theobaldi, quem sacro habitu induerat, contubernio diffamatus, sæpe à Fratribus Monasterij sui præmonitus, sæpe ab ipso Lingonensi Episcopo suo Godefrido correptus est: sed cum non minùs correptionem quàm præmonitionem neglexisset, contubernium tandem illius Fratris ab iurare ab Episcopo præfato coactus est. Cùmque dilapidationi domus etiam periurij infamiam apposuisset, canonico iudicio à cura regiminis Monasterij Tornodori remotus est. Quem depositum Pontius Abbas venerabilis vsus ingenita pietate suscepit, & eum multo, quamuis indebito, honore habuit. Quo videlicet Pontio Patribus suis in pace coniuncto, infans ille Petrus fratres Monasterij Vizeliaci sollicitando cœpit à sacra libertate deuiare, & electionem huius Guilelmi, de quo agitur, modis quibus potuit impedire, sed insatuatum est consilium Architophel, & dissipatæ sunt omnes machinationes Satanæ. Tamen multis verbis stultorum corda inficiebat, & interna odia concitabat. Factus est eius insipientiæ collega Gaufredus de Latiniaco, potens in sermone, & efficax in persuasionem, sed efficacior in ver-  
suta.

Talis & tantus præfato coniunctus Theobaldo furtiuus colloquijs & nocturnis susurrijs nunc istum nunc illum sollicitabat, inquirebat, irritabat, instigabat & prouocabat.

G G g g ij

Monachi  
quidam de  
generes  
partibus  
sunt Co-  
mitis.

ad scandala detractionum atque odiorum. Vterque igitur coeuntes ex semine Chanaan pepererunt filium dissensionis, materiam scandali, fomitem inimicitiae, incitamentum discordiae, Bartholomæum spurium, & ex scorto ab adultero genitum.

His quatuor rotis currus Pharaonis velut quatuor equi iuncti sunt, & alij quatuor quorum nomina supprimuntur, quia nihil præter numerum efficere valebant, tum quia in tempore examinationis à proposito resipiscentes insipientiam suam recognouerunt. Per hos omnes murmur paulatim serpebat, & sacri ordinis disciplinam quodammodo inficiebat. Iamjamque conföderantes sibi quoscunque allicere poterant, vnanimi deliberatione scripserunt Petro pulso à Tornodoro, qui paucis antè diebus cum gratia & benedictione Abbatis ad visitandas obedientias suas in territorio Aruernico sitas perrexerat, & rogauerunt eum suppliciter, vt desolata domui Vizel. subueniret celeriter, vnum esse dicentes consensum Fratrum omnium illius consilio in hac necessitate parere. Quibus cognitis, Petrus statim inopinatus aduenit, malignantes exhilarauit, cæteros autem multa admiratione tam subiti quàm insperati aduentus repleuit: & accesserunt ad eum clam machinatores infandæ seditionis, & effuderunt in auribus eius fel conspiratæ prodicionis, rogantes & adiurantes, seseque illi deuouentes, vt infausam illorum causam aduersus Abbatem, immò aduersus Ecclesiam susciperet: spondentes se nunquam illi defuturos vsque ad mortem, & etiam totius Conuentus maximam partem sibi sociaturos. Ille Comitem secretò adiit, qui, vt prætaxatum est, ad festum conuenerat eique seditionis vota intimauit. At ille gaudio incredibili exultans, ipse quidem fidei pollicitatione, sibi & complicibus eius spondit, quod eis in omnibus firmissimum præstaret auxilium, equos & expensas, & etiam si necesse foret, tuta præsidia vbique locorum terræ suæ impenderet. Quatuor autem milites de Optimatibus suis dedit ei obsides, qui iurejurando pacti sunt Comitem promissa seruaturum tam ipsi quam omnibus quos secum aduersus Abbatem in fide Comitum habere posset. Petrus verò & Theobaldus iuraue-

runt Comiti fidem se illi tenere aduersus Abbatem, ita quòd potio- rem partem Conuentus Ecclesiæ fidelitati Comitis submitterent: ipsi autem post Alexandrum vniuersalem Pontificem aduersus eundem Abbatem Guilelmum pergerent. Et facta est coniuratio hæc in ipso sacro festo Sanctæ dilectricis Dei Mariæ Magdalenzæ, in capella superiori apud B. Laurentium, per manum Stephani Pontifaren- sis, & Stephani de Petra-foraminis, & Milonis atque Hugonis de Argentolio. Et impij quidem atque adulterini sic prophanauerunt sanctum diem, fratribus & liberæ filijs dolentibus & mœrentibus, quòd Patronæ suæ minus dignè possent exfoluere debitam celebritatem. Aderant quoque HENRICVS Pisanus Cardinalis, & Electus Maguntinus, atque Electus Carnotensis, qui specie tenus videbantur agere de pace, sed spiritu carnis acti magis ac magis partibus Comitis & matris eius fauebant.

Vnde & ipse Comes proditorum suggestionibus audacior effectus, Fratrum Capitulum ingredi petijt; quo impetrato conquestus est de Abbate, à quo extraheretur, & multiplicibus iniurijs afficeretur. Quæ cum vniuersa immeritus pateretur, maximè dolere se perorabat desolationem Ecclesiæ quondam rebus opulentæ, honorabilibus personis decoratæ, rigore disciplinæ religiosæ, caritate hospitalitatis opinatæ: & quæ in his aliisque pluribus bonis omnes Gallicanas Ecclesias post Cluniacum aliquando præcellebat, nunc & rerum penuriâ, & debitorum grauiamine, & personarum exiguitate, & morum infamia, & hospitalitatis inhumanitate adeo denotabatur, quòd jam non solum quarumcunque Ecclesiarum, sed etiam vilium vulgi personarum fabula extaret, quòd totum vtrique superbia & dissolutione Abbatis, ipsorum quoque Fratrum consensu, qui ei fauerent, prouenisse constabat. Vbi, ait, sunt honestæ illæ & graues personæ quondam, Cellerarius, Hospitalis, Sacrista, Eleemosynarius, Camerarius, quorum prudentiâ & etiam potentiâ olim domus hæc florebat? Iam non est in vobis qui possit alterum iuuare, vel consulenti cuilibet respondere, casso nomine tantum honoris retento. Idcirco patet in propatulo omnium vestrum dissolutio, cum similes

Comes alligere conatur Monachos aduersus Abbatem.

simili fauentes, quasi gratuitam patimini iniuriam. Haftenus sustinui iniurias meas, haftenus passus sum huius Ecclesiae detrimentum; quæ videlicet Ecclesia quoniam mea est, & in tuitione mea velit nolit Abbas vester, consistit, jam amplius tantum dedecus, tantumque grauamen non patiar; præmonitos tamen vos esse cupio, quatinus Abbati suadeatis, vt huic denuò Ecclesiae parcat, & à destructione illius desistat; quòdque mei iuris est mihi restituat. Ego quipp nihil noui exigo, sed meorum antiqua Patrum iura repeto. Quomodo nanque nouis vel iniustis exactionibus grauarem, quam ab omnium hominum infestatione habeo custodire? Moneo demùm vt consulatis vobis, alioquin ab omnibus vobis exigam tantæ illius prauitatis assensum.

Prior Comiti respō-  
det.

His auditis, surrexit Gilo Prior ad hæc responsurus, vocauitque Ecclesiae Seniores, & ipsum alterum Iudam cuius adhuc proditio latebat, & secessit in Oratorio B. Dei Genitricis MARIÆ cum Fratribus & Burgenſibus, collatòque consilio, respondit Gilo: Sicuti, Domine Comes, ipse professus es, & nos quoque cognoscimus & volumus te tutorem ac patronum nostrum & Ecclesiae huius esse. Desolationi autem domus nostræ te compati gratum & acceptum habemus; atque in hoc affectuosius Celsitudinem tuam rogamus, quatinus in his quæ ad tuam, & in his quæ aliorum Principum spectant personam, Ecclesiae huic, quæ in tua existit custodia, consulas & provideas. Quæ licet interiùs fraternâ pace & concordia, sufficientique victu & vestitu vigeat, exterius tamen & rerum suarum diminutione, & quorundam inimicorum grauamine laborat. Debito autem eam opprimi nondum nouimus, quod septingentas libras non excedere ſcimus. Capituli sanè seueritas, & Clauſtri disciplina, necne personarum dispositio non minùs solito florere nobis videtur; & si qua mendacis infamiae nota Ecclesiam lædit, non hanc veritatis assertio, sed æmulatorum inuidia contraxit. Personam porrò Abbatis nostri bonam & honestam fore sicut volumus ita & credimus, & si quid odio iudice cuiquam de eo aliter videtur, rationis lance mendosum conuincitur. Eapropter idem sapere, idemque cum eo sentire, sicut decet membra cum capite, gaudemus: nec in tam communi legiti-



móque capitis & membrorum consensu quicquam inesse vitij speramus. Veruntamen si quid vel proprio excessu, vel aliena insimulatione odio dignum fortè apud vos contraxit, hoc nos piget, & exinde plurimùm dolemus, licet vsque hodie incompertum quid vel quare commeruerit habeamus. Cum ergo venerit, humiliter vt Monachi Abbatem, vt subditi Dominum cõmonebimus, quatinus dignitatis vestræ gratiã promereri satagat. Cæterùm discretionẽ tuam exoramus, vt Ecclesiæ quæ in tua, vt dicis, existit custodia, parcas, & ne vnus hominis odio illam disperdere moliaris, quæ quantum in se est, Abbati quidem suo subdita, tibi autem semper est deuota. Mandauerat autem Petrus proditor Comiti per Simonem de Siluiniaco clam, vt mitiùs Fratribus loqueretur, maximè in verbo quod ad Fratrum infamiam spectare videretur, ne dum Abbatem insequitur, irritatos Fratres amittere videatur.

Subinfert  
Comes.

Respondit ergo Comes: Vestros quidem mores non improbo, sed multam egestatem vestram, quam Ecclesiæ huius bonorum dilapidatione ab Abbate factam patimini, doleo: unde, sicut dixi, aut vos ipsi vobis & Ecclesiæ isti prouidebitis, aut ego tantum vltteriùs detrimentum non patiar. Nam cùm canonico ordine nondũ publicatus fuerim, præcepto Abbatis vestri ob solam præsentiam meam à diuinis officijs cessastis, & procurationem meam, mundo teste, debitam nescio quâ ratione non exhibuistis. Quod verò debitum Ecclesiæ septingentas libras non excedere dicitis, scio ego inter duo maria plus quàm mille libras vos debere, & quod de exteriorum inimicorum grauamine querimini, hoc in caput Abbatis vestri redundat, cuius tanta esse arrogantia dinoscitur, quòd nec mihi, nec cuiquam alij, quod iustum est prosequatur: Verùm in causam vos ego non traho, tantùm vt recogitetis, & vobis prouideatis moneo. Quòd si feceritis, fidelem adiutorem me per omnia habebitis; sin autem, vestra intererit: ego autem mihi met prouidebo. Hæc ideo dixit, vt proditores animaret, & alios ad consensum proditorum incitaret. Egressus ergo Capitulum, locutus est Petro proditori, inieruntque simul consilium, quòmodò Petrus ipse post Alexandrum Papam pergeret, Abbatem accusaturus, & mitteret cum eo Abbatem Boniradij, qui sub ouina specie in fontem acriùs dente

lupino morderet; & ut dolus mutux locutionis lateret, spondit Petrus Comes quod pecuniam, quam eidem Petro Ecclesia Tornodorensis pro dimissione cuiusdam obedientie debebat, sibi reddere faceret.

Instabat autem dies colloquij data Comiti & Abbati ab Archiepiscopo Senonensi: sed neque Comes neque Abbas conuenerunt: affuit tamen ex parte Abbatis Gilo Prior, & hic ipse Petrus adhuc latens proditor. Cumque vtrunque agerent in presentia Archiepiscopi apud Bassoldum, & Gilo Prior illata à Comite damna Ecclesie astante Comite prosequeretur: Petrus vim feruentis doli eructans, coepit constanter arguere Gilonem, quasi durius & irreuerentius aduersus Comitem loquentem. Quo audito Gilo & Gofridus tunc Hospitalis, alique Fratres, qui illuc pro Abbate conuenerant, erubuerunt vehementer. Comes autem pro parte damnorum restituendorum dedit obsides. De reliquis verò querelis, petijt alteram diem annuente Senonensi Archiepiscopo, innocenti parantes laqueum in quem ipsi deciderunt. Nanque Archiepiscopus excusatoriam petitionem misit ad Alexandrum Papam, rogans ut sententie super Comitem alter Iudex delegaretur; ne fortè iuuenis Principis scultia tam in se quàm in suos debaccharetur, & vnus detrimentum duos in eadem poena inuolueret. E contra Comes Petrum præfatum & alios Principes suos parabat mittere aduersus Guilelmum Abbatem Vizeliacensem ad Alexandrum Papam. Et hæc erat fiducia, ut Archiepiscopo excusante, Comite autem accusante, delegarentur à Papa Iudices, qui inter utrosque limites Comitis & Abbatis causam agitent. Sed contigit in obliquum, & frustrata est cogitatio insipientie.

Narrat  
Prior Ab-  
bati quid  
cum Co-  
mite ege-  
ris.

Infesto igitur negotio recesserunt ab inuicem, & venit Gilo ad Abbatem apud sanctum Iulianum de Salice, & tulit ei quæ nudius tertius apud Vizeliacum, & quæ in presentem diem egissent, & quàm impudenter confudit eos Petrus ille intimus amicus suus in presentia Comitis & Archiepiscopi. Super quo Abbas non modicum ammiratus, ex abundanti gratia fidem dictis nullatenus adhibuit, immò liberum cum ab omni suspitione dimittens, præcepit

p̄r ei vt receptā pecuniā à Tornodorensibus in domum suam de Salis abiret; ibidem eum expectans iturum in proximo post Alexandrum Papam, aut viso Nuntio suo, occurreret ei apud Podium, paratus proficisci cum eo: præmiserat autem Abbas ad Curiam Ioannem Clericum suum, à quo cū litteras recepisset, quòd Alexander in Kalendis Augusti mare foret ingressurus, propositam profectionem dimittens, venit per terram Ducis Vizeliacum perendie Octauarum B. Mariæ Magdalenzæ, & obstupuerunt quotquot erant de factione Petri ad tam subitum & inopinatum Abbatis aduentū, quem denuò Abbatis honore præditum non sperabant rediturum, quemadmodum contubernalibus suis prophetizando, vel potius delirando iam prædixerant.

Certior tandem Abbas redditus de proditoribus, vocauit Vincentium Decanum, narrauitque ei quomodo etiam alio referente eadem cognouerit. Vocauit etiam Abbas Gilonem Priorem, & retulit ei omnia quæ audierat. Incredibile illi visum fuisset, nisi nequitiam verborum Petri ad memoriam renouasset. Accersitus postmodum Gaufredus Supprior, obstupuit ad ea quæ dicebantur: nec mirandus stupor tantæ nouitatis: Ecclesia quippe Vizeliac. trecentorum & eò ampliùs annorum tanta pacis & honestatis disciplina floruerat, quod vsque ad id temporis nulla infamiæ macula, nullius scandali rumor eam foedauerat. Abbas autem paci & quieti, atque silentio, & caritati operam dare omnes in commune hortabatur, & vt orationi attentius insisterent, & manus in cœlum contra Amalech leuarent, deprecabatur. Dein habita ex more solemni processione, obtulit Deo sacrificium. Et hi qui seditionem abiurauerant, scripserunt Petro & Theobaldo, vt cœpta omitterent, quoniam frustra contra stimulum recalcitrarent; præsertim cū in ipso exordio dissipatum videretur consilium illorum, & ipsi deprehensi traditam sibi ab ipsis nequitiam abiurassent. Alexandro quoque Summo Pontifici & vniuersis Apostolicæ Curiae Cardinalibus scripserunt, qualiter à quodam dierum malorum inueterato fuissent infatuati; quem ad pedes Apostolicæ Curiae venientem aduersus Abbatem suum, & Matrem suam Ecclesiam, ne susciperetur, exorant, néve

Abbas tandem agnosceat proditores suos.

HH hh

tenebræ lucem obfuscarent, errorque veritatem obtunderet, supplicant. Porro vasa iniquitatis filij Belial, scilicet Gaufridus Latiniacensis, & Guilelmus Pidet, in felle permanentes nequitia, & dolos excogitantes insipientia, rogabant Abbatem, quatinus post Petrum & Theobaldum eos abire concederet, quatinus eos aut reducerent, aut in Romana Curia de prodicionis nequitia conuincerent: sanè columbina simplicitas prudenter nonnunquam præcauet astutiam serpentis; vix nempe experta nequitia suspicione caret.

Auctor huius historiar.

Post prandium itaque clam disposito itinere, venit Guilelmus Abbas nocte Aualonam, quod est castrum Ducis Burgundia. Inde surgens septima die Montempeffulanum ingreditur, habens in Comitatu Gaufridum Angligenam Suppriorem, Vincentium Decanum, Franconem Capellanium suum; HUGONEM Pictauinum Notarium suum huius Operis Auctorem. Hugo autem de Varenis subsequutus fuerat proditores Petrum & Theobaldum, quos in castro quod dicitur Gannac inuenit simul cum Abbate Boniradij, qui ea hora iam se collocauerat. Proferens igitur Hugo læras Abbatis Guilelmi, & totius Capituli, Vizeliac, tradidit eas Petro, quem toruo lumine Theobaldus respiciens, ait Petro: Quid est, stultorum stultissime quod fecisti? Quis enim est ille Abbas in cuius nomine formatam suscepisti? nos quidem illum pro Abbate non habemus, qui fidelitati Comitis contrarius existit: & hæc dicens, formatam adhuc integram rapuit de manu Petri, atque in solo conculcandam proiecit. Respondens Hugo dixit Petro & Theobaldo: Iniuria hæc non solum Abbatem, sed etiam totum Conuentum Vizeliacensis Monasterij lædit. Ex parte igitur Abbatis Guilelmi, & ex parte totius Capituli vobis dico, ut infra quartum diem Vizeliacum redeatis ad obiecta responsuri: sin autem, Abbas & totus Conuentus sententiam excommunicationis auctoritate Apostolica in personas vestras promulgant, & ego ipsam sententiam ex parte illorum vobis denuncio. Et egressus Hugo occurrit Abbati apud Aniciam Ciuitatem Vallauorum, & retulit ei proditorum rebellionem. Præueneruntque proditores Abbatem; sed præcogniti à Ioanne Clerico Abbatis, nullum ad Curiam introitum habere potuerunt.

Ingressus Abbas ad Alexandrum Papam, cum magno honore & plena gratia susceptus est ab eo, & ab omni Curia. Cúmque proditores adire Curiam niterentur, & ab ea turpiter & cum nota proditoris etiam per ostiarios repellerentur, introiuit Abbas Boniradij quasi propria Ordinis sui negotia executurus: vt autem partes Comitis coepit allegare, & proditorum velut innocentium Legatorum Ecclesiæ Vezeliacensis causam aduersus Abbatem, quasi aduersus dilapidatorem bonorum, & Ordinis subuersorem agere, repulsus est statim ab Alexandro Papa, resistente ei in faciem VMBALDO Hostiensi Episcopo Cardinali. Denique HENRICVS Pisanus Cardinalis, & Electus Maguntinus parti Comitis & proditorum pro posse fauebant. Vnde precibus multis pertæsum Papam, vix compulerunt scribere Comiti excommunicato. Quod vt per notarios cognouit Abbas, ingressus ad eum genuflexo dixit: Quid est Domine quod fecisti? nondum plenam iustitiam sumus assecuti, & iam illud tantillum iustitiæ quam nobis feceras, reuocasti. Quomodo, ait Papa? Scribendo, inquit, præter morem Apostolicum ei quem ipse excommunicasti. Ergone, ait, iam sententia promulgata est? Ita inquit. Et dixit: Ostende tuum rescriptum; & dedit ei: protinus Alexander misit in gazophilacium Notariorum, & iussit vt surreptitium illud scriptum retineretur: vtque cognouit quod iam illud Maguntinus recepisset, indignatus valde, præcepit vt celeriter ab eo reposceretur: quo reddito, ingressus est Maguntinus ad Papam, & petijt Apostolicam epistolam sibi reddi: quem Papa coepit arguere de surreptione indebiti scripti: qui cùm petitionis suæ repulsam indignè ferret, ad lacrymas prorupit. Motus ergo Papa, dixit ei: Ecce habeto vt vis; sed nullum exinde cognato tuo emolumentum præstabis: fecimus enim noua scripta aduersus illa surreptitia. Videntes verò Petrus & Theobaldus proditores quod nihil proficerent, recesserunt. Quibus abeuntibus occurrerunt eis Guilelmus Pideth, & Helias literis quidem vacuus, sed insipientia plenus; hi ad vomitum reuersi, & abiurata infidelitate resumpta, nocte Claustrum clam egressi, Monasterij murum cõscenderunt, & per funiculos sese summiserunt. Accidit autē vt rupto funiculo caderet Helias, & brachium læderet,

Fautores  
Comitis.  
Abbas à  
Romano  
Pontif. cū  
honore ex-  
ceptus: Pro-  
ditores re-  
pulsū.

HHhh ij

Tota igitur nocte fugientes, & ad Comitem venientes conquesti sunt se grauissimis tormentis afflictos ab Abbate ob illius solam odij causam, quibus Comes dedit equos & expensas, misitque eos post Petrum & Theobaldum. Vt ergo sibi inuicem occurrerunt, ad Curiam pariter reuersi sunt: & obseruantes exitum Alexandri Papæ, ad quem nullum penitus accessum habere valebant, tandem occurrerunt ei exeunti de Oratorio: prostratúsque coram eo Guilelmus Pideth, conquestus est quòd post appellationem Apostolicæ audientiæ cæsus & incarceratus fuerit ab Abbate Guilelmo. Nunquid, ergo, ait Apostolicus, & tu ex illis excommunicatis proditoribus Ecclesiæ tuæ es? Conclamantibus autem vniuersis adstantibus, eiekti sunt proditores à conspectu Alexandri de Consistorio. Denique Abbas nihil horum curabat, nec etiam verbum ex illis in Curia facere dignabatur. Volebat sanè vt delegatio Apostolicæ sententiæ in tyrannum & matrem illius à Senonensi transferretur, & cuilibet alteri delegaretur; quod etiam ipse Senonensis plurimum affectabat, & hoc ipsum iam scripto petierat. Sanè quoniam potior & maxima pars terræ Comitis de Diocesi eius erat, delegationem quidem sententiæ transferre Apostolicus noluit, sed vt securior & robustior ad executionem sententiæ Senonensis procederet, dedit ei collegam STEPHANVM Meldensem Episcopum: & scripsit vtrique quatinus Comitem Niuernensem & matrem eius conuenirent, eosque hortarentur cum Ecclesia Vizeliaci amicabiliter componere, aut super contemptores delegatam sententiam, omni surreptitio scripto postposito, & appellatione remota promulgarent; & Eduensi, Lingonensi, Altisiodorensi, atque Niuernensi obseruandam denuntiarent, secundum quod eisdem scripto ipse mandauerat.

Delegati  
Iudices à  
Summo  
Pontif.

Factum est ergo sequenti die Lunæ post Assumptionem intactæ Virginis & Genitricis Dei MARIÆ, ascendit sanctissimus & vniuersalis Pontifex Alexander Catholicus Papa ad altare, vt sacram & viuificam Deo victimam offerret pro anima IVONIS Carnotensis Ecclesiæ Decani; & cum perficeretur sacrificium, proditores illi cum Gaufredo Angligena litigabant; & accessit ipse Gaufredus ad Vmbaldum,

Hostiensem Episcopum, & significauit ei quantam Domino Papæ proditores irreuerentiam irrogarent. Conuersus Hostiensis vidit detestabiles illos proditores, dixitque Alexandro: vt quid Domine, sustines prophanos illos proditores Vizeliaci, sacris te præsente interesse officijs? vbinam, inquit, sunt? Respondit, adsunt: & ait, Eijce quantocyùs eos foras. Dissimulantibus illis exire, protinus Hostiensis & Signiensis vocatis Officialibus expulerunt eos ab Ecclesia. Quod videns Maguntinus qui tunc fortè cum Vizeliacensi loquebatur Abbate ibidem, egressus præ nimia indignatione abiit post eos. Abbas quoque Boniradij, cuius lateri semper ipsi proditores adhærebant, videns sese frustratum à proposito; erubuit valde, & recessit: Quem proditores persecuti, confusionem & ignominiam promeritam Domino suo Comiti reportaerunt. Abbas autem Guilelmus non recessit, donec ipsum Papam Alexandrum vsque ad mare persecutus est. Reuersusque prosperè auctus Apostolica benedictione, vltimo die mensis Augusti Vizeliacum ingressus est, inde post paucos dies venit Parisius, vbi Hugoni Archiepiscopo Senonensi, & Stephano Episcopo Meldensi Apostolica scripta tradidit: qui protinus tam ipsi, quàm Comiti statuerunt diem apud Iouiniacum. Quo cum conuenissent, obtulit Abbas munimenta priuilegiorum Romanorum Pontificum, & Regum Francorum; Epistolas quoque Alexandri Papæ, quas prænominatis Pontificibus de executione compositionis seu sententiæ delegarat. Cùmque hinc inde allegarentur plura, constante controuersia dies finita est. Vt ergo Pontifices cognouerunt quòd per Comitem staret quin pacis cõpositio fieret, delegatam sibi ab Alexandro Papa excommunicationis sententiam super Comitem & super Matrem illius promulgauerunt.

Conueniunt Delegati Iouiniaci, excommunicationis que subiiciunt Comitem & matrē eius.

Sequenti fanè die rogatu ipsorum Pontificum rursus hinc inde ad Vlmum Bassoldi conuenerunt. Enumeratis igitur damnis Ecclesiæ illatis, tentabant quidam ita componere quòd Abbas damna sua omnino condonaret; Comes verò deinceps pacem cum Abbate & Ecclesia haberet, sicque omnes aliæ controuersiæ sopirentur. Et respondit Abbas, quam ergo cautionem præstabit Comes de pace tenenda? Dixerunt ei: nudo tantum verbo tenebitur: quòd si Comi,

Iterum apud Vlmum Bassoldi licet discutiant, sed incassum.

tem ad hoc coëgeris, manu sua fiduciabit in manu Pontificum. Et si, inquit Abbas, fidem compromissæ pacis excesserit, quis mihi iustitiam faciet? Responderunt: Tu videris: non ergo acquieuit Abbas remissioni tantorum detrimentorum, immò magis omnino instabat ut grauamina procurationum penitus à Comite remitterentur. Quippe cum auctoritate Testatoris & priuilegiorum neminem habeat Ecclesia procurare, nisi sponte & ex caritate. Comes verò respondit prius se velle exheredari quàm obtentam à patribus suis consuetudinem relinquere. Quin etiam nò trecentas libras ei Abbas pro negata sibi nuper procuratione ea ipsa die persolueret, nullam pacis compositionem reciperet. Et ait Abbas Guilelmus: Nequaquam more nummularij ad has nundinas attuli sacculum meum. Veruntamen ecce iam in propatulo patet supersticio tyrannidis seu rapacitatis Comitum, qui pro vnius diei procuratione trecentas libras exigit; & sub tanto flagello quæ pax poterit constare? Sic per Comitem negata pacis compositione discessum est. Venit itaque Gilo Prior Pontiniacum nocte illa cum Episcopo Meldensi qui celebrauit festum Omnium Sanctorum apud Vizeliacum. Gaufridus verò Supprior cum Renaldo Eleemosynario, & reliquis socijs venerunt non sine timore Altiissiodorum, & nocte surgentes ipso mane ingressi sunt Vizeliacum. Porro Abbas noctem illam fecit cum Senonensi Archiepiscopo, & Abbate S. Germani de Pratis, apud sanctum Iulianum de Salice. Inde occurrit Regi Moretum, efflagitans ut pro ingenua pietate, & pro Apostolici mandati reuerentia in tanta & tam graui necessitate Vizeliacensi subueniret Ecclesiæ: à quo responsum accepit, nunquam se B. Mariæ Magdalenæ neque famulis eius defuturum; Immo pro Monasterio Vizeliacensi, sicut pro corona Regni decertaturum. Abbatem sanè sustinere ad modicum debere, & declinare vesaniam insanientis tyranni, & videre si fortè ad sacrilegium usque manus extenderet, quatinus completam totius orbis testimonio puniret.

Abbas Regem adit.

Archiep. Senonensis excommunicatos de-

Suscepit igitur Abbas monita Regis, misitque Hugonem Notarium suum mandans Senonensi Archiepiscopo, quatinus iuxta Apostolicum mandatum Comitem & matrem eius



excommunicatos publicè denuntiaret. Cum itaque Archiepiscopus sacris adstaret altaribus, & expleta lectione Apostolica, solemnis perficeretur iubilatio, astante populo, & expectante \* Diacono, fecit sermonem ad populum, significans ei quantis grauaminibus Comes Niuernensis & mater eius, dilectricis Dei B. M. Magdalene toto orbe famosissimum persequeretur sepulchrum. Pro quibus videlicet grauaminibus ex mandato, inquit, Domini Papæ sententiam excommunicationis super vtrumque promulgamus; & nisi infra imminens festum B. Martini resipuerint, totam terram illorum sub interdicto totius diuini officij, præter baptismum paruulorum & poenitentias morientium, ponimus. Hanc sententiam idem Archiepiscopus Hugo scripsit Alano Altiissiodorensium, Bernardo Niuernensium, Henrico Eduensium, Galterio Lingonensium Episcopis in hunc modum.

clarat Comitem & eius.

F. \* spectante.

HUGO Dei gratia Senonensis Ecclesiæ humilis Minister, Venerabilibus Fratribus & amicis Henrico Eduensi, GALTERIO Lingonensi, ALANO Altiissiodorensi, BERNARDO Niuernensi, eadem gratia Episcopis salutem & dilectionem in Domino. Discretionis vestræ significamus, quod Dominus Papa sæpe & repetitis literis à Claro-monte, & à Podio, atque à Montepessulano tam monendo quàm auctoritate Apostolica præcipiendo, nobis scripsit super indebita grauamina & iniquas oppressiones, quas Monasterio Vizeliaci & hominibus eidem pertinentibus Comes Niuernensis & Mater sua inferre noscuntur. Denique præcepit nobis, vt ex tenore literarum ipsius videre potestis quas vobis ex parte illius mittimus, quatinus vtrumque, scilicet Comitem & Matrem suam, sub velocitate conueniremus, & cum omni diligentia eos exhortaremur, vt Abbati prænominati Monasterij ablata omnia sine dilatione redderent, de damnis & iniurijs illatis satisfacerent, & ab eorum infestatione & indebito grauamine vltèriùs quiescerent. Si autem infra XX. dies nostræ commonitioni obedire contemnerent, super ipsos excommunicationis sententiam proferremus, & in terram illorum omnia diuina officia, præter baptismum paruulorum, & poenitentias morien-

Ea de re eius epistola ad Episcopos.

tium, penitus interdiceremus. : eandemque sententiam omni remota appellatione, & dilationis occasione inuiolabiliter obseruandam vobis auctoritate ipsius mandaremus. Nos itaque præceptum Domini executioni mandantes, cum de admonitione nostra nihil proficeremus, sententiam excommunicationis in vtrasque personas promulgauimus; sed vobis eam denuntiare hætenus consultò distulimus. Pacem quippe inter Abbatem & Comitem componere cupientes institimus, & in quantum potuimus, elaborauimus, tam nos quàm venerabilis Frater noster Meldensis Episcopus, cui hoc ipsum à Domino Papa ex industria iniunctum fuerat; sed quoniam sæpius à proposito frustrati sumus, tandem Iouiniacum conuenientes, & per diuum de pace agentes, cum nec pacis vestigium habere possemus, promulgatam iam diu à nobis ex mandato Domini Papæ sententiam confirmauimus, eandemque vobis tenendam & firmiter obseruandam auctoritate Domini Papæ & nostra præcipiendo denuntiamus, mandantes vt de cætero habeatis eos excommunicatos, & ab instanti festo S. Martini statim sine dilatione per omnes parochias vestras excommunicatos publicè denuntietis, & in omni terra illorum diuina officia, præter baptisma paruulorum, & poenitentias morientium, prohibeatis: maximè autem illis Sacerdotibus qui propriè Capellani Comitis & Comitissæ matris eius dicuntur, hoc denunciandum, & sub Ordinis sui periculo intimandum est, vt à transgressione Apostolici & nostri mandati caueant.

Et hæc quidem Archiepiscopus. Cæterum Episcopi constitutam sibi sententiam minùs firmiter obseruare studuerunt. Porro Guilelmus Abbas circueñs Monasteria sua in pago Baluacensi constituta, ingressus territorium Nouiomensium venit ad Villaris-Syluæ Monasterium. Erat autem dies Sabbati hebdomadæ primæ aduentus Domini: eadem nocte venit ad eum vnus è pueris eius nomine Girolodus, referens ei luctuosum statum Vizeliacensis Ecclesiæ. Accidit interea in eadem Ecclesia quoddam futuræ calamitatis præfagium simul & solatium. In crypta enim, quæ supra B. Dilectrici, Mariæ Magdalænæ sepulchrum extat, tantus ignis

Sepulchrũ  
B. Mariæ

casu

casu erupit, ut etiam tyrannos, quos Francigenæ trabes vo-  
cant, qui erant in superiori parte, combusserit. Imago ta-  
men B. Dei Genitricis **MARIÆ** lignea, in ipsius pauimen-  
to cryptæ posita, nullum omnino passa est incendium, sed  
tantummodo denigrata est. Sericum autem quod ad collum  
Imaginis pueri **IESV** pendebat phylacterium, nec odorem  
fumi contraxit, nec in paruo aut magno colorem mutauit.  
Vnde liquido claruit, quod nec ipsa imago aliquantisper fu-  
mo obduceretur, nisi ut reparationis eius occasione thesau-  
rus inestimabilis latens in ea per diuinam dispensationem  
panderetur. Nam prædictâ imagine ad reparatorem missâ,  
dictum est ab ipso reparatore, quod imago, uti sibi videbatur,  
occultissimum ostiolum inter scapulas haberet: quo audito,  
Gilo Prior præcepit eam portari in sacristariam; vocansque  
secum Gaufridum Suppriorum, & Geruasium Sacristam, &  
Girardum Conestabulum, Mauricium quoque Succentorē,  
& ipsum Lambertum imaginis reparatorem, accepto cultello  
ipse met rasit colores, lignoque resecto nullius iuncturæ indi-  
cium potuerunt deprehendere: demum accepit malleolum  
ferreum, tentauitque aure percipere, quod omnes oculis  
nequibant inuestigare, audiensque quasi sonum rei concavæ,  
spe succinctus hilari ostiolum illud proprijs manibus pie au-  
dax referauit, inuenitque capillos illius intemeratæ Virginis,  
quæ nec primam similem visa est nec sequentem habere; &  
de tunica eiusdem Genitricis Dei **MARIÆ**, & ossium vñ  
B. Ioannis Baptistæ. Inuenit etiam ossa BB. Apostolorum  
Petri & Pauli & Andreæ in ligatura vna: vnam quoque vn-  
ciam pollicis B. Iacobi fratris Domini; sed & duas ligaturas  
de ossibus B. Bartholomæi Apostoli, & quasi vnum brachium  
de Innocentius, atque reliquias S. Clementis, & vnam mas-  
sam de Capillis S. Radegundis Reginæ: de vestimentis præ-  
terea trium puerorum, Sidrach, Misach, & Abdenago: &  
de veste purpurea quam indutus est Dominus **IESVS** Chri-  
stus in passione. Per singula autem supra dicta singulos bre-  
ues inuenerunt, qui singulorum docerent differentiam; & cum  
omnes prædicti breues aded inueterati essent quod vix legi  
potuissent, inuenti sunt & alij tres non legibiles; sed cuius  
vel quorum extiterint soli Deo cognitum est. Quos ergo le-

Magdalene  
flagrat.

Reliquiæ  
in imagine  
B. Virginis  
reperitæ.

gere potuerunt, transcribi fecerunt, & vetera scripta cum nouis ligauerunt in testimonium. Postquam autem omnia diligenter viderunt, loco suo, vt prius fuerant, reddiderunt, ipsamque imaginem cum prædictis sanctorum pignoribus super maius altare locauerunt: & induti omnes cappis, omnibusque signis maioribus cum campanis pulsatis, laudauerunt Creatorem omnium, qui ad illorum custodiam & loci tutelam tot & tam præclara pignora largiri dignatus est. Tunc confluentibus populis tam peregrinis quàm vicinis fit lætitia & exultatio permaxima, tam in Ecclesia quàm tota villa atque in locis vicinis, ex agris & ex vicis circūquaque properantibus ad gaudij celebritatem. Denique vix omnium clamores Gilo compescens, manu silentium imperauit, causamque laudis & gaudij sub breuitatis moderamine reddidit omnibus flentibus præ gaudio, & dum postea sepulchri Dilectricis Dei cryptæ imaginem reddere niterentur, tantus factus est concursus populorum volentium eam osculari, vel etiam tangere, vt vix eam in omnium præsentia loco pristino possent restituere. Quòd autem ipsam imaginem tangi non permisissent, causa fuit ne notarentur avaritiæ. Ignis ergo diuinitus erumpens instantis tribulationis præsagium fuit: inuentio autem sanctorum pignorum eiusdem tribulationis optimum finem edocuit. Hæc autem verba scripserunt Vizeliacenses Abbatì suo Guilelmo ad consolationem susceptæ peregrinationis.

An. 1165.  
Comes Ni-  
uernensis. no-  
uam perse-  
cutionem  
mouet ad-  
uersus Vi-  
zeliacenses.

Anno Verbi incarnati millesimo centesimo sexagesimo-  
quinto, vicesima sexta die Mensis vndecimi, quintâ feriâ  
quæ præcedebat aduentum Domini, G V I L E L M V S Comes  
Niuernis & mater eius Ida ingressi sunt oppidum Vizeliaci  
cum multitudo armatorum quasi funditus illud euerfuri.  
Et Comes quidem declinauit in hospitium Monasterij quod  
adiacet domui Eleemosynariæ, quæ est in introitu Claustrì:  
Mater verò eius omnium malorum incitatrix descendit in  
domum Simonis de Siluiniaco, & factus est timor magnus  
super omnes inhabitantes oppidum. Et intonuit sermo Gi-  
loni Priori, & omnibus Fratribus eâ horâ in Capitulo seden-  
tibus: tulitque Gilo omnes clauēs Monasterij, prohibens ne  
quis Claustrum egrederetur. Et siluit Comes ea die. Sequenti

verò die cùm vidisset quòd nullus Fratrum prodiret, subsan-  
nando interrogauit vtrùm Monachi parasceuem ridiculò so-  
lemnizarent, an fortè solitâ superbâ suam præsentiam dedi-  
gnarentur. Hæc ille irridendo; reuera autem Fratres para-  
sceuem instantis reparationis libertatis suæ solemnizabant:  
nam sicut per parasceuem Dominicæ passionis reparata est  
dignitas humanæ conditionis, sic & per parasceuem commu-  
nis Fratrum exilij exclusa tyrannica vsurpatione, reparata  
est integritas priscae libertatis. Et mandauit Fratribus Comes  
quòd vellet ingredi Capitulum eorum locuturus ad eos. Qui  
responderunt quòd non possent communicare excommuni-  
cato; Verùm si ea quæ pacis sunt persequeretur, per Priorem  
suum ei loquerentur. Paucis ergo secum accitis venit Gilo  
ante faciem Gomitis, quem toruo respiciens oculo in multis  
eum obiurgabat; ad extremum vt detestabiles proditores  
Petrus & Theobaldus, eorûmque complices in Monasterio  
reciperentur instabat. Cui Gilo respondit, nec posse nec de-  
bere se excommunicatos Domini Papæ recipere. At ille: Isti,  
ait, non sunt excommunicati; sed quia noluerunt vti pruden-  
tes participare vestræ leccacitati, innocentes expulistis à vo-  
bis. Respondit Gilo: Nos in pace & pro pace venimus, tu  
autem nos indebitis iniurijs appetis: vnde tibi certum con-  
stet, quòd denuò faciem tuam pro tali donatiuo non repe-  
temus. His dictis, Claustum Gilo repetijt. Comes autem  
misso præcone sub interminatione præcepit omnes Burgenfes  
ante faciem suam conuenire. Quidam sanè illorum nequi-  
tiam illius sæpiùs experti sese latenter per abdita infra Mo-  
nasterium receperunt. Posuerat nanquè custodes qui ob-  
seruarent valuas, ne quis Burgensium ingrederetur Mona-  
sterium. Hi ergo qui vel de familiari obsequio, vel de fur-  
tiua commendatione tyranno exhibita præsumere potuerunt,  
præsentiam illius adierunt: quos protinus fidelitatem Ab-  
bati & Ecclesiæ pactam abiurare præcepit. At illi respon-  
derunt, consilium super hoc verbo se habituros. In prom-  
ptu, ait, habetote consilium. Et fecit obserare ostia hospitij  
portasque Monasterij: misitque Stephanum Cancellarium  
suum, & Stephanum de Petra-foraminis, & Furnerium de  
Droja; mandauitque Giloni Priori, vt sibi mitteret clauas

Prior Fratres adhortatur ut forti sint animo.

Monasterij. At ille respondit : Ergone Comes est Abbas, vel Clauicularius Monasterij huius? Sic, inquiunt, præcipit Comes. At ille: Loquar super hoc Fratribus meis: & ingressus Capitulum, omnibus Fratribus residentibus sic exorsus est: Ecce, Fratres, ecce adest dies longè ante à Venerabili Abbate nostro, & à nobis ipsis præmeditata, sæpiùsque vobis prædicta, in qua de libertate vestra & vestræ Ecclesiæ, deque communi periculo vestro & hominum vestrorum non tractandum, sed potiùs deliberandum est. Hæc dies est metâ seruitutis & libertatis, quietis & laboris, ignauix & probitatis, honoris & infamix; vtrumlibet eligatis chirographo inuiolabili constabit. Hactenus bonorum vestrorum rapinam sustinuistis, hactenus minas & opprobria impiorum patienti aure quasi ventorum rabiem excepistis. In theatro fortunæ istius vobis constitutis, omnium in vobis defixi sunt oculi. Iam corpus ipsum negotij vestri est in stadio, & vtrum vincatis, an vincamini nulla est dilatio, non sufficit tyranno huic vestes vestras abrumpere, pilos vestros euellere, pellem vestram vellicare, sed iam etiam molares vestros conatur excutere. Claues vestras expetit, ut vestram libertatem seruitutis compede se inclusisse gloriatur. Ad hoc verbum protinus omnes surrexerunt, & ne claues Monasterij Comiti daret ex parte Apostolica, & ex parte Abbatis sui vna voce contradixerunt. Et insistebant ut paucis relictis custodibus omnes pariter exilium pro libertate subirent. Quibus respondit Gilo: Inconsultum mihi videtur domum relinquere, quandiu redditus domus superfuerint.

Satellites Comitis vi Monasterium ingrediuntur, diripiuntque

Et dum hæc agerentur, diuertens Furnerius de Droia, tulit secum satellites Comitis, & venit extrinsecus ad inferiorem portam domus Abbatis, eiectoque loripede qui portam custodiebat, accepit claues, quæ fortè in ostiolo valux maioris dependebant, & occupauit domum tam superiùs quàm inferiùs, relinquens in ea viros impios, qui Comitis loco eam obtinerent, quasi Comes tantam in Monasterio haberet dominationem, quòd eiectis Abbatis hominibus suos pro libito intrmitteret. Et prorumpens Comes ingressus est Claustrum, clamante Isgnardo Vicecomite Iouiniaci: Festinate, ait, superbi Monachi, & estote subditi Domino meo Comiti. Cùm-

que festinaret Comes ingredi Capitulum Fratrum, occurrentes ei quidam compulerunt eum cedere retrorsum. Fratres autem statim egressi Capitulum, ingressi sunt Ecclesiam ut rei exitum expectarent, non ut diuina officia celebrarent in ea, à quibus ob præsentiam Comitris eadem Ecclesia vacabat, & cum sederent in ea respicientes viderunt super capita sua tyranni satellites, qui iam turrem S. Michaëlis fracto ostio inuasérant. Siquidem subito aduentu inimicorum Fratres præoccupati non potuerunt resistere inopinatæ nequitiae: sed & prudentioribus visum fuit cedere potius quam resistere; ne fortè tyranni prouocatus furor Monasterium simul & oppidum funditus euerteret. Post hæc Fratres Refectorium ingressi panem lacrymis, potumque fletu miscētes vix parumper cibo prægustato egressi sunt velocius responsuri Burgen-sibus de exposita à Comite abiuratione: dixeruntque eis: Si sanum sapitis, honestam paupertatem diuitiarum infidelitati præferetis. Melius quippe est honestè viuere cum fidelitate, quàm opulenter cum dedecore infidelitatis: vos videritis quid præstet consultius. Siquidem vestri gratia laboramus, vestri causa persequimur. Cuius enim est pretijstaminium nostrum, seu nigellum caputium istud quod cernitis? Vestræ opes ambiuntur, vestrum propriè caput appetitur, si serpentino more vos membra nostra ictui exponimus: ecce nos quasi truncum caput, qualicunque quiete perfruemur: sed absit hæc à nobis, absit quòd vestra deditione ignominiosam pacem redimamus. Neque enim gloriamur in tribulationibus vestris pro nobis sed potiùs gloriamur in tribulationibus nostris pro vobis: iam iam experiri libet, & iam experiri necesse est, quæ fides, quod fœdus, quis amor hactenus intercesserit, iamque qui noster est, nulla ratione à nobis auelli patietur. Talibus animati, qui fideles extiterunt, cum Fratribus infra Monasterium remanserunt. Quo audito Comes armatos satellites disposuit in domibus singulorum, solo victu præcipiens eos fore contentos de stipe obsessorum. Porro excommunicatis proditoribus pseudomonachis, Petro scilicet, eiusque complicitibus tradidit domum & redditus de Esconio: alios autem redditus omnes Monasterij tradidit in manu Hugonis Letardi Præpositi Castri Censorij, qui erat

seruus Ecclesiæ de genere Simonis filij Odonis Præpositi Vitzeliaci ; qui videlicet Simon occidit Dominum suum Abbatem Artaldum. Hugo autem tradidit omnia Mauricio de S. Andræa eiusdem conditionis & generis. Et innotuit verbum Giloni. Facto igitur vespere misit famulos qui debitum furnagium reciperent ; quos satellites Comitis cum vxore Mauricij aggredientes panibus ablatis , & verberibus affectos remiserunt. Reos etiam qui in domo Præpositi tenebantur iussit Comes absolui. Tunc pro monastico more percussâ tabulâ ingressus est Capitulum Gilo cum Fratribus suis , & dixit eis : Iam quod rationabiliter differebamus , necessario facere compellimur. Domus nostræ & hominum nostrorum occupatæ sunt ab hostibus , redditus necessarij auferuntur ; & quod morte grauius est, garriferi cum meretricibus sacratissimum Dilectricis Dei sepulchrum pedibus impuris conculcât, iam nihil est quod nos detineat , quibus & victus & honestas interdicatur. Cedat sanè dolor rationi & indiscreta procul absit desperatio. Neque enim nouum est, vel inopinatum est quod accidit. Biennium est fere quod idem versabamur in mente: hanc eandem violentiam tyranni, & futurum exilium præ oculis habentes, & vobis omnia hæc prædicentes, vnde & vos ipsi sæpius nobis acclamastis, & vt præmeditata effectui manciparentur exorastis : & ecce nox tribulationis & nox temporis nos vrget, nec verbis sed factis opus est. Et factus planctus & fletus magnus inter Fratres, & famulos, atque Burghenses qui infra Monasterium confugerant.

Monachi  
crudeliter  
vexati au-  
fugiunt.

Disposuit itaque Gilo Prior qui remanerent , quive pergerent, & famulos qui euntibus obsequerentur. Et dato potu fecerunt super se tota nocte excubias , & deposuerunt imagines, & cruces, & omnia vascula, in quibus Sanctorum pignora continebantur. In qua depositione cum iconiâ maioris crucis quæ super altare in media pendet Basilica, diligentius inspicerent , inuenerunt de lacte inuiolatæ Virginis & Genitricis Dei MARIÆ. Gilo autem Prior inter tumultum euntium & redeuntium , clam nocte recessit ; descenditque pedes in inferiorem vicum S. Petri : statimque conscendens equum, venit in prædium quod vocatur Pons-Arberti, vbi cum parumper quiesceret, superueniunt à Gi-



briaco Gaufredus Supprior, & Gaufredus Hospitalis : remissóque Hospitali Prior & Supprior per longos anfractus Burgundiæ declinantes terram Comitis, venerunt Iouiniacum. Facto igitur mane cum vidisset Comes quòd Fratres recessuri componerent sarcinas suas, recessit in domum Simonis Siluiniaci. Fratres autem præparatis omnibus, ingressi sunt Capitulum, & accepta benedictione, mutuò sibi cum lacrymis valedixerunt. Et ingressi in maiorem Basilicam, ubi fere omnis populus cum paruulis & mulieribus conueenerat, ante sepulchrum Beatæ Patronæ suæ prociderunt, & causam suam illius patrocinio commiserunt : factusque est mugitus ingens, flentium & plangentium, suosque capillos euellentium ; ita quòd ad cælum vsque pertingeret clamor ululantium. Et erat horror intolerabilis videre quod vix præ dolore videri poterat, commixtusque clamor & promiscuus fletus pectora & capita sua in ipso pavimento tundentium. Elementa denique ipsa tantæ calamitati quodammodo compati visa sunt, dum obtenebratus aër, solaris splendor obfuscatus, fluidus liquor congelatus, continuo niuium imbre adoperta tellus, tristem omnia faciem prætenderent. Fletu tandem & ululatu totius populi prosequente, egrediuntur Fratres ab Ecclesia numero ferme sexaginta.

Iam Comes matre remanente ab Oppido recesserat. Traditor autem Guilelmus Pideth conscenso equo tripudians venit post fratres, dicens quòd Comitissa mandaret vt subsistentes eam expectarent. At illi dissimulantes inuisum videre, transierunt Esconium, perueneruntque comitante populo ad Crucem Montis-gaudij. Ibi remorantes aliquantisper, venerandamque toto orbe dilectricis Dei Mariæ Magdalænæ Basilicam respicientes, prociderunt in facies suas cantantes vt poterant : O peccatoris solatium ! Quis fletus, quisve dolor fuerit abeuntium simul & prosequentium virorum ac mulierum, capita sua ibidem præ angustia in niue volutantium, fari potest nemo ; Cum stylus hic ipse ferreus lacrymis pene totus exudet. Luctus iste, vt verum fatear, funeris luctum excedit : siquidem luctum funeris releuat successio hæredis : at verò hæredis desolatio, hæreditatis est abolitio : inaudita nostro orbe, nostræque ætate desolatio ! Catholicus

Mater Co-  
mitis fictis  
lacrymis  
compari  
Monachis  
simulans,  
eis ut re-  
deant sua-  
dere tentat.

Princeps innocentes Monachos pellit à Monasterio, & quem ferè totus Christiani nominis mundus veneratur locum, affines ipsi atrociter deuastant. Si causa quæritur, libertas criminatur: si ratio ventilatur, præiudicium contorquetur. Cum ergo fletus & gemitus vtrinque tam à Fratribus quàm ab omni populo indifferenter funderentur, illa tyranni viperea mater Idam pedententiũ abeuntes prosecuta, accessit propiùs, & ab equo descēdit, vtque à Fratribus audiretur simulata humilitate petijt. At illi memores illius Apostolici: *Noli vinci à malo, sed vince in bono malum*: Surgentes à terra substititerunt. Tunc illa fictas prætendens lacrymas irrationabilem & sine causa illorum calumniabatur exitum; cum filius suus ipsos & Ecclesiam Vizeliacensem affectuosius diligeret, solique Abbati inimicaretur, à quo iniustè exhæredaretur, quanquam filius suus nihil ab eo, nisi quòd sui iuris est, reposcat: eos autem memores esse debere illius Euangelici: *Reddite quæ sunt Caesaris Caesari, & quæ sunt Dei Deo*. Rogabat deinde vt redirent, & ipsa filium exoraret, quatinus illorum misertus vsurpatos redditus Monasterij eis redderet, vel si ad hoc filium flectere nequiret, ipsa eis quotidianum sumptum præberet, donec Abbas filio suo concordaret. Talibus dictis Fratres responderunt, quòd neque locus, neque tempus intercederet disceptandi de iure filij sui, cū palam constaret illũ sibi vendicasse fasque nefasque: redire autem sub incerta spe inconsultum videbatur; & alienam stipem inconsulto Abbate suo percipere intolerabile credebant: indignum iudicantes se præbendarios famulatricis Christi IESU Mariæ Magdalenæ, effici stipendiarios desolatricis sepulchri eiusdem Beatissimæ Patronæ suæ. Hæc dicentes terga mulieri dederunt, & noctem illam apud Brecciam fecerunt.

Sequenti die properantibus Altissiodorum, occurrit ARDVINVS Venerabilis Abbas S. Germani, supplicans vt apud S. Germanum declinarent. Quo concesso, ille quidem redijt ad præparationem hospitij. Fratres autem bini & bini coopertis capitibus vrbem ingrediuntur, suam calamitatem Daudica molodia commendantes: & factus est concursus populi totius ciuitatis virorum & paruulorum ac mulierum flentium atque clamantium; Proh dolor! quis vnquam vidit talia?

talia? quis crederet posse fieri talia? quis furor, quæve infania exercuit talia? O gloriosa & B. Domina Maria Magdalena ut quid sustines talia? quam de te nos peccatores fiduciam sperare possumus, quæ permittis seruos tuos pati talia? pereant & confundantur omnes illi quorum consilio aguntur talia. Ipse quoque tyrannus ascenso equo aduenerat, & singulos respiciens, subsannabat eos dicens; sic & sic tales debent lucrari panem suum. Fratres autem nihil horum curantes demissis vultibus transierunt. Et honestè suscepti in Monasterio S. Germani nocte illa quieuerunt. In crastinum autem diuerrentes apud Iouiniacum in domum Hugonis quondam Præpositi procurati sunt honorificè ab Aimerico Podiensi, & à fratre illius Stephano. Inde properantes ad urbem Senonicam præmiserunt procuratores. Simon autem, cognomento Infans, egressus deambulatum fortè occurrit eis, & cognitâ causâ tanti laboris tantorum & talium virorū, vehementer condoluit. Et descendens suppliciter petijt, ut in domum suam pro caritate diuerterent. Quo vix impetrato suscepit eos, & procurauit honestissimè. Mane autem deduxit eos ad conductam nauem (nam huc vsque pedes venerant) & fœnum multum illis ipse supposuit, & laborauerunt die illa in remigando, vixque iam nocte ingruente descenderunt in quandam villulam quæ dicitur Miriacus: cūque illic non inueniretur hospitium tot & tantis opportunum, erant quippe ferme octoginta animæ: cuiusdam rustici grangiam bouum stercorebus refertam ingressi sunt. Et cū die ieiunassent, nihil cir cum circa inueniri potuit, præter parum communis panis, & duas alliorum restes, quæ cruda vtcunque comederunt cum pane & aqua: mirum dictu! cū tot laboribus affigerentur, alacriter omnia tolerabant, & exilium pro libertate quasi patriam amplectentes, cantando & congratulando squalorem itineris transigebant. Et summo diluculo ad nauem reuersi, applicuerunt Chonam. Ibi primò inuenerunt Gilonem Priorem, & socium illius Gaufredum. Et exinde pedes venerunt Morerum die secunda mensis duodecimi, ibique fecerunt sequentem diem & tertiam. Miserunt autem Renaldum Priorem de Arboreia ad Hugonem venerabilem Abbatem Parisiensem, nuntiantes ei aduentum suum, &

K K K K

causam aduentus ad Regem. Quo ille audito vehementer condoluit, lacrymisque suffusus festinauit ad Regem Ludouicum, ostendens illi quàm facinoroso vsus sacrilegio Comes Niuerpensis peruasisset famosissimum Monasterium Vizeliaci, & quanto labore omnes ferè eiusdem Monasterij Fratres ad pedes Regiæ Maiestatis confugerent. Protinus Rex ira simul & dolore motus, mandauit Comiti, vt iniustè peruasa dimitteret, & Fratribus infra octo dies Ecclesiam, turres, domos, villam, redditus omnes, & possessiones in eo statu quo ante octo dies egressionis Fratrum constiterant, redderet, diminuta quoque restitueret, & de tam graui iniuria toti Regno illata sibi satisfaceret. Ad hæc Comes Legatis Regis respondit: De Monasterio Vizeliaci feci sicut de meo, nec quippiam ex hoc facto Regi debeo; immò, inquit, debes de excessu perpetrato in feudo Regis. At ille comminando prohibuit eos denuò adire præsentiam suam. Cui responderunt: Nos serui Regis sumus, & responsum tuum Domino Regi referre debemus. Statim Comes misit Regi IOANNEM Aurelianensem, qui de perpetrata tyrannide sese excusaret, quasi qui rebus publicis terræ suæ cōsuluisset, eò quòd Abbas & Monachi Vizeliacenses inimicum suum Ducem Burgundiaë conduxissent, & ei nisi præuenti fuissent, turres Monasterij tradidissent.

Tandem  
Monachi  
Parisienses  
aduenerunt,  
ac lacrymis  
persuasi Regi  
pandunt  
causam do-  
loris.

Interea Fratres nocte, quâ secunda Dominica Dominici aduentus illucescebat, surrexerunt, nauemque ingressi perueniunt in quandam possessionem Monasterij B. Germani Episcopi Parisiensis. Introeuntes autem domum cuiusdam viri, optimè procurati sunt à superueniente missio Abbatis eiusdem Monasterij nomine Renaldo. Inde surgentes, & æquoreo vehiculo sese committentes, venerunt Parisius: & commota est vniuersa Ciuitas, concurrentibus & fluentibus vniuersis à minimo vsque ad maximū; ingressique matricem Ecclesiam, facta oratione, sederunt ibidem modicū, nihilominus assistente & confluente omni populo. Rex verò Ludouicus vt audiuit aduentum Vizeliacensium, relicto negotio de ordinatione Monasterij S. Dionysij, quò tendebat, reuersus est. Venerunt ergo Fratres ad Palatium Regis. Cūque Rex obuiam illis iret, & super gradus Palatij staret,

Clementer  
à Rege ex-  
cepti.

cum ingenti fletu prociderunt omnes ad pedes eius : è contrà Rex ipse flens motus pietate procidit, & cum surgentibus surrexit. Dixit itaque Gilo, qui Prior agminis existerat : Nota tibi est, Domine mi Rex, nostri causa aduentus, sed dolore & concursu populi præpediente, modum causæ nequaquã plenius tibi ad præsens pandere valemus: Loco igitur & tempore à te constituto, pars nostrum veniet ad te, & quæ mala nobis Comes intulerit diligentius aperiemus, interim ad hospitium remeabimus, vestram in commune gratiam & misericordiam implorantes : & prociderunt omnes in facies suas. Et respondit Rex : antequam venissetis, statim ut infamis fama nostras peruenit ad aures, misi ego Nuntios meos ad Comitem : quid responsurus, quidve facturum sit, nondum ego noui. Hoc tamen pro certo noueritis, quoniam si Comes tantumdem terræ quantum Rex Anglicus habet, præter suam propriam terram haberet, nullatenus tantam iniuriam sustinerem fore inultam. Ego quippe peregrinus sum Dominae meæ B. Mariæ Magdalenaë, & pro posse meo famulis eius nunquam deesse potero. Vnde etiam rogo ut in domo mea manere dignemini, & ego cuncta vobis necessaria prouidebo. At illi humiliter gratias agentes, responderunt sufficere sibi auxilium illius in tanta necessitate. Videntes verò ad latus Regis hospitem suum Simonem, qui cognominatur Infans, gratias ei de collato egerunt obsequio in conspectu Regis. Sed & Rex multam ei gratiam exhibuit. Exeuntibus igitur Vizeliacensibus & populis prosequentibus, processerunt obviam illis usque ad vetus Palatium omnes Fratres Monasterij S. Germani de Pratis, & susceperunt eos cum fletu & gemitu graui. Ingressique, ut moris est, bini & bini, & facta solemniori oratione venerunt in domum Abbatis, & appositæ sunt illis mensæ.

Porro Guilelmus Abbas Vizel. ut audiuit apud Villarem-  
Sylvam mala domus suæ, & aduentum Fratrum suorum, Abbas Parisios Fratres visurus petit  
ingemuit, & omnes qui erant cum eo consternati sunt animo, maximè eò quòd tam longè positi essent. Surgentesque nocte ipsa, qua & Fratres à Moreto, tota die ieiuni & frigore nuèque affecti equitantes per varios alieni itineris anfractus,

K K K K ij

tandem secundâ vigiliâ noctis fessi & mœsti venerunt Merlorum. Sequenti autem die venerunt Parisius, inueneruntque Fratres suos adhuc sedentes ad mensam, quos surgere volentes iussit Abbas sedere. Et prætendens Abbas constantiam à fletu continuit, intrinsecum dolorem viriliter reprimens. Socij autem eius tanta doloris capti sunt angustia, quod vix alterutrum discernere, & salutantibus se Fratribus exulibus respondere quiuissent. Mirum in modum Fratres exules, itineris & famis squalore confecti, Fratres suos, qui tantorum pro parte laborum fuerant expertes, consolabantur, & de Dei misericordia, deque Regis compromisso auxilio præsumendum hortabantur.

Coram Re-  
ge causam  
suam agit.

Facto igitur mane, Dominique inuocato auxilio, ingressi sunt Palatium Regis Abbas Guilelmus & Abbas Hugo, cum Gilone & Gaufredo, Francone & Rotberto, Petro & Vincentio, Hugone & Theobauda Regis cognato, paucis accitis gestæ rei testibus. Sedente itaque Rege cum Fratribus suis, Henrico Remensium Archipræsule, & Comite Roberto, atque Petro de Curtiniaco, & alijs Optimatibus Palatinis: surrexit Gilo, & modum tyrannicæ inuasionis Fratrûmque suorum expulsionis ex ordine perorauit. At contra Ioannes Aurelianensis respondit Abbatem ius Comitis, quod in villa Vizeliaci Regio ex fisco habebat, tulisse, & de illis iniurijs iustitiam Comitis negasse. Si, inquit Rex, de feodo meo habet ius illud quod sibi vendicat, ergo prius debuerat mihi clamorem facere de iniuria feodi mei, quàm Monachos de suo Monasterio expulisset. Et ait Ioannes: Dominus Comes non expulit Monachos, sed ipsi sponte in contemptum Domini mei exierunt. Respondit Robertus cognomento Crassus, vnus ex Fratribus Vizeliacensibus: Satis, inquit, mihi obturat os, qui meam de manu mea tollit buccellam. Ita est, inquit Rex. Postquam ergo, ait Rotbertus, inuasit Comes Monasterium nostrum, & misit inibi satellites suos, omnesque redditus nobis ablatos in manu eorum tradidit, quæ nobis ibidem post hæc mansio competebat? nulla, inquit, tota Curia. Et ait Rex: Ego Nuntios meos misi Comiti, & siquidem benefecerit, vtinam! sin autem, posse meum Ecclesiæ non deerit. Et gratias agens Abbas cum his

qui secum erant, ad hospitium regressus est. Fueruntque Abbas & Fratres eius per triduum apud S. Germanum, & reuersi sunt Moretum, manseruntque ibidem per dies triginta. Et scripsit Hugo Archiepiscopus Senonensium Guilelmo Abbati Monasterij Vizeliacensis in hæc verba :

„ H V G O Dei gratia Senonensis Archiepiscopus, Caris-  
 „ fimo suo Guilelmo Venerabili Vizeliacensi Abbati salu-  
 „ tem & dilectionem. Pro negotio Vizeliacensis Ecclesiæ &  
 „ vestro, misimus ad Comitissam Niuernensem, & ipsa sicuti  
 „ illa quæ multum pacem desiderat, fecit nos securum de  
 „ centum libris in vadimonijs auri & argenti, & si amplius  
 „ fuerit in querela, faciet me inde securum per bonos obli-  
 „ des & fideiussores. Mandamus itaque vobis & consulimus,  
 „ vt proxima die Iouis Senonis veniatis, & secundum quod  
 „ feceritis probari legitime, restitutionem habebitis. Nunc  
 „ autem si non veneritis ad diem, sentiet se Comitissa gra-  
 „ uari: Et si verbum hoc voluerit ad summam audientiam  
 „ deportari, non poterimus ei negare testimonium secun-  
 „ dum quod offert. Valete.

Mandat  
 Abbati vt  
 Senones  
 conueniat  
 ad pacem  
 cum Comi-  
 tissa com-  
 ponendam.

His verbis Abbas rescripsit, quod data dies minus compe-  
 tens videbatur, eo quod tam longè positus à Monasterio suo,  
 & inimicitias habens ipsius Comitissæ & filij eius, conuenire  
 nullatenus posset. Veruntamen si securitatem eundi & re-  
 deundi ipsa Comitissa præstaret hominibus suis legitime pro-  
 baturis illata damna, libenter conueniret ad diem congruè  
 sibi datam: Et factum est ita. Conuenerunt igitur vtrique.  
 Reposcente ergo Abbate illata damna, & legitime probare  
 volente; è contra partem maximam Comitissa negabat,  
 quedam verò in filium retorquebat, dicens crimine filij se  
 non debere teneri. Respondit ei quod malefactores ipsi ho-  
 mines essent Comitissæ, & Præpositi terræ illius; & idcirco  
 iuste ab illa exigebat, quod à suis ablatum legitime probabat  
 ad pretium vsque ducentarum marcharum. Attoniti qui erant  
 ex parte Comitissæ, magis autem ipsa Archiepiscopus cum  
 Clericis suis, rogabant Abbatem, vt finem probatorum dam-  
 norum diceret, ne tam graui verbo Comitissam exasperaret.  
 Et respondit Abbas, immeritus extremam exasperationem  
 illius expertus sum, & iam in quo amplius valet exasperari?

Petit Seno-  
 nes disce-  
 ptatque de  
 iure ac de  
 damnis Vi-  
 zeliaco il-  
 latis.

Attamen ob recuperandam gratiam illius, si tamen hoc reuera posset fieri, quod indubitanter constaret, medietatem eorum quæ probare possum gratis dimitterem, salua in cæteris Domini Papæ mandati executione. Cuius, inquit, mandati? At ille respondit: Vt de illatis iniurijs satisfaciatur, & de seruanda pace cautionem præstet. Erat autem Sabbatum ante Natale Domini. Ipsa die promotus est ad Diaconatum Guilelmus Electus Carnotensis, frater Comitum Henrici, qui etiam tunc ibidem ob gratiam fratris aduenerat. Is ieiunio valde pertæsus, grauiter aduersus Abbatem indignatus abscessit: & dilatum est verbum vsque in crastinum. Cumque hinc inde multum pro compositione laboraretur, opere casso discessum est; quoniam Comitissa neque illata damna restituere, neque de seruanda pace cautionem præstare voluit, dicens absque consensu filii sui expostulata facere se non posse, unde & actio ipsa dilata est vsque in tertiam diem Circumcisionis.

Sequestres  
se offerunt  
Comites  
Theobald.  
& Henric.  
pro Comit.  
te Niuern.

Legati autem Regis à Comite reuersi responderunt se nihil de mandato Regis à Comite impetrasse; iniuriis verò, & minis abundanter ab eo remuneratos fuisse. Statim Rex accitis Librariis præcepit vndique adunari exercitum, & iussit vt omnes armati occurrerent sibi vicesima die post Natale Domini. Comes igitur Theobaldus & Comes Henricus vix à Rege impetratâ licentiâ Comitē Guilelmum conuenerunt, & de perpetrata nequitia obiurgati sunt; acceptoque ab eo compromisso quod staret mandato Regis, conduxerunt eum in urbem Senonicam, quo Rex propter alia negotia intrante Ianuario conuenerat. Abbas quoque Vizeliacensis fortè ibidem aduenerat in præsentia Senonensis & Meldensis, causâ componendi cum Comitissa. Sed illa desistente vel ablata reddere, vel cautionem de seruanda pace præstare labor inutilis effectus est. Nocte itaque infecuta misit Comes Theobaldus ad Abbatem, rogans ne sequenti crastino abscederet, donec secum de proprio negotio loqueretur. Cumque sequenti die Abbas Curiam Regis adiret, occurrentes ei Comes Henricus & Comes Theobaldus tentabant eum de compositione pacis. Quibus Abbas respondit: Ego in manu Domini Papæ sum & Domini Regis, & absque illorum nutu



facio penitus nihil. Ingressi ergo ad Regem rogabant eum super hunc eundem sermonem. Et vocatus Abbas ante Regem, non tam de sua quàm de tyranni pace à quibusdam interpellabatur. Cognouit autem Abbas dolos eorū qui modis omnibus laborabant gratiam ab eo Regis auertere, vnde consultò in deliberatione illius posuit totum finem negotij sui, vituperium æquè vt gratiam à se remouens totius operis. Quæsiuit ergo Rex à prolocutoribus Comitum, non enim cum eo loquebatur, nec faciem eius videre volebat, quandiu quæstio ventilabatur. Quæsiuit, inquam, Rex, vtrum Comes secundum verbum suum finem faceret huius negotij. Quo negante, indignatus Rex vehementer, ait: Quid ergo? Abbas qui iniuriam passus est, & in nullo penitus mihi tenetur obnoxius, ipse totum se meæ dispositioni exponit, & Comes qui fecit iniuriam, mihi quæ tenetur tam proprio hominio quàm causâ querelæ suæ, Consilio meo & Curia meæ parere diffidit? Iam de cætero caueat sibi Abbas ne decipatur, quia ego ei nunquam de-ero.

Post multos itaque conflictus verborum, tandem vocatus Comes ante præsentiam Regis, compromisit ei per manum suam in manu illius pollicendo Ecclesiam, redditus, domos, & omnes possessiones Monasterij Abbati & suis reddere in eo statu, quo diebus octo ante Fratrum egressionem consistebant, & saluis illis querelis quas ad inuicem ante habebant, & saluâ sententiâ excommunicationis & interdicti quâ tenebatur. Pollicitus est item ea omnia, quæ à tertio die ante Fratrum exitum de rebus Ecclesiæ quoquomodo diminuta vel perditâ viderentur, restituere, & denuò pacem seruare, Ecclesiæ & possessionibus illius, Abbati & Monachis atque hominibus eorum: hoc iure retento, quòd si fortè inter Comitum & Abbatem vel Ecclesiam controuersia emergerit, per quindecim dies post diffidationem habebunt inducias Burgenfes Vezeliaci, in quibus diuertere poterunt se & sua ad tuta loca, Ecclesia permanente in pace cum vniuersis proprijs possessionibus suis. De damnis igitur modernis secundum probationem hominum Ecclesiæ restituendis Comes dedit obsides Ansellum de Triagnello, & fratrem eius Garnerium,

Comes Ni-  
uern. coram  
Rege sisti-  
tur, promit-  
titque dam-  
na à se in-  
flicta re-  
sarciturum.

Rex per se-  
met Abbate  
restituit &  
Monachos  
Vizeliac.

.... Comitem, & Isnardum Vicecomitem de Iouiniaco. Hi quatuor pro quarta parte fiduciauerunt singuli in manu Comitis Theobaldi, quoniam si Comes post quadraginta dies legitimæ probationis damna probata reddere detrectaret, infra quindecim dies summonitionis Abbatis apud Senonicam urbem oblidatum tandiu tenerent, donec Abbati & Ecclesiæ ipsi vel Comes satisfacerent. His itaque compositis rogatus ab Abbate festinauit Rex facere diem Epiphaniarum apud Vizeliacum, reduxitque Abbatem cum lætitia magna in locum suum. Et eiekti sunt filij Belial de Monasterio & de Burgensium domibus, & obtinuit omnes gaudium & lætitia magna. Sed & nequam proditores pseudomonachi egressi de domo Esconij, bona penitus omnia quæ præ manibus habere poterant dissipantes, fugam arripuerunt.

Tentat Co-  
mes Abba-  
tis animum  
emollire.

Igitur nouies quinque diebus exactis, reuersi sunt fratres de exilio cum lætitia & ingenti gaudio. Vnus autem excommunicatorum nomine Guilelmus Pideth diabolico inuasus spiritu coepit Monasterium impugnare & prædas facere: quod cum diu fecisset, insecuti sunt eum tam ex oppido Vizeliaci quàm ex oppido Campi-molli multitudo rusticorum magna: tandem percussus miser mortuus est. Itaque præsentibus Regis militibus & clientibus Comitis, computauit Abbas summam detrimentorum Monasterij, quæ ab hominibus Comitis fuerant Ecclesiæ illata ab exitu fratrum, vique in præsens: & fuit summa ducentarum quadraginta librarum. Post hæc Missi à Comite exposulauerunt ab Abbate expensam procurationis festi B. Mariæ Magdalenæ, & alia quædam ridicula. Quibus Abbas respondit: Quando Comes factam mecum concordiam in communionem Ecclesiæ susceptus fuerit, tunc respondebo illi super proposita questione. Et conuenerunt apud Crisenon Archiepiscopus Lugdunensis, & Archiepiscopus Canuariensis, tentantes si fortè componere possent inter Abbatem & Comitem atque Comitissam. Sed frustra laboratum est. Quia enim pondus omnium grauaminum in immoderatis procurationibus existerat, nolebat Abbas vel Ecclesia recipere quamlibet compositionem, quæ profectò non veram, sed potius fictam inducere pacem videretur, nisi aut omnimodas procuratio-

nes

nes Comes dimitteret, aut certâ expensarum præscriptione easdem limitaret.

Iterum imminente media Quadragesima Guilelmus de Merloto & Renaldus frater eius venerunt ad patrum suum Guilelmum Abbatem Vizeliac. tentantes de compositione pacis animum eius. Et conuenerunt apud Escolnias hinc Abbas, illinc Comes: sed & tunc casto labore sudatum est. Inde Abbas cum properaret ad Regem, inuenit eum Senonis. Et significauit ei quomodo Comes constitutas interrupisset inducias quadraginta dierum. Siquidem in Senonica compositione dictum fuerat quod post probationem damnorum suorum, Abbas & Ecclesia XL. dierum inducias haberent à Comite super omnibus querelis quas Comes aduersus Abbatem haberet. Et etiam deinceps si fortè Comes ampliùs sustinere noller, à die diffidationis iterum quindecim dies induciarum Abbas haberet. Comes autem diebus octo infra XL. dierum inducias Abbatem ita diffidauit, quod non nisi octo dies daret induciarum, & ipsi octo dies cum XL. superioribus perficerentur. Quod ut Rex audiuit, ægrè tulit; dixitque Abbati ut secum rediret Altisiodorum: & vituperauit Comitem Rex, præcepitque ei ut fractas inducias restitueret. Et contestatus est Comes valde, ita quod penè lacrymaretur: coactus tamen paruit, & abinde XV. dierum inducias dedit. Completique sunt dies illi infra septimanam Ramis-palmarum. Henricus denique Comes Trecensis, & Theobaldus Comes Blesensis, atque Ansellus de Triagnello conuenerunt Guilelmum Comitem Niuernensem, & Guilelmum Abbatem Vizeliacensem, & diu satisque egerunt pro compositione pacis inter Comitem Niuernis & Cœnobium Vizeliac. Erant autem hi duo Comites cognata germanitate coniuncti Comiti Niuernensi. Quid plura? de omnibus querelis suis dixit Abbas stare consilio & diffinitioni eorum, exceptis duabus procurationibus, quibus Ecclesiam penitus Comes destruebat. Dictum est itaque à prætaxatis illustribus viris; quatinus de singulis procurationibus sexaginta libras Comiti persolueret; ita tamen ut de festiuitate, quam præsentia suâ minimè Comes honoraret, nihil ei omnino Abbas vel Ecclesia præstaret. Ut autem hæc compositio grata Co-

Conqueritur Regi  
Abbas de  
Comite.

Comes Trecensis, &  
alii agunt  
de pace componenda, sed  
perperam.

miti, & perpetua legerata constaret, dictum est ut Abbas Comiti septingentas libras daret. Abbas verò quinquaginta tantum libras de singulis procurationibus, & pro compositione quingentas libras offerebat. Ventum est igitur ad Comitem Niuernensem. At ille compositionem omnino instigatus ab Stephano Clerico suo, & ab Stephano de Petra-foraminis renuit, nisi de singulis procurationibus octoginta libræ, pro compositione autem mille libræ ab Abbate sibi darentur. Et durus visus est sermo in oculis Abbatis, laudantē & contradicente Comite Henrico, ne quid oblato amplius daret. Sic vespere factō, infectoque negotio ab inuicem discesserunt.

Rogatu denique Abbatis scripsit Rex Comiti Henrico gratias agens, & obsecrans quatinus pro præscripta compositione satageret. Et assignauit Comes Henricus Abbati diem Lunæ Ramis-palmarum Trecis. Misitque ad Comitem Niuernensem, rogans sicut cognatum, ut gratiā compositionis inter ipsum & Abbatem Trecas venire dignaretur. At illeremandauit ei ipsum potius venire debere Altisiodorū, si forte opus haberet. Henricus autem tantum fastum exhorrescens, scripsit hoc ipsum verbum Regi & Abbati. Reuersus itaque Abbas ad Regem, inuenit eum Aurelianis in die sancto Dominicæ Coenæ. Inuitatusque est ab Episcopo Manasse, ut secum celebraret solemnia consecutionis sacri Chrismatis. Quo factō misit ex eodem Chrismate Vizeliacum per manum Vincentij Decani. Et cum intimasset Regi responsum Guilelmi Comitis, quod fecerat Comiti Henrico, miratus est Rex valde, & misit ad eum præciens ut die Mercurij post Pascha suam apud Moretum præsentiam exhiberet. Interim autem ab infestatione Monasterij Vizeliac. contineret, & saluum conductum veniendi ad prædictum colloquium Vizeliacensibus concederet. Fecitque Abbas sanctum Pascha apud Villare Monasterium. Et quarto die conuenerunt in nemore quod est supra Moretum Rex, & Comes, & Abbas, singuli cum suis. Rex autem rogabat Comitem ut compositioni acquiesceret secundum consilium Comitis Henrici. Cui Comes respondit: quod habeo in Monasterio Vizeliaci susceperunt patres mei à patribus tuis in feodum, de quo feodo plus quàm de tota hæreditate mea vel agere vel componere non tam pa-

Colloquiū  
corā Rege.

cificum, quàm violentum mihi videtur. Ad hæc Rex : Si ita est, inquit, quòd patres mei patribus tuis illud tradiderunt feodum, constat proculdubio causà tuitionis & non destructionis id factum fuisse. Tu autem, pro utnobis videtur, in destructionem Monasterij totis viribus anhelas. Respondit ei Comes : Saluo verbo Regis, ego illud non destruo. Dicit ei Rex ; in quantum opera tua manifestant, destructio ipsa præsto est. Sanè his intermissis, de compositione agamus ; si tamen Abbas voluerit. Respondit Abbas : Quod Comes dicit patribus suis à patribus tuis datum fuisse Monasterium Vizeliaci, ecce præ manibus habemus patrum tuorum priuilegia quibus ipsius Monasterij libertas commendatur, & omnium Potestatum omnimoda possessio atque consuetudo excluditur. Attamen ipsa priuilegia tam Apostolica quàm Regalia, & ipsum Monasterium Vizeliaci in manus tuas committo, compone & dispone secundum censuram iustitiæ tuæ. Interrogauit ergo Rex Comitem vtrum staret compositioni prolocutæ à Comite Henrico apud Autissiodorum. Respondit Comes : nullum penitus verbum feci compositionis cum Comite Henrico. Et ait Rex : Equidem sic audieram sicut dixi. Sed quantum ad hæc, vide quid mei gratiâ facturus sis. At ille : Tui, ait, gratia quod potero faciam, sed de iure meo nunquam componam. Indignatus Rex ait ; Abbas qui nullo iure mihi tenetur obnoxius, de iure proprio sese submittit, & sententiæ meæ totum se exponit : & tu qui iure proprii hominij mihi teneris, suspectum me Dominum tuum habes, atque consilio meo stare detrectas ? Hactenus pueritiæ tuæ deferens iniustitias tuas sustinui, hactenus grande peccatum in tolerantia subuersionis sepulchri B. Mariæ Magdalenzæ contraxi. Iam de cætero iustitiæ Monasterij non deero, si fortè Abbas clamorem super te faciens iustitiam quæsierit : interim auctoritate regia interdico tibi, ne amodò Monasterium Vizeliaci, aut homines seu possessiones ad illud pertinentes infestare præsumas ; sciens in iniuriam coronæ Regni redundare quicquid denuò mali eidem Monasterio feceris. Si quid autem habes aduersus Abbatem, ecce ad iustitiam illum tibi exhibeo. Accedensque Abbas ad Regem petijt iustitiam de Comite. Respondit ei Rex : quoniam pro compositione vo-

Renuit Comes stare Regis sententiæ.

catus à me venit, non decet regiam mansuetudinem in ius illum ad præsens trahere: Sustine ergo donec recedat, & postmodum tibi & illi assignabo diem & locum agendi. Et conuenerunt iterum sequenti die in domum Fratrum Vizeliac. quæ sita est super fluuium Lupæ apud Moretum.

Concilium  
cogit de-  
nuò Rex  
apud Mo-  
retum.

Aderant autem cum Guilelmo Abbate Vizeliacensi Hugo Abbas S. Germani, Stephanus Abbas S. Remigij Senonensis, Stephanus Abbas Castri Meliduni. . . . Abbas Castri Landonis, & Iurisperitus Mainierius, atque Osmundus Parisiensis Canonicus. Quidam verò multifariè tentabant si quomodo possent auertete animum Regis ab Abbate, vel ab Ecclesia Vizeliacensi; sed frustrati sunt omnes conatus Satanæ, & disrupti laquei clandestinæ cupiditatis; quoniam Abbas in nullo penitus à voluntate & sententia Regis deficiebat: Comes autem iudicio Regis stare omnino recusabat; & conqueflus est quòd Abbas hominem suum captum teneret. Requisitus, quem: respondit, Andream de Palude. Et ait Abbas: Andreas de Palude nihil omninò ad te pertinens, meus est à planta pedis vsque ad verticem, sicut proprius seruus Monasterij Vizeliac. Dixitque Comes: Conditionem seruitutis huius Andreas minimè nisi coactus cognoscit. Respondit Abbas: Ecce super hoc etiam adsto iudicio Regiæ Curia. Et dixerunt Optimates & Consiliarij Regis: Mos Regiæ Curia talis est, quòd si quis de seruili conditione ab alio interpellatus fuerit, liber à suo possessore producat in medium. Qui si suum possessorem solum Dominum suum recognouerit, calumniator lite soluta nihil in eo habebit. Si autem se seruum calumniatoris dixerit, nudus cedit in partem calumniatoris, res autem illius tam mobiles quam immobiles vniuersas nudo relicto corpore possessor occupabit. Respondit Abbas: hoc iudicium & hunc morem laudo & libenter obseruabo. Tunc confusus Comes voluit ignominiam causæ suæ in Abbatem refundere, & proposuit calumniam de proditore illo Guilelmo, qui digno interitu perierat, dicens Monachum qui in sua tutela existerat, præcepto Abbatis fuisse interemptum. Et exclamauit omnis Curia aduersus tam insipientem & nequissimam calumniam Comitum; dixitque Abbas: Licet omnino falsa sit proposita calumnia, nihil tamen exinde tibi responsu-

rus sum. Cùm ergo cognouisset Rex de pseudo illo Monacho in risum multum excussus, ait Comiti : Ergone tales sunt Monachi tui ? Cùmque modum & causam interitus perditì hominis audisset, iterum subfannando & impropèrando ait : ò iustus & competens clamor Comitìs ! ò prosequenda calumnia nobilissimi Principis ! quid super hoc exposulat ? proditor. Monachus terræ corpus, diabolo animam exsoluit.

Dum hæc apud Moretum aguntur, Hugo Letardus assumptis satellitibus Comitìs ingressus est terram Vezeliacensis Monasterij, & fecit in eam prædam multam nimis armentorum & pecorum, variæque suppellectilis, & etiã infecta coria mansionariorum de coëno extrahens distraxit, & pecuniam ducentarum, eoque ampliùs librarum ex omnibus confecit. Et ascendens clamauit per præconem in foro, quòd si quis cuiuslibet conditionis deinceps aliquid venale afferret infra oppidum Vezeliaci vel in omni confinio eius, bonorum suorum amissionem & proprij corporis iniuriam vel captiuitatem incurrerent. Transactâ denique septimanâ Paschæ posuit nequissimos viros, & ipsâ inopiâ prædones acerrimos qui singulos aditus obseruarent, ne quis virorum aut mulierum, paruulorum vel senum præsumeret descendere ad hauriendam aquam, seu ad molendum triticum. Vnde factum est vt Matronæ & Virgines pro sexus reuerentia confidentes descenderent aliquando, & à vilissimis hominibus dehonèstarentur & violarentur, atque iniurijs multis affligerentur. Tanta igitur necessitate coacti descenderunt ipsi Fratres ad hauriendam aquam, & ad legenda olera ; sed & ipsos iniurijs affectos spoliauerunt, nec vilitatem pannorum, seu inhabilitatem habitus pannosi garciferi erubuerunt. Stephanus quoque de Beljaco accepta à Fratribus pecuniâ quingentorum solidorum, & piperis ac ceræ non modica quantitate, egressus pergebat ad Abbatem eo tempore apud Villare Monasterium commorantem, & insidias Comitìs declinantem. Cùmque satellites Comitìs suspectos haberet Stephanus, assumpto fratre suo milite circuiuit per deuia & venit in Poiseium, confidens de conductu Guilelmi Præpositi Droienfis, qui sororem illius in vxorem duxerat. Sanè proditio pietate sanguinis nonnunquam abutitur. Recedente nanque

Interim  
terram Vezeliac. præ-  
datur Hu-  
go Letar-  
dus.

milite à fratre, protinus misit Guilelmus Præpositus Droienſis Guilelmum de Lenſech, qui inſecutus eſt abeuntem Stephanum, & abiulit ab eo pecuniam, & equos, & vniuerſa quæ deferebat. Reuerſus ergo Stephanus acceſſit ad Idam matrem Comitis, & petijt ex parte Regis vt ablata ſibi reſtiterentur, quoniam cuncta ſpectabant ad domum Villaris Monafterij, quæ in dominatione & tutela Regis exiſtebat. At illa nomen Regis ſpernens, & Monafterium Vizeliac. quod erat in protectione ſua & filij ſui, ab aduerſario ſuo & filij ſui deprædari prætendens, vix precibus amicorum Stephani deuicta, equos & partem ceræ iuſſit reddere. Et peruenit verbum iſtud ad aures Vizeliacenſium, & conſternati ſunt animo, paternam magis inopiam quàm propriam deſcentes ærumnam. Et factus eſt rumor, quod præcepiſſet Comes, vt ſeniores & potentiores populi Vizeliac. comprehenderentur, & bona eorum diriperentur, vel conſiſcarentur. Qui perterriti receperunt ſe infra Clauſtra Monafterij.

Gaufredus igitur Angligena, qui poſt Gilonem primum locum in Cœnobio Vizeliac. tunc obtinebat, ſcripſit cum fratribus ſuis Abbati, ſignificans ei quanta afflictione & contritione à ſatellitibus Comitis oppidum Vizeliaci obſideretur. Tunc Abbas venit Beluacum, quò Rex fortè conuenerat cum multitudine Epiſcoporum & Optimatum ſuorum. Vt ergo cognouit Rex mala quæ Vizeliacenſi Monafterio Guilelmus Comes Niuernenſis intulerat, aſſignauit ei diem agendi cum Abbate coram ſe Aurelianis Dominicâ quæ præcedit Pentecoſten; ita tamen vt ſibi primum ſatisfaceret de contemptu & tranſgreſſione mandati ſui, Monafterium præſatum poſt prohibitionem ſuam perſequendo. Et accepto die, indignatus eſt Comes valde, & reſceſſit cum comminatione multa. Acceſſitque Abbas ad Ducem Burgundiæ, rogans eum vt obſeſſis opem ferre dignaretur. Protinus ille ſcripſit Guntardo Præpoſito Aualonenſi, præcipiens ei quatinus quæque venalia terræ ſuæ Vizeliacum indubitanter conduce-ret, & etiam ſi neceſſe foret armis defenderet. Sed puer ætate & animo pellectus à Comite per aſtutiam Anſerici de Monté-Regali, qui non minùs quàm Comes Abbati & Monafterio inimicabatur, mentitus eſt omnia quæ ſponponderat, & pro-

Abbas Bel-louacū Regem adit conqueſtus de prædis à Comitis ſatellitibus actis.



hibuit venalia, præcipiens comprehendi quotquot de Vezeliacensibus in terra sua inuenirentur. Rex autem Ludouicus accersitis librarijs scripsit omnibus Præfectis & Principibus Regni sui, vt coadunato exercitu equitum & peditum sibi occurrerent Senonis Dominicâ quæ præcedit festum B. Mariæ Magdalenæ. Porrò Comes veritus iudicium Regiæ Curiæ assignatam sibi diem excusauit. Rex illico assignauit primam Dominicam post Pentecosten Parisius. Et hanc quoque rursus excusanti dedit tertiam Dominicam post Pentecosten Laudunum: Sed & hanc tertio excusans Comes, misit Guilelmum de Domno-Petro, supplicans, vt vel semel Rex inire dignaretur colloquium, quo vtrinque auditis allegationibus ipse per omnia staret arbitrio Regis. Et bonus visus est sermo in oculis Regis, cui grata requies, exosum semper extitit bellum.

Hic est enim Ludouicus Rex filius Ludouici, qui cognominatus est Grossus, filij Philippi, filij Henrici, filij Roberti, filij Hugonis Capitonis, qui primus Rex extitit post defectum genealogiæ Caroli, quæ per ducentos fermè annos regnauit; fueruntque à primo anno Hugonis vsque ad primum annum huius Ludouici, qui cum patre per quinquennium regnauit, anni fere centum quadraginta. Hic est Rex Ludouicus cuius pater Ludouicus vsquequaque dilatauit Regnum suum, & coniunxit ei in matrimonium filiam Guilelmi Ducis Aquitanorum & Comitis Pictauorum, propter quam acquisiuit omnem Aquitaniam, Guasconiam, Bascloniam, & Nauarriam, vsque ad montes Pyrenæos, & vsque ad Crucem Caroli. Hic est Rex Ludouicus qui quintodecimo anno Regni sui, præsidente in Romana Cathedra Eugenio, cum magno exercitu vexillo viuificæ Crucis insignito Hierosolymam perrexit, gentem inimicam fidei debellaturus. Sed incognito Dei iudicio, maxima suorum parte amissa, absque triumpho redijt, prauoque vsus consilio vxorem suam cum prænominata terra, quæ Regnum aliquando per se extiterat, dimisit, & postmodum coniunctus est filiæ Imperatoris Hispanorum, quâ defunctâ, tertio nupsit sororem Comitis Henrici de qua primam suscepit filium nomine Philippum, anno Regni sui XXXIII. à Galijs redeunte Alexandro Papa.

Genealogia Regum Capetianorum.

Ludouicus 7. Hierosolymam pergit.

Conueniūt  
Moretum  
Rex, & Co-  
mes, & Ab-  
bas.

Conuenerunt igitur apud Moretum Rex, & Comes, & Abbas. Propositis hinc inde controuersijs, voluit Rex vt vterque staret definitioni Henrici Archipræsulis Remensis, & Henrici Comitis Trecentis: & concessit Comes data fide in manu Petri fratris Regis, ita se facturum: Abbas autem in verbo tantum veritatis idem spondit. Quærentibus diem definitionis (neque enim intererant arbitri) respondit Rex, quod circa festum B. Dionysij congruam eis diem assignaret: interim verò Abbas ad Monasterium suum reuerteretur, & optata pace atque securitate ipse & sui perfruerentur, vsquequo lis per prædictos arbitros terminaretur. Quam pacem se seruaturum Comes sacramento fidei confirmauit. Sic singulis ad sua redeuntibus, Abbas Guilelmus abiit Trecentis ad Comitem Henricum, & inde Clarcuallis, quod se sperabat inuenturum fratrem Regis Henricum Archiepiscopum: quem cum non inuenisset, rediens celebrauit sollemnitatem B. M. Magdalene in Monasterio. Rex verò Ludouicus mouit exercitum aduersus Guilelmum Comitem Cabilonensem propter pessimam stragem, quam Guilelmus filius eius exercuerat super Cluniacenses. Cum enim occupasset castrum Londonis, quod extat de iure Cluniacensis Cœnobij, egressi sunt maiores natu cum iuuenibus de vico Cluniacensi, quos incautos sicut indoctum vulgus, docta manus militum Comitis protinus aggressa, fugam inire compulit, & ferè omnes ad internecionem deleuit. Mouens ergo Rex exercitum, occupauit Castella & munitiones eius, & ipsam urbem Cabilonensem, omnemque terram illius vsque ad fluuium Ararium, quam deuastatam tradidit in manu Hugonis Ducis Burgundiæ, & Guilelmi Comitis Niuernis, quousque puer ipse, qui causa malorum extiterat, venit Vizeliacum ante faciem Regis cum matre sua, & prout potuit Regi satisfacit. Quia igitur totum pondus ipsius negotij Comitem Niuernis occupabat, distulit Rex diffinitionem controuersię, quæ versabatur inter ipsum Comitem & Abbatem, vsque in festum quod instabat B. Martini.

1166.

Anno Verbi Domini incarnati millesimo centesimo sexagesimo sexto; Exceptionis autem sacri corporis B. Dilectricis Dei Mariæ Magdalene ducentesimo octogesimo sexto, porrò destru-

destructionis execratæ Burgensium Communæ vndecimo, decima die mensis Nouembris, conuenerunt ante Regem Parisius Guilelmus Abbas Vizeliacensis, & Guilelmus Comes Niuernis, & proposuit Co. \* .....

An. 881.  
receptū Vi-  
zeliaci cor-  
pus B M.  
Magdale-  
nz.

Guido adhuc puer frater Comitis..... Soror eius adhuc innupta, & iunior frater suus..... Milo de Nuceriis...

\* *Desunt*  
*hic sex fo-*  
*lia excisa.*  
Iusiurandū  
Comitis de  
pace tenen-  
da cum Vi-  
zeliacensibus.

Diffimulatā igitur nequitia verborum matris surrexit Comes, & flexit genua ante sanctum Euangelium, & viuificam Crucem Christi, sanctasque Reliquias. Cui cum Abbas vellet dictare formam iuramenti; sustine, ait, & permitte me quod corde sentio & fide teneo, per me proferre: si quid autem minùs vel ampliùs protulero, liceat tibi emendare; dixitque, sicut ex præsentī chirographo recitatum est, & ego bona fide intelligo, vósque omnes qui adstatis, intelligitis, sic tenebo & obseruabo, & meos obseruare faciam. Sic me Deus adiuuet & Sancta ista. Et clamauerunt omnes, satis est, satis est, bene & luculenter dictum est. Vocansque Guidonem fratrem suum præcepit vt & ipse iuraret in eundem modum; quod & fecit, sic dicens: Sicut Dominus Comes frater meus bona fide iurauit, sic & ego bona fide tenebo & obseruabo. Sic me Deus adiuuet & Sancta ista. Deinde vocatus Præpositus Altisiodori nomine Ioannes, Columbus quoque Præpositus Tornodori, & Milo Præpositus Malliaci, atque Hugo Letardus Præpositus Castricensorij, aliisque circumadiacentis territorij, iurauerunt sicut in chirographo definitum fuerat. Idā verò mater Comitis subterfugiens ingressa est Oratorium intactæ Virginis MARIÆ, quod contiguum erat Capitulo, accito secum Milone, aliisque quāmpluribus, quos vecordia suā sperabat parituros, & cum multifariè retractarent quomodo iusiurandum Comitissa euitare posset, nullusque sibi honestus pateret exitus, vocauerunt Comitem: quo præsentē supplicabat mater ne eam iurare cōpelleret. Respondit ei Comes: si me visperiuriū incurrere, noli iurare: quæ dixit: Velim nolim concedo in verbo legitimo quicquid pro voluntate iurasti. Dixit ei Comes, si hoc satis fuerit Abbati, mihi quoque satis erit. At illa: Roga, inquit, fili, eum vt tibi det hoc iusiurandum. Reuersus Comes ad Abbatem dixit: turpe est mulierem iurare, maximè verò matrem meam, quæ nobilis

MMmm

est & genere & potentatu, sed & vidua; parce illi quæso, & ne illam compellas iurare; sed suscipe pactum illius in verbo legitimo; ego autem pro ea tenebor quòd sic obseruabit. Respondit Abbas: noli, inquit, noli soluere firmamentum pacis: scio enim matrem tuam initium & causam fuisse omnium inimicitiarum tuarum, quam profectò constat plura compromittere, pauca effectui mancipare. Veruntamen amore tui, si vt dixisti, formam compositionis seruaturam se in verbo legitimo pepigerit, patiar vt quilibet legitimus miles vice ipsius adstante illa ante Sancta iuret. Et factum est ita: & iurauit Balduinus, qui dictus est pro ea. Et facta est lætitia & exultatio magna omni populo in die illa. Et facta est concordia & amicitia magna inter Abbatem & Comitem, & nulla fuit distantia inter vtrumque, quin sentiret idem vnus quod alter. Hi autem qui operadores & incitatores inimicitiarum omniũ fuerant ad pedes Abbatis venerunt, & vt eos Comiti offensos reconciliaret suppliciter exorauerunt. Rex autem Ludouicus venit Vizeliacum, & gratias ei egit Abbas cum Fratribus suis pro adepta pace, & occurrit ei filius Comitis Cabilonis, & agente Abbate fecit pacem cum Rege.

Ad hoc colloquium venit & Stephanus Abbas Cluniaci, qui exosam habens personam Guilelmi Abbatis Vizeliaci, dedignatus est ingredi oppidum Vizeliaci, & substitit in prædio quod dicitur Nouemfontanas, mandauitque Regi vt sibi vbilibet occurreret, qui assignauit ei locum in crastinum apud S. Petrum inferiorem, quod est prædium Monasterij Vizeliaci; quod vt Guilelmus Abbas Vizeliacensis cognouit, misit ad eum Renaldum Eleemosynarium, & Gaudricum Priorem de Campo-molli: quos vix ad se introductos cum audisset, non resalutato Guilelmo, remisit Stephanus dicens collaturum se cum Fratribus suis super ea quæ sibi protulerat. Erant autem cum Stephano Abbate Cluniaci Bernardus Prior S. Stephani Niuernensis, & Hugo de Siluiniaco, Thomas & Amblardus aliique quamplures, qui omnes vnanimiter rogauerunt & laudauerunt vt adquiesceret petitioni Abbatis Vizeliaci. Petijt enim Abbas Vizeliacensis, vt ipse Abbas Cluniacensis Vizeliacum veniret; ille autem sibi occurreret cum Duce Burgundiæ & Comite Niuernis, vniuersaque mi-

litia Procerum, qui tunc ibidem conuenerant, & ornatis plateis multoque incenso flagrantibus \*, solemnem processionem cum signorum omnium sonitu, festiuo more susciperet, Capitulum pro arbitrio teneret, ad cymbalum Refectorij sederet si vellet, aut certè in camera Abbatis quot quot vellet diebus comperendinaret. Acquiescens ergo Cluniacensis suorum consilio, mandauit Abbati Vezeliac. per Hugonem & Amblardum, quòd satisfaceret petitioni illius. Statimque Abbas præcepit ornari Basilicam & omnes plateas, omnique populo clamante præcone præcepit vt fores & vestibula domorum suarum decenter ornarent, & honestè secum procederent in occursum Abbatis Cluniacensis. Superueniens autem Theobaldus Prior Cluniaci, qui postmodum factus est Abbas Monasterij Molismensis, vituperauit consilium Fratrum suorum. Veniensque cum Pontio tunc Priore Paredi Monasterii, tentabat animum Guilelmi Abbatis, inquirens quo honore Abbatem Cluniaci suscipere disponderet. Cui Abbas respondit, dicens: Assumptis mecum Comitibus & Proceribus atque Militibus, quorum multitudinem adesse cernitis, occurram Domino Cluniacensi, & solemnem ei processionem exhibebo. Cum autem huc ingressus fuerit, Capitulum & Refectarium pro arbitrio tenebit, aut in ipsa Camera mea quandiu voluerit, comperendinabit, omnemque illi honorem exhibebo, in frumento, vino & carne, & piscibus. Submurmurante Theobaldo, respondit Pontius: Hæc omnia quæ proponis, bona quidem sunt, sed minùs sufficientia personæ Abbatis Cluniaci. At ille: Quid ergo, ait, ampliùs faciendum vobis videtur? Et respondit Pontius: optime nosti quid ei congruat, præsertim in hoc Monasterio, quod præter communem hospitalitatem ampliori tenetur sibi reuerentiâ. Bene (inquit) noui quid sibi congruat, ideòque omnem debitum illi honorem exhibebo. Si autem fortè ultra intenditis, hoc apud vos certum constare volo, quòd collata mihi sede non sibi cèdam. At illi dixerunt; noli ergo fatigari, quoniam Dominus Abbas minimè huc veniens, obsequium tuum recipiet. Quibus Abbas ipse ait, viderit; feci ego quod meum fuit. Et audiuit Rex & Optimates eius hoc verbum, & displicuit eis valde, dixeruntque: O quanta ar-

\* fragrantibus.

Abbas Cluniac. actus improbandus.

à Rege ac  
Proceribus

rogantia istius hominis, qui sibi oblatum tantum honorem despicit, & Dominum Regem nōsque omnes occurrere sibi expetit. Cū hæc loquerentur, & esset Guilelmus Abbas coram Rege, dictum est ei, quòd Stephanus Abbas Cluniaci iam descendisset ad gradus exteriores maioris Basilicæ, & staret ante altare Apostolorum Petri & Pauli, ad quem descendens, deduxit eum in domum superiorem ante conspectum Regis, vbi cū frustra per totum diem ieiunus perstitisset, imminente noctis conticinio, rediit ad prætaxatum prædium. Et magnificatus est ea die Abbas Guilelmus in conspectu Regis & Comitis Niuernis, omniūque Procerū. Et obtinuit Abbas Guilelmus gratiam Comitis Niuernis, & magis ac magis per singulos dies proficiebat in dilectione eius; ita quòd Comes per omnia sese illi crederet, & secreta sua committeret.

Guilelmus  
Niuern.  
pergit Hierosol.

Post hæc verba Comes Niuernis **G V I L E L M V S**, filius Guilelmi Altisiodorensis filij Guilelmi Cartusienfis, filij Renaldi Malliacensis, filij Guilelmi Niuernensis, filij Renaldi, qui fuit filius Landrici primi huius generis Comitis Niuernis, accepit apud Caritatem signum viuificæ Crucis gratiā Hierosolymitanæ peregrinationis ab Hugone Senonensi Archiepiscopo.

Deonarii  
seu Popli-  
cani hære-  
tici in iudi-  
cium addu-  
cti.

Eo tempore deprehensi sunt apud Vizeliacum quidam hæretici, qui dicuntur Deonarij seu Poplicani, & adducti in quæstionem per ambages & circuitus verborum tentabant velare foedissimam sectam hæresis suæ. Separatos itaque Abbas iussit recludi, donec à superuenientibus Episcopis honestisque personis conuincerentur: fueruntque detenti ferè per sexaginta vel eò amplius dies, & frequenter adducebantur in medium; & nunc minis, nunc blandimentis de fide Catholica inquirebantur. Tandem cū frustra multo tempore laboratum fuisset, mediantibus Archiepiscopis, videlicet Lugdunensi & Narbonensi, cum Episcopo Niuernensi, & Abbatibus, aliisque peritissimis viris quampluribus, conuicti sunt quòd solam diuinitatis essentiam ore confitentes omnia penitus Ecclesiæ Catholicæ sacramenta euacuarent, Baptismum scilicet paruulorum, Eucharistiam, viuificæ Crucis impressionem, exorcizatæ aquæ aspersionem, Basilicarum ædificia,

Hæresis eo-  
rum capta.

decimarum & oblationum remedia, coniugatorum cōnubia, Monachorum instituta, Clericorum & Sacerdotum omnia officia. Et cū instaret Paschalis sōlemnitas, duo ex illis, audito quōd proximē ignis exterminandi essent iudicio, finxerunt se credere quod Catholica credit Ecclesia, & pro pace Ecclesiæ aquæ examine satisfacturos. In ipsa igitur processione Paschalis sōlemnitatis adducti sunt in medium maxime multitudinis, quæ totum Claustrum occupabat, stante Guichardo Lugdunensi Archiepiscopo, & Bernardo Niuernensium Episcopo, Magistro quoque Galterio Laudunensi Episcopo, cum Guilelmo Vizeliacensi Abbate. Itaque requisiti de fide per singula capitula, sic se credere dixerunt sicut Catholica credit Ecclesia. Requisiti de execrabili sacramento erroris sui, nihil se scire dixerunt, præter præscriptam infidelitatem Ecclesiasticorum sacramentorum. Requisiti vtrum ita se credere, vti professi sunt, & nihil de secreto erroris amplius se scire aquæ examine probarent: ita se facturos sponte absque aliqua adiudicatione responderunt. Tunc omnis Ecclesia vno ore exclamauit, *Deo gratias*. Et respondens Abbas dixit omnibus qui aderant: *Quid ergo, Fratres, vobis videtur faciendum de his qui adhuc in sua perseverant obstinatione?* Responderunt omnes: *Comburantur, Comburantur*. Sequenti die adducti sunt illi duo qui videbantur reuocati, ad iudicium examinis aquæ; quorum vnus omnium iudicio saluus per aquam factus est: fuerunt tamen nonnulli qui exinde dubiam tulere sententiam. Alter porrò remersus in aquam, fere omnium ore damnatus est. Vnde carceri mancipatus, quoniam varia quorundam, etiam Sacerdotum ferebatur sententia, iterum ipso petente, ad aquæ iudicium reductus, & secundò demersus, nec vel parum ab aqua receptus est. Bis denique damnatus igni ab omnibus adiudicatus est: Sed deferens Abbas præsentis suæ, publicè cæsum eliminari præcepit. Cæteri autem numero septem igni traditi exusti sunt in valle Esconij.

An. 1167.







## INDEX RERVM ET VERBORVM.

### A

- A**bbates quid præcauere debeant, 212  
Academia. V. Tolosæ.  
S. Acherici siue Acheri Monasteriū, 307. actus Sancti huius percurruntur, ibid.  
Adam Abbas S. Dionysij Paris. 130  
S. Adeodatus, siue Deodatus Episcopus Niuern. abdicato Episcopatu in eremum secessit, 277. eius acta breuiter perstringuntur, ibid. & seqq. Monasterium, ibid. 282 eximitur à iure Episcopi Tul. & Sedi Apostolicæ subijcitur, 312 instauratur à Ducissa Beatrice, 313 Translatio corporis B. Deodati, ibid.  
Adhelret Rex Anglorum, 257  
Alberici Hostienfis Episc. S. A. L. Epistola, 480  
Albertus Comes de Dasporch. 355  
Alexander Papa III. ab Imperatore vexatur, 339. moratur in Gallia, ibid. pacem init cum Imperatore, 340 eo Summo Pontifice electo schisma exoritur, 366 eius partibus stat Ludouicus Rex Gallia, 378 aduersantur Fridericus Imp. & Henricus Comes Trecentis, 379 & seqq. plura ea de re colloquia, ibid. 780 Parisiis Alexander suscipitur, 382 Ecclesiam S. Germani Pratenf. consecrat. ib. Concilium celebrat apud Turones, 383 Comiti Niuern. scribit, 390 Item Senonenf. Archiep. 397 Episcopis Eduenf. Ligonenf. & Antissiodor & Niuern. 398 Ludouico Regi, 399 & Guilelmo Abbati Vizel. 600  
S. Amantius Ruthenenf. 193  
Amantius siue Airamnus, 194  
Anastasii Papæ I V. epistolæ, 495 & seqq.  
Andegauenf. Comes malleus bonorum à S. Bernardo appellatur, 167  
Angelorum disciplina, 64  
Angelrannus ex Cancellario Imperatoris Metenf. Episc. 299 Abbas Senonenf. ibid.  
Angerannus de Couci. 350  
Animarum tres status, 33  
S. Ansberti corporis translatio, 197 250  
Ansbertus filiam Lotharii Regis duxit, 185 eius proles, ibid.  
S. Anselmi epistola, 121 opus suum quod Monologium inscribitur corrigendum vel approbandum mittit Lanfranco, 121  
Ansigisi Abbatis Fontanel. gesta, 232  
Apostolica disciplina, 48  
Archembaldus de Burgobono, 354  
Archiepiscopus causas aliarum Ecclesiarum terminare nequit sine consensu Episcoporum, 155  
Arnulfus Lexouienf. dilaudatur à S. Bernardo, 167  
Arnulfi Metenf. Episc. genus, 185  
Attrebatensis Ecclesiæ priuilegium ab Urbano pp. 2. concessum, 123 restituendum Episcopum decernit Papa, ib. Attrebatum populosa quondam ciuitas, ib. subdita fuit Cameracensi Episcopo, ib. Cardinali Episcopo perpetuo At-



# Index rerum & Verborum.

- trebatum gaudeat, 124. 126 id confirmatur à Paschali pp. secundo, 126
- Auaritia* in quo consistit, & quantum malum, 38
- Austrulphi Abbatis Fontinel. gesta*, 222
- B**
- B**agga Monachus. ac Presbyter Cœnobii Fontinel. sanctè vixit, 201
- Baini Abbat. Fontinel. & Episcopi Teruan. gesta, 195 & seqq. fuit Rector Floriaci Cœnobii, 196
- Baldricus Nouiom. Episc. 130
- Barrensis Comes, 442 & seq.
- S. Bartholomæus Apost. laudibus extollitur, 14 & seqq. In Armenia prædicat Euangelium, ib. eum alloquitur Christus, ib. Licaoniæ prædicauit, & Albanæ in Armenia martyrio coronatur, 18 ex Armenia eius corpus ad Liparam insulam appulit, 19 è Lipara Benèuentum translatus est, 22
- Beatorum officium, videre, amare, laudare, 135
- V. Beda historiam Anglorum ad annum vsque 731 perduxit, 208
- Begonis-Cella, siue Monasterium, nunc S. Blasii, 285
- Benedictina regula in Fontinellensi Cœnobio restauratur, 234
- Benigni Abb. Fontinellensis gesta, 198 & seqq. exulat iussu Ragenfredi Maioris domus, 198 quæ bona contulerit Fontinellæ, 203
- Bernardus Niuern. Episcopus, 645
- Bernardus Conuenarū Comes Monachum Conchensem interfecit, 175 quodd de illarum damnis satisfecerit vt dominium restituatur orant Abbas &c. 175
- S. Bernardi epistolæ, 165 & seqq. 492
- Bernardus Rex Italiæ Carolo Imperatori se tradit, 233
- S. Berta, 261
- Bertholdus Tullens. Episcopus, 284
- Monasterium S. Saluatoris construxit, 314
- Bertholdus Episc. Argentinenf. 383
- Bertrada post abiuratum prauum cū Rege Philippo commercium ab excommunicatione absoluitur, 130
- Bodonis-Monasterium à Bodone Episcopo Tullensi constructum, 283
- Bona Ecclesiarum ac Cœnobiorum dominationi potentium non attribuenda, 212
- Boni non tantum honorandi, sed & mali, 44
- De Boxeriis Monasterium à Gozelino Episc. Tul. exædificatum, 310
- S. Brunonis Episcopi Tullens. postea Leonis Papæ I X. actus, 312 310 v. Leo.
- Burdigalensem urbem vastant Saraceni, 209
- C**
- C**almosiaci Cœnobium Ord. S. August, 325
- Callisti I I. inaugurationem narrat Cono S. A. Legatus, 493
- Canutus Danorum Rex inuadit Angliæ Regnum, 257
- Capetianorum Regum genealogia, 639
- Carlomanus Rex, 218
- Carolus Dux Saracenos deuicit, fugauit, Regemque cepit, interemit, 209 213 Ducem Morontum fugauit, Prouinciam, aliâque plurima ditioni Francorum subegit, 216 Legatos Romam mittit Grimonem Corbeiz Abbatem, & Sigebertum Monachum S. Dionysij, 217
- Caroli

# *Index rerum & Verborum.*

Caroli Mag. genus & prolapia, 185  
 Carolus Mag. 227. 228. 231.  
 Cardinalis Episcopus Attrebat  
 perpetuò permaneat, 124  
 Castitas ac puritas acquiri nequeunt  
 absque castigatione carnis ac vi-  
 giliarum labore, 32, 33, 36 Castita-  
 tis sex gradus, 35 quomodo casti-  
 tas violatur, 37 Non sola corpo-  
 ralis sed potissimè mentis requi-  
 ritur, 38: Diuinæ gratiæ largitate  
 conceditur, 39: quantum quis in  
 patientia cordis, tantum in cor-  
 poris puritate proficit, ib.  
 Childbertus II. Rex, 195. 196. 197  
 203. eius filij, 196  
 Childericus I I. Rex, 207, 211, 215  
 216: Blichildis eius vxor, 211  
 Christianus quid intendere debeat,  
 62: comparatio inter philosophū,  
 Iudæum, Christianum & Clau-  
 stralem, ib. & seq. in Christianis  
 non principium sed finis quæri-  
 tur, 133  
 Clausi Cœli, Claustris, seculi, infer-  
 ni, mortis, 92  
 Cluniacenses Monachi cur obedi-  
 tiam præstare detrectant Alexan-  
 dro Papæ, 567: Vizeliacense Mo-  
 nast. usurpare tentant, 570 & seq.  
 Abbatis fastus Regi longè exo-  
 sus, 643.  
 Cogitationibus quæ mentem à  
 contemplatione reuocant non in-  
 terpellari impossibile est, 27. tria  
 cogitationum principia, ib. Con-  
 fessio prauas cogitationes propel-  
 lit, 30  
 Compunctionis vis & effectus, 133  
 Conchenſis, V. Monachus, Abbas  
 Vesianus nomine, 175  
 Concilium Lateranenſe Innocentio  
 Papa III. præſidente, 359  
 Concilium Turonenſe, cui præſidet  
 Alexander Papa III. 583: agitata

eo in Concilio causa Clericorum  
 Paris. aduersus Monachos San-  
 germanenses, ibid.  
 Concupiscentia carnis & spiritus,  
 31 & seq.  
 S. Conedus Monachus S. Vandregesili,  
 263  
 Confessionis virtus, 30: propellit pra-  
 uas cogitationes pura confessio,  
 ib. triplex confessio, 80: secunda  
 est baptismi regeneratio, ib. vera  
 confessio & eius efficacia 81 &  
 seq. in confessione actio, cogita-  
 tio, & intentio exprimenda, 82.  
*Ore confessio fit ad salutem*, qui  
 intelligendum, 134: varia confes-  
 sio, ibid. & seq. quando confessio  
 oris necessaria, & econtra, 135  
 Cononis Episcopi Prænestrini S. A.  
 Legati epistola de inauguratione  
 Callisti Papæ &c. 493  
 Consuetudo & vsus quomodo à le-  
 ge differunt, 50  
 Continentia V. Castitas.  
 Conradus Spirensis post Metens. E-  
 piscopus, 342  
 Correctionis modus, 54  
 S. Clementis I. Metens. Episcopi  
 actus percurruntur, 301

## D

Dagobertus Rex, 193  
 Dagobertus II. Rex, 202  
 Daimbertus Archiep. Senon. 130; Ei  
 scribit Paschal. Papa, ib. 470  
 De Dammartino Comes, qui terras  
 Ecclesiæ Paris. inuaserat, à Papa  
 excommunicatus, 128  
 Dani V. Normanni.  
 De Danubrio. V. de Salmis.  
 De Dasporch Comitatus, 382. Co-  
 mites Christianissimi extirpè,  
 383: plura Monasteria fundau-  
 runt, ibid.  
 Deo velle & facere, idem. 101  
 S. Deodati Monasteriū V. Adeotati.  
 N N n n

# Index rerum & Verborum:

Diabolus quare misericordiam Dei  
non consecutus, 59  
Dies ad opus, nox ad quietē 1. & seq.  
S. Dionysij Monasterium in valle  
Lebrath, 308  
Disciplinæ Claustralis Tractatus,  
42. Libertas animi nisi infatuata  
fuiſſet, disciplinā non indigniſſet,  
ibid. ad disciplinam Clauſt. perti-  
net pari & nō facere mala, ſed po-  
tius pro malis reddere bona, 45  
Disciplinæ auctores 47. quid di-  
ſciplinā Clauſt. ib. 58. 59. diſcipli-  
nā Angelica, 64: exercitia Clau-  
ſtralis diſciplinæ, 75  
Diues pauperi nō præferendus, 144  
Doctores qui veri, qui falſi, 138  
S. Dominicus Ordinem Prædicato-  
rum inſtituit, 372

## E

**E**cceſiæ Gallicanæ conſuetudo,  
182  
Eduardus Angliæ Regnum adni-  
tentibus Normannis adeptus eſt,  
238  
Einhardus ſive Eginhardus Abbas  
Fontinel. 234  
B. Elizabeth Ord. Franciſc. actus,  
399  
Erardus Episcop. Renesporch, 284.  
288  
Erchenoaldus Maior-domus, 190  
cius encomium, ibid.  
Eucharistiā præcipuè eſt neceſſaria,  
93: locū tenet in Eccleſiæ corpore,  
quem cor in homine, ib. ad Eu-  
charistiā quando accedendum,  
quando cedendum, quando re-  
cedendum, ib. quid cedere & re-  
cedere, 94: modus & tempus ac-  
cedendi, ib. intentio, & deuotio  
triplex, 96: cauſæ accedendi, ib.  
& ſeq. inſtitutio huius Sacramen-  
ti, 97, Vtilitas. 98, eſt virtus & ſa-  
nitas in corpore Chriſti, ib. tri-

plex neceſſitas Eucharistiæ, 99 &  
ſeq. quā ratione ſumendum cor-  
pus Chriſti, 101  
Eudo Dux Aquitanix Saracenos ad  
ſibi auxiliandum aduocauit, 109  
Eugenij Papæ II. Epistolæ, 475 &  
ſeqq.

Excommunicationis ſententiam qui  
ferre voluit maturitatem & gra-  
uitatem oſtendant, 183

## F

**F**acundi Hermianenſ. Epistola in  
deſeſione trium Capitulorum,  
106, & ſeqq. Vigilium ac Pe-  
lagium Pontif. Rom. perperam  
ſugillat, 107, anathemate inuolu-  
lutum ſe conqueritur, 110  
Ferrandus Flandriæ Comes, 345  
Ferricus Dux Lotharingiæ, 316  
Floriacum Cœnobium in pago Ve-  
locasmo exædificat Pipinus Dux,  
195, Subiectum Fontinellenſi, ib.  
196, poſſeſſiones dinumerantur,  
196  
Fontinellenſe Chronicon, 185. Fon-  
tinellenſe Cœnobium à quo fun-  
datū 88, quo in loco, 190, deſcri-  
ptio loci, ib. annus foundationis,  
192; conſecrata eſt Eccleſia à S.  
Audoeno, ib. detrimentum pati-  
tur Monasterium Teutſindo Ab-  
bate, 210; egeſtate laborātes Mo-  
nachi deſſeſcunt ab obſeruatiōe  
Regulæ, ib. reſtauratur, 234; quaſi  
Canonici agentes Monachi, ibid.  
conſtitutio illis facta ab anſegifo,  
244. Monasterium à Danis com-  
buſtum, 251: reſtauratur, 255  
Fornicatio deſcribitur, 37 & ſeq. V.  
Caſtitas.  
S. Franciſci vitæ inſtitutio, & Ordi-  
nis Minorum, 373  
Francorum Imperium poſt obitum  
Ludouici Pij diuiditur, 186  
Fridericus Lotharingiæ Dux, 306

# Index rerum & Verborum.

308, 355  
Fridericus Imp. Alexandro PP. 3 ad-  
uerfatur, 339, à quo excommuni-  
catur, ibid. pœnitens absoluitur,  
340. aquis fubmergitur, ib.

Fridericus II. Imp. 362; Ecclefiz  
Romanz terram vfurpat, 363; filiâ  
Ioannis Regis Hierufalem duxit  
vxorem, 364. de Friderico multa,  
365 & feqq. Imperium ipfi abro-  
gavit Innocentius Papa, 366. Ve-  
neno interiit, 371

Fulco Comes Andegau. excommu-  
nicatus ob illicitas filiz nuptias,  
149

Fulco Fontinellz Abbas, 248

Fridericus de Salmis, 396

## G

Galo Scholæ Parif. Magifter, 155  
& feqq. excommunicatus ab  
Epifcopo, 157

Gaufridi Carnot. Epifcopi epiftolæ  
nonnullæ, 160. 163 & feqq.

Gaufridus V. Goffridus.

Gemeticense Cœnobium combu-  
ftum, 251, reftauratum à Guilel-  
mo Duce, 252

S. Genouefæ Parif. Ecclefia fub tu-  
tela Romani Pontif. 155

S. Georgij Mart. reliquiæ inuentæ,  
223

S. Germani Parifienf. Ecclefia con-  
fecratur ab Alexandro Papa III.  
582: caufam obtinet in Concilio  
Turon. aduerfus Clericos Parif.  
583

Gerardus ex I. Abbate S. Arnulfi  
Crefpeiensis præficitur Fôranel-  
læ Cœnobio, 258 & feqq. interfici-  
tur, 265; difcipulus fuit Fulber-  
ti Carnot. Epifcopi. ib.

B. Gerardus Tullenf. Epifc. clarus  
miraculis, 311

Gerardus Vadanimontis Comes,  
325

Gerardi Comitæ Testamentum, feu  
Fundatio Monafteriorum Pulta-  
rienfis & Vizeliacenfis, 446 &  
feqq. Berta eius vxor, ibid. epi-  
ftola Gerardi ad Nicolaum Papâ,  
qua iuri folius Roma. Pontificis  
vult præfata Monafteria, 452  
Geruoldi Abbatis Fontinel. gefta.  
228

Gilo Epifcop. Tullenf. 409. 427 &  
feqq. 431

Girardum Engolism. Epifc. Pafcha-  
lis 2 Papa Legatum fuum con-  
ftituit in Gallia, 132

Godo nepos S. Vandregesili, 190

Gofridus Epifc. Niuernenf. 518, 520

Goffridus ex Abbate S. Medardi  
Suelf. Epifcopus Catalau. 165

Gorzæ Monafterium, 318

Gozelinus Tullenf. Præful Epif-  
copatum inftaurat, 310

Gradulfus Decanus, poft Abbas Fô-  
tinellæ, 263. 266 & feqq. Vica-  
rium Rotomag. diœcefis confti-  
tuere proponit Malgerius Ar-  
chiep, 267

Gratia remunerabilem religionem  
& difciplinam reddit, 63. Supre-  
ma ex gratia cum libero arbitrio  
adimplentur, 64. gratia cum præ-  
uenit mentem, oratio grata & de-  
uota eft, 83. Deus longè eft à cor-  
de cum fubtrahit gratiam, ib.

Gregorij PP. I X. epiftolæ, 171 &  
feqq.

Grimo Abbas Corbeiz Legatus Ro-  
mam à Carolo Martello miffus,  
217

Gualo Epifc. Parif 130

Gualo V. Galo.

Gualterus. V. Valtèrius.

Guichardus ex Abbate Pontinia-  
cenfi Archiep. Lugdu. 593. 645

Guido Cardinal. Cremonenf. 566

Guilhelmus I. Niuernenf. Comes 470

NN nn ij

# Index rerum & Verborum.

- iura Vizeliacens. Monasterij vsurpare cōatur, ib. & seqq. 529; Carthusiæ Monachus effectus est, ib. 534, à cane deuoratus, ib.
- Guilelmus de S. Amore agit coram Summo Pontif. nomine Paris. Academiæ aduersus Prædicatores, 410
- Guilelmi Normanni nuptias cum filia Fulconis Comitis Andega. ob cognationem dissolui mandat Callistus PP. 149: idèd Fulco excommunicatur, ib.
- Guilelmus Dux Normanniæ Gemeticense Cœnobium instaurat, 252 eius tempore fides Christiana floret, ib. statuerat Monachicū habitū assumere, sed fraude Herluini morte præuentus, ib.
- S. Gundelbertus Archiep. Senonensis, quo tempore floruerit, 273 abdicato Archiepiscopatu secessit in Vosagieremum, 274, Fundator fuit Monasterij Senoniensis, ibid. & seqq.
- H**
- Adriani Papæ I V. epistolæ, 501 & seqq.
- Hæretici Deonarij seu Poplicani Vizeliaci deprehenduntur, 644 quales eorum hæreses, ibid.
- Harduinus Monachus Fontinel. in Cella S. Saturnini eremiticam vitam duxit, 230
- Helias Episc. Aurelian. 507
- Henricus de Albomonte, 394
- Henricus Argentinenf. Episc. 414, 417 & seqq.
- Henricus Beluacensf. Episc. postea Archiep. Remensf. 567
- Hericus de Danubrio dictus de Salmis, 381, 385, vxorem duxit sororem Friderici Ducis Lotharingiæ, 392, eius filij, ibid. mors, 393
- Henricus Abbas Pontisarenf. 151
- Henricus Episcop. Eduensf. Ducis Burgund. germanus, 508
- Henricum filium Ludouici VI. Regis Franc. Clericum in suam protectionem suscipit Papa, 150
- Henricus Imp. filius Friderici. 341
- Henrico I. Comiti Campaniæ dicat Petrus Cellensf. Tractatum de Disciplina Claustrali, 42. 43
- Henricus Portugalliæ Comes fœdus init cum Raimundo Comite, 122
- Henricus Comes Trecentis aduersatur Alexandro Papæ III. 578 & seqq. quare, 580
- Henricus Pisanus Cardinal. Electus Mogunt. Archiep. 605, 611
- Herbertus Lexouiensf. Episcop. 266
- Herbertus Latiniaci Abbas doctissimus, 258
- Heremberti Tolosani Archiep. corpus in Monasterio Fontanellensf. 263
- S. Hildegardis prophetiæ dono prædita, 371, eius scripta, ibi. Prophetia, 409
- Honorandi non tantum boni, sed & mali, 44
- Hubertus Episc. Siluanest. 130
- Hugo Niuernensf. Episc. 470
- Hugo I. Cluniac. Abbas, 122
- Hugonis electi Archiep. confirmationem à Summo Pontif. petunt Clerici Rotomag. 151: scribit Eugenio Papæ de Vizeliacensium libertate, 486
- Hugonis Archiep. Rotomag. Rectoris Cœnobij Fōtinel. gesta, 205 & seqq. Episcopus etiam fuit Paris. & Abbas Gemet. contra decreta Canonum, 207
- Hugo de Tillio, 530
- Hugo Antissiodor. Episc. 470. 484
- Hugoni Senonensf. Archiep. scribit Alexāder Papa, 597: epistola Hu-

# *Index rerum & Verborum.*

- gonis ad Comitem Niuern. 601  
 Iudex delegatus à Papa in causa  
 Vizeliacensium & Comitiss Niuern. 612. scribit Episcopis Eduē-  
 si, Lingon. Autissiodor. & Niuern. se sententiam excomunica-  
 tionis in Comitē Niuern. tulisse,  
 615, scribit Abbati Vizeliac. 629  
 Humbaldus Cardinal. Hostiens. E-  
 pisc. 566  
 Humbaldus Episc. Autissiodor. 130  
 Humbertus Ecuens. Episc. 507  
 Humbertus Lugdu. Archiep. 519  
 Humilitas Christiana exerceri non  
 potest sine honoris mundani ia-  
 ctura, 32  
 Hunfredus Comes Pratlense Cœ-  
 nobium ædificat, 267  
 S. Hydulphi Archiepisc. Treuirensis  
 actus summam referuntur, 284  
 & seqq. 289. tres salinarii fontes  
 in horto Monasterij, quod impe-  
 dimento essent quieti Monacho-  
 rum, à Deo impetrat, vt prio-  
 rem aquæ dulcedinem acciperet:  
 & à miraculis S. Spinolus absti-  
 neret, 287. Quia ex fontibus &  
 miraculis quæstus spreuerat, am-  
 pliora ei Deus impertiuir, ib. cor-  
 poris translatio, 309
- I**  
 Acinthus Cardinalis, 591. 592  
 Iacobus Metens. Episcopus, 376  
 eius actus, 385. 420. 422. obitus,  
 424  
 Ida Comitissa Niuernens. 594  
 Ildesonus Rex Arragonum fundat  
 Monasterium Sylux-regalis, 168  
 Imma nubis Adelredo Regi Anglo-  
 rum, 257 item Canuto qui Regnū  
 vsurparat, 258  
 Imma fœmina mutato habitu Fon-  
 tanellæ mansit, 263  
 Imagines sacras deponūt Senonien-  
 ses ob diras vexationes ipsas illa-  
 tas, 423  
 Innocentij Papæ II. laudes profe-  
 quitur S. Bernard. 167: Epistolæ,  
 471 & seqq.  
 Innocentius I & I. Papa. 354  
 Innocentij Papæ I V. electio, 366  
 Imperio Fridericum dæicir, ib  
 Interdicti sententiā tulit Theobald.  
 Archidiac. inconsulto Episcopo  
 Paris. 161. Interdicto ferit Regnū  
 Angliæ Stephanus Cantuariens.  
 170  
 Inuidiæ gehenna est, 46  
 Ioannes de Brine Rex Hierusalem,  
 364  
 Ioannes Cardinalis S. A. Legatus in  
 Anglia, 543  
 Ioannes Cardinalis de S. Martina,  
 566  
 Ioannes Metensis Episcopus, 383.  
 587  
 Iocerannus Lingon. Episc. 470  
 Iocius Taron. Archiep. Regis Fræc.  
 Nuntius, 580  
 Iordanus Cardinalis S. A. Legatus  
 in Gallia, 544  
 Iosephab Arimathæa corpus ad Mc-  
 dianum Monasterium defertur,  
 305  
 Ismarus Cardinal. Episcopus Tus-  
 culan. 566  
 De Iudæis multa. 401 & seqq. 404  
 Iuliobona vrbs à Gaio Iulio ædifi-  
 cata, 214, Caletum antea vocata,  
 ibid.
- I**  
 Iuo Carnot. Episc. 130  
 Iusti Orgelitan epistola, 119, com-  
 mentarium edidit in Cantica  
 Cant. 120
- L**  
 Lambertus Episcopus Attreba-  
 tens. à Papa institutus ac con-  
 firmatus, 123. 124. 126: Legatus à  
 Summo Pontif. recipit Philippi  
 Regis iuramentum, quo ipse pel-  
 l-

## Index rerum & Verborum.

- licem abdicare promittit, 129
- Landonis Archiep. Remensis, & Rectoris Fontinel. Abbatiz gest, 208
- Lectio vberiorem orationis fructum producit, 12, quomodo proficiendum ex lectione, 54, silentio concatenata est lectio, 78: est pascua vberima, ib. quam utilis, ib.
- S. Leo Papa IX. è Comitibus de Dasporchoriundus, 383, V. Bruno.
- Lex quæ à Consuetudine & usu differt, 50, Lex Evangelij perfecta, 98
- Libertas animi ex proprio arbitrio infatuata eget pœnali disciplina, 42
- Libertas velut odor suavis, 139
- De Lictsemberch Dominus, 432 & seqq.
- Logense siue Longense Cœnobium, 200
- Lucij Papæ II. Epistolæ, 473 & seq.
- Lodouici Pij Imp. genus & proles, 185, 232, 233, 248
- Ludouicus VI. Regnum Franc. dilatauit, 639
- Ludouici VII. Epistola Pontio Abbati Vizeliac. 500. dilaudatur, 639
- Hierosolymam petit, ib.
- S. Ludouicus quare iter Hierosolymitanum aggressus est, 397, Damiatam obtinet, 369, capitur Rex à Saracenis, 370, ipsi suadere conantur Fratres Prædicatores ut habitum religionis assumat, 411
- M
- M**Aherus Episc. Tullens. 327 328 & seqq.
- Maheus Lotharingæ Dux, 325
- Mainardus Abbas Fontinelæ restaurat Monasterium penitus dirutum, 255, eliminatis Clericis Abbas S. Michaëlis præficietur, 256
- Malgerius Archiep. Rotomag. filius Ricardi II. Ducis Norm. 264
- Manasses Aurelian. Episcopus, Legatus Ludouici VII. Regis Franc. 578
- Manasses Meldens. Episc. 130
- Matrimonium quo in gradu possit contrahi statuit Innocentius III. Papa, 360
- Matthæus Lotharingæ Dux, 325
- B. Mariæ Magdalenz corpus olim Vizeliaci asseruatum, 526, quo anno exceptum ibidem fuit, 540
- Matthæus de Montemorenciaco, 165
- Mauricius Paris. Episc. Regis Franc. Nuntius, 580
- Medianum-Monasterium à S. Hydulpho ædificatū, 285 Imperiale fuit, i. armatorū cuneos ad Imperatorem dum bella vrgerent, mittere solebat, 290: illius Abbas Fortunatus Patriarcha Ierosolymitan. 305. Monachi expelluntur, 306, restituntur, ibid.
- Metis Vrbs quare Mediomattica dicta 299, Archiepiscopatus honore olim insignitam asserit Richerius Senoniens. ib. Metenses à Comite Barrensi sunt interfecti, 326
- Monachorum vigilæ laudantur, 1. Monachi finis & scopus, 24: quod studiū, 25, Monachorū disciplina, vide disciplina. Monachorū disciplinæ exēplar Apost. 48 & seqq. præsertim B. Paulus in suis Epistolis regulas illis præfigit, ib. Religionis quæ vincula, & exercitia. 51, 52: quomodo scientia sæculari vti debet Monachi 56, Crucifixo Christo assimilari 58: ad quid monasticā vitam multi arripiunt 59
- Claustralis quid intendat, 62: cō-



## Index rerum & Verborum.

- paratio inter philosophū, Iudæū, Christianum, & Claustralem, ib. & seq. Monachorum exercitia 75 eorum quale silentium 76: Monachus Conchensis crudeliter interfectus, 175, egestas Monachis quare perniciofa, 210. Capitulum Monachorum Conuentus appellatur, vbi lectio diuina recitatur, & de regulari obseruantia agitur, 239, dissolutio Monachorum ob inopiam 291
- Monasteriorum bona nō distrahenda, nec dominationi potentium tribuenda, 212, quid inde mali proueniat, ibid.
- Morte nihil bonis appetibilius, nihil malis odiosius, 85; quanta bona ex morte ijs, qui non sunt de mundo, proueniant, ib. & seq. dies mortis à Deo constituta, 86: mortis debitum nemini indultum, nec ipsi Filio Dei, ib. ad mortem preparatio, ib. & 87: mortis meditatio perneccessaria 89. ad hanc meditationē pertinet mors Christi, mors diaboli, mors hominis, 90 & seq. mors Christi quid operatur, 91
- N
- N**Anthildis Regina, 194  
S. Nicolai corpus Barium trāsferitur, 324: digiti eius articulus in Lotharingæ oppido collocatur, 324
- Normanni Galliam intrant, vastantque, 250 & seq.
- Nox ad quietem, dies ad opus, 1. & seqq.
- O
- O**dilia Virgo visum meritis SS. Hydulphi & Erardi recipit, 288: eius acta quedam percurruntur, ib. & seq.
- Odo Burgundix Dux, 479, 481
- Offæ Regis Anglorum ad Geruoldum Abbatem epistola 229
- Olricus Abb. Paris. S. Maglorij, 130
- Opus nullū remunerabile est, quod non commendat gratia cum conscientia bona, 63
- Oratio duplex, laboriosa, & deuota, 83. Oratione ira Dei deletur, & gratia conceditur, ibid. gratia præuenit orationem, ib.
- Otto Cardinal. S. A. Legatus, 569
- Otto Imperator, 310
- Otto de Brunswich Imperator, 348 cum inaugurat Innocentius 3 Papa, 343 & seq. cui ille aduersatur, ac bona Ecclesiæ inuadit, ib. bellum init cum Rege Franc. 345
- P
- P**aschalis 2. PP. Epistolæ 126 & seqq. ab excommunicatione absolui mādatur Philippum Regē, 128, Epistolæ Vizeliacē sibus scriptæ, 469
- Patientia & lenitate cum gratia Dei castitas acquiritur, 39
- Pauperes qui non subleuat idololatriz reus est, 38: pauperi diues non præferendus, 144
- Peccatum, primi parentis vnde, 55 quæ sunt peccata ex sensualitate, & quæ ex ratione, 82
- Pelagium Papam lacessit iniurijs Facundus, 107
- Petrus Cellensis quare Tractatum scripsit de disciplina Claustrali, 43. 45: triginta annis vitam religiosam professus, 45, ischiade affectus, ib. vult vt scripta sua non ad plausum, sed ad planctum legantur, 46
- Petrus de Collemedio A. S. Legatus, 172 & seqq.
- S. Petrus Ord. Prædicat. martyrio afficitur, 407
- Philippus Sueuiæ Dux, Imperator,

# Index rerum & Verborum.

341, 342  
 Philippus Metens. Episcop. 431, 433,  
 442 & seq.  
 Philippi Augusti Regis Franc. iu-  
 dicium, 314; insignem victoriam  
 refert de Imperatore, 345, obitus  
 & sepultura. 351, 352  
 Philippus I. Rex Franc. à vinculo  
 excommunicationis absoluitur,  
 128, iuramentum eiusdem, 129, 130  
 Pibo Episc. Tullens. 321  
 Pipini Regis genus & prosapia, 185  
 Pipinus Rex, 218, 219, 222  
 Plestrudis vxor Pipini, 196  
 Pœnitentiz veræ indicia, 132 & seq.  
 effectus corde pœnitentis, 133: pœ-  
 nitentia non tempore, sed cordis  
 amaritudine ponderatur, 134  
 Popo Treuirens. Archiep. 320  
 Portæ sæculi, Claustrî, & Cœli, 91  
 & seq. de Posserijs, V. Boxerijs.  
 Prædicatorû Ordo instituitur, 372  
 Prædicatores inter & Clericos  
 Parisienses grauis controuersia,  
 409 & seqq. suadere conantur S.  
 Ludouico, vt habitum religiosum  
 sumat, 411  
 Prælati quid debeant præcauere,  
 212  
 Pratellense Cœnobium ædificatur,  
 267, regitur à Gradulfo Abbate  
 S. Vandregesili, ib. I. Abbas, ibid.  
 Primasium Bizacenum sugillat Fa-  
 cundus, 107  
 Psalmodiæ bonum, 7, Auctores, ib.  
 Psalmorum vtilitas maxima, 8 &  
 seqq. Psalmodiæ vsus antiquus,  
 10, Psallendi modus, 11  
 Pultariensis Monasterij fundatio,  
 448

## R

**R**ado Scriptor Regalium pri-  
 uilegiorum, gerulâque an-  
 nuli Regij, 194  
 Radulfus Archiep. Turon. 130

Radulfus Comes Rotomagensis,  
 194  
 Raginfridi Archiep. Rotomag. &  
 Rectoris Fontanellensis Abba-  
 tiz gesta, 216  
 Raimundus Tolosanus Comes iu-  
 beretur cum vxore habitare, 171, pe-  
 tit vt pater in cimiterio Eccles.  
 sepeliatur, 172, & terminus solu-  
 tionis 10. mil. marcarum & itine-  
 ris Ierosol. à Papa protogetur, 173  
 Ordini Cisterc. soluat debitam  
 pecuniam iubet Papa, 174  
 Raimundus Gallæciæ Comes scæ-  
 dus init cum Hérico Comite, 122  
 Renaldus Abb. S. Germani Paris.  
 130  
 Rainoldus Abb. Stamp. 130  
 Ratharius Comes, 211  
 Renaldus de Sanlize Episc. Tullens.  
 328, 329 & seqq.  
 Regnum Dei & diaboli quâ diffe-  
 runt, 26: Regnum Dei tripliciter  
 sumi potest, ibid.  
 Religiosi V. Monachi.  
 Religionis quid substantiale, quid  
 accidentale, 50: remunerabilis nō  
 est religio quam non commendat  
 gratia cum conscientia bona, 63  
 Remigius Archiep. Rotomag. 218  
 Richardus Dux Normanniæ sceli-  
 citer gubernat, 252  
 Richardus II. Dux Norman. laudi-  
 bus attolitur. 257. eius proles,  
 264. f.  
 Richardus III. Dux Norman. 264  
 Robertus Archiep. Rotomag. dedi-  
 cat Ecclesiam S. Vandregesili, 266  
 Robertus Dux Normanniæ, 264: res  
 præclare ab eo gestæ perstringun-  
 tur, ibid.  
 Robertus Episcopus Constantiens.  
 266  
 Rodolphus de Habesporch. 437  
 Rogerus Episc. Tullens. 387  
 Rollo

# *Index rerum & Verborum.*

Rollo Dux Normannæ Christo dat  
nomen, 252, leges æquissimas in-  
stituit, ib.

Romanus Cardinal. A. S. Legatus,  
174; instituit Academiam Tolosa-  
nam, 181

Roscelinus Clericus Compend. re-  
prehenditur, 141, & seq.

Roscelinus Ducis Norman. Cubi-  
cularius, 259

## **S**

Acerdotes crudeliter interfecti,  
413, & seqq.

De Salmis Domini, 381, 385, 392, 393,  
396, 397, 420, & seqq. 427, & seq.

S. Saluatoris Monasterium, 314, 316

Scientiæ veræ ac cœlestis acquiren-  
dæ media, 40, eiusdem scientiæ  
descriptio, ib. & seq. scientia se-  
culari quæ vtendum, 56, 57

Scripturæ sacræ vera scientia, 40, &  
seq. In Scriptura potius spiritus  
requirendus quàm litera, 43

Senobaldus Cardinalis, 366

Senonensē Archiepisc. subijci non  
debere Lugdunensī contendit  
Rex Francorum, 147

Senoniensis Monasterij descriptio,  
273, & seqq. nominis etymon,  
275, à quo fundatum, 274, & seq.  
Ecclesiæ primæ dedicatio, 276  
quando subiectum est Monaste-  
rium ditioni Metensis episcopi,  
299, ab Episcopo Met. tempora-  
lia, à Tullenſi spiritalia recipit,  
303, Abbatum iura, 304, Aduocati  
constituuntur, 304, peruersi Ab-  
batis ac Monachorum mores, 317  
restituuntur disciplina regularis,  
319, Prioratus de Danubrio, de  
Meruaille, & de Xuris, 408, ob  
diuas vexationes Domini de Sal-  
mis sacras imagines deponunt  
Senonienses, eumque excommu-  
nicatum proclamant, 423, diri-

piuntur omnia quæ ad id Mona-  
sterium attinent ab ipso de Sal-  
mis, 424, & seq.

## **ABBATES SENONIENSES.**

I. S. Gundelbertus, pag. 273, & seq.  
Mageramnus, 299, Agericus,  
Mageramnus, Bôciolus, Stepha-  
nus, Angelramnus Metens. Episco-  
pus, ibid. Norgandus, 303, Adel-  
hardus, 317, Rangerus, 318: Ram-  
bertus, ib. Bercherus, 321, Anto-  
nius, 322, Galterus, 323, Humbert-  
us, 326, Gerardus, Bernardus,  
Theodoricus, ib. Cono, 327, Hé-  
ricus, 338, 381, Vvidericus, 384,  
Balduinus, 387, 390. 420, & seqq.

Sepulturæ traditi SS. Vindreges.  
Ansbert. & Vulfran. cum vestibus  
Sacerdotalibus, 198

S. Sidonij Cella seu Prioratus, 208

Sigebertus S. Dionysij Monachus  
Romam Legatus à Carolo Mar-  
tello missus, 217

Silentium quale esse conuenit, 76, &  
seq. rationes obseruandi silentij,  
77, silentio concatenata est lectio,  
78

S. Simeonis Metens. Episcopus corpus  
transfertur, 300, 303

Simon Dux Lotharingæ, 316

S. Sixti Monasterium prope ciuita-  
tatem Remensem, 233

S. Spinuli miracula, 286

Stephanus Metens. Episcopus, 322

Stephanus Cantuariens. Regnum  
Angliæ interdicto ferit, 170, nullā  
eius electionem Rex declarat, 171

Stephani Episcopi Paris. epistola  
quæ Ecclesiæ suæ iura tuetur, 155  
& seqq. 161, eius constantia & pa-  
tientia, 162, necem eius conspi-  
rant aduersarii, ib.

Stephanus de Guarlanda Archidia-  
conus Paris. renuit Episcopi iudicium,  
558, & seq.

OOO

# *Index rerum & Verborum.*

Stephanus Tullensis Episcop. 310  
 Striagiense Monasterium Ord. Prę.  
 monstrat.. 275  
 Superbia quantum sit peccatū pau-  
 ci perpendunt, 141  
 Stephanus Eduens. Episc. 467, 471  
 Sybillę Beguinę actus & illusio,  
 375  
 Syluz-regalis Monasterij fundatio  
 ab Ildefonso Rege Arragonum,  
 168

Stephanus Meldens. Episcop. Iudex  
 delegatus à Papa in causā Vize-  
 liacensium, 612

## T

**T**assilo Dux Baiarię, 229  
 Teursindi Abbatis S. Martini  
 Turon. & Fontanellensis gesta,  
 210

Theobaldus Abbas S. Germani Pra-  
 tensis Legatus Ludouici Regis,  
 578

Theobaldus Dux Lotharingę, 332  
 333, 357, 382

Theobaldi Archidiacon. Paris. perui-  
 cacia erga Episcopum, 161

Theobaldus Maiordomus, 202

Theobaldi Stampens. epistolę va-  
 rię, 132 & seqq.

Theodoricus II. Rex, 204

S. Thomas Cant. Archiepisc. exul in  
 Gallia, 593; adit Alexandrum Pa-  
 pam, ibid.

Tolosę Academia instituta ac con-  
 firmata, 181, statuta, 182

Trafarius Abbas Fontinel. 232, 234

## V

**V**alterus Tornacens. Episcopus  
 Legatione A. S. fungitur, 178  
 & seqq.

Vando v. Vvando.

**V**andregefilii genealogia, 185, gesta,  
 188 & seq. Vvando vocatus, 188  
 S. Vandregesili Monasterium, V.  
 Fontinellense, S. Vandregesilus

Regulam S. Benedicti obseruan-  
 dam instituit, 210, corporis eius  
 translatio, 250, reddere se offert  
 corpus S. Vandregesili Girardus  
 Abbas Gandau. sed repulsā passus  
 est ab Aulicis, 254, Gandau re-  
 quie scit, ib.

Venascenum Comitātū cur Ecclesia  
 Rom. retineat, 177, & seqq. hunc  
 renuit Papa reddere Comiti To-  
 losano, 183

Vesianus Abbas Conchenfis, 175

Vigilię sacrę quā saluti necessarię,  
 1. & seqq. vigiliarum antiquitas, 3  
 Vtilitas, 5, Quę ad Vigilię prę-  
 paratio, 6

Vigilium Papam iniurijs afficit Fa-  
 cundus, 107

Vizeliacensis Monasterij fundatio,  
 448, argenti librę duę singulis  
 annis solui debent Romano Pon-  
 tifici, 449, 454, 462, & seqq. 528  
 cui subditur Monasterium, 450  
 451, 452 ubi situm est, 448, 454  
 Nicolaus I. papa confirmat fun-  
 dationem, 458, & Ioannes Papa  
 VIII. & alij Summi Pontifices,  
 461. & seqq. Abbas interficitur,  
 471, Vice Papę Eduensis Episcopus  
 Abbati benedicit, 472, im-  
 munitates infringere tentat idem  
 Episcopus 472, & seqq. arbitros  
 constituit Papa Lingonensem E-  
 piscopum & Bernardū Ab. Cla-  
 reuall. 472, Auctor quare historiā  
 Vizel. scribere aggressus est, 506  
 525. Quare strenuē Pōrtius Abbas  
 libertatē Ecclesię Vizel. propu-  
 gnauit, ib. Quę Vizeliaci privile-  
 gia, 507, 526, 527: ea primus per-  
 turbare tentat Hūbertus Eduens.  
 Episc. ib. Helias Aurelian. Ordine  
 sacrosperente Abbate cōfert,  
 ib. Henricus Eduens. Episcopus ius  
 Ecclesię Vizeliac. infringere co-

# *Index rerum & Verborum:*

- natur, 508, coram Eugenio Papa III. de ipso iure controuertitur, 509, causa cadit Episcop. Eduenf. 510, 541, cum eo tandē Abbas Vizel. pacem init 522. Monasterium Vizeliacense cū subuersum fuisset, instauratur, ac Monialibus exclusis Monachi inhabitant, 527 Guilelmus Comes Niuernens. v. surpare aggreditur dominiū Vizeliaci, 529, lis inter ipsum & Vizeliacenses, 530, filij Comitis vexando Monachos Vizel. patrem imitantur, 534, & seqq. deprædatur Comes bona Vizel. 537, de interficiendo Abbate coniurant Oppidani Vizel. 546, adhærent Comiti, 548, & seqq. pessimè Monachos diuexant, 551, & seqq. tandem pace composita cum Comite Vizeliacum suam obtinet libertatem, 564, in eligendo Abbate consensus Comitum Niuern. haud requirendus, 569, Cluniacenses v. surpant regimen Monasterij Vizel. 570, sed ab illorum potestate eximitur, 572, Hugo Pidtauinus Auctor Historiæ Vizel. 610, Monachi crudeliter vexati aufugiunt, 622, Parisiis Regi pandunt causā itineris & doloris, 626, 628, clementer à Rege excepti, 626: qui Monachos ipsemet restituit, 632 pacem tandem Comes init cum Abbate, 641
- ABBATES VIZELIACENSES.** Eudo, 461, 527, Aymo 463, Guido, 464, Eldrardus, ib. Robertus, 465 Gaufridus, 468, Berno, ib. Altardus, 469, Robertus. ib. Artaldus, 472, 475, Pontius, 472 & seqq. 524, 568, Renaldus, 532, Guilelmus, 568, & seqq.
- Vmbaldus, v. Humbaldus.
- Vniuersitas, v. Tolosæ.
- Voluntas bona quā efficax, 136
- Vosagi descriptio, 273, & seqq.
- Vrbanus IV. Papa, 442
- Vvalterus Argentinenſis Episc. 434 435, & seqq. 440
- Vvarato Maiordomus, 206, Ansſedis eius vxor, ib.
- Vvando Abbas Fontinel. in exilium pulsus, 199, reuocatur à Pipino Rege, 217, eius gesta, 218
- Vvandregeſilus v. Vandregesilus.
- Vvido Abbas Cœnobiorum S. Vedasti & Fontanellens, 215
- Vvidonis siue Vvidolaici Abbatis Fontanel. gesta, 226
- Vviboldus Carol. Mag. Capellanus, 228
- S. Vvlftrannus ex Monacho Fôtanel, Archiepisc. Senonenſis, 249, 259 Frisiam petit Euangelij prædicandi gratiā, ib. obit Fontanellæ atq; inibi sepultus est 250, corporis eius translatio, ib. 263, Inuentum corpus integrum cum veste Sacerdotali, 260, in capsâ argentea repositum, 263, Rotomagum deferretur, 270
- Vvlfaldus Maiordomus, 211
- Zundebaldus Dux Lotharingæ, 306
- O O O ij



CHRONICI FONTINELLENSIS  
varia lectiones.

**P**agina. 189. *linea. 22.* audiens lege, adiens. *lin. 24.* ac vitæ arctioris explorandi semitam. *lin. 30.* Eo deinde loco deserto.

Pag. 190. *lin. 4.* posset habere gazas. *lin. 5.* Coangelico Episcopo *lin. 10.* construxit. *lin. 13.* bonæ recordationis sæpèfati Dagoberti. *lin. 15.* cum filio eius Hlodouco & Baltilde. *lin. 22.* in quo saltu etiam ædificatum. *lin. 32. & 33.* emanationis per spacia passuum plus minúsve &c.

Pag. 191. *lin. 1.* Quæ admirabilis. *lin. 8.* passus octingentos quinque. *lin. 12. & 13.* impetu tempus malinæ accedunt. *lin. 22.* cum quis illuc aduenerit.

Pag. 192. *lin. 5.* Indictione III. æuo III. *lin. 6.* vndecimus. *lin. 7. dele. III. lin. 8.* gubernante anno X. *lin. 14.* admirabilis Pater. *lin. 23. & 24.* ædificatis Basilicis.

Pag. 193. *lin. 24.* ante accessum illuc. *lin. ult.* iuberet patrari donationem, &c.

Pag. 194. *lin. 3. & 4.* iussu Regis & Reginæ, vt ex sua indulgentia iugiter teneret. Edita est hæc confirmatio pridie Non. Februarij. Nam & ipsa auctoritas in hoc Cœnobio seruatur. Defuncto autem Rothmaro remansit filius eius Airamnus in pueritiæ annis. Quo tempore Erchinoaldus Maior domus Regiæ à prædicto Airamno commutauit supradicta locella data eidem in territorio Velioassino alia pro ipsis; vnde Pater eius Rotmarus carnis originem duxit. Beatus quoque Vvandregesilus à prædicto Patricio sub titulo pretij eadem locella adeptus est. Edita fuit anno XII. sæpèfati Regis Compendio Palatio Regio die Kal. Mart. congregatis Francorum populis in Campo Martio, vbi omnibus annis conueniebant, veluti omnibus notum est.

Pag. 197. 20. *lin.* quæ vocatur Pausas.

Pag. 198. *lin. 13.* Ansbertus annis XI. *lin. 14.* Vulfstanus an-

nis XI. *lin.* 19. *& Flauiacensis.*

Pag. 202. *lin.* 5. *dele. vt. lin.* 7. Benignum in Ecclesia orationi secretius insistere. Tunc vnus ex ministris concito gradu eundem Patrem adijt, fundentemque Domino preces solo prostratum reperit: cumque diutius, &c.

*lin.* 25. suggerente Theobaldo maiore, &c. *lin.* 29. per illum lacum, &c.

Pag. 203. *lin.* 7. petrificata & ipsum bracum ad ipsum mansionilem. *lin.* 9. secus illam viam publicam quæ dicitur ad duos pontes & ad Bracum qui dicitur bricilonem. *lin.* 29. huic Coenobio Semrau & Mauronis cisternam, possessiones, & sitas in pago Calorinse.

Pag. 204. *lin.* 19. Tulbiaco Castro. *lin.* vlt. Gislehardus monticellos.

Pag. 205. *lin.* 4. & 5. Paterfamilias Ictor nomine. *lin.* 13. & 14. Summacrana laegitius est. *lin.* 15. Roccolini lucum siue Bertilinum curtem & Nanciacum. *lin.* 16. Saciacum siue Dingum. *lin.* 20. & 21. Colnicio. Obiit autem isdem venerabilis Pater Benignus XIII. Kal. Aprilis.

Pag. 206. *lin.* 2. & 3. Incarnationis septingentesimum trigesimum. *lin.* 33. propagatione & restauratione ac exaltatione, &c.

Pag. 207. *lin.* 1. vigesimus tertius à M. &c. *lin.* 11. Indictione vndecima. *lin.* 14. Feria IV. Factus verò Præsul contulit possessionem suam, quæ vocatur Mollinus-Cottus, huic Coenobio sitam in pago Belloacensi super fluuium Masso, continentem mansos LXXXIV. Inter reliqua, &c.

*lin.* 15. etiam Vintlanam villam, &c. *lin.* 30. Mensatas hoc in Coenobio constituit, deputatis videlicet villis quæ per vnumquemque mensem sufficientem præberent alimoniam, &c.

Pag. 208. *lin.* 23. quæ est in Vvarinna.

Pag. 209. *lin.* 23. Picta uem urbem profecti sunt, basilicamque &c. *lin.* 34. Apostolorum Principis huius Coenobij, &c.

Pag. 210. *lin.* 1. *Gesta TEVTSTINDI mali Rectoris. lin. penult.* Adeptus nanque iste locum regiminis &c.

Pag. 211. *lin.* 12. Vvarinnam fiscos duos qui sunt in pago Tellau iuxta fluuios Tellas & Vvarinna, *lin.* 18. Regina sua Bli-

OOOO iij

tilde. *lin. 20.* Inuonis & Ermonis, *lin. 33.* Vallis Cucunioli  
in pago, &c.

Pag. 212. *lin. 14.* Cœnobijs sunt collata, de iure Ecclesia-  
rum ac Cœnobiorum ablata. *lin. 26.* balthei & calcares fa-  
bricantur.

Pag. 213. *lin. 8.* non tollunt. talem vitam finientes excipiun-  
tur ab his qui Græco eloquio vocantur *ἡσυχασταί*.  
*lin. 36.* Erinharius Præpōsitus.

Pag. 215. *lin. 8. & 9.* quod est in Attrebatensi territorio. *lin.*  
*15.* ad aues ferendas erat. *lin. ult.* pago Constantino.

Pag. 219. *lin. 35.* tertiam partem de Eora.

Pag. 220. *lin. 13.* Episcopi & Rhetoris. Sermo de Adam,  
&c.

Pag. 221. *lin. ult.* delenda hæc verba Vvidolaici verò annus  
primus.

Pag. 223. *lin. 3.* cernentes Vicani, &c.

*Ita MS. codex perantiquus Abbatia Fontinellensis; quem cum  
serius optato acceperimus, nempe iam è prelo 12. capita emerferant,  
hic in calce voluminis Varias Lectiones, & Addenda, subijcere su-  
mus coacti. Quæ verò in priorum capitam marginibus variantia  
videbis, partim à V. C. Andrea Duchesno, partimque à nobis af-  
fixa sunt.*

FINIS.





## Errata.

Pag. 5. lin. 30. *lege* p̄doris. pag. 6. lin. 12. *lege* expediti. lin. 17. insuane-  
simus. pag. 11. lin. 3. in marg. *post h̄ic, adde, aliquid.* pag. 13. l. 6. *lege, Āo-*  
*ni.* pag. 35. l. 31. *post desiderijs dele virgulā, & pone eam postcius.* pag. 39. lin. 7.  
meritō, l. merito. pag. 58. lin. 25. altera, l. à terra. pag. 96. lin. 17. l. correption-  
nem. pag. 103. lin. 10. l. Moysem. pag. 17. lin. 36. l. fulti. pag. 83. lin. 18. l.  
mentem. pag. 126 lin. 20. in marg. l. 1101. pag. 141. lin. 33. l. donum. pag. 142.  
in marg. lin. 31. l. luo. pag. 189. lin. 36. l. ignarum. pag. 197. lin. 20. l. Pausas.  
pag. 205. lin. 12. l. isthinc. pag. 206. lin. 30. l. Baiocassinæ. *post* pag. 215. l.  
216. pag. 225. l. 33) & 34. l. promit. 280 lin. 16. l. copiosam. pag. 409. lin. ult.  
l. decidere. pag. 448 in marg. l. *Pontieres.* pag. 448. lin. 15. l. villas. pag. 457  
lin. 18. l. Illustrium. pag. 502. *in marg. post afficiant, dele, &c.* pag. 510. l. 12. in  
marg. causa cecidit. pag. 535. in marg. *ante conciliare, adde Abbas.* pag. 574.  
lin. 34. l. animos.

*In Praefatione.* pag. 5. lin. 3. l. Reliquiarum. pag. 11. lin. 6. l. Abendon.  
*Cetera, Lector, manu benigna emendabit.*



















